

# THOMAE RUDDIMANNI INSTITUTIONES GRAMMATICAE LATINAE

---

CURANTE  
*GODOFREDO STALLBAUM.*

---

PARS PRIMA  
ETYMOLOGIAM CONTINENS.

---

Pessime de pueris merentur praeceptores, qui aut regulas nullas tradunt, aut certe statim abiiciunt, et magnifice promittunt, fore ut usu loquendi discantur constructiones. Nam illi, qui non norunt regulam, etiamsi legunt exempla in auctoribus linguae, tamen loqui non satis audent, quia non habent certam rationem, ad quam dirigant compositionem verborum. Quare publice debebant in tales *praeceptores* poenae constitui, qui praecepta fastidiunt. Omnino enim danda est opera, ut tam diu in arte detineantur adolescentes, donec perfecti grammatici, donec architecti sermonis et absoluti artifices evaserint.

*Melanchihon.*

---

L I P S I A E  
SUMPTIBUS C. H. F. HARTMANNI.

---

MDCCCXXIII.

# GRAMMATICAE

## LATINAE

### INSTITUTIONES.

---

**G**rammatica<sup>1)</sup> est ars recte loquendi scribendique. Partes Grammaticae sunt quatuor, Orthographia, Prosodia, Etymologia et Syntaxis.

*Prima de Literis, Secunda de Syllabis, Tertia de singulis Vocibus, Quarta de Vocibus coniunctis, seu Oratione, agit.*

[\* *Quamvis naturae ordine Orthographia primum, ac Prosodia secundum in re Grammatica locum sibi vindicent; nobis tamen, ob maiorem docendi discendique facilitatem, commodius visum est de Etymologia prius et Syntaxi, posteriusque de Orthographia et Prosodia tractare.*]

#### Grammaticae pars prima.

##### De Etymologia.

Etymologia<sup>2)</sup> est ea Grammaticae pars, quae singularum vocum naturas et proprietates explicat.

Voces communiter in octo Classes distribuuntur<sup>3)</sup>, quae alio nomine *Partes orationis*<sup>4)</sup> appellantur.

Ex his quatuor sunt *Declinabiles*; aliae item quatuor *Indeclinabiles*.

---

1) Nomen habet a Graeca voce Gramma [γράμμα] i. e. *Litera*, sic dicta, quod a literis capiat initium. Proprie igitur nomen *Grammaticae* convenit Orthographiae, sed per Synecdochen arti universae tribuitur. *Voss.*

2) Ita cum vulgo hanc Grammaticae partem nominamus, quam melius cum Varrone *Analogiam* dixerimus.

3) Alii plures, alii pauciores vocum classes constituunt; nos receptissimam earum divisionem, eamque satia commodam, retinendam censuimus.

4) Quia ex his omnis oratio conficitur,

Declinabiles dicuntur, quae per casus vel tempora in fine possunt variari; scil. *Nomen*<sup>5)</sup>, *Pronomen*, *Verbum*, *Participium*.

Indeclinabiles, quae non possunt in fine eo modo<sup>6)</sup> variari; nempe, *Adverbium*, *Praepositio*, *Interiectio*, *Coniunctio*.

## LIBER PRIMVS.

### De N o m i n e.

*Nomen* est pars orationis, quae rem primario<sup>7)</sup> sine tempore<sup>8)</sup> significat.

*Nomen* est, aut *Substantivum*, aut *Adiectivum*.

*Substantivum*<sup>9)</sup> est, quod verbo iunctum per se perfectam efficit sententiam: ut *homo*, *equus*, *arbor*. Nam perfecta sententia est, *homo ridet*, *equus currit*, *arbor floret*.

*Adiectivum*<sup>10)</sup> est, quod verbo iunctum non efficit sententiam perfectam, nisi substantivum aut expresse ponatur, aut animo tacite intelligatur: ut *bonus*, *velox*, *fertilis*. Nec enim perfecta erit sententia, *bonus ridet*; nisi *homo*, *Petrus*, aut simile, vel addas, vel intelligas.

*Nomen substantivum* est, vel *Proprium*, vel *Appellativum*.

*Proprium* est, quod uni rei singulatim convenit<sup>11)</sup>: ut, *Paulus*, *Edinburgum*, *Tamesis*.

5) Quaedam tamen nomina non variantur in fine, ut aptota, et monoptota: quaedam etiam verba in uno tantum tempore usurpantur. Id autem non ex harum vocum natura, sed ex loquentium consuetudine provenit.

6) Alio enim modo, nempe per gradus, Adverbia etiam variantur.

7) Addimus *primario*, ut distinguatur a Pronomine. Pronomen enim, cum pro Nomine (ut vox ipsa indicat) positum sit, primario quidem nomen respicit, secundario autem rem significat. *V. Voss. Anal.* 1. 3.

8) Hoc est, sine adsignificatione temporis, quo differt a Verbo et Participio. Nam nomen interdum quidem tempus significat: ut, *annus*, *dies*; *antiquus*; *novus*: sed Verbum et Participium *adsignificant* tempus, h. e. primariae suae significationi addunt significationem temporis; seu praesentis; ut, *amo*, *amans*; seu praeteriti; ut, *amavi*, *amatus*; seu futuri; ut, *amabo*, *amaturus*; ubi tempus non est propria vocis significatione; sed ad propriam significationem adiunctio temporis. *Voss.*

9) Substantivum ita dicitur, quia per se in oratione substituit.

10) Adiectivum sic vocatur, quia non substituit per se in oratione, sed substantivo adicitur.

11) Plures quidem eodem nomine dicuntur; ut, *tres Roberti Reges Scotorum*: sed singulatim tamen prius huic, postea alii, ac deinde alii, datum fuit nomen *Roberti*: non autem universe, rationeque habita communis naturae, quemadmodum fit in Appellativis.

Appellativum est, quod multis est commune: ut, *homo, urbs, fluvius*.

Nominis Accidentia sunt novem, *Genus, Casus, Numerus, Persona, Declinatio, Motio, Comparatio, Species et Figura*<sup>12)</sup>.

Genus est, discrimen nominis secundum sexum, vel eius in structura Grammatica imitatio.<sup>13)</sup>

Genera nominum sunt tria: *Masculinum*; ut, *hic vir, hic annus: Femininum*; ut, *haec femina, haec mensa: Neutrum*; ut, *hoc animal, hoc templum*.

Quaedam nomina habent haec tria genera, et dicuntur *omnis generis*: qualia sunt omnia fere *Adiectiva*; ut, *hic bonus, haec bona, hoc bonum; hic et haec mitis, et hoc mite; hic et haec et hoc felix*.

Quaedam habent duo genera: et dicuntur vel *generis communis*, cum idem scil. nomen, pro diversitate sexus, nunc in masculino, nunc in feminino usurpatur: ut, *hic et haec parens*. Vel *dubii generis* appellantur, cum varium nimirum eidem nomini genus arbitrarius auctorum usus imponit: ut, *hic aut haec dies; hic aut hoc vulgus*<sup>14)</sup>; *haec aut hoc atriplex; hic, aut haec, aut hoc animans*.

Caetera habent unum genus tantum.<sup>15)</sup>

Nominum genera duplici modo cognoscuntur, vel, 1. *Ex eorum significatione, per regulas generales*: vel 2. *Ex*

12) Ex his duo postrema omnibus orationis partibus communia sunt: *Numerus* autem partibus declinabilibus. *Genus, Casus, Declinatio* non Nomini tantum accidunt, sed Pronomini etiam et Participio: ut, *Persona* Nomini, Pronomini et Verbo. *Motio* denique et *Comparatio* solis fere Adiectivis competunt. Illa fit per *Genera*; ut, *doctus, docta, doctum*; haec per *Gradus*; ut, *doctus, doctior, doctissimus*. Imo et quaedam Substantiva moventur, sed *Genere* tantum Masculino et Feminino; ut, *Dominus, domina; Poeta, poetria; Leo, leaena*.

13) Discrimen generis propter convenientiam Adiectivi et Substantivi inquiritur. Genus autem aliud est *naturale*, aliud *Grammaticum*. *Naturale* est, quod nominibus pro diversitate sexus tribuitur; ut, *puer, puella*: naturaliter enim duo sexus, adeoque et duo tantum genera sunt. *Grammaticum* vero triplex est genus: *Masculinum*, quo Latine loquentium consuetudo maribus quasi ea omnia accenset, quae marium instar construuntur: *Femininum*, quo pro femellis ea quasi accipiuntur, quae eandem quo femellae structuram sunt nacta: *Neutrum* denique (quod duorum generum naturalium negatio est,) quo nihil aliud intelligitur, quam rerum vocabula hoc genus sortita, non ut alia, ad marium aut femellarum similitudinem, sed tertio aliquo sibi peculiari modo, construere solere.

14) Dubii autem generis sunt, non tantum nomina quaedam sexu carentia: ut, *margo, finis, lintex*, etc. sed nonnulla etiam, quibus sexus quidem inest, sed nulla eius ratio habetur: ut, *serpens, dama, lynx* etc.

15) Etiam nomina *Epicoena*, de quibus mox in Reg. IV. dicitur.



ipsorum *terminatione*, per *regulas speciales*; suo utrasque ordine deinceps tradendas.

## C A P. I.

*De Generibus Nominum.**Regulae Generales.*

1. Quae maribus soluni tribuuntur, mascula sunt.

Omnia nomina, quae solis maribus, aut virili specie conceptis conveniunt, sunt masculini generis.

Sub hac regula continentur,

1. Nomina virorum propria: ut, *hic Carolus*.
2. Appellativa solis viris data: ut, *Pater*.
5. Gentilia, seu populorum nomina substantiva<sup>16</sup>): ut, *Persa*, *Tros*.
4. Multa nomina, quae licet utrumque sexum includant, adiectivum tamen masculinum duntaxat admittunt: ut, *homo*, *fur*<sup>17</sup>).
5. Nomina Spirituum, et Deorum Ethnicorum: ut, *Michael*, *Satanas*<sup>18</sup>), *Mars*<sup>19</sup>).

16) Haec atque eiusmodi gentilia, substantiva ideo appellamus, quod (quamvis naturaliter quidem adiectiva sint; vocibus *vir* aut *femina* intellectis) non tamen recipiant communem adiectivorum motionem: ut, *Tros*, *Cres*, *Thrax*, *Lacon*, *Sunamita*; quorum feminina sunt, *Troas*, *Cressa*, *Threissa*, *Lacena*, *Sunamitis*. Item *Persa*, *Macedo*, *Acarnan*, quae nullum ex se substantivum femininum efformant; ut necesse fere in his sit ad possessiva recurrere; *mulier Persica*, *Macedonica*, etc.

17) Multa sunt nomina, significatione quidem communis, constructione vero masculini tantum generis; qualia sunt haud pauca in *a*: ut, *advena*, *accola*, *indigena*, *scriba*, *agricola*, *pincerna*, *verna*; quaedam in *o*: ut, *bibo*, *caupo*, *cachinno*, *epulo*, *congerro*, *homo*, *latro*, *lurco*, *praedo*, *susurro*; in *i*: ut, *pugil*, *exul*; in *r*, ut, *fur*; in *as*, ut, *vas*; in *es*, ut, *cocles*, *eques*, *pedes*, *praeses*; in *ex*, ut, *artifex*, *opifex*, etc. quae quanquam et de feminis dici possunt, nunquam tamen cum adiectivis femininis iuncta inveniuntur. Neque huic observationi obstat, quod Sulpitius, apud Cic. Fam. IV. 5. *Quoniam homo nata fuerat*, et Plaut. Poen. V. 4. 67. *Fures estis ambae*, et Terent. Eun. II. 8. 28. *Si qua est habitior paullo, pugilem esse aiunt*; dixerunt. In his enim adiectiva, vel ad voces generales, *femina* vel *feminae*, vel ad earum propria de quibus loquuntur, sunt referenda: non aliter quam si, *Animal nata fuerat*; aut, *Mancipia estis ambae*, dixissent: nemo enim propterea *animal*, aut *mancipium*, feminina esse pronuntiaverit.

18) His adde nomina monstrorum a Poetis virili specie confictorum, ut, *Centaurus*, *Minotaurus*.

19) Nomina Deorum, cum de rebus quibus praesident, sumuntur, genus suum retinent: ut, *Mars*, pro bello; *Bacchus*, pro vino; *Vulcanus*, pro igne. Idem quoque de Dearum nominibus tenendum: ut, *Ceres*, pro frumento; *Tellus*, pro terra; *Laverna*, pro fure, Auson. Epist. IV. ult.

6. Nomina brutorum animantium virilis sexus, tum appellativa, tum propria: ut, *equus*, *Bucephalus*, *Hylax*<sup>20</sup>).

2. Esto feminineum, quod femina sola reposcit.

Omnia nomina, quae solis feminis, aut feminina specie conceptis conveniunt, sunt feminini generis.

Haec regula complectitur,

1. Nomina propria mulierum: ut, *haec Maria*.

2. Appellativa solis mulieribus attributa: ut, *mater*.

3. Gentilia, seu populorum nomina substantiva, solis mulieribus convenientia: ut, *Troas*; *Sicelis*.

4. Nomina Dearum Ethnicarum: ut, *Venus*<sup>21</sup>).

5. Nomina brutorum animantium feminini sexus, sive appellativa, seu propria: ut, *equa*; *Thoe*; *Lycisca*.

3. Sit commune duum, sexum quod signat utrumque.

Omnia nomina, quae sub una terminatione maribus et feminis ita conveniunt, ut pro maribus masculino, pro feminis feminino genere usurpentur, sunt communis generis: ut, *hic* et *haec parens*; *hic* et *haec canis*.

Nomina autem communis generis hisce versiculis continentur<sup>22</sup>):

*Coniux* atque *parens*, *infans* *patruelis* et *haeres*,  
*Affinis*, *vindex*, *iudex*, *dux*, *miles* et *hostis*,

20) Nomina quaedam, propriae actiones aut status hominum significant, cum pro hominibus ipsis accipiuntur, eodem quo prius genere adhibentur: ut, *operae*, pro *operariis*; *vigiliae*, pro *vigilibus*; *copiae*, pro *exercitu*, feminina: *servitia*, pro *servis*; *matrimonio*, pro *matronis*, vel *uxoribus*, (Iustin. III. §. 8.) neutra. Huc etiam spectare videntur, *mancipium*, *scortum*, *prostitutum*, quae quanquam a primaria sua significatione deflexa, de viris aut feminis nunc semper fere usurpentur, neutrum tamen, quod primum habebant, genus retinent.

21) Huc refer nomina Nympharum, Musarum, Gratarum, Furiarum, etc. ut, *Calisto*, *Calliope*, *Aglaiā*, *Tisiphone*. Item monstra feminea facie depicta: ut, *Siren*, *Sphinx*, etc.

22) Ex his, quae quinque prioribus versibus memorantur, Alvaro, Vossio, Danesio, etc. debemus, qui et omnia idoneis exemplis confirmant. E reliquis, quinque addidit annuus Grammaticus R. Iohnsonus, App. p. 51. et Addit. p. 30. *Clientis* autem male, ab eodem, auctoritate sulcitur Arg. Mil. glor. ap. Plautum. Hic enim *clientam*, non *clientem*, emendatiores codices exhibent. Firmitus hac in re testimonium Charisii, qui p. 77. *clientis* communis esse generis discrete affirmat. His adiecimus (annuente ipso Vossio) vocem *Martyr*, quam in utroque genere constans Ecclesiasticorum usus admisit. Adduntur ab Ursino *contubernalis* et *familiaris*, substantive posita: de quibus tamen testimonia proferri oportuit. Caeterum in hunc censum referenda *satelles* et *index*, ostendit illud veteris Poetae ap. Ciceri dē Divin. 1. 47. *Iovis pinnatae satellites*: et illud Val. Max. II. 5. *Antiquorum simplicitas certissima index*.

*Augur et antistes*<sup>23)</sup>, *iuuenis, conviva, sacerdos, Mitrinqueps, vates, adolescens, civis, et auctor, Custos, nemo, comes, testis, sus, bosque, canisque, Interpresque, cliens, princeps, praes, martyr, et obses*<sup>24)</sup>.

4. Multa, quibus sexus promiscuus, unaque vox est, Nomina sunt, quorum genus est a fine petendum.

Nomina brutorum animantium, quae sub uno vocabulo, unoque genere, utrumque sexum comprehendunt, terminationum regulas plerumque sequuntur: ut, *hic elephantus; haec vulpes; hic passer; haec aquila; hic salmo; haec balaena.*

Eiusmodi nomina vulgo Epicoena,<sup>25)</sup> seu Promiscua, appellantur; qualia sunt multa ferarum, plurima avium, omnia fere piscium et insectorum nomina, in quibus sexus differentia vel difficilius discernitur, vel rarius atten-

23) Dicimus etiam in feminino *antistita*.

24) De communibus hisce, Observ. I. Quaedam natura sua substantiva esse; ut, *bos, sus, canis*, etc. quaedam verius adiectiva: ut, *patruelis, adolescens, conviva, princeps*, etc. quae non videntur naturae adsciscere femininum; sed quia per Synthesin vel Ellipsin ad vocem *femina* attenditur. Obs. 2. Distinguendas esse auctoritates Poetarum a prosae scriptoribus, rariorum a receptioribus. Quamvis enim Stat. Theb. IX. 629. *Augur cassa futuri*. Et Ovid. Heroid. XI. 48. *Et nova miles eram*, dixerint: non tamen ideo soluta oratione ea feminina adhibenda censuerim. Obs. 3. Veteribus etiam communia fuisse, *puer, socrus, nepos, deus*; ut exemplis docent Charisius, Priscianus, Nonius, et alii.

25) Haud recte (ut mihi quidem videtur) Epicoenis nominibus a quibusdam accensentur, 1. Voces generaliores: ut, *bestia, avis, proles, soboles, liberi, catulus*. Pari enim ratione, *animal, iumentum, pecus*, et similia neutra; item, *corpus, substantia, creatura*, cum de rebus animatis dicuntur, inter Epicoena numerari possunt. Neque 2. In hoc album referenda sunt, *mancipium, scortum, prostibulum*, quae de hominibus per tropum dicuntur, eodem modo quo vir aut femina *corculum* aut *sua-vium, deliciae* aut *amores*, nominantur; et Ter. 3. Eun. 1. 2. 5. *meretricem ignem*, Catull. XL. 14. *eam lupanar*, appellant. Nec 3. denique, cum Sanctio, Scioppio, Ursino, Epicoenis adiunxerim humanae actionis, conditionis et officii nomina, quae adiectiva feminina respuere videntur, qualia sunt *advena, indigena, incola, pugil, fur, latro*, etc. Haec enim (ut accuratissimus Perizonius observat) non proprie ipsos homines notant, sed quandam eorum qualitatem, quae in utrumque sexum potest cadere. Huic adde, quod quamvis haec nomina vix unquam adiectivo feminino iuncta reperiantur; non ideo tamen, de muliere diserte loquens, *novus incola, strenuus agricola, fur manifestarius*, cum Sanctio dicere ausim. Aliter certe Phaedrus, cui Fab. 1. 6. 6. *rana* etiam incerti sexus *quaedam stagni incola*, non *quidam*, appellatur. Atque ob hanc unicam rationem, Cl. Iohnsonus vocem *homo*, et recte quidem meo iudicio, Epicoenorum numero exulare iussit; quod nusquam *mulierem, hominem probum, malum, formosum*, dictam legamus. Restat igitur, ut ea solum et proprie Epicoena statuamur, quae sub una terminatione, unoque genere

ditur. Quotiescunque autem alteruter sexus certo designatur, voces *mas* aut *femina* plerumque adduntur.

### 5. Menses cum Ventis generi coniunge virili.

Nomina Mensium et Ventorum masculina sunt: ut, *hic Aprilis; hic Aquilo.*<sup>26)</sup>

Not. Tamen omnia Mensium, multa Ventorum<sup>27)</sup> nomina adiectiva potius, quam substantiva esse.

### 6. Masculinum Fluvii nomen Montisque repone:

Saepe tamen norma est finalis syllaba utriusque.

Nomina Fluviorum et Montium sunt masculini generis: ut, *hic Tiberis;*<sup>28)</sup> *hic Othrys.*<sup>29)</sup>

Exc. Multa tum Fluviorum, tum Montium nomina, eorum praesertim, quae in *a*, *e* et *um* finiuntur, genus suum

Grammatico, utramque sexum ita comprehendant, ut iis adiectivum ad-  
iungi possit terminatione conveniens ei generi, non item sexui, de quo  
agitur. Ita Plinius N. H. VIII. 55. *Lepus* (ait) *solus superfoetat*. Item  
IX. 51. *Mus marinus in terra scrobe effosso parit ova*. Item XXX. 7.  
*Sistit* (alvum) *anatum muscularum sanguis*. Varro, R. R. III. 12. *Qui*  
*lepus dicitur, cum sit praegnans, tamen concipere*. Sed eiusmodi exem-  
pla rariora sunt; nam qui planius pleniusque loquuntur, sexus discernen-  
di gratia voces *mas* et *femina* saepius adiecerunt: idque non in Epicoenis  
modo, sed aliis etiam animalium nominibus: ut, *agnus mas idemque fe-*  
*mina*, apud Liv. XXXIII. 11. *Mares homines*, Plaut. Poen. V. 5. 32.  
*Femina piscis*, Ovid. Art. II. 482. *Bos femina*, Plin. VIII. 46. *Canis*  
*femina*, Iustin. 1. 4. 10. *Feminae sacerdotes*, Gell. XIII. 20. Interdum  
et in Epicoenis has voces animo reticentur: ut, *Elephantus gravida*, ap.  
Plaut. Stich. 1. 3. 14. *Mures praegnantis repertae*, ap. Plin. X. 65.  
*Singulae anseres non plus quater in anno pariunt*, ap. Varr. R. R. III.  
10. Caeterum ad Epicoena etiam referenda sunt nomina quaedam anima-  
lium dubii generis; qualia sunt, *anguis*, *grus*, *lynx*, *talpa*, *dama*, etc.  
in quibus cum generis Grammatici diversitas, non ex sexus discrimine,  
sed auctorum arbitrio pendeat, male ea Verpaeus, Kirkwoodus noster,  
aliique, inter communia recensuerunt.

26) Sic *Libs*, *Caesias*, *Etesiae*, *Ornithiae*, et alia Ventorum nomina,  
de quibus Gellius 11. 22.

27) Ut *Africus*, *Subsolanus*, *Iapyx*, i. e. *Iapygius*, in quibus *ventus*  
intelligitur. V. Voss. Anal. 1. 10.

28) Fluviorum nomina in *er*, *on*, *os*, *us*, item in *as* primae, tam termina-  
tione quam significatione masculina sunt: ut, *Ister*, *Thermodon*, *Ismenos*, *Ta-*  
*gus*, *Eurotas*. Masculina etiam sunt omnia in *is*, *ys* et *ar*, itemque in  
*as* et *es* tertiae, licet terminationis sint femininae, aut neutrae: ut,  
*Albis*, *Tigris*, *Phasis*, *Halys*, *Arar* (vel *Araris*) *Euphrates*, *Ganges*,  
*Arares*, *Melas*. *Iader* tamen Lucano IV. 405. neutrum est. *Nar* quo-  
que, in plerisque codicibus, Ciceroni, ad Attic. IV. 15. neutri generis  
est, aliis omnibus masculini.

29) Sic *Othrys nudus*, Ovid. Met. XII. 512. *nemoreus*, Lucan. VI.  
338. *nubilus*, Stat. Achill. 1. 233. Graecis tamen femin. *ἡ Ὀθρυς*. Strab.  
IX. p. 298.

ex terminatione accipiunt: ut, *haec Matrona*; <sup>30)</sup> *haec Lethæ*, *haec Styx*; *hoc Plemmyrium*; *haec Aetna*; *haec Rhodope*; <sup>31)</sup> *hoc Soracte*; <sup>32)</sup> *hoc Pelion*. <sup>33)</sup>

7. As partesque dabis maribus: sit at *uncia* dempta.

As, et eius partes et composita, cuiuscunque sint terminationis, masculina sunt. *As*; *bes*; *semis* et *semissis*: *triens*; *quincunx*. Sic *decussis*; *centussis*.

Exc. *Uncia*, semper femininum est. <sup>34)</sup>

8. Iungito femineis nomen Regionis et Urbis;

Praecipue quod in *n* ternae fit, *us* osve secundae.

Est *Tuder* atque *Argos* neutrum, quibus adice *Gadir*.

Rarius hic *Marathon* capit, et *Pharsalus*, *Abydos*.

Mascula in *us* ternae, *Pontus*, *Sasonque*, *Canopus*,

Atque *Tunes*, *Tecmon*. Hic, at hoc vult saepius *Anxur*.

Nomina Regionum <sup>35)</sup> et Urbium feminina sunt: ut, *haec Britannia*; *haec Persis*; *haec Roma*, *haec Carthago*. In quibus et innumeris aliis eadem est et significationis et terminationis regula.

Haec autem regula, quatenus generalis est, in iis praecipue regionum et urbium nominibus locum habet, quae terminatione quidem masculina, significatione vero feminina sunt; qualia sunt plurima nomina in *us* vel *os*

30) *Allia*, *Elbula*, *Arethusa* in femin. tantum reperiuntur. V. Iohns. App. p. 24. quibus addit Sol. Lowæus, *Luppia*, *Sequana* et *Vistula*. Contra, *Addua*, *Bagrada*, *Cremera*, *Gela* et *Trebia* tantum masculino: itemque (Iohnsono inobservata) *Rutuba*, *Macra* et *Cinga*, Lucan. II. 422, et 426. et IV. 21. Utroque autem genere *Duria*, *Druentia*, *Garrumna*, *Mursya*, *Mosella*.

31) Sic *Ida*, *Calpe*, *Pyrene*, etc. At *Ossa*, *OEta*, vel *OETE*, interdum masculina leguntur, Ovid. in Ibin. 285. Lucan. I. 889. Virg. Cir. 850. Id. Cul. 202. Ovid. Met. IX. 165. et 204. Senec. Herc. fur. 133. Claudian, XXXVII. 66. (Variant tamen in his editiones.) Horum imitatione ductus Solin. c. 5. *Vulcano Aetna sacer est*, dixit, non temere ipse imitandus. Nomina autem Montium in *on*, *as*, *os*, et *us*, et *es* primae exeuntia, non significatione magis, quam terminatione masculina sunt: ut, *Cytheron*, *Atlas*, *Athos*, *Caucasus*, *Leucates*, (Virg. VIII. 676.) Item adversante licet terminatione, *Lucretilis*, Horat. Car. I. 17. 1: et *Eryx*, et montis et urbis nomen, Virg. Aen. XII. 701. Ovid. Fast. IV. 478. Vid. et Cluver. Sicil. antiq. p. 239.

32) Plinius tamen, VII. 2. accusativo *Soractem*, et XXXI. 2. *Soracten*, a nominativo *Soractes*, ut videtur masc. gen. declinavit.

33) At *Altus Pelion* Ovidius dixit, Metam. VII. 224.

34) Item eius composita similiter exeuntia: ut, *semuncia*, *sescuncia*. *Teruncius* vero masc. *nonuncium* neutrum, terminatio ostendit.

35) Sub regionum nominibus insulae quoque comprehenduntur: in utrisque autem vox generalis *terra* respicitur. Iohns. p. 27.

secundae declinationis, vel in *n* tertiae desinentia: ut, haec *Aegyptus*; haec *Corinthus*; haec *Samas*; haec *Pylos*; haec *Troezen*, haec *Eleusin*, haec *Lacedaemon*.

Reliqua vero urbium (et, si qua sunt, regionum) nomina terminationum regulas plerumque sequuntur: ut, hic *Sulmo*<sup>36)</sup>, hic *Agragas*<sup>37)</sup>, hoc *Londinum*; hoc *Zeugma*; hoc *Reate*, *Praeneste*, *Caere*<sup>38)</sup>; hoc *Albion*, *Ilion*<sup>39)</sup>; hoc *Tibur*; hoc *Hispal*; hoc *Illiturgi*; hoc *Aepy*. Item singulari carentia; hi *Parisii*, *Veii*; hae *Athenae*, *Gades*; haec *Susa*, *Hierosolyma*.

Huc quoque referri possunt barbara urbium nomina non declinata, utpote ueutra, per Reg. XI. generalem; qualia sunt *Cim*, *Suthul*, *Dibitach*, *Callet*<sup>40)</sup>, *Nepet*, etc.

Exc. 1. *Argos*, *Tuder* et *Gadir*, urbium nomina, neutra sunt<sup>41)</sup>.

Exc. 2. *Marathon*, *Pharsalus* et *Abydos*, plerumque feminina<sup>42)</sup>, nonnunquam tamen masculina inveniuntur<sup>43)</sup>.

Exc. 3. Nomina urbium in *us* tertiae declinationis fere masculina sunt: ut, hic *Pessinus*, *untis*, *Selinus*, *Hydrus*<sup>44)</sup>.

Exc. 4. *Pontus*, nomen regionis<sup>45)</sup>, *Sason*, parvae

36) Sic *Hippo*, Liv. XXIX. 3. Sil. III. 259. *Narbo*, Plin. III. 4. *Mela*, II. 5. *Croto*, Liv. XXIV. 2.

37) Sic *Taras*, Lucan. v. 376.

38) Sic *Bibracte*, *Teate*, *Tergeste*, *Ateste*, *Condate*, *Arelate*, *Tridente*, *Apeneste*, *Nepete*.

39) Et similia in *on* secundae declinationis. In quibusdam tamen Ovidii exemplaribus, *Heroid.* I. 47. Art. I. 363. *Met.* XIV. 466. *Ilion disiecta*, *defensa*, *cremata*, legitur.

40) Perperam vero Iohnsonus hanc urbem feminino adhibitam putat, ex illo Plinii III. 1. *Stipendiaria Callet*; *Stipendiaria* enim illic urbis proprium est, quo nomine et alia ab eodem scriptore paulo inferius memoratur.

41) Horat. Car. I. 7. 9. Sil. VI. 645. Sal. Hist. II. 4. *Featus* autem *Avienus*, *Descr. orb.* v. 610. *Gadir* femin. extulit.

42) Ovid. *Met.* VII. 484. Lucan. VI. 850. Ovid. *Heroid.* XVIII. 127.

43) Stat. Theb. V. 481. *Ab adserto Marathona*. Id. XII. 617. *Clarum Marathona*. Liv. XXXIII. 34. *Pharsalo excepto*. Virg. Georg. I. 207. *Ostriferi Abydi*. Auson. Epist. IX. 29. *Hellespontiaci Abydi*.

44) Sic Cic. de Arusp. resp. 13. *Pessinuntem violatum*. Liv. XXXIII. 20. *Selinunte recepto*. Lucan. V. 375. *Avius Hydrus*. Id. IX. 40. *Meritum Phyeunta rapinas*. Sil. VIII. 634. *Calaber Sipus*.

45) Sive Asiaticae, in qua Mithridates regnavit, Cic. pro leg. Manil. 9. Ex eodem *Ponto*, sive Europaeae, in qua exulavit Ovidius, Ovid. de Pont. IV. 12. 34. *Invisus Pontus*.

insulae nomen<sup>46)</sup>; *Tunes*<sup>47)</sup>, *Tecmon*<sup>48)</sup>, oppidorum nomina, vix alio quam masculino reperiuntur. *Canopus*, uni Melae<sup>49)</sup> femininum, aliis omnibus masculinum est<sup>50)</sup>.

Exc. 5. *Anxur*, oppidi nomen, nusquam feminino, interdum masculino<sup>51)</sup>, at neutro frequentius usurpatum invenimus<sup>52)</sup>:

Not. Ex his multa feminino ponuntur, propter subauditam vocem generalem *urbs*<sup>53)</sup>: ut, *pulcherrima Narbo*<sup>54)</sup>, *Praeneste*<sup>55)</sup> *sub ipsa*. \*<sup>56)</sup>

9. Arbor femineis dabitur: sed mas *oleaster*,

Et *rhamnus*: petit hic potius *cytissus*que *rubus*que:

Hic quandoque *larix*, *lotus* volet, atque *cupressus*:

Hoc quod in *um*, *suber*que, *siler*, dant *robur acer*que.

46) Luean. II. 627. *Calaber Sason*. Sil. VII. 480. *Hadriaci Sasonis*. Plinius tamen, III. 26. mutata terminatione, *Sasonis piratica statione nota*, in femin. dixit.

47) Liv. XXX. 9. *Occupat relictum Tuneta*.

48) Liv. XLV. 26. *Clausum Tecmonem recepit*.

49) Lib. II. c. 7. *Parva Canops, Nili ostio, quod Canopicum vocant*, obvia.

50) Virg. Geo. IV. 287. Ovid. Met. XV. 828. Lucan. VIII. 543. Iuven. XV. 46. Stat. Silv. II. 7. 70. Sil. XI. 433. Grat. Cyreg. 43.

51) Mart. V. 1. *Candidus Anxur*. Et X. 51. *Splendidus Anxur*.

52) Horat. Sat. I. 5. 26. *Anxur impositum saxi*, Liv. IV. 59. *Ad Anxur oppugnandum*. Et V. 13. *Anxur receptum*. Et alibi semper, teste Vossio.

53) Praecipue ea quae in o et u tertiae desinunt: ut, *Hippo nova*, Plin. III. 1. *Venusta Sirinio*, Catull. XXI. 12. *Tarraco vitifera*, Sil. III. 369. *Parnasia Castulo*, Id. III. 391. Sic *Gravidam Amathunta metalli*, Ovid. Met. X. 581. *Subdita Sipus montibus*, Lucan. V. 377. *Hierichuntem palmetis consitam*, Plin. V. 14. *Rhamnus parva*, Mela, II. 3. Ut difficile dictu sit, utri potius haec generi iungenda sint. Etiam nomina in e tertiae, et on et um secundae, feminino interdum per Synthesin ro<sup>54)</sup> *Urbs*, leguntur: ut, *Gelida Praeneste*, Iuven. III. 190. *Ilion defensa*, Ovid. supra cit. *Lugdunum tuam*, Sidon. car. V. *Campana in Benevento*, Auson. Epig. LXIX. *Elatium propior*, Plin. V. 26. Quaedam etiam urbium nomina, ob subauditam vocem oppidum, neutra usurpata observat Iohnsonus: ut, *Obulco remotum*, Plin. III. 1. *Carrea quod*, Id. III. 5. *Trapezus liberum*, Id. VI. 4. Addit Lowzeus *Myus*, ob illud Plin. V. 29. *Myus quod primo condidisse Iones narrantur*. Addere poterat et *Amphipolis liberum*, ap. eund. IV. 10. Verum in locis hisce omnibus praecedit fere vox ipsa oppidum: neque Plinium in Accusativo *Obulco*, *Carrea*, etc. dicturum quisquam existimaverit.

54) Martial. VIII. 72.

55) Virg. Aeneid. VIII. 561.

\* 56) *Lesbos* quandoque masculinum reperiri voluit Despausterius, Vossius, Iohnsonus et alii, ex illo Ovid. Met. XI. 55. *Et Methymnaei potiuntur littore Lesbi*, quemadmodum in MSS. quibusdam et editione Veneta anni 1486. Vossius se legisse testatur. Verum in antiquiore

Nomen arboris \*) femininum est; ut, haec *pinus*, haec *pirus*.

Exc. 1. Masculina sunt *oleaster* <sup>58)</sup>; *Rhamnus* <sup>59)</sup>.

Exc. 2. *Cytisus*, *rubus*, saepius quidem masculina <sup>60)</sup>, interdum tamen feminina inveniuntur.

Exc. 3. *Larix*, *lotus*, *cupressus*, in masculino nonnunquam, sed longe frequentius in feminino adhibentur <sup>61)</sup>.

Exc. 4. Quae in *um* desinunt, neutra sunt: ut, *buxum* <sup>62)</sup>, *ligustrum*. Neutra item sunt *suber* <sup>63)</sup>, *siler*, *robur*, *acer* <sup>64)</sup>, \* <sup>65)</sup>.

editione Veneta, anno 1474, itemque Aldina, Heinsiana, omnibusque quas viderim aliis, *Methymnaeae* habetur. \* Genus quoque suum variare, *Corinthus* a Scioppio, *Coriolus* a Vossio, *Epidaurus*, *Haliartus*, *Pylos*, *Sestus*, *Zacynthus* ab Ursino, traduntur: at hi, vel nulla, vel corrupta, vel male intellecta scriptorum loca sententiae suae testes adferunt.

57) Sub nominibus arborum, *frutices* etiam, seu *arbusculae*, continentur.

58) Sic Virg. Geo. II. 182. *Oleaster plurimus*. Et Aen. XII. 766. *sacer Fauno*. Et Plin. XVI. 44. *ex quo*. Item in optimis, tam editis quam scriptis, Ciceronis codicibus, Verr. 3. 23. *In oleastro quodam*, non *quedam*, quod Vossius vult legendum. Ut mittam diminutivum *oleastellus*, ap. Columellam, XII. 49. Addunt nonnulli alia arborum nomina in *ster*, seu *aster*: ut, *pinaster*, *piraster*: at prius Plinius discrete femininum facit, XIV. 20. et XVI. 10. posterius nulli probo auctori nominatum reperio.

59) Plin. XXIV. 14. Graecis tamen sepi. testante Ursino.

60) *Cytisus canus aspectu*, Plin. XIII. 24. *Utraque cytissus*; Colum. IX. 4. \* *Rubus Sereno*, XV. 10. Gell. XIX. 12. Prudentio, Apoth. 70. (addit Vossius, Columellae et Senecae,) femininum est. At Virg. Ecl. III. 89. Plin. XVI. 37. Id. XXIV. 14. Colum. XI. 3. Pallad. 1. 84. *maeculinum*.

61) *Larix* mascul. est Vitruvio II. 9. *Lotus* Martiali, VIII. 51. et Cic. Fam. VII. 20. quemadmodum Victorius et Graevius legendum existimant. *Cupressus*, non tantum Ennio, referente Gellio, XIII. 20. sed etiam Calp. VI. 13. At haec aliis omnibus feminina.

62) In *UM* terminata saepius arborum fructiferarum fructum: ut, *malum*, *pomum*, *prunum*; sterilium vero lignum vel materiam: ut, *hebeum*, *buxum*, etc. significant: interdum tamen pro ipsis arboribus accipiuntur: ut, *pomum* ap. Tibull. 1. 1. 8. *buxum* ap. Ovid. Art. III. 691. In melioribus tamen codicibus *densae buxus*, in aliis *densus buxus*, hic legi notat Cl. Heinsius.

63) Despauterius, ex mendoso Plinii loco, XVI. 25. §. 41. *suber* interdum mascul. esse existimavit.

64) His vulgo addunt *thus*, pro arbore *thurifera*: verum cum hoc significatu, nullum ei adiectivum adjunctum reperiat, satius esse ab ejus genere statuendo abstinere, Vossius, Farnabius alique monuerunt. Certe Priscianus, p. 646. ex Solino ei femininum tribuere videtur: quod et discrete *aceri* ibidem adscribit.

\* 65) *Platanon* Despauterius, *dumus* Methodista Gallus masculinis adiungit: uterque, me iudice, praeter rationem: nulla quippe iis peculiaris arbor, sed hoc quaevis spina, illo locus *platanis* consitus significatur. \* *Libanus*, pro arbore *thurifera*, et ipsam Latine auctoribus inusitatum voca-



denique sub tribus terminationibus: ut, *albus*, *alba*, *album*; *acer*, *acris*, *acre*<sup>74</sup>).

16. Pro fixo positum, genus optat mobile fixi.

Adiectivum pro se et substantivo subaudito positum, eius est generis cuius est substantivum subaudito: ut, *hic molaris*, supple *lapis*; *haec patria*, supple *terra*; *hoc triste*, supple *negotium*. [Hoc supplemento vocis *negotium* abstinendum est. G. St.]

### Regulae Speciales.

#### A.

16. Haec dat A quod primae est: sed neutrum *Pascha* requirit.

*Hadria* mas aequor, pariterque *cometa*, *planeta*:

Mascula et interdum *talpam damamque* videbis.

Nomen in A primae declinationis femininum est: ut, *haec mensa*.

Exc. 1. *Pascha*, neutrum est<sup>75</sup>).

Exc. 2. *Hadria*<sup>76</sup>); *cometa*, vel potius *cometes*; *planeta*, masculina sunt<sup>77</sup>).

74) Adiectiva hoc pacto inflexa undecim vulgo numerantur; *acer*, *alacer*, *celer*, *celeber*, *saluber*, *volucer*, *campester*, *equester*, *pelletter*, *pulvis*, *silvester*. Quibus addunt Despauterius *sequester*, Phocas *mediocer*, Priscianus *ludicer*. At *sequester* fere substantivum accipitur, tam in 2da quam 3ta. Nam quem Silius VI. 347. *pacis sequestrem*, alii *sequestrium* appellant. *Mediocer* nusquam iam invenimus, sed *mediocris*, *-is*, *-e*. *Ludicer*, vel potius *ludicrus*. *-a*, *-um*, tantum inflectitur. Ex superius etiam memoratis, quaedam, libet rarius, *-is* pro masculino habent: ut, *acris vomitus*, Cels. VIII. 4. *vir alacris*, Virg. Aen. V. 380. *volucris nominis*, Sil. X. 352. *Silvestris ager*, Colum. III. 11. *campestris locus*, Id. III. 13. Notandum porro quaedam adiectiva secundae inveniri, quae e Graecis arrepta, eorum more terminationem *-os* aut *-us* communis generis habeant: ut, *Leetica octophoro ferebatur*, Cic. Verr. V. 11. *Nave thalamego*, Sueton. Iul. 52. Sic Vitruv. III. 2. *aedis dipteri symmetriam*. 1. 6. *turrim octogonam*. IX. 1. *diagonios linea*, IV. 2. *triglyphos imagines*, dixit. Quibus addo *diphthongus*, in quo *syllaba*, *perimetros* et *diametros*, in quibus *ὑπερμυνη*, *συν* *linea*, intelliguntur.

75) Declinandum vero *Paschae* in prima declinatione, non, ut vulgo, *Paschatis* in tertia, ex usu Ecclesiasticorum docet Vossius, Anal. 1. 20. Dubitat tamen Ursinus, To. 1. p. 250. an *Paschae primi* vel *primae* sit dicendum, et an *tria* vel *tres Paschas*.

76) Pro urbe autem femininum est, Sil. Ital. VIII. 439.

77) His addit Johnsonus *Mandragora* et *Echinometra*, quae masculina adhibuit Plin. XXV. 18. et IX. 31. Verum illi forsani recti fuerint *mandragoras*, *echinometres*: priore certe, ex optima Harduini Edit. utitur, cod. lib. XXV. c. ult. *stigmata in facie mandragoras illius delet*.

Exc. 5. *Talpa; dama*; Virgilio <sup>78)</sup> masculina sunt, aliis <sup>79)</sup> feminina <sup>80)</sup>.

17. Sit neutri generis per A quicquid tertia flectit.

In A tertiae declinationis neutrum est: ut, *hoc dogma*.

E.

18. Haec petit E primae, neutrum deposcit E ternae.

In E primae declinationis femininum est: ut, *haec epitome* <sup>81)</sup>.

In E tertiae neutrum: ut, *hoc mare*.

I. U. Y.

19. Dant quibus I fines, Y vel U, sunt omnia neutra.

In I, Y, et U neutra sunt: ut, *hoc sinapi; hydromeli; misy; moly; cornu* <sup>82)</sup>.

O.

20. Hic dat O: femineis *halo* cum *caro* dantur et *echo*;

Quaeque in IO, seu sint verbo, seu nomine nata, Rem (numeris demptis) aliquam sine corpore signant.

In O masculinum est: ut, *hic sermo*.

Exc. 1. Feminina sunt, *halo* <sup>83)</sup>, *caro*, *echo* <sup>84)</sup>.

78) Geo. 1. 183. *Talpa oculis capti*. Et Ecl. VIII. 28. et Geo. III. 539, *Timidi damae*. De his V. Perizon. ad Sanct. p. 52.

79) Addunt quidam *Panthera*, non tantum nullo exemplo, sed etiam contra Plinii mentem, qui VIII. 17. mares docet *pardos* appellari.

\* 80) *Manna*, pro cibo Israelitico, neutrum esse et indeclinabile docent Despauterius, Vossius, et alii: pro micis autem thuris Plinius declinabili et feminino usus est, XII. 14. et XXIX. 6. \* *Mammona* neutrum itidem et indeclinabile facit post Ant. Nebrissensem Despauterius. At Vossius rectius masculinia asseruit: est enim proprie divitiarum Deus, ac *Mammonas* potius, quam *Mammona*, scribendum. \* Vocem *Pandectas* masculinum esse contendunt, Ant. Augustinus, Hen. Stephanus [de abusu ling. Lat. p. 12-15. G. St.] Vossius et alii, eo quod Graece sit *οι πανδεκτα*. Pro feminino autem stant Is. Casaubonus, Giphanius, idem mutata sententia Vossius, et, cuius omnibus maior auctoritas, Imp. Iustinianus, Inst. 1. 10. §. 11. V. Voss. Anal. iii. 19. et de vit. serm. IX. 18.

81) Palladius tamen, Octob. tit. 14. *aloes spatici*, nescio quo pacto, his extulit.

82) Haec haud prorsus indeclinabilia esse, ostendimus lib. II. reg. 25, et 66, et lib. III. reg. 8.

83) Graecis, *η αλω*, vel *αλω*. V. Schec. Nat. Q. 1. 2.

84) *Echo* ideo fem. esse vult methodi auctor, quod *Echo* femina in vocem, secundum Ovidium, fuerit transmutata: quasi (ait Urausus T. 1.

Exc. 2. Feminina etiam sunt nomina in IO, rem incorporalem significantia: sive verbalia sint: ut, *oratio*; *opinio*: sive a nomine derivata: ut, *communio*; *ditio*; *perduellio*; *rebellio*; *talio*.

+ At quae in IO rem corporalem<sup>85</sup>) aut numeros significant, masculina sunt, ac proinde regulam generalem sequuntur: ut, *pugio*; *scipio*; *titio*; *papilio*; *vespertilio*; *unio*<sup>86</sup>): item *ternio*, *quaternio*, *senio*<sup>87</sup>).

21. Adice femineis DO, GO: sed mascula *cudo*, *Harpago*, sic *ordo*, simul *udo*, *tendo*, *ligoque*.

Rarius haec *margo* vati est, hic saepe *cupido*.

*Arrhabo* cum *cardo* muliebria vix imitanda.

Exc. 3. A regula nominum in O excipiuntur etiam in DO et GO finientia, quae feminina sunt: ut, *haec arundo*; *haec imago*.

+ Masculina tamen sunt: *cudo*; *harpago*<sup>88</sup>); *ordo*; *udo*; *tendo*<sup>89</sup>); *ligo*.

+ *Margo*, frequentissime est: Iuvenali autem<sup>90</sup>) femininum. *Cupido*, pro *amoris Deo*, mas. est. per Reg. 1. pro *cupiditate* vero Poetis saepe est masc. Oratoribus autem semper femininum.

+ *Arrhabo*, Varroni; *cardo*, Graccho<sup>91</sup>) feminina

p. 254) non contra fabula de *Echo*, ut *Daphnes*, *Syringis*, et aliae, ex nomine *echus* esset conficta.

85) *Coenatio*, *portio*, *contignatio*, *habitatio*, *mansio*, *potio*, *regio*, *legio*; *confecto*, et si qua alia sunt eiusmodi, quamvis nunc pro rebus fere corporalibus accipiantur, feminina tamen sunt, eo quod primaria sti notatione, non tam res ipsae, quam *coemandi*, *partiendi*, etc. actiones significasse videantur. At *optio* (quod pro *optatione* femin.) pro eo, qui *centurioni adiutor* dabatur a Tribuno, masculinum est.

86) *Unio* pro *monade*, ap. Tertullianum, et pro *cepa* uno capite constanti, ap. Columellam, XII. 10. masc. etiam videtur: pro *concordia* autem, seu coalitione, barbarum est.

87) *Duernio*, *quinquernio*, *octernio*, quae addunt N. methodi auctor, et Johnsonus, itidem barbara sunt.

88) Hanc vocem cum universo Grammaticorum coetu masculinum posuimus: quamvis eam nusquam, neque in recto, neque cum adiectivo iunctam, reperiam.

89) Frequens apud medicos vocabulum, at veteribus illis prorsus incognitum.

90) Apuleio etiam sequioris aetatis scriptori fem. Met. II. p. 40. et IV. p. 103. et lib. de mund. p. 729. ut Aemil. Macrum et Rabirium a Nonio citates omittam.

91) Item Granio apud Nonium. Hallucinantur autem cum Despaunterio Johnsonus, qui existimarunt *cardo* Boethio quoque lib. III. pros. 10. femininum esse. Eo enim in loco (*summa, cardo atque causa expetendorum omnium*) *summa* tanquam substantivum, additoque inciso, est legendum,

sunt; at cum alii omnes masculine utantur, priscos illos vix imitandos censuerim \*92).

C. L. M. T.

22. Quod fit in L, vel T, C, vel M, neutralibus adde: Mascula *sol*, *mugil*, ceu *sal*, quod rarius hoc vult.

In C et T. item L et M neutra sunt: ut, *hoc lac*<sup>93</sup>, *hoc caput*; *hoc animal*; *hoc scamnum*.

Exc. 1. *Sol*, *mugil*, masculina sunt.

Exc. 2. *Sal*, saepius masculinum est, interdum neutrum: in plurali, *sales*, tantum masculinum est.

N.

23. Masculeum capit N. Finita in MEN dato neutris, Quaeque secunda creat, cum *gluten* et *inguen* et *ungen*:

Addideris *pollen*. *Sindon* petit haec, et *aedon*,  
*Alcyonem* iunges, data postea queis comes icon.

In N masculina sunt: ut, *hic paeon*, *hic pecten*, *hic delphin*, *hic canon*.

Exc. 1. Finita in MEN neutra sunt: ut, *hoc carmen*.  
*Sic gluten*, *inguen*, *ungen*, *pollen*<sup>94</sup>).

ut paullo superius, *omnium expetendorum summa atque causa*. Neque rectius se habere videtur quod idem Johnson. Addit p. 32. et suo et D. Shavisi codice legi affirmet ap. Plin. VI. 30. *meridiana cardine*: omnibus enim, quas ultra sedecim eius auctoris editiones lustravi, *meridiano* constanter legitur.

92) \* *Talio* masculinum adhibuit Tertullianus, eumque secutus Laur. Valla: sed potiore esse Gellii auctoritatem, qui femininis adiunxerit, notat Vossius. \* *Carbo* feminino usurpat Ulpianus, I. 55. §. 7. ff. de legat. 3. *Ad carbones coquendas atque conficiendas*: at eum nos imitari, apud alios omnes masculini usus, et diminutivum *carbunculus*, prohibent. \* Cuius generis sit *unedo*, ambigit Vossius: sed quum arborem significet, atque in DO finiatur, cur femininis nequeat apponi, haud video. Adstipulari Plinius videtur, qui XV. 24. de *unedone* loquens, paucis interiectis, mox addit, *Juba auctor est quinquagenum cubitorum altitudine in Arabia esse eas*: nisi quis ad *arbor*, vel *arbutus*, quae praecesserant, rō eas, velit referri. \* *Grando*, virile est Varroni ap. Nonium, at non imitandum.

93) Neutrum quoque est *halec*, vel (ut potius scribendum) *alec*, nunquam vero femin. quod Priscianus, Despauterius alique existimarunt: nam *alecem*, ap. Martialem, XI. 28. venit ab *alex*, quo Plinius saepius utitur. V. Iohns. p. 56.

94) Vid. Reg. 30. \* Neutrum quoque est *sanguen*, pro *sanguis*, apud antiquos, Lucret. I. 837. Cic. de Fin. V. 11. a veteri Poeta; Gell. (ex Catone) III. 7.

B.

Exc. 2. Item nomina secundae in *on* Graeca: ut, *hoc symbolon*; *symposion*; quae latinis in *um* effieruntur<sup>95</sup>).

Exc. 3. Feminina sunt; *sindon*; *aëdon*<sup>96</sup>); *alcyon*<sup>97</sup>); *icon*<sup>98</sup>); \*<sup>99</sup>)

## AR.

24. Postulat AR neutrum: sed masculineum *salar* optat.

Desinentia in AR neutra sunt: ut, *hoc calcar*.

Exc. *Salar*, masculinum<sup>100</sup>) est. \*<sup>1</sup>)

## ER.

25. ER capit hic. Neutrum plantae fructusve requirunt:

At *tuber* hic fructus; *tuber* quemcunque tumorem

Significans neutrale petit; cumque *ubere spinther*,

*Verque, cadaver, iter*. Dabit hic aut haec tibi *linter*.

In ER masculinum est: ut, *hic liber*; *hic imber*.

95) Multa tamen herbarum gemmarumque nomina, in *on* secundae desinentia, feminina extulit Plinius, ob intellectas voces communes, *herba*, *planta* et *gemma*. V. Iohns. p. 40.

96) V. Senec. Octav. v. 915. et Agam. v. 670. Quamobrem et Vossius, apud Petron. c. 131. *sylvestris aëdon*; non, uti in vulgatis, *sylvester iasdon*, vel *aëdon*, vult legendum.

97) Virg. Geo. I. 399. Val. Flacc. IV. 45. Senec. Agam. v. 680. nec audiendus Servius, qui hic et haec *alcyon* dici notavit.

98) Graecis nempe η ἱκων. Hanc autem vocem nusquam a probo auctore Latinis literis prolatam reperio: nam, pro *iconas*, quod ex Plin. XXXIV. 4. adducunt, meliores libri *iconicas* habent. ap. eund. quidem VIII. 54. *fictas cera icones*, ex coniectura edidit Harduinus; at aliter aliis omnibus is locus exhibetur.

\* 99) *Python* dubii generis a Despatiterio, Lilio aliisque existimatur: at eos decepit male intellectus Tibulli locus, II, 27: ubi *Delphica Python* (vel, ut Broukhusius legit, *Pytho*) non de serpente ab Appolline interempto (quod masc. semper est generis) accipitur, sed de urbe in Phocide, quae postea *Delphi* est appellata. \* *Achrochordon*, verrucae species, femininum est Celso, V. 28. 14. Item *Ischaemon* et *Potmagiton*, herbarum nomina tertiae declinationis, Plinius XXV. 2. et XXVI. 8. feminina adhibuit, respiciens, ut alibi solet, vocem *herba*: cuius generis, atque ob eandem rationem, *cotyledon* herba existimatur.

100) V. Auson. Mosell. 88. et Sidon. Apoll. Epist. II. 2. Neque qui huius vocis meminerit, his quenquam antiquiorem reperio.

\* 1) *Lucar*, pro *ave*, et fem. gen. a quibusdam acceptum, merum esse somnium ostendit Vossius: pro *pecunia* autem quae *e lucis collecta ludis impendebatur*, neutrum esse ex Tertulliano et veteri inscriptione idem probat. \* *Bacchar*, quod vulgo femininum faciunt, neutrum est Plinio, XXI. 6. Nempe *baccharis* eidem dicitur, XII. 12. quod femininum est, et errori ansam praebuit. \* *Iubar*, non tantum apud Ennium, sed etiam Cor. Severum in Aetna, v. 332. masc. inveniuntur: at apud optimum quemque constanter neutrum.

Exc. 1. Fructuum aut plantarum nomina neutra sunt: ut, *piper*, *cicer*, *papaver*<sup>2)</sup>.

+ *Tuber*, prima brevi, femininum est, per Reg. IX. pro fructu eius arboris masculinum. *Tuber* vero prima longa, neutrum est, et varia habet significata<sup>3)</sup>.

Exc. 2. Neutra etiam sunt, *uber*, *spinther*, *ver*, *cadaver*, *iter*.

Exc. 3. *Linter*, et masculinum<sup>4)</sup> et femininum<sup>5)</sup> invenitur. \*<sup>6)</sup>

## OR.

26. Hic dat OR. Haec *arbor*: *cor*, *adorque*, hoc *marmor*, et *aequor*.

In OR masculina sunt: ut, *hic calor*.

Exc. 1. Unicum est femininum, *arbor*.

Exc. 2. Quatuor neutra sunt: *cor*, *ador*, *marmor*, *aequor*<sup>7)</sup>.

## UR.

27. Hoc dat UR. Hic *furfur* capiet, cum *vulture turtur*

In UR neutra sunt: ut, *hoc murmur*.

2) Antiquioribus, Plauto, Catoni et Varroni, *papaver* interdum masculinum est. \* Plinius autem XXVI. 8. *Laver condita et cocta*, in fem. dixit, ob generalem, ut videtur, vocem, *herba*. \* Idem quoque, in eadem periocha, neutro genere, *siser utile stomacho*, et masc. vel fem. *tres siseres*, extulit. XX. 2. \* *Cucumer* (quod masc. esse volunt) nominativo exolevit, pro quo *cucumis* dicitur.

3) De arbore Plinius XVI. 25. *tuberes peregrinae*; de eius fructu Sueton. in Domit. 16. *oblatos tuberes*, dixerunt. *Tuber* autem pro fungo, terrae callo, aut quovis tumore, neutrum esse, haud necesse est exemplis confirmare.

4) Cato R. R. c. 11. *lintres duos*. Tibull. II. 5. 84. *exiguus linter*, Vell. Patere. II. 107. *lintre appulso*.

5) Liv. XXI. 26. *lintrium paratarum*. Id. ibid. 27. *lintres aptatas*. Caes. B. G. VII. 60. *lintres has*. Ovid. Fast. VI. 778. *coronatae lintres*.

\* 6) *Accipiter* fem. ap. Lucret. IV. 1008. Et \* *uter* neutr. ap. Lucilius, referente Nonio, vix imitandum videtur. \* Et nihilo magis *aër*, quod Ennius ap. Gellium, XIII. 20. feminino, ac quidam aetatis mediae scriptores neutro, ut et *aether*, adiunxerunt. Idemque de *cancer* existimandum, quod non tantum Ecclesiastici nonnulli, sed etiam Cl. Quadrigarius, teste Prisciano, neutrum adhibuerunt. \* *Verber*, quod neutris vulgo accensent, nusquam iam nominandi casu invenimus.

\* 7) Nomina in or olim fuisse neutra ostendit Nonius ex illo Plauti, Merc. V. 2. 19. *Nec calor nec frigus metuo*. Id quod Ausonium imitatum in Coron. Profess. 10. *Et decor egregiae commemorat patriae*, tradunt Scaliger et Vossius. At rectius Vinetus, qui *decora* ibi legit. Veteres etiam neutrum comparativorum in or efferebant. Sic *Senatusconsultum*

Exc. Tria sunt masculina; *furfur, vultur, turtur*<sup>8)</sup>. \*<sup>9)</sup>

AS.

28. AS petit haec. Neutrum est *vas vasis*, quisque Pelasgi

Dant *atis* in patrio: quibus *antis*, mascula sunt: Adiicito quotquot format tibi flexio prima.

In AS feminina sunt: ut, *haec pietas*.

Exc. 1. *Vas, vasis*, neutrum est<sup>10)</sup>.

Exc. 2. Neutra etiam sunt nomina Graeca, quae genitivum per *atis* formant, penultima correpta: ut, *artocreas, erisipelas*.

Exc. 3. Graeca genitivum in *antis* mittentia masculina sunt: ut *adamas, elephas*.

Exc. 4. Masculina etiam sunt nomina primae in *as*: ut, *pareas, asterias, tiaras*<sup>11)</sup>. \*<sup>12)</sup>.

prior, apud Val. Antiatem, et bellum Punicum posterior, ap. Cass. Hemina, notat Priscianus, p. 767.

8) Buchananus tamen Psal. LXXIV. 19. *turturis tuae* dixit, femellam scil. cum optimis interpretibus respiciens. Mirum vero est Servium in illo Virg. Eclog. I. 59. *Nec gemere acria cessabit turtur ab ulmo, turtur* femin. existimasse, cum et sensus et syllabae modulus reclamant.

\* 9) *Guttur* et *murmur* olim masculina fuisse ex Plauto, Naevio et Varrone ostendit Nonius. V. Plaut. Mil. III. 2. 22. Aul. II. 4. 25.

10) *Vas, vasis*, et *as, assis*, masculina; *fas* et *nefas* neutra esse, per Reg. I. 7. et 11. intelligitur. \* Neutris etiam adiicit Despaunterius ex Prisciano *Ceras*; *Ceradis*, loci cuiusdam nomen. Ego vero neque hoc vocabulum ap. Priscianum, aut quenquam alium, sic declinatum reperio, neque vocem ullam in *as*, cuius genit. in *adis* exeat, neutri generis legisse me memini. Apud Solinum c. 10. invenio quidem, *Ceras chryseon promontorium, Byxantio oppido nobile*; quod Plin. IV. 11. *Chrysoceras*, et IX. 15. *Promontorium aurei cornus*, appellat. Utrumque autem *Ceratos*, vel *Chrysoceratos* declinatur, utpote Graecis *promontorium, τοῦ χερσοῦ νέφατος*. V. Strabonem. lib. VII. p. 320.

11) De his vid. Lucan. IX. 721. Plin. X. 60. Virg. VII. 257. Huic adde gemmarum vel lapidum nomina: ut, *Capnias, Eurotias, Chalazias, Carcinias, Grammatias, Icterias, Ostracias, Myrmecias*, quae tamen Plinio XXXVII. 9, 10, 11. (negante licet Vossio Anal. I. 28.) plerumque feminino ponuntur, respicienti, ut solet, vocem generalem *gemma*. Ob quam etiam rationem *androdamas* et *argyrodamas*, licet tertiae, ac in *antis* genitivum formantia, femininis adiunxit, XXXVII. 10. *Dionysias* autem, quod femininum quoque adhibuit Plin. XXXVII. 10. si Vossio credimus, non est huius loci, utpote *adis* genitivo habens. Solinus tamen, cap. 40. genus, et forte declinationem mutans, *Dionysius fuscus*, dixit.

\* 12) *Adamas* in fem. se reperisse putat Johnsonus, ap. Plin. XXXVII. 10. *Adamas quadrata*. Verum *quadrata* ad *androdamas*, quod praecesserat, pertinere ostendit optima Harduini editio. \* *Aetas* olim masculi-

## ES.

29. Haec dabit ES. Cipient *ales* hic haecve, *palumbes*,  
Atque *dies*; sed mas proles: mas *poples* et *ames*;  
*Fomes*, *pes*, *paries*, *palmes* cum *limite stipes*,  
Queis addes *trames*, *termes*, cum *gurgite cespes*;  
Et quae fonte fluunt Graio: sed neutra capessunt  
*Hippomanes*, *panaces*, *nepenthes*, sic *cacoethes*.

In ES feminina sunt: ut, *haec sedes*; *haec res*..

Exc. 2. Dubii generis sunt, *ales*<sup>13)</sup>; *palumbes*<sup>14)</sup>; *dies*.  
*Dies* tamen Oratoribus saepius masculinum<sup>15)</sup>; pro longo  
autem tempore Poetis fere femininum<sup>16)</sup>; in plurali semper  
masculinum est<sup>17)</sup>.

Exc. 2. *Meridies*, a *medius* et *dies* compositum, tan-  
tum masculinum est.

num fuisse ex Plauti Trinum. IV. 3. 83. probat Nonius. Sed lectio loci  
eius incerta.

13) *Ales* proprie adiectivum est, ut *volucris*. De genere eius sub-  
stantive usurpati haec invenio. 1. Pro ave in genere, aut plurali numero,  
fere semper femininum est. 2. De homine aut Deo alato semper masculi-  
num: ut, *aureus ales* ap. Stat. Th. I. 544. de Persaeo, *Cyllenius ales* ap.  
Claud. XXXIII. 77. de Mercurio. 3. Pro ave particulari masc. gen.  
nunc masculinum, nunc femininum legitur: ut, *ales Phoebeius*, de corvo,  
Ovid. Met. II. 544. *albus ales*, de cygno, Horat. Car. II. 20. 10. *crista-  
tus ales*, de gallo, Ovid. Fast. I. 455. Contra, *ales argentea*, de corvo,  
Ovid. Met. II. 536. *ales fumelica*, de milvo, Plin. X. 10. *longaeva ales*,  
de Phoenice, Claud. XXXV. 38. *ales superba*, de pavone, Mart. XIV. 67.  
4. Pro ave denique fem. gen. semper femininum est: ut, *Daulias ales*,  
pro philomela, Ovid. Heroid. XV. 154. *ales exterrita*, de columba, Virg.  
Ae. V. 505. Excipitur una aquila, de qua Poetae, sive ob eius avis di-  
gnitatem, sive marem respicientes, interim masc. ut Virg. Aen. XII. 247.  
*fulvus Iovis ales*. Stat. Th. VIII. 675. *fluminiger ales*, Horat. Car. IV.  
4. I. *ales minister fulminis*: interim et feminino, *regia ales*, Ovid. Met.  
IV. 362. *lapsa coelo*, Virg. Aen. I. 394. *digna Iove*, Manil. I. 443. di-  
xerunt.

14) *Palumbes*, an *palumbis*, recto dicendum, dubitat Vossius: ego  
vero *palumbes* ap. Plin. X. 58. *palumbis* nusquam reperio. Genere masc.  
utitur Plin. X. 35. et Plaut. in Bacch. I. 1. 17. ut Lucilium et Pomponium  
ap. Nonium omittam, fem. autem Virg. Ecl. I. 58. et Ecl. III. 69.

15) Iisdem quoque aliisque scriptoribus, etiam pro certo ac definito  
tempore, feminino frequenter usurpatur. Quod autem *hesterna* aut *hodi-  
erna dies* dicturum se neget Kirkwoodus noster; non advertisse videtur  
ita locutum Livium, XXVII. 13. et LX. 9. et XLIV. 38. ut mittam *cras-  
tina die* (cuius eadem ratio est) ab eodem dici, XXVI. 86. et XXVII. 88.

16) Pro longo tamen tempore, masculino adhibuerunt Statius, Theb.  
I. 638. — *Longumque in secula digne Promeriture diem*. — Et Lucanus  
III. 138. — *Non usque adeo permiscuit imis Longus summa dies*. —

17) In plurali autem femininum extulisse videtur Tibullus III. 6. 32.  
*Venit post multas una serena dies*, quemadmodum, cum Passeratio, Grae-



Exc. 3. Masculina etiam sunt duodecim nomina Latina tertiae declinationis: *poples*, *ames*<sup>18)</sup>, *fomes*, *pes*<sup>19)</sup>, *paries*, *palmes*, *limes*, *stipes*, *trames*, *termes*, *gurgēs*, *cespes*<sup>20)</sup>.

Exc. 4. Masculina denique sunt omnia in *ES* Graeca; sive primae sint declinationis: ut, *cometes*, *achates*<sup>21)</sup>, *aromatites*<sup>22)</sup>; sive tertiae, ut, *lebes*, *magnēs*, *acinaces*<sup>23)</sup>.

vio, et aliis, legendum arbitror: quanquam Scaligerana, Delphinensis et Broukhusiana Editt. multos praeferant.

18) *Amen* vulgo masc. Grammatici statuunt, ob analogiam Genitivi *amitis* (Vid. Horat. Epod. II. 33.)

19) Sic eius composita *aemipes*, *sesquipes*. \* *Compes* tamen, quod iam vix recto invenitur, femininum fuisse ostendit Ablativus *compede*; ut, *dura compede*, Horat. Epod. IV. 4. *Magna compede*, Iuven. XII. 80. nec imitandus Lactantius, qui Mort. Pers. c. 22. n. 3. *Compedes parati*, dixit. \* *Quadrupes* proprie adiectivum est, atque a Substantivo subaudito genus trahit. Pro equo enim masc. est. Virg. Aen. III. 541. *curru succedere sueti Quadrupedes*: item pro cervo, Id. Aen. VII. 500. *Saucius quadrupes*, Pro bestia quavis femininum est. Id. Ecl. V. 25. *Nulla quadrupes*, Cic. Nat. Deor. II. 44. *Vasta quadrupes*. Sed in neutro etiam, *animal respiciens*, Plinius posuit, VIII. 25. *malum quadrupes*: et XI. 36. *pennatum et volucre quadrupes*. Et in plur. Col. XI. 2. *quadrupedia castrandi tempus idoneum nominat*. \* *Sonipes* et *cornipes* non alio quam masc. gen. leguntur, quia *equus* semper intelligitur. \* *Pes* (vel, ut in libris meis habetur, *pedis*) pro *pediculo*, femininum Plautum extulisse docet Nonius. At eo significatu masculinum adhibuit Nonius, et Varro R. R. III. 9.

20) Quidam his adiciunt *tudes*, *trudes* et *merges*. *Tudites* quidem pluraliter nominat Festus, sed nullo adiuncto adiectivo: Severus autem in Aetna, v. 559. *tudibus* utitur, a Nom. *tudes*, *tudis*, unde diminutivum *tudicula*. *Trudes* item *trudis* declinat Tacit. Annal. III. 46. 7. nullus autem (quod sciam) *truditis*. *Merges* quidem *mergitis* declinatur (V. Virg. Geo. II. 517.) quod tamen contra analogiam Plinius feminino adhibuit, XVIII. 80. nemo autem masculino. \* *Aries* et *verres*, quae his addidit Despauterius et alii masc. sunt, per Reg. I. *Aries* autem pro *machina bellica*, item pro *signo coelesti* acceptum, idem genus retinet, utpote a similitudine animalis dictum. \* Ad eandem quoque Reg. I. referenda sunt, *coeles*, *eques*, *hospes*, *indiges*, *praeses*, *praestes*, *pedes*, *veles*. \* Ad Reg. 3. *antistes*, *comes* etc. \* *Bes* ad Reg. 7. pertinet. \* *Coles* masc. regula exclusimus, puerorum verecundiae consulentes.

21) Plinius tamen eiusmodi nomina in *tes*, vel *ites*, lapides vel gemmas significantia, pro diverso tractationis modo, vel masculina, vel feminina posuit. Lib. enim XXXVI. quo lapides describit, masculino; lib. autem XXXVII. quo gemmas, feminino fere utitur. Nimirum in illis respexit vocem *lapis*, in his *gemma*, vel, ut quidam voluit, Graecum *λίθος*, quod utroque genere reperitur.

22) Eiusmodi vinorum nomina proprie adiectiva sunt: ut, *abrotanites*, *absynthites*, *thymites*, *cydonites*, *melitites*, etc. in quibus Graeci *ὀλῡος* respexerunt. Latini autem masculinum, quod apud illos habebant, genus retinuerunt; sive τὸν ὀλῡον, quae Linacri est opinio, respicientes; sive potius, quae Despauterii et Vossii sententia est, ea tanquam substantiva iam facta existimantes. Certe hoc Plinii, XIV. 16. *Vinum e punis*, quod *ρῳίην* vocant, itemque hoc Columellae, XII. 38. *Vinum aliud*

Exc. 5. Haec autem Graeca neutra sunt; *hippomanes*, *panaces*<sup>24</sup>), *nepenthes*<sup>25</sup>), *cacoethes*<sup>26</sup>).

IS.

80. IS dabo femineis. Sunt mascula *piscis* et *axis*,  
*Glis*, *callis*, *vermis*, *vectis*, *mensis*, *cucumisque*,  
*Mugilis* et *postis*, cum *sanguine*, *fascis*, et *orbis*,  
*Fustis* item, *collis*, *caulisque*, et *follis*, et *ensis*,  
*Serpentemque* notans *cenchris*, cum *vomere*, *torris*.  
 In NIS finitum Latium, *lapis*, *unguis*, *aqualis*.

In IS feminina sunt: ut, *haec avis*, *haec vallis*.

Exc. 1. Multa sunt masculina; viz. *piscis*, *axis*<sup>27</sup>),  
*glis*<sup>28</sup>), *callis*<sup>29</sup>), *vermis*, *vectis*, *mensis*, *cucumis*, *mugi-*

*myrtiten* sic temperato, vix aliter quam per Appositionem, quam vocant, explicari possunt; eodem modo quo *aidus Persaeus* vel *Andromeda*, *tempus magister multorum*, et ap. eund. Plinium XIV. 6. *Vinum indigena*, et Gell. II. 24. *vinum alienigena*, dicuntur. Caeterum vix imitandus Palladius videtur, qui sibi terminationem cum *vino* genere convenientem comminiscens, Feb. tit. 81. *vinum myrtite*, et Jul. tit. 6. *vinum seyllite*, dixerit.

23) Ita scribendum, non *acinaeis*, Graecis enim est *ἀκινάκης*, ut ex Herodoto, Xenophonte, Diodoro, Plutarcho, Platone, Suida, Luciano et aliis, ostendit Dausquius in Orthograph. part. II. p. 6. et Voss. Anal. I. 28.

24) Sic Plin. XXVI. 15. § 90. *Ipsum panaces in vino potum — appositumque cum melle*. Et XXXV. 4. §. 11. *Panaces numerosum et diis adscriptum*. Celsus tamen V. 27. 12. *Panaces cum lacte contusa in fem. dixit*. Quod autem idem Plinius, XXV. 15. §. 105. *panacis Chironiae radix*; et XXVIII. 17. §. 78. *admixta modice panace*, feminino itidem adiuncto, proferat, a recto *panax* (quod Johnsono observatum) duxisse videtur. Eo enim, XIX. 12. §. 62. et Accusativo semper *panacem*, XII. 26. §. 57. XIX. 8. §. 50. XXV. 5. §. 19. utitur.

25) Sic Plin. XXV. 2. *Nepenthes illud nobile*.

26) His addit Johnsonus *sesamoides* ex Plin. XXII. 25. et XXV. 5. item, *trichomanes* Plin. XXII. 22. §. 30. Mirum vero est Plinium huic voci in eadem sententia genus confundere, XXVII. 13. §. 111. *Trichomanes adiuncto similis est, exilius modo nigriusque*. Ita enim in 19 Edit. habetur, et in his binis Dalechampii, utraque Harduini, tribus Frobenianis; item Commeliniana, Elzeviriana, Hackiana, etc. \* His forsitan et addi poterunt, *antipathes*, *diphyes*, *eumeces*, et *eusebes* lapidum, seu gemmarum nomina; licet ea Plinius more suo feminina efferat: XXXVII. 10. §. 54. *antipathes nigra*; et Ibid. §. 57. *diphyes candida et nigra* et §. 58. *eumeces capiti apposita*. Laelius autem, antiquus poeta ap. Apuleium in Apol. p. 455. *antipathes illud quaerito*, dixit. Nimirum haec proprio adiectiva sunt; ut et *Soloecophanes*, quod Alvarus quoque neutris adiecit.

27) Nec imitandus Palladius, qui I. 9. *axes quernae* dixit.

28) *Glis*, *glitis*, pro *tenaci terra*, femin. et *glis*, *glissia*, pro *lappa*, seu *carduo*, neutr. plane barbara esse ostendit post Despauteium Vossius.

29) *Callis* feminino a Livio positum observat Nonius, XXII. 14.

*lis* (et contracte *mugil*), *postis*, *sanguis*, *fuscis*, *orbis*, *fustis*, *collis*, *caulis*, *follis*, *ensis*, *cenchris*, genitivo *cenchris* : [at *cenchris*, *cenchridos*, femininum est<sup>30</sup>.] *vomis*, vel *vomer*, *torris*, *lapis*, *unguis*, *aqualis*<sup>31</sup>), <sup>32</sup>).

Masculina etiam sunt nomina Latina in NIS exeuntia :

XXII. 14. *Per devias calles* : uo modo etiam exhibent Iani Gruteri, et utriusque Gronovii editiones. In aliis tamen *devios calles* habetur, quod Lipsius et Gothofredus, suffragante etiam Johnsono, in *devios colles* mutatum voluere.

30) De hoc Plin. X. 52. *cenchris sola*; de illo Lucan IX. 712. *cenchris lapsurus*, dixerunt.

31) Femininum adhibuit Plautus, Mil. III. 2. 40.

32) Masculinis etiam addunt Grammatici, *sotularis*, *acinacis*, *cassie*, *sentis*, *cossis*, *vepris*, *pollis*, *delphis*. At. 1. *Sotularis*, plane nihili est vocabulum, ex prava lectione loci, ap. D. Hieronymum, ortum, uti dudum Alvarus, Vossius, Methodista Gallus, etc. monstrarunt: quo magis mirum est Grammaticos nostrates, Kirkwodum, Deixium et Watium, id pueris iterum obtrudere voluisse. 2. De *acinaces* supra dictum. 3. *Casae*, Ablativus, tantum ap. Senec. 4. *Sentem*, Accusativus, apud Columellam occurrunt: aliis omnibus pluraliter efferuntur. 5. *Cosses* plurale et apud solum Plinium legitur. 6. De *vepris*, Vid. post, libr. I. reg. 47. et lib. 3. Reg. 22. 7. *Pollis*, sive masc. cum Phoca et Grammaticorum vulgo, sive femininum cum Charisio statuas, haud multum referre arbitror; cum haec vocis terminatio iam fere exoleverit, atque pro eo *pollen pollinis* in neutro Celsus utatur, V. 19. §. 4. quemadmodum et Caesar et Probus ap. Priscianum declinandum pronuntiant. Quocirca nec cum Sereno XL. ult. *madida polline* dixerim. 8. Idem de *delphis* dicendum, quod apud solum Avienum, mediae aetatis scriptorem, invenias; pro quo veteres illi *delphin* aut *delphinus* semper dixerint. \* Meliore iure huc referenda sunt, 1. *ovis*, quod pro *multa quadam* veteribus masculino tantum genere dictum, notant Agellius, Festus et Nonius. 2. *Colis* vel *coles*, pro *pampino*, masc. ap. Varr. R. R. I. 31. et Colum. V. 6. item pro *caule rapae*, brassicae et similium, ut *coles rapicii*, ap. Caton. R. R. c. 35. 3. *Eche-neis*, quod masculinis asseruit Johnsonus ex Plin. IX. 25. addere poterat et XXXII. 1. passim. \* Ad reg. 15. referenda sunt multa nomina in *is*, natura adiectiva, quae absolute posita, quoniam substantivum virile in *is* late; masculina habentur, qualia sunt *aqualis*, *mortalis*, pro *homine*, *popularis*, *rivalis*, *sodalis*, *familiaris*, *contubernalis*, *affinis*, *aedilis*, *consularis*, *patruelis*, *tribulis*, etc. Idem tenendum de *annalis*, in quo *liber*, *molaris*, *specularis*, in quibus *dens* vel *lapis*, concipe. Sic *maialis*, in quo *porcus*; *iugalis*, in quo *equus*; *Aprilis*, *Quintilis*, *Sextilis*; in quo *mensis*, intelliguntur. Adiciunt denique Vossius, Ursinus, etc. *natalis*, masculinum, quamvis *dies*, quod dubii generis est, subaudiatur. Ohducit Johnsonus *natali tua* ap. Martial. X. 27. Male; illic enim optimi quique codices, et in his antiquissimus manu exaratus in Bibliotheca Iuridica Edinb. tuo praefervunt. *Novalis* feminino posuit Virg. Georg. I. 71. respiciens *terras*. Alioquin apposito substantivo dicitur *novalis ager*, et absolute *nova le*, subaudi *solum* vel *arvum*. His addi potest et *aqualis*, cui masculino *urceus*, feminino *matella*, aut tale quid, mente retinetur.

ut, *panis*, *crinis*<sup>33)</sup>, <sup>34)</sup>. Graeca vero in NIS feminina sunt: ut, *tyrannis*, *coronis*.

31. Hic aut haec *finis*, *clunis*, cum *torque*, *canalis*,  
Dant, *scrobis*, ac *anguis*: *corbis* muliebre praeoptat:  
Masculleo potius gaudent *pulvis*, *cinis*, *amnis*.

Exc. 2. A regula etiam excipiuntur nomina sequentia dubii generis: *Finis*, *clunis*, *torquis*, *canalis*, *scrobis*, vel *scrobs*, *anguis*, *corbis*, *pulvis*, *cinis*, *amnis*.

Ex his autem sex priora, licet saepissime feminina, paulo tamen frequentius masculina inveniuntur<sup>35)</sup>. *Finis*

33) Olim muliebri usus Plaut. Mostell. I. 3. 69. *capiundas crines*, et Atta in Epigr. teste Nonio. \* *Funis* quoque veteribus femininum fuisse ostendit *funis aurea* ap. Lucret. II. 1154. confirmante eam lectionem, non tantum Nonio, sed etiam A. Gellio XII. 20. V. Voss. Anal. I. 29.

34) *Bipennis*, vox Latina, femininum est per Reg. 15. proprie enim adiectivum est, subauditurque *securis*. \* *Unicornis* tamen inter masculina retulit Melanchthon, Gram. p. 36. Plinius quidem XI. 46. *unicorne animal*. et VIII. 21. *unicornes boves*, dixit: apud alium probatum auctorem vocem illam haud reperio.

35) De frequentiore, in *finis*, *clunis*, *torquis*, *scrobis* et *anguis*, masculini usu, Grammatici fere consentiunt: non adeo tamen raro, ac quidam opinantur. horum nonnullis femininum adhibetur. \* Nam Virg. Aen. II. 254. *haec finis Priami*: et Aen. V. 334. et XII. 793. *quae finis*: et Aen. III. 145. *quam finem*: et V. 327. *ipsam finem*: Horat. Car. II. 18. 30. *fine destinata*: et Epod. XVII. 36. *quae finis*: et ipse Cicer. de Leg. II. 22. *quae finis*: ut omitam Varronem, Cassium, Caelium, Attium et Lucretium, quibus istud genus placuisse Nonius testatur. \* Sic Horat. Sat. I. 2. 89. *pulchrae clunes*: Cels. VII. 29. *clunes repellendae*. Plin. VIII. 8. *in clunes extremas*: et XXIX. 6. extr. *exacuta clune*. \* Ovid. Fast. I. 601. *torquis adempta*: Propert. IV. 10. 44. *torquis unca*: Gell. IX. 13. *torquem detractam*: Apul. Florid. c. 12. *aurea torqui*. \* Ovid. Met. VII. 243. *scrobibus duabus*: Plin. XVI. 31. ext. *in qua scrobe*. Tac. An. XV. 67. 4. *scrobem angustam*. Lucan. VIII. 756. *exigua scrobe*. Nisi haec potius sint a Nominativo *scrobs*: eo enim casu *scrobis* apud solum Columellam reperio V. 6. et V. 10. et priore loco masculinum, unde diminutivum *scrobiculus* ap. Varronem. \* Tibull. I. 9. 70. *iratae anguis*: Ovidi Met. Fac. 39. *mediae angues*: Val. Max. I. 3. *anguem petitam*. Tacit. Ann. XI. 11. 5. *unam anguem visam*. \* *Canalis* feminino melius quam masc. proferri, ait Servius ad Virg. Geo. III. 330. Isidorus XV. 8. quibus assentiri Vossius videtur, eiusque vestigia prementes methodi auctor, Leodius, Annotatores Oxonienses, Ursinus, et Th. Gorallus sive Io. Clericus, ad Severi Aetn. v. 127. At rectius Ios. Scaliger, et Iohnsonus, quibus usitatus masculinum affirmatur. Pro illis stant *canalis perpetua*, *canalibus quas*, *canales angustas*, ap. Varr. R. R. III. 11. 7. et 5. *canalem rotundam* ap. Caton. R. R. 18. *diversas et rigidas canales*, ap. Sever. Aetn. 127. et 149. (Ita enim legendum, non cum Iohnsono, *diversos*, et *rigidos*.) et diminutivum *canalicula*, ap. Lucilium et A. Gell. XVII. 11. Pro his contra pugnat, Liv. XXIII. 31. *canali uno*. Stat. Silv. I. 2. 205. *demerso canali*. Cels. I. 4. *largo*

vero, pro *limitibus agrorum* masculino tantum legitur. *Corbis* feminino <sup>36</sup>); *pulvis*, *cinis*, *amnis*, masculino <sup>37</sup>), longe usitatius usurpata reperimus <sup>38</sup>).

## O S.

32. OS maribus detur. Sunt neutra *chaos*, *melos*, *os*, *os*:

Postulat haec *arbos*, *cos*, *dos*, et origine Graeca

Orta *eos*, *arctos*, *perimetros* cum *diametro*.

In OS masculina sunt: ut, *hic flos*, *hic ros*.

*canali*. Colum. IX. 5. *exstructo canali*. Plin. XXXIII. 4. §. 21. *hi canales*: et VIII. 10. *ipso canali*; ut omittam Senec. Epist. 108. et Nat. Q. III. 11. et 20. et 27. et IV. 2: item Vitruv. VIII. 6. Pallad. I. 18. Apul. Met. VI. p. 187. et 188. et Met. IX. p. 278. et Ulpian. L. 3. §. 2. ff. de rivis: ac denique diminutivum *canaliculus* ap. Colum. VIII. 10. et 15. Cels. VIII. 8 et 20. extr. et Vitruv. VII. 1. et X. 14.

36) *Corbis* masc. facit Priscianus, p. 652. et ita quidem Hirtius B. Hisp. c. 5. *corbes plenos*, et Colum. XI. 2. extr. *pabulatorium corbem*, et Prudentius Enchirid. v. 145. *corbes bis seni*. At femininum probat Caper, p. 2248. Ciceronis enim est pro Sext. 38. *messoria corbe*: et eiusdem Colum. VI. 3. *corbis pabulatoria*: et hinc diminutivum *corbula*, quo usus Cato R. R. 11. et Caecil. etiam et Varro, testé Nonio. Quod autem ex Petronio, c. 33. *cum corbe in qua*, adferunt Vossius et Johnsonus, meliores codices in quo habent.

\* 37) Ennius *pulvis vasta*, Propert. 1. ult. 6. *pulvis Etrusca*: et Id. II. 10. 35. *horrida pulvis*: caeteri omnes masculine utuntur, confirmatque diminut. *pulvisculus*. Pro *pulvere* autem nostra, quod ex Propert. 1. 19. 22. citat Johnsonus, in emendationibus nostro legitur. \* *Acerha cinis*, Catul. LXVI. 90. *cinera multa*, Lucret. IV. 924. *lixiva cinis*, Scribon. Larg. c. 226, et 230. et Seren. c. 44. *cinis placidula*, Auson. Parent. 27. *iucunda cinis*, Virg. Cir. v. 235. ut alios taceam a Nonio citatos: sed longe frequentior, et plurali perpetuus, masculini usus. \* *Amnis ulla* habet Plautus Merc. V. 2. 18. Addit Nonius e Naevio, *amnis inflexa*; ex Accio *alta amni*; ex Varrone, R. R. III. 4. (al. 5.) *altera amnis*: verum in libris meis *alter* legitur: et quidem adeo rarus feminini usus, ut Johnsonus masculinum millenis vicibus superare existimet.

38) Despauterius dubiis addit *halcyonis*, quod nusquam occurrit. Silius quidem Ital. XIV. 275. *halcyones* habet, nullo adiectivo appositò: alii *alcyon*, *alcyone*, vel *alcedo*, feminino semper genere, appellant. \* *Lapis* femininum ap. Ennium, \* *messis* ap. Luciliū, et *volueria* ap. Cicer. Div. II. 80. masculina, in exemplum vix trahenda videntur. \* *Retis*, pro *rete* olim masc. Sic *avidum retem* dixit Plant. Rud. IV. 3. 5. ita enim legit Priscianus, p. 759. Varro quoque R. R. III. 5. *obiecto rete*, et Plin. XI. 24. §. 28. *scutulato rete*, nisi hoc licenter a recto *rete* declinatum sit. Idem tamen Varro. loc. cit. *rete cannabina* in fem. extulit. \* *Testis*, pro *testiculo*, solum masc. ut *testes vulpini* ap. Plin. XXVIII. 12. pro eo autem qui testimonium profert, commune est: ut et *civis*, *hostis*, *canis*, etc. per Reg. 3. \* Composita ab *anne* masculina esse snpra ostendimus Reg. 7. olim tamen quasi neutra essent et indeclinabilia a veteribus nonnunquam usurpata, observat accuratissimus Gronovius, de pecun. vet. 1. 8. adducitque in eam sententiam Varronem L. L. 8. *A tressis virilia multi-*

Exc. 1. Quatuor neutra sunt; *chaos*<sup>39)</sup>, *melos*<sup>40)</sup>, *os*, *oris*; *os*, *ossis*<sup>41)</sup>.

Exc. 2. Tria Latina feminina sunt: *arbos* vel *arbor*, *cos*, *dos*<sup>42)</sup>. Item, haec Graeca; *eos*, *arctos*<sup>43)</sup>; *perimetros*, *diametros*<sup>44)</sup>, <sup>45)</sup>.

US secundae et quartae declinationis.

33. Nomen in US mas est, seu quartae sive secundae.

In US tam secundae quam quartae declinationis, masculina sunt: ut, *hic annus*, *hic vultus*,

34. Haec *domus* et *vannus*, pro fructu *figus*, et *alvus*, Sic *humus* atque *manus*, poscunt: *acus* addito quartae, *Porticus* atque *tribus*. Capit hoc *virus*, *pelagus*que.

Exc. 1. In secunda declinatione feminina sunt; *van-*

*tudinis* hei tressis, et hei tressibus, cum sit singulare hoc tressis: A. Gell. XV. 19. ex Varrone, *Illum qui norunt, volunt emere millibus centum; te qui novit, nemo centussis*: Stat. Silv. IV. 9. 9. — *Mihi constitit decussis*. Ita enim utrobique habere MSS, non *centissi*, *decussi*, ut in vulgatis repositum. Haec autem per Ellipsin dici, pro emere aere vel pondere *centussis*, *decussis*, ibidem docet vir summus: ac proinde non leviter eos errare, qui in illo Vatinii ad Cic. Fam. V. 10. *Simius non semissis homo*; et illo Persii V. 76. *Dama est non tressis agaso; semistis et tressis* adiectiva esse putant, ac propterea in Accus, dici posse *hominem semissem* aut *tressem*, cum non aliter utroque loco dicatur, quam in illo Plauti, Poen. 1. 2. 168. *Non ego homo trioboli sum*.

39) Extra neutrum usurpasse Ovidium quidam existimant Met. XIV. 404. *Nocte Deos Erebonque Chaonque convocat*: sed ibi *Ereboque Chaoque* plerique vet. habent, teste Heinsio.

40) *Melos* olim masculinum fuisse ex Accio, Pacuvio et Varrone probat Nonius; nisi his *melcos*, pro *melus*, scriptum, ea ratione qua *avos*, *aequom*, pro *avus*, *aequum*, antiqui dicebant.

\* 41) *Epos* invariabile est, atque idcirco neutrum per Reg. 11.

\* 42) *Paederos* quoque et *Paneros*, gemmarum nomina, Genitivum in *otis* formantia, Plinio feminina sunt. De hoc XXXVII. 10. §. 66. *Paneros qualis sit, carmen in eadem*, etc. De illo, eod. lib. c. 9. §. 46. *Laudatissima est in Indis — proxima apud Aegyptios, — tertia in Arabia, verum scabra, — ipsae molliores sunt, — vitia earum*. Ut mirum sit id negare Leodium, Animadv. in Iohns. p. 33. Non ignoro in his Plinium, ut solet, *gemmam*, respexisse: neque Solinum c. 46. *paederotem Arabicum*, aut Salmasium in loc. *de altero paederote*, dicentes, damnaverim.

43) Sic *crastina Eos*, ap. Ovid. Heroid. III. 57. *sicca arctos*, ap. eund. Trist. 1. 2. 29.

44) Sic Vitruv. 1. 6. pr. *magna perimetros*: Macrobi. Som. Scip. 1. 20. *altera diametros alteram vincit*. Pro his autem vulgo dicunt *diameter*, *perimeter*, vel, *diameter*, *perimeter*; at sine veterum (ut Vossius notat) auctoritate.

45) *Bos*, *custos* et *sacerdos*, communia per Reg. 3. *glos*, item *Delos*, *Rhodos*, *Ilios*, etc. feminina, per Reg. 2. et 8.

*nus, alvus*<sup>46)</sup>, *humis*. In quarta autem; *manus, porticus, tribus*. Item, *domus*, partim secundae, partim quartae: *ficus*; tam secundae quam quartae<sup>47)</sup>: [Pro morbo autem vulgo masculinum statuitur.] *Acus* denique quartae femininum est. *Acus* autem *aci*, secundae, masculinum. At *acus, aceris*, tertiae et neutrum est<sup>48)</sup>.

Exc. 2. In secunda declinatione duo sunt neutra: *virus, pelagus*<sup>49)</sup>.

35. Nomen in OS Graecum, quod in US mutare Latini Saepe solent, normam sequitur plerumque virilem: Feminineum sed multa petunt: ut, *abyssus, eremus, Antidotusque, pharus, dialectus, carbasus*: adde Ex *odos* et *pthongos* genitum, quaeque a generali Voce genus plantae et gemmae capiunt muliebre.

Exc. 3. Ex nominibus Graecis in OS terminatis, quae Latino more plerumque in US exeunt, plurimā quidem, Graecorum consuetudinem secuta, masculina sunt: ut, *cyathus, gyrus, dialogus, bolus*<sup>50)</sup>.

46) *Alvus* olim masculinum fuisse ex Calvo, Cinna, Accio, Laberio et Catone probant Charisius p. 61. et Priscianus p. 654 et 718. at proximo seculo solius feminini usus praevaluit. In quibusdam quidem Columellae codd. X. c. 146. *materno alvo*, legitur: in aliis tamen arvo habetur.

47) *Ficus* priscis quoque virile fuit: id quod ostendit illud Lucilii, citante Nonio, *Sicuti cum primos ficus propola recenteis Protulit et pretio ingenti dat primum paucos*. Addit Vossius et diminutivum *ficulus*, ap. Plaut. in Stich. V. 4. 8. At ibi *ficulis* in Ablativo legitur, ut nescias rectone *ficulus* sit, an *ficula*. At (quod Vossium fugisse videtur) rem certissimam facit Varro, qui L. L. VIII. p. m. 117. Hi et Haec Ficei dicere iubet. Idem tamen Plautus, et optimi quique solo feminino adhibuerunt. Quo etiam in genere *ficus*, pro corporis vicio, a fructus similitudine dicto, ponendum existimat Iohnsonus, legendumque adeo ap. Martial. I. 66. *Dicemus ficus, Caeciliane, tuas*, non, ut vulgo, *tuos*; adductus praecipue illo Iuvenalis, de eodem morbo loquentis, II. 13. *Caeduntur tumidae, medico ridente, mariscae*: ubi *fici* intelligi, ac proinde femininum hoc etiam significatu esse, ingeniose nec sine summa veri similitudine vir accuratissimus contendit. Non est vero, quod id sibi primo animadversum putet, idem enim iamdudum ad L. Vallae Elegant. 1. 4. Bad. Ascensius observaverat. [Etiam *paragraphus* femininum esse, docere studuit Henr. Stephan. de abusu Ling. Lat. p. 16.]

48) Quarta etiam et fem. genere, pro *palea*, usus est Columella, II. 10. *Ac durissimae quidem acus resectae separatque erunt a cudentibus*.

49) Despauterium aliosque, *pelagus* interdum masculine usurpatum existimantes, fefellit prava editio Val. Flacci 1. 169. in qua *Pelagum* quanto aperimus in usus, legebatur: melioribus enim libris *pelagus* ibi habetur.

50) Medici tamen de terra quadam *bolus Armena* dicunt; quamvis et aliud terrae genus *bolum verum* iidem appellent.

† Multa autem, Graecorum itidem imitatione, feminina sunt: ut,

1. *Abyssus*, *eremus*<sup>51</sup>); *antidotus*<sup>52</sup>); *pharus*<sup>53</sup>); *dialectus*<sup>54</sup>); *carbasus*<sup>55</sup>), \*<sup>56</sup>).

2. Ex *odos* et *pihngongos* composita: ut, *periodus*, *methodus*, *diphthongus*, *monophthongus*<sup>57</sup>).

3. Quaedam gemmarum seu lapidum pretiosorum nomina, quae ob vocem generalem *gemma* intellectam, feminino genere posita videntur: ut, *amethystus*, *chrysolithus*<sup>58</sup>): sic *crystallus*, *sapphirus*, *chrysophrasius*, *leucochrysus*, *topazius*<sup>59</sup>).

51) *Abyssus* et *eremus*, non alio quam Ecclesiasticorum scriptorum, Prudentii, Alcimi Aviti, Tertulliani, D. Hieronymi, etc. usu sunt commendata.

52) Gell. XVII. 16. *Antidotus* celebratissima. Seren. LXII. 9. *Antidotus Mithridatica*: antiquiores *antidotum* in neutro fere ntuntur.

53) Sic Stat. Silv. III. 5. 101. *Pharus aemula Lunae*, Propert. II. 1. 80. *Ptolemaeae Phari*, et Iuvenal. XII. 76. *Tyrrhenam Pharon*. Sueton. autem, Claud. 20. extr. masculino dixit, in exemplum *Alexandrini Phari*. Ita enim in pluribus melioribusque libris, et in his MS. haud spernendae notae, invenio; non, quod Vossius, alique eius fidem secuti, affirmant, *Alexandrinae*. Ei quoque lectioni favere videtur, quod Graecis (fatente Vossio) masculinum sit, et Pammelius in codice MS. ap. Tertullian. de Poenit. c. 12. *duobus salutis humanae quasi pharis*, non *duabus*, repererit. Adducunt praeterea Sabellicus et Despauteus illud Rufi Avieni in Arat. *Romuleique phari fauces illaesa reliquit*.

54) Sueton. Tib. 56. *Illam molesta dialectos*.

55) *Carbasus*, quamvis Phocas masculinum statuat, p. 1706. nusquam fere iam extra femininum invenitur. In nonnullis quidem Val. Maximi codicibus, l. 1. 7. *quem optimum carbasum*; in aliis autem *quam optimam* legitur. Amm. Marcellini, *summos carbasos*, XIV. 27. dicentis, parvi facienda est auctoritas.

56) His adde *plinthus*, vel *plinthos*, fem. Vitruv. III. 3. \* Addit Johnsonus *cephus*, animalis nomen, ap. Plin. VIII. 19. *Quas cephus vocant, quarum pedes*, etc. at praestantissima Harduini Editio *κήπος* literis Graecis exhibet.

57) Nomirum haec duo Graecis adiectiva sunt, *διφθογγος*, *μονόφθογγος*, i. e. *bisonus*, *unisonus*, quibus *συλλαβή*, *syllaba*, ut antea diximus, intelligitur. Adiectiva quoque sunt quaedam ex praecedentibus, *abyssus*, *eremus*, *antidotus*, *dialectus*; Graecis, *ἄβυσσος*, i. e. *fundo carens*, sub quo *λίμνη*, *lacus*, vel tale quid; *ἔρημος*, i. e. *desertus*, sub quo *γῆ*, *terra*; *ἀντίδοτος*, i. e. *contra datus*, sub quo *δύναμις*, *potentia*, ut vult Ursinus, vel melius forte *πόσις*, *potio*; *διαλέκτος* denique, i. e. *separatus*, sub quo *γλώσσα*, *lingua*, latere intelligenda sunt.

58) *Amethystus* masculino utitur Isidorus: at Plin. XXXVII. 9. § 40. *amethysti Indicae*; et Ovid. Art. III. 181. *purpureas amethystos*; non, ut Johnsonus legit, *purpureos*, Vid. Heins. in loc. \* Sic Plin. Ibid. c. 9. § 42. *Chrysolithi Indicae* — *variae* — *detrimentae* — *optimae* — *perspicuae*: et § 43. *chrysolithon* XII. pondo *a se visam*: quamobrem et femininum praefert Vossius. Propertius tamen II. 13. 44. *quos chrysolithos*, Prudentius, Psychom. 855. *chrysolithus interlitus auro*; et Plin. XXXVII. 7.



† Caetera autem eiusmodi fere masculina sunt: ut, *beryllus*, *carbunculus*, *opalus*, *pyropus*, *smaragdus*<sup>60</sup>).

4. Quaedam denique plantarum seu fructuum nomina, ob subauditam vocem *planta*: ut, *papyrus*, *biblus*, *nardus*, *byssus*, *hyssopus*<sup>61</sup>), *costus*<sup>62</sup>), *crocus*<sup>63</sup>), <sup>64</sup>), etc. <sup>65</sup>).

† Reliqua vero plerumque sunt masculina ut, *asparagus*, *elleborus*, *intybus*, *raphanus*<sup>66</sup>), etc. <sup>67</sup>).

US tertiae declinationis.

36. Postulat US neutrum, quoties id tertia flectit.

In US tertiae declinationis neutra sunt: ut, *hoc littus*, *hoc onus*.

§. 28. *fumido chrysolitho similes*; (uti in optima Harduini vetustioribusque Edd., legitur) dixerunt. \* *Hyacinthus* gemma Plinio itidem femininum est: at *hyacinthus* flos Virgilio et Columellae masculinum. Contra Graeci; nam de *gemma* Epiphanius *ὑακινθὸς ὑποκορρυπίζων* dixit; de flore Theocritus *ὑακινθὰ ὑάκινθος*.

59) His adde, *Baroptenus*, *belus*, *belioculus*, *carchedonius*, *exebenus*, *sanderes*, *trichrus*: item *Apsyctos*, *astrios*, *chaleophonos*, *chalcosmaragdus*, *cyanos*, *leucophthalmos*, *lycophthalmos*, *phycuros*, *polyzonos*, *tanos*, *zeros*. V. Plin. XXXVII. 5, 8, 9, 10, 11.

60) Sic *Melichrysos*, *melichloros*, *phloginus*. V. Plin. Ibid.

61) Plin. XXXIII. 5. *Aegyptia papyrus*, Martial. III. 2. *madida papyro*. Virg. Cir. v. 88. *docta papyro*. \* Lucan. III. 222. *flumineas biblos*. \* Horat. Car. II. 11. 16. *Assyria nardo*. Plin. Id. Epod. XIII. 12. *Achaemenia nardo*. \* Cels. IV. 4. 2. *hyssopus cocta*. \* *Byssus* Graecis est femininum, at eo in genere idoneum apud Latinos exemplum non suppetit.

62) Lucan. IX. 917. *Eoa costus*. Graecis tamen *κόστος* masculinum est, teste Ursino.

63) Apul. Met. X. p. 352. *vino crocus diluta*.

64) Inveniuntur et haec fere omnia in neutro, *papyrus*, *nardum*, *hyssopum*, *costum*, *crocum*.

65) Adde *Acanos*, *acaros*, *acinos*, *ampelos*, *anagyros*, *anonymos*, *buglossos*, *buphthalmos*, *chamaecissos*, *cyclaminos*, *capnos*, *crethmos*, *cactos*, *cynobatos*, *cynoglossos*, *crataegonos*, *cyperos*, *elaphoboscus*, *holichrysos*, *mastos*, *melilotos*, *periclymenos*, *peplos*, *spodos*, *strychnos*: quae Plinius fere feminina, servata Graeca terminatione, adhibuit. V. Iohnsoni App. p. 83 et 84. et Addit. p. 29. Iunge et ab eo omissa; *cyssunthemus*, *pota*, Plin. XXVI. 15. et *peristereos* *apposita*, Ibid. et *Erycina thopso*, Lucan. IX. 919.

66) *Raphanus* tamen Graecis, Theophrasto, Hist. Plant. VII. 2. et Suidae in voc. femininum est.

67) *Amaracus* utroque in genere Plinius utitur, XIII. 1. *Cyzicena amaracus*: et XXI. 11. *amaracus*, quem Phrygium vocant. Eidem et neutrum est *amaracum*, XXI. 22. \* *Tithymallus* Sereno, XLVII. 12. femininum, Plinio et aliis masculinum. \* Idem Plin. XXVI. 11. *centunculus decocta*: et XXIV. 15. *centunculus tritus* dixit. \* *Cylisus*, fruticis nomen Columellae bis femininum, aliis omnibus masculinum est. \* *Halus*, *halicacabus*, *holcus*, *polygonus*, *sampsuchus*, *silybus*, Plinio feminina, *sabucus* Sereno. V. Iohns. App. p. 88.

37. Feminineum voluere *palus*, *subscusque*, *salusque*,  
Quaeque *senex*, *iuvēnis*, cum *servio*, nomina formant,  
Et *virtus*, *incus*. At mascula sunt *lepus* et *mus*,  
Et *pus* compositum: petit at muliebre *lagopus*.

Exc. 1. Pauca nomina in US tertiae declinationis feminina sunt [videlicet genitivum in *utis* s. *udis* terminantia]: viz. *palus*, *subscus*, *salus*, *senectus*, *iuventus*, *servitus*; [a *senex*, *iuvēnis* et *servio* derivata]: *virtus*, *incus*.

Exc. 2. Masculina sunt *lepus*, *mus*. Item, composita ex *pus*, seu πούς Graeco, i. e. *pes*: ut, *tripus*, *chytropus*.  
† Femininum autem est *lagopus* <sup>68)</sup>.

*Dubia in US.*

38. Hic aut haec donant *balanus*, *specus*, atque *phaselus*,  
*Barbitus*, atque *penus*, *grossus*: sed *grus*, *atomusque*  
Feminineum potius cupiunt; *colus* adde, virile  
Quod raro invenies: muliebre at contra *camelus*  
Est ubi nonnunquam videas. Vult hic dare *vulgus*,  
Sed magis hoc. Ternae *specus* et *penus* addito neutris.

1. Nomina in US sequentia sunt dubii generis: *hic*  
aut *haec balanus* <sup>69)</sup>, *specus* <sup>70)</sup>, *penus* <sup>71)</sup>, *phaselus* <sup>72)</sup>,

68) *Lagopus* cibus gratissima, Plin. X. 48. \* *Lagopus* sinit alvum  
e vino pota, Id. XXVI. 8. nempe hic herba, illic avis, intelligitur.

69) *Balanos Sardianos*, Plin. XV. 23. *Pressa tuis balanus capillis*,  
Horat. Car. III. 29. 4. Sic et Graecis (quibus muliebre solum existima-  
vit Vossius et Methodi auctor) Dioscoridi quidem femininum at Diphilo  
apud Athenaeum masculinum est. Vid. Harduinum ad Plin. loc. cit.

70) *Densus specus*, Ovid. Met. III. 29. *Vasto specu*, Liv. VII. 6.  
*effossi specus*, Tac. Ann. XII. 57. 2. *Specus ultima*, Sil. VI. 276. *Specum*  
*remotam latebrosamque*, Gell. V. 14. Sed paulo frequentius masculinum.

71) *Penus* extra tertiam declinationem masculino usitatus quam femi-  
nino statuere videntur Vossius et Johnsonus. Rectius vero Methodi au-  
ctor et Ursinus, qui femininum praeferunt. Masculinum enim apud so-  
lum Plautum et Prudentium reperio; illum, Pseud. 1. 2. 45. *penus an-  
nuus*, et Truc. II. 2. 19. *penos annuos*; hunc contr. Symmach. II. 918.  
*penu pro virginis ulciscendo*, dicentes. Feminino autem non tantum Lu-  
cilius, Pomponius et Naevius ap. Nonium utuntur: sed Iureconsulti, Ul-  
pianus, Marcellianus, Paulus et Scaevola in lib. XXXIII. tit. 9. *Pandecta-  
rum de penu legata*; apud quos, praeter ipsam tituli inscriptionem, *pe-  
nus praestita*, *certa*, *consumpta*, *esculenta*, *potulenta*, *penus quae Romae*  
*sit*, *penum meam*, etc. passim invenias. Adde *longa penus*, ap. Auson.  
Idyll. III. 28. et *penum regiam*, ap. Pacat. in Paneg. Theod. c. 12.  
Charisius denique, p. 57. illo Virgilii, Aen. I. 703. *ordine longam cura*  
*penum struere*, femininum probat; pro quo nunc ordine longo, apud Gel-  
lium vero IV. 1. utrumque legitur.

72) Catullo IV. 1. Cicer. Att. XIV. 16. Anson. Idyll. X. 221. ma-  
sculinum: At Stat. Silv. V. 1. 245. Lucan. V. 518. Mart. X. 30. femi-

*barbitus*<sup>73</sup>), *grossus*<sup>74</sup>), *Specus* autem et *penus* tertiae, neutra sunt<sup>75</sup>).

2. *Grus*<sup>76</sup>), *atomus*<sup>77</sup>) saepius feminina, rarissime masculine leguntur. *Colus*, uni Catullo<sup>78</sup>), *Camelus*, soli Plinio<sup>79</sup>) femininum est.

3. *Vulgus*, vel masculini est, vel neutri<sup>80</sup>) generis<sup>81</sup>), at saepius neutri<sup>82</sup>).

ninum. Addit Vossius, Ovid. Pont. 1. 10. 39. *fractae phaselo*: at ibi *fragili* Heinsius legit. *Phaselus*, vel *faselus*, pro legumine, masculinum facit Despauterius, quo etiam inclinat Methodi auctor: Columella tamen lib. X. v. 377. *faselus longa* dixit. *Phaseolus* vero, sive *faseolus* (quod idem esse vulgo existimant) masculino tantum legi Johnsonus testatur.

73) Horat. Car. I. 1. 34. et alibi masc. Ovid. Heroid. XV. 8. feminin.

74) Celsus V. 12. extr. Pallad. Mart. tit. 10. masculino; Plinius vero, nec uno in loco, feminino, utuntur.

75) V. cap. III. reg. 12 et 26.

76) Masculino utitur Horat. Sat. II. 8, 87. et Laberius ap. Nonium: alias femin. est.

77) Ciceroni constanter femin. est; Vitruvius autem II. 2. *atomos* quos, et Lactantius de ira Dei, c. 10. *atomorum* quos, in masc. extulerunt. Memoratur et *atomi congesti coacervatique* ap. Senec. Nat. Q. VII. 13. Sed meliores libri illic *congestae coacervataeque* legunt. Graecis nempe femininum est, proprieque adiectivum; *ἀτομος*, i. e. *insecabilis*, cui *οὐστόα*, vel *ἰδέα*, a Vossio intelligitur.

78) Carm. LXII. 311. *Colum retinebat amictum*: quidam tamen codices *amictam* habent. Addunt quoque ex Propertio, IV. 9. 48. *Lydo colo*; et IV. 1. 74. *dextro colo*: item ex Tibullo, I. 3. 86. *pleno colo*, At veram locis istis lectionem, *Lyda, dextra, plena*, asseruit Broukhuisius.

79) Negat Vossius, eumque secuti Methodi auctor, Ursinus et Leodius, *camelus* usquam femininum reperiri. At Harduinus, Not. et Emend. ad Plin. VIII. Num. 50. optimis Plinii codicibus MSS. *camelus* ubique genere femineo nominatum testatur; pro quo libri impressi masculinum pravo consilio substituerunt. Graecos nimirum Plinius imitatur, quibus *κάμηλος* haud raro femininum profertur. Sic XI. 37. *Camelus una ex iis, quae non sunt cornigera, in superiori maxilla primores non habet*, editi etiam plerique nobis exhibent. Hoc unicum femininum exemplum existimavit Johnsonus: at plura suppeditat loco superius cit. accuratissima Harduini editio. Immerito igitur damnat Vossius Bruyerium Campegium (addere potuit et Ang. Politianum in elegantissima Herodiani versione, lib. IV. c. 30.) femininum utentem.

80) *Vulgum* in Accus. genere virili dixere Sallustius, Iug. 76. Virg. Aen. II. 99. Sil. XIV. 129 et 287. Curtius IX. 1, 20. Horat. Sat. II. 3. 62. et ita locutos Varronem, Accium et Sisennam docet Nonius. Neutrum tamen longe usitatus est; quanquam masculinum praeferat Charisius p. 31.

81) *Sexus* vel potius *secus*, neutrum quoque reperitur, non tantum ap. Plaut. Rud. I. 2. 19. *Virile secus nunquam ullum habui*; et Sallust. Hist. II. 7. *virile et muliebre secus*: sed etiam Liv. XXVI. 47. Tacit. Annal. IV. 62. 3. Et Hist. V. 13, 5. etc. V. omnino Gronov. ad Liv. loc.

## YS.

39. Nomen in YS Graecum est, genus et sibi femineum vult.

In YS desinentia Graeca sunt, et feminini generis: ut, *haec chelys*, *haec chlamys*<sup>83</sup>).

S praecedente diphthongo.

40. *Aes* neutrale petit: *laus*, *fraus*, muliebria sunt.

*Aes*, cum *ae* diphthongo, neutrum est. *Laus*, *fraus*, feminina sunt.

S praecedente consonante.

41. S dato femineis, si consona ponitur ante.

Mascula sed *pons*, *fons*, *mons*, *seps*, dum denotat anguem;

Et queis P praeit S polysyllaba, *forcipe* dempto, *Densque*, *chalybs*, cum *gryphe*, *rudens*, quod rarius haec vult.

Hic aut haec *serpens* dat, *scrops*, *stirps* truncus, *adepsque*.

Dans *animans* genus omne, tamen muliebre praecipuat.

In S, praecedente consonante, feminina sunt: ut, *haec trobs*, *puls*, *hyems*, *mens*, *stips*, *ars*.

Exc. 1. Masculina sunt: *pons*, *fons*<sup>84</sup>), *mons*, *seps*,

cit. item Voss. Annal. I. 81. Johnson. App. p. 49. et nos infra lib. III. reg. 12.

82) Dubiis adiciunt Despauterius et alii, *alvus*, *arqus*, sive *arcus*, pro *iride*; *intybus*, *lecythus*, *pampinus*, *paradisus*, et *pharus*. De *pharus* et *alvus* supra dictum. \* *Arcus*, *intybus* et *pampinus* optimi quique solo masculino utuntur: quae autem ex vetustis scriptoribus contra citantur, non magis iam imitanda censuerim, quam *finus*, quod Apuleius Met. VII. extr. *metus* quod Ennius femin. adhibuerunt: aut *limus*, *limus*, *lembus*, *lepus*, *agnus*, *socrus*, *supparus*; quorum genera priscos illos confudisse Priscianus testatur, p. 658. \* *Paradisus* et *lecythus*, licet Graecis feminina, patres tamen Ecclesiastici, Hieronymus et Augustinus, masculina usurparunt. Prius bonis auctoribus inusitatum: posterius quidem, sed literis Graecis, expressit Cic. Attic. I. 14. *Nosti illas ἀγκύθους*, eumque imitatus Plinius iunior, Epist. I. 2.

83) \* *Cachrys* masculino nuntur Plinius, XXVII. 19. *admixto cachrys*; alibi tamen et saepius fem. XXIV. 11. *Cachrys*, — *haec*, — *quae*, — *resinosa*: et XXII. 22. *admixta cachrys*.

84) Interdum feminino adhibitum quidam putant, propter illud Plau-

[at pro *sepimento*, femininum est.] Masculina etiam sunt nomina in PS. plures syllabas quam unam habentia: ut, *hydrops*, *merops*<sup>85</sup>), *epops*. At *haec forceps*, regulam servat<sup>86</sup>). Masculina porro sunt, *dens*<sup>87</sup>), *chalybs*, *gryps*<sup>88</sup>), *rudens*, quod Plautus et Vitruvius<sup>89</sup>) in feminino extulerunt<sup>90</sup>).

Exc. 2. Dubii generis sunt, *hic* aut *haec serpens*; *scrobs*, *adeps*, *stirps* pro *trunco arboris*<sup>91</sup>); at pro *progenie*, vel *origine generis*, tantum femininum est<sup>92</sup>).

ti, Stich. V. 4, 26. *Tibi propino decuma fonte*. At vide Interpretes, qui eum locum aliter legunt.

85) *Chamaerops* autem, ab eo compositum, femininum est Plinio, XXVI. 9. *chamaerops ex vino pota*, ob nullam aliam, credo, rationem, quam quod generale, *herbam*, respiceret.

86) Ita docent Vossius, Ursinus et Iohnsonus. At scrupulum haud levem iniicit, non solum quod Priscianus dubium faciat, p. 657. sed etiam quod ap. Celsum VII. 12. inveniamus, *Recta forceps ducenda est*. Et ibid. *Forcepe ad id facto, quam ῥιζόγρῶν Graeci vocant*. Et VIII. 4. *Forcepe ad id facto colligenda sunt*: quemadmodum in optimis, Lindeniana et Almeloviana Editt. legitur. Aldina quidem, Oporiniana et aliis, *forfex ducenda*, et *forfice facta* habetur. Sed, quod Philander ad illud Vitruvii observavit, X. 2. *Ad rechamum autem unum ferrei forfices religantur; forfices aut forpices*, pro *forfices*, legendum existimans: idem hic quoque habere locum videtur. *Hic enim* (inquit) *incidimus aut tondemus; illis vero ad focum utimur, aut calidum fornacibus: et teneamus et versamus, tenaculas a tenendo vocantes*. Eadem et Servii distinctio est, ad Virg. Aen. VIII. 453. Caeterum *forceps* femin. est Ovidio, Met. XII. 277. *forcipe curva*: et Novio apud Priscian. *callida forcepe*.

87) *Dens* Apulejo muliebri positum tradit Iohnsonus, App. p. 54. illud credo inhuens eius auctoris in Apologia, p. m. 563. *Dentem splendidas: ignosce munditiae*. At *splendidas* ibi verbum est, non adiectivum, pro *splendidas facies*: quod etiam et Ursinum T. 1. p. 237. et Methodi auctorem fefellit.

88) Sic *gryphas fabulosos reor*, inquit Plin. X. 49.

89) Plaut. Rud. IV. 3, 1. *Dum hanc quam trahis rudentem complico*. Vitruv. X. 21. *rudentibus per quarum aspiritates*, etc. Natura adiectivum est, cui *funis* intelligitur, quod propterea veteribus femininum quoque fuisse colligit Vossius. *Rudens* autem aliis scriptoribus, Catullo, Virgilio, Ovidio, Lucano, Silio; eidemque Vitruvio X. 18. masculinum est.

90) *Bidens* quoque, pro *instrumento fossorio*, masc. est Virgilio Geo. II. 355. pro *ove* autem eidem femin. Aen. IV. 57. et XII. 170. Sed id etiam utrobique adiectivum est: sub hoc enim *ovis*, sub illo *figo, rastus*, vel *raster*, latere intelligitur. Vid. Sanctium, p. 631. \* Male his addit Iohnsonus, App. p. 54. *bisona*. *Villosi quidem bisontes* in masc. dixit Seneca in Hippol. v. 64. et *bisontes iubatqs*, Plin. VIII. 15. at hoc a recto est *bison*, quo utitur Martialis de Spectac. Epig. 23.

91) *Serpens* natura adiectivum, cui masculino *anguis*, femin. (et hoc saepius) *bestia* intelligendum est. \* *Scrobs*, sive *scrobs*, potius masculinum esse vult Servius, ad Virg. Geo. II. 50 et 288. laudatque Plautum et Ciceronem ita locutos. Columella et Plinius promiscue utuntur, saepius tamen masculino. V. supra ad Reg. 81. \* *Adeps* virile semper est Plinio,

Exc. 5: *Animans* omni in genere reperitur, ratius autem in masculino, frequentius in feminino vel neutro<sup>21</sup>).

## X.

42. Haec petit X. *Ax*, *ex* maribus polysyllaba iunge:

Dic tamen haec *fornax*, *smilax*, *carex*, velut *halex*,  
Et cum prole *panux*, et *forsex* atque *supelles*.

In X litera finita feminina sunt: ut, *pax*, *lex*, *pix*,  
*vox*, *lux*, *falx*, *lanx*, *arx*. Sic *ciatrix*, *celox*, *balux*.

Exc. 1. Nomina polysyllaba in AX et EX desinentia masculina sunt: ut, *thorax*, *frutex*.

+ Ex polysyllabis autem in AX et EX, sequentia femi-

Sereno, et Palladio: Celso frequentius femininum, Colpmetellae promiscuum. \* *Stirps*, pro *trunco arboris*, Virgilio fere masculinum, Geo. II. 379. *admorso stirpe*; et Aen. XII. 208, 770, 781. *inque stirpes*, *stirpem sacrum*, *lento stirpe*; et ita, ante eum, Ennius et Pacuvius. Reliquis vero femininum usitatus est. Nam Cic. Tusc. III. 6. *altas stirpes stultitiae*, Horat. Car. III. 29, 37. *stirpes raptas*. Cato R. R. 40. *stirpem praeciscam*. Colum. II. 2. ext. *prae fractas stirpes*, dixerunt. \* Quod vero *stirps*, etiam pro *progenie*, Pacuvius virile posuerit, nemo iam sequendum eum arbitrabitur.

92) \* *Scobs*, sive *scobis*, tantum femininum esse volunt Vossius et Ursinus: et ita quidem Celsus, VIII. 2. Colum. IV. 29. et VII. 10. et XII. 43. et Plin. XXXIV. 11, 18. et alibi saepius, utuntur. Palladius tamen Feb. I. 17. in masculino dixit, *educto omni scrobe*. \* *Frons*, quod pro *anteriori parte capitis*; dubiis Despauterius aliqui accensent, cum optimis quibusque semper femininum sit, non est quod Titinnium, Pacuvium, Catonem, Plautum, aut Caecilium, masculino apud Nonium et Gellium utentes, imitemur. \* *Lens*, *lensis*, quoque, licet eidem Titinnio masculinum, solo tamen feminino, cum Virg. Geo. I. 223, et Plin. XXII. 25. §. 70. et Seren. XVII. 5. adhibuerim. \* *Lendes* (quod et singulari privant) masculinum faciunt Charisius et Diomedes. Serenus tamen VI. 14. muliebri dixit, *Unde maris lendes capite deducit iniquas*. \* *Continens* masculinum adhibuit Cicero, Acad. IV. 33. *Mare dissimile est proximo vel continenti*: in quo, cum adiectivum sit, *ager Iohusonius* intelligendum putat. Aliter et plene Nepos, II. 3, 2. *continentem terram* appellat. \* Masculina etiam sunt, *nefrens*, quia *porcellus*; *torrens*, *confluens* et *profluens*, quia *fluvius* vel *liquor*; *oriens* et *occidens*, quia *Sol*; *tridens* vel *raster*, vel antiquum *acptrus*, substantiva sub iis latentia, masculina sunt.

93) In masculino utuntur, Cicero, de Univ. c. 6. *reliquos animantes*, et Horat. Sat. II. 1, 40. *quenquam animantem*: in femin. praeter multos alios, idem Cicero de Nat. D. II. 47. *Animantum aliae coris tectae sunt*; *aliae villis vestitae*, *aliae spinis hirsutae*; et alibi saepius. In neutro denique *animantia*, idem de Univ. c. 4. ac Plinius II. 63. aliqui usurpant. In hoc *negotium*, 4. c. *res*; in isto *bestia*; in illo *homo*, aut animal quoddam masculini generis; intelligi videatur. [Cf. Goerenz. ad Legg. p. 89.]

nina sunt: *fornax*, *smilax*, *carex*, *halex*, *panax*, idem quod *panaces*<sup>94</sup>), *opopanax*, *forfex*<sup>95</sup>), *supellex*<sup>96</sup>).

43. Mascula sunt *calix*, *phoenix*, pro vermeque *bombyx*, Et *coccyx*, *fornix*, et *onyx* vas, aut lapis unde Vas fit; *oryx*, *tradux*, *grex* his adiunge *calyx*que. Feminæo interdum data *tradux* cum *grege* carnes.

Ex c. 2. Masculina etiam sunt sequentia in X: *calix*, *phoenix*, *bombyx*: {pro materia autem vestis bombycinae, femininum est<sup>97</sup>); } *coccyx*<sup>98</sup>), *fornix*; *Onyx*, pro lapide *alabastrite*, aut vase inde confecto, [at pro *gemma*, tantum femininum<sup>99</sup>); ] *oryx*, *tradux*, *grex*, *calyx*<sup>100</sup>).

+ *Grex* tamen apud Lucretium, et *tradux* apud Columellam feminina<sup>1</sup>) inveniuntur<sup>2</sup>).

94) Vid. supra ad Reg. 29. n. 24.

95) Vitruvius tamen X. 2. *ferrei forfices* in masculino extulit, nisi illic, quod paulo ante meminimus, *ferrei forcipes*, cum Philandro, legendum.

96) His adiungi iubet Gaclenius Probl. Gramm. II. 15. pro figura Rhetorica, vocem *Climax*, perstringitque P. Ramum, Iul. Scaligerum, et Nath. Chytræum masculine utentes. Nempe Graecia est ἡ κλίμαξ femin. \* Addit post Priscianum Despaüterius *vibex*: at *vibix* nominativo potius dicendum existimant Vossius et Scioppius, eo quod genitivi penultimam habeat productam, quam *icis* ab *ex* corripere soleat. Eidem autem Vossio error obrepsit, qui id recte inter virilia referri scribit. Nam plane femininum est Persio IV. 49. *multa vibice*: et Seren. XLIV. 8. *atras vibices*: ut praeferam *vibices quantas*, ex Plauti Fugitivis a Varro citatum, L. L. VI. 3.

97) De *vermiculo* Martial. VIII. 39. *bombyx pendulus*, Plin. XI. 28. *bombyces vestitos*. De materia autem, seu veste bombycina, idem Plin. ibid. *Assyria bombyce*. Nec repugnat illud Propertii, II. 2. 25. *Arabio lueet bombyce puella*. Illic enim, per Metonymiam, animal pro eius opificio est positum.

98) Ut Graecis, ita Plinio, X. 9. virile est, *coccyx avidus ex natura*, etc.

99) Pro *gemma* Plin. XXXVII. 6. octies feminino usurpat. Pro lapide autem, seu vase, Catullus, LXIV. 83. *vester onyx*. Horat. Carm. IV. 12. 17. *parvus onyx*, in masculino. Nec aliter Propert. II. 10. 80. Statius Syl. I. 2. 149. Lucan. X. 116. Plin. XXXVI. 7. Martial. XI. 51. Idem tamen Martialis femininum adhibuit, VII. 94. *Unguentum fueras*, quod *onyx* modo parva gerebat: neque propterea constantem omnium librorum lectionem, cum Scriverio aut Vossio, sollicitandum censuerim.

100) Graecis tamen (ut notat Vossius) est femininum, ἡ κάλυξ.

1) Lucretii est, II. 661. *Buceriaeque greges*; Columellae autem, V. 6. *traduces mittendae*. Idem tamen, IV. 29. *tradux qui*; et v. 7. *novi traduces*: et Plin. XVII. 23. *traduces bini*, — *quaterni*, *inter se obvii*, — *una conciliati*, — *obiter rigorati*, solo masculino utuntur.

2) Masculinis addi potest, \* *Dorx*, — *cis*, (idem quod *dorcas*, seu

## Dubia in X.

44. Haec modo femineis, maribus modo iuncta videbis;  
*Calx* pro parte pedis metave laboris, et *hystrix*,  
*Imbrex*; *sardonyschem* iungas, *rumicem*, *silicem*que:  
 Hic mage vult *cortex*, et *obex*, cum *pumice varix*;  
 Haec potius *limax*, *lynx* et cum *sandice perdis*:  
*Atriplici* neutrum melius dabo quam muliebre.

Exc. 3. Haec nomina in X sunt dubii generis: *hic* aut haec *calx*, tam pro *calcaneo*, quam pro *fine* vel *meta*: [pro *lapide cocto* tantum femininum est<sup>3</sup>):] *hic* aut

*caprea*) ap. Gratum in Cynege. v. 200. *pavidosque iuvat compellere dorcas*: Item *Larynx*, i. e. *guttur*, (*Graecia* δ *λάρυγξ*, *Physicia* recentioribus usitatissimum vocabulum. \* Despauterius et alii his adii-  
 ciunt, *mastix*, *spadix*, *Eryx*, *esox* et *volvox*. 1. *Mastix*, — *igis*, a *Graeco μάστιξ*, i. e. *flagellum*, nulli probo auctori usitatum reperio. *Mastix*, — *ichis*, pro *resina lentisci arboris*, feminino utitur Serenus, XXIV. 21. et XXV. 16. masculino autem Palladius, Octob. 14. *Mal'm* tamen cum Plinio *mastiche mastiches* dicere. 2. *Spadix* *Graecis* quidem masculinum, δ *σπάδιξ*, *avulsam palmarum fructum* significans, teste Gellio II. 26. et III. 9. Latinis autem fere adiective sumitur, pro colore *rutilo* seu *punico*, ut ap. Virg. Geo. III. 81. *honesti spadices*, et Grat. Cynege. v. 532. *spadices Ceraunii*: quibus *equi* intelligitur. 3. De *Eryx* superius dictum ad Reg. 6. (4) *Esos* et *volvox*, (*hoc dermis*, illud *piscis* nomen,) apud Plinium quidem IX. 15. et XVII. ult. sed genere non indicato, inveniuntur: pro *volvox* porro, posteriore loco, Harquinius *volvere* ex suis MSS. edidit: idem tamen *esox*, pro quo *esos* alii legendum volebant, ex iisdem confirmat. \* *Irpex* an *irpix*, *tomex* an *tomix*, *tumex* an *tumix* dicendum sit, ambigitur; nec de genere cuiusque satis constat. *Irpicem* vel *hyrpicem* in feminino nominat Servius ad Virg. Geo. I. 95. *instrumenta*, inquit, *quam rustici hyrpicem vocant*: *irpices* vero Festus in voce; et Varro, L. L. 4. 21. cui et masculinum videtur; protinus enim addit, *Sirpices postea a quibusdam dici*; eodemque in genere Cato R. R. c. 10. *urpicem unum*, mutata prima litera, dixit. *Tomice iunceae aut palmeae ligato*, in femin. habet Colum. XII. 82. et *tomice circumlita*, Plin. XVII. 10. A recto autem videtur *tomix*, quod propius accedit ad *θώμυξ* *Graecorum*, illis itidem femin. *Tumex*, vel *tumix*, virile ex vett. glossis Vossius facit. \* *Dioryx*, i. e. *fossa ex flu-  
 vio aliquo ducta*, nescio quo iure S. Lowaeus et principes Lexicographi masculinis adii-  
 ciunt. Vocem certe uni Latinorum Melae III. 8. idque sine generis indicio, nominatam reperio. *Graecis* vero, unde tracta est, Theophrasto Hist. plant. lib. IV. c. 3. et Straboni, lib. V. p. 244 et 245. et lib. XVII. p. 788. et aliis, *διώρυξ* semper femininum est.

3) Pro parte pedis, in mascul. protulerunt soli (quod inveniam) Persius, Sat. III. 105. *rigidos calces*; et Apuleius, Met. VII. p. 223. *validos calces*. Nam quod adii-  
 ciunt ex Virg. Aen. XI. 714. *quadrupedem ferrato calce fatigat*; non modo plurium MStorum fides, teste Pierio, sed etiam Servii, Charisii Noniique auctoritas, *ferrata* in fem. legendum confirmant. Huc adde quod eadem loquendi forma, *ferrata calce* ter-  
 usus est Silius, VII. 696. et XIII. 169. et XVII. 541. Et Stat



*haec hystrix*<sup>4)</sup>, *imbrex*<sup>5)</sup>, *sardonyx*<sup>6)</sup>, *rumex*<sup>7)</sup>, *silex*<sup>8)</sup>,<sup>9)</sup>.

Sylv. V. 2, 115, *nuda calce*. \* Pro extremitate rei, vel metâ, Varro ap. Nonium *candidum calcem* dixit. At Vitruv. X. 21. *ad imam calcem*: et Lucret. VI. 91. *supremae calcis*: et eodem fere sensu, Plin. XVII. 21. *cum sua calce avelli*. In illo autem Cicer. Tusc. I. 8. variant tam scripti quam editi codices: nam Gronovius Gebhardum secutus, *Video calcem ad quem cum sit decursum*, etc. Davisius vero *ad quam*, exhibuerunt. Cui posteriori lectioni faveret illud ex eiusdem Libris de Repub. a Seneca Epist. CVIII. depromptum, *Quoniam sumus ab ipsa calce eius interpellatione revocati*; nisi et hic quoque ab ipso in quibusdam esset scriptum. \* *Calx* pro materia lapidis cocti semper femin. est: ut *calx viva*, Plin. XXIX. 2. *calx macerata*, Id. XXXVI. 28. et Vitruv. VII. 2. *calce sola*. Lucret. VI. 1066. Olim tamen et mascul. fuisse ostendit diminutivum *calculus*: pro quo in lusu, quem latrunculorum vocant, masculino citat Nonius, ex Plauti Poen. IV. 2, 86. *Prius disperibit faxo, quam unum calcem eiverit*: quanquam in plerisque tam editis quam scriptis unam legi Vossius observet. Ob haec igitur, libratis utrinque rationibus, feminini in omnibus usum praetulerim.

4) Plinio fem. VIII. 35. *Hystrices spina contextas*: et Calpurn. Ecl. VI. 13. *hirsuta spinosior hystrice barba*. Claudiano autem masc. XIV. 4. *cognitus hystrix*.

5) *Meas confregisti imbrices* in fem. habet Plaut. Mil. II. 6, 24. At masc. Plin. XVII. 14. *extr. inter duos imbrices*. Praefert tamen femininum Servius ad Virg. Geo. IV. 296.

6) Fem. semper utitur Plin. ut XXXVII. 6. *Sardonyches Indicae—Arabicae—faeculentae*, etc. et Persius I. 16. *cum natalitia sardonyche*. Masc. autem Martialis IV. 28 *Indos sardonychas*: et IX. 60. et X. 87. *sardonichas veros*: et XI. 38. *miserum sardonycha*. Utroque vero Juvenalis VII. 143. *conducta sardonyche*; et VI. 380. *densi sardonyches*.

7) Masc. auctori Moreti, v. 73. *faecundusque rumex*. Fem. Plin. XI. 8. *excepta rumice*.

8) Oratores fere masculino, Poetae vero indiscriminatum aut masculino, aut feminino utuntur. Sic Plin. XXXVI. 22. *silices nigri*, — *scalpti*, — *incorrupti*, — *silex pallidus*. — *globosus*, *devinctus*, etc. Suet. Cal. 37. *durissimi silicis*. Lucret. I. 572. *validi silices*. V. 314. *avulsos silices*. Catull. LXI. 5. *acuto silice*. Ovid. Met. II. 706. *durum silicem*. Ibid. v. 199. *immutus silex*. Juven. III. 271. *percussum silicem*. Sil. I. 491. *silex incitus*. Stat. Sylv. III. 1, 122. *indomitus silex*. Manil. V. 281. *fracturo silici*. Contra Virg. Aen. VI. 471. *silex dura*, 602. *atra*, VIII. 233. *acuta*. Geo. II. 189. *silicem invisam*. Ecl. I. 15. *silice nuda*. Ovid. Met. IX. 613. *rigidas silices*. Manil. I. 354. *silice dura*. Claudian. XXXIII. 201. *religiosa silex*. XLVIII. 42. *anhela*. XLIX. 20. *cocta*. V. et LVII. 4. LX. 7, 1. LXXXVII. 7. Apul. Met. VI. p. 197. *praeacutae silices*.

9) Addunt vulgo *ramex*, *culex*, et *natrix*. At (1) *Ramex* nusquam iam femin. invenitur. (2) Citatur ex Plauti Casin. II. 3, 22. *cana culex*: aliter illic viri docti legendum putant. (3) *Natrix* a Phoca masculinis tribuitur; nempe quia, *natrix violator aquae*, habet Lucanus, IX. 723. alioquin *violatrix* dicturus: atqui, ut eiusmodi argumentum haud prorsus ex firmissimis est, ita Lucilius ap. Nonium, *natricem crassam et capitatam*, dixit. Est et *natrix* herbae nomen, ap. Plin. XXVII. 12. quod et feminino (quamvis ibi genus non indicetur) eum, usu ferente, dicturum credibile est.

Item, *cortex*<sup>10</sup>); *obex*<sup>11</sup>); *pumex*<sup>12</sup>); *varix*<sup>13</sup>): quae raro feminina inveniuntur.

Item, *limax*<sup>14</sup>); *lynx*<sup>15</sup>); *sandix*<sup>16</sup>); *perdix*<sup>17</sup>): quae multo frequentius in feminino, quam masculino occurrunt.

10) Virg. Ecl. VI. 62. *amarae corticis*. Id. in Cal. v. 281. *corticis amara*. Auct. Moret. v. 93. *numerosa cortice*. Seren. XXX. 15. *cortex derepta*. Id. XLVI. 4, 5. *cortex decocta, trita, circumlita*. Et LXIV. 13. *pinex cortex*. Adde, ex optima Heinsiana eamque secutus editt. Ovid. Met. IV. 375. *conducta cortice*: et VIII. 762. *discussa cortices* et X. 512 et XIV. 630. *fixa cortice*: etsi in nonnullis ex hiac locis dissentiant, in postremo autem omnes convenient libri. Ut praeteream Plinium Valerianum ap. Vossium; itemque illud Lucret. IV. 48. *Quae quasi membrana vel cortex nominanda est*, a Nonio citatum; in quo adiectivum ad membrana posse referri notat Iohnsonus. Eiusdem tamen Virgillii est Aen. VII. 742. *raptus cortex*; et Geo. II. 74. *medio cortice*; et Ovid. Met. I. 554. *novo cortice*. Sic *cortice sicco, tumido, lento, rugoso, obducto, derepto*, ap. eund. Fast. II. 649. IV. 123, 608. Heroid. V. 23. Art. I. 286. Amor. I. 14, 12. Nec aliter Horatius, Claudianus, Celsus, Columella, et, plurimis in locis, Plinius.

11) Masculinum tuentur Sil. Ital. IV. 24. *fidus obices*. Tacit. Ann. XIII. 39, 7. *obices subversi*. Id. Hist. III. 30, 1. *ferrati obices*. Senec. Herc. fur. v. 237 et 999. *abrupto et disiecto obice*. Claudian. V. 23. *abrupto obice*. Prudent. Cath. IX. 74. *obice repulso*. Id. Apoth. 752. *duro obice*. Id. Ham. 868. *vitreo obice*: et 902. *nullo obice*. Pro fem. autem adferunt Vossius et Ursinus Plaut. Pers. II. 2, 21. *hanc obicem*. Virg. Aen. X. 377. *magna obice*. Plin. Paneg. c. 47. *nullae obices*. Sidon. Epist. VII. 1. *nostra obice*; et Id. Car. II. 493. *cerea obex*. Quibus adde Liv. IX. 2. *sua obice*. Claudian. XX. 34. *victa obice*. Gell. XVII. 11. *extr. quadam obice*: et (suffragantibus, teste Heinsio, 12. MSS.) Ovid. Met. XIV. 780. *obice firma*: quamvis aliis *firmitudinem* sit. Caeterum, licet hoc pacto sequiparatae videantur utrinque rationes, primas tamen Grammatici masculino tribuunt.

12) *Pumex* femin. solus Catullus adhibuit, I. 1. *Libellum arida modo pumice expplitum*, euphoniae gratia, ut videtur, dicens.

13) Masc. protulit Celsus, II. 8. *varix ortus*: et VII. 31. *orti varices*. — *eorum varicum qui*, — *per totum varicem*. Quod vero ex Horatio adducunt Despanterius, Calepinus et R. Stephanus, *succiso varice*, nusquam legitur. Femin. autem usus Senec. Epist. 78. *dum varices exsecandas praeberet*, et etiam Celsus, VII. 17. *extr. varices quarum*, consentientibus omnibus quas viderim. Editt. Aldina, anni 1528. Tornaesiana, 1549. H. Stephani, 1567. Oporiniana, 1552; itemque Ronsaeana, Lindeniana et Almeloventiana: non *varices quorum*, quod Vossius legendum volebat. Confirmatque ap. eund. deminutivum *varicula*, quod invitis, quos nominavimus libris, Vossius in *carnicula* ibat mutatum. Adde et pro eod. genere illud Quintil. XI. 3. *Qui solitum id facere Cicero nem velandarum varicum gratia tradit*. Errat igitur Phocas, qui hic *varix* solum declinat; neque mihi satis causae subesse videtur, cur usitatus masculinum Vossius, Methodista Gallus, alique pronunciarent.

14) Columellae masc. est, X. v. 324. *Implicitus conchae limax*. Femin. vero Plautus ap. Varr. L. L. VI. 3. *limaces lividae*: et Plin. XXIX. 6. §. 36. *Limacia inter duas orbitas inventae ossiculum*: et XXXII. 1. §. 1. *Limaci magnae similis Echeneis*, dixerunt.

Denique *atriplex*, Macro<sup>18</sup>) quidem, inferioris aetatis poetae, femininum est; neutrum vero Plinio<sup>19</sup>), cuius maior et potior auctoritas \*<sup>20</sup>).

15) Uni Horatio masc. Car. II. 13. ult. *timidos lyncas*. Aliis femin. Virg. Ecl. VIII. 3. *stupefactae carmine lynces*. Geo. III. 264. *variae lynces*. Aen. I. 323. *maculosae tegmine lyncis*. Stat. Theb. IV. 272. *geminae lyncis*, v. 657. *effrenae lynces*: et Theb. VII. 661. *aurata lynce*. Plin. XXVIII. 8. *peregrinae lynces*, — quae clarissime omnium quadrupedum cernunt. — *ungues earum*, etc.

16) *Sandix*, vel *sandyx*, masculinum quidem est Gratio Cynege. v. 86. *Libyco fuscantur sandice pinnae*; femin. vero Plinio, XXXV. 6. *Pingentes sandice sublima*: et Vopisco in Aureliano, *sandyx Indica*. Galeno etiam est *ἡ σάνδις*.

17) Ut Graecis utriusque est generis, ὄ, sive ἡ *πέρδις*: ita Latinis, masc. quidem Stat. Sylv. II. 4, 20. *Quique refert iungens iterata vocabula perdx*: et Varroni, *perdices Baecotios* dicenti, ap. Nonium. Frequentius tamen femin. Nam Ovidii est, Met. VIII. 237. *garrula perdx*. Martial. III. 58, 15. *picta perdx*. Seren. XXIII. 4. *ius perdicis apricae*. Apic. de Opson. VI. 3. *perdx concisa*, et *perdx elixa*. Utrouque genere utitur Plin. X. 33. sed virili (ut Johnsonus notat) de maribus; muliebri de femellis loquens. Eodem modo et Varro, R. R. III. 11. *Perdices* inquit, *quae voce maris audita concipiunt*, sexum, uti videtur, respiciens.

18) Sic enim ille, XXVIII. 7. *Atriplicem tritam cum nitro, melle et aceto*, *Dicunt appositam calidam sedare podagram*.

19) Lib. XX. c. 20. *Atriplex et silvestre et sativum est*; et mox, *iuxta id. — ex eo, — id nasci, — id infundi, — bibendum dedit*. Mirum autem videri potest, Plinium, qui etiam nominibus herbarum in u, haud raro femininum tribuere soleat, huic voci neutrum voluisse adiungere. Hanc vero eius rei tradit rationem Methodi auctor, quod olim, teste Festo, *atriplicem* dicebant. Mihi potius nomen aliquod generale Plinius videtur respexisse, ut *olus*, aut simile quod neutri generis vocabulum. Sic enim Columella, XI. 3. *Olus atriplicis, quod Graeci vocant ἀτράφαξιν*. Certe Palladius, Apr. t. 3. et Iul. t. 2. accusativo *atriplicem* dixit: nec Medici Botanicique scriptores alio nunc genere quam feminino utuntur.

\* 20) Alia nomina in X apud vetustiores utroque genere adhibita notantur. \* Sic *crux* masc. Ennio, *malo cruce*, teste Nonio. \* *Lux* quoque virile est, non tantum Varroni, referente eodem Nonio: sed etiam Plauto, Aul. IV. 10, 18. *luxe claro*: et Cistell. II. 1, 49, et Ter. Adel. V. 3, 55. *cum primo luce*. Et ita locutum tradit Nonius ipsum Cic. Off. II. *Et cum prior ire luce claro non queat* et Offic. III. *Luce claro in foro saltet*. Verum prior ex his locis non invenitur: pro posteriore autem, *Luce palam in foro saltet*, eius lib. c. 24. nunc legitur. \* *Cimex* dubium facit Sol. Lowaeus, ob eam praecipue rationem, puto, quod Plin. XXIX. 4. §. 17. de hoc animali loquens, *Argumento*, inquit, *quod dicant gallinas, quo die id ederint, non interfici ab aspidē: carnesque earum percussis plurimum prodesse*. At illic earum, neque typographi vitio (quod Johnsonus existimavit) pro eorum suppositum: neque ad *cimices*, sed ad *gallinas*, est referendum. Caeterum *cimex* alioquin semper masculinum esse ostendit idem Johnsonus, non ap. Plinium modo loc. cit. undecies: et XXX. 14. *cum cimice trito*: et XXXII. 10. *suffitu necat eos*: sed etiam ap. Varr. R. R. I. 2. *nulli cimices*. Petron. c. 98. *ipso cimices*. Seren. XXXV. 4. *attritus cimex*; et LI. 8. *cimex tritus*, — *horridus tactu*, — *gustu commodus*. Adde et Columell. VI. 18. *deusti cimicis nidor*. Quo magis mirum est, Vossio, de huius vocis genere subdu-

## I, Ae, A et E pluralia.

45. I maribus plurale dabis: muliebre sed Ae vult:  
Ast A, et E Graecum, cupiunt neutralibus addi.

Nomina singulari carentia, in I masculina sunt: ut, *hi liberi*: in Ae feminina: ut, *hae cunae*: in A neutra: ut, *haec arma*.

Neutra etiam sunt quaedam nomina Graeca in E pluraliter desinentia: ut, *haec mele, cete, Tempe* <sup>21)</sup>.

*Alia Nomina, vel toto singulari, vel eius Nominativo carentia.*

46. In reliquis primo numero primive carentum  
Recto, animo qualem vocum natura reposcat,  
Concipito talem: sic a *prece prex* tibi forma.  
Hic dat *casse* tamen, dat et *impete*; *verbere* vult hoc;  
Hic *veprem*, *pecudis* capit haec; hae postulat *Idus*.  
Caetera sunt alio melius memoranda libello.

In aliis nominibus, sive toto singulari, sive eius nominativo carentibus, talis mente fingendus est nominativus, qualem vocum analogia requirat; indeque, ex supra traditis terminationum regulis, genus invenendum. Hoc pacto, *precis*, feminini generis est; quia si quem unquam nominativum habuerit, is *prex* videtur fuisse, adeoque et generis feminini, per Regulam de nominibus in X. Sic *iniussu* ablat. sing. masc. *fores*, nom. plur. fem. *feminis*, genit. sing. neutr. ab inusitatis nominativis sing. *iniusus*, *foris*, *femen*, etc.

Exc. Hi Ablativi *casse* masc. *impete* masc. *verbere* neutr. ab obsoletis nominativis, *cassis*, *impes* vel *impetis* et *verber*: item accus. *veprem*, masc. <sup>22)</sup> genit. *pecudis*

bitanti, masculini exemplum non succurrisse. Non ignoro in plerisque Edit. Plinii XXXII. 10. §. 47. fem. inveniri, *Suffitus urentium eas* (sanguisugas) *necat cimices invectas*. Verum in quibusdam vett. libris *invectos* offendit Dalechampius; itaque legendum mavult Harduinus. \* *Latex* feminino positum ab Actio, *Non calida latice lautus*, notat Priscianus, p. 658. \* Qui etiam vetustissimos scriptores, in *cervix*, *fornax*, *frutex*, ut et in multis aliarum terminationum nominibus, genera confudisse testatur, Ibid.

21) De his vid. lib. II. Reg. 3. et lib. III. Reg. 12.

22) Lucret. tamen IV. 60. *spoliis vepreis volitantibus auctas*, in fem. dixit. At, *hirsuti vepres* habet Virg. Geo. III. 444. et Aen. VIII. 645. *sparsi vepres*: et Horat. Epist. I. 16, 8. *benigni vepres*: et Colum. XI. 3. *hunc veprem*. An autem inde diminutivum sit *vepreculus*, an quod Lexi-

femîn. ab antiquo nomin. *vepres* vel *vepris*, et *pecus* <sup>23)</sup>: item nom. plur. *Idus*, fem. ab inusitato sing. *Idus*: contra quam earum vocum terminationes postulabant. Sed de his aliisque eiusmodi nominibus defectivis, fusius in cap. tertio agemus.

## C A P. II.

### *De Regulari Nominum Declinatione.*

Declinatio <sup>1)</sup> est, vocum per suos casus et numeros variatio.

Casus est, certa vocis in declinando terminatio.

Casus sunt sex: *Nominativus*, *Genitivus*, *Dativus*, *Accusativus*, *Vocativus* et *Ablativus* <sup>2)</sup>.

cographi omnes memorant *veprecula*, incertum. Ex eo enim Ciceron. pro Sext. 33. *ex vepreculis extracta nitedula*, utrumlibet efficias. Illud vero L. Pomponii ap. Nonium, *vepra est veprecula*, nimiam vetustatem redolere videtur.

23) Forte et his antiqui Nominativi fuerint, *veper*, quae Capri, et *pecudis* vel *pecudes*, quae Vossii sententia est.

1) Declinationis vox trisariam sumitur. (1) *Latissime*, pro quacunque terminationis variatione; sive per genera: ut, *iustus*, *-a*, *-um*, quae *Motio* dicitur; sive per gradus: ut, *iustus*, *iustior*, *iustissimus*, quae *Comparatio* nominatur. (2) *Late*, pro quavis inflexione vocis declinabilis, sub qua *Coniugatio* etiam comprehenditur. (3) *Proprie et stricte*, pro ea tantum vocis variatione, quae per casus et numeros fit: quo significatu hic accipitur. Varro autem sub Declinatione etiam *speciem*, seu *Derivationem* vocum, includit; ut, a *iustus*, *iustitia*; quam *Declinationem voluntariam* appellat: ut et illam quae fit per genera, gradus, numeros, casus, modos, tempora et personas, *naturalem*. Idem rursus *naturalem* nominum *declinationem* in *Directam* dividit et *Transversam*. *Directa* est, quae fit a casu recto in rectos; ut in motione et comparatione: *Transversa*, quae a recto fit in casus obliquos; de qua declinatione nunc agimus.

2) Casus aliis nominibus etiam appellantur. (1) Ab ordine, *primus*, *secundus*, *tertius*, etc. (2) Ab usu: sic *primus*, *Nominativus* dicitur, et *casus nominandi*; *secundus*, *Genitivus*, *possessivus*, *patrius*, *casus gignendi* et *interrogandi*; *tertius*, *Dativus*, *acquisitivus*, et *dandi casus*; *quartus*, *Accusativus*, *incusativus* et *causativus*; *quintus*, *Vocativus*, *salutatorius*, et *casus vocandi*; *sextus*, *Ablativus*, *comparativus*, et *auferendi casus*. (3) A proprietate aliqua peculiari: Sic *Nominativus Rectus* dicitur, quia ipse quasi rectus stare; reliqui vero, quia ab eo cadere vel deflecti videntur, *obliqui*. Sic *Ablativus Latinus* nuncupatur, quia *Latinorum* est proprius; Graeci enim *Ablativum* non habent. Notandum vero haec et multa alia nomina technica, a Grammaticis excogitata, non omnibus aut semper accurate congruere; sed ex maiore parte, aut frequentiore usu, desumpta esse.

Ex his Nominativus Rectus dicitur, caeteri Obliqui<sup>3)</sup>.

Numerus est, unius et multorum distinctio.

Numeri igitur sunt duo; *Singularis* et *Pluralis*.

*Singularis* est, qui rem unam, *Pluralis*, qui res plures significat: ut, *homo*, *homines*.

*Declinationes* sunt quinque; *Prima*, *Secunda*, *Tertia*, *Quarta* et *Quinta*.

Earum differentiae ex Genitivo singulari vulgo petuntur: Genitivus enim *Primae* plerumque<sup>4)</sup> in *ae* diphthongon, *Secundae* in *i*, *Tertiae* in *is*, *Quartae* in *us*, *Quintae* denique in *ei*, desinit.

*Declinatio* alia est *Regularis*, alia *Irregularis*.

*Declinatio Regularis* est, quae certas et communes declinandi regulas observat.

*Declinatio Irregularis* est, quae a regulis hisce communibus recedit.

*Declinationum Regulae* duplices sunt; vel *Generales*, sive omnium *Declinationum* communes; vel *Speciales*, sive suae cuiusque *Declinationis* propriae.

### Regulae Generales.

#### 1. Compositum simplexque modo flectuntur eodem.

Demitur *exsanguis*, nec non *Capricornus*, et *angiportus*, et orta *manus*; quae pluraque postea dicam.

Nomina composita eodem modo declinantur quo simplicia: ut, *pes*, *pedis*; *bipes*, *bipedis*.

Exc. At *exsanguis*, in Genitivo habet *exsanguis*, licet simplex *sanguis sanguinis* faciat. Sic *Capricornus*, *Capricorni* flectitur, quamvis *cornu* sit *quartae*. *Angiportus*, Ciceroni quidem et Horatio *quartae*, Plinio vero *secundae*, Vitruvio utriusque *declinationis* est: at *portus* semper *quartae*. Item *unimanus*, et caetera ex *manus* com-

3) Aliis *Vocativus* etiam *rectus* casus censetur; non tam quod Nominativo plerumque similis sit, quam quod, Nominativi instar, rem non oblique, sed directe significet, atque in ordine Grammatico, sive naturali, contra quam in caeteris obliquis fit, semper ante verbum ponatur.

4) Dixi *plerumque*; in multis enim aliter accidit; nam in *E primae*, *es*; in *O tertiae*, *feminarum* propria, *us* in Genitivo frequentius habent, servata, unde orta sunt, Graecorum terminatione. Alias quoque in aliis Genitivis anomalias deprehendere est. Accurate igitur hac in re acturo, non ex Genitivi solum, sed et plurium casuum conformatione, praesertim in defectivis, faciendum est iudicium.

posita, sunt secundae declinationis, quamvis *manus* sit quartae.

¶ Reliqua melius in sua quaeque declinatione declarabuntur<sup>5)</sup>.

## 2. Rectum in compositis tantum variato: priorem

Immutum *alteruter*, crebro tenet, ac *olusatrum*.

In compositis rectus tantum casus declinatur, sive in altera, sive in utraque parte compositi sit: ut, *iuris-peritus*, *iuris-periti*, *iuris-perito*, etc.<sup>6)</sup>; *res-publica*, *rei-publicae*, *rei-publicae*, *rem-publicam*, etc.<sup>7)</sup>.

Exc. *Alter-uter* tamen *alter-utrius*, *alter-utri*, etc. saepius declinatur; minus usitate *alterius-utrius*, *alteri-utri*, etc. Sic *olus-atrum*, *olus-atri*, etc. interdum *oleris-atri*<sup>8)</sup>.

## 3. In neutris primus, quartus, quintus similes sunt:

Queis in *a* pluralis semper, cum flectimus, exit.

*Ambo*, *duo*, at legem spernunt, et paucula Graeca.

Nomina neutrius generis, in quacunque declinatione, habent tres casus similes, nominativum, accusativum et vocativum, in utroque numero: et hi casus, si declinentur, pluraliter in *a* exeunt<sup>9)</sup>: ut, *lignum*, *corpus*, *tonitruus*; et pluraliter, *ligna*, *corpora*, *tonitrua*.

5) Qualia sunt *paterfamilias*, *materfamilias*, licet simplex *familia*, *familiae* tantum declinetur. Sic *ambiens* *ambientis* in Genitivo facit; *iens* vero *euntis*. *Unicaulis* et *par* Adiectiva, in Ablativo plurali: *i*: at *caulis*, *caule*; *impar*, *compar*, *dispar* *e* vel *i* habent. *Pater* tertiae est et eius composita Latina: at composita Graeca sunt secundae, V. Reg. 29.

6) Sic *tribunus-plebis*, *tribuni-plebis*, *tribuno-plebis*, etc. *senatus-consultum*, *senatus-consulti*, etc. *utervis*, *utriusvis*, *utrivis*, *utrumvis*, etc. *quidam*, *cuiusdam*, *euidam*, etc.

7) Duo vero hic sunt notanda. (1) Quotiescunque alter nominativorum caret aliquo casu, totum compositum eodem carebit. Sic *iur-iurandum* non habet Genitivum, Dativum et Ablativum plurales, quia *iur* illos casus vix habet: *unusquisque* caret Vocativo, ut *quisque*; *sui-ipsius* Nominativo et Vocativo, ut *sui*. (2) Utrosque rectos integros esse oportet: ideoque *puerpera* et *leopardus*, ex posteriore tantum parte declinantur; quia posterior pars compositi, *lea* et *pueri*, paululum mutatur. Sic *Diespiter*, *Marspiter*, non declinant priorem rectum, quia posterior, *piter*, pro *pater*, corrupte dicitur. *Ros-marinus* autem *roris-marini*, *rori-marino*, recte flectitur: at *rosmarinum*, *rosmarini* facit; quia hic posterior pars neutrius generis est, quod in adiectivis quasi obliquum censetur. V. Vos. Anal. II. 20.

8) De his vid. Voss. loc. cit. et Anal. IV. 7. \* *Duo* etiam in compositis *duodecim*, *duodevicesimus*, *duodevicensi*, *duodevicesimus*, non mutatur.

9) Si prorsus indeclinabilia sunt, haud necesse est ut in plurali *a* habeant; ut, *centum*, *mille*, *tot*, *quot*, *pondo*, *nequam*.

Excipe, *ambo*, *duo*: item, *cete*, *mele*, *pelage*, Graeca vocabula<sup>10</sup>).

4. Est primo quintus similis. Sed Graecus *s* aufert Saepe; velut *Thoma*, *Theseu*, *Panthu*, *Pari*, *Palla*.

Vocativus utriusque numeri similis est nominativo: ut, *penna*, *puer*, *panis*, *vultus*, *spes*: o *penna*, *puer*, *panis*, *vultus*, *spes*; et pluraliter, o *pennae*, *pueri*, *panes*, *vultus*, *spes*<sup>11</sup>).

Exc. Nomina Graeca in S literam terminata, saepe in vocativo eam abiciunt: ut, *Thomas*, o *Thoma*<sup>12</sup>); *Theseus*, o *Theseu*<sup>13</sup>); *Panthus*, o *Panthu*<sup>14</sup>); *Paris*, o *Pari*<sup>15</sup>); *Pallas*, o *Palla*<sup>16</sup>), virorum propria.

5. Syncopa plurali nonnunquam fit Genitivo.

Syncopa aliquando fit in genitivo plurali, idque in omni declinatione, praeterquam quinta<sup>17</sup>): ut *coelicolum*, pro *coelicolarum*<sup>18</sup>); *deum*, pro *deorum*<sup>19</sup>); *coelestum*, pro

10) Sic *cacoethe*, pro morbo, ap. Plin. XXII. 25. et XXIV. 10, etc. Haec autem, quamvis pluraliter sint his tantum casibus usitata, ac proinde invariabilia; quia tamen in singulari, *cetus*, *pelagus*, *cacoethes* (ac etiam *melos* vel *melus* apud antiquos) declinantur, non inepte sub exceptionem cadunt. Tralata porro sunt omnia ex consuetudine Graecorum, qui *κήτα*, *μέλα*, *πελάγεα* dicunt, et contracte *κήτη*, *μέλη*, *πελάγη*.

11) In plurali hoc perpetuum, ut et in quartae et quintae singulari. De nominibus autem secundae in us, suo loco post dicetur.

12) Sic omnia in as et es primae.

13) Sic omnia in eus per eu diphthongon terminata.

14) Virg. Aen. II. 322 et 429. Sic *Melampus*, o *Melampu*, Stat. Theb. III. 546 et 578. At *Oedipu* ab *Oedipus* (quod alii addunt) non reperio.

15) Sic *Moeris*, *Phyllis*, *Amaryllis*; o *Moeri*, *Phylli*, *Amarylli*; *Capy*, *Tiphys*, *Tethys*; o *Capy*, *Tiphry*, *Tethy*. Interdum tamen in his servatur Nominativi terminatio; ut, o *Thais*, o *Mysis*. In es tertiae saepius s retinent: ut, *Achilles*, *Socrates*, o *Achilles* et *Achille*, o *Socrates* et *Socrate*.

16) A Nominativo *Pallas*, *Pallantis*. Evandri filius, Ovid. Fast. I. 521. At *Pallas*, *Palladis*, i. e. *Minerva*, in Vocativo *Pallas* facit, Stat. Theb. II. 704.

17) Olim quidem in Genit. plur. quintae dicebant *specieum*, *luxurium*, *materieum*, extrita r litera, testibus Charisio, p. 13. et Diomede, p. 281. Sed in hisce nominibus, non eam tantum inflectendi rationem, sed istunee ipsum casum posterior ac purior aetas abolevit. V. Reg. 71.

18) In prima declinatione Syncope praecipue locum habet in Patronymicis: ut, *Aeneadum*, *Dardanidum*; pro *Aeneadarum*, *Dardanidarum*; aut in compositis in *cola* et *gena* terminatis: ut, *ruricolum*, *terrigenum*; pro *ruricolarum*, *terrigenarum*.

19) In neutris secundae Syncope vix apud alios quam Scriptores antiquissimos reperitur, cuiusmodi exempla quaedam notat Cicero, Orat.



*coelestium*<sup>20</sup>), *currum*, pro *curruum*<sup>21</sup>). Est autem Syncope ablatio literae vel syllabae de medio dictionis.

## 6. Plurali terno similis vult esse Latinus.

Dativus et ablativus plurales omnium declinationum semper sunt similes; ut, *pennis*, *pueris*, *panibus*, *vultibus*, *diebus*.

## Regulae Speciales.

### Prima Declinatio.

## 7. Prima dat AS, ES, E, rectis, et A, flexio fines.

Prima declinatio quatuor habet nominativi singularis terminationes, AS, ES, E et A: quarum tres priores tantum Graecae sunt: ut, *Aeneas*, *Anchises*, nomina virorum; *Circe*, feminac nomen: ultima tum Graeca, tum Latina: ut, *philosophia*; *mensa*<sup>22</sup>).

c. 46. ut, *meum factum putet*, — *exitium examen*, — *consilium*, *augurium* atque *extum interpretes*, — *prodigium horrifera*, *portentum pavos*, — de iudicio armum, etc. pro factorum, exitiorum, etc. Sic Titinnius in Veliterna, *Omnium vitium expertem*; Pacuvius in Periboea, *regnum imperator*. Plaut. Rud. III, 6, 28. *verbum sat est*: et Curtul. I. 2, 5. *unguentum odor*, more iam vix imitabili, dixerunt. \* Neque facile cum iisdem adiectiva quaedam sic concisa adhibuerim; qualia sunt Ennii, *amici maiorum meum*; Pacuvii, *aeternum morum sator*; Plauti Pseud. II, 3, 12. *doctum hominum consilia*: et Poen. v. 2, 102. *tuum parentum nomina*; Terentii, Heaut. Prol. 27. *iniquum et aequum oratio*: quanquam *magnanimum*, *superum*: item propria *Teucrum*, *Gravum*, *Argivum*, *Danaum*, *Pelasgum*, *Tyrrhenum*, *Massylum*, etc. cum Virgilio aliisque, carmine scribenti haud invitus concesserim. Videsis Dausquium Orthogr. Vol. 1. p. 147. et seqq. \* In masculinis secundae Syncope satis frequens est, non Poetis modo, sed etiam Oratoribus, aliisque; ut, *deum*, *socium*, *liberum*, ap. Cicer. Liv. et Plin. pro *deorum*, etc. Quin et ipse Cicero loc. superius cit. se *fabrum*, *procum*, *duumvirum*; non vero *fabrorum*, *procorum*, *duorumvirorum*, dicturum affirmat. \* In re autem pecuniaria, mensuris et numeralibus, haec concisio usitatior videtur: ut, *nummum*, *sestertium*, *denarium*, *talentum*, *modium*, *medimnum*, *senum*, *septenum*, *quingenum*, etc. potius quam, *numorum*, etc.

20) De his in tertia declinatione dicitur.

21) Syncope in quarta rarior est.

22) Addunt quidam ex Scriptoribus Ecclesiasticis quintam terminationem AM: ut, *Adam*, *Abraham*; *Adae*, *Abraham*: sed hi Genitivi sunt tanquam ab *Adas*, *Abraham*. Aliter enim indeclinabilia videntur. V. lib. III. Reg. 8. [Addo, saepe ab accusativis singularis numeri tertiae declinationis formatos esse nominativos primae decl. v. c. *Salamina*. vid. Salmas. Exercitt. Plin. 32. Davis. ad Cic. Tus. I, 46. G. St.]

8. *Ae* genitivus habet: veteres quem saepe per *ai* Solvere, nonnunquam per et *as* finire solebant; Quo magis *familias* compositum nunc quoque gaudet.

*E* sed more suo transibit in *es* tibi Graecum.

Genitivus singularis desinit in *ae* diphthongon: ut, *Aeneae*, *Anchisae*, *mensae*.

† Veteres frequenter *ae* in *ai* per duas syllabas dissolvebant: ut, *aulai*, pro *aulae*; *Lunai*, pro *Lunae*; *pictai*, pro *pictae*. [Plura dabit Osann. Analect. Crit. p. 109. sq.]

† Vetustissimi Scriptores ad imitationem Graecorum genitivum etiam in *as* terminarunt: ut, *auras*, pro *aurae*<sup>23</sup>); *vias*, pro *viae*<sup>24</sup>). \* A familia composita *as* saepius quam *ae*, genitivo habent: ut, *pater-familias*; *mater-familias*<sup>25</sup>).

Exc. Nomina in *E* Graeco more genitivum in *es* mittunt: ut, *Circe*, *Circes*<sup>26</sup>).

9. *Ae* quoque vult ternus: dat et *e* cui rectus in *E* fit.

Dativus etiam desinit in *ae* diphthongum: ut, *Aeneae*, *Anchisae*, *Circae*, *mensae*.

23) Et hanc esse antiquam lectionem in illo Virg. Aen. XI, 801. *Nihil ipsa neque AURAS, nec sonitus memor*, testatur Servius; citatque ex Sallustio, *castella CUSTODIAS thesaurorum*, pro *custodiae*. Apud Plinium quoque est, XXXVI. 5. *In vase autem quod caelatum est, PANDORAS genesin appellavit*; nisi Graecis elementis exaratum putas: quemadmodum in C. Nepotis Timol. c. ult. *αὐτοματίας* sacellum legimus, quod tamen *automatias* literis Latinis scriptum Dausquius opinatur.

24) Neque ea tantum quae Graecis in δα, δα, πα exeunt, sed etiam alia, ut *Alcemenas*, *Dianas*, *escas*, *monetas*, *Latonas*. Vid. Priscian. p. 679. Dausq. Vol. 1. p. 92. et Voss. Anal. II. 8.

25) In plurali etiam *patres* aut *matres familias* potius dicunt quam *familiarum*. V. Charis. p. 82. ext. et Rami Schol. Gramm. p. m. 161. Livius autem, testante Gronovio ad lib. XXXIV. c. 2. semper fere *pater* aut *mater familiae* utitur: et ita Varro R. R. III. 3. et Colum. VI. 36. Neque tamen *familias* ab his Dativo positum, eodem modo quo *pater mihi est*, cum Servio, loc. proxime cit. existimem: quamvis et *patribus familiis* a Cicerone dictum Priscianus, p. 679. meminerit.

26) Inveniuntur quoque Genitivi, *Circae*, *Penelopae*, *Hecatae*, [Horat. Epist. I. 2, 23. et 28. Plin. VII. 2. et Tibul. I. 2, 52.] At ū a Nominativis, *Circa*, *Penelopa*, *Hecata*, provenisse censendi sunt.

† Nomina in E quandoque e simplex in dativo retinent: ut *Penelope*, *Cybele*<sup>27</sup>).

10. *Am* faciet quartus. Finita per AS vel A Graeca *An* quandoque volunt. *En* ES, E, rarius *em*, dant.

Accusativus finitur in *am*: ut, *mensam*.

Exc. 1. Nomina in AS, Historicis quidem raro, Poetis vero saepius, accusativum per *an* formant: ut, *Aeneam*, vel *Aenean*. Graeca autem propria in A, a solis Poetis, idque metri fere gratia, in *an* terminantur: ut, *Marian*, *Aeginan*, femininarum nomina; pro *Maian*, *Aeginam*.

Exc. 2. In ES et E finita accusativo *en* habent: ut, *Anchisen*, *Circen*. \* Interdum, licet rarius, in *em* desinentia inveniuntur<sup>28</sup>).

11. *A* sextus donat. Capit e quod finit in ES, E.

Ablativus in *a* desinit: ut, *Aenea*, *mensa*.

Exc. Nomina in ES et E terminata, ablativum in *e* faciunt: ut, *Anchise*, *Circe*<sup>29</sup>).

27) Hic verus est ejusmodi nominum Dativus: ut Virg. Aen. XI. 768. *Forse sacer Cybele Chloereus*: et Martial. XI. 8, 5. *Penelope licet esse tibi*: (ita enim potiores codices praeferunt:) Et vet. Inscript. ap. Reinesium, Class. XIV. Num. 85. D.M. IULIAE. EPIGONE. RARRISSIMAE. FEMINAE. TI. IVLIVS. EVPORVS. CONIVGI. BENEMER. CVM. QVA. VIX. A. XXX. Alioquin, cum in *ae* diphthongum finitur (quod longe quidem frequentius fit) a Nominativo in A ductus existimandus est: quemadmodum in Rudimentis ostendimus.

28) Multa (negante licet Despaunterio) *em* accusativo habentia, congegit Johnsonus, Appar. p. 72 et 78, quorum tamen nonnulla per *en* in melioribus libris exhibentur. Ipse quoque (si recte se habeant libri mei) *Epirote*, *Messehem*, *Prienem*, *Syenem*, *Hesionem*, *Semelem*, etc. ap. Livium, Vitruvium, et Hyginum reperi.

29) Nomina in ES et E Latini haud raro per A extulerunt. Sic in Nom. *Atrida*, Propert. II. 11, 1. *Aeeta*, Cic. Tusc. III. 12. Ovid. Heroid. XII. 29. *Philocteta*, Cic. Fin. II. 29. pro *Atrides*, *Aetes*, *Philoctetes*. Accus. *Scipiadam*, Horat. Sat. II. 1, 17. *Philoctetam*, Cic. Fin. V. 11. *Lycambam*, Terentianus de metr. v. 736: pro *Scipiadem*, *Philoctetem*; *Lycamben*. Vocat. *Aeacida*, Ennius, Ovid. Heroid. III. 87. et Met. VII. 798. et Silius, XIII. 706. *Atrida*, Horat. Sat. II. 3, 187. *Anchisa*, Virg. Aen. III. 475. *Apella*, Plaut. Poen. V. 4, 101. *Oresta*, Ovid. Trist. I. 4, 22. et Senec. Agam. v. 917. et 933. *Thyeata*, Martial. IV. 49. Cic. Tusc. III. 39, etc. ut ea omittam in quibus A quam ES usitatio est: ut, *geometra*, *Geta*, *Lapitha*, *Melicerta*, *Persa*, *propheta*, *Scythia*, etc. vel, *geometres*, *Getes*, *Lapithes*, etc. Parique modo in femininis, Nom. *Andromacha*, Accius ap. Non. Sen. Troad. 907. *Ariadna*, Catull. LXII. 54. *Eurydica*, Ennius ap. Cic. Div. I. 20. *Thra-*

12. Primus pluralis fit in *ae*: Genitivus in *arum*.

Nominativus pluralis exit in *ae* diphthongon, genitivus in *arum*: ut, *etesiarum*; *cometae*, *cometarum*; *epitomae*, *epitomarum*; *mensae*, *mensarum*.

13. Tertius *is* poscit. Cupiunt tamen haec magis *abus*; *Filia*, *mula*, *duae*, *liberta*, *equa*, *nata*, *dea*, *ambae*.

Dativus, ac proinde ablativus, pluralis desinit in *is*: ut, *etesiis*, *cometis*, *epitomis*, *mensis*.

Exc. Pauca substantiva *abus* hisce in casibus frequentius<sup>30)</sup> habent: *filia* et *nata*, *mula*, *liberta*, *equa*, *dea*: differentiae scil. causa, ne de maribus sermo videatur<sup>31)</sup>. Item adiectiva semper *duae* et *ambae*.

14. Accusativus pluralis semper in *as* fit.

Accusativus pluralis terminatur in *as*: ut, *etesias*, *cometas*, *epitomas*, *mensas*.

*ca*, Horat. Epist. I. 3, 3. Virg. Aen. XII. 335. Genit. *Hesionae*, Virg. Aen. VIII. 157. *Pasiphaae*, Cic. Div. I. 42. *Penelopae*, Ibid. IV. 29. extr. [Vid. et sup. Not. 26.] Accus. *Andromacham*, Cic. Divin. 1, 13. Sen. Troad. 576. *Hesionam*, Val. Flacc. IV. 164. *Penelopam* Lucilius, et Plaut. in Stich. I. 1, 1. *Circam*, Id. Epid. IV. 2, 34. Vocat. *Seme-la*, Accius in Thereo. Abl. *Circa*, Horat. Epod. XVII. 17. *Andromacha*, Cic. Tusc. III. 22. Propert. II. 16, 2. *Eurydica*, Ennius, etc. Adde et ea in quibus B. vel A promiscue, vel hoc etiam magis, Latini utuntur; ut, *Atalanta*, *Creta*, *Europa*, *Helena*, *Hybla*, *Hypermestra*, *Libya*, *Nemea*, *Nympha*, *OEta*, *Grammatica*, *Musica*, *Rhetorica*, etc. Vel, *Atalante*, *Crete*, etc. Caeterum in his omnibus Latinae obliquorum casuum terminationes a Latinis, Graecae a Graecis nominativorum terminationibus, semper permanere existimandae sunt. V. Quintil. I. 9. Priscian. p. 641. Dausq. Vol. 1. p. 56, 61, et seqq. Voss. Anal. II. 2. De nominibus autem Graecis in AS, quae a Latinis in A terminata iidem commemorant; ut, *Euthias*, *Euthia*; *Hermagoras*, *Hermagora*; *Iarbas*, *Iarba*; *Marsyas*, *Marsya*, etc. vix attinet hic dicere, cum nullam inde obliquis corum casibus oriatur discrimen.

30) Non tamen semper. Nam Ennius in Androm. *Filiis propter te obiecta sum innocens Nerei*: et Plaut. Poen. v. 3, 9. *Mihi tuisque filiis*: et Stich. IV. 1, 61. *Gratulabor vestrum adventum filiis*; pro *filiabus*, dixerunt: et similiter Ovid. Met. XIII. 661. *Totidem natis*, pro *natabus*: et Varro R. R. II. 1. *Ex his equis qui nati pulli, non plus triennium vivunt*: et Plin. XI. 41. *Tenuissimum* [lac] *camelis, mox equis, pro equabus*. Addunt ex Varrone Vossius, Anal. II. 4. et Sciopp. Gramm. Philosoph. p. m. 66. *diis et mulis*, pro *deabus, mulabus*.

31) His vulgo adiciunt *animabus*; innixi, ut videtur, illo Senecae, lib. 2. declam. 2. *Quaedam animabus suis redemerunt maritorum suorum salutem*. At, quanquam ita habere melioris notae codices, affirmet ma-

vero et *fero*; ut, *laniger*; *opifer*<sup>42)</sup>), etc. His adde, *liber*, *liberi*, priore longa, sive adiectivum, pro eo qui sui *tutis* est; sive substantivum, pro *Baccho*. [At *liber* prima brevi, tam pro *interiore arboris cortice*, quam pro *codice*, *libri* facit.] *Dexter* denique, vel *dexteri* vel *dextri* declinatur, saepius *dextri*<sup>44)</sup>).

Exc. 2. Quando genitivus terminatur in duo *ii*, solet alterum causa metri interdum abiici: ut, *Antonius*, *Antoni*; *tugurium*, *tuguri*, pro *Antonii*, *tugurii*<sup>45)</sup>).

Exc. 3. Panca Graeca in OS, quae a nominibus Atticae dialecti in *ōs* veniunt, genitivum quandoque in *o* faciunt: ut, *Androgeos*; *Athos*<sup>46)</sup>; *Androgeo*, *Atho*<sup>47)</sup>).

42) In tertia etiam declinatur *Iber*, *Iberis*: at hoc pro eo qui sit ex Iberia inter Colchos et Armeniam; *Iber* vero *Iberi* pro Hispano accipi vult Priscianus, p. 698 et 784. Sed hoc discrimen veteres negligunt. Nam Tacitus hanc orientis gentem *Iberos* constanter appellat [Vid. *Annal.* VI. 33. et XII. 44, etc.] et Claudianus XXI. 155. *mistis hic Colchus Iberis*, et Val. Flaccus, VII. 235. *cui vadis Ibero coniux?* de eadem dixerunt. Porro *Celtiberum iuventus* ap. Liv. XXIV. ult. vel tertiae est, vel secundae per Syncopen, pro *Celtiberorum*.

43) Adde et *semifer*, *semiferi*, ap. Ovid. *Met.* II. 633. et *Stat.* IX. 220. pro *semiferus*, a *fera* compositum.

44) Not. quae ex hisce nominibus adiectiva sunt, in fem. et neut. e itidem retinere: ut, *prosper*, — *pera*, — *perum*, etc. alia autem eam perdere: ut, *pulcher*, — *chra*, — *chrum*; *aeger*, — *gra*, — *grum*, etc. *Dexter*, autem — *tera*, — *terum*, vel — *tra*, — *trum*; ad exemplum genitivi facit.

45) Hanc Apocopen, quam vocant, vix in aliis nominibus in IUS, praeterquam propriis, sibi Poetae permittunt: unde *lani*, pro *lanii*; *gladi*, pro *gladii* haud facile reperies. [Falsa haec. Emendabis ex adnot. Bentleii ad Ter. Andr. 2, 1, 20. Heusinger. et Gernhard. ad Cic. Offic. 2, 16. coll. Schneideri Gr. Lat. II, 1, p. 59. G. St.] Veteres autem pro duplici *ii* unum solito maius scribebant, id quod in antiquis libris et lapidibus observare est, ut *DIs* pro *Diis*, *PropertI* pro *Propertii*.

46) Sic Virg. Aen. VI. 20. *In foribus letum Androgeo*. Idem tamen Aen. II. 392, et Ovid. *Met.* VII. 458, *Androgei*, utuntur. Propertius vero II. 1, 64. Accus. *Androgeona* ab *Androgeo*, — *onis* in tertia declinat. Invenimus etiam Nom. *Atho*, Liv. XLIV. 11. Dat. *Atho*, Pomp. Mela II. 7. Accus. *Athon*, Plin. VII. 2. Val. Max. I. 6. et *Atho*, Virg. Geo. I. 332. Catull. LXIV. 46. Liv. XLV. 30. [et V. Flacc. I. 664. uti Vossius aliique legendum contendunt; invitis tamen membranis, quibus *Athon* scriptum est, teste Heinsio] et *Athonem*, Cic. ap. Priscian. p. 710. Abl. denique *Atho*, Livius habet, citante Vossio; *Athone*, Cic. Fin. II. 34.

47) Olim et genitivum nominum Graecorum, ad eorum exemplum, in *u* terminabant; unde in frontispicio fabularum Terentii, *Graeca Menandru*, *Graeca Apollodoru*, pro *Menandri*, *Apollodori*, legimus: et ap. Pannium in *Periegesi*, *Pro merito Graii Criu dixere metopon*: et ap. Liv. XLIV. 8. *turrim Eudieru locum appellant*, pro *Crii*, *Eudieri*.

17. *Unus, uter, neuter, cum solus et alius et alter, Atque alius, totus, nullus, licet omnibus olim Quae reliquis par norma fuit, nunc in genitivo Dant ius, i terno, nullo discrimine flexus.*

Haec sequentia adiectiva genitivum in *ius*, dativum in *i* terminant, tam in prima, quam in secunda declinatione: *unus, una, unum; unius, unius, unius; uni, uni, uni*. Sic, *uter*<sup>48</sup>); *neuter; solus; ullus; alter; alius; totus*<sup>49</sup>); *nullus*.

† Veteres haec nomina, ut alia adiectiva primae et secundae declinationis flectebant, *uni, unae, uni; uno, unae, uno*<sup>50</sup>), etc.

18. Tertius et sextus formantur in *o* tibi casus.

Dativus et ablativus in *o* desinunt: ut, *magistro, vento, regno*.

19. Postulat *um* quartus: quandoque per *on* loco Graeca.

Accusativus exit in *um*: ut, *magistrum, ventum*<sup>51</sup>).

Exc. Nomina Graeca, quae in OS vel US desinunt, accusativum nonnunquam faciunt in *on*<sup>52</sup>: ut, *Dekus vel Delos, Delum vel Delon*<sup>53</sup>).

48) Sic ejus composita, *uterque, utervis, uterlibet, uterunque, alteruter*: quibus adiungi et *neuter* potest, est enim quasi *ne uter*. [Ne miseris, libri auctorem saepius *neutri* pro *neutrino* scripsisse, scito illam formam apud Varroem reperiri. G. St.]

(49) At *totus* prima brevi, a *tot*, *toti*, — *tac*, — *ti*; et *toto*, — *tac*, — *to* facit, ut *quotus*.

50) Ut Plaut. Truc. I. 3, 38. *coloris ulli*, Terent. Eun. V. 6, 3. *Mihi solae ridiculae fuit*. Id. Heaut. II. 3, 80. *Alterae dum narrat*. Severus in Aetn. 207. *corporis ulli*. Et ipse Cic. Div. II. 13. *aliae pecudis iecur nitidum atque plenum, aliae horridum et exile*. Similia ex Gellio, Apuleio et aliis videsis ap. Deasquium Orthogr. R. p. 94. Voss. Anal. IV. 6. Dages. I. 15.

51) Antiquissimi scriptores haec in *on* terminabant, a priore nimirum nominativo in *os*: ut, *morbos, morbam*, pro *morbus, morbum*: et ita, praecedente *o*, *cervum, servum*, pro *cervum, servum*, praecceptores suos scripsisse tradit Quintil. I. 7.

52) Cave igitur pates actus. *Meleagron*, ap. Ovid. Met. VIII, 270. a recto *Meleager* esse; is enim ductus est a *Meleagros*, quo idem eod. lib. v. 515, utitur, indeque similiter vocativus *Meleagre*, ap. eund. Heroid. IX. 151. V. mox Notam 54.

53) Accusativos in *ea*, a nominibus in *eus*, ad tertiam declinationem, ad quam propria spectant, reiecit. Vid. supra Reg. 15. Not. 32. et post, Reg. 48.

20. US si rectus habet casus, per e vertito quin-

At *populus* dat et *us*. DEUS immutabile perstat.  
*Filius* a *Genius*que petunt, in IUS que Latina  
 Propria. Sed quintum, doctas imitatus Athenas,  
 Servat, in US recte similem quandoque Poeta.

Nomina in US faciunt vocativum in e: ut, *ventus*,  
*venete*.

Exc. 1. *Populus*, *popule* vel *populus* habet<sup>55</sup>).

Exc. 2. DEUS, o DEUS absque mutatione facit<sup>56</sup>).

Exc. 3. *Filius*; *Gentis*<sup>57</sup>): item nomina propria Latina in IUS<sup>58</sup>) ut, *Iulius*, *Propertius*, abiiciunt *us*, o *fili*<sup>59</sup>),  
 o *Geni*, o *Iuli*, o *Properti*<sup>60</sup>).

54) In vocativis *Evandre*, *Tymbre*, *Leandre*, (apud Virg. Aen. II. 55. et Aen. X. 894, et Ovid. Heroid. XIX. 1.) et similibus, noli Metathesin, seu transpositionem literarum, cum quibusdam existimare, pro *Evander*, *Tymber*, *Leander*. Sunt enim a nominativis *Evandrus*, *Tymbrus*, *Leandrus*; quibus, a Graecis in os, Εὔανδρος, Τύμβρος, Λέανδρος, traductis, Latini interdum utuntur. Sic *Evandrus*, Virg. Aen. VII. 100, 813: *Evander*, Id. Aen. X. 515. *Leandrus*, Mart. Spect. XXV. 3. *Leander*, Id. Epig. XIV. 181. *Teucrus*, Virg. III. 108. aliis *Teucer*. *Meandrus*, Ovid. Met. II. 246. *Meander*, Lucan. VI. 475. *Meleagros*, Ovid. loc. supra cit. *Melaeager*, Hygin. Fab. 174, etc. Sic et *puere* in vocat. pro *puer*, ab antiquo *puerus*, Afranius, Caecilius, et Plautus Merc. V. 2, 71 et 89. Pseud. I. 2, 37. et alibi saepius, dixerunt: V. Dausq. Vol. 1. p. 72. Voss. Anal. II. 5. Charis. p. 11 et 64. Priscian. p. 692.

55) Cic. Epist. ad Octav. mod. *Quantum te, popule Romane, de me sefellit opinio*. Quintilian. Declam. 802. *Tum te, popule, iudicii tui poeniteret*. Contra Lucan. II. 116: *Degener o populus*: et Liv. II. 24. *Audi Iupiter, audi pater patriae populi Albani*; *audi tu populus Albanus*. Verum in illo Lucani, o popes, cum nominativo iungi, ut ap. Terent. Phor. II. 1, 10. *O vir fortissimique amicus*: ap. Livium vero *populus Albanus* forte more Atticorum, pro *popule Albana*, est dictum, V. Voss. Anal. II. 5. et Not. seq. 61. Interea Phocas, p. 1710. *populus* in vocat. praeferre videtur. \**Populus* autem *arbor*, prima longa, *popula* tantum sapit, Ovid. Her. V. 27. *Popule, vive precor*.

56) Neque enim imitandi videntur Tertullianus adv. Maro. 1. extr. et Prudent. Hamart. v. 981. o *Dee* in voc. declinantes.

57) Sic Tibull. IV. 5. 9. *Magne Geni cape thura libens, votisque faucto*,

58) Alia in IUS, quae non sunt propria, is habent; ut, *tabellarius*, o *tabellarie*; *pious*, o *pie*. Quibus etiam ecedunt epitheta: ut *Delius*, o *Delie*, Colum. R. R. X. 224. *Tirynthius*, o *Tirynthie*, Stat. Silv. III. 1. *Euius*, o *Evie*, Colum. loc. cit. et Stat. Theb. II. 72. item possessionem vel familiam notantia; ut, *Saturnius*, o *Saturnie*; *Laertius*, o *Laertie*. Sic *Cytheree vespere*, ap. Anson. Idyll. VIII. 25. Haec enim per se propria non sunt. Unde perperam Priscianus, p. 739. pro exemplo, quod vetustissimi propria in IUS in ie quoque terminant,

Exc. 4. Poetae, Atticorum imitatione, quibus vocativus semper similis test nominativo, us interdum in vocativo retinent: ut, *fluvius*, *Latinus*, apud Virgilium; *Memmius*, apud Lucretium; o *patricius sanguis*, apud Persium; pro *fluvie*, *Latine*, *Memmi*, *patricie*, etc.<sup>61</sup>).

producit, vocativum *Laetie*, ex gemino loco veteri. Neque enim, nunc aliter loqui licere ostendunt Vossius Anal. II. 5, et Ursinus Tom. 1. p. 161. Confer et Scioppium, Praef. Gram. Philos. qui acriter eos incusat, qui *Castri*, *Austri*, pro *Castrië*, *Austrië*, scribendum volunt: Laborum vero, *manuari*, pro *manuarië*, ap. Gell. XVI. 7. aut Grammaticum illum, ap. eund. XV. 5. *vir egregi*, pro *egregië*, dicentes, nemo iam imitandos censuerit. \* His denique addit Ursinus propria Graeca in IUS, quae *ie* in vocativo retinere videntur: ut, *Sperchius*, o *Sperchie*, Stat. Achill. I. 628. *Olinus* vel *Hormius*, o *Olinie*, seu *Hormie*, Id. Theb. VII. 284. non *Sperchi*, *Olmi*. Verum cum haec duo, penultima producta, essent, an alia item Graeca in IUS penultima correpta exeuntia, qualia sunt *Eusebius*, *Gregorius*, *Athanasius*, etc. ad eorum exemplum conformanda sint, dicendumque adeo *Eusebie*, an *Eusebi*; *Gregorie*, an *Gregori*, mihi adhuc in incerto relinqui videtur. *Eusebi* quidem usus Erasmus, et in sacris Pontificiis *Sancie Proptasi* invenimus. At veterum neutram in partem exempla occurrunt.

59) Primitus tamen haec in *ie* terminabant: ut, *Saturni filie*, ap. Liv. Andronicum: sic etiam *Antonie*, *Aemilie*, etc. quibus postea, brevitas causa e per Apocopen fuit ablata. V. omnino Voss, Anal. II. 5.

60) Sic *Caius*, *Pompeius*, vel, ut potius scribendum arbitror, *Caius*, *Pompilius*, o *Cai*, ut Mart. II. 80. *Quod peto da Cai*; non *peto consilium*: et o *Pompei*, tribus syllabis, ut Ovid. Pont. IV. 1, 1. *Accipe*; *Pompei*, deductum eam ab illo, etc. vel etiam binis, diphthongo posteriore: Horat. Car. II. 7, 5. *Pompei, meorum prime sodalium*, Confer Voss. 1. cit. \* Nec virorum tantum, sed alia etiam propria habent: ut, *Mincius*, o *Minci*, *Fluvii*; *Larius*, o *Lari* [Virg. Geo. II. 159.] lacus; *Maius*, o *Mai* [Auson. in Eclogar.] mensis nomen. Nec tamen Reusnerus *Maië* a nom. *Maius* dixit.

61) Vid. Virg. Aen. VIII. 77. [ibique Servium coll. Præstano p. 789. ed. Putsch. G. St.] et XII. 192. Lucret. 1. 45. [al. *Memmiada*.] Pers. I. 61. Sic, o *Pompilius sanguis*, Horat. Art. 292. *oculus meus*, Plaut. Pers. V. 1, 13. *meus ocellus*, Id. Asin. III. 3, 74. et Poen. I. 2, 153. *meus molliculus caseus*, Id. Poen. I. 2, 154. *Audi tu populus Albanus*, Liv. I. 24. *Sacrificus comas dilecta tege populo*, Senec. Herc. fur. 894. *Nereidum eluvius alme*, Sidon. Car. XXII. 13. *plus notus Nilæ per ortum*, Id. Car. VII. 44. *Nate plenus datorum*, Auson. Ephem. Orat. 27. *Christe*, — *Dominus, filius*, — *ex vero verus*, Ibid. 80. *Maxime, facunde*, — *mentem bonus*, — *lingua catus, ore canorus*, *Capemus triste parentum*, Id. Parent. XVII. 11. *Anne aquas, novus anne veni, renovate veni*. Sol. Id. Idyll. VIII. 1. pro *Pompilië*, *ocule, ocelle, mollicule casee, Albane, sacrifice, chore, nate, plene*, etc. Similiter in sacris, *Sancta Trinitas, unus Deus*, — et *Agnus Dei, qui tollis peccata mundi, miserere nobis*, pro *une, agne*. Huc adferunt illud Virg. Aen. 1. *Adsis laetitiae Bacchus dator*: verum antiquis exemplaribus *adsi* personæ fertis ut *Pierius* reperisse festatur. In eo autem eiusd. lib. v. 668. *Mede, mea magna potentia aequa, tu solus cum seq.* clausula, qui *tela Typhoea temnis*, construendum, nec (ut alii trahunt)



21. Primus pluralis capit i. Vult patrius *orum*;

Graecus et *on* raro. *Is* ternus, quartus et *os* dat.

Nominativus pluralis desinit in *i*<sup>61</sup>): ut, *ventus*, *venti*; *Deus*, *Dei*, vel potius *Dii*<sup>63</sup>). Genitivus in *orum*: ut, *ventorum*, *Deorum*<sup>64</sup>).

Exc. Nomina Graeca quandoque suo more *on* habent: ut, *Georgica*, *Georgicon*.

Dativus terminatur in *is*: ut, *ventis*<sup>65</sup>), *deis*, saepius *diis*. Accusativus in *os*: ut, *ventos*, *deos*.

22. *Ambo*, *duo*, neutri generis sunt masculeique:

Mas *o* vel *os* quartus donat: vult tertius *obus*.

+ *Ambo* et *duo* singulari carent; pluraliter autem sic declinantur. Nom. *ambo*, *duo*; *ambae*, *duae*; *ambo*, *duo*. Gen. *amborum*, *duorum*, vel *duum*; *ambarum*, *duarum*; *amborum*, *duorum*, vel *duum*. Dat. *ambobus*, *duobus*; *ambabus*, *duabus*; *ambobus*, *duobus*. Accus. *ambos*, *duos*

pro sole positum videtur. Caeterum superioribus exemplis adducti Nebrissensis, Despauterius, etc. ex his *fluvius*, *chorus*, *agnus* et *Latinus* geminum vocandi casum habere volunt: addunt Phocas, Sulpitius et Lilius, nescio quibus auctoribus, *lucus* et *vulgus*. Alii autem in his Anaptosin, sive casum nominativi pro vocativo Enallagen statuunt: quem admodum contra vocativus pro nominativo interdum usurpatur; ut in illo Virg. Aen. II. 282. Quibus *Hector* ab oris. *Exspectate* venis; clarisque in illo Pers. III. 28. *Stemmata* quid *Thusco* ramum *millesima ducis*, *Censoremve* *tyum* vel quod *trabeate* *salutas*; pro *exspectatus*, *millesimus*, *trabeatus*.

62) Olim nominativum pluralem, ad differentiam genitivi singularis, in ei terminabant: ut, *amiciei*, *magnei*, *captivei*, *puerei*: quod et discrimen servandum praecipiant P. Nigidius ap. Gell. XIII. 25. et Lucilius ap. Quintil. I. 7. improbat tamen ipse, Quintilianus. Vetustioribus etiam in *ae*, propius terminationi Graecae *oi*, qua vetustissimi usi, is casus exiit: ut, *Pilumnae*, *populae*. Sic *lyrae*, ap. Plaut. Poen. I. 1, 9. *bolae* gemmae nomen, ap. Plin. XXXVII. 10. §. 55. et in quibusdam exemplaribus fabula Terentiana *Adelphae* inscribitur.

63) Et contracte *Di* et in dat. et abl. *Dis* pro *Diiis*. *Dei* autem retinuit Varro, R. R. 1. 1. *Dei* facientes adiuvant; et, uno et altero loco, Gronoviana Livii editio, XXV. 29. et XXVIII. 12. aliter vero *Dei* et *Deis* solis fere Poetis (quibus *Dii* et *Diiis* nunquam dissyllaba sunt) in usu remansere. Vid. Propert. IV. 1, 5. Ovid. Trist. I. 2, 59. Lucan. I. 629. et IX. 1101. Proprie autem *Dii* et *Diiis* a *Dius* vel *Divus* veniunt, non a *Deus*.

64) Quando Syncope in hoc casu locum habeat, supra docuimus, Reg. 5.

65) De nominibus fastorum aliisque in *is* desinentibus, quae *orum* quandoque in genitivo plurali, *ibus* vero in dativo et ablativo semper habent, postea in Reg. 61. dicatur.

(et rarius *ambo*, *duo*<sup>66</sup>); *ambas*, *duas*; *ambo*, *duo*. Vocativi nominativis, ablativi dativis similes sunt.

### *Tertia Declinatio.*

#### 23. Tertia multimodis inflexio finibus exit.

*Is* Latius genitivus habet; sed *os*, usve *Pelagus*.

Tertia Declinatio plurimas habet terminationes<sup>67</sup>, litteras vero finales tredecim; viz. quinque vocales, A. E. I. O. Y. octo consonantes, C. D. L. N. R. S. T. X.<sup>68</sup>. Quorum exempla sequentibus regulis habentur.

66) \* *Ambo* pro *ambos*, notat Charisius (p. 96.) ex Afranio, ex Terent. And. II. 2, 8. ex Virg. Ecl. VI, 18. et Geo. IV. 88. et Aen. XII. 848. Adde Plaut. Amph. I. 2, 8. Liv. VII. 19. XXVI. 7 et 26. XXVII. 27. XXX. 14. XXXV. 22. XXXVIII. 53. XL. 46. XLI. 18. et XLV. 19. Martial. VII. 40. Sil. Ital. IV. 175. et XVII. 427. Censorin. de die nat. c. 18. \* *Duo* itidem pro *duos* habent Cic. Fam. III. 4. et VII. 25. ad Attic. IV. ult. Tusc. I. 46. Terent. Adel. V. 8, 23. Virg. Aen. XI. 285. Liv. VI. 42. extr. XXIII. 40. XXVIII. 11. XXX. 17. XXXV. 21. et XXXIX. 2. Terentian. de Metr. v. 1. Prudent. Apoth. v. 706. Confer Charis. p. 49. Priscian. p. 745. Stewichium ad Veget. II. 6. et III. 15. Pierium ad Virg. loc. cit. Gronov. ad Liv. XXXV. 21. Graev. ad Sueton. Claud. XIV. [Quod rarius *ambo* et *duo* dici contendit, contrarium affirmant de bonis scriptoribus Gronovius et Graevius l. c. G. St.] Drakenb. ad Sil. loc. cit. in primis vero Voss. Anal. II. 6, etc. \* Porro *duo* muliebri genero accipi annotavit Scipio Gentilis, in his Pauli I. C. verbis, L. 10. §. 17. ff. de grad. et adfin. *Tritavia similiter numerata faciet personas triginta duo*. Et paulo superius, *Personas complectitur triginta duo*. Imo pro genitivo quoque poni, in illis Scaevolae, l. ult. §. 1. ff. de legat. 2. *Quas [rbs] uestimationis constiterit esse universas duo millium aureorum*, pro *duorum*, monuit post Ant. Contium Vossius. \* Olim quoque *dua*, pro *duo*, in neutro dicebant. Sic Accius apud Cicer. Orat. 46. *Video sepulcra dua duorum corporum*; Quod quamvis, ut suo aevo vitiosum, damnet Quintilianus, I. 5. *duapondo* tamen iunctim recte dici ibidem ostendit. \* Fallitur autem Iohnsonus, qui p. 83. Plautum *ambo* fem. usum putat, pro *ambae*, Rud. IV. 4, 7. sermo enim illic non ad feminas, sed ad viros dirigitur.

67) Despaunterius et alii terminationes, sive syllabas finales, tertiae recensent septuaginta et unam: Prisciano autem, qui quantitas etiam prosodiace rationem habet; adeoque ex AS longa et AS brevi (itidemque in aliis) duas terminationes facit, numerus ultra octoginta excrevit. Caeterum vix operae pretium est, aut has aut illas sigillatim enumerare: hic tantum adnotare sufficiat: 1. Tertiam omnes aliarum declinationum terminationes, praeter UM et U, in se continere, multasque praeterea habere sibi peculiares, ut, C. L. N. etc. 2. Ex his multas esse factas literarum vel syllabarum reiectione: olim enim pro *lac*, *animal*, *ligo*, *vultur*, *trabs*, *ars*, etc. *laete*, *animale*, *ligon*, *vulturis*, *trabes*, *artis*, etc. dicebant.

68) Ex his quinque rariores sunt, I. Y. C. D. T. ac I quidem et Y nominum duntaxat Graecorum: ut, *hydromeli*, *moly*: D Barbarorum:

Genitivus Latine semper in *is* exit<sup>69)</sup>; more autem Graeco, quo Latini in vocibus Graecis haud raro utuntur, genitivus interdum in *os*<sup>70)</sup> terminatur: ut, *Phyllis*, *Phyllidos*; interdum in *us*: ut, *Calisto*, *Calistus*<sup>71)</sup>.

A et E.

24. Semper A mittit *atis*. Vertes E per *is* genitivo.

1. In A seu MA Graeca sunt, et addita *tis* syllaba genitivum faciunt: ut, *stemma*, *stemmatis*<sup>72)</sup>.

ut, *David*, *Bogud*. In C autem duo tantum sunt vocabula Latina, *luc* et *halec*; in T tria, *caput*, *sinciput* et *occiput*.

69) Genitivus interdum numero syllabarum nominativo par est: ut, *mare*, — *ris*; *rupes*, — *pis*; *navis*, — *vis*: plerumque una syllaba longior; ut, *sermo*, — *onis*: rarius duabus; ut, *iter*, *itineris*; *biceps*, *bicipitis*; *supellex*, *supellectilis*.

70) Graeca genitivum in *os* mittentia, sunt, 1. Quorum iste cesus & assumpto crescit: ut, *Arcas*, — *adis*, vel — *ados*; *Daphnis*, — *idies*, vel — *idos*; *Aeneis*, — *eidis*, vel — *eidos*. 2. Quae Graece per *os* pure, i. e. praecedente vocali, declinantur: ut, *poesis*, *poeseos*, sive *poetios*, *Tethys*, *Tethyos*. 3. Rarissime in aliis: ut, *Strymonos*, *Sphingos*; a *Strymon*, *Sphinx*. Addit Ursinus, *onychos* ab *onyx*; *Babylonos* a *Babylon*. *Panios* autem a *Pan*, fere semper dicitur, ut distinguatur a Latina voce, *panis*, — *nis*. Hyginus tamen, Fab. 224. etiam de rusticorum Deo, *Panis* extulit. NOT. vero 1. Terminationem *os*, praecedente consona, fere solum Poetis in usu esse. NOT. 2. Terminationem *is* etiam Poetis in hisce nominibus magis frequentari, praeterquam in poematum nominibus, et in Patronymiciis, quibus prosa scribentes raro admodum utuntur. NOT. 3. Genitivum per *os* pure declinatum, tam Poetis quam aliis, usitatorem ac Latinum parasyllabum in *is* videri; i. e. *poeseos*, vel — *ios*, potius quam *poesis*, dici. *Tiphysos*, *Tethyos*, *chelyos*, Poetis semper, aliis etiam frequentius quam *Tiphysis*, *Tethyia*, *chelyis* usurpata putem. Tacitus tamen *Cotyis*, *Annal.* II. 67, 8 et 4. et III. 33, 4. utitur.

71) Vulgo addunt et genitivum Graecum, a nominibus propriis in ES, interdum in i terminati: ut, *Achilli*, *Virg. Geo.* III. 91. et *Aen.* I. 30. *Oconti*, *Id. Aen.* I. 220. *Ulyssi*, *Id. Aen.* II. 90. *Stat. Silv.* II. 1, 118. *Pericli*, *Pers.* IV. 3. *Neocli*, *Nepos*, II. I. *Aristoteli*, *Ariobarzani*, *Iphierati*, *Themistocli*, *Theophani*, *Cic. Attic.* XIII. 23. et *Ibid.* XIII. 2. *Orat.* c. 56. *Fam.* V. 12. et *Ibid.* IX. 1. *Empedocli*, *Euripidi*, *Hierocli*, *Gell.* IV. 11. VII. 16. et IX. 5. Item *Achillei*, *Horat. Car.* I. 15, 34. et *Epod.* XVII. 14. *Ulysssei*, *Id. Car.* I. 6, 7. et *Epod.* XVII. 16. vel *Ulysssei*, *Id. Epist.* 1. 6, 63. et *Ep.* I. 7, 40; etc. pro *Achillis*, *Ulyssis*, *Periclis*, etc. Verum is genitivus in i Graecus non est, sed mere Latinus, atque ab antiquis nominativis in US vel EUS, quibus Latini olim utebantur, profectus. *Vid. Charis. p.* 107. *Priscian. p.* 703. *Voss. Anal.* II. 9. *Dausq. Orthog.* Vol. I. p. 95. et Vol. II. p. 22. *Ursin. Tom.* I. p. 206 et 221.

72) *Oxygala* cum Plinius neutro utatur, XXVIII. 9. §. 35. *oxygalactis* quoque in genitivo declinaturus fuisse videtur, ad imitationem scilicet Graecorum, quibus *ὀξυγάλα* neutrum est, et *ὀξυγάλακτος* facit.

2. In E finita mutant *e* in *is*: ut, *monile*, *monilis*.

I et Y.

25. Dant *itis* orta *meli*. Sed *yos* per Y clausa requirunt.

1. In I finientia plerumque indeclinabilia sunt: ut, *gummi*<sup>73</sup>); *zingiberi*<sup>74</sup>). Quaedam tamen Graeca, a *meli* (sive μέλι, i. e. *mel*) composita, faciunt genitivum in *itis*: ut, *hydromeli*, *hydromelitis*; *oxymeli*, *oxymelitis*<sup>75</sup>).

2. Graeca in Y faciunt *yos*: ut, *misys*, *misysos*<sup>76</sup>); *moly*, *molyos*<sup>77</sup>).

O.

26. Addito *nis* post O. Dat' *inis* muliebri DO;  
GOque

*Ordo* velut *margo*, cum *cardine* *Apollo*, *Cupido*,  
*Turboque* non proprium: cupit his *homo*, *nemoque* iungi.

Columellae tamen, R. R. II. 8. *oxygala*, *oxygalae*, in prima inflectitur.

73) *Sinapi* quoque vulgo indeclinabile statuunt; genitivum autem *sinapis*, a recto ejusdem terminationis deductum volunt. Verum Charisius, p. 83. *Sinapi*, inquit, *per omnes casus similiter effertur, genitivum tantum S littera adiacitur, huius sinapis*: et ita Celsus, elegantissimus Latinitatis auctor, in genitivo *sinapis*, in nominativo autem *sinapi*, constanter utitur: lib. vero v. c. 18. §. 12. habet *sinapis contriti*, quod a recto *sinapis* deflecti vix potest: (male enim, me iudice, Iohnsonus Addit. Append. p. 62. *sinapis* hic masculino adhibitum colligit, quod Columellae, R. R. X. v. 122. Plauto, Pseud. III. 2, 23. aliisque qui eo fine utuntur, semper femininum est.) Idemque de *lucrymosi sinapis*, ap. Seren. XXXIII. 4. est existimandum. Huc adde quod Graecis σινῆπις declinetur; quam inflexionem ut Latini prorsus refugerent, nulla quod sciam analogia cogit.

74) Ita enim, aut *zingiberis*, illud rectius vocari, quam cum vulgo, *zingiber*, aut *zinziber*, ostendit Vossius, Vit. Serm. I. 12.

75) Vid. Plin. XXVI. 8. §. 34. XXIV. 19. extr. XXV. 18. §. 106, et alibi saepius. Palladius minus probatus auctor, *oxymelle* in ablativo a recto *oxymel* (ut videtur) declinat, Nov. tit. 7. Idem tamen Aug. t. 13. *omphacomeli*, et Octob. 17. *aenomeli* indeclinabilia facit.

76) *Misys* inter indeclinabilia recenset Iohnsonus, App. p. 18. At discrete ei genitivum *misysos* dat Plin. XXXIV. 11. §. 27. item Celsus, V. 19. §. 7, 8, 15, 27. et v. 20. init. et VI. 6. §. 27. et eod. 13. §. 2. Neque dubitem, quin usu ferente, alia in Y eodem pacto declinassent, *moly*, herbae nomen; *napy*, i. e. *sinapi* Aegyptium: item *Aepy*, *Dory*, urbium nomina; quae vulgo Grammaticorum ἀκλίτα statuuntur.

77) *Sory* autem *soreos* Celsus declinat, VI. 9. Graecos nimirum imitatus, quibus est σῶρυ, σῶρεος. Vid. Galen. de simpl. medio facult. IX. 21 et 34.

## R.

29. R capit is. *Far ris*, *Lar tis* proprium maris;  
*hepar*

*Hepatos* efficiet. *Cris* mobile *cer* dat. At *imber*  
*Bris* petit et menses, simul *Insuber*: adde *saluber*,  
Et *celeber*. Per *tris* ter formes omne Latinum,  
Et *pater* et *mater* Danaum. Dat *eris later*, et *cor*  
*Cordis*, *iter tineris*: *Iovis* optat *Iuppiter* usque.  
*Robur oris*, *iecur* atque *femur* tibi praebebat *eburque*.

Nomina in R genitivum formant adiecto *is*: ut, *par*,  
*paris*; *anser*, *anseris*; *dolor*, *doloris*; *Gadir*, *Gadiris*;  
*guttur*, *gutturis*; *martyr*, *martyris*.

Exc. 1. *Far* gemino *r* facit *farris*, *Lar*, viri nomen,  
*Lartis* <sup>87)</sup>. [At pro deo domus praeside, *luris* habet.]  
*hepar*, *hepatis* vel *hepatos*, vox Graeca.

Exc. 2. Tria adiectiva in CER, *e* amisso, *cris* formant:  
*acer*, *acris*; *alacer*, *alacris*; *volucer*, *volucris* <sup>88)</sup>.

Exc. 3. Similiter quaedam in BER, *bris* faciunt, viz.  
*imber*, *imbris*; *September*, *October*, *November*, *December*,  
mensium nomina <sup>89)</sup>; *Insuber*, *Insubris*: item adiectiva  
*saluber*, *celeber* <sup>90)</sup>.

Exc. 4. Eodem pacto nomina Latina in TER, *e* in  
genitivo perdunt: ut, *uter*, *utris*; *accipiter*, *accipitris*.  
Item duo Graeca, *pater*, *patris* <sup>91)</sup>; *mater*, *matris* <sup>92)</sup>. Cae-  
tera in TER Graeca, *e* retento, *eris* habent: ut, *aër*, *aë-*

87) Servio ad Virg. Aen. VI. 842. itemque Ausonio in Technopog.  
*Lars* appellatur; *Lar* tamen agnoscunt Charisius, p. 110. et Priscianus,  
p. 645. *Lar* pro deo familiari, genitivo *Laris*, pro praenomine Tolumnii,  
aut Porsennae, *Lartis* facere diserte tradentes. *Lar* etiam apud Livium,  
IV. 58. in veteribus libris scriptum testatur Sigonius; et ita apud Cicer.  
Philipp. IX. 2. ex optimis tam censis quam exaratis codicibus magnus Grae-  
cius restituit, quamvis a Grutero aliisque hic *Lartes*, illic, et a plerisque  
quidem, *Lars* editum sit.

88) Addunt nonnulli *mediocer*: quod nusquam iam invenitur, sed, ut  
supra monuimus, *mediocri*.

89) Despausterius Priscianum secutus, haec ab *imber* vult esse compo-  
sita. Rectius verò Cl. Vossius, cui *ber* parelcon tantum, sive productio  
vocis videtur, ut in *saluber* a *salus*, *tuber* a *tumeo*, *Mulciber* a *mulceo*.

90) Alia in *ber*, *beris*, faciunt; *uber*, *uberis*; *suber*, *suberis*; *Mulci-*  
*ber*, *Mulciberis*, et *Mulciberi*; *Iber*, *Iberis* et *Iberi*, etc. V. supra Reg.  
16. n. 37 et 42.

91) Sic composita eius Latina, *Marspiter*, *Diespiter*, *semipater*. At  
plane Graeca sunt secundae declinationis: ut, *Antipater*, *Sosipater*.

92) *Linter*, *lintris*. Graecae etiam originis facit post Priscianum De-  
spausterius: sed potior Vossii sententia, cui vox mere Latina statuitur.

*ris; aether, aetheris; crater, crateris. Later etiam, quamvis vox Latina, lateris facit.*

Exc. 5. Tria nomina paulo longius a regula defleunt: *cor* quod *cordis*; *iter* quod *itineris*<sup>93</sup>); *Iupiter* quod *Iovis*<sup>94</sup>) facit.

Exc. 6. Quatuor denique in UR terminata, u in o mutato, *oris* habent: *robur, roboris; iecur, iecoris*<sup>95</sup>); *femur, femoris; ebur, eboris*.

## AS.

30. Postulat AS *atis*. Sed *mqs maris, as* dabit *assis*. Hoc *vas vasis* habet, *vas* hic *vadis*. *Antis* habento Mascula Graeca; volunt per *adis* muliebria poni; *Arcas* item: sed *atis* capiunt neutralia Graeca.

Nomen in AS genitivum mittit in *atis* penultima longa: ut, *aetas, aetatis; Maecenas, Maecenatis*, viri nomen<sup>96</sup>).

Exc. 1. *Mas* facit *maris; as, assis; vas*, neutrum, *vasis, vas*, masculinum, *vadis*.

Exc. 2. Nomina Graeca, pro vario ipsorum genere, varium genitivum accipiunt. Nam

1. Masculina habent *antis*: ut, *gigas, gigantis; Pallas, Pallantis*, viri proprium.

2. Feminina *adis*: ut, *lampas, lampadis; Pallas, Palladis*. Item *Arcas, Arcadis*<sup>97</sup>).

3. Neutra faciunt *atis* penultima brevi: ut, *artocreas, artocreatis; buceras, buceratis*<sup>98</sup>).

93) Quia olim dicebant *itiner*, quo usus Plautus, Merc. V. 2, 72. Contra *iteris* ab *iter* habet Naevius, ap. Nonium.

94) Ab antiquo nominativo *Iovia*, quo non solum Ennius, et Caecilius et Actius, ap. Priscianum, p. 695. sed etiam Hyginus, Fabb. 53 et 54. sunt usi. Apuleii quoque est, Met. IV. p. 137. *Quem tremat ipse Iovia quo numina terrificantur.* *Iupitris* autem pro *Iovia*, et *Iupitre*, pro *Iove*, in antiquioribus eiusdem Hygini Editi. Astron. II. 4 et 13. et alibi, se remperisse testatur Tho. Munckerus.

95) Legitur etiam *iecinoris* vel *iocinoris*, ab exoleto nominativo *iecinus* vel *iocinus*.

96) Una vox Latina *atis* facit penultima brevi, *anas, anatis*.

97) His addit Despauterius, *Ceras, Ceradis*, loci cuiusdam neutr. gen. nom. At vid. supra, cap. I. Reg. 28. n. 10.

98) \* *Melas* tam morbi genus, ap. Celsum, V. 28. §. 19. quam fluvii nomen, ap. Livium, XXXVI. 12. et XXXVIII. 40. *Melanis* vel *Asclanos* facit, a Graeca voce μέλας, μέλανος, i. e. niger. Item eius composita *epimelas*, et *mesomelas*, gemmarum nomina, ap. Plin. XXXVII. 10. §. 58. extr. et ibid. §. 63. extr.

## ES.

31. ES. mutabis in *is*. *Mansues*, *locuplesque*, *quiesque*, *Etis* amant: iunges *Cres* et dissyllaba Graeca:  
*Is* proprium sed saepe tenet. Per *etis teges* exit,  
 Et *seges*, *interpres*, *praepes*, *pariesque*, *abiesque*;  
*Indiges*, atque *aries*, *perpes*, *teres* ac *hebes*, addo.

In ES finita mutant *es is*: ut, *nubes*, *nubis*; *rupes*, *rupis*.

Exc. 1. Tria nomina Latina habent *etis*, penultima longa: *mansues*, *mansuetis*<sup>99</sup>); *locuples*, *locupletis*; *quies*, *quietis*: item eius compositum, *inquietis*. *Requies* autem genitivo *requietis* in *tertia*, vel *requiei* in *quinta* facit<sup>100</sup>).

¶ *Etis* etiam penultima longa habent multa nomina Graeca: unum monosyllabum, *Cres*, *Cretis*; reliqua fere dissyllaba: ut, *magnes*, *magnetis*; *tapes*, *tapetis*. Sic *Craetes*, *Mendes*, *Laches*, virorum nomina. Ex his autem quaedam *etis*, vel *is* faciunt: ut, *Chremes*, *Chremetis*, vel *Chrēmis*; *Dares*, *Daretis*, vel *Daris*; *Thales*, *Thaletis*, vel *Thalis*<sup>1</sup>): sed *etis* usitatus est<sup>2</sup>).

Exc. 2. *Etis* penultima brevi habent nomina sequentia: *teges*, *seges*, *interpres*, *praepes*, *paries*, *abies*, *Indiges*, *aries*, *perpes*, *teres*, *hebes*.

<sup>99</sup>) *Mansues* rarum est, pro quo *mansuetus* usitate dicitur. Varro autem, ap. Nonium, et (qui obsoletis delectatur) Apuleius, Met. XI. p. 369. *mansues*, *mansuis*, declinant.

<sup>100</sup>) Sic, *requietis* intervalla, Cic. Fin. I. 15. *requie* mora, Sallust. Hist. Fragm. I. 20. pro *requiei*: sic, *requietem* corporibus *afferre*, Cic. Fin. V. 19. *peto requiem spatiumque furori*, Virg. Aen. IV. 433. *anxiferas curas requiete relaxas*, Cic. Div. I. 18. *Quod caret alterna requie durabile non est*, Ovid. Heroid. IV. 89. Olim etiam et simplex *quies* in quinta declinabant, teste Prisciano, p. 708. qui et ex Afranio, *potitur quie*, et ex Naevio, *somno operiuntur et suavi quie*, exempli loco nobis adfert.

1) Sic Terent. And. I. 5, 13. *Chremetis affinitatem effugere*, Ibid. II. 2, 31. *Puerum conveni Chremis*. Ac similiter accns. *Chremetem*, Ibid. III. 3, 1. et *Chremem*, Eun. IV. 4, 56. Sic accns. *Dareta*, ap. Virg. Aen. V. 460, 463 et 476. et *Daren*, Ibid. v. 456. quod tertiae Servius, primae autem Vossius, Anal. II. 3. declinationis facit. Sic *Philolaches*, *Philolachetis* et *Philolachis*; *Philolacheti* et *Philolachi*; *Philolachetem* et *Philolachem*; *Philolachete* et *Philolache*, Plautus in Mostell. promiscue utitur: itemque in prima, Ibid. II. 1, 27. *Philolachae*. Sic Invenal. XIII. 184. *Thaletis*, Cic. Div. I. 4. *Thalem*, et Div. II. 27. et de Orat. III. 34. *Thalem*; et Nat. Deor. I. 3. *Thale*. Sic *Eutyches*, *Eutychetis* et *Eutycheis*, ap. Ecclesiasticos Scriptores.

2) Alia in ES Graeca, trium aut plurium Syllabarum, regulam fere sequuntur: ut, *Aristoteles*, *Alcibiades*, *Demoathenes*, *Pericles*, *Palamedes*, *Socrates*, *Themistocles*, etc.

32. Caetera masculēi generis, communis, et omnis,  
 ES per *itis*, non dicta, *tudes* cum *mergite*, mutant:  
 At *verres verris*, *vates vatis* capit. Ortum  
 A *sedeo* dat *idis*. *Merces* volet *edis* et *haeres*.  
*Pesque pedis*, *Cererisque Ceres*, *bes bessis* habebit.

Exc. 5. Reliqua nomina, sive masculini, sive communis, seu denique omnis generis, prius non memorata, mutant ES in *itis* in genitivo penultima brevi: masculina; ut, *eques*, *palmes*: communia; ut, *miles*, *antistes*: omnis generis, sive adiectiva; ut, *ales*, *dives*, *sospes*: *equis*, *palmitis*, etc.

Item, *tudes*, *tuditis*, vel *tudis*<sup>3)</sup>, de cuius genere nondum satis constat: *merges*, *mergitis*, quod femininum potius est quam masculinum.

+ At *verres*, masculinum, habet *verris*; *vates*, commune, *vatis* facit, iuxta regulam principalem.

Exc. 4. A regula denique abeunt, sed diverso modo,  
 1. Composita a verbo *sedeo*, quae *idis* faciunt penultima brevi: ut, *praeses*, *praesidis*; *obses*, *obsidis*. 2. Duo quae *edis* habent penultima longa: *merces*, *mercedis*; *haeres*, *haeredis*. 3. *Pes*, quod facit *pedis* penultima brevi; et eius composita, *quadrupes*, *quadrupedis*; *sonipes*, *sonipedis*, etc. 4. *Ceres*, quod *Ceris*; *bes*, quod *bessis* habet.

## IS.

33. IS similem gignit patrium. *Cassisque*, *lapisque*;  
 Atque *capis*, *promulsis*, *idis*, cum *cuspidē* donant.  
*Sanguis inis*; *pulvis* dat *eris*, *vomis*, *cinis*, et quae  
 Saepe tenent primam *cucumis* cum *pubere* legem.  
*Dis*, *lis* atque *Quiris*, *Samnis* formantur in *itis*.  
*Glis gliris*. *Semis* manet, aut *semissis* adoptat.

Nomen in *is* habet genitivum similem nominativo:  
 ut, *auris*, *auris*; *ovis*, *ovis*.

Exc. 1. Haec nomina Latina *idis* faciunt penultima correpta: *cassis*, *cassidis*<sup>4)</sup>; *lapis*, *lapidis*. Sic *capis*, *promulsis*, *cuspis*<sup>5)</sup>.

3) *Tudites* nominat Festus malleos a tundendo dictos, unde et cuidam cognomen Tuditano fuit: hinc etiam *tuditantia* corpora dixit Lucretius, II. 1142. At vid. supra, cap. 1. reg. 29. n. 20.

4) *Cassis*, *cassid*, meo. gen. pro *reti* in nominativo vix reperitur.

5) Addunt Deixius noster et alii, *promusci*, *promuscidis*. Sed in



Exc. 2. *Sanguis sanguinis* facit <sup>9)</sup>).

Exc. 3. Tria habent *eris* e brevi <sup>7)</sup>): *pulvis*, *cinis*, *vo-*  
*mis*. At *pubis*, sive *pubes* <sup>8)</sup>, *pubis* habet in genitivo, sed  
saepius *puberis*: sic eius compositum, *impubis*, vel *impu-*  
*bes*, *impubis*, et usitatus *impueris* facit <sup>9)</sup>. Item, *cucu-*  
*mis*, *cucumis*, et saepius *cucumeris* <sup>10)</sup>).

Exc. 4. Quatuor *itis* accipiunt penultima longa: *Dis*,  
*ditis*; *lis*, *litis*; *Quiris*, *Quiritis*; *Sampis*, *Samnitis*.

melioribus exemplariis Plinii, apud quem solum ea vox habetur, VIII.  
7. *proboscidem*, non *promuscidem*, legimus. Est autem *proboscis* vox  
Graeca, ad reg. seq. pertinens.

6) Ab antiquo nominativo *sanguis*, de quo cap. 1. reg. 23. n. 94.  
Huc refertur et *pollis*, quod in nominativo vix usitatum ostendimus, c.  
1. reg. 80. n. 32. *Pollinem* quidem in accus. habet Cato R. R. 56. et  
Plin. XVIII. 9. XIX. 5. et XXII. 25. At hoc a recto *pollinis* forte  
deductum, aut, quod magis placet, *pollen* illis masculinum fuerit, ut, *pe-*  
*cten*, *lian*: neque enim propterea cum Vossio, Anal. I. 29. *pollis* potius  
quam *pollen* dicendum, ob ea quae supra dicta sunt, existimarem.

7) Nempe, quia olim dicebant *pulver*, *ciner*. *Vomer* autem et *vomis*  
optimis auctoribus promiscue adhibetur: illo enim non tantum Lucretius,  
I. 815. sed Virgil. etiam, Geo. I. 46. Tibull. I. 11. 49. Ovid. Fast. IV.  
927. Pont. II. 7. 48. Remed. 172. Lucan. III. 192. Colum. II. 4. et VI.  
15. Plin. XVIII. 19. extr. hoc vero non solum Cato, R. R. c. 135. sed  
et Virg. Geo. I. 162. Colum. II. 2. et II. 14. utuntur.

8) *Pubis* Caesar, quam *pubes*, adiective dicere maluit, teste Priscia-  
no, p. 707. et in recto etiam *impubis* utitur Plinius, XXIII. 7. §. 64.  
extr. *Pubes* tamen praetulit Probus: et ita *pubes* C. Nepos, X. 4. et Cic.  
pro Rabir. II. et *impubes*, Ovid. Fast. II. 239. recipere: nec aliter fere  
Iurisconsulti loquuntur. *Puber* vero, et *impuer*, antiquorum, iamdudum  
exolevisse, nec nisi apud Grammaticos tantum reperiri notant Vossius,  
Anal. I. 36. et Ursinus, Tom. I. p. 178.

9) Ut *pubis* et *impubis* (sive *pubes* et *impubes*, maius) de personis  
dicta longe frequentius *puberis* et *impueris* declinantur: ita rebus aliis  
*μεταφορικῶς* adiuncta saepius *pubis* et *impubis* inflexa videntur. Sic  
Ovid. Met. III. 422. *impubes genas*; et Met. IX. 416. *impuibus anxis*,  
et Virg. Aen. VII. 382. *impubes manus*, et Aen. IX. 751. *impubes ma-*  
*las*, et Val. Flacc. VI. 695. *impuem iuventam*; et Horat. Epod. V. 13.  
*impuem corpus*; et Sil. Ital. II. 111. *impuem malas*. Idem tamen, Ho-  
rat. Car. II. 9. 15. *impuem Troilon*. et Virg. Aen. V. 546. *impuis Ri-*  
*li*: At Aen. XII. 413. *pueribus foliis*, habent.

10) Non possum assentiri Servio ad Virg. Geo. IV. 122. eiusque  
sententiam probanti Vossio, Anal. I. 26. qui aiunt, *cucumeris neotericis*  
tantum in usu esse; at secundum idoneos auctores *cucumis*, *cucumi*, etc.  
declinari. Nam, ut demus neotericorum nomine signari Plinium, (quod  
Vossius innuit,) vel etiam Columellam; quorum prior promiscue *cucumis*  
aut *cucumeris*, posterior fere semper *cucumeris* utitur: certe in hunc  
numerus referri nequit Varro, qui R. R. I. 2. *cucumerem anguinum* no-  
minat; aut Celsus, qui passim *cucumeris*, nusquam (quod etiam) *cucumis*  
in genitivo adhibuit. In plurali autem *cucumeres*, nunquam *cucumtes*,  
usitatus reperio: etsi nominativus sing. *cucumer* nemini Scriptorum in  
usu sit.

Exc. 5. *Glis, gliris facit* <sup>11)</sup>. *Semis*, vel neutrum est, et indeclinabile; vel masculinum, et *semis* in genitivo habet <sup>12)</sup>.

11) *Glis glissis* et *glis glitis* barbara esse supra notavimus ad cap. I. reg. 30. n. 28.

12) *Semis*, ut docet Festus, est a Graeco ἡμισ, non per metathesin literarum, ut Iohnsonus voluit, App. p. 55. sed per Apocopea ultimae, atque a in aspirationis locum substituta, ut *septem* pro *ἐπτά*, *sylva* pro *ὕλη*. Natura igitur adiectivum, sed ad morem multorum aliorum usu intercedente in substantivum neutri generis transiit, simili modo quo *aequum*, *bonum*, *verum*, pro *aequitate*, *bonitate*, *veritate*, aut, quod propius ad rem accedit, *medium* et *dimidium*, pro *medietate*, in neutro posita accipiuntur. Diversum ab hoc, licet idem voce, *semis* masculini generis videtur: id enim primum *semis*, ex *semis*, generatim et indistincte *dimidium* significante, et *as* sive *assis* conflatum, post ad compendium pronuntiandi *semis*, pro *semis*, i. e. *dimidium assis*; ut, *bea*, pro *duo assis*, *dues*, i. e. *duae assis* *tertia* partes, dictum. [Confer Voss. Anal. I. 29. et II. 8. praecipue vero Gronov. de pec. vet. I. 3. p. 15. et IV. 17. p. 382.] Postquam vero non ad rem pecunariam modo, sed ad alias res quascunque per partes divisibiles significandas, *as* sive *assis* adhibitum est, tum quoque *semis*, sive *semis*, ab eo compositum, generaliore hoc sensu accipi, atque cum priore illo *semis* non voce tantum, sed et significatione etiam congruere coepit. His demum rationibus, licet ipsis Latinae linguae auctoribus haud observatis, effectum arbitror, ut *semis*, pro *dimidio assis*, semper masculinum, et casibus variatum; absolute autem, pro *rei cuiuscunque medietate*, interdum neutrum, et invariable; interdum masculinum, et *semis*, *semis*, etc. declinatum, inveniamus. Rem vero, quoniam eam et ex utraque parte controversam video, exemplis nonnullis firmare visum est. Et primum, ut *semis* et *semis*, apud auctores passim occurrentia omittam, quae masculina quidem esse, sed a nominativo *semis* inflexa volunt; Laeio (contra quam docet Iohnsonus loc. cit.) eo in genere, et recto, *semis* diserte ex tulit, L. 9. ff. de vulg. et pupill. substit. *Ut unus semis apud te maneat, alterius semis pro his partibus inter heredes paternos divisio fiat.* Et Africanus ibid. L. 35. *Si per bonorum possessionem semis ei ablatus sit.* Et ita aliis in locis Iureconsulti. Item Volusius Maecianus de *asse*, p. m. 396. *In semisae sunt unciae sex, sextantes tres, quadrantes duo, triens et sextans, quincunx et uncia; deest assi alter semis.* Ad alterum quod attinet: *semis* neutro et indeclinabili utuntur, Cato R. R. 18, *Foramina longa pedes tres semis, et exscalpta digitos sex.* *Ab solo foramen primum pede uno semis.* Celsus, V. 18. § 11. *Quod habet ceras P. III. panacis P. semis — plumbi combusti P. 1. et semis.* Viruv. V. 6. extr. *Longitudo foraminum trium et semis.* Palladius, Jan. t. 10. *Latitudine pedum duorum et semis.* Et ita alibi saepius hi auctores. Sic etiam Columella, V. 1. *Pars dimidia [efficit] pelles quatuordecim millia et quadringentos, hoc est, semis.* Et Valentinianus et Martianus Imp. L. 10. Cod. de metat. et epidem. *Duas semis domos suas immunes habeant.* Et mox: *Unam semis domum suam habeant nullis hospitiiis praegravatam.* Et Iul. Frontinus de Aquaeduct. Romae, lib. 1. p. m. 223. *Ductus eius habet longitudinem a capite ad urbem passuum LX. millium DCCX. et semis, rivo subterraneo passuum LIV. millium CCLXVII. semis.* Ut frustra sint Vossius, eumque secuti Methodi au-

## 34. Ex Graecis pars sumit eos vel ios genitivo:

Pars adsciscit *idis* vel *idos*: nonnulla sed *idis*:

Pars *inis*, pars *entis* habet: *Charis* at *Charitis* vult.

Nomina Graeca in *is* variis modis formant genitivum.

1. Multa genitivum faciunt in *eos*, vel interdum *ios*: ut, *haeresis*, *haereseos*, vel *haeresios*; *metropolis*, *metropoleos*, vel *metropolis*<sup>13)</sup>. Saepe etiam genitivum Latino more nominativo similem habent, *haeresis*, *metropolis*.

2. Plurima habent *idis* vel *idos* penultima brevi: ut, *Iaspis*, *Iaspidis*, vel *Iaspidos*<sup>14)</sup>; *Paris*, *Paridis*, viri proprium; *Themis*, *Themidis*.

3. Tria capiunt *idis* penultima longa, *Psophis*, *Psophidis*, nomen urbis; *Crenis*, *Crenidis*; *Nesis*, *Nesidis*, insularum nomina.

cior et Annotatores Oxonienses, qui veteres non nisi in recto *semis* usurpasse, nec quenquam vulgato Bibliorum interprete antiquiorem sic locutum existimant. Vid. et Johns. App. p. 55 et 118. et Addit. p. 30. Hanc rem, utpote in se perobscuram, et Grammaticorum litibus multum vexatam, fusiore hic explicatione dignam putavimus.

13) Talia fere sunt, 1. A Graeca voce *polis*, i. e. *urbs* composita; ut, *Constantinopolis*, *Hadrianopolis*, *Hierapolis*, *Heliopolis*, etc. urbium; *Tripolis*, *Pentapolis*, *Decapolis*, etc. regionum a numero urbium appellatarum nomina. 2. Appellativa in *is* exeuntia; ut, *basis*, *eclipsis*, *ellipsis*, *genesis*, *hypocrisis*, *metamorphosis*, *paralysis*, *paraenesis*, *phrenesis*, *phthisis*, *synopsis*, *synaxis*, *syntaxis*, etc. Sic *Aphaeresis*, *Antithesis*, *Antiphrasis*, *Catachresis*, *Dialysis*, *Ectasis*, *Ecthlipsis*, *Metalepsis*, *Prolepsis*, *Syllepsis*, *Synaeresis*, etc. Figurarum nomina Grammaticis et Rhetoricis celebrata. At *paropsis*, *proboscis*, *absis*, *-idis* habent.

14) *Idis* in genitivo plerumque habent alia praecedentibus nomina, 1. Multa appellativa; ut, *aegis*, *pixis*, *aspis*, *tyrannis*, *cenchris* (pro ave), *coronis*, *pyramis*, etc. 2. Pleraque propria; ut, *Eupolis*, *Daphnis*, *Paris*, *Chrysis*, *Lais*, *Thais*, *Phyllis*, *Amaryllis*, etc. 3. Omnia patronymica, poematum nomina, et gentilia feminina: ut, *Aeolis*, *Inachis*, *Nereis*, *Atlantis*, *Aeneis*, *Achilleis*, *Thebais*, *Thesais*, *Aemonis*, *Sicelis*, *Libystis*, *Atthis*, etc. Sed primi et secundi generis nomina saepius per *idis*, tertii vero per *idos*, ut alibi diximus, longe frequentius efferuntur. \* Not. Ex his quaedam genitivum interdum nominativo similem faciunt: ut, *Adonis*, *Adonidis*, vel *Adonis*. Sic *Ibis*, *Iris*, *Isis*, *Macotis*, *Oniris*, *Phalaris*, *Serapis*, *Themis*. *Nemesis* solum *Nemesis*, *Syrtis* saepius *Syrtis* habere videtur: *Tiberis*, *Tiberis*; at contractum *Tibris*, *Tibridis* facit. *Tigris*, pro fluvio, saepius *Tigris*; pro animali, semper *tigridis*; pluraliter vero *tigres* frequentius declinatur.

4. Pauca *inis* penultima *idem* longa: ut, *Eleusis*, *Eleusinis*; *Salamis*, *Salaminis*, urbium nomina<sup>15)</sup>,

5. Pauca habent *entis*: ut, *Simois*, *Simoentis*, fluvii nomen; *Pyrois*, *Pyroentis*; *Opoëis*, *Opoëntis*, contracte, *Opus*, *Opuntis*<sup>16)</sup>, urbis nomen.

6. Postremo, unum nomen accipit *is* penultima brevi; *Charis*, *Charitis*.

## OS.

85. OS *ti* interponitur. *Glos*, *mos*, *flos*, *ros* facit *oris*.

Quod dat et *or*, servat quod ab *ar* venit: *oësis* *os* optat;

*Os oris*; *custos custodis*, *bos bovis*. *Ois*

*Thos*, *Mingos* et *Tros* capiunt, quibus additur *heros*.

Nomen in OS facit genitivum interponendo syllabam *ti* inter *o* et *s*: ut, *sacerdas*, *sacerdotis*; *nepos*, *nepotis*.

Exc. 1. Quilibet genitivum in *oris* faciunt penultima longa: *glos*, *gloris*<sup>17)</sup>; *mos*, *moris*; *flos*, *floris*; *ros*, *ronis*; *os*, *oris*. *Oris* etiam habent quae aliter et saepius in *or* desinunt: ut, *honos*, vel *honor*, *honoris*; *labos*, vel *labor*, *laboris*. At *arbos*, vel *arbor*, *arboris* facit penultima brevi.

Exc. 2. Tria peculiarem habent genitivum: *os*, *oesis*; *custos*, *custodis*; *bos*, *bovis*.

Exc. 5. Quatuor Graeca nomina faciunt *ois*: *thos*, *thois*; *Minos*, *Minois*<sup>18)</sup>; *Tros*, *Trois*; *heros*, *herois*<sup>19)</sup>.

15) Quia nimirum aliter in IN exorat, *Eleusin*, *Salamis*. *Atys*, adolescens Phrygius a Cybele adamatus, *Atyos*; et *Attis*, *Atlidis*, vel *-idos*; et *Attin*, vel *Atthin*, *Attinis* seu *-thinis*, declinatum invenitur.

16) Vid. reg. mox seq. 87.

17) Ita Charisius, p. 27. et Priscianus, p. 710. inflectunt; quidam vero *glos*, *glotis*: at tutius eius obliquis omnino abstineri monet Vossius.

18) Sallustius tamen *Minonis* dixit, teste Prisciano, p. 710. a nominativo *Mino*.

19) Reliqua Graeca, excepto *bos*, regulam sequuntur; *rhinoceros*, *monoceros*; *rhinocerotis*, etc. Sic *Eros*, *Anteros*, *Phileros*, *Chryseros*, *visorum* propria, *aegoceros*, quoque *aegocerotis* facit (Vid. Lucret. VI. 614.) quamvis id neget Vossius, Anal. II. 8. qui *aegoceri* in secunda tantum inflecti, ut ap. Germanicum in Arat. v. 894. et Lucan. X. 213. existimat.

US.

36. Vult oris US patrio: medius gradus exit in oris.  
Dant eris hulkus, olus, vellus, Venus et genus,  
atque

Viscus, opus, foedus, scelus et cum pondere  
vulnus,

Munus, onus, sidus: latus his funusque vetus-  
que,

Rudus, acus simul atque glomus neutralia iunge.

US facit oris penultima brevi: ut, pectus, pecto-  
ris<sup>20</sup>).

Exc. 1. Comparativa faciunt oris, penultima longa:  
ut, melius, melioris<sup>21</sup>).

Exc. 2. Viginti nomina mutant us in eris, e brevi:  
hulkus, hulceris; vellus; Venus; genus; viscus; opus;  
foedus; scelus; pondus; vulnus; munus; onus; sidus; la-  
tus; funus; vetus; rudus: item, acus, aceris; (quod in  
quarta etiam et feminino genere declinatur<sup>22</sup>): glomus,  
(quod quandoque masculinum in secunda glomi facit<sup>23</sup>).

37. Uris habet tellus, veluti monosyllaba. Grus,  
sus,

Dant uis. Intercus dat utis: Liguris Ligus optat.  
Pus ortum dat odis. Loca Graeca feruntur in  
untis.

Subsus atque incus udis voluere palusque:

Caetera femineo generi sociata sed utis.

20) Quae oris faciunt sedecim tantum recensentur, ab Ursino hoc  
tetraesticho comprehensa:

Dedecus atque decus, facinus, cum corpore, foenus,  
Hinc lepus, et frigus, pectus litusque, nemusque,  
Et penus et pignus, tempus, cum stercore, tergus,  
Ac pecus ex sese pecudis pecorisque relinquent.

Quae cum numero quidem pauciora sint, quam quae eris in genitivo  
habent; quidam ex his regulam, ex illis exceptionem constitui volunt.  
Mihi autem parvo discrimine referre videtur, utroscunque hac in re se-  
quaris.

21) Sequuntur enim, ut omnia adiectiva neutra, thema ipsorum ma-  
sculinum aut commune.

22) Vid. supra cap. 1. reg. 34. n. 48.

23) Glomus, glomi, damnat Vossius, Vit. Serm. I. 20. in illo etiam  
Horatii Epist. I. 13, 14. quaedam editt. globos, aliae glomos, nonnullae

Exc. 3. *Uris* penultima longa accipiunt *totius*; et haec monosyllaba, *crus*; *ius*; *mus*; *pus*; *rus*; *thus*<sup>24)</sup>

\* *Uris* quoque (sed *u* brevi) habet *Ligus*; aliter *Ligur*<sup>25)</sup>.

Exc. 4. *Uis* habent duo monosyllaba: *grus*; *aus*.

Exc. 5. In *odis* ekennt a *pus*, seu *αβυς* Graeco, composita: ut, *tripus*, *tripodis*; *QEdipus*, *OEdipodis*, viri nomen<sup>26)</sup>.

Exc. 6. In *untis* declinantur nomina Graeca urbium: ut, *Trapezuntis*; *Opus*, *Opuntis*<sup>27)</sup>

Exc. 7. *Udis* penultima longa habent haec tria feminini generis: *subscus*; *incus*; *pallus*<sup>28)</sup>.

Exc. 8. *Utis* denique penultima longa accipiunt reliqua feminini generis nomina quinque: *virtus*; *salus*; *servitus*; *iuventus*; *senectus*: \* unum quoque nomen adiectivum (sed penultima brevi) *intra*, scil. *aqua*.

YS

38. YS dat *yos*; pars sumit *ydis*; nonnulla sed *ynis*.

In YS terminata Graeca sunt, et genitivum formant in *ynis*, vel *yos*: ut, *Capyis*, *Capyis*, vel *Capyos*; *Tiphys*, *Tiphys*, virorum nomina: *Tethys*, *Tethys*; *chelys*, *chelys*.

Exc. 1. Quaedam habent *ydis*, vel *ydos*, *y* correpta:

*glomus* praeferunt: quod postremum et Bentleius amplectendum, et singulari positum censet; Uruius vero plurali, adeoque et quartae putat. *Glomus* autem per secundam extulit Phidomelae auctor. \* Olim similiter *faeneris* ac *pigneris* dixere: unde remanserunt *faenero* vel *faeneror*, *pignero*, *oppignero*, etc.

24) *Glus* (cuius et meminit Ausonius in Technopæg.) *glutinis* facere ait Charisius, p. 27. At id a recto est *gluten*, quo, sive *glutinium*, nunc solum utimur.

25) *Et nunc tunc Ligar*, Lucan. I. 442. Cicero autem pro Sext. c. 31. *Ligus* iste. Pers. quoque (et feminino) VI. 7. *Mihi nunc Ligus ora intepet*: et Sall. Hist. II. *Corsa*, *Ligus* mulier, teste Prisciano, p. 715.

26) *OEdipus* etiam *OEdipi* habet in secunda, vid. Johns. App. p. 111. Sic et *Melampus*, *Melampodis* et *Melampi*, quamvis (ut ait Vossius) posterioris exemplum vix inveniatur. *Polypus*, *polypi* tantum; *tripus* vero solum *tripodis*; *Antipus*, *Antipodis*; *lagopus*, *lagopodis*, facit.

27) Sunt autem haec contracta ex οἷς in οὖς, *Τρανεῖς*, *Τρανεῖς*; *Τρανεῖς*, *Τρανεῖς*; *Οἷς*, *Οἷς*; *Οἷς*, *Οἷς*; *Οἷς*, *Οἷς*; *Οἷς*, *Οἷς*. Sic *Emmaus*, *Hydrus*, *Phicus*, *Philus*, *Anathus*, *Sipus*, *Selinus*, *Hierichus*, pro quo etiam in nominativo *Hiericho* dicitur.

28) Addunt vulgo *pecus*, *pecudis*. At vid. cap. I. reg. 46. et cap. III. reg. 14.

ut, *chlamyds*, *chlamydis*, vel *chlamydos*; *pelamys*, *pela-mydis*, vel *pelamydos*.

Exc. 2. Pauca faciunt *ynis*, vel *ynos*, *y* longa: ut, *Trachys*, *Trachynis*, vel *-ynos*, urbis nomen; *Phorcys*, *Phorcynis*, vel *-ynos*, Medusae pater<sup>29</sup>).

### AES, AUS et EUS.

39. *Aes aeris*, *praes praedis* habet: *laus frausque* dat *audis*:

**EUS** eos; at per *eiis* flectit per *ei*que secunda.

Ex nominibus in S praecedente diphthongo desinentibus.

1. *Aes* facit *aeris*, *praes*, *praedis*.

2. *Laus*, *laudis*; *fraus*, *fraudis*.

5. In **EUS** finita capiunt eos: ut, *Tereus*, *Tereos*; *Orpheus*, *Orpheos*, virorum propria<sup>30</sup>). At haec frequentius in secunda declinantur, *Terei*, *Orphei*, tribus syllabis, aut *Terei*, *Orphei* duabus; a nominativo in *eiis* dissyllabo<sup>31</sup>).

### BS, PS, LS, MS.

40. Si *B*, *P*, praestitit *S*, medians dabit *i* genitivum.

*E* per *i* sed *coelebs*, et in *eps* polysyllaba vertunt.

*A* caput orta petunt *cipitis*: dabit *aucupis* *auceps*:

*Cinyphis* aspirat *Cinyps*: sic *gryps* quoque *gryphis*.

Optat *hyems hyemis* patrio, *puls* denique *pultis*.

1. Nomina in BS et PS, interposito *i* faciunt genitivum: ut, *trabs*, *trabis*; *plebs*, *plebis*<sup>32</sup>); *chalybs*, *chalybis*; *seps*, *sepis*; *Aethiops*, *Aethiopsis*.

29) Dicimus etiam *Trachyn*, *Phorcyn*. *Priscianna* autem *Phorcys*, *Phorcynos*; *Phorcyn*, *Phorcynis* declinat, p. 690.

30) Sic Martialis IV. 49. *Prandia saevi Tereos*: et XIX. 75. *Flet Philomela nefas incesti Tereos*. Val. Flacc. I. 131. *Pelcos in thalamos vehitur Thetis*. Stat. Theb. VIII. 473. *Vos praeda cruenti Tydeos*: et idem alibi multis in locis. Dativo autem in *ei* usus Virgilius, Ecl. IV. 56. *huic mater quamvis*, atque huic pater adsit: *Orphei Calliopea*, *Lino formosus Apollo*: et Geo. IV. 545 et 553. *Inferias Orphei*. Sic Persi, ep. Liv. XL. 25. et alibi saepius, restituit Gronovius, pro quo vulgo *Perseo*: sed hoc a *Perseus* tertiae ductum videtur.

31) Sic Virg. Ecl. VI. 78. *Terei artus*. Ibid. 42. *furtum Promethei*. Ovid. Fast. VI. 737. *iniuria Thesei*. Propert. II. 21, 24. *Persei uxor*; *ei* in diphthongon contracto. At vid. supra reg. 15. n. 32.

32) Dicitur etiam in recto *plebes*. Vid. Cic. Leg. III. 3. Sall. Ca-

Exc. 1. *Coelebs*, e in i mutato, *coelibis* facit. Sic etiam polysyllaba in EPS: ut, *adepts*, *adipis*; (*Princeps*, *principis*. \* *Auceps* vero, *aucupis* facit.

Exc. 2. Composita a *caput* formant *cipitis*: ut, *biceps* *bicipitis*; *praeceps*, *praecipitis*; *anceps*, *ancipitis*<sup>33</sup>).

Exc. 3. *Cinyphs* denique, assumpta h, sive aspiratione, *Cinyphs* facit, fluvii et pueri nomen: item, *gryps*, *gryphis*<sup>34</sup>).

2. Unum nomen in LS, *puls*, *pultis* facit: item *apam* in MS, *hyems*, *hyemis*.

## NS, RS.

41. NS et RS, a dempto, *tis* dabit apte.

*Dis* vult *glans*, *nefrens*, capitis *lens*, et folium *frons*,

*Libriq̄uens*, *concors*, et caetera *corde* creata.

*Untis* *iens* capit atque *quiens*: sed ab *ambio* legem

Participans spernit. *Tiryns* *Tirynthis* habeto.

Nomina in NS et RS, a abiecto, et addito *tis*, genitivum efficiunt: ut, *gens*, *gentis*; *dodrans*, *dodrantis*; *pars*, *partis*; *mors*, *mortis*.

Exc. 1. Pauca sunt *dis*: viz. *glans*, *glandis*, et eius compositum, *iuglans*, *iuglandis*; *nefrens*, *nefrendis*; *lens*, *lendis*: [at *lens* die *Linse*, *lentis* facit:] *frons*, *frondis*: [at *frons* die *Stirn*, *frontis*:] *libripens*, *libripendis*. Item composita a *cor*: ut, *concors*, *concordis*; *misericors*, *misericordis*.

Exc. 2. *Iens* et *quiens*, participia verborum *eo* et *queo*, cum suis compositis, habent *untis*: sic *iens*, *euntis*; *quiens*, *queuntis*; *rediens*, *redeuntis*; *nequiens*, *nequeun-*

til. 34. Lucan. III. 58. VII. 760. IX. 254. Sil. VIII. 271. et IX. 636. Liv. I. 20. II. 21. Et genitivo *plebei*, vel *plebi* in quinta, Liv. II. 33, 56 et 58. et alibi passim. Similiter et *seps* et *sepes* invenimus: updo illud Ausonii in Technop. *Bucolico sepes dixit Maro*, *quid Cicerone seps*?

33) Olim in nominativo *ancipes*, *praecipies* dixerunt; indeque analogice fluxisse usitatos genitivos, *ancipitis*, *praecipitis*, ut a *suspea*, *obspitis*, existimat post Friscianum Vossius, quem vid. Anal. II. 7. et Etymol. in voc. *anceps*. Prisci etiam in genitivo *ancipis*, *praecipis* dixerunt, a nominativo *anceps*, *praeceps*, ut iidem volunt. Caeterum an a *caput*, an a *capiendo* haec ducta fuerint, Vossius et Ursinus ambigere videntur.

34) Addit Ursinus *cinips*, *ciniphis*, insecti genus, nullo auctore laudato; et Geo. Valla *catelips*, *cateliphis*; *sciraps*, *sciraphis*: quorum prius apud Graecos solum, posterius nusquam reperio.



lis. † At *ambiens*, aliorum participiorum more, *ambien-*  
*tis* facit<sup>35)</sup>.

Exc. 3. *Tiryns*, h. assumpto, facit *Tirynthis*.

T.

42. A *caput* est capitis: sic *sinciput*, *occiput* exit.

Unum nomen in T, *caput*, *capitis* facit: eodemque  
modo duo eius composita, *sinciput*, *sincipitis*; *occiput*,  
*occipitis*.

X.

43. X in *cis* muto. Dant *gis* *lex*, *frux*, *aquilex*,  
*rex*,

*Grex*, *remex*: comitare volunt quae plurima Graeca.  
Effer *onyx* *onychis*. Quaedam formantur in *actis*.

Nomina in X terminata mutant x in *cis*: ut, *fax*,  
*facis*; *faex*, *faecis*; *nutrix*, *nutricis*; *nux*, *nucis*; *merx*,  
*mercis*.

Exc. 1. Haec sex in genitivo *gis* accipiunt: *Lex*, *legis*;  
*frux*, *frugis*<sup>36)</sup>; *aquilex*, *aquilegis*; *rex*, *regis*; *grex*, *gre-*  
*gis*; *remex*, *remigis*<sup>37)</sup>.

† Ex nominibus Graecis plurima regulam sequuntur:  
ut, *Aiax*, *Aiacis*; *Pollux*, *Pollucis*, virorum nomina;  
*lynx*, *lynxis*; *bombyx*, *bombycis*<sup>38)</sup>.

Multa vero genitivum in *gis* formant: ut, *strix*, *stri-*  
*gis*; *Phryx*, *Phrygis*; *larynx*, *laryngis*<sup>39)</sup>.

Exc. 2. *Onyx*, h. adscito, *onychis* facit: sic eius com-  
positum *sardonyx*, *sardonychis*<sup>40)</sup>.

35) Nempe quis non *ambeo*, sed *ambio* dicitur.

36) *Frux* in nominativo fere exolevit.

37) Addunt vulgo *impetix*, *impetigis*; quam vocem apud unum Fe-  
stum Pompeium reperio. Certe pro eo *impetigo*, *impetigo*, *impetigi-*  
*nis*, Celsus et Plinius constanter utuntur.

38) Sic *Abax*, *Atax*, *Airax*, *Arctophylax*, *colax*, *corax*, *vordax*,  
*panax*, *opopanax*, *antilax*, *styrax*, sive *storax*: et *choenix*, *Cilix*, *hy-*  
*strix*, *perdix*, *sandix*: item *Cappadox*, *Bebryx*, *calyx*, *Eryx*, *Naryx*,  
penultima brevi. Sic et *Aiax*, *Phaeax*, *Syphax*; *thorax*, *Thrax*; item  
*Myrmex*, *phoenix*, *spadix*, penult. longa.

39) Similiter *gis* habent *harpax*, *lapyx*, *Iazyx*, *oryx*, *ortyx*, *pom-*  
*pholix*, *Styx*, *Lelex*, et (de quo nota seq.) *dioryx*, correpta penultima.  
Quibus adde nomina peregrina, seu barbara, *Allobrox*, *Biturix*; et  
*Ambidrix*, *Dumnorix*, *Orgetorix*, *Vercingetorix*, et similia apud Caesa-  
rem et alios virorum propria: Et producta penultima, *coccyx*, *lynx*,  
*meninx*; *phalanx*, *Sphinx* et *Syrinx*. † Addunt vulgo *mastix*, *masti-*  
*gis*, et eius composita *Homerohiastix*, *Virgiliomastix*, penultima itidem  
longa. At vid. supra, cap. 1. reg. 43. n. 2.

Exc. 3. Quaedam nomina Graeca habent actis: ut, *Hylax*, *Hylactis*; *Bibrax*, *Bibractis*<sup>41)</sup>.

44. *E* per *i* mutabunt polysyllaba: quam retinebunt *Myrmex*, et *vervex*, *aquilex*, *halex*que, *Lelex*que, Et *seco* quae genuit. *Nivis* at, *noctisque*, *senisque*, *Nix* capiunt, *nox* atque *senex*: formare *supellex*. Vultique *ctilis*. *Coniunx*, vel *coniux*, *coniugis* edit.

Exc. 4. Nomina in EX plurium syllabarum mutant *e* in *i* brevem: ut, *pollex*, *pollicis*; *remex*, *remigis*, quod supra dictum.

+ Et his autem *e* retinent: *Myrmex*, *Myrmecis*, Graece *formica*; *vervex*, *vervecis*; *aquilex*, *aquilegis*; *halex*, *halecis* [hoc superius, illud modo memoratum:] *Lelex*, *Lelegis*, viri et populi nomen: item composita a verbo *seco*; *foenisex*, *foenisecis*; *resex*, *resecis*<sup>42)</sup>, <sup>43)</sup>.

Exc. 5: Quatuor peculiari modo formant genitivum: *nix*, *nivis*; *nox*, *noctis*; *senex*, *senis*; *supellex*, *supellectilis*<sup>44)</sup>.

Exc. 6. *Coniunx*, seu *coniux*, *coniugis* facit<sup>45)</sup>.

40) Adde *māstix*, *masticis* Sereno et Isidoro, (*masticia* Palladio, Octob. tit. 14.) At vid. supra, cap. 1. reg. 43. n. 2. \* *Dioryx*, *diorychis* quoque flectendum contendit Pintianus in Melam, III. 8. incessitque Herm. Barbarum *dioryge* eo in loco legentem: *διώρυγς* quidem *διώρυγος* Graecis, Herodoto, Thucydidi, Theophrasto et aliis, inflectitur: Straboni autem frequentius *διώρυγος*. Quin et multa Graeciae vocabula illud pati, ut cum Latina fiunt, *z* in *g* mutant, in loc. notat Is. Vossius.

41) Adde composita ab *ἀναξ*: ut, *Astyanax*, *Callionax*, *Demonax*, *Hipponax*, virorum nomina. \* Unum nomen in *x*, *xis* facere *Bryax*, *Bryaxis*, docet Despaüterius: at ei rectum esse *Bryaxis*, genitivum vero *Bryaxis*, vel *Bryaxidis*, ex Plinii XXXIV. 7 et 8. et XXXVI. 5. ostendit Vossius, Anal. II. 9. Vitruvio autem, Praef. lib. VII. *Bryaxes* appellatur.

42) Adde *narthex*, *narthecis*, stirpis nomen, ap. Plin. XIII. 22. §. 42. Latine *ferula*. \* Ninivita aliqui adiciunt *Celex*, *Celecis* fluvii nomen, testem adhibentes Hermolaum Barbarum in Plin. VI. 1. Sed auctorem magis idoneum desidero.

43) Alia composita a monosyllabis in EX, non mutant *e* in *i*: ut, *exlex*, *illex*, i. e. qui sine lege vivit, *exlegis*, *illegis*. Sic *prorex*, *interrex*, *segrex*, i. e. *segregatus*; *proregis*, etc. et (quod vix in usu est) *seminex*, *seminecis*.

44) Olim *supellectilis* in nominativo dicebant, et *supellectile*, unde plurale *supellectilia*. Sic etiam veteribus, *ninguis*, seu *nivis*, et *senis*, nominativi erant. Sed et a *senex* olim *senecis* flexerunt, unde *senecto* et *senectus*, et proprium *Seneca*, teste Vossio.

45) *Coniunx* scribendum volunt Priscianus, D. Augustinus, Velins Longus et Cassiodorus, qui vocem a *strango* deducunt: Phocas vero,

in *Dativus singularis*.

45. Exit in *i* ternus casus: per *e* flexus et olim.

Dativus singularis tertiae declinationis in *i* desinit: ut, *panis*, *pani*<sup>46)</sup>.

¶ Olim etiam per *e* extulerunt: ut, *Esuriēte leoni ex ore exsculpere praedam*, Lucil. *Haeret pede pes*, Virg. pro *esuriēti*, *pedi*<sup>47)</sup>.

*Accusativus singularis.*

46. Finit in *em* quartus. Petit *im* sibi *ravis*, *amussis*,

*Vis*, *cucumisque* simul, *tussis*, *sitis* atque *sinapis*, *Cannabis* et *gummis*, *buris*, coniunge *mephitim*.

Adde urbes, aliosque locos, amnesque, deosque,

IS quibus est recto: sed et haec dant in quoque quarto.

Accusativus in *em* desinit: ut, *panis*, *panem*<sup>48)</sup>.

Scaurus, Charisius, Nisus et Bede, quibus a *coniuga* derivatur, *coniug* praeferrunt. Ab his & recentioribus stant Manutius et Cellarius; ab illis Despanterius, Dausquius et alii.

46) Ita etiam ut inflectantur feminarum propria in *O*, ut, *Didoni*, non *Dido*, Vossius et Ursinus praecipere videntur. \* *Ity* in dativo pro *Ityi* habet Hyginus, Fab. 45. *Tereo ostendebatur in prodigiis Ity filio suo mortem a propinqua manu adesse*.

47) Plura eiusmodi videas, ap. Auson. Popmam, de usu antiq. locut. I. 9. Sciopp. Gramm. Phil. p. 74. n. 1. Voss. Anal. II. 10. Danes. Paralip. p. 52. Ursin. Tom. 1. p. 124. Perizon. in Sanct. p. 38.

48) Propria in ES Graeca, interdum *en* in accusativo habent: ut, *Astyagen*, *Daren*, *Euphraten*, *Gangen*, *Ilydaspen*, *Niphaten*, *Oresten*, *Pyladen*, *Phraaten*, *Tigraten*, *Tiridaten*. Vid. Iohns. App. p. 78. Adde *Socraten*, Cic. Tusc. III. 4. *Callisthenen*, Ibid. c. 10. *Hippocraten*, *Epicyden*, *Lacumacen*, ap. Liv. XXIV. 31. XXV. 23, 26. et XXIX. 30 et 31. Iohnsonus licentiam Poeticam putat. Ego potius, Prisciano, VI. col. 705. et Vossio Anal. II. 3. et 20. assentior, qui hanc eius rei tradit esse rationem, quod olim haec etiam in prima declinabant, *Astyages*, *Astyagae*, etc. Nam, ut taceam non Poetas modo, sed etiam Historicos (ni libri fallant) ita usos, certe inveniuntur. *Bootae*, ap. Ovid. Art. II. 55. Lucan. II. 722. Martialis. IV. 8. Iuven. V. 23. apud Hygin. vero Astron. III. 24. *Bootis*: et ap. Cic. Nat. Deor. II. 42. in dativo *Booti*. Sic Plin. VI. 26. et VIII. 59. extr. Tacit. Annal. XV. 17, 8. Justin. XLII. 3. extr. *Euphratis*: at Stat. Theb. VIII. 290. *Euphratae*. Sic Persi. in dat. habet Liv. XLII. 25, 49, 52. XLIII. 7, 8. et XLV. 19. a recto, ut videtur, *Persae*: Cic. tamen in Rull. II. 19. *Persae* in genitivo extulit: et in ablat. Ibid. c. 33. *Persae*. Sic Liv. XXV. 23. *Epicydae*: at XXVI. 30. *Epicydia*. Sic. Gell. XIV. 3. *Socratae*, et *At-*

Exc. 1. Haec nomina Latina in-IS habent: *im*: *favis*; *amussis*; *vis*; *cucumis*<sup>49</sup>; *fussis*; *vitis*; *sinapis*; *cannabis*; *gummis*<sup>50</sup>; *buris*<sup>51</sup>; *nephtis*<sup>52</sup>).

¶ Im quoque accipiunt nomina propria, non Graeca modo (de quibus postea) sed Latina etiam et peregrina in IS exeuntia. 1. Urbium et aliorum locorum: ut, *Bilbills*<sup>53</sup>; *Maraeotis*; *Syrtis*. 2. Fluviorum: ut, *Tiberis*; *Baetis*<sup>54</sup>. 3. Deorum: ut, *Anubis*, *Apis*, *Osiris*, *Serapis*. Sed haec etiam, Graecorum more, haud raro per in declinantur: *Bilbilin*, *Baetin*, *Serapin*, etc.

47. Saepius *im turris*, *puppis cum veste securis*:

*Em*, sed et *im* quandoque volunt sibi *febris aqualis*,

Et *navis*, *pelvis*, *clavis*; sic *lens*, *strigilisque*, *Sementisque*, *cutis*. Cumulant his plura vetusti.

Exc. 2. Sequentia in-IS nomina, et unum in-IS accusativum in *em* et *im* faciunt, sed diverso modo: nam *im* longe frequentius habent, *turris*; *puppis*; *restis*; *securis*<sup>55</sup>). Saepius vero *em*: *febris*; *aqualis*; *navis*; *pelvis*<sup>56</sup>); *clavis*; *lens*; *strigilis*<sup>57</sup>); *sementis*; *cutis*<sup>58</sup>).

*isthenae* in plurali dixit; alii (quod sciam) omnes in tertia declinant. Porro haec nomina primae etiam fuisse, indicat eorum vocativus in *a* plerumque productus, ut recte colligit Vossius, Anal. II. 8.

49). Cum autem genitivus crescit *cucumeris*, recte accus. *cucumerem* facit.

50) Utimur (et saepius) in nominativo *sinapi*, *gummi*. Vid. hui. cap. reg. 25.

51) Despanterius *bugem* quoque in accus. dici, sed nullo teste adhibito, docet.

52) *Im* tantum habentibus addit Ursinus, sed nullo auctore laudato, *decussis* et *centussis*: certe, *decussem* habet Vitruv. III. 1. et *centusae* Persius, v. ult. alioquin analogice *centussi* dicturus.

53) Sic *Illiberis*, *Illiturgis*, *Murgis*, Hispaniae oppida; quae aliter in *i* exeunt, nec casibus variantur.

54) Sic *Acis*, *Araris*, *Aibis*, *Athenis*, *Fabaris*, *Ligeris*, *Liris*, *Sicoris*, *Tanais*, *Phasis*, *Tibris*, (qui et *Tiberis*) *Tigris*, etc. Sed ex his *Phasis*, *Tibris* et *Tigris* genitivo fere crescunt, *Phasidis*, *Tibridis*, etc. ac proinde, *Phasidem* forte, *Tibridem*, etc. habere possunt, per reg. seq. Sic etiam *Maecotis*, et *Maraeotis*, lacuum nomina, *Maecotis*, et *Maecotidis*; *Maecotin*, *Maecotin*, *Maecotidem*, et *Maecotida*. V. Iohns. App. p. 105. et *Maraeotin*, Curt. IV. 7, 9. et Plin. V. 10. *Maecotida* Stat. Sylv. III. 2, 103. Si quis autem ex his pleraque inter Graeca aut quasi Graecissantia nomina velit recenseri, non multum repugnabo.

55) Negat Vossius *securem* se legere meminisse: at est ap. Virg. Aeneid. XI. 656. teste, qui locum hunc adducit, Prisciano, in VII. col. 758: quanquam in plerisque tam scriptis quam excusis codicibus *securim*.

Vetustissimi Scriptores plura alia in *im* terminabant: ut, *avim*, *aurim*, *eratim*, *messim*, *ovim*, *pellim*, *pestim*, *vallim*, *vitim*, etc. quae notare potius quam imitari conveniret<sup>49</sup>).

48. Impure in patrio casu crescentia Graeca

Saepe et *Tros*, *Minos*, *heros*, quartum per *a* formant.

**EUS** ea vult. Vix *em* dato *Pan*, cumque *aethe-re delphin*.

Accusativus nominum Graecorum ad sequentes fere *exonices* reduci potest.

I. Nomina Graeca, quorum genitivus crescit in *is* vel *os* impurum, i. e. praecedente consonante, accusativum saepe in *a* faciunt: ut, *Agamemnon*, *Agamemnonis*; *Agamemnonem*, vel *Agamemnona*, nomen viri: *lampas*, *lampadis*, vel *lampados*; *lampadem*, vel *lampada*<sup>50</sup>).

ibi nunc legitur. *Securum* quoque ex Cicer. in Verr. V. 47. citat Iohnsonus, quemadmodum in sua et Gronoviana Edit. repererat; (addere etiam potuit, Graeviana et Gruteriana:) etsi et illic libri nonnulli *securim* praeferebant.

56) Vossius Nonium secutus, *pelvim* solum reperiri existimat: at *pelvem* non modo ap. Apul. Met. IX. p. 270. sed etiam ap. Celsum, nec uno in loco, habetur. V. eum IV. 24. et VI. 9. extr. Confirmat quoque ablativus *pelve*, ap. eund. IV. 17. et Petron. c. 70. ut contra, *pelvi* habet Plin. XXVIII. 8. et XXXI. 8.

57) *Strigilem* habet Celsus, VI. 7. §. 1. *strigilim* tanquam frequentius nominat Nonius.

58) *Cutim*, Quintiliani est, X. 2. et Apuleii in Apol. p. 485. Celsus, III. 21. utroque utitur; alii fere *cutem*. \* *Aqualim* habet Plaut. Curcul. II. 3, 33. *clavim* idem Mostell. II. 1, 57. et Tibull. it. 4, 31. teste, qui locum adfert Charisio, col. 101. *febrim*, Cic. Pam. VII. 26. imit. Sueton. Tit. 10. et Horat. Sat. II. 3, 294. *lentim*, Cato, R. R. c. 85. et Varro, ap. Charis. loco proximo laudato: *sementim* Cato, R. R. 27 et 30. et Colum. R. R. XI. 2. *navim* denique in plerisque veteribus codd. ap. Virg. Aen. V. 283. testatur Bierius, quanquam Varro, ap. Charis. loc. cit. *navem* per *e* proferre iubeat. \* *Torquis* quoque et *bipennis* in nonnunquam habere volunt Niniava et Lilius, at neutrius exemplum iam extare monet Iohnsonus.

59) Non tamen damnum *eratim* et *praesepim*, quibus usus est Plautus, Poen. V. 2, 65. et Curcul. II. 1, 13. pro posteriore autem nunc fere *praesepe* dicimus. \* Huc referri potest et *partim*, a *pars*, quod vulgo adverbis annumeratur.

60) *A* praecipue locum habet in accusativis nominum Graecorum, in AN, ON, OR, AS, IS, OS, US, YS et YX: ut, *Titana*, *Babylona*, *Hectora*, *Pallada*, *Amaryllida*, *rhinocerosa*, *Amathunta*, *Trachyna*, *Styga*: rarius in aliis, in X vel ES, vel S, praevia consonante: ut, *thoraca*, *Syringa*, *Dureta*, *Aethiopa*, etc. V. Ursin. Tom. I. p. 206. Illud praeterea observandum; hanc terminationem solis fere Poetis pecu-

His adde tria; in *is* purum, seu praecedente vocali, genitivum finientia: *Tros, Trois, Troem, et Troa; Minois, Minois, Minoem, et Minaa; heros, herois, heroem et heroa*.

Tria porro sunt quae per *a* fere solum flectuntur: *Pan*<sup>61)</sup>; *aether, delphin; Pana, aethera, delphina, vix Panem, aetherem, delphinem*<sup>62)</sup>.

II. Nomina in EUS diphthongum terminata, accusativum faciunt in *ea*: ut, *Theseus, Thesea; Tydeus, Tydea*<sup>63)</sup>.

49. At maribus Graecis fuerit si finis IS, YSve,

Quartus in *im* vel in *ym* non crescens saepius exit;

Aut in et *yn*; raro per *idem* cernes, *ida* nunquam.

Vult *ida* feminineum, vel *idem*; sed rarius *im* dat.

Se sed in *os* purum patrius cum terminat, *m, n,*

S vice si recti pones, formes tibi quartum.

liarem esse: sed non ita tamen, quin et illi *em* nonnunquam adhibeant et a contrario soluti, oratione scribentes. *a* (licet raro) utantur, ut Iohnsonus, App. p. 99 et 108. adversus Vossium et Methodistam Gallum ostendit.

61) Ut distinguatur a Latina voce, *panem*. Vid. supra ad reg. 23. n. 70.

62) Addit Deixius noster *Pacan, Pacana*; et ita quidem longe frequentius; *Pacana* tamen dixit Cicero, de Orat. I. 59. *Aera* quoque in accus. semper dicendum, non *aerem*, quidam volunt. At *aerem* *potentem* habet Viruvius, IX. 9. et *prementes aerem*, idem X. 12. Item Celsus, III. 7. §. 2. *multum et purum aerem*: et IV. 7. *extr. purum aerem recipere*: et Plin. XVIII. 1. *ipsum aerem*. Sic *proximum aerem, ipsum aerem, aerem marepi indicant, et tenuissimum aerem* habet Seneca, N. Quaest. I. 3. II. 29. III. 14. et VII. 24. Huc accedit quod Charisius, lib. 1. col. 97. *veteres aerem* ait, non item *aetherem* sed *aethera*, dixisse. *Aera* tamen non Poetis modo, sed aliis etiam usitatus videtur. Vid. Plin. II. 38 et 43. X. 23. et XXXI. 8. Petron. c. 127. Senec. N. Q. VII. init. Apul. de doct. Plat. p. 575. et de Deo Socrat. p. 679. apud Ciceronem quoque ipsum, de Nat. Deor. I. 10 et 15. *aera*, (non ut in quibusdam, *aerem*;) emendatiores codd. exhibent.

63) Hic verus est, et (apud Poetas saltem) longe usitatissimus eorum nominum accusativus: aliter vero, cum per *eum* declinatur, a recto in *eus* divisio syllabis, atque secundae declinationis, illum accusativum traxisse censenda sunt. V. supra ad reg. 15. n. 32. In hoc nimirum Latinam, in illo Graecam consuetudinem aequatur. Interdum, licet rarissimo, et contra utriusque linguae, ut Vossius ostendit, analogiam, eam habent; ut, in illo Ovidii in Ibin, v. 600. *Strymoniae matrem Orpheon esse rursae*; neque propterea, adversus MSiorum et vet. codd. fidem, cum quibusdam, *Orphea te esse*, idem vir summus legendum pu-

III. Nomina Graeca in IS vel YS<sup>64</sup>); masculini generis<sup>65</sup>), terminata, si genitivum in *is* vel *os* impurum declinant, accusativo *im* vel *in*, et *ym* vel *yn* habent non crescentem; rarius vero *idem*, nunquam *ida* admittunt: ut, *Paris*, *Paridis* vel *Paridos*; *Parim* vel *Parin*; interdum *Paridem*<sup>66</sup>), nunquam *Parida*; *Daphnis*, *-idis* vel *-idos*; *Daphnim* vel *Daphnin*, raro *Daphnidem*, nunquam *Daphnida*<sup>67</sup>).

IV. In IS vel YS. feminina, impure declinata, saepius *idem* vel *ida*, et *ydem* vel *yda*; raro autem *im* vel *in*, aut *ym* vel *yn* habent: ut, *Elis*, *-idis* vel *-idos*, *Eli-dem*, *Elida* et *Elin*; *Aulis*, *-idis* vel *-idos*, *Aulidem*, *Aulida* et *Aulin*; *chlamys*, *chlamydem* vel *chlamyda*<sup>68</sup>),

tat; Heinsii quoque, *Orpheon* in *Orpheos* mutantis, emendationem, eandem ob causam, vix probaturus. \* Inveniuntur etiam accusativi *Achillei*, ap. Lucani X. 523. *Eteocleas*, ap. Stat. Theb. VII. 539. et *Agathocleas*, ap. Auson. Epig. VIII. ab antiquis nominativis (uti videtur) *Achilleus*, *Eteocleus*, *Agathocleus*. V. quae de eiusmodi nominibus superius diximus, reg. XXIII. \* Porro Virgilius, Aen. XI. 243. crasin Graecorum imitatus, *Diomedem* in accusativo extulit, pro *Diomede*, vel *Diomedem*, testibus Servio et Pierio: illi enim *Διομήδεα* in *Διομήδην* contrahunt. Idem denique Virg. ad imitationem Ionicae dialecti, quae horum nominum accusativus in *ηα* terminatur, e ante a nonnunquam producit, *Ilionea*, *Idomeneae*, Aen. I. 611. et III. 122. V. Voss. Anal. III. 7.

64) Hoc pacto visum est, cum accuratissimo Johnsono, App. p. 101. et seqq. accusativos nominum Graecorum in IS vel YS, ex vario eorum genere potius constituere, quam eos cum Vossio, Ursino, aliisque, a Graeco nominativi accentu arcessere; cuius notitia, uti tironibus penitus incomperita, ita doctorum saepe memoriam fugere soleat.

65) Nullum mihi in YS masculini generis nomen succurrit, cuius genitivus exeat in *os* impurum, praeter *Phorcys*: et forte huius quoque genitivus *Phorcynos*, et acc. *Phorcynem*, vel *Phorcyna*, a recto sunt *Phorcyn*, ut supra reg. 38. ex Prisciano notavimus. Itemque de *Trachys*, *Gortys*, et si quae similia sunt, femininis, *ynos* et *yna* habentibus, existimandum est. Caetera, quod sciam, masculina, et pleraque etiam feminina in YS, per *os* purum declinantur, ac proinde ad canonem Vtum pertinent.

66) Negat H. Stephanus *Paridem* usquam reperiri: sed contrarium monstrat Vossius ex Virgil. Aen. V. 370. et Iuvan. VI. 87. et Cicer. Epist. ad Octav. et Suet. Ner. c. 54. Addit Johnsonus et ex Tacit. Hist. XIII. 19, 5. Hanc autem terminationem Latinos haud prorsus re fugisse, ostendunt *Eupolidem*, ap. Pers. I. 124. *Adonidem*, ap. Claudian. XI. 16. *Nabidem*, ap. Livium, XXXII. 21. et Iustin. XXXI. 3. ut ab iisdem observatum.

67) Ad hunc canonem sola referenda sunt, hominum, deorum et fluviorum propria. Et hominum quidem, ut modo vidimus, quaedam *idem* recipiunt: Deorum vero aut fluviorum, (si Johnsoni solertiae fidentium sit,) nulla, praeter unum *Phasidem*, ap. Solinum, c. 31. non magnae auctoritatis scriptorem.

68) Ita Vossius et Ursinus declinant: at Johnsonus a nullo auctore

non *chlamyn*; *Phyllis*, *Phyllidem* vel *Phyllida*, non *Phyllim* vel *Phyllin*<sup>69</sup>), feminae nomen.

V. At Graeca nomina in IS aut YS, tam masculina quam feminina, genitivum in os putrum mittentia accusativum formant mutando *s* nominativi in *m* vel *n*: ut, *metamorphosis*, *eos* vel *-ios*, *metamorphosim* vel *-in*; *Erinnys*, *-yos* vel *yis*, *Erinnym* vel *-yn*; *Halys*, *-yos* vel *-yis*, *Halym* vel *-yn*, fluvii et viri nomen<sup>70</sup>).

*chlamyda* prolatum affirmat. Pro illis tamen facere satis videtur, quod in eo casu plurali *chlamydas* inveniamus ap. Persium, VI. 46. indeque deductum nominativum singularem *chlamyda*, *-dae* ap. Apuleium, Met. XI. p. 388. eodem modo quo *lampada* Plantus Cas. IV. 4, 16. *cassida*, Virgil. Aen. XI. 775. et *cratera*, idem Apul. Florid. XX. p. 821. in prima extulerunt, ab accusativis sing. tertiae, *lampada*, *cassida*, *cratera*.

69) Ex nominibus ad hunc canonem spectantibus, 1. *Idem* et quandoque *ida*, nunquam vero *im* vel *in* habent Appellativa in *idis* vel *idos* crescentia; ut, *absis*, *aclis*, *aegis*, *aspis*, *cacchris* (pro ave) *coronis*, *diplois*, *endromis*, *iaspis*, *paropsis*, *pixis*, *proboscis*, *periscelis*, *pyramis*, *tyrannis*, etc. 2. Saepius *ida*, raro *idem*, nunquam *im* aut *in*, habent Patronymica et librorum nomina: ut, *Atlantis*, *Aeolis*, *Aetis*, *Athamantis*, *Chryseis*, *Cisseis*, *Cadmeis*, *Iasis*, *Inachis*, *Latoia*, *Minois*, *Niecteis*, *Oëbalis*, *Phorocynis*, *Peneis*, *Phoronis*, *Tantalus*, *Thaumantis*, *Tyndaris*, etc. item *Aeneis*, *Achilleis*, *Thebais*; quibus adde (apud Poetas praesertim) gentilia et quasi patronymica feminina: ut, *Atthis*, *Aemonis*, *Aganippis*, *Amazonis*, *Erymanthis*, *Libyatis*, *Pharsalis*, *Memphitis*, *Sarmatis*, *Sicelis*, etc. 3. Caetera feminarum nomina genitivo crescentia, Poetis fere *ida*, aliis scriptoribus, in quibus et Comicos numero, *idem* saepius habent: ut, *Amaryllis*, *Bacchis*, *Byblis*, *Chrysis*, *Chloris*, *Doris*, *Eris*, *Myia*, *Phyllis*, *Salmacis*, *Thais*, *Lais*, *Briasis*, etc. item regionum et aliorum locorum nomina: ut, *Chalcis*, *Colchis*, *Locris*, *Phocis*, *Persis*, *Propontis*, etc. † Ex femininis tamen crescentibus, *im* vel *in* solum habentia notat Iohnsonus, *Ibis*, *Isis*, *Semiramis*, *Syrts*, *Tibris*, *Themis*, *Thetis*, *Tigris*, tam pro animali, quam pro fluvio. *Elis* vero (ut *idem* observat) *Elin* habet et *Elidem*, *Aulis*, *Aulim*, *Aulidem* et *Aulida*; *Maeotis*, *Maecotin*, *Maecotin*, *Maecotidem* et *Maecotida*. *Iris*, pro Dea vel Nympha, aut arcu coelesti, *Irim* tantum habet; pro planta *irim* vel *iridem*. Denique gemmarum nomina in *idis* (de quibus non meminit Iohnsonus) qualia sunt, *cadmittis*, *capnitis*, *ceritis*, *galactitis*, *hammitis*, *nebritis*, *ostracitis*, *phoenicitis*, *selenitis*, et plurima alia ap. Plin. XXXVI. 10, 11. quamvis ei scriptori per *idis* vel *idos* inflectantur, accusativo tamen *in* tantum habent: ut, *anthracitide*, *dendritide*, *chelenitidis*, *ostracitidi*: at *ostracitin*, *sauritin*, etc. Confer supra, reg. 34. n. 14.

70) Ad canonem quintum pertinent, 1. Nomina feminina in *polis* et *sis* excurrentia, qualia superius ad reg. 34. n. 13. memoravimus. 2. Propria quaedam in *is*, tam masculina quam feminina: ut, *Leucaspis*, et (si fides Despauterio) *Anacharsis*, virorum nomina. Sic *Alceste*, *Lachesis*, *Opis*, *Procris*, etc. feminarum: item *Charybdis*, *panegyris*, *capparis*, *magydaris*, *pristis*, etc. quorum genitivus nominativo similis: quamvis *Alcestdis* Buchananus noster, *Anacharsidis* Faber in Lexico declinent. 3. Omnia fere in YS finita utriusque generis: ut, *Atye*, *Ca-*

F



*Ablativus singularis Substantivorum.*

50. Sextus *e* vult: quibus at rectus per *E* clauditur  
*i* dant,

(Propria ni fuerint:) AL et AR neutralia iunge.

Deme *iubar*, *sal*, *far*, *par* fixum, *nectar* et *hepar*.

Sed solet has leges migrare licentia vatum.

Ablativus tertiae nominum substantivorum exit in *e*:  
ut, *panis*, *phne*.

Exc. 1. Nomina in *E*, et neutra in AL et AR terminata, ablativo *i* habent: ut, *ovile*, *ovili*; *cervical*, *cervicali*; *laquear*, *laqueari*<sup>71</sup>).

† At propria in *E* retinent *e* in ablativo: ut, *Praeneste*, *Reate*, *Caere*; *Soracte*<sup>72</sup>).

† Item haec in AL et AR finita; *iubar*, *iubare*; *sal*, *sale*; *far*, *farre*; *par*, substantivum, *pare*<sup>73</sup>); *nectar*, *nectare*; *hepar*, *hepate*<sup>74</sup>).

† Poetae denique *e* pro *i* utuntur; ut, *laqueare* apud Virgilium: *mare* apud Ovidium<sup>75</sup>); pro *laqueari*, *mari*.

51. *I* quoque dant *in* et *im* tantum facientia quarto.

*Cannabis* at, *Boetis*, *Tigris* voluistis utrumque.

*Ym* quibus in quarto est, *ye* dant, aut *m* modo demunt.

*pys*, *Cotys*, *Dictys*, *Tiphys*, virorum, *Gerys*, *Halys*, *Metys* fluviorum, *Othrys*, montis, *Tethys* Deae, *chamadrys*, *chamapitys*, *stachys*, herbarum nomina.

71) Una atque eadem horum ablativorum ratio videtur esse: ut scil. a nominativis et accusativis (similiter alioquin exituris) distinguerentur: nam in AL et AR olim in *ale* et *are* terminabant, et pleraque, ut Ursinus notat, primitus adiectiva erant.

72) De propriis istiusmodi vide cap. III. reg. 9. n. 58.

73) Sic Ovid. Fast. III. 198. *Cum pare quaeque suo coeunt volucresque feraeque*; et Fast. IV. 98. *Et docuit iungi cum pare quemque sua*: et similiter compar substantive acceptum, notante Johnsono, in illo Martialis, VI. 77. *Atlas cum compare mulo*; vel, ut in melioribus legitur, *compare gibbo*.

74) Addunt quidam *gausape*, quo ablativo utitur post Lucilium Horat. Sat. II. 8, 11. Utrum vero illud sit a nominativo *gausapes*, vel *gausapis*, an a *gausape*; quod rursum alii declinabile statuunt, alii indeclinabile, dubium. V. Voss. Anal. I. 35. Ursin. p. 187. \* Mane autem ablativo *mane* retinere notat Johnsonus; ut, *sub obscuro mane*, Colum. VII. 12. *a mane diei*, Hirt. B. Afric. c. 42. at vide cap. III. reg. 20.

75. *Sub laqueare domus* — Virg. Cul. 63. *Exiguum pleno de mare*

Exc. 2. Nomina in IS, quorum accusativus in *im* vel *in* tantum de habent *i* solum in ablativo: ut, *vis, vim, vi; sitis, sitim, siti*<sup>76</sup>); *haeresis, haeresim* vel *haeresin, haeresi*.

+ E tamen nonnunquam habent, *canabis, cannabi, vel cannabe; Baetis, Baeti, vel Baete; Tigris, Tigri, Tigre, vel Tigride*, fluviorum nomina<sup>77</sup>).

Exc. 3. Nomina in YS, quorum accusativus in *ym* aut *yn* exit, ablativum in *ye*, quandoque etiam in *y* faciunt: ut, *Atys, Atye, vel Aty*, nomen viri; *Tethys, Tethye, vel Tethy*, Deae nomen<sup>78</sup>).

52. Dant *e* vel *i* sexto queis quartus in: *em* vel in *im* fit.

Excipe sed *restis*, quod *e* semper, cum *cute*, donat.

I mage *sementis, frigilis* petit atque *securis*.

Quod simul *im* vel *idem* format, capit *i* sibi raro.

Exc. 4. Nomina in IS, accusativo *em* vel *im* habentia, ablativum similiter in *e* vel *i* faciunt: ut, *turris, turre, vel turri; clavis, clave, vel clavi*<sup>79</sup>). + At *restis*,

*demit aquae*, Ovid. Trist. v. 2, 20. Vid. eund. in Ibin. v. 198. Plant. Mil. IV. 7, 26. et Lucret. I. 162. et ita olim alios praeter Poetas locutos docet Charisius lib. I. col. 44 et 111. *Rete* etiam in ablat. utitur, non tantum Plautus, Rud. IV. 13, 81. Ovid. vid. Fast. V. 871. et Ha-lieut. v. 23. sed etiam Plin. XI. 24, §. 28, et XXXII. 2, §. 5. et Sueton. Ner. 30. nisi hoc potius a nominativo *retis*, quo idem Plautus et Varro utuntur, videatur deflexum. V. cap. I. reg. 81. n. 88.

76) *Site* tamen ap. Boetium, lib. III. metr. 12. pro *siti*, notat Dans-quius: *base* quoque, pro *basi*, habet Plin. XXXVI. 5. at neutrum facile imitandum existimem. *Sinape* etiam in ablativo habet Varro, R. R. I. 59. sive hoc sit a recto *sinapis*, sive a *sinap*, quo utitur Columella, XII. 54.

77) Sic Pers. V. 146. *torta cannabe*. Liv. XXVIII. 21. *superato Baete amni*. Tac. Annal. VI. 87, 5. *Euphrate et Tigre inclytis amnibus circumflui, sc. campi*. Claudian. VIII. 43. *quantum distant a Tigride Gades*. Addit Deixius noster, Ursinus et alii, *Arare ab Araris*: at is ablativus (a Caesare quidem B. G. I. 13 et 17. adhibetur,) a recto est *Arar*, quo idem, ibid. 12. Tibull. I. 8, 11. Lucan. V. 476. Sil. XV. 502. et Claudian. XVII. 53. utuntur. Confer et Voss. Anal. II. 11.

78) Ut Liv. 4. 37. *Capuam ab duce eorum Capye appellatam*. Id. XLII. ult. *Cum Cotye Thessalonicam est profectus*. Tacit. Annal. II. 65, 1. *A Cotye dimissa sunt auxilia*. Sil. Ital. V. 395. *Ceu pater Oceanus cum saeva Tethye Calpen Herculeam ferit*. Rursus, carmen Catulli LXI. de *Aty* inscribitur: et Liv. I. 3. *Latino Alba ortus, Alba Atye, Aty Capys, Capy Capetus*, [V. Voss. Anal. II. 11. init.] quanquam illie *Atye* et *Capye* Gronovius legendum contendat.

*cutis, reste, cute*, tantum habent, *Semente* vero, *strigile* et *securē* raro inveniuntur<sup>80)</sup>.

¶ Graeca in IS, quorum accusativum in IM, vel *idem*, desinere supra diximus, *i* in ablativo rarissime admittunt: ut, *Paris, Parim*, et *Paridem*, *Paride*, vix *Pari*; *Aulis, Aulim*, et *Aulidem, Aulide*, vix *Auli*<sup>81)</sup>.

53. Haec quoque dant *e* vel *i*: *finis*, cum *rure, supellex*,

*Osciput* et *vectis*: per UBI cum quaeritur, urbes, Et *pugil*, et *mugil* iungas. Per *e* saepius effer, I raro, *civis, classis, sors, anguis* et *imber, Unguis, avis, postis, fustis*, simul *amnis* et *ignis*. Usus plura tulit priscus, quae respuit aetas Cultior. I tantum sexto retineto *canalis*.

Exc. 5. Sequentia nomina, licet in accusativo *em* solum habeant, ablativum tamen faciunt in *e* vel *i*: *e* quibus quinque priora, *finis; rus; supellex; occiput; vectis*, *e* vel *i* ex aequo fere admittunt. Item nomina urbium, cum per UBI adverbium quaestio fieri possit: ut, *habitat Carthagine, Tibure, Sicyone*; vel *Carthagini, Tiburi, Sicyoni*, etc.<sup>82)</sup>. Quibus forte addi etiam possunt *pugil; mugil* vel *mugilis*<sup>83)</sup>.

79) Sic *cucumis*, quia in accens. *cucumim* et *cucumerem*, in ablativo pariter *cucumi* et *cucumere* habet. Hoc Celsi est, VI. 7. §. 8. et Plinii, XIX. 8. §. 41. extr. illud eiusdem Plinii, XX. 9. §. 40.

80) Priscianus, lib. VII. col. 767. eumque secuti Sulpitius, Despausterius, Ursinus et alii, *strigili* in ablativo tantum dici volunt: Iohnsonus etiam, quanquam fateatur Plinium in lib. dub. serm. *strigile* quoque admittere, negat tamen in libris qui nunc supersunt, *strigile* uspiam reperiri. Verum illud diserte ap. Columellam habetur, VI. 31. *Papulae usque eo strigile raduntur, quoad eliciatur sanguis*. \* *Securē* ex Ovid. Epist. Cydipp v. 117. adfert idem Iohnsonus: in multis tamen et praestantioribus codicibus *securi* illic legitur. \* *Sementi* habet Colum. II. 9 et 12. et XI. 2. *semente* Ovid. Fast. I. 667. et Pallad. Nov. 1.

81) *Theti*, pro *Thetide*, tanquam exemplum unicum ex Plauti Epid. I. 1, 33. citat Vossius: cui addit Iohnsonus ex Plinio, XXII. 22. (quod Vossius dicendum negat) *iri*, pro *iride*. Alia huiusmodi in *i* aegre reperies. Quocirca, cum Despausterio, *Pari*, aut *Daphni*, pro *Paride* aut *Daphnide*, vix usurpanda putem.

82) Haec, et similia in *i*, Servius, Despausterius et alii dativos esse existimarunt: at veros esse ablativos parte secunda post demonstrabimus.

83) *Pugil e* vel *i* habere affirmant Nebrissensis, Despausterius, alii: quae: at *pugili* hoc casu nondum inventum. \* *Mugili* in ablativo declinant Rhenius, Schmidius, Lithocomus, nisi auctoritate Plinii, cui cap. 17. lib. IX. titulus est, *de mugili pisce*. Sed titulos hosce Plinii non

In reliquis vero e longe usitatio est: *civis*; *classis*; *sors*; *anguis*; *imber*; *unguis*; *avis*; *postis*; *fustis*; *amnis*; *ignis*<sup>84), 85)</sup>.

esse recte a magno Vossio observatum. Certe Plinius ipso lib. VI. serm. dubii (referente Charisio lib. I. col. 110.) *mugile* praeferro videtur, analogia ductus genitivi pluralis *mugilum*; quo et ipse utitur IX. 8. et 17.

84) In hac phrasi, *Aqua et igni interdicere*, *igni* peculiare esse, nec *igne* dicendum, monet Johnsonus App. p. 92. Idem tamen in Additt. p. 84. se *aqua et igne interdicere* reperisse fatetur ap. Tacit. Annal. XII. 42.

85) *Civi* habet Plautus Pers. IV. 3, 6. et Cic. ad Att. VII. 3. et ibid. XIV. 11. *classi* Virg. Aen. VIII. 11. Vell. Patere. II. 79, 2. *sorti* Plant. Cask. II. 7, 5. Virg. Georg. IV. 165. Sil. Ital. VII. 368. et Liv. XXIX. 20. ita emendante ex MSS. Gronovio. *angui* Horat. Epist. I. 17, 30. et Cic. Div. II. 31. *imbri* Cic. Verr. III. 14. Virg. Georg. I. 393. et alii. *ungui* Horat. Car. 1. 8, 4. et III. 6, 24. et Epist. I. 19, 46. et Lic. Calvus ap. Charis. col. 120. *avi* Horat. Car. 1. 15, 5. Varro, L. L. VII. et Cic. de August. ap. Charis. col. 98. et Divin. I. 16. et Div. II. 70. *postis* Ovid. Met. V. 120. *fustis* (de quo dubitat Alvarus) habet Plant. Asin. II. 4, 21. et Capt. IV. 2, 116. Tacit. Annal. XIX. 8, 6. Val. Max. VIII. 1. Sallust. Hist. Frag. VI. 15. Hirt. B. Hisp. 6, 27. et Apul. Met. IV. p. 105. *amni* (quod immerito reiecit Frischlinus) Horat. Sat. I. 10, 63. Colum. R. R. X. 136. et Virg. Geo. I. 203. et Geo. III. 447. confirmante eam lectionem, hinc Charis. col. 98. illinc Prisciano. col. 766. *igni* Virg. Geo. I. 196. et Aen. IV. 2. Horat. Car. I. 4, 3. et I. 34, 6. Sil. Ital. I. 115. Claudian. III. 9. Ovid. Her. IV. 33. Vell. Patere. II. 88, 3. et 110, 6. Quintil. Declam. X. 5. *His addi postum*: *bili* Cic. Tusc. III. 5. Plaut. II. 2, 95. Lucret. IV. 668. *colli* Lucr. II. 317 et 322. *labi* Id. V. 928. *lapidi* Id. I. 883. *luci* Id. IV. 286. et VI. 875. Plaut. Cistell. II. 1, 49. Ter. Adel. V. 3, 55. vel (ut alii legunt) *lucu*; *orbi* Lucr. II. 543. et V. 75. et ita locutos Cicéronem, Rutilium et Santram notat Plinius ap. Charis. col. 112. *oneri* Plant. Pseud. I. 2, 64. *parti* Plant. Menaech. III. 2, 14. Cic. in Arat. Lucr. I. 1104. III. 610. IV. 513. V. 512. et VI. 694 et 721. *sordi* Lucret. VI. 1269. *segeti* Cato, R. R. c. 37. \* Huc addo *tempori* et *vesperi*, quae quasi adverbialiter posita in usu remanserunt. \* Charisius, Priscianus et Varro alios eiusmodi ablativos memorant: ut, *cani*, *fonti*, *monti*, *nepti*, *ovi*, etc. Adiciunt denique recentiores, *affinitati*, *assi*, *capiti*, *convalli*, *fururi*, *laudi*, *melli*, *menti*, *stercori*, *urbi*, etc. ex nullis, aut incertis, ac iam fere immutatis auctorum locis deprompta: qualia etiam sunt, *doli*, *conditioni*, *fertuminationi*, *institutioni*, *muneri*, *petitioni*, *promissioni*, etc. a Sanctio ex libris Pandectarum allata. \* In his autem Virgilii Ecl. VI. 16. *Serta procul tantum capiti delapsa iacebant*; et Aen. VII. 666. *Tegumen immane leonis indutus capiti*; et Aen. IX. 810. *Discussaeque iubae capiti*: itemque in illa Phaedri, I. 3, 5. *Pennas pavoni quae deciderant sustulit*; *capiti*, quod Sanctius, et pavoni, quod Willymottus ablativo existimant, mihi potius dativo posita videntur. Caeterum qui de hisce plura desiderant, adeant Aus. Pomponam de usu antiqu. locut. 1, 9. Sanot. Minerv. II. 7. Voss. Anal. II. 12. Ursin. T. I. p. 195. Gifanii Indic. Lucret. in voc. *colli* et *parti*. Heios. ad Vell. Patere. II. 31. Drakenb. ad Sil. Ital. VII. 368. Johns. App. p. 92. et Additt. p. 84.

203116

**P** Vetustissimi scriptores i plurimis aliis nominibus ablative interdum tribuerunt: ut, *aestati, cani, lapidi, nepti, ovi*, etc.<sup>86</sup>).

Exc. 6. *Canalis*; quamvis in accusativo *canalem*, ablativo tamen *canali* tantum habet<sup>87</sup>).

*Ablativus sing. Adiectivorum.*

54. Adiectiva petunt *e* vel *i* sibi nomina sexto.

Quod si se neutrum per *e* terminat, *i* modo possunt:

Queis *e* tamen vatum quandoque licentia donat.

*I* quoque *par* simplex tantum tenet, et *memor, Hospes*,

*Pauper* item, *sospes, pubes*, nil praeter *e* formant.

*Vix* dabit *i coelebs, dives, potis* orta, *superstes*:

Adiice quae *corpus*, quae *pes* genuere *colorque*.

Nomina adiectiva *e* vel *i* in ablativo admittunt: ut, *audax, audace*, vel *audaci*; *vetus, vetere*, vel *veteri*; *hebes, hebele*, vel *hebeti*<sup>88</sup>).

Exc. 1. Adiectiva quorum neutra *e* litera terminantur, in ablativo *i* solum habent: ut, *suavis, suave*; *suavi, volucer, volucre*; *volucris*.

† Poetae tamen metri causa quandoque *e* pro *i* utuntur: ut, *Specie coeleste resumpta*; *Hument fonte perenne genae*, apud Ovidium<sup>89</sup>): pro, *coelesti, perenni*<sup>90</sup>).

86) Imo et Sanctius et Scioppius omnes ablativos tertiae antiquitus in *e* vel *i* desiisse affirmant; cuius rei rationem tradit celeberrimus Perizonius ad eiusd. Sanctii lib. II. c. 6. n. 4.

87) Ita docet Charisius col. 98. ac deinde Alvar. p. 210. Voss. Anal. II. 11. extr. Iohms. dict. log. etc. Apuleius tamen Met. VI. p. 188. *canale* habet.

88) Huc adde *plus*, quod non tantum *pluri*, ut docuerunt Despauterius et Alvarus, sed *plure* etiam habere Vossius ostendit, Anal. II. 11. Charisius autem col. 44. *pluri* in ablativo dicendam negat.

89) Met. XV. 743. et Heroid. VIII. 64.

90) Sic Ovid. Heroid. XVI. 277. *Ut a coeleste sagitta figar*: et Fast. VI. 158. *Extaque de porca cruda bimestre tenet*: pro, *coelesti, bimestri*. In illo autem eiusdem poetae, Fast. III. 654. *Amne perenne latens Anna Perenna vocor*, quod huc adferunt Ninivita et Iohnsonus, *perenne* adverbialiter positum, (eodem modo quo ap. Colum. XII. 18. et *ueternum* crebro sumi solet,) ostendit Vossius Anal. II. 11. Cacterum in his et similibus, adiectivum iuxta substantivum suum, aut quam fieri potest proximum, ambiguitatis vitandae causa, collocandum, ut in exemplis allatis, Iohnsonus, p. 91. praecipit. ¶ Neque Poetas modo, sed Historicos etiam ac Oratores ablativos interdum sic extulisse tradit

Exc. 2. *Memor tantum memori facit; et par simplex, pari*<sup>91</sup>). At eius composita *e* vel *i* habent: ut, *impar; dispar, -re vel -ri*.

Exc. 3. *Hospes; pauper; sospes; pubes, seu pubis, et eius compositum impubes, e solum contenta sunt; hospite, paupere, sospite, pubere*<sup>92</sup>), *impubere*<sup>93</sup>).

¶ His etiam forte addi possunt, *coelebs; dives*<sup>94</sup>), *compos; impos*, (composita a *potis*, i. e. *potens*;) *superstes*: item composita a *corpus*, *pes* et *color*: ut, *tricolor; tripes*<sup>95</sup>), *concolor*<sup>96</sup>).

Charisius, col. 108. et seqq. citatque ex Cicerone, *Quo stante et incolumē*: et, *Aliquo excellente et nobili viro*: ex C. Nepote, *A virgine Vestale*: et ex Sallustio, *Agreste*. \* Quin et idem Charisius, loc. cit. quoties de homine sermo est, iubet omnia eiusmodi per *e* offerri. Atque ait idcirco Pomponium dicere; *Ex humile Rege*; de re dicturum fuisse, *Ex humili re*. Et eandem fuisse tradit sententiam Plinii in libris dub. serm. Atqui, hoc discrimen non semper servatum ipse monet. Ciceronis enim in Orat. esse, *Ab hoc forti viro*; et Horat. Car. III. 5, 12. *Incolūmi Iove et urbe Romū*; et Sat. I. 5, 92. *Qui locus a forti Diomede est conditus olim*. Utut vero hæc res se Plinii Charisiique temporibus habuerit, certe in codicibus omnibus, quales ad manus nostras iam pervenerunt, nusquam fere ejusmodi ablativos aliter apud pro-sae scriptores, quam per *i* exaratos, sive de hominibus sive de rebus sermo sit, deprehendimus.

91) Quia olim in nominat. *paris pare, memoria memore*, dicebantur, ut ex Capro et Prisciano Vossius observat, Anal. II. 12. qui etiam ex Servio ad Virg. Ecl. VIII. 75. *dispari, impari*, usitatus docet quam *dispare, impare*, dici. *Ancipiti quoque et præcipiti*, ab *anceps, præceps*, vix *ancipite, præcipite*, flectendum vult Ursinus, p. 192. *Concora* etiam *concordi* habere videtur, vix *concorde*.

92) Cum autem parisyllabice declinantur, *pubes, pubis; impubes impubis*, *i* in ablativo habere possunt.

93) Lilius etiam *uber* et *degener* tanquam *e* solum habentia excipit. At *uberi solo* in ablat. Curtius, V. 1, 12. Senec. Herc. fur. v. 838. et Colum. R. R. V. 6. *degeneri sub hoste*, Lucan. IV. 344. *degeneri alimentis*, Gellius, XII. 1. dixere. \* Meliore iure *tricuspis* et *cognominis* excepisset, quæ *e* solum in ablativo habere inveniuntur: ut, Ovid Met. I. 330. *Posito tricuspide telo*: et Virg. VI. 898. *Gaudet cognomine terra*. Cuius rei rationem hanc tradit Vossius, Anal. II. 11. quod eorum neutrum in *e* non desinat; sive, ut ego interpretor, non existet. Posterius tamen Servius metri necessitati tribuit: quæ et Ursini opinio est, qui se non dubitare ait, quin *cognominis* adiectivum, ut alia in *is*, neutrum in *e* miserit. \* *Ales* quoque adiectivum *e* tantum habere videtur: ut ap. Stat. Theb. IV. 312. *Pernicior alite vento*. Sil. III. 865. *alite plumbæ*: et IV. 840. *alite planta*.

94) *At diviti cultu* habet Plin. III. 1. §. 3. init.

95) *Alipedi tamen curru* dixit Val. Flacc. V. 611.

96) His addit Nic. Frischlinus Disput. Gram. part. 2. proposit. 16. gentilia in AS; quæ ablativo *e* solum ille habere existimat. Atqui per *i* quoque horum nominum ablativos offerri ostendit Vossius ex illo Cic. Attic. XI. 4. *de Arusinati* [supple fundo] *si modo futuri sumus, erit*

55. Pleraque mobilium quibus exit rectus in NS, Participans, medique gradus, *i* rarius edunt.

P. Pleraque nomina adiectiva quae in NS terminantur; item participia et comparativa, longe frequentius *e* quam *i* in ablativo habent: ut, *prudens*, *prudente*<sup>97</sup>); *amans*, *amante*<sup>98</sup>); *doctior*, *doctiore*<sup>99</sup>), rarius *prudenti*, *amanti*, *doctiori*.

*res mihi opportuna*. Hoc unicum adfert Vossius, quasi nullum aliud esset exemplum, damnatque (immerito mea sententia) Lambinum, qui in illo Cicer. pro Cluent. c. 16. *Ex municipio Aletinati*, non *Aletrinate* (ut vulgo habetur) legendum putet: eius enim mutationis causam, non suam Lambinus, sed Prisciani auctoritatem adduct, qui lib. VII. col. 768. *Aletrinati* diserte scribit, non *Aletrinate*. Sed neque desunt alia huius rei exempla. Cic. Div. I. 28. extr. *Nihil illo Atinati somnio fieri posse divinius*. Et contra Rull. III. 4. *In agro Cassinati*. Et Attic. XV. 26. *Ex Arpinati*. Et leg. I. 1. *In Arpinati homine*. Et pro Planc. 8. *E praefectura Atinati*. Sic Livius, VIII. 1. *Duce Antiati populo*. Ibid. 12. *In agro Antiati*: et X. 30. *In Sentinati agro*. Ibid. 31. *In agro Interamnati*: et XXII. 18. *In agro Larinati*: et XXXIII. 26. *In agro Statiellati*, XLII. 7. et XLIII. 4. *In Apolloniati agro*: et alibi multis in locis. Quin et illud magis ex analogia esse, exinde colligere est; quod apud antiquiores eiusmodi gentilia in *atis* et *ate* desinebant. Vid. Priscian. col. 629 et 761. atque etiamnum ap. Cic. contra Rull. II. 31. *Ager Stellatis*, in melioribus libris invenimus. Quo minus mirum est alios contra Grammaticos hanc nominibus *e* in ablativo negasse. Sed eos quoque pluribus testimoniis Sanctius, Minerv. II. 7. p. 199. et Sturnius Mercur. mat. V. 17. extr. erroris sui convincunt.

97) Verrius Flaccus, nobilissimus Grammaticus, qui ab Augusto, ut eius nepotes doceret, centena in annum sestertia accepit, nomina in NS finita (ut tradit Charisius, col. 101.) ablativo *e* solum terminari volebat. Nec quin crebro sic desinant, dubitandum est. Interdum tamen et in *i* inveniri, multis exemplis ostendit Alvarus, p. 213. ut Cic. de Orat. III. 19. *Ex ingenti quodam immensoque campo*. Id. de Orat. II. 43. *Veementis incitatione*. Sic *recenti memoria*, *recenti negotio*, *recenti invidia*, ap. eund. de leg. I. 1. in Verr. I. 39. ad Fam. V. 17. *Homo ingenio eleganti*, Gell. VII. 8. Ut Poetas sic frequentissime loquentes omittam. \* Quin et participia, per *i*, maxime cum sunt nomina, inveniri, docet idem Alvarus: ut Cic. pro Arch. 7. *Homines excellenti animo ac virtute*. Id. ad Attic. II. 4. *Animo gaudenti, ac libenti*.

98) Participia in ablativo quos absolute positos vulgo appellamus, *e* solum terminari docent, post Laur. Vallam, in Anton. Raud. p. m. 5. Golenitis, Probl. Gram. I. 24. Vossius Anal. II. 12. Methodi auctor, p. 126. Iohnsonus, App. p. 92, etc. ut, Ovid. Fast. I. 320. *Quo feriente cadit*, Virg. Geo. IV. 191. *Pluvia impendente recedunt*. Sic *regnante Romulo*, *pugnante Caesare*; non *regnanti* aut *pugnanti*. At pauca in contrarium obducit exempla idem Iohns. Addit. p. 33. ut, Lucret. V. 633. *Dispersos igneis orienti lumine cerni*. Ibid. v. 885. *Membraque deficiunt fugienti languida vita*. Sall. Hist. III. 5. *Immensum aucto mari, et vento glissenti*. Plaut. Pseud. I. 1, 123. *Dico omnibus, pube praesenti*. Ab Ursino quoque, p. 193. notatum est ap. eund. Menaechm. III. 2, 27. *Fecisti funus me absenti prandio*. Adde Cic. Div. I. 29. *Bayae parte*

## 56. Mobilium retinent legem fixa inde creata:

Hincque per *i* solum menses finiri optant.

At *rudis* et *iuvenis* per *e* tantum flexa leguntur;

Cum propriis, et in *IL*, vel in *X* quod desinit,  
aut *CEPS*,

Aut *NS*: sed deme *tridens*. Patiuntur utrumque  
*Natalis*, *volucris*, *rivalis*, quaeque dederunt

*IS* recto similes voces: sed saepius *i* dant.

Substantiva ex adiectivis facta, eorum legem plerumque sequuntur: ut, *bipennis*, *bipenni*<sup>100</sup>), *molaris*, *molari*; *quadriremis*, *quadriremi*. Sic mensium nomina: ut, *Aprilis*, *Aprili*; *Quintilis*, *Quintili*; *November*, *Novembri*; *December*, *Decembri*<sup>1)</sup>. Quia nimirum haec omnia adiective accepta *e* in neutro, ac proinde *i* in ablativo, habent.

Exc. 1. At *e* tantum habent, *rudis*, *iuvenis*. Item nomina propria: ut, *Clemens*, *Felix*, *Iuvenalis*, *Nobilis*<sup>2)</sup>, *Melior*, etc. Etiam quae in *IL*, *X*, *CEPS*, aut *NS* fini-

*animi, quae voluptate alitur, nec inopia enecta, nec satietate adfluente.* Sil. Ital. I. 563. *Saxaque mananti subvectat vulnere miles.* [Cf. Bentleius ad Horat. Od. I. 2, 31. G. St.]

99) Comparativorum ablativos, cum feminino iunguntur, saepius postulare *e*, cum aliis generibus saepius *i*, docent Laur. Valla loc. cit. et Linacur, p. m. 191. ut *meliore fortuna*, *commodiores valetudine*, etc. *Constat maiori bellua sumptu*, Iuven. VII. 77. *Maiori pondere pressum Sigeniferi mersere caput*, Lucan. VII. 162, etc. [Terminatio comparativorum in *e* longe usitatissima. Cicero quidem nonnisi semel altera usus est Tuso. I. 49, 117. ubi tamen nunc *superiore e loco* scribitur. Nec secus res habet apud Nepotem, qui semel tantum *X*. 2. 4. *maiori periculo*, dixit. Et Horatius quoque ablativum in *i* vitavit. G. St.] Quin porro Iohnsonus, loc. cit. non comparativorum modo, sed aliorum etiam adiectivorum tertiae ablativos in *i* desinero debere, quoties neutri generis substantivis apponuntur, affirmat; ut, *victrici ferro*, non *victricae*. At perpetuas non esse has distinctiones, Alvarus loc. supra laudato, et Iohnsonus, ipse se corrigens, Addit. p. 34. ostendunt. Verior igitur sententia videtur, Poetas in his omnibus metri rationem, prosa autem scribentes sonum atque aurium iudicium attendisse: aliter vero *e* quam *i* multo frequentiore esse.

100) *Bipenne* tamen dixit Tibellus, I. 7, 53. Atque hinc quibusdam *ansa* est arrepta, *bipennis* interdum *bipennim* in accusativo flectendi. Atque *i* in ablativo tanquam adiectivum habet, *e* tanquam substantivum: cui distinctioni in accusativo nullus est locus.

1) Ausonius, qui in Eclog. *Et cum Septembre November dixerit*, vix imitandus videtur.

2) Sic Cicero ap. Prisc. col. 761. *A Iulio Natale.* Id pro Planc. 26. *Confiteor summa in Laterense ornamenta esse.* Liv. IV. 21. *M. Corn. Ma-*



untur: ut, *vigil, senex, index, artifex, nutrix* <sup>3)</sup>, *Princeps, particeps, adolescens, infans, serpens, torrens* <sup>4)</sup>.  
 † At *tridens, tridente* vel *tridenti* facit <sup>5)</sup>.

Exc. 2. Adiectiva quaedam in IS (praecipue ea quae de hominē dicuntur) substantive usurpata, quandoque substantivorum more *e*; saepius vero *i*, in ablativo habent: ut, *familiaris, rivalis, sodalis, natalis, volucris* <sup>6)</sup>.

### *Nominativus pluralis.*

57. Rectus pluralis capit *es*. *Ia* dat tibi neutrum  
 Quod dedit *i* sexto: medius gradus inde *vetusque*  
 Excipitur: *plus plura* petit, sed rarius edit  
*Pluria*. Si solum dat sextus E, non *ia* pones.

1. Nominativus (ac proinde vocativus) pluralis desinit in *es*: ut, *panis, panes* <sup>7)</sup>.

*Iuginese, L. Papirio Crasso Coss. Martial. VII. 24. Cum Iuvenale meo quae me committere tentas, etc. Caelius tamen per i, A Fulvio Nobiliori, dixit, ap. Charis. col. 112.*

3) Sic et alia verbalia in *trix*: at *victrix* et *ultrix* adiective sumpta i quandoque habent; adeoque et pluraliter *victricia, ultricia; victricium, ultricium*.

4) *Continens* tamen per *e* vel *i* promiscue effertur: ut, Curt. X. 1, 11. *Ex continenti traicere*. Nepos I. 7, 8. *In continenti lucus*, Caes. B. G. IV. 31. *E continenti comportari*. Id. V. 2. *A continenti*; et V. 6. *Ut in continenti remanerent*; et V. 8. *Labieno in continente relicto*; et V. 23. *Quae ex continente remitterentur*. Nempe quod haud raro substantivum una exprimitur: ut, Nepos II. 3, 2. *Inter Euboeam continentemque terram*, Varro ap. Charis. col. 100. *In terra continenti*.

5) Ut Ovid. Met. I. 233. *Ipsae tridente suo terram percussit*, Virg. Aen. I. 149. *Levat ipse tridenti*; et Geo. I. 13. *Magno tellus percussa tridenti*: et, adiuncto substantivo, Val. Flaccus I. 688. *Spumas vomit aere tridenti*. \* *Rudens* quoque *e* vel *i* habere videtur. Vitruv. enim X. 3. *Trochlea in summo capite machinae rudenti continetur*: nisi hoc dativo positum existimes.

6) Sic *affinis, aedilis, contubernalis, popularis, patruelis, annalis, etc.* quibus, quia quodammodo natpram substantivorum induere, auctores quandoque *e* tribuunt. Sic *familiares* Varro et Rutilius, ap. Charis. col. 105. *aedile* iidem, ap. eund. col. 96, et Cic. pro Sext. c. 44. init. *patruelis* C. Nepos, Ibid. col. 113. *sodale* Plinius Iunior Epist. II. 18. et Martialis Epig. I. 107. *rivale* Ovid. Amor. I. 95. *trireme* Caesar, Bell. Civ. II. 23. *natale* Lucan. VII. 291. *voluere* Plinius, IX. 8. protulerunt. V. Vossius Anal. II. 11.

7) Hi (ut alii obliqui casus) sumuntur a genitivo singulari: ut, *tigris, tigris vel tigridis*; plural. *tigres et tigrides: impubes, impubis et impuberis*; plural. *impubes et impuberes*. ¶ Nominativus quandoque in *is* vel *is* invenitur: ac primum in iis quae Graece in *sig* contrahuntur: ut, *Syrteis, Tralleis, Sardis, Alps*; vel *Syrtis, Trallis, Sardis, Alps*. Auctor

2. In nominibus neutri generis, si ablativus singularis, vel in *i* solum, vel in *e* aut *i* simul, desierit, tum nominativus, adeoque et accusativus et vocativus plurales, habent *ia*: ut, *mare, mari, maria; felix, felice vel felici, felicia*.

Exc. At comparativa in *a* solum exeunt: ut, *duriora, fortiora*. *Plus plura*, raro *pluria* habet: unde *complura* et *compluria*. *Vetus vetera*, non *veteria* facit<sup>8)</sup>.

3. Neutra, quae ablativum singularem in *e* solum terminant, in nominativo plurali *a*, non *ia*, habent: ut, *dogma, dogmate, dogmata; nemus, nemore, nemora*.

### Genitivus pluralis.

58. Praebet *ium* patrius, si sextus in *i* fuit ante.

Tolle *vigil, vetus, uber, inops, supplexque, memorque*,

*Mugilis et consors*, quibus et *pugil* et *celer* adde;  
Atque gradus medios; (sed *ium plus* poscit.)

Adhaerent

His composita *genus, capio, facioque, caputque*.

I. Genitivus pluralis in *ium* desinit, si ablativus singularis habuerit *i* tantum, sive *e* aut *i* simul: ut, *alveare, alveari, alvearium; ferox, feroce vel feroci, ferocium*.

Exc. 1. Sequentia autem nomina *um* habent, non *ium*: *vigil*<sup>9)</sup>, *vetus, uber, inops, supplex, memor*<sup>10)</sup>, *mu-*

Priscianus, col. 775. confirmatque illo Horatii Epist. I. 11, 2. *Quid Crbesi regia Sardinia*. Item in vocibus penitus Latinis, a singularibus in *is* venientibus, ut docet Varro, L. L. VII. 37. ut, *hae puppeis, resteis*; vel, *puppes, restes*. V. Voss. Anal. II. 18. Duo autem eiusmodi exempla adfert Johnsonus Addit. p. 34. unum ex Plauto, Mil. III. 1, 84. *Liberae sunt aedis*: alterum ex Tacito, Anal. III. 25, 2. *Cum omnis domus delatorum interpretationibus subverterentur*. Verum in hoc posteriore codice quidam subverteretur habent.

8) *Aplustra* et etiam *aplustria* dicimus: at hoc ab *aplustre*, illud ab *aplustrum*, quo Lucretius usus est IV. 489. Vossius recte deducit. Similiter *gausape*, quia in ablativo est *gausape*, in plurali non *gausapia*, sed *gausapa*, facere idem putat. At Charisius eorum potius sententiae favere videtur, qui *gausapa* a nominativo *gausapum*, quo usus est Cassius Severus ad Maecenatem, declinant. Certè veteres in nominat. *gausape* et *gausapa* et *gausapis* et *gausapum* dixere; ut parum de hac voce certi statuere liceat. Vid. Ursin. p. 187. Huc etiam referri possunt *tricorpora* et *tripeçora*, quae (praeterquam quod ablativo *e* solum habere videantur) a *tricorporius* et *tripeçorus*, quibus veteres utebantur, deduci queant. V. Voss. Anal. II. 18.

9) *Vigil*, sive substantive capiatur, sive adiective, non ausim aliter

*gilis vel mugil, consors*<sup>11)</sup>, *pugil, celer: vigilum, veterum*, etc.<sup>12)</sup>.

Exc. 2. Comparativa etiam habent *um*: ut, *durior, duriorum; mollior, molliorum*. At *plus plurium* facit<sup>13)</sup>.

Exc. 5. *Um* denique accipiant composita a *genus, capio, facio et caput*: ut, *degener, particeps, artifex, praecoeps, occiput*<sup>14)</sup>: *degenerum, participum*, etc.<sup>15)</sup>.

genit. plur. quam in *um* proferre. De substantivo res certa; ita enim Virg. Aen. IX. 159. Stat. Theb. XII. 449. Tacit. Hist. III. 64, 2. et Lucan. V. 511. Quod vero ex lib. 1. tit. 43. Cod. Iustiniani, *praefecti vigilum*, meminit Vossius, in melioribus codicibus *vigilum* legitur. Adiectivo autem, propterea quod i in ablativo habeat, *vigilum* assignant idem Vossius et Methodi auctor. At *vigilum* ei dat Priscianus, col. 772. firmatque *vigilum canum tristes excubiae*, ap. Horat. Car. III. 16, 2. neque enim id per Syncopen, cum Methodi auctore, reor prolatum.

10) Ut *vigil* et *memor*, sic eorum composita *pervigil* et *immemor*.

11) An *exsors* vero *exsortum* faciat, an *exsortium*, merito dubitat Ursinus, p. 199.

12) *Vigil, uber, supplex, consors, celer, particeps, artifex*, et similia, adiective hic tantum sumpta, adeoque *e* vel *i* in ablativo recipientia, intelligo. Substantive enim usurpata *e* solum in ablativo facere videntur, ac proinde *um* in genitivo plurali, per teg. seq.

13) Sic *complurea complurium*, testante ex Cicerone Prisciano, col. 773. Etsi *plurum* et *complurum* praeferat Iul. Modestus ap. Charis. col. 56 et 100.

14) Ex praedictis pleraque *um* propterea habere putantur, ut distinguantur a substantivis secundae in *ium, supplicium, consortium, participium, principium, mancipium, artificium, opificium, praecipitum, occipitum*. An vero *sincipitum, ancipitum, tricipitum*, in quibus non habet locum haec distinctio, dicendum sit, an *sincipitum, ancipitum, tricipitum*, deficientibus exemplis, haud satis constat. Prius Priscianus, col. 771. posterius Ursinus, loc. cit. praeferebant iudicant. Caeterum *Principium*, quod Bongarsius ap. Iustinum lib. 1. et Cuiacus ap. Licinium tit. de stupratoribus, pro *Principum*, dictum observant, neminem iam existimo imitaturum.

15) His addit, et recte, Sol. Lowaeus adiectivum *cicur*, quod cum ablativo sing. *e* vel *i* habere videatur, genitivo tamen plur. *um* impurum recipit: ut, Cic. Nat. Deor. II. 39. *Quae vero et quam varia genera bestiarum, vel cicurum vel ferarum?* \* Minus tamen recte idem adiungit, 1. *Complex complicum*, posterioris aetatis vocabulum, quodque adiective acceptum hisce in casibus vix invenitur. 2. Composita in *spex*; ut, *auspex, haruspex, extispex*. Haec enim cum substantivo ferè semper adhiberi, atque per *e* solum ablativo priore inflecti soleant; idcirco et *um* habent iuxta regulam principalem. ¶ Potiore autem iure huc referenda videntur, *reses et deses*, quae *residum* et *desidum* (quamquam auctoritas deficiat) declinari putep. \* An *hebes, teres, praepes* et *perpes*, *um* habeant an *ium*, nondum liquet: prius tamen auribus gratius videtur. Neque obstat, quod *hebetia* ap. Cels. VI. 15. extr. et *teretia* ap. Gell. VII. 14. invenimus: nam *quadrupedum* tantum usus recepit, non *quadrupedium*, etsi *quadrupedia* Columella et Palladius dixerint. \* *Locuplex*, ut ablativo sing. *locuplate* habet, Horat. Sat. II. 6, 102. Pers. III. 74. Cic. Div. I. 19. et *locupletis*, idem Cic. de Orat. III. 48. et in Frument. ap. Priscian. col.

59. Sextus *e* si tantum dederit, capit *um* genitivus.

AS sed *ium* Latiale petit: polysyllaba deme,

Queis magis *um* placuit. Sed *ium* quaerentibus adde

Nomen in IS vel in ES non crescens: iungito et NS:

Tolle *parens, vates, panis, iuvenisque, canisque.*

II. Quae in ablativo singulari *e* tantum habent, *um* recipiunt in genitivo plurali: ut, *leo, leonē, leonum*<sup>16</sup>).

Exc. 1. Nomen Latinum in AS facit *ium*: ut, *mas, marium; as, assium; vas, vadium*<sup>17</sup>). † At polysyllaba potius per *um* efferuntur: ut, *civitas, civitatum*, interdum *civitatum*<sup>18</sup>).

Exc. 2. Nomina in IS et ES non crescentia in genitivo singulari habent *ium*: ut, *hostis, hostium; aedes, aedium*. Item in NS desinentia: ut, *cliens, clientium*. † At hinc excipitur, *parens, parentum* potius quam *parentium*<sup>19</sup>); illinc *vates, vatum; panis, panum*<sup>20</sup>); *iuvenis, iuvenum; canis, canum*<sup>21</sup>).

765. ita genitivo plur. *locupletum* habet et *locupletium*. Hoc Ciceronis est ad Attic. VII. 7. extr. et pro Sext. c. 17. Hirtii, B. Alex. 39. et Taciti, Anal. VI. 16, 3. illud Columellae, VIII. 16. et Caes. B. Civ. III. 91. an vero per Syncopen dictum, incertum.

16) Huc refer *hospitum, puberum, impuberum, pauperum, sospitum, divitum, superstitum, compotum, impotum, bipedum, bicornorum, versicolorum*, et similia; quae ablativo *e* solum habere diximus. Severus tamen in Aetna, v. 128. *hospitum fluviorum* dixit, ut a Vossio notatum: nisi mavis *hospitum* illic, cum Io. Clerico, substantivum et accusativi singularis statuere.

17) Dixi nomen Latinum: nam Graeca *um* habent, ut *gigantum, Arcadum*. Vid. reg. seq. 61.

18) Ex his quaedam interdum per *ium* efferri notat Despauterius, p. 86. praecipue vero Vossius, Anal. II. 14. et Dausquius Orthogr. Vol. 1. p. 105. ut, *aetatium* Vel. Patere. II. 89, 1. *affinitatium* Iustin. XVII. 3, 5. *calamitatium* Id. XVI. 4, 5. *civitatum* Liv. XXVI. 40. XL. 25, 30, 39. et XLV. 34. Quintil. I. 2. init. et II. 4. Iustin. IX. 1. 1. Censorii. de die nat. c. 20. et alii. Sic *utilitatium* ex Liv. XLV. 3. *voluptatium* ex eod. XXIII. 8. proferunt; item ex Pandectarum libris *facultatium, haereditatium, quantitatium*: at in his codices variant. Confer P. Manut. ad Cic. Offic. I. 44. et Burmannum ad Velleii loc. cit. qui *simultatium, calamitatium*, et similia plura, se ait in Declamationibus Quintiliani notassee. \* Gentilia autem in *as*, sive adiectivo, sive substantive, (sic proinde per *e* solum, ut vult Johnsonus, in ablativo inflexa) accipiuntur, *ium* duntaxat, non *um* habent: ut, *Arpinatium, Fidenatium*. V. Iohns. App. p. 93.

19) *Parentium* tamen Horat. Car. III. 24, 21. et Cic. Verr. V. 52. extr. utuntur. Adfert quoque ex eiusd. orat. de suppliciis, *parentium*

60. Donat *ium Samnis, linter, cturo, dos, et os ossis, Glis, nix, noxque cohors, mus, faux, uter*: adde *Quiritem*,

Atque *larem, litem, cotem, cor*; compositumque, *Uncia* quod simul *as* genuit: monosyllaba iunge  
Consona quae duplex claudit. *Bos* rite *boum* dat.

Exc. 3. *Ium* praeterea nacta sunt nomina sequentia, licet *e* tantum habeant in ablativo singulari: *Samnis, linter, card, dos, os, ossis* <sup>22</sup>); *glis, nix, nox, cohors, mus* <sup>23</sup>); *faux* <sup>24</sup>), *uter* <sup>25</sup>), *Quiris, Lar* <sup>26</sup>); *lis, cos, cor*: *Samnitium, lintrum, barnum, etc.*

*suorum*, Priscianus, col. 772. approbantque Varro, L. L. VII. 37. et Charis. col. 111.

20) *Panium* dicendum vult Caesar; Verrius Flaccus *panum*, cui assentit et Priscianus, col. 771. Charisius totum pluralem, adeoque et genitivum, sed praeter rationem, (ut a Vossio monstratum) reiecit, col. 114.

21) His addunt *proles, soboles et indoles*: at haec raro in plurali, nedum in genitivo reperiuntur; ideoque cum Martiano Capella *prolum* dicere nolim. \* *Volucris* (quod his adiecit Ninivita) non *volucrum* tantum facit; apud Cic. Nat. Deor. II. 39. Virg. Aen. III. 216. et alibi saepius, Martial. V. 56: et Plin. II. 10. X. 11 et 73. XI. 37. §. 62. et XXXV. 11. sed *volucrium* etiam ap. Cicer. de Finibus (quemadmodum et a Grutero Gronovioque, II. 33. est editum) et Fabianum Natur. causer. lib. 2 et 3. citante Charisio, col. 119. Vossius quoque apud Varron. R. R. I. 38. *volucrium* legit: at in meis exemplaribus *volucrum* invenio, quod et consuetudine receptum Plinius ait, teste Charisio, loco modo laudato. \* Similiter *apum* invenimus, et *apium*. Prius est ap. Liv. XXIV. 10. extr. et XXVII. 23. Plin. VIII. 42. XX. 4. et Colum. IX. 13 et 14. et in lemmatis capitum (si modo eius sunt) ap. eund. Columell. IX. 3, 4, 5, 10, 13. Pallad. Apr. 8. Iun. 7. et Aug. 7. Posterius ap. Varr. R. R. III. 16. Colum. IX. 3, 6, 11. Plin. VII. 15. XI. 8. et pluribus aliis locis, Iustin. XIII. 7, 10. Ovid. Met. XV. 383. Juvenal. XIII. 68. Apud. Cicer. vero Offic. I. 44. de Senect. 15. extr. Acad. IV. 17. de Divin. I. 33. extr. et de Harusp. resp. 12. *apum* et *apium*, libris vacillantibus, legitur: *apium* tamen praeferunt meliores interpretes. \* *Strigilis* um tantum habere docet Meth. auctor. et ita Plinius quidem XXXI. 10. extr. At idem. XXVIII. 4. *Linteorum strigiliumque vehementia*, dixit: quod et ἀναλογώτερον videtur.

22) Per *ium* quoque *os* oris declinandum vult Despauterius, et ita *ee*, si necessitas iusserit, flexurum ait Vossius. At vid. cap. III. reg. 13 et 15.

23) *Murum* tamen dixit Cicero, Nat. Deor. II. 63. (teste, qui id improbat Plinio, lib. 6. serm. dubii, ap. Charis. col. 110.) quanquam in plerisque codd. nunc *murium* legatur. Eo certe Plinius ipse X. 65. XI. 37. §. 74 et 76. XXII. 23. et alibi saepius utitur.

24) *Faucium* crebrum est Plinio; at singulari solus fere ablativus *fauce* usitatus invenitur.

Exc. 4. *Ium* quoque faciunt composita ab *uncia* et *as*: ut, *septunx*, *septuncium*; *sextans*, *sextantium*; *bes*, *bessium*.

Exc. 5. *Ium* denique habent nomina unius syllabae in duas consonantes<sup>27)</sup> exeuntia: ut, *urhs*, *urbium*; *stirps*, *stirpium*; *sors*, *sortium*; *arx*, *arcium*<sup>28)</sup>.

Exc. 6. *Bos boum* facit.

25) Huic comitem recte Vossius adiungit *venter*, *ventrium*, quod firmat auctoritas Plinii, IX. 50. \* Par quoque substantivum (quod ablativo sing. *e* solum habere diximus) *parium* facit: nec audiendus Plinius, ap. Charis. col. 110. qui *par* eiusque composita *impar*, *dispar*, etiam adiective accepta, per *um* declinari voluit, *parum*, *imparum*, *disparum*. V. Voss. Anal. II. 14.

26) Sic *aedem Larium*, *Larium compita* et *Larium focus* dixit Plin. II. 7. III. 5. et XXVIII. 20. in fin. et Liv. XL. 52. *aedem Larium Permarinum*. *Larum* tamen habet, non tantum Varro, L. L. VIII. 38. ubi *Manian* ait *matrem Larum appellari*: sed etiam emendatiora Ciceronis exemplaria, de Nat. Deor. III. 25. et de Leg. II. 11. quamvis et istis in locis *Larium* Vossius legerit.

27) Characteribus distinctas intellige. Secus enim *x* duas in se consonantes *c* et *s* complectitur. At pleraque monosyllaba sic finita *um* habent impurum: ut, *grex*, *lex*, *rex*, *vox*, *dux*, *nux*, item inusitata *prex* et *frux*. \* Haec autem *fax*, *pax*, *faex*, *nex*, *pix*, *lux* in genitivo plurali, ut alibi dicemus, vix inveniuntur. \* *Trucium* a *trux* ad reg. 56. pertinet. \* *Crucum* a *crux* declinat Charisius, col. 114. et ita Tertullianus in Apolog. ex optima Rigaltii editione: Pamelius quoque, qui *crucium* legit, fatetur omnibus MSS. *crucum* haberi; quod si Vossio fuisset animadversum, haudquaquam Charisio Tertullianum opposuisset. V. Meth. auctor. p. 137. § Ab hoc canone etiam excipienda sunt nomina Graeca: ut, *gryps*, *gryphum*; *lynx*, *lyncum*; *sphinx*, *sphingum*; de quibus reg. 62.

28) Inveniuntur et alii genitivi in *ium*, iam fere inusitati, et suis auctoribus relinquendi: ut, *vigilium* et *principium*, de quibus supra, *extispicium* ap. Acciam, in *Medea*, teste Nonio; *meretricium*, ap. Plaut. Casin. III. 3; 22. *radicium*, *cervicium*, ap. Charis. col. 100. *iudicium*, ap. Vegetium, II. 19. in membranis Stewichii et Cod. Iustin. I. 34, 2. et Ibid. I. 40, 14. *hominium*, ap. Sallust. Iug. 77. probante Scaligero; *servitutum* et *compedium*, ap. Plaut. Pers. III. 3, 13 et 15. *virtutum*, ap. Paulin. Epist. I. ad Auson. *Paludium* porro, ap. Colum. memorat Alvarus et Vossius; sed (fallentibus numeris) locum non reperiō. Adfert quoque Despauterius ex Mela (sed loco non indicato) *concretarum paludium*: itemque ex Plin. II. 68. *tanturum paludium*: at mea fere omnibus *paludum* legitur. \* *Iurum* denique dixit Cato in Orig. ap. Charis. col. 109. *Iurium* Plaut. in Epid. III. 4, 86. Utrumque insolens; sed si altero necesse sit, illo potius quam hoc utendum Vossius iudicat. \* Sunt et alii, rariores quidem, non tamen prorsus reiiciendi: ut, 1. *Fraudium*, non ap. Apuleium modo, Met. V. p. 158. Met. VIII. p. 236. et Met. X. p. 321 et 341. sed ipsum etiam Cicer. Offic. III. 18. extr. quemadmodum MSS. anis omnibus Lambinus et Fabricius scriptum testantur; nec aliter a Grutero, Graevio Gronovioque editum. 2. *Laudium*, ap. Sid. Apollin. car. XXII. 31. et Cic. Phil. II. 12. prout in MSto. veteri reperit ac (licet haud probante Vossio) edidit Muretus. 3. *Fornacium*, ap. Plin. XXXIV. 18. At longe in his frequentius *um*

61. *Um* sibi Graiugenum prope cuncta vocabula possunt:

Parcius *on*, quaeque ante dabant vel *sis* vel *a* rectis.

Nomina Graeca genitivum pluralem plerumque in *um* terminant: ut, *Macedo*, *Arabs*, *Aethiops*, *pyxis*, *monoceros*, *lynx*, *gryps*, *Thrax*: *Macedonum*, *Arabum*, *Aethiopum*, *pyxidum*, *monocerotum*, *lyncum*<sup>29)</sup>, *gryphum*, *Thracum*<sup>30)</sup>.

+ Rarius autem *on* habent, et ea fere solum, quorum nominativus singularis in *a* vel *sis* desinit: ut, *epigramma*, *metamorphosis*: *epigrammaton*, *metamorphoseon*; vel *epigrammatum*, *metamorphosium*<sup>31)</sup>.

62. Insuper et numero quae sunt spoliata priore,  
Dant patrium qualem numeris perfecta dedissent.  
*Orum* at saepe solent flexu dare Festa secundo.

Nomina tantum pluralis numeri genitivum faciunt ex analogia numeri singularis, qualem nimirum, si inte-

impurum esse, pauca haec, ex innumeris, auctorum loca convincunt: *Fraudum* scil. habet Stat. Sylv. III. 1, 32. Claudian. XXII. 214. Gell. XIV. 2. *Laudum* Virg. Geo. III. 112. Aen. VI. 823. Val. Max. III. 2, 22. Plin. Paneg. c. 4. Curt. VIII. 18. *Fornacum* Plin. XXXIV. 10, 13 et 14.

29) Male autem Ant. Nebrissensis *lyncium*: Ovidii enim est Met. IV. 25. *Colla premis lyncum*.

30) At quae genitivum faciunt in *os* purum, *ium* habent, ut mox dicetur.

31) Graeca aliarum terminationum vix unquam *on* recipere videntur: neque enim *delphinon*, *Cyclopon*, *aspidon*, *Arcadon*, *lebeton*, *tripodon*, *Phaeacon*, etc: quisquam invenerit. Quae etiam a quibusdam exempli loco memorantur, *hebdomadon*, *lampadon*, *crateron*, *Erinnion*, *lyncon*, *gryphon*, mihi nondum comperta; nisi quod de Varronis *Libris Hebdomadon* meminerint Nonius et Charisius; et hoc forte elementis Graecis ab eo exarato. Quod vero ex Catulli Car. LXIV. 48. *Chalybon omne genus* quidam proferunt, *Chalybum* libris omnibus, aut *Chalibum*, scribi testatur Dausquins, p. 104. in recentioribus *Celtum* est editum. Quin et in his ipsis, non rarissimum est: neque *diadematon*, *dogmaton*, *aromaton*, *poëmaton*, *stemma-ton*, facile dixerim; sed *diadematum*, *dogmatum*, etc. *Ium* quoque a nominibus in *sis*, potius quam *eon* optimi quique utuntur: ut, *haeresium*, *basium*, *eclipsium*, potius quam *haereseon*, *baseon*, *eclipseon*. Sic Cic. ad Attic. V. 21. *nostrarum dioecesium*: et Fam. III. 8. *omnium illarum dioecesium*, dixit, non *dioeceseon*, vel *dioecesion*. \* Quidam in his, uti et in nominibus secundae,  $\omega$  nativum Graecorum retinent: ut, *Cimmeriōn*, *haereseōn*; quod (nec immerito) improbat Ursinus, p. 208.

gra essent, verisimiliter haberent: ut, *pugillares, pugillarum; manes, manium; lactes, lactium; fores, forium; moenia, moenium; ilia, ilium*: quia singularis horum esset, *pugillaris, manis, lactis, foris, moene, ile*<sup>32</sup>). Contra *Lemures, coelites, maiores, Lemurum, coelitum, maiorum, faciunt*; quia singularia forent, *Lemur, coeles, maior*.

Exc. Nomina Festorum, mutata declinatione, *orum* saepe habent in genitivo plurali; ut, *Saturnalia, Saturnalium et Saturnaliorum; Bacchanalia, Bacchanalium et Bacchanaliorum*<sup>33</sup>).

32) Sic *antes antium, lendes lendium*; quia singularis horum fuerit *antis, lendis* (et inde porro contractum *lens*); sic *optimates, optimatum* vel *optimatum*; *penates, penatum* vel *penatum*: quorum singularis fuerit *optimas, penas, qualia um* vel *ium* admittunt. \* *Opes* tamen *opum* facit, licet ab inusitato nominativo *ops* vel *opis*. Et *primores primorum*, ab exoleta nominativo *primoris* vel *primor*, licet in ablativo sing. *primore* vel *primori* habeat: ut Gell. X. 19. in *primore pueritia*; et Sil. XI. 143. *Excelsam primori Marte Saguntum*: et Tacit. III. 21, 4. *primori in acie versabantur*. Est enim quasi comparativum.

33) Sic *Compitalia, Terminalia, Liberalia, Vulcanalia, Lupercalia, Agonalia, Parentalia, Vinalia, Quinquatria*, etc. Vid. Charis. col. 27. Priscian. col. 744. Non. Marcell. VIII. 49. Macrob. Saturn. I. 4. Voss. Anal. II. 14. Dausq. Orthogr. Vol. I. p. 104. \* Videndum tamen quid usus probet. Nam (ut ait post Bangium Cl. Ursinus, p. 202.) *Floralium, Feralium, Liberalium* facilius recipimus, quam *Floraliorum, Feraliorum, Liberaliorum*, etc. \* Porro et ea tantum Festorum nomina hic intelligenda sunt, quae in *lia* aut *ria* exeunt. Alia enim (ut recte annotavit Carmichael noster, Etym. p. 13.) non in genitivo modo, sed dativo etiam, per solam secundam inflectuntur: ut, *Agonia, Dionysia, Thesophoria, Orgia, Trieterica, Charistia*, etc. § Horum declinationem imitantur, *anciliorum*, ap. Horat. Car. III. 6, 10. *sponsaliorum*, ap. Suet. Aug. 53. *vectigaliorum*, ap. eund. Aug. 102. et Calig. 16. et ap. Cicer. teste Charis. col. 46. et ap. Asinium, testibus eod. Charis. ibid. et col. 119. et Macrob. Saturn. I. 4. *viridiorum*, ap. Macrob. ibid. et Ciceron. Attic. II. 3. probante Dausquio et Pithoeo [al. *viridiorum*.] Sic *conclavium* Vitruv. VI. 5. *lacunariorum* Id. IV. 3. init. et VI. 4. init. *navaliurum* Id. V. 12. extr. *torculariorum* Colum. R. R. XII. 50. prope princ. *exemplarium* Hieronym. advers. Helvid. c. 3. Ut omitam *diadematorum, poematorum*, etc. de quibus in reg. 64. \* Caeterum horum omnium ratio petenda est ex diversa nominativi sing. terminatione. Olim enim *Saturnale* dicebant et *Saturnalium*, -lii, in 2da; *Bacchanale, Bacchanal* et *Bacchanalium*; *ancile* et *ancilium*, *lacunare* sive *lacunar* et *lacunarium*; *torcular* seu *torcular* et *torcularium*; *conclave* et *conclavium*, quo utitur Plautus Aul. III. 2, 24. *exemplare* seu *exemplar* et *exemplarium*, quo Arnob. VI. p. 198. et Proculus in L. 47. ff. de legat. 2. et Ulpianus in L. 10. ff. testamenta quemadm. aperiantur, inspic. et describ. Vid. Voss. loc. cit. sub fin. et Dausq. p. 67 et 68. \* Singularia sunt *holerorum*, ap. Lucil. teste Nonio, pro *holerum*; et *tetrantorum*, ap. Vitruv. III. 8, med. pro *tetrantum*, i. e. *quadrantum*.



63. Hoc demum in casu vatum regnare figuras  
Adspicies, memori velim quas pectore condi.

¶ In multis eorum quae genitivum pluralem formant in *ium*, Syncope, praesertim apud Poetas, locum habet: ut, *nocentum, caedum, mensum*; pro *nocentium, caedium, mensium* <sup>34</sup>).

34) In primis id fit in participiis et nominibus polysyllabis in NS: ut, *amantum, mirantum, moderantum, morientum, paventum, precantum, recentum, salutantum, venantum*, ap. Ovidium; *bellantum, eudentum, carentum, defendentum, fuventum, furentum, infantum, loquentum, moerentum, natantum, potentum, recusantum, silentum, venientum*, ap. Virgilium; *frementum, iacentum, labentum, ovariantum, ruentum, sequentum*, ap. Val. Flaccum: *fugientum, hortantum, medentum, spirantum, volantum*, item a *sons* monosyllabo *sonitum* [Theb. IV. 475.] ap. Statium, etc. \* Vulgo dicunt, etiam extra metrum, *adollescentum, clientum, infantum, prudentum, sapientum, serpentum*: sed rectius proferemus cum Cic. Tusc. V. 27. Sallust. Catil. 14. Vell. Patere. II. 103. Plin. XXXIII. 12. *adollescentium*; cum Plaut. Menaech. IV. 2, 6. Sueton. Aug. 60. Curt. VII. 4, 21. Horat. Carm. III. 1, 13. *clientium*; cum Cic. pro Q. Rosc. 58. Sueton. Calig. 25. extr. Plin. Paneg. 26. princ. et 28. extr. Curt. IX. 1, 25. Plin. XX. 20. et multis aliis locis *infantium*; cum Cic. de Orat. I. 9. et Pomponio, tum in epigraphe, tum in L. 2. §. 5 et 12. ff. de orig. iuris, *prudentium*; cum Cic. pro Arch. 6. de Fin. V. 19. Sallust. Catil. 11. Val. Max. IV. 1. extern. 7. Plin. XXI. 8. Iustin. II. 2, 14. Gell. I. 3. princ. Senec. de vit. beat. 12. *sapientium*; et cum Sallust. Iug. 94. Plin. XXV. 8. et alibi passim, Gell. XVI. 11. princ. et Horat. Epod. I. 20. *serpentium*. In libris tamen meis invenio; ap. Pallad. I. 28. extr. et Iustin. II. 4, 11. *infantum*; *prudentum* apud Iustinian. §. 8. Instit. de iur. nat. et gent. *sapientum* Cic. de Fin. I. 18. Gell. XVII. 21. et V. Max. IV. 1. extern. 7. et ap. eund. I. 6. extern. 8. *serpentum*. ¶ 2. Syncope locum, sed raro admodum, habet in quibusdam nominibus in *is*: ut, *coelestum* Ovid. Met. I. 150. et Virg. Aen. VII. 432. *agrestum* Val. Flacc. I. 684. et Virg. Geo. I. 10. pro *coelestem, agrestium*. Sic, *cladum* pro *cladium*, Sil. I. 41. *caedum* pro *caedium*, Id. II. 665. et IV. 353 et 424. *mensum* pro *mensium* Ovid. Fast. V. 187 et 424. et Met. VIII. 500. et Senec. Phoen. v. 535. Sic *forum* pro *forium* (ab inusitato *foris*) habet Plaut. Curc. I. 3, 1. et *Samnitum* pro *Samnitium* Silius I. 664. \* Sed ex his nonnulla etiam in prosa interdum inveniuntur: ut, *Samnitum* ap. Cic. Parad. 6. et V. Max. I. 6, 4. et ap. Cic. pro Sext. c. 20. init. *vestrarum sedum, templorumque causa, pro caedium*, confirmante eam lectionem Prisciano, col. 771. et ex vet. libb. Lambino: nec aliter loquendum docet Consentius, col. 1039. In optimo MS. Censorini de die nat. *mensum* pluribus in locis reperit Carrius, teste, qui El. Vinetum in *mensium* mutantem reprehendit; Vossio. *Mensum* quoque in libris iuris plurimum legi, praesertimque in L. 101. ff. de divers. reg. iuris, observat post B. Brissonium idem Vossius; quam in vulgationibus *mensum* ubique fere iam editum sit. V. Vossius Anal. II. 14. Dausq. Vol. 1. p. 106. Iohns. p. 96. \* Huc etiam quidam referri volunt *apum, volucrum, strigilum, parentum, locupletum, civitatum, aetatum*, et similia in *as*, de quibus superius in reg. 58 et 59. dictum. \* *Mucedum* vero (quod exempli loco addert Despauterius) pro

¶ Huic contraria est Epenthesis, sive literae in medio vocum additio: ut, *alittum*, *coelittum*; pro *alitim*, *coelitim* <sup>35</sup>).

\ *Dativus pluralis.*

64. Tertius est in *ibus* pluralis. *Bos* cape *bobus*, Vel *bubus*. Sed *tis* mage quam *tibus* optat A Graecum.

*Sin* quoque nonnullis Graium tribuere Poetae.

Dativus pluralis, cui ablativus semper est similis, desinit in *ibus*: ut, *panibus* <sup>36</sup>).

Exc. 1. *Bos bobus*, vel *bubus*, pro *bovibus*, facit <sup>37</sup>).

Exc. 2. Graeca in A saepius *tis* quam *tibus* habent: ut, *epigrammatis*, *poëmatibus*, potius quam *epigrammatibus*, *poëmatibus* <sup>38</sup>): ab antiquis nominativis in UM, *epigrammatum*, *poëmatum* <sup>39</sup>).

*Macedonum*, Librariorum culpa inveniit; scribendum enim (ut Vossius ostendit) *Macetum*, (a nominativo *Macetes*, primae declinationis), pro *Macetarum*. Confer et Heinsium ad Sil. Ital. XIII. 878. XIV. 5. XVII. 688. et I. F. Gronovium ad Senec. Herc. fur. v. 980. ¶ In aliis terminationibus rarissima ac plane insolens est Syncope, praecipue in neutris in E, et (quae olim in E desinebant) nominibus in AL et AR; item in adiectivis unius terminationis. Neque enim *marum* pro *marium* cum Naevio [ap. Prisc. col. 770.] dixeris; aut *animalum*, *torcularum*, pro *animalium*, *torcularium*; aut *felicum*, *atrocium*, pro *felicium*, *atrocium*. Pleraque etiam adiectiva in IS Syncopen hanc omnino respuunt; nusquam enim *incolumum*, *immortale*, *tristum*, *mitum*, etc. pro *incolumum*, etc. reperies.

35) Alii volunt *ustatocystis* esse literae *i* in *u*, *alittum*, *coelittum*, pro *alitim*, *coelitim*; alii vero ab antiquis ablativis quartae, *alitu*, *coelitu*, manasse.

36) Antiquioribus Latinis dativus et ablativus plur., in *ibus* desinebat; ut, *navebos*, *bovebos*.

37) *Subus* etiam pro *subibus* declinat Lucret. VI. 974 et 977.

38) Sic *aromatis* Colum. XII. 25. Apul. Met. III. p. 87. et XI. p. 379. et Florid. §. 19. p. 819. *analemmatis* Vitruv. IX. 8 et 9. *aenigmatibus* Varro ap. Charis. p. 98. *carcinomatibus* Plin. XXVIII. 4. §. 10. *cataplasmatis* Celsus IV. 4. §. 2 et 3. IV. 5. 22 et 23. et VII. 26. §. 5. *condylomatibus* Plin. XXIII. 6. XXVII. 4. et XXVIII. 15, etc. *emblematis* Cicero Verr. IV. 17 et 22. *epigrammatis* Id. ad Attic. I. 16. sub fin. *glaucomatis* Plin. XXIX. 6. §. 33. *hypomnematis* Cic. Fam. XVI. 21. extr. *malagmatis* Cels. V. 21. init. et Plin. XXIV. 11. §. 53. XXXI. 6. §. 33. et XXXV. 6. §. 12. et 15, §. 50. *poëmatibus* Varro et Florus ap. Charis. col. 113 et 114. Cicero in Orator. ap. eund. ibid. et ad Herren. IV. 4. Gell. XVII. 21. Plaut. Asin. I. 3, 22. *peripetasmatis* Cicero ap. Priscian. col. 774. et Cledonium col. 1904. *peristomatibus* Cic. Philipp. II. 27. *sputismatis* Vitruv. VII. 4. extr. *foreumatibus* Cicero ap. Pri-

Exc. 3. Quaedam Graeca *sin*, apud Poetas, pro *dibus* vel *tibus*, accipiunt: ut, *Trousin*, *Charisin*; pro *Troadibus*, *Charitibus* <sup>40</sup>).

*Accusativus pluralis.*

65. *Es* quartus pluralis habet. Sed *ium* genitivus. Cum dedit, *eis* aut *is* patitur: sed et *as* quoque donant

Quae primi quartum numeri per *a* Graeca dederunt.

ascian. L. cit. ¶ Similiter eiusmodi nomina orum genitivo plur. licet rarius, habere inveniuntur: ut, *analemmatorum* Vitruv. IX. 4. init. et IX. 7. *ceromatorum*, *diadematorum*, *diplomatorum*, ap. Charis. col. 28. *pbematorum* Cicero, Varro, Laelius et Accius, ap. eund. col. 114. *glossematorum* Festus in voc. *naucum*; *paraepematorum* Vitruv. IX. 7. extr. *toreumatorum* ap. Charis. col. 38 et 114. V. Voss. Anal. II. 15. et Dausq. p. 105 et 108. ¶ Antiquiores et his in prima sunt usi: ut, *diademam*, *dogmam*, *syrram*, *schemam*, *glaucomam*; cum *servilli* *schema* Plaut. Amph. Prol. 117, etc. Et ita etiam loquutus Sueton. Tib. 43. *imperiae schemae*. Vid. Priscian. col. 679. Voss. Anal. II. 16. Carmich. Etym. p. 16.

39) Invenimus etiam *lacunariis* Vitruv. V. 2. princ. et VI. 5. extr. et *exemplariis* Ulpian. L. 10. ff. testam. quemadm. aper. pro *lacunariis*, *exemplaribus*, ab inusitatis nominativis *lacunarium*, *exemplarium*. \* An autem *Quinquatriis* recte dicatur pro *Quinquatribus* merito dubitat Johnsonus App. p. 89. In quibusdam quidem codd. Cic. Fam. II. 12. init. et ad Attic. IX. 13. init. et Suet. Aug. 71. *Quinquatriis* legitur: sed meliores libri et Interpretes *Quinquatrus* praeferunt. Quatuor huius vocis nominativos memorant Grammatici; *Quinquatrus* masc. Charis. col. 20. *Quinquatrus* fem. id col. 61. Varro L. L. V. 3. Festus in voc. et in *Minusculae*; quo etiam (praeter Cic. et Suet. loc. cit.) Ovid. Fast. VI. 651 et 694. Gell. II. 21. Plin. XVIII. 24. XIX. 5. et XXXV. 11. Liv. XXVI. 27. Tacit. XIV. 12, 1. utuntur: *Quinquatriae* itidem masc. Diomedes, col. 315. [nisi et illic *Quinquatres* legendum] et *Quinquatriis* neut. Priscian. col. 744. Ex his primum et tertium reiciunt Vossius Anal. I. 42. et II. 15. et Johnsonus d. loc. et quartum etiam Charisius col. 61. et Victorius ad Cic. Fam. II. 12. et Dansquius, Vol. II. p. 261. Sed male: *Quinquatria* enim habet Suet. Domit. 4. et Ovid. Am. I. 8, 65. [licet de hoc non conveniat inter Interpretes] et veteres glossae; notante Vossio. Caeterum a *Quinquatrus* est genitivus *Quinquatrum* ap. eund. Suet. Ner. 34. et Tacit. Anal. XIV. 4. 1. et ab eodem (potius quam *Quinquatria*), dat. et ablat. *Quinquatribus* ap. Cic. Fam. XII. 25. et ad Attic. IX. 11. Plaut. Mil. III. 1, 98. Liv. XLIV. 20. Morat. Epist. II. 2, 197. Iuven. X. 115. et Colum. XI. 3.

40) Sic Troas. Heroid. XIII. 137. *Troasin* invideo. Id. Trist. V. 5, 43. *Edidit haec mores illis heroisin aequos*. Propert. I. 20, 12, 32 et 34. *Non minor Ausoniis est amor ah Dryasin. Ah dolor ibat Hylas, Ah! Hamadryasin. Grata domus Nymphis humida Thyniasin*. Id. IV. I. 75. *Aversis Charisin rantas*. Et quia hic dativus Graecis exit in *ai*, additurque *y* sequente vocali; ideo et Latini *a* contra, sequente conso-

Accusativus pluralis terminatur in *es*: ut, *panes*.

Exc. 1. Quorum genitivus pluralis exit in *um*, ea etiam in accusativo *is* vel *is* admittunt: ut, *pars*, *partium*, accus. *partes*, *parteis* vel *partis*; *omnis*, *omnium*, accus. *omnes*, *omneis* vel *omnis* <sup>41)</sup>.

Exc. 2. Quando accusativus singularis in *a* desinit, accusativus pluralis in *as* etiam desinere potest: ut, *lampas*, *lampadem* vel *lampada*; *lampades* vel *lampadas* <sup>42)</sup>. Sic *Tros*, *Troas*; *heros*, *heroas*; *Aethiops*, *Aethiopas*, etc. <sup>43)</sup>.

#### Quarta Declinatio.

66. Quarta dat US; dat et U numero vix flexile primo.

Quarta declinatio duas habet nominativi singularis terminationes, US et U: ut, *exercitus*, *genu*. Sed U in singulari vix declinatur <sup>44)</sup>.

nante, quandoque omittunt: ut, Ovid. Art. III. 672. *Lemniasi gladios in mea fata dabo*. Qui autem prosa scripsere, hac terminatione non utuntur, nisi cum Latina terminatio deficit. Sic Varro in Parmenone ap. Nonium, IV. 377. *In argumentis Caecilius poscit palmam, in ethaeis Terentius, in sermonibus Plautus*. Eundem tamen pro *schematis*, *schemasin* dixisse, notat Plinius ap. Charis. col. 38. Confer Voss. Anal. II. 15. sub fin.

41) Quae nomina in accusativo *is* vel *eis* admittant, quatuor canonibus complexus est Priscianus, lib. VII. col. 774. cui commentarii vice adiungas licet Vossium Anal. II. 16. Qui tamen existimat, *nec in illis aolis quae Priscianus suis regulis comprehendit; nec iis semper, eis vel is sonare: sed veteres attendisse soni iucunditatem, proque eo, es, eis vel is dixisse*: quae et mens est Valerii Probi ap. Gell. XIII. 20. \* *Tralleis, Surdeis, Alpeis, Gadeis et Syrteis*; vel *Trallis*, etc. tam nominativo quam accusativo quidam scribendum volunt. Secus tamen id factum, et in optimae notae editionibus, mihi haud raro deprehensum: veluti *Tralles*, Liv. XXXVIII. 39. (quomodo etiam in vett. codd. XXXVII. 59. invenit Sigonius) et Cic. contr. Rull. II. 15. *Alpes* Liv. XXI. 25, 29, 30 et 31. *Gades* Id. XXVI. 43. et XXVIII. 2. fin. \* Alii denique, itaque in literis maximi nominis viri, non ea solum, sed quaecunque genitivo plur. *um* sunt nacta, Augustaeo, i. e. optimo Latinae linguae seculo, per *is* contendunt, non *es* scribi consuevisse; ad quam scilicet consuetudinem Heinsius Virgilium, Bentleius Horatium, alii alios a se editos Auctores conformandos censuerunt. [Vide Schneideri Gr. Lat. Tom. II. P. I. p. 269. sq.]

42) Nec apud Poetas solum, sed prosae etiam Scriptores invenitur haec terminatio: id quod pluribus exemplis ostendunt Vossius Anal. II. 16, et Johnsonus App. p. 112. In epistolis tamen et orationibus praefertur (ut Vossius notat) terminatio Latina.

43) Reperitur etiam et accusativus *Erinnyas*, contractus ex *Erinnyas* vel *Erinnyes*, ap. Senec. in Oedipo, v. 644. *Et mecum Erinnyas pronubas thalami traham*: nisi potius, cum antiquissimo MSto Florentino

67. *Us* genitivus habet. Per *uis* flexere vetusti.

Genitivus desinit in *us*: ut, *exercitus*.

Exc. Apud priscos Scriptores genitivus exhibat in *uis* <sup>45)</sup>: ut, *anus*, *anuis* <sup>46)</sup>.

*Erinnyn pronubam*, et v. seq. sonantem (ut Gronovius monet) sit legendum.

44) Invenitur quidem *cornus* in genitivo: ut, ap. Lucan. VII. 217, *Cornus tibi cura sinistri, Lentule*. Sic ap. Celsum, VI. 6. §. 16. *cornus cervini combusti et eloti*, et ap. Curtium IV. 13, 28. *Haec dextri cornus facies erat*, legunt et defendunt, hinc Stewechius ad Veget. III. 20. illino Vossius Anal. II. 17. Quanquam in plerisque, ac melioribus, *cornu* utrobique editum sit. Apud Plinium vero res magis aperta: is enim VIII. 20. *rhinoceros unius in nare cornus*: XIII. 25. *bubuli cornus*: XXVIII. 9, 11, 16. *cornus cervini*: XXVIII. 11. *caprini cornus*: et XIII. 25. extr. *durari cornus modo*; nec *cornu* hocce in casu uspiam utitur. *Cornui* etiam in dativo aliquos dixisse notat post Mart. Capellam Vossius: ad quorum imitationem in quibusdam editionibus Buchananii nostri, Hist. Scot. lib. XIII. *Dextro cornui praeerat*, invenimus. An autem hoc a nominativo *cornu*, an ab antiquo *cornus* sit deductum, haud prorsus inter Grammaticos convenit. Posterior tueretur Vossius, l. c. et ante eum Priscianus, col. 685. quorum sententiae haud leve firmamentum est, quod vocem masculino proferat Cicero Nat. Deor. II. 59. extr. *Nares [similes esse] cornibus iis, qui ad nervos resonant in cantibus*; et (uti legendum contendit Stewech.) Veget. de re milit. III. 20. *Si adversarius infirmiore dextrum cornum habuerit, et tu longe fortiore sinistram; similique modo alvus et alvu, tonitrus et tonitru, genus et genu, etc. antiqui dixerint*. Verum cum Plinius nominativo *cornu*, genitivo autem (quod modo notavimus) *cornus* perpetuo utatur; non absurdum est creditum, cum saltem auctorem hoc ab illo declinare voluisse: cui rei hoc praecipuum indicium accedit, quod in eadem periocha iunctim inveniamus, XXXVII. 10. *Haemonia cornu inter sacratissimas Aethiopiae gemmas, aureo colore; arietini cornus effigiem reddens*. Perperam vero Danesiuss, p. 60. Plinium quoque nominativo plurali *cornus* usurpasse existimat, ex illo XXVIII. 11. init. *Ad hanc et cornus cervini e vino*. Nam, quod ille omisit, omnibus fere libris vox [*cinis*] hic genitivi singularis esse ostendit.

45) Quartam declinationem ex tertia ortam, ac eius anomalam esse, Vossius, Ursinus aliique ostenderunt. Olim enim *fructus* eodem quo *grus*, *gruis*, modo inflectebant, hoc pacto: *Fructus, fructuis, fructui, fructuem, fructus, fructue: Fructues, fructuum, fructuibus, fructues, fructues, fructuibus*. In quibus, praeter vocativum sing. dativus sing. et genitivus plur. integri manserunt: genitivus et ablativus (interdum et dativus) sing. nominativus, accus. et vocat. plur. per Crasin, accusativus sing. dativus et ablat. plur. per Syncopen sunt immutati. Vossii autem opinionem, ablativum et quandoque dativum, per Apocopen literae *e* vel *i* decurtatam existimantis, ex eo refellit Ursinus, quod in his literae *u* modulus ex correpto in productum mutetur; quam mutationem non Apocope sed crasis efficere solet.

46) Sic Terent. Heaut. II. 3, 46. *Eius anuis causa*: eodemque ritu *domuis, fluctuis, fructuis, graduus, partuis, quæstuis, rituis, senatuis, victuis*, veteres dixisse notant Dausquius, Vol. 1. p. 97. et Voss. Anal. II. 17. et ante eos Gellius, IV. 16. Nonius, c. VIII. et Priscianus, col.

68. Tertius optat *ui*: quandoque per *u* quoque lectus.

Dativus fit in *ui*: ut, *exercitui*.

Exc. Interdum etiam in *u* invenitur: ut, *metus*, *metu*, pro *metui*, apud Virgilium; *vestitus*, *vestitu*, pro *vestitui*, apud Terentium<sup>47)</sup>.

69. *Um* retinet quartus. Fit sextus in *u* tibi casus.

*Um* quarto, reliquis *u* casibus optat Iesus.

Accusativus exit in *um*, ablativus in *u*: ut, *exercitum*, *exercitu*.

¶ Iesus, venerandum Salvatoris nostri nomen, accusativo casu Iesum, reliquis omnibus Iesu habet.

70. Primus pluralis cum quarto semper in *us* fit.

Dat genitivus *uum*. Per *ibus* tibi tertius exit.

*Partus ubus*, *specus*, *artus*, *acus*, dant, et *lacus*,  
*arcus*,

Atque *tribus*: sed utrumque *genu*, *portusque*,  
*veruque*.

778. \* *Domos* vero genitivo sing. pro *domus*, Augustum Caesarem constanter usum tradit Suetonius, Aug. c. 87. \* *Domus* quoque pro *domuis* ex antiqua inscriptione profert Dausq. loc. cit. ¶ Inveniuntur et quartae nomina apud priscos in secunda declinata; ut, *adspecti*, *adventi*, *aesti*, *arci*, *exerciti*, *flucti*, *fructi*, *gemiti*, *icti*, *lucti*, *ornati*, *parti*, *piscati*, *porti*, *questi*, *salti*, *senati*, [Cicer. in Caecil. 5, 19. ad Div. V. 2.] *sonati*, *sumpti*, *tumulti*, *versi*, *victi*. V. Priscian. col. 712. Nonium, cap. VIII. Dausq. et Voss. loc. cit. et interdum nomina secundae in quarta: ut, *lectus* pro *lecti*, ap. Plaut. Amph. I. 8, 15. *cibus* pro *cibi*, Id. Capt. IV. 2, 46. [ita docet Priscian. loc. modo laudato, quanquam aliter Gronovio visum]; *humu* pro *hume*, Varro ap. Non. VIII. 86. *vulgu* et *vulgu*, pro *vulgi*, *vulgo*, ap. Charis. col. 119. *sonu* pro *sono*, Sisenna ap. Non. VIII. 67. *somnu* pro *somno*, Varr. R. R. I. 2. [confirmante ex optimis MStis P. Victorio] *succus* pro *succi*, Apul. Met. IX. p. 300, et *succum* pro *succorum*, Met. X. p. 329. *susuru* pro *susurro*, Id. Florid. XVII. p. 303. *pannibus* pro *pannis*, Ennius ap. Charis. col. 40. et Pomponius ap. Non. VIII. 42. [Confer Voss. Anal. II. 20. Dausq. p. 96 et 97. et Priscian. col. 711 et 712.] Ut mittam ambiguae declinationis vocabula, *cornus*, *colus*, *domus*, *fustus*, *ficus*, *laurus*, *pinus*: de quibus in reg. ult. cap. 8.

47) Virg. Aen. I. 261. Terent. Adel. I. 1, 38. Sic *adspectu* Virg. Aen. VI. 465. *arcu* Sil. IV. 18. *concubitu* Virg. Geo. IV. 193. *manu* Propert. I. 11, 12. et II. 1, 63. *victu* Ibid. 158. *usu* Lucret. III. 984. *visu* Id. V. 102, pro *aspectui*, *arcul*, etc. Neque id solum Poetae (quod Priscianus, col. 778. existimavit) sibi permittunt, sed etiam alii. Sic *impetu* Plancus ap. Cicer. Fam. X. 24. *usu* ipse Cic. Fam. XIII. 71, extr. *Luxu* Sallust. Ing. 6. Tac. Anal. III. 34, 8. et Hist. II. 71, 2. *cruciatu* Id. Anal. XV. 59, 3. *exercitu* Varro L. L. IV. 14. Sic *domi-*

Nominativus pluralis, cui vocativus est similis, itemque accusativus, desinunt in *us*, genitivus in *uum*, dativus et ablativus in *ibus*: ut, *exercitus, exercituum, exercitibus, exercitus, exercitus, exercitibus*.

Exc. Quaedam *ubus* in dativo et ablativo habent: *partus, specus, artus, acus*<sup>48</sup>), *lacus, arcus, tribus*<sup>49</sup>), *partubus, specubus, etc.*

¶ *Portus, portibus et portubus; genu, genibus et genubus; veru, veribus et verubus, habere inveniuntur*<sup>50</sup>).

*natu et ornatu ex Caesaris libris profert Gellius, IV. 16, nec aliter eum in Commentariis Belli Gallici et Civilis loqui Vossius testatur, quem fuso de talibus disserentem vide Anal. II. 18. Confer et Nonium VIII. 15. Stewech. ad Veget. I. 9. Erythraeum in Ind. Virgil. vocat. concubitu, victu et venatu: et Ios. Wasse in Ind. Sallust. voc. luxu.*

48) Negant Alvarus, Methodi auctor et Ursinus, *acubus* uspiam reperiri: sed falluntur, ter enim unoque in loco illud occurrit ap. Celsum, VII. 16. \* Addit Despauterius et alii *ficubus, quercubus, a ficus, quercus*: sed desideratur auctoritas: neque tamen *quercibus* dixerim aut *ficibus*: quin potius prioris dativo prorsus abstinebo; posterioris loco *ficis* utar, sive de arbore, sive de fructu sit sermo. Buchananus tamen Eleg. III. 98. *Nam neque Partheniis nunc quercubus editur Arcas.* \* A *questus, quastibus*; a *questus, questubus* tantum dicendum Valla praecipit, Eleg. III. 12. Sed posterius in veteribus libris non observatur, in quibus (teste Vossio) *questibus* legitur. \* In *arcubus, artubus, partubus*, volunt Grammatici veteres nonnulli, (Diomedes, col. 285, Priscianus, col. 779, Rhem. Palaemon, col. 1371, et Sergius, col. 1346.) a differentiae causa servatum, ad discrimen dativorum et ablativorum pluralium ab *arx, ars, pars*. In reliquis pinguiorem et meliorem sonum quaesitum vult Servius ad Virg. Geo. III. 376. Vetustiores tamen hoc discrimen neglexisse loco Velii Longi et Terent. Scauri probat Vossius Anal. II. 18. Eademque sententia est Ob. Gifanii, qui *artibus* ubique ap. Lucretium, non *artubus*, edendum curavit. V. eum in Ind. voc. *artibus, Partubus* tamen ap. Horat, Epod. V. 5. consentientibus libris, habetur.

49) *Pecubus* quoque a *pecu* (i. e. *pecus*) utitur Lucret. VI. 1130: aliis autem casibus, *pecu* Plaut. Bacch. V. 2, 5 et 20. et Rud. IV. 3, 5. *pecua* Id. Merc. III. 1, 11. Liv. V. 48. XXVI. 34. XXXV. 21. et Solin. c. XXV. *pecuum* Cato ap. Festum in voc. et Hostilius ap. Priscian. col. 719. Confer et Nonium, II. 691. qui *pecuda* etiam antiquos notat dixisse.

50) *Portubus* per *u* declinat Charisius, col. 40: et ita habet Ovid. Heroid. XVI. 125. Met. XIII. 710. et Trist. III. 2, 11: nec aliter MSS. codicibus Caesaris III. de B. Civ. exaratum Vossius testatur; *quanquam nunc, inquit, portubus, nunc portibus editum videas*. In optimis autem Io. Davisii et Sam. Clarkii editionibus *portubus* ubique toto belli tum Gallici tum civilis opere retinetur: nec aliter ap. Hirtium Bell. Afric. c. 98, extr. omnes a me lustrati codices exhibent. *Portibus* tamen Petron. c. 101. et Florus III. 7. utuntur. *Portibus* etiam ap. Cicer. pro Flacco 12, ex melioribus MSS. ipso testante, edidit Gruterus: quamvis *portubus* ap. eund. Verr. IV. 53, et pro leg. Manil. 6. tam Gruteri quam aliorum exemplaria ostendant. \* *Genibus* per *i* apud Maronem

## Quinta Declinatio.

71. Rectus in ES quintae. Geminus mox casus in *ei*  
Prodit: at *i* fini vates quandoque recidit:

Quartus in *em*, sextus fit in *e*: numeroque secundo

*Es* primus, quartusque petunt: dat patrius *erum*,  
Auctores quibus annuerint, et tertius *ebus*.

Quinta Declinatio unicam habet nominativi singularis terminationem, nempe ES: ut, *res*<sup>51)</sup>.

Genitivus et dativus singularis desinunt in *ei*, accusativus in *em*, ablativus in *e*: pluraliter, nominativus, accusativus et vocativus in *es*, genitivus in *erum*, dativus et ablativus in *ebus*: ut, *res, rei, rei, rem, res, re: res, rerum, rebus, res, res, rebus*.

† Poetae interdum *i* a genitivo, rarius a dativo abiciunt: ut, *fide*, pro *fidei*<sup>52)</sup>.

et Horatium (addere poterat Ciceronem, Livium, Tacitum, Val. Flaccum, Statium et alios) constanter scriptum Vossius docet, et id maluisse Plinium, Charisium, et Mart. Capellam. *Genubus* tamen per u ex Senecae Hippol. v. 667. idem adfert: quibus adiungit Iohnsonus ex eod. auctore Thyest. v. 434 et 521. et Phoeniss. v. 806. Quod autem ex Ovid. Heroid. IV. 153. similiter scriptum Vossius adducit, in melioribus *genibus* reperio. \* *Veribus*, an *verubus*, scribi debeat, nec Grammatici, nec MSti veteres (ut Vossio observatum) consentiunt. *Veribus* probat Plinius ap. Charis. col. 112. ac invenitur haud raro in libris vet. item in inscriptione antiqua a Pierio adducta in illud Virg. Aen. I. 212. *Pars in frusta secant, veribusque tremantia figunt*: ita enim ei illic, ut et Aen. V. 103, legitur. Sed *verubus* per u maluit Rhemn. Palaemon, col. 1371: quod et Ovid. Met. VI. 646. Fast. II. 363 et 373. Propert. III. 10, 29. Iuven. XV. 32. Claudian. XX. 448. habent: nec aliter plerique omnes Virgilii codices Geo. II. 396. Apud Val. Flaccum variant libri: nam I. 254, *veribus* in antiquis exemplaribus reperit ediditque Laur. Balbus, eumque secuti Heinsius et Burmannus; qui tamen VII. 254, *verubus* expressere. Contra Alardus hic *veribus*, illic *verubus* reposuit.

51) Quinta etiam declinatio e tertia videtur fluxisse, a qua etiamnum non multum recessit. Ad hunc autem modum veteres istiusmodi nomina inflexisse haud ineptum est existimare: *Dies, dieis, diei, dieem, dies, diee: Diees, dieum, dieibus, diees, dieibus*.

52) Sic Ovid. Met. III. 341, *Prima fide vocisque ratae tentamina sumpsit*: Et Met. VI. 506, *Fide pignus*: Et Virg. Geo. I. 208, *Libra die somnique pares ubi fecerit horas*: Pro *fidei, diei*, in genitivo. Sic Lucil. ap. Gell. IX. 14, *Primum facie quod honestas accedit*: Horat. Sat. I. 3, 95, *Prodideris commissa fide*: Plaut. Amph. I. 1, 120, *Neque nox quoquam concedit die*: Pro *faciei, fidei, diei*, in dativo. Neque Poetae solum, sed Historici et alii sic locuti: ut Sallust. Iug. 56, *Et*



¶ Haec declinatio paucis vocabulis, iisque mere Latinis, constat: quorum pleraque toto plurali, omnia fere (praeter *res* et *dies*) genitivo, dativo et ablativo carent<sup>53</sup>).

### C A P. III.

#### *De Irregulari Nominum Declinatione.*

Triplex est nominum irregularium differentia: alia enim *variant*, alia *deficiunt*, alia *abundant*.

I. Variantia sunt, quae ab uno genere, unave declinatione in aliam transeunt.

II. Defectiva sunt, quae casu, numero, aliove accidente deficient.

III. Abundantia sunt, quae in eadem significatione multifariam efferuntur.

#### I. Variantia.

Variat nomen tribus modis, 1. Variat genus: ut, *hoc coelum*, *hi coeli*. quod Heterogeneum nominatur. 2. Variat declinationem: ut, *hoc vas*, *vasis*: *haec vasa*, *vasorum*: quod Heteroclitum<sup>1)</sup> dicitur. 3. Variat ge-

*iam die vesper erat*: Id. ibid. 102. *Vix decima parte die reliqua*. Sic *acie pars*, et *requie mora*, ex eodem adfert Priscianus, col. 781. C. quoque Caesarem in lib. de Anal. II. *huius die*, et *huius specie* dicendum putasse tradit Gell. loc. cit. [Cfr. Oudendorp, ad Bell. Gall. II, 23. in. collat. Schneideri Gr. Lat. Tom. II. P. 1. p. 356. sqq.] ¶ Quin duas alias genitivi quintae terminationes veteribus in usu fuisse, auctor est dict. loc. idem Gellius. 1. *li*: ut *pernicii* ap. Ciceronem pro S. Roscio 45. *dii* ap. Virg. Aen. I. 636. *progenii*, *luxurii*, *acii*, *specii*, ap. Pacuvium, C. Gracchum et Cn. Matium [Cfr. Gellii N. A. IX. 14. ibiq. intt.] 2. *Es*: ut ap. Cic. pro Sextio 12, *Equites Romanos daturos illius dies poenas*: ap. Q. Claud. *magnitudinem facies*: ap. Enn. Annal. 16, *Postremae dies aetas*. Sic *perniciis causa* ex Cicer. Charisius, col. 52; et *rabies unde illae germina surgunt*, ex Lucret. IV. 1077. Gifanius in Indic. observant. Similiter et ap. Plaut. Pers. II. 2, 62, *Neque tippulae levius pondus est, quam fides lenoniae*, Lambinus et Dousa volunt legendum. Confer de his Voss. Anal. II. 19. Priscian. col. 78. Nonium, VIII. 24 et 51. ¶ Genitivos quorundam plurales a veteribus per *eum*, non per *erum*, prolato referunt Charisius, col. 18, et Diomedes, col. 281: ut, *specieum*, *materieum*, *luxurieum*, pro *sperierum* etc. Neque hi per Syncopen facti, sed veri horum nominum genitivi, cum adhuc tertiae essent, fuisse videntur.

53) Vid. de his cap. III. reg. 13 et 17.

1) Alii latiore sensu omnia nomina irregularia Heteroclitia appellant.

nus et declinationem: ut, *hoc epulum, hae epulae*: quod Mixtum vocari potest<sup>2</sup>).

### §. 1. De Heterogeneis.

Nomina Heterogenea (sub quibus et *Mixta* comprehenduntur) sunt sextuplicia.

#### 1. In singulari masculina, in plurali neutra.

1. Masculeum primo numero; neutrale secundo,  
*Dindymus* accipiet genus, et *Pangaeus, Avernus;*  
*Taenarus* adiungi, foecundaque *Massica* vino,  
*Maenala, Taygetus, et Tartarus, Ismarus* optant.

In singulari masculina, in plurali neutra sunt haec nomina: hic *Dindymus, haec Dindyma*<sup>3</sup>). Sic *Pangaeus, Avernus, Taenarus*<sup>4</sup>), *Massicus, Maenalus, Taygetus, Tartarus, Ismarus*<sup>5</sup>),

2) Addit Despauterius duos alios *variandi* modos. 1. Cum nomen variat, sive irregulariter format obliquos: ut, *Iupiter, Iovis*. 2. Cum contra aliorum morem obliquos casus finit: ut, *ambo, duo*. De utrisque in superiore cap. dictum. Caeterum prioris generis nomina inter deficientia potius censenda sunt: *Iupiter* enim obliquos suos amisit; *Iovis* autem, *Iovi*, etc. fluxere ab antiquo nominativo *Iovis*. Vid. supra cap. II. reg. 29. n. 94. Sic, *itineris, supellectilis, Anienis*, etc. olim in nominativo habebant *itiner, supellectilis, Anien*. Sic *vires* plurale ab obsoleto singulari *viris, viris*, ductum videtur. Contra ab usitato *vis, Lucretius* II. 586, et *Sallustius* 3. *Histor. ap. Priscian. col. 707, vis* sive *vis* in plurali declinarunt. Quin porro, si vera loqui velimus, omnia haec *Variantia* ad *Defectiva* possunt aut *Abundantia* referri. *Dindyma* enim, *Massica*, et similia, ab antiquis rectis singularibus sunt, *Dindymum, Massicum; loca, ioca, a locum, iocum; epulae, vasa, ab epula, vasum*, etc.

3) Haec nomina proprie adiectiva esse Vossius opinatur, atque in *Dindymus, Pangaeus*, etc. intelligi *mons*; in *Dindyma, Pangaea, ὄρη* (alii volunt, *iuga* aut *cacumina*;) in *Dindymum* vel *Δινδύμων, ὄρος*. Sic *μέγα Δινδύμων* est apud Apollonium; *Ταίναρον ἀγορήσιον τῆς Λακωνικῆς*, apud Suidam. In *Averna* autem et *Tartara*, loca subaudiri videtur.

4) Negat Alvarus *Taenara* ap. Classicos inveniri: Vossius etiam de vit. serm. I. 16, *Massica* pluraliter vix adhibendum putat. At hoc Virgilii est, *Aen. VII. 726*; illud Statii *Theb. II. 82*, et *Senec. Troad. 404*.

5) Addunt alii, *infernus, supparus, sensus, actus, eventus, effectus, Gargarus, Garganus*, plurali *inferna, suppara, sensa*, etc. At 1. *Infernus* plane adiectivum est, omnium generum utroque in numero capax: pluraliter autem loca quandoque intelligitur. 2. *Supparus* et *supparum* in singulari dici testis est Priscianus, col. 658. 3. *Sensum* quidem in nominativo sing. vix nunc reperias: sed quoniam alia significatione *sensa* quam *sensus*, proprie saltem loquentibus, dicuntur, meliore forte iure ad neutra tantum pluralia *sensa* retuleris. 4. Idem fere de *actus* censendum. 5. *Effecta* autem et *eventa* nominativi plurales clare

2. *In singulari masculina in plurali masculina et neutra.*

2. Anteriore mares numero, iunxere viriles

At fines *iocus* atque *locus* pluralia neutris.

Haec duo in singulari sunt masculina, in plurali masculina et neutra: *iocus*, *ioci* et *ioca*; *locus*, *loci* et *loca*<sup>6)</sup>, <sup>7)</sup>.

3. *In singulari feminina, in plurali neutra.*

3. Singula feminineum capiunt, pluralia neutrum,  
*Carbasus*, Argolico deletaque *Pergamus* igni.

In singulari feminina, in plurali neutra sunt: *carbasus*, *carbasa*<sup>8)</sup>; *Pergamus*; *Pergama*<sup>9)</sup>, <sup>10)</sup>.

sunt a neutris singularibus in UM, *effectum*, *eventum*; ut Vossius docet, Anal. I. 37. 6. *Gargara* pluraliter, *Garganus* singulariter tantum dicuntur; ideoque deficientibus adnumeranda.

6) *Loca* in significatione vulgari frequentius quidem dicitur; nonnunquam tamen (et saepius quam quidam existimavere) *loci*; uti non ex Virgilio tantum, sed et Plauto, Sallustio, Silio, Paterculo, ostendit accuratissimus Iohnsonus, Appar. p. 117. De sedibus argumentorum Dialecticis et Rhetoricis *loci* tantum dicuntur.

7) Despanterius et alii his adiungunt *cetus* et *sibilus*; plur. *ceti* et *cete*; *sibili* et *sibila*. At *cete* non a *cetus* venit, sed a Graeco *κῆτος*, *κῆτεος*, plur. *κῆτες*, contracte *κῆτη*. Nec in singulari *sibilus* modo, sed etiam *sibulum* dici, vocemque naturae adiectivum esse, ac cum *sibilus* simpliciter dicitur, *sonus* vel simile quid intelligi docet Vossius loc. cit. Idem tamen *sibili*, pro *soni sibili*, pluraliter se ait nondum reperisse. At *sibili gladiatorii* ex Cic. de glori. profert Charis. col. 61. *sibilos* etiam habet Seneca Epist. 56, substantivo omisso: ut Amm. Marcellinum XXVIII. 4. et Hieronymum in lib. Iudicum praeteream.

8) *Carbasos* dixit idem Marcellinus, XXIV. 27. sequioris aetatis minimeque imitandus scriptor.

9) *Pergama*, pro arce Troiana, vel locis editoribus, *Pergamus* vero, vel *Pergamum*, de oppido Asiae (a Troia diverso) Attalicorum Regum sede patriaque Galeni, tantum dici existimat Vossius, Gram. min. p. 54. Verum Methodista Gallus ex Hesychio et Cor. Severo in Aetna. v. 18, *Pergamus* etiam numero singulari de arce Troiana dictum ostendit. Quibus addas licet illud veteris Poetae ap. Cic. Divin. I. 21, *Eum esse exitium Troiae, pestem Pergamo*. Invenitur etiam pro eadem arce *Pergamum* ap. Senec. Agam. v. 421, *Ut Pergamum omne Dorica cecidit face*: et ap. eund. Troad. v. 14, *Excisa ferro est Pergamum*: quo in loco adiectivo feminino iunctum animadvertere est. Contra Ursinus, p. 298. urbem Attali, non *Pergamum* solum, quod Bangius Vossiusque docuerant, sed *Pergamus* etiam nominatam ex Statio Sylv. I. 4, 100. et Martiale Epig. XIV. 51, monstravit, atque de eadem urbe Serenum loquentem, I. 8, *Pergama* appellasse, contra quam methodi auctor existimabat, p. 153.

10) Addunt vulgo *supellex*, *supellectilia*: at hanc vocem plurali privat Diomedes, col. 314; nec de ea auctoritatem suppetere notat post Nebrissensem et Despanterium Ursinus.

## 4. In singulari neutra, in plurali masculina.

4. Mascula plurali numero sunt, neutra priore,  
*Elysium, coelum*, quibus apte iungitur *Argos*.

In singulari neutra, in plurali masculina sunt: *hoc Elysium, hi Elysii*<sup>11)</sup>; *hoc coelum, hi coeli*<sup>12)</sup>; *hoc Argos, hi Argi*<sup>13)</sup>, <sup>14)</sup>.

11) *Elysium* dixit Virg. Aen. V. 735, et Aen. VI. 744. *Elysios* Lucan. VI. 699, et Martial. IX. 52. Est autem proprie adiectivum: nam dicitur alioqui *Elysii campi*, Virg. Geo. I. 38. Silius XIII. 552. *Colles sub Elysio*, Ovid. Amor. II. 6, 49. *In Elysia valle*, Id. Amor. III. 9, 60. *Elysias sedes*, Lucan. VI. 600, et 782. *Ab Elysio agro*, Martial. X. 101. *Elysias oras*, Sil. XIII. 631. In singulari igitur *locum* (antiquis neut. gen.) cum Methodista Gallo poteris subaudire; vel (quod potius reor) *nemus*, quod expressit Martialis, VII. 39, et XI. 6. Senec. Herc. fur. v. 744. et Troad. v. 158. et Buchananus noster Epig. II. 18.

12) Ab antiquo *coelus*, quo usus Ennius, ap. Charis. col. 55. Idem vero Charisius, col. 21: et Caesar in libb. de Anal. (referente Gellio, XIX. 8.) Charisius, col. 21: et Caesar in libb. de Anal. (referente Gellio, XIX. 8.) *coelum* plurali carere volunt. Nec eo fere numero *coeli* iam reperitur, praeterquam apud Ecclesiasticos scriptores, et, inter veteres, Lucretium, II. 1096, *Quis pariter coelos omnis convertere? supplere potis est*. Quod Vossius poeticam licentiam, nec in prosa imitandum putat, Anal. I. 41. Quidam (et in his Ursinus) ex corrupto Servii loco [ad Virg. Aen. I. 335] Ciceronem *coelos* dixisse existimant: at *coelos* ibi, non Ciceronis, sed Servii ipsius esse, ostendit idem Vossius de Vit. serm. I. 16, qui locum restituit, quemadmodum a Masvicio nuper editus est. Neque magis ad rem facit, quod e Ciceronis Orat. pro Mit. c. 30, extr. adducit Desauterius; *Nec Sol ille, neque coeli*: continuo enim subiungitur, *signorumque motus*; ut *coeli* hic non recto plurali, sed genitivo sing. sit positum. Cicero certe tantum abeat, ut in pluralivo *coeli* dixerit ut *coela* potius dicturus videatur. Ait enim Epist. Fam. IX. ult. *Ille baro te putabat quaesiturum, unum coelum esset, an innumerable*; non autem *innumerales*. *Coeli* denique, in illo Varronis L. L. IV. 3, *Loca natura, secundum antiquam divisionem, prima duo, coelum et terra, deinde particulatim utriusque multa. Coeli dicuntur loca superâ, et ea Deorum; terrae loca infera, et ea hominum*, non plurali (quod Ant. Nebrissensis volebat) sed singulari dictum videtur.

13) Plures erant eius nominis urbes: *Argi* autem pluraliter de ea tantum dici quae in Peloponneso erat, existimat Methodi auctor. In singulari vero tribus tantum casibus, nom. accus. et ablat. usurpatum reperitur.

14) \* His addit Ursinus *siser* et *siseres*, quo singulari neutro, plurali masculino Plinius est usus. Vid. supra cap. I. reg. XXV. n. 2. \* Ab aliis quaedam addiuntur. (1.) A Behourtio *hoc Colchos*, et *hi Colchi*. At quantum nequam accedere Methodi auctori, qui p. 40, *Colchos* de populo semper dici adversus Vossium contendit (contrarium enim Johnsonus, p. 28, ex Ovidii Heroid. VI. 156. et XIX. 175. [adde et XVIII. 157.] mihi monstrasse videtur;) quia tamen ea vox, sive pro urbe, sive pro regione accepta, aut plurale tantum est, et mase. generis, ut *Veni, Gabii*; vel singulare tantum et neutri (non quod volebat

5. *In singulari neutra, in plurali masculina vel neutra.*

5. *Rastrum cum freno pluraliter i vel a poscunt.*

In singulari neutra sunt, in plurali masculina vel neutra; *rastrum, rāstri et rastra*<sup>15)</sup>; *frenum, freni et frena*<sup>16)</sup>.

6. *In singulari neutra, in plurali feminina.*

6. *Delicium dat delicias, epulas epulum vult.*

*Balnea* dic vel *eas*, numero sed *eum* modo primo.

In singulari neutrius generis, in plurali feminini sunt: *delicium, deliciae*,<sup>17)</sup>; *epulum, epulae*; *balneum*, vero in plurali *balneae* et *balnea* habet<sup>18)</sup>.

Vossius Anal. I. 12, feminini,) tres similes casus solos retinens; ideo inter deficientia, non variantia, numerari debebat. (2.) Addit post Charis. col. 80. Phocam, col. 1706, et Donatum, col. 1747. *Nebrissensis, hoc porrum, hi porri*: at *porri* plurale non est a *porrum*, sed *porrus*, quo utuntur Celsus IV. 6. et Plinius XIX. 6. (3.) Alii denique memorantur, *cicer* et *ciceres*; *clathrum* et *clathri*: sed *clathrum* in singulari, aut *ciceres* in plurali necdum inventa.

15) Despauterius et alii his addidere, *Filum, claustrum, capistrum*; *fili* vel *fila*; *claustri* vel *claustra*; *capistri* vel *capistra*. At *fili, claustri, capistri*, masculina, nulla auctoritate nituntur. In illo autem Lucani, VI. 460, *Traxerunt torti magica vertigine fili*, quod a Ninivita, et ante eum a Phoca, col. 1707, hic adducitur, *fili* genitivus singularis esse videtur.

16) *Rastra*, quamvis minus usitatum sit, quam *rastri*, non tamen omnino dammandum cum Stewechio ad Vegetii, II. 25: eo enim utitur non tantum Celsus, ap. Nonium, III. 190, et Isidorus Orig. XX. 14, sed etiam Iuvenalis, XV. 166. *Rastri* autem est ab antiquo *raster*, quod exstat in glossis Philoxeni. In glossario vetere ab H. Stephano edito, itemque in Glossis Cyrilli, ntrumque *raster* et *rastrum* coniungitur, ut iam observavit Methodi auctor.

17) *Deliciae* est ab antiquo nominativo *delicia*, quo usus Plautus Truc. V. 1, 29, et Solinus, c. 58. *Epula* similiter pro *epulum* veteres dixisse auctor est Festus.

18) *Balneum*, sive *balineum* (quod immerito damnat Caper col. 2247.) utuntur Cicero Attic. II. 3, et XV. 13. Plinius, XXII. 22, §. 43. et XXXII. 10, §. 38, etc. et Tacitus, Annal. XIV. 64, 3, et XV. 64, 5, etc. In plurali autem *balneae* sen *balineae* frequentius est: nec aliter sua aetate loquutus docet Varro, L. L. VII. 25, et VIII. 41. *Balnea* tamen auctores habet inter alios, Liv. XXIII. 18. Cels. I. 6. Horat. Epist. I. 1, 92. Ibid. 11, 13, et 14, 15. et Att. 293. Iuven. I. 143. et VI. 374. et Plin. iun. Epist. II. 8. *Balneas* autem vel *balnea*, de publicis dici; *balneum* de privato, ex Varrone ostendit Vossius, Anal. I. 37.

## §. 2. De Heteroclitis.

7. *Vas vasis* terni flexus, plurale secundi est.

*Iugerum* at inverso ritu variato, reservans

*Iugeris* ex numero praeunte et *iugere* solum.

Partim sit quarta, partim *domus* esto secunda.

Declinatione variant nomina haec sequentia:

1. *Vas, vasis*, in singulari est tertiae declinationis, in plurali *vasa, vasorum*, secundae<sup>19</sup>).

2. *Iugerum* contra, *iugeri*, in singulari secundae declinationis, plurali vero tertiae, *iugera, iugerum, iugeribus*<sup>20</sup>). interdum etiam *iugeris* in genitivo, et *iugere* in ablativo singulari legitur<sup>21</sup>).

3. *Domus*, partim secundae, partim quarte declinationis est: quos autem ex hac vel illa casus habeat, alias in Rudimentis ostendimus<sup>22</sup>).

19) *Vasa* est a singulari *vasum*, quo Cato ap. Gell. XIII. 23. Plaut. Truc. I. 1, 33. et Fab. Pictor ap. Non. XV. 11, sunt usi: *vasi* etiam in genitivo Lucret. VI. 252, — *Rurtesfacit lateramina vasi*: ita enim ex vet. lib. Gifannius legit, et ante eum Mart. Capella lib. 3, quo in loco ambigi a quibusdam ait, an *vas* an *vasum* dici debeat. *Vasum* contra in genitivo plurali declinat Charisius, col. 119. *Vasibus* quoque pro *vasis* ap. Severum in Aetn. v. 488. [Quod si forte *cavis cunctatus vasibus haesit*] legebant Ios. Scaliger et Vossius: pro quo tamen *vallibus*, et rectius, lo. Clericus substituit.

20) *Iugeris* genit. sing. dictum, vulgo Grammatici confirmant illo Melae de flumine Araxe loquentis, III. 5. *Plus iugeris spatia sublimis*: et ita quidem exhibent pleraque omnes editiones, praeterquam quod in Is. Vossii, A. 1658, et recentissima Ab. Gronovii, A. 1722, *iugeri*, sive consilio, sive errore, excusum sit. *Iugere* in ablativo habent meliores codices Tibulli II. 6, 24. et Cic. in Verr. III. 47. Ad quae loca videas hinc Graevius, illinc Bröckhusium. Est autem, iuxta Charisium, col. 108, ab antiquo nominativo *iuger*, vel, ut vult Priscianus, col. 742, *iugus*. Caeterum *iugerum* in sing. dixere Varro, L. L. IV. 4, et R. R. I. 10. Cic. Verr. III. 48. Plin. XVI. 31, et XVIII. 3. Colum. I. 9, etc. *iugeri* Varr. I. cit. Colum. V. 1 et 2. Plin. II. 106, et XVII. 20. *iugero* Cic. Verr. III. 47. Plin. XIII. 24, et XVIII. 26. *Iugeribus* autem Iuven. II. 130, et IX. 60. Ovid. Met. IV. 457, et in Ibin, 181. Plin. XIV. 4, et XVII. 20. Martial. VI. 43: item Varro R. R. I. 18, et aliis locis, quamvis idem copte numero I. 10. *iugeris* bis utatur: quod et ab Atteio et Catone, referente Charisio, col. 108, factum. *Iugerum* denique genit. plur. quo Varro, Cicero, alique quod sciam omnes, utuntur, non tertiae, sed secundae esse, atque pro *iugerorum* per Syncope positum, ut *modium, medimnum*, pro *modiorum*, etc. docet Priscianus, col. 742, in cuius sententiam concessere P. Ramus Schol. Gram. p. 170; et Carmichael noster Etym. p. 30.

21) Huc etiam, sive inter Variantia, numerari solent, quae aliunde casus suos mutuuntur: ut, *Iupiter, iecur, iter, vis*, etc. item nomina *Festorum* et in MA, etc. de quibus superius diximus.

II. *Defectiva.*

*Defectiva* sunt quadruplicia: alia enim *Declinatione*, alia *casu*, alia *genere*, alia denique *numero* deficiunt.

§. 1. *Deficientia Declinatione.*

*Deficientia Declinatione* (quae aliter *Indeclinabilia* vocantur) ea sunt, quae unam omnibus in casibus vocem retinent<sup>23</sup>). Ea autem duabus regulis sequentibus comprehenduntur.

## 8. Nomen in U raro numero variabo priore:

Pleraque in I nusquam: positum pro nomine verbum,

Aut alias partes, elementaque, materiales

Adde etiam voces; peregrinaque nomina, formam

Ni Latiam inducrint: numerum queis denique iunge

Cardineum: *duo*, *tres*, *unus*, compostaque *centum*

Hoc tamen ex coetu cupiunt, et *millia*, tolli.

Indeclinabilia, sive casibus invariata, sunt haec:

1. Omnia fere nomina in U, in singulari ut, *genu*<sup>24</sup>).

2. Pleraque nomina in I, utroque numero<sup>25</sup>): ut, *gummi*<sup>26</sup>), <sup>27</sup>).

23) Vid. et infra huius cap. reg. 26.

24) Alii haec Aptota vocant, h. e. *casu carentia*: non quasi deficiant casibus ratione significationis; nam *genu*, *nequam*, et similia, omnes hoc pacto casus habent; sed quia non habent casus ratione vocis, i. e. eos terminatione non distinguunt. Unde rectius cum magno Vossio Invariabilia dici possunt.

25) Vid. quae de *cornu* diximus ad reg. 66. cap. II.

26) *Hydromeli*, *oxymeli*, aliaque eiusmodi a *meli* composita, declinari supra docuimus, cap. II. reg. 25. Haec autem et caetera in I nomina in plurali vix unquam reperiri existimem. Vid. not. seq.

27) *Gummium* genit. plur. ap. Plin. XII. 8. XV. 19. et XXIV. 11, an a singulari sit *gummi*, quod usitatus est, an a *gummiis*, quo Columella utitur, XII. 50. et id. Plin. XIII. 12. haud immerito dubitat Johnsonus, App. p. 118.

27) Perperam autem huc referuntur, *frugi*, *mancipi*, *nauci*, *nihili*, tanquam adiectiva indeclinabilia: item eiusmodi, huiusmodi, et similia. Nam (1.) *Frugi* dativus est ab exoleto nominativo *frux*, vel *fruges*, cuius omnes obliqui in usu sunt. *Homo* igitur *frugi* cum dicimus, intelligitur *aptus*, *idoneus*, *paratus*, aut simile. Sunt qui putant *frugi* antiquum esse genitivum, pro *frugis*; ut *fami*, pro *famis*; *Themistocli*, pro *Themistoclis*: ut *homo frugi* sit idem qui *homo bonae frugis*. Videtis Vossium Anal. I. 46. Guntherium Latin. restit. part. 2. p. 416. Perizon. ad Sanct. IV. 4, 12. Johns. App. p. 117. (2.) *Mancipi* dativum esse a *manceps*, putat Priscianus, col. 682. Vossius autem geniti-

3. Verbum, aut alia quaevis orationis pars pro nomine posita: ut, *Illorum vivere est mori*, i. e. *illorum vita est mors*. Cic. *Cras istud*, i. e. *iste dies crastinus*, Mart.<sup>28</sup>). *Sed recti finem extremumque esse recuso Euge tuum et belle*. Pers. i. e. *tuum plausum et laudationem*.

4. Nomina literarum: ut, *Alpha*, *Beta*<sup>29</sup>), *A*, *B*, *C*<sup>30</sup>).

5. Voces materialiter positae: ut si dicas, *Ex ne* et *homo* componitur *nemo*.

6. Nomina peregrina, seu Barbara (i. e. neque Graeca, neque Latina:) ut, *Adam*, *Iob*, *Elisabet*, *Ierusalem*. Nisi ex prima, sua origine fines habeant ad declinationem idoneos: ut, *David*, *Salomon*, *Hannibal*: vel Latina eis terminatio accedat: ut, *Adamus*, *Iobus*, *Elisabetha*, *Hierosolyma*<sup>31</sup>).

7. Numeralia, quae Cardinalia vocantur, a quatuor ad centum, hoc incluso. Caetera enim, unus utroque numero<sup>32</sup>), duo, tres, plurali declinantur. *Mille* adiectivum non declinetur: at *mille* substantivum singulari quidem invariabile est; pluraliter vero declinatur, *millia*, *millium*, *millibus*, etc.<sup>33</sup>).

vum per Apocopen positum, pro *mancipii*, loc. cit (3.) *Nauci* in solo genitivo usurpatur, ut reg. 10, mox dicemus. (4.) *Nihili* genitivus est a *nihilum*, quod integrum est in singulari. (5.) *Eiusmodi*, *huiusmodi*, *istiusmodi*, *eiuscemodi*, etc. ex duobus genitivis conflata, coniunctum quidem *μὴνόντων* sunt; aliter vero caeteros quoque casus terminationibus distinctos habent.

28) Vid. cap. I. reg. 12.

29) Ausonius tamen Idyll. XII. *Betae*, *Gammae*, *Deltae*, in genitivo, *Iota* in dativo declinat. Et Plato Comicus *αλυπατος*, et *ἐκ τῶν αλυπατρῶν*: et Xenophon Hell. IV. *αλυπατα* dixerunt. *Ἐφίλων*, *Ὀμικρόν*, *Ὠμέγνα*, adiectivorum more inflectuntur. V. Turneb. Adversar. I. §1. et Carmich. Etym. p. 38. Servius quoque literarum Graecarum nomina declinat. Et in omnigenis et pro correctissimis habitis Tullii exemplaribus, de Oratore III. 12, *Briassaeum Iotam literam* legisse, memorat Dausquius, Vol. II. p. 163, pro quo *Iota literam* Gruterus et Gronovius edidit. Latinorum elementorum nomina proprie voces non sunt, Hebraeorum, Arabicorum, etc. barbara, atque ob eam rationem invariabilia.

30) Syllabas quoque indeclinabiles esse notat Varro, L. L. VIII. 86. Addit Carmichael, ubi supra, integras orationes loco nominativi aut alterius casus positas, quale est illud Persii I. 28. *At pulchrum est digito monstrari, et dicitur hic est*.

31) Inveniuntur et genitivi *Adae*, *Abrahamae*, tanquam ab *Adas*, *Abrahamas*. V. cap. II. reg. 7. n. 22.

32) Quando pluraliter unus adhibendum sit, in Rudimentis docuimus, p. 18. et fusius infra reg. 18. n. 31.

33) *Milli* tamen in ablativo invenitur ap. Lucilium, referente Gellio I. 16. Caeterum *mille* adiectivum eo differt a *mille* substantivo in



9. Haec etiam immotos retinent vocabula fines:

*Semis* habens primum numerum, *frit, git*, (quibus addi

*Causape, cepe* volunt.) numerum quoque nacta secundum

*Tot, quot, cum natis; sed nequam, pondoque* utrumque.

Indeclinabilibus insuper adiungenda sunt.

8. Singularem tantum numerum habentia: *semis*<sup>34</sup>); *frit, git, seu gith*<sup>35</sup>). Quibus forte addi possunt, *cepe*<sup>36</sup>); *gausape*<sup>37</sup>), <sup>38</sup>).

Iturall; quod illud semper comitetur adverbium numerale; ut, *bis mille annis*: hoc vero adjectivum requirat; ut, *duo millia hominum*. Primum idem fere sonat quod Graeco *χίλιος*, posterius quod *χίλιος*, Scioppius quidem Paradox. literar. Epist. 14, eumque secutus Gronovius pater, pec. vet. I. 10, aliter sentiunt. At vid. quae nos in Rudim. p. 18 praecipue verb Perizonius in Sanct. IV. 4. n. 78.

34) Vid. supra ad reg. 83. cap. II. n. 12, et adde ex Vegetio de re milit. II. 15. Item bina missilia, unum mains, ferro triangulo unguis novem, hastili pedum quinque et semis. Et paullo post. Aliud minus — hastili pedum trium et semis.

35) *Git* nomin. accūs. et vocat. sing. tantum habere putabat Johnsonus, App. p. 119, at postea, mutata paulum sententia, Addit. p. 36, addit et genitivum ex Celso V. 18 et 23. *Gith cyathos tres*. Idem de *frit* statuendum existimat, quamvis exemplum non suppeditet. \* Addunt Ferretus, Annotatores Oxonienses et alii *subtal* (Prisciano *subtel*, col. 644.) i. e. *cavum pedis*: quod tamen Sipontinus (teste Carmichael) et tota Lexicographorum cohors *subtal* declinant. At vox ipsa nusquam iam reperitur. V. Johns. dict. loc.

36) *Cepe* tantum singulare facit Charisius, col. 23. et Priscianus, col. 673, et 681. et (qui ei nom. acc. et abl. tantum tribuit) Sergius, op. 1842. Johnsonus contra tantum plurale p. 118 et 119, quamvis et ei postea genitivum sing. ex Columella concedat; cui iungere poterat illud Apuleii ap. Priscian. d. loc. *Cepe succum melle mixtum*. Ego certe saepius quidem singulariter, ut ap. Horat. Epist. I. 12, 21. Iuven. XV. 9. Pers. IV. 31. nusquam vero ap. probatum auctorem pluraliter legi. Nam quae ex Plinio XIX. 6, obduci possunt exempla, aliter in melioribus libris habentur. Profert quidem Priscianus loc. cit. tria ex antiquioribus exempla, Naevii, *Cui cepe edendo oculus alter profluit*; Novii, *Oleas, cepe, ficus*; Varronis, *Multifariam in patellis coquere cepe*; in quibus *cepe* plurale videtur: at rem non prorsus certam esse, ostendit similis loquendi ratio ap. Plin. l. cit. *Cepae genera apud Gracos, Sardia, Samothracia*, etc. in quo plane singulare est. Caeterum Ursinus, p. 296, humani quid passum Vossium ait, qui *cepe, cepis* declinat, neque indeclinabilis ullam faciat mentionem. Sibi enim *cepe, cepis*, nusquam lectum. Addit porro Galfum Methodi auctorem creditati suorum illudere, qui idem firmare nititur veteri proverbio, *Quis usus cepis putridi?* quasi hoc ex antiquo auctore esset depromptum,

g. Tantum pluralia, *tôt, quot, cum compositis, totidem, quotquot et quocunque; aliquot.*

quod solius Erasmi est, atque e Graeco tralatum. Melius certe et hic et ille sententiam suam cumprobassent auctoritate Charisii, qui col. 48, (quod et Vossii animo obversatum videtur) *cepe, cepia, cepi*, disserte inflectit: quanquam et ipse alibi, col. 23, *cepe*; inter monoptota collocet. Interim et *cepa*, *ceparum*, etc.

37) *Gausape* vir aliis casibus quam nom. accus. et ablat. sing. nunc reperias. Vid. Martial. XIV. 152. Pers. IV. 37. Horat. Sat. II. 8, 11. Indeclinabile qui statuunt in singulari, maxime nituntur illo Plinii VIII. 43. *Nam tunica lati clavi, in modum gausape texti nunc primum incipit*: ubi *gausape* patrio casu dictum; et ita pleraeque editiones. Vossius, qui verba haec ita distinguit, *Nam tunica, lati clavi in modum, gausape texti nunc incipit; gausape auferendi casu accipit*. At novissimae Harduini editiones, retenta veteri distinctione, *gausapas* exhibent. Adeo nihil in his certi. Quemadmodum nec satis constat, quo numero *gausape* extulerit M. Messalla ap. Charis. col. 80. *Armenii regis apolia gausape*. Plurali sane ex apposito prolatum videtur, uti iam ab Ursino animadversum, qui tamen rem in medio relinquit. An vero ab abl. sing. *gausape* deductum sit plurale *gausapa*, (quo Ovidius Art. II. 300. Persius, VI. 46. Martialis, XIV. 29. et 188, utuntur,) quod post Priscianum, col. 759 et 769 existimat Vossius: an ab antiquo *gausapum*, (quo usus est Cassius Severus ap. Charis. l. cit.) quae Ursini sententia videtur, doceri diiudicandum relinquo. Sed et veteres nominativo hic *gausapes*, dixere, a Graeco *ὁ γαυσάπης*, idque tam in prima quam tertia: unde illud in testamento Augusti ap. eund. Charisium legimus, *Gausapes, lodices purpureas et colorias meas*: quod cur Vossius in *gausapas* mutatum velit, non satis causae visum est Ursino. Postea vero, Graeca terminatione masculini *ης* in a femininam conversa; *gausapa, gausapae* extulisse (ut factum in *ὁ χάρης*, haec *charia*, *ὁ χοχλίας*, haec *cochlea*, aliisque,) auctor est Varro, ap. Charis. et Prisc. locc. citt. quae etiam vocis inflectendi ratione usi sunt Plinius, loc. supra laudato, et Petron. c. 28. Anne vero et *gausape, gausapis*, inclinare liceat, quod permittit Vossius, factumque ab Harduino est in Notis et Emend. ad Plin. lib. VIII. num. clv. mihi haud dum compertum. Voss. Anal. I. 35. et II. 11, in primis vero Ursin. part. I. p. 187.

38) Alvarus Gram. min. p. m. 128. et Cluverius Ital. antiq. p. 491, indeclinabilia statuunt propria quaedam in E: ut, *Praeneste, Caere, Reate*, etc. oppidorum nomina, *Soracte* nomen montis. At *Praenestis* est ap. Propertium II. 23, 41. et Paterculum II. 27, 6. *Tergestis* Ibid. ex. 4. *Soractis* ap. Virg. Aen. VII. 696. et XI. 785. Cluverius etiam Ital. antiq. p. 196. *Caera, Caeritis*, a Virgilio declinatum putat, Aen. VIII. 597. *Est ingens gelidum lucus prope Caeritis amnem*. Non ignoro quosdam magni nominis Grammaticos genitivos hosce a nominativis deflectere in IS vel ES, *Praenestis vel Praenestes, Soractis vel Soractes; Caeres genitivo Caeritis, vel Caeritis* (ut ap. eund. Virg. Aen. X. 183.) habens. At cum nusquam isti nominativi occurrant, verum videtur, praesertim cum id patiat Analogia, genitivos hosce ab usitatius rectis deducere. Plautus quidem *Praenesten* dicturus videtur: apud eum enim, ubi Ergasilus Graece per urbes Latii iurans inducitur, legere est, Captiv. IV. 2, 102. *Νῆ ταν Πραινεστῆν*. At Vossius (quem videsis Anal. I. 12.) *Πραινεστον* ibi legendum putat, a recto *Πραινεστός*, quo

10. Utroque numero gaudentia: *nequam*<sup>39)</sup>; *pon-*  
*do*<sup>40)</sup>, <sup>41)</sup>.

utitur Appianus, et Stephanus Byzantinus, addere poterat, Strabo et Plutarchus. Claverius quoque d. l. in hœc Instini, XX. l. 12, *Quid Caeren urbem dicam?* mendum irrepsisse, ac *Cuere* legendum existimat, quod et in quibusdam ex antiquioribus editionibus se invenisse testatur Vorstius. At quid si dicatur *Latinos* interdum eiusmodi nomina ex neutris tertiæ in feminina primæ (quale genus nomina urbium plerumque amant) transtulisse, ac *Præneste*, *Prænestes*, *Prænestes*; *Caere*, *Cuere*, *Caeren*, declinasse? *Soractem* autem ap. Plin. VII. 2, et *Soracten* ap. eund. XXXI. 2, vel sunt a nom. *Soractes* vel *Soracte* in prima; aut *Soractis* in tertia. Pro posteriore facit, quod *Sauractis* a Catone nominetur, teste Dausquio, Vol. II. p. 294. Caeterum in vocibus, hisce *Præneste*, *Caere*, *Soracte*, *Reate*, omnes qui carmine scripsere ultimam corripiunt, adeoque et tertiæ declinationis faciunt. Vid. Virg. Aen. VII. 682. et VIII. 561. Horat. Car. III. 4, 23. et Epist. I. 2, 2. Sil. VIII. 366. et IX. 404. Stat. Sylv. IV. 4, 15. Iuven. III. 190. Martial. IV. 64, 33. Sil. VIII. 474. Horat. Car. I. 9, 2. Sil. VIII. 417. Haec autem et similia ablativum in *e* terminare superius ostendimus cap. II. reg. 50. Nec audiendus Torrentinus, eumque secutus Despauterius, qui a *Præneste* *Prænesti* declinant. Sed et dativum quoque in *e* exire si dem fere facit illud Livii I. 2, *Caere opulento tum oppido imperitans*; nisi (quod minus veri simile) *Caere* hic ablativo positum dicatur.

39) Sic Plaut. Bacch. III. 6, 28. homo *nequam*, Colum. III. 10, extr. *nequam vitis*, Lucil. ap. Fest. *nequam aurum*, Cic. pro Coel. 4. *homini nequam*, Goll. VII. 11. o *hominem nequam*, Cic. pro Rosc. 44. *quemadmodum solent liberti nequam et improbi facere*. V. et Varr. L. IX. 5, qui vocabulum docet ex *ne* et *quicquam* media extrita syllaba, coactum.

40) Pondo duplici sensu accipitur. Aut enim (1.) Simpliciter pro pondere sumitur: ut Liv. I. 55. *Coronam auream dictatori libram pondo decrevit*, i. e. ad libram, vel pendentem libram, in pondere. Sic Plaut. Rud. IV. 2, 8. *Neque piscium ullam unciam hodie pondo cepi*. Et Colum. XII. 30. *Scillae aridae pondo libram et quadrantem adici oportere*. Aut (2.) pro libra ipsa usurpatur: ut Plaut. Asin. II. 2, 83. *Quot pondo te esse censes nudem*, i. e. *Quot librarum*. Priore vocis significato neutrum esse ac ablativi tantum singularis omnes consentiunt. Posteriore autem, omnes quidem neutrum et invariabile: nonnulli diversorum numerorum et casuum; plerique vero diversorum quidem casuum, sed numeri duntaxat pluralis, esse volunt. At Gronovius pater, de pecun. vet. I. 6, et seq. vocem utroque sensu unam eandemque esse, et ablativi tantum casus, numerique semper singularis, contendit: veteres enim *pondus*, *pondi*, ut *vulgus*, *vulgi* declinasse, caeterisque casibus, usu *rovi pondus ponderis* in tertia, abrogatis, ablativum solum, remansisse. In eiusmodi autem locutionibus Liv. XLII. 7. *Torques duo ex quinque pondo auri facti*. Id. XLIII. 6. *Octoginta pondo coronam afferentes*. Colum. XII. 18. *Picis durae pondo vicena quina*. Liv. XXVII. 10. *Inde quingena pondo data Consulibus*, Id. XXXIII. 27. *Auri mille et quingenta quindecim pondo*, etc. sententiae suam constare ait integritatem, supplendo in prima *libris*, in secunda *librarum*, in reliquis *pondera*, vel *quingenta*, vel *negotia librarum* in *pondo*, i. e. *pondere pendendo*: ut *bina* [librarum] *pondo* eodem pacto dicatur, quo *ardua montum*, *occulta viarum*, *acuta belli*. Ego vero, quod pace maximi viri

## §. 2. Deficientia Casu.

*Casu Deficientia*, pro numero casuum superstitum distinguuntur: alia enim unicum tantum, alia duos, alia tres, alia quatuor, alia denique quinque casus habent;

dictum sit, quanquam hunc primum vocis *pondo* casum et originem haud invitus agnoscam, quia tamen τὰ *νεγέματα*, sive *negotia*, longius hic petita ac nimis generalia; *pondera* vero in *pondo*, i. e. *pondere*, inepta eiusdem vocabuli repetitio videatur; haud absurdum creditu existimaverim, veteres illos Romanos, causarum suae linguae plerumque ignaros postquam prisca τὸν *pondo* nominativus, aliique casus sub hac inflexione, *pondus pondi*, in usum esse desivissent, solusque iam ablativus relinqueretur, tandem eo prolapsos, ut invariabile crederent vocabulum, utroque numero, omnibusque casibus, uti res postularet, promiscue adhibendum: ut idem hic plane usu venisse arbitrer, quod in voce *milla* ostendit Cl. Pbrizonius loc. supra laudato, quem propterea miror ea de re Gronovii sententiae adversantem, cum eo de voce *pondo* tam amice sentire. Caeterum quod post Charisium, col. 22 et 48, plerique omnes Grammatici *unum pondo* dici negent, damnetque Kirkwoodum nostrum ita loquentem Johnsonus App. p. 128, refelluntur illo Livii XL. 48, *Auri pondo triginta unum*. Nec dissimile illud Colum. XII. 12, *Sextarium aquae cum dodrante pondo mellis diluunt*: et Ibid. c. 80, *Pondo quadrantem singulis amphoris infricato*. Idem P. Ramus Schol. Gram. p. 142, nec inepte, confirmat ex illis sermonia formulis, *duo pondo*, *quinque pondo*, etc. quando singulari carentibus, *bina*, *quina* addi solent. In eo autem lapsus est Ramus, quod *bing* aut *dena pondo* dicere non permittat: quod optimis auctoribus haud insolitum Gronovius d. loc. monstravit; licet frequentioris sint usus numeri cardinales.

41) Inter Indeclinabilia porro recenset Despauterius *Pedum*, *nugas*, *hir*, *fas*, *nefas*, nil sive nihil, *instar*, *ador*, *necesse* et *praesto*. Hic vero in primis observandum est, Despauterium et vulgus Grammaticorum (qui *invariabilia* cum nominibus in aliquibus tantum casibus natiuitatis confundunt) tiropibus fucum facere, qui cum eadem regula *cepe*, *nequam*, *sol*, *frit*, et *pedum*, *fas*, *nefas*, *instar*, nullo discrimine facto, inveniant; parum utrorumque rationem arbitrentur: proindeque, ut *succus cepe*, pro *succus cepae*; *servo nequam*, pro *servo improbo*: sic quoque *amor fas*, pro *amor iusti*; *pedum incurvo*, pro *baculo incurvo*, dicere licere: quasi haec vocabula utrique numero, omnibusque casibus, terminatione haud mutata, pariter inservirent. Cum autem longe secus res se habeat, haec ab illis accurate secerni oportuit: id quod nos, quoad eius fieri potuit, sumus conati. Ex his igitur, *hir*, *instar* et *necesse* inter diptota, *fas* et *nefas* inter triptota (de quibus mox dicendum) relatis; superest ut de reliquis nonnihil dicamus. Et (1.) *Pedum* quidem indeclinabile faciunt Charisius, col. 73. et Phocas, col. 1690. at genitivo *pedo*, et pluraliter *peda*, *pedorum*, et sic deinceps, declinari, quamvis nulla in infrequenti vocabulo iam occurrat auctoritas, rei ipsius natura deposcit, ut Cl. Vossius Anal. I. 41. et Johnson, p. 182. et ante eos Frischlinus in Strigili, c. 1. Carmichael, p. 89. et Pincierus Parerg. otii Marpurg, IV. 32, monuerunt. Hanc Buchananus noster et Beza rationem secuti, hic Psal. XCV. 7. *pedi*, ille Psal. XXIII. 4. *pedo*, efferre non dubitarunt. (2.) De *nugas* dicemus reg. seq. (3.) *Nihil* et contracte *nil*, per Apocopen dictum, pro *nihilum*, adeoque in genitivo *nihili* facit. (4.) *Ador* indeclinabile ideo mansisse ait Priscianus, col. 700,

quae Grammatici vulgo *Monoptota*<sup>42</sup>, *Diptota*, *Triptota*, *Tetrapkota* et *Pentapkota* appellant.

1. Monoptota.

10. Unicus his tantum casus manet. *Inquires, ex-spes,*

Atque *potis* solos rectos tenere. Paternum  
Dant *dicis, nauci*. Sextum noctuque, diuque,  
*Ergo, pro causa, promptu, natuque, relatu,*  
*Admonitu, iniussu*, sic talia plurima. Quantum  
Pluralem *inficias*, velut *incita*, servat. Ibidem  
Vult sextum *ingratis*. *Ambage* et *compede* sex-  
tum

Anteriore dabunt numero, prope plena secundo.

quod ambigua esset mensura penultimae genitivi, *duabus sibi adversis regulis repugnantibus*. Idem tamen ex Gannio veteri Poeta tria profert genitivi exempla; in quorum primo ac secundo *adoris*, ea syllaba correpta, in tertio, producta, *adoris*, exprimitur. *Adoris* quoque habet Ausonius in Technop. penultima correpta, quomodo et efferendum, ut similia in or. neutra, *marmor* et *aequor*, docet Charis. col. 21, 66 et 96. Ut mirum sit Ios. Scaligerum, in Not. ad Festum, eumque fere secutum Dacierium, *ador* neutri esse negare; *adoris* vero, secunda brevi, non ab *ador*, sed ab *adus*, deducere. Utrumque enim testimonio, Charisii, et analogia; prius etiam illo Horatii Sat. II. 6, 89, *Esset ador loliumque*, redarguitur. Confer et Vossium Anal. I. 27. et de vit. serm. IX. 8. (5.) *Praesto*, quod aliqui dativum esse volunt, ab obsoleto *praestus*, mihi potius cum Vossio Anal. I. 22, et Johnsono App. p. 118, adverbium videtur: nisi mavis cum Rud. Agricola, (referente, nec improbante, eod. Vossio, Anal. III. 40.) nihil aliud esse, quam verbum *pruесто*, longo usu ad alterius orationis partis vim detortum. Quod si inter nomina censeretur velimus, adiectivum est diptoton, nominativi tantum et accusativi casus, adiunctis (ut Carmichaeli observatum, p. 40.) *sum, essem, esse, forem, fore*, et Poetice *adsum*. ¶ Non inepte huc referri potest *Sesqui*, quod quâmvīs in compositione fere semper inveniat, ut *sesquihora*, *sesquilibra*, *sesquialter*, Cicero tamen in Orat. c. 56, extra compositionem utitur, *Necesse partem pedis aut aequalem esse alteri parti, aut altero tanto, aut sesqui esse maiorem*. Est autem origine idem quod *semisque*, *semis* in *ses* contracto, mutataque ultima encliticae in *i*: ut, *sesquihora* sit *hora semisque*, i. e. *hora integra cum dimidio*, et ita in aliis. V. Gronov. pec. vet. I. 3. p. 15.

42) Has appellationes *aptota*, *monoptota*, *diptota*, etc. varie a Grammaticis accipi, ac saepe inter se confundi docent Alvarus. p. 224. et Voss. Anal. I. 46. Siquidem Charisio *monoptota* sunt, quae non variantur in obliquis; ut, *nequam*: *aptota*, quae uno tantum casu inveniuntur; ut genitivus *dicie*. Diomedis autem *aptota* sunt quae Charisio *monoptota*. Prisciano rursus *aptota* sunt, quae nominativum solum habent, ut *Iupiter*: *monoptota*, quae pro omni casu una eademque termi-

Unigenum tantum casum habent nomina sequentia.

1. Solum nominativum<sup>43</sup>; singularem, *iniquies*, substantivum<sup>44</sup>; et haec duo adiectiva, *exapes*, *potis*, *potestas*<sup>45</sup>.

2. Solum genitivum, *dicis*<sup>46</sup>; ut, *dicis gratia*; *nauci*; *res nauci*<sup>47</sup>.

3. Solum ablativum, *noctu*<sup>48</sup>; *diu*, *intexdiu*<sup>49</sup>; *ergo*, *propterea*<sup>50</sup>; *promptus*, *natus*, *relictus*, *admonitus*, *iniquissimus*.

natione funguntur; qualia sunt nomina literarum, et numerorum a quatuor usque ad centum. Idem diptota vocat, quae duos diversos casus tantum habent; ut, *suppetitae*, *suppetitae* *triplo*; quae tres, ut, *templum*, *templi*, *templo*; *tetraptota*, quae quatuor, ut, *puer*, *puerum*, *pueri*, *puerum*; *pentaptota*, quae quinque, ut, *ventus*, *venti*, *vento*, *ventum*, *vente*; *hexaptota* denique, quae sex; ut, *unus*, *unus*, *uni*, *unum*, *una*, *uae*. Non vero casus non terminatione sed significatione distinguuntur, aptota ea disjumps, quae sub uno vocis exitu omnium casuum officio funguntur, rectius cum Vossio *analogice* appellanda; *monoptota*, quasi unius tantum casus; *diptota*, quae duos, atque ita porro; *enim* atque significationem exhibuerunt, quae sunt nomina literarum et numerorum.

43) Vocativum hic non metamur; quavis enim *iniquies*, et *potestas* quam forte eo in casu sibi reperiuntur; quia tamen ex optimorum Graecorum placitis, Romana nomina rectum habentia, vocativum habent (nisi vocum ipsarum natura eam respuat) habere possunt; ideoque sub iustitativo vocativum hic etiam (si necesse sit) intelligi volumus.

44) Iohannes, qui App. p. 418, *iniquies* aptota facit, de substantivo intelligendus est; ut, *iniquies nocturna*, ap. Plin. XIV. 22. et *iniquies* *litor* et *iniquies* *siap*, Gell. XIX. 9. Nam *iniquies* adiectivum declinari ostendit Priscianus, col. 703, confirmatque col. 704; illa *Sallustii* *Hist. II. Corpore et lingua percitum et iniquiem Barbuleium* *appellabantur*. Addit. et Vossius Anal. II. 20, ex Apuleio, *iniquietati procacitate*.

45) Nec monoptota solum est *potis*; sed, quod magis mirum, *potis* et *pote* a veteribus utroque in numero et per omnia genera invenimus frequentata; ut ap. Lucret. I. 462, *Quod nunquam sine perniciosa discidio potis est scindi, seque gregari*; et VI. 718, *Nec potis est cerni*, quia *causa* *lunae* *fortis*; pro *pote*. Catull. XLIII. 5, *Quattum qui pote plurimum perire*, pro *potis*. Plant. Poen. I. 2, 17, *Duae potis sunt plus satis negotii dare*, pro *ppotes*. Voss. Anal. II. 21. et Pet. rizon. ad Sanct. II. 10, 1. et IV. 17, 8.

46) *Dicis* pro *dices*, a Graeco *δις* *δις*; nam *dicis* *causa* *valis* *δις* *εἰς* *moris* *causa*.

47) Ab antiquo nominativo *naucum*, i. e. nucis aut aliarum rerum putamen. Naevius ap. Festum ablativo quoque usus est; *Eius noctem nauco ducere*.

48) *Diis* et *noctis* nunc fere adverbialiter sumuntur; veteribus autem pro *nocte* et *die* usurpata; unde et *pro noctu* adiectivum fere femininum iungere; uti Enn. *Qui nocti, Noctu concubia*; *Hae noctis filo perplebit* *Escuria tota*. Claud. Quadrig. *Multa noctu*. V. Macrobr. Saturn. I. 4. Voss. Anal. II. 12. Confer et Iohnson, Addit. p. 28. extr. qui addit ex Plaut. Mil. II. 4, 28, *Mihi haud falsum equat, omnium, quod noctu haec somniaui*; et ex Cicero ad Attic. VIII. 8, *Scribente me haec ipse noctu in Caleno*. Sed in posteriore scriptum, *en ipse* *auspici* *est*, *en*

Item plurima verballia quartae declinationis: ut, *accensitu, fricata, illisu, percussu, persuasu*, etc.<sup>51</sup>).

4. Solum accusativum pluralem, *inficias* (quod cum verbo eo tantum iungitur; ut, *ire inficias*;) *incita* vel *incitas*; ut, *ad incitas redactus*<sup>52</sup>).

5. Solum ablativum pluralem, *ingratiis*<sup>53</sup>).

6. *Ambage, compede*<sup>54</sup>), in ablativo singulari fere solo reperiuntur: in plurali autem integra sunt, nisi quod in genitivo *ambagum*, vel *compedum*, vix dicantur.<sup>55</sup>).

accusandi casus. Cato autem (ut eidem Iohnsono observatum) R. R. 156, *noctu aereo* in masculino dixit.

49) Plautus eodem sensu *interdium* utitur: ut in Asin. III. 8, 9; *Negotiosus interdium*: et Aul. I. 1, 33, *Tum autem interdium Quasi claudus sutor domi sedet totos dies*: et Pseud. V. 2, 8, *Te sic interdium cum corolla ebrium incedere*. Profert et Iohnsonus App. p. 118, illud ex Livii lib. 8. *Nec discernunt interdium nocte*; ubi (si recte se habeat lectio) *interdium* accusativo usurpatum videtur.

50) Ergo, sive pro illativa coniunctione sumatur, ut *ideo, igitur*; sive pro *causa*, ut in hoc Virg. Aen. VI. 670, *illius ergo venimus*, et in vet. Inscript. ap. Sponium Miscell. erud. antiq. p. 265, *Laetitiae et grati animi ergo*, verum ablativum esse atque a Graeco *εργον* deductum, Grammaticorum doctiores iamdudum statuerunt.

51) De his videndus omnino Vossius Anal. I. 47. Ursinus, p. 183. et qui prolixum satis eiusmodi vocum syllabam dedit, Iohnsonus, p. 128 et 124.

52) Ab inusitato *incitus*, i. e. *immoctus*, ab *in* et *cico*. *Ad incita* igitur, seu *incitas redactus*, subaudi *loca, calces, lineas*. Est enim metaphora a ludo 12 scriptorum ducta, nam cum ad ultimam lineam promoti erant calculi, tum is cuius intererat, *ad incitas lineas redactus* dicebatur. V. Non. II. 422. Scalig. Coniect. ad Varr. Append. ad lib. 6. Voss. Anal. I. 34 et 47. et de Construct. c. 6. et Gronov. ad Plaut. Poen. IV. 2, 86. et Trin. II. 4, 186. Leguntur quoque ap. Isidor. XVII. 67, *inciti homines* quibus scil. ulterius procedendi nulla spes est.

53) Ut, *tuis ingratiis* ap. Plaut. Merc. II. 4, 11. et Ter. Heaut. I. 1, 37, *Ea coacta ingratiis*: et Nepot. II. 4, *Ut ingratiis ad depugnandum omnes cogerentur*. Huc quoque addi potest simplex *gratiis* ap. Plaut. Asin. Prol. 5, *Cave molo ne gratiis*: et ibid. I. 3, 42, *Honoris causa gratiis dono dabo*: et Ter. Adelph. IV. 7, 26, *Si non pretio, gratiis*: Pro quo postea *gratis* (quod adverbium vulgo existimatur, sed et ultima producta, ut Vossio monitum, Art. Gram. II. 31.) dixerunt V. infra reg. 12. n. 72.

54) *Compedis* in genitivo sing. utitur Claudianus XIX. 3. *compedium* eod. casu plur. Plaut. Pers. III. 3, 15.

\* 55) Huc addi possunt, I. In solo Nominativo nunc reperta, (1.) *Pernex*, quamvis *pernoctis* declinet Priscianus, col. 725: (2.) *Glos*, de quo vid. cap. II. reg. 35. n. 17. II. In solo Genitivo: *cuiusmodi* et *cuiuscumodi* ap. Cicer. de Fin. III. 9, pro S. Rosc. 34. (confirmante nam lectionem Prisciano, tol. 959.) et multis aliis locis: item Gell. II. 8. XIII. 29. XIV. 1. etc. pro *cuiusmodi* et *cuiuscumodi*. V. Voss. Anal. I. 47, in primis vero Gronov. in Gell. II. 8. n. 6. *Alimodi* etiam pro *aliusmodi*, habet Festus. Nimirum haec olim disiunctim esse

## 2. Diptota.

11. Haec gemino cernes casu contenta. *Necesse*  
Rectum cum quarto capiunt, *volupe, instar, et*  
*astu*

Significans urbem, simul *hir*. Iunxere Latinum

Cum recto terni flexus *vesperque sirempsque*.

*Impetis et spontis patrius tenet; impete, sponte*

Crebra magis sexto: sic *verbere, verberis*, omnem

Pluralem servans: *repetundarum repetundis*,

*Suppetiae, inferiae* quartum, vix plura tulerunt.

rebat, cui modi, alii modi, cum genitivus nondum in ius, sed i, desinbat. Sic Cato ap. Prisc. col. 717, *Uti mutem mores, atque alii modi sim*: et C. Licinius ibid. *Peruerum est alii modi postalare*: et id. Cato ap. eund. col. 694, *Quis illi modi esse vult?* III. In solo Accusativo, (1.) *Pessum*, quod quidam adverbium faciunt, verus est accus. sing. ut *passum ire, pessum dare*, unde et verbum *passundo*; sive a *passum* supin. verbi *pendo*, ut *passum* pro *pansum* dicitur a *pando*, quae est Scioppii opinio; sive quod verius Vossius coniecit, a Gr. *πέσος* pro *βέσος*, *fundus*. V. Ursin. part. 1. p. 915. (2.) *Venum* quoque accusativus est, ab inusitato *venus*: unde et dativus *veno*; ap. Tacit. Annal. XIII. 51, 2. et XIV. 15, 2: et *venui* ap. Apuleium, Met. VIII. p. 251. et Met. IX. p. 277. IV. Solo Ablativo (1.) *Lucu*, pro *luce*; et (2.) quod adverbium vulgo statuitur, *rite*, pro *ritu*. (3.) *Fortuitu* ablativum statuit Iohansson, p. 122, dissentiente tamen Scioppio et Io. Kero Observ. de L. L. lib. 2. voc. *Pronomen*, qui cum vulgo illud inter adverbia reponunt. ¶ Multa etiam ab aliis huc congeruntur; veluti I. Nominativi tantum sing. (1.) *Nugas*, at hoc per Syncopen factum videtur ex *nugax*, vel (ut prae scribebant) *nugax*, extrito *e*, adeoque in genit. *nugax* flectendum. (2.) *Damnax*: quod eodem pacto ex *damnatu* contractum affirmat Vossius Anal. I. 47, ac proinde genit. *damnati* habere. Mihi tamen scrupulum haud levem hic iniicit, quod Iurisconsulti (quorum ferè proprium est hoc vocabulum) in nominativo etiam plurali utantur: ut L. 122. §. 1. ff. de legat. 1, *Lucius Titius et Gaius Scius Maevio decem dare damnas sunt*: et L. 34. §. 1. ff. de legat. 3, *Titio filio meo nomina ex Calendario, quae elegerit filius meus tibi, viginti dare damnas sunt sine dolo malo*. (V. Cuiac. ad Pauli Sent. III. 6. §. 6. et Rami Schol. p. 144.) Hic enim Syncopae nullus est locus. (3.) *Praegnas*, pro *praegnans*, quod extat ap. Cicer. ad Att. I. 10. *Quod soror praegnas est*: at *praegnatis* in genit. declinat Probus, col. 1469, et *pregnate* in abl. Consentius, col. 2089. et *praegnatem* accus. passim in ff. de ventr. inapic. Nimirum *damnas* et *praegnas*. (ut notat Casaubonus ad d. Ciceronis loc.) sunt veteris linguae reliquiae. Sic *sanas* antiqui dicebant pro *sanatus*: unde illud XII tabb. ap. Festum, *Nexo solutoque, forti sanatique idem ius esto*: et Gell. XVI. 10, *Proletarii et assidui et sanates*. (4.) His addit Carmich. p. 41. *differitas*, i. e. *differentia*, ex Lucret. IV. 640. et Arnob. II. item *prodigitas*, i. e. *profusio*, ex Lucilio ap. Nonius II. 695. Sed haec rancidae vetustatis vocabula non aliis magis casibus quam no-



In duobus casibus inveniuntur haec nomina:

nominativis ipsa exoleverunt. (5.) *Aleo* et *ganeu* rectis tantum dici docet Despauterius: at *aleonem* habet Festus; *aleones* Tertullian, de Fug. c. 13. *Ganconem* Cicer. pro Sext. c. 52. *ganeones* Varro in Modio ap. Not. II. 337. Atque etiam, si restitueret, casibus usuri. II. In solo Dativo reperiri volunt Rhenius, Schmidius, etc. *arbitratui*, *derisui*, *despicatui*, *divisui*, *frustratui*, *irrisui*, *indutui*, *ludificatui*, *ostentui*: at eiusmodi verba minimum non carere ablativo Vossius putat, Anal. I. 47. et Ursinus p. 133: qui quorundam etiam nominativos ostendunt inveniri: ut, *derisus* ap. Prudent. *π. græp.* X. 249. *arbitratus* ap. Plaut. Asin. IV. 1. 21. Accusativos etiam, quae *supina* vocamus, *derisum* ap. eund. Aul. II. 2. 48. *irrisum*, Amph. II. 1. 40. notavit Johnson. p. 389. III. (1.) Monoptotis solius Ablativi quidam addunt *testu*, pro *testa*: sed male, id enim Charisio, col. 23. Prisciano, col. 624, et Phocae, col. 1692, *ἀλλυτρον* est, ut *gelu*. (2.) Eadem est eorundem Prisciani, col. 719, et Phocae l. cit. de *pecu* sententia: quamvis illud singulariter ablat. tantum nunc inveniri notet Johnsonus, p. 123. V. supra cap. II. reg. 70. n. 49. (3.) *Algu* itidem inter monoptota ablat. tantum casus recenset Iohans. p. 123 et 124: idem tamen a Io. Kero Obser. de L. L. lib. 2. [voc. Pronomen] reprehensus, sententiam retractat. Addit p. 37, agnoscitque non *algu* tantum, sed et *algu* nomin. et *algu* accus. ap. idoneos auctores reperiri. (4.) *Astu* monoptotis ablat. tantum casus, adnumerant Priscianus, col. 1012, Despauterius, et alii: at in nom. sing. *astus* Tac. Annal. II. 20, 1. Silius VI. 615. et XVI. 32. in genit. idem IV. 708. Val. Flacc. V. 541. accus. *astum* Stat. Achill. II. 86. nom. plur. Tac. Annal. XII. 45, 4. accus. plur. Sil. VI. 307. XIV. 291. et XV. 605. et Cic. Off. III. 16, extr. [Gruterus tamen eumque seculi *astutos* legunt.] (5.) *Tabo* Charis. col. 17. et 25. Diomedes, 238. Phocas, 1708. Donatus, 1749. Probus, 1446. Sergius, 1845. Consentius, 2040. et Servius ad Virg. Aen. III. 29. ablativo tantum effereendum volunt. Addit Priscianus, col. 744. genit. *tabi* ex Lucani VI. 547, quem et Vossius, Methodistæ, Danesiæ, aliique sequuntur. Sed et nominativum quoque ex Quintil. Declam. 12, adfert Iohans: p. 128, et ante eum Despauterius: (6.) *Cræte* omnibus casibus singularibus, præter ablativum, quosdam privasse notat Vossius. Is autem, Anal. I. 47, (cui in sing. di totum est) addit ex Plaut. Poen. V. 2, 65. *cratim*, et ex Charisio, col. 20. *cratem*: quamvis eidem Charisio ibid. et Diomed. col. 315, inter feminina tantum pluralia numeretur. Sed (quod Iohans observat, p. 125) *crates* in nom. sing. habet Plin. XIII. 12. *cratis* in gen. Id. XVIII. 21. *crati* in dat. Pallad. Nov. t. 22, ut mittam ablat. *cræte* saepius ap. eund. Plin. XVI. 40. XVIII. 15 et 20, etc. Plurali autem integrum est: *cratium* enim, quod se nusquam invenisse aiunt Iohannus l. cit. et Ursinus, p. 134, diserte extulit idem Plin. VIII. 13, *Inter se cratium modo implexos*. (7.) *Fauce* etiam huc referunt: quod in ablat. sing. duntaxat invenitur: cum autem plurali integrum sit et usitatissimum, nos ei potius inter singulari carentia locum præbuimus. (8.) *Obice* solo ablativo inveniri vult Phocas, col. 1709, et Ninivita, p. 102, at nominativi *obex* meminere Servius ad Virg. Aen. X. 377. et (eodem teste) Caper in libris dubii generis. *Cerea* quoque *obex* dixit Sidon. Car. II. 493. Ex Plauti etiam Merc. Prol. 72, *Tibi denique iste pariet licetiam obex*, adfert post Rob. Stephanum Thea. L. L. Vossius Anal. I. 47, et ita quidem vetustiores habent Editiones, præcipue Parmensis 1510, at rectius in posterius vulgatis, pro *obex*, *labos* repositum. Neque an in eod. Plaut. Pers. II. 2, 21. *hanc ubicem* legendum sit, satis

1. In nom. et accus. sing. *necesse* vel *necessarium*<sup>56</sup>); *volupe*, seu *volup*<sup>57</sup>), i. e. *voluptas*; *instar*<sup>58</sup>); *astu*<sup>59</sup>); *hir*<sup>60</sup>).

2. In nom. et ablat. sing. *vesper*, *tertia*e declinationis, *vesper*<sup>61</sup>), *siremps*, *sirempse*<sup>62</sup>).

inter Interpretes convenit. Caeterum plurale integrum est, nisi quod de genit. *obicum* dubitet Despauterius. (9.) Monoptotis ablativi a Sulpitio Verulano, Ip. Vausio, aliisque accensetur *Flamine* neut. gen. pro *flatu*. At *flamen* in accusativo Ciceronem dixisse in Arat. v. 10, notat Despauterius, *Flamen ad Austri inclinationem*. Quod cur in *flamina* Sanctius mutaret, Minerv. IV. 15 p. 802, nulla satis firma mihi ratio videtur. *Flamina* autem plurali omnes agnoscunt, nonnulli etiam et *flaminibus*: at *flaminis*, *flumini* et *flaminum*, tum denique adhibebo, cum idoneum praeruisse auctorem constiterit. (10.) De *impete*, *sponse* et *viscere*, quae alii hic adiciunt, dicitur reg. 11 et 12. (11.) Monoptoton denique Accus. tantum plur. facit Carmichael vocem *affanias*, i. e. *res fuitiles ac nugatorias*: ut Apul. Met. X. p. 325, *Nescio quas affanias effutire*. At idem Apuleius (cuius fere proprium est hocce vocabulum) ablativo etiam utitur Met. IX. p. 276, *His et aliis similibus affanis frustra obblateratis*.

56) *Necesse* et *necessum* solo neutro genere restiterunt ab antiquis adiectivis *necessis*, *necesse*, et *necessus*, -a, -um, i. e. *necessarius*.

57) *Volupe* quoque est a prisco *volupis*, i. e. *voluptatem afferens*, seu *delectabilis*. Sic Ter. Phorm. IV. 3, 5. *Venire saluum volupe est*: et Plaut. Asin. V. 3, 1, *Hic senex si quid, clam uxorem, animo suo fecit volup*.

58) Probus, col. 1444, *instar*, *instaris* declinat: at citra auctoritatem. Quidam adverbium esse crediderunt: at eos refellit Vossius, Anst. I. 46, qui ostendit nomen esse substantivum, ac nominativo quidem usum Ciceronem de clar. Orat. c. 51, *Plato mihi unus instar est omnium*. Et adscito adiectivo neutri generis Virg. Aen. VI. 866, *Quantum instar in ipso est!* et Ulpian. L. 21. §. 3. ff. de nov. oper. nunciat. *Si proponatur instar quoddam operis*: item accusativo, Ovid. de Pont. II. 3, 42, *Instar et hanc vitam mortis habere puta*: et Sueton. Iul. 61, *Cuius etiam instar pro aede Veneris genitricis postea dedicavit*. Paria his docet idem Vossius, de Construct. c. 64. et Gram. min. p. 65. Ut plane non ferendus sit Kirkwoodus noster, qui contra hic haerere eum, nec quo se vertat habere affirmet.

59) De Athenis fere tantum usurpatur, quas Graeci *ἀστυ*, i. e. *urbem* κατ' ἐξοχὴν nominabant. Sic Ter. Eun. V. 6, 17, *An in astu venit?* C. Nepos II. 14. *Protinus accessit astu*: et Cic. de Leg. II. 2. *In astu, quod appellatur, omnes se conferre iussit*. Indeque *Ludi Astyci* ap. Sueton. Calig. 20.

60) *Charisius* tamen *hiris* declinat, col. 17. (quod et *Priscianus* notat, col. 698.) alibi tamen, col. 12 et 23, indeclinabile facit, quae et *Prisciani* sententia est.

61) *Vesper* quoque in ablativo dicitur, quod male quibusdam inter adverbia refertur. Vid. supra cap. II. reg. 16.

62) *Siremps* Festo idem est ac *similis res ipsa*. Senec. Epist. 91, *Omnium quae terram premunt, siremps lex astu*. *Sirempse* autem ap. Plaut. Amph. Prol. 78, quidam accusativo dictum volunt. At *Charisio*, col. 73 et 116, *Sirempse* ablativus est, quem et *Vossius*, Anal. I. 48,

3. In genit. rarius, frequenter vero ablat. sing. *impetis*<sup>63</sup>) et *impete*<sup>64</sup>); *spontis* et *sponte*<sup>65</sup>).

4. In genit. et ablat. sing. *verberis*<sup>66</sup>) *verbere*. Plurali integrum est, *verbera*, *verberum*, *verberibus*, etc.

5. In genit. et ablat. plur. *repetundarum*, *repetundis*<sup>67</sup>).

6. In nom. et accus. plur. *suppetiae*, *suppetias*; *inferiae*, *inferias*<sup>68</sup>), \*<sup>69</sup>).

sequitur; qui illic *Sirempae* in lege iussit esse *Iupiter*, quam *sirempae* legem, scribi malit.

63) Ab antiquo (ut videtur) nomin. *impes*. *Impetis* in genitivo utitur Lucretius VI. 316. Quod vero Vossius Gramm. min. p. m. 65, profert. ex Silio VI. 256, atque tanquam insolens notat, *rapidi impetis*; in melioribus libris, *Nec frustra rapido stimulantē dolore fuisset Impetus*, legitur. *Impetibus* vero ap. Lucret. I. 294, ab *impetus* potius, cum Carmichaelē nostro ac eodem Vossio, quam ab *impete*, cum Despaunterio et Melanchthone, declinaverim.

64) *Impete* quidam volunt antiquum ablativum quartae esse, pro *impetu*, ut rite pro ritu: at rem secus esse, ut alia omittam, ostendit genit. *impetis*.

65) *Sponte* solo ablativo dici docet Charisius, col. 23: idem tamen sui oblitus, col. 34, ei nominativum dat *spons*. Et Ausonius in Monosyll. *Sponte ablativi casus quis rectus erit? Spons*. *Spontis* vero genitivus Varroni L. L. V. 7. Columellae IX. 4. et XI. 9. Celsō I. 1. usitatum: agnoscitque Consentius, col. 2085.

66) *Verberis* ictu habet Ovid. Met. XIV. 820, et Lucan. ap. Phocam, col. 1709. *hortamen clamoris et verberis* Pallad. Mart. t. 11. *Verbere* satis frequens: *verber* et *verberi*, nusquam leguntur.

67) Proprie loquendo *repetundarum* est a recto plurali *repetendae* vel *repetundae*, cui καὶ ὑπόνοισιν pecuniae recetetur, a participio *repetendus* vel *repetundus*, -a, -um. In genit. autem et ablativo tantum invenitur, quod in accusationibus his fere casibus solum utamur. V. Voss. Anal. I. 48.

68) Ita docet Alvarus Gramin. min. p. 131. et Ursinus, p. 134. Invenitur tamen *inferiis* ap. Lucan. IV. 789, et Flor. II. 18. Nominativum vero *inferiae*, quod ei quoque adimunt nonnulli, habet Festus.

\* 69) Diptotis addi possunt (1.) Multa ex *Supinis* vulgo sic dictis, quae non aliis casibus quam in *um* et *u* leguntur. (2.) *Specus* tertiae declinationis, quod solo nomin. et accus. reperitur. (3.) *Parum*, quod (adverbium vulgo creditum) verum nomen esse nomin. et accus. casus statuit Iohnsonius, p. 120, ab inusitato *parus* pro *parvus*, ex Graeco παῦρος, eliso v. V. et Ursin. part. I. p. 919. (4.) Idem quoque p. 127, huc refert *foris* et *foras*, hoc accus. illud ablat. plur. ab exōleto *fora*, i. e. *foris*. Confirmat eius opinionem quod ap. Plin. XVII. 24, *A fora iniuria*, et in vetere lapide *de foris*, pro ἐξωθεν, legatur. Caeterum hae voces in adverbiorum naturam fere iam degenerarunt. § Diptotis ab aliis adiciuntur (1.) A Rhenio et Schmidio, *Obtentui*, *obtentu*; *nuptui*, *nuptu*. Sed *obtentum* in accus. (quod *Supinum* vulgo vocatur) etiam dici putat Ursinus, p. 134. Certe *nuptum* in accus. non modo tanquam *Supinum*; ut *nuptum dare* ap. Plaut. Anl. II. 3, 4. et Ter. And. II. 1. 2. *nuptum collocare* ap. Caesar. B. G. I. 18, sed etiam

## 3. Triptota.

12. Haec trinos sumunt casus, totidemque recusant:

*Tantundem* primum, patrium, quartumque capessit.

At primum, quartum; quintum sibi *fasque, nefasque*,

Atque *melos* solum retinent: *epos* adde, Pelasgum

Et quod in ES finit neutrum, veluti *cacoethes*.

Hos tantum casus *grates* pluraliter edit,

Atque *mele, Tempe*, pariter finitaque Graeca.

At *dica* dat geminum quartum, geminumque vo-  
cantem

*Mactus* habet. Ternum, sextum quoque, *feminis*  
optat,

*Femina* plurali capiens. *Prece* flecte, *precique*,

Atque *precem*, casus retinens pluraliter omnes.

Haec nomina tribus tantum casibus usurpantur:

1. *Tantundem* nominat. et accusat. *tantidem* genit.  
sing.<sup>70)</sup>.

2. *Fas, nefas, melos*<sup>71)</sup>; *epos*: item Graeca in ES  
neutri generis: ut, *cacoethes*<sup>72)</sup>, nominativus, accusativus  
et vocativus sing.

nominaliter habetur, veluti ap. Stat. Sylv. V. 1, 45, *Illa quidem nuptum-  
que prior taedasque marito Passa alio* — Et diem nuptius pro nuptia-  
rum Gellio II. 24, ex MSS. restituit Gronovius. (2) *Inficias* diptoton  
facit Despauterius: at eius nominativus *inficiae* nusquam iam conspicitur.  
(8) Diptotis a nonnullis accensetur *opus*, nomin. tantum et accus. casus,  
pro *necesse*, aut *necessarius*, acceptum. At vocem hanc a receptissima  
*opus operis* non differe, principes Grammatici dudum monstrarunt.

70) Nec in neutro tantum reperitur, quod quidam existimavere; sed  
etiam in masc. Plaut. Truc. II. 5, 7, *Tantundem dolum aggrediar*: in  
feminino etiam extulere Labeo L. 29. §. 1. ff. de legat. 3. *Ut Titia  
uxor mea tantandem partem habeat*: et Gaius L. 30. §. 1. ff. de pactis,  
*Quia forte tantandem pecuniam Titio debuit. Tantidem* autem in genit.  
Terent. Adelph. II. 1, 45, *Tantidem emptam postulat sibi tradier*: et  
Cic. pro Rosc. Am. c. 39, *Voluntatem decurionum ac municipum tanti-  
dem, quanti fidem suam, fecit*. Sed et *tantidem* in nominativo aut ac-  
cusat. antiquiores videntur dixisse, ut Ennius ap. Varr. L. L. VI. 3.  
*Tantidem quasi foeta canes sine dentibus latratis* et ipse Varro in Eu-  
men. ap. Nonium VII. 105, *Quid quasi non curat tantidem Aristoteles?*  
pro *tantundem*.

71) *Melum* tamen in singulari accus. Pacuvium, in pluralivo *melos*.  
Accium et Varronem, eorumque exemplo *melorum* Terentianum, *melis*  
Capellam dixisse notat Vossius Anal. II. 12.

72) Sic *panaces, nepenthes, hippomanes*. Vid. cap. I. reg. 29, *Ca-  
coethe* autem, morbi genus, in plur. tum nom. tum accus. pluribus locis  
memorat Plinius.

5. *Grates* <sup>73</sup>): item pluralia in E. Graeca: ut, *cete* <sup>74</sup>); nom. accus. et voc. plur.

4. *Dica*, habet (praeter nominativum sing.) accusativos utriusque numeri, *dicam* et *dicas* <sup>75</sup>).

5. *Mactus*, una cum nominativo sing. utrumque vocalivum habet; sing. ut, *Macte virtute esto*, Horat. plur. *Macti ingenio este*, Plin. <sup>76</sup>).

6. *Feminis*, habet genit. dat. et ablat. sing. et nom. accus. et vocat. plur. <sup>77</sup>).

7. *Preci*, *precem* et *prece*, absque nom. genit. <sup>78</sup>) et vocat. sing. Plurali integrum est, *preces*, *precum*, *precibus* <sup>\*79</sup>).

<sup>73</sup>) Genitivum quoque sing. *gratis*, et ablativum *grate*, ei tribuunt Sulpitius Verulanus, Despauterius, Verpeaeus, et omnes fere nostrates, Vassius, Carmichael, Williamsonus, Wedderburnus, Kirkwoodus, Deixius, etc. Exemplum genitivi profert Despauterius illud Ciceronis Orat. c. 10. *Quum gratis causam nihil facias*. Verum in emendationibus omnibus legitur, *Itaque effice, ut cum gratiae causa nihil facias, omnia tamen sunt grata quae facis*. *Gratis* quidem (quod vulgo inter adverbia numeratur) ablativum esse pluralem pro *gratiis*, supra monuimus ad reg. 10. n. 53. *Grate* autem (quod ablativo sing. usurpatum ab illis fingitur) nusquam nisi adverbialiter a *gratus*, usitatum. Certe Grammatici veteres, Charisius, col. 20. et Diomedes, col. 315. *grates* inter nomina tantum pluralia reponunt. Cuius et hanc addert rationem Vossius Anal. I. 43, quod a Graeco *χαλρες* sit contractum. Caeterum, quem ei dativ. et ablat. *gratibus*, adiciunt Rhenius et Schmidius, nulla auctoritate nititur.

<sup>74</sup>) Vid. cap. I. reg. 45. et cap. II. reg. 3.

<sup>75</sup>) *Dica* a Gr. *δίκη*, i. e. *lis*, vel *causa*; ut, *Circe*, *Circa*. Cic. Verz. II. 15, init. Scribitur *Heracleio dica*. Ter. Phor. II. 3, 9. *Dicam tibi impingum grandem*. Ibid. IV. 3, 64. *Sexcentas proinde scribito iam mihi dicas*. Ablativum quoque apud Ausonium legi tradit Despauterius: quod mihi nondum compertum.

<sup>76</sup>) *Mactus* nominat. utitur Cato R. R. c. 153, *Mactus hoc ferto*. Postea autem invaluit, ut *macte* semper in vocat. adhiberetur, etiam sequente verbo *esto*, per Hellenismum, pro nominativo *mactus*. [Theocrit. XVII. 66. \**Ὀλβιε κῶπε γένοτο!* ubi vide quae notavit Kiessling. coll. Classical Journal. Tom. XVI. p. 353. G. St.] Quod autem et feminino appositum colligat Johnsonus, App. p. 127, ex illo Horat. Sat. I. 2, 31, *Macte virtute esto*, inquit, *sententia dia Catonis*; neminem quod sciam interpretum sibi habet suffragantem: iis enim, non inquit, sed inquit, legitur; neque *macte* ad mulierem olenti in *fornice stantem*, versiculo praecedente, sed ad *Quidam notus homo*, eodem versu, refertur. Caeterum hanc vocem, omnibus non proletariis dico, sed summi nominis Grammaticis nomen creditum, vere adverbium esse demonstratum ivit Brunsmannus Daus singulari libello, quem inscripsit *Macte funeratum*. Vid. Guntheri Latin. restit. part. 2. p. 612.

<sup>77</sup>) *Femen* in nominat. dixit Festus: at id nusquam aut raro inveniri Charisius, col. 105. Priscianus, col. 701. Servius (eoque teste Caper) ad Virg. Aen. X. 344 et 788 confirmant. Charis. autem d. loc. et col. 66. item Mar. Victorinus, col. 2464. *feminis* a nominativo *femur* declinanti. Vid. Voss. Anal. I. 47. Barthium Advers. IV. 21, et LIX. 16. et Brockhusium ad Tibul. I. 9, 26.

13. *Rus, thus, atque metus, mel, hyems, cum farre,*  
recusant.

In numero patrium, tertium sextumque secundo:

Queis (adimens *res* atque *dies*) dabis omnia quintae.

78) Genitivum *precia* vulgo addunt: at id nusquam legi affirmat Johnsons, p. 129.

\* 79) Triptotorum numero adiciuntur, (1) *Mane* (quod adverbium vulgo putant) habet nom. accus. et vocat. eadem terminatione. Plaut. etiam *mani* in ablativo utitur, Most. III. 2, 80. (2) *Fors* in nom. et vocativ. sing. et ablativ. *forte* tantum dici praecipit Despauterius. Addit Carmichael et genit. *Fortis*: et *Forti* in dat. legit Stewichius in illo Arnobii adversus gentes VII. extr. *Cur non minaci. Forti ac obtulit, pro fortiter*, quod est in vulgatis. Porro adiecta voce *Fortuna* omnibus in casibus invenitur: ut, *Fortis Fortunae fanum et dies*, sp. Varr. L. L. V. 3. *Fortis Fortunae laudes* Colum. X. v. 316. et *Forti Fortunae* in lapidibus et nummis antiquis, *Fortem Fortunam* ap. eund. Varr. L. L. IV. 10. V. Voss. Anal. I. 48. Aliter vero, *fors* et *forte* saepe adverbiascere, Charisio, col. 165. Prisciano, col. 1015. Despauterio, p. 108. observatum. (3) *Lues* in nom. *luem*, accus. nonnumquam et ablat. *lue*, tantum dicendum docent Sulpitius, Despauterius, alii. Alvarius Cypriani. min. p. 138. vocativum ei addit, sed ablativi exemplum desiderat: quod satis luculentum dabit Val. Flacc. IV. 629. *Interea Minyae pulchrae lue prima tonanti Sacra novant.* Buchananus etiam noster Psal. XLV. v. 13. *tabificae luis* non dubitavit in genit. efferre. *Alternas* quoque *lues* in plurali dixit Prudentius, *neque oras*. II. 222. (4) *Visceris*, *visceri*, *viscere* quidam adiciunt. Charis. col. 21. et Diomedes, col. 815. *viscera* tantum plurali dici volunt. Eadem fere Phocae sententia, col. 1709. praeterquam quod ablativum quoque admittit *viscera*. Atqui *viscus* in nomin. et accus. Lucilius sp. eund. Charis. col. 63. Lucr. I. 887. Sueton. Vitell. 13. Celsus Praef. p. m. 7. Serenus XLIII. 16. Arpobius lib. VII. Prudent. *neque oras*. IX. 56. et X. 499. utuntur. *Visceris* autem habet Lucret. V. 901. Auson. Epist. VII. 46. et Epist. IX. 24. et Apul. Apol. p. 485. agnoscitque, teste Vossio, Charisius: *Viscere* Lucret. III. 719. Ovid. Met. VI. 290. et in Ibin. 194. Tibull. I. 3, 76. Val. Flacc. VII. 359. Senec. Herc. Oet. v. 1249. *Visceri* denique in dativo Plinium XI. 3. init. dixisse tradit Johnsons, *Quoniam visceri interiori nexus spirabilis non inesset.* At in *viscera interiora* editum est Harpocrationis, ita constanter omnibus MSS. exhiberi testanti. Utcunque est, *visceri* plane habet Celsus V. 26. §. 24. extr. *Quae cuique visceri convenire superiore libro proposui.* (5) *Pur* genitivo, dativ. et ablat. privat Val. Probus, col. 1468. et 1471. item Priscianus, col. 1258. licet alibi, col. 722. solo genitivo, ne videatur dativus plur. a *purus*. Sed uterque praeter rationem. *Puri* enim habent Celsus V. 28. §. 4. et 12. ter, et VI. 7. §. 2. Plin. XXIX. 3. et Aurelianus, Morb. Chron. V. 10. Addit Vossius ex C. Nepotes in vit. Attic. c. 20. *Ut extremo tempore per lumbos fistulae puri erumperent.* Verum in opt. codd. *fistulae putris eruperit*, legimus. *Puri* quoque in dat. habet idem Celsus V. 19. §. 15. et ibid. 28. §. 8. et VII. 7. §. 1. et VIII. 10. §. 7. et Seren. XXXIX. 1. Et *pure* in ablat. idem Cels. V. 28. §. 8. et VI. 13. et Prudent. contra Symmach. I. 17. *Pura* denique in plurali dici infra docebimus ad r. g. 20. (6) *Virus* quoque genitivo, dativo et ablativo carere volunt Probus,

8. Genitivo, dativo et abl. plurali carent, adeoque eo in numero triptota sunt, haec nomina: *rus*<sup>80</sup>), *thus*, *metus*, *mel*, *hyems*, *far*<sup>81</sup>). Item omnia quintae declinationis nomina, (praeter *res* et *dies*): ut, *spes*, *scrubis*, *species*, *acies*<sup>82</sup>).

col. 1463, et Copsentius, col. 2034. At *viri* et *viro* agnoscunt Charisius, col. 9, et 1057, et Phocas, 1700, et Priscianus, 722, exemplis e Lucretio, II. 475, *vetri primordia viro*; et ibid. 852, *vis obitactas perdere viro*, confirmans. (7) *Chaos* tribus tantum casibus similibus usitatum quidam volunt: at ablativo quoque *Chao* Virgilius adhibuit. *Geo.* IV. 347, Ovid. *Met.* XIV. 404, et in *Ibin*. 82, et Lactantius *Inst. Div.* I. 5. Vid. supra cap. I. reg. 82. n. 89. (8) Porro *Secus*, pro *sexus* neutr. gen. tribus tantum hisce casibus a veteribus usurpatum videtur: ut, Sallust. *Hist. Rerum*. II. 7. *At Metellus in ulteriorem Hispaniam post annum regressus; magna gloria concurrentium; undique virile et muliebre secus; per vias ac loca omnium dicebatur*. *Liv.* XXVI. 47, *Liberorum capitula virile secus nā decem millia capta*. Tacit. *Annal.* IV. 62, 3, *Adfluxere avidi talium; virile ac muliebre secus aetas omnis*: et *Hist.* V. 23, 5, *Multitudinem obsessorum omnis aetatis, virile ac muliebre secus dextera millia fuisse accepimus*. Varro ap. Agell. III. 10, *Post decima quarta hebdomade, quod eius virile secus futurum est, caput et spina; quae est in dorso, informatur*. Sisenna ap. Non. III. 198. *Tum in mero virile ac muliebre secus populi multitudine omni collocata*. Atsion. *Idyll.* XI. 8, *Vesta, Ceres et Iuno secus muliebre sorores*. Charisius de hac locutione [*virile secus*] loquens, col. 61, eam ait per omnes casus integra forma declinari, i. e. uti ego interpretor, utramque vocem tanquam unam spectatam invariabilem esse, ac cum substantivo appposito casu convenire: ut *virile ac muliebre secus detas omnis*, nominativo; *virile secus nunquam ullum habui* ap. Plaut. *Rud.* I. 2, 19, accusativo, atque ita in aliis, sit dictum. Iohnsonus vero, *App.* p. 49, *virile secus*, pro *virilis sexus*; eadem loquendi forma dici putat, qua *id genus*, omne *genus*, pro eius generis, omnis generis; quod ad, vel quantum ad, intellecto. Eadem forte et Gronovii ad dict. Livii loc. mens est: nisi quod rem paulo obscurius exprimens, optimos ait scriptores non dicere simpliciter *virile secus*: ut, summovit *virile secus*: sed ita uti, ut semper alteri substantivo, vel expresso, vel intellecto, adhaereat, sic positum, quasi *virilis sexus* in secundo casu. Idem tamen, ab inferioris aetatis scriptoribus id neglectum observat; veluti ab Arnobio, qui *Ponere secus virile*; *Secus femineum sobolem prodis*; et Ammiano, qui *Virile ac muliebre secus trucidare*: *Virile ac muliebre secus infernum*, ex seculi sui genio excusandi, dixere. Confer Voss. *Anal.* I. 81, et nos supra cap. I. reg. 88. n. 81. (9) His denique addit Iohnsonus, p. 129, *Aplustro*, quod genit. *aplustri*, plurali *aplustra* vel *aplustria* tantum habere existimat. At *aplustri* in dativo et ablativo meminere, sive Plinius, sive I. Caesar, ap. Charis. col. 98, et Priscianus, col. 769. Noque qui minus, re sic ferente, *aplustrium* quoque et *aplustribus* dicere liceat, causae quidquam aliud videre me fateor, nisi quod in rarioris usus vocabulo casus illi non occurrant: atqui hoc pacto innumerae voces aliae casibus quibusdam deficere invenientur. (10) De *sordis*, quod idem triptoton in sing. facit, Vid. reg. seq.

80) *Ruribus* ex Plinii Epistolis Nebrissensis, Despauterius et Vossius, sed loco non indicato, proferunt.

## 4. Tetrapteta.

## 14. Casibus invenies quaedam viduata duobus:

Namque *vicis*, *pecudis*, *sordis*, *ditionis*, *opisque*,  
Vix retinent rectum numeri quintumque prioris.

His quoque *nex*, *daps*, *frus* minus usurpataque  
cernes.

1. Nominativo ac proinde vocativo sing. privantur  
haec nomina: *Vicis*<sup>81)</sup>, *pecudis*<sup>82)</sup>, *sordis*<sup>83)</sup>, *ditionis*<sup>84)</sup>.

81) Addit his Despanterius, (1) *Hordeum*, *vinum*, *defrutum* et *mul-*  
*sum*: at de his reg. 17, commodius dicetur. (2) *Ius*, *acc*, *os*, *mare*, *mo-*  
*rum* et *forum*. \* At *iurum* Cato ap. Charis. col. 72, *Iurum legumque*  
*cultores*: *iurium* Plautus, Epid. III. 4, 86: *iuribus* Ulpianus, aliique  
ICTi, quod et Charisius agnoscit, col. 19. \* Id. Cato ap. Prisc. col. 750,  
*aerum* dixit et *aeribus*: posteriore quoque usus Lueret. II. 686, *Pulsa-*  
*rent aeribus aera*: et Arnobius, L. 3. \* *Oribus* Virgilli est, Aen. VIII.  
486, *Componens manusque manus atque oribus ora*: item Aen. X. 566,  
*quinquaginta oribus*. *Orium* quoque (si Despanterio credimus) dixit Pli-  
nius, XX. 9. §. 36: at meliores codices *Vitia earum* (nempe *narium*,  
quod praecesserat) *graveolentiamque sanari*, habent; non *vitia orium*,  
quod ille in suis legerat. \* *Marum* pro *marium* utitur Naevius, ap. Pri-  
scian. col. 770, *maribus* Caesar B. G. V. 1. Paulo latiores quam *quibus*  
*in reliquis utimur maribus*: atque ita dicturus Curtius videtur VI. 4, 18,  
*Mare Caspium dulcius caeteris*, scil. *maribus*: quanquam id sine vitio  
suppleri posse neget Sanctius Minerv. IV. 2, p. m. 536. Parique modo  
in illo Cicer. de Leg. II. 12, *Praestantissimum ius est augurum, eorum,*  
*quae sunt in rep. [iurium]* intelligi ait, at aperte dici non posse. Sed  
(ut de re ipsa taceam, de qua tamen, neque illius, neque Servii ad Geo.  
II. 98, idem docentis auctoritate mihi persuasum est) aliter nunc apud  
Tullium haec verba leguntur, nimirum, *Praestantissimum in rep. ius est*  
*augurum, et cum auctoritate constitutum*. \* Foris habet Ovidius, Fast.  
I. 258, et Trist. III. 12, 24, et Martialis, VII. 65. \* *Moris* Virg. Ecl.  
VI. 22, Horat. Sat. II. 4, 22, Plin. XV. 24, et XXXIV. 18, *dixere*:  
*marorum* etiam, de arbore, Colum. V. 10: neque enim, sive a *morue*,  
sive *morum*, illud deflectas, hilum intererit. (3) His addant Schmidius,  
Rhenius et alii, *Sensa* toto singulari, et gen. dat. et abl. plur. deficiens:  
quod tamen Lexicographi, alii integro declinant, *sensum sensi*, alii *sensa*  
*sensorum*. Vid. supra reg. 1. n. 5. (4) His denique casibus a Lancel-  
lotto et Despanterio, p. 107 et 108 privantur, *vehes*, *ecum*, *balsamum*,  
*pecu*, *allium*, *ulpicum*, *dibaphum*. Addere poterant, *murmur*, *pus*, et  
multa forsitan alia.

82) Pleraque quintae nomina non haece casibus tantum, sed toto  
plurali carere supra diximus cap. II. reg. 71, infraque fusius dicemus  
reg. 17. Inveniuntur autem, *facierum* ap. Catonem, teste Prisciano, col.  
782. *planitierum* ap. Vitruv. V. Praef. *materierum* ap. Lactant. Div. Inst.  
II. 12, princ. *acierum* ap. Servium, teste Vossio. *Specierum* quoque di-  
xere, Apuleius de hab. doctr. Plat. lib. I. p. 573. Id. de mund. p. 733  
et 752. Pallad. Octob. t. 14. et Aurelian. de morb. Chron. I. 5. *Spe-*  
*cibus* etiam in Lemmatis ap. Celsum, V. 28. §. 17 et 19, notat Johnso-  
nus Addit. p. 39: Et ita Dialectici ac Philosophi recentiores fere omnes



opis<sup>87</sup>). Porro *diligentia* caret toto plurali: *opes* pro *auxi-*

loquuntur, quanquam *specierum* et *speciebus* se dicere nolle, sed *forma-*  
rum et *formis*, Cicero ait, Top. 7. *Species* denique Sid. Apoll. Epist.  
III. 6. Victor Ufensius, et Scriptores Ecclesiastici, referent eod. Voss-  
ius; utuntur: quorum exemplum quod Obsopaeus, Lennclavius et Flor.  
noster Volusenus secuti sint, excusandi potius, quam imitandi videntur.  
*Species* vero ab exoleto *spes* (quod usus Ennius ap. Festum in voce,  
undeque et verbum *spero* deductum) Varroni, scriptori antiquario, (ap.  
Nos. I. 34.) relinqueretur. Confer Voss. Anal. II. 19.

83) Prisciano, col. 675, duobus tantum casibus inflectitur, *vicem* et  
*vice*, Charisio autem, col. 23, ut et Phaeac, col. 1709, tripton est, *vi-*  
*cis*, *vicem*, *vicem* cui concinit et Vossius Anal. I. 48, qui *vici* ait se le-  
gere non meminisse; at genitivi exempla idem profert ex Liv. I. 20,  
*vici regiae*, et ex eod. III. 15, *alienae vici*. Sed et dativum (quod  
ei quoque concedere Charisius videtur, col. 72, et ipse Prisc. col. 1069.)  
invenisse se credant Alvar. Gram. min. p. 134. Danesius, p. 181. et  
Johnsonus, p. 129. in illo Quintil. Declam. VI. 4. *Substituit vici curae*  
*suae propinquos*. Quanquam et illic varie scribi, *vicer*, *vicia*, *via*, et *huic*,  
testatur Obrechtus; Burmannus vero alterutram, vel *vici*, vel *curae*,  
Glossatoris esse rem exponentis additamentum existimet. Charisius por-  
ro, col. 27, (licet id Vossius a quoquam Grammaticorum neget factum)  
agnoscit et nominativum *vix*: unde et *vix* adverbium idem Vossius non  
inepte deducit.

84) Huius vocis nominativus nusquam apud probatum auctorem iam  
reperitur, praeterquam in illo Caesaris ap. Priscian. col. 719. *Si sincera*  
*pecus erat*: quod ex antiquis Anglorum libris forte prolutum, nec iam  
imitandum censet Vossius Anal. I. 48, praesertim cum et ei nominativum  
adimat Charisius, col. 72. Confer et eund. Voss. Anal. I. 32. Rem ta-  
men ambiguum facit, quod *pecus* in recto fem. gen. ex veteribus Gram-  
maticis agnoscant, non Priscianus modo, col. 659 et 719, eoque teste  
Caper, col. 654: sed et ipse Charisius, col. 113. *Pecus* autem (sive  
*pecudis* cum Vossio mavis) in recto respexit Varro R. R. II. 1. med.  
Primum (inquit) ut bonum pares *pecus*, unum scire oportet, qua aetate  
quamque *pecudem* parare habereque expediat. Itaque in bubulo pecore  
nec minor emitur annicula. Item eod. cap. E quatuor altera pars est,  
cognitio formae cuiuscunque *pecudis* qualis fit. Magui enim interest,  
cuiusmodi quaeque sit ad fructum. Et paullo post. Qui potissimum  
quaeque *pecudem* pascatur, habenda ratio. Caeterum Buchananus noster  
non veritus est et nominativum exprimere Psal. XLIV. 12, *Pecus ut*  
*macella destinata*, exponitur *Caedentium libidini*.

85) *Sordes* singulari carere pronunciant Charisius, col. 20. et Dio-  
medes, col. 315. Sed contrarium multis exemplis ostendit Voss. Anal.  
I. 45. *Sordis* enim in genit. utitur Plaut. Poen. I. 2, 102. et Fulgent.  
Mythol. III. 1. *sordem* Cte. pro Flacc. 3. et ad Attic. I. 16. *sorde* Ho-  
rat. Epist. I. 2, 53. *sordi* eodem casu Lucret. VI. 1269. Quod autem  
et dativi exemplum ex Plaut. Asin. II. 4, 90. praebere putat Johnsonus,  
p. 202, pravi codicis vitio deceptus est vir alioquin perspicacissimus in  
omnibus enim meis, non *sordi datus*, quod ille legebat, sed unico voca-  
bulo *sordidatus* habetur. *Sordis* denique in nominativo profert Beda de  
Orthogr. col. 2345, in testimonium adhihens illud Ambrosii, *Mundet va-*  
*sa, ne sordis aliqua vini gratiam decoloret*.

86) Nec imitandus Erasmus, qui Paraph. in Luc. II. 1, nominativo  
usus: *Ut appareret quanto latius pateret diti Christi quam Cassaria*.

*lio*<sup>88)</sup> rarius, pro *divitiis* autem seu *potentia*, semper plurale reperitur. *Pecudis* et *sordis* plurali integra sunt. *Vices* et *vicibus* sunt satis frequentia: at genitivus *vicum* vel *vicium* non dicitur.

2. *Nex*, *daps*, *frux*, rarius in nominativo, adeoque et vocativo singulari inveniuntur<sup>89)</sup>; plurali fere integra sunt<sup>90)</sup>.

Pro *impero* autem seu *potestate* vox accipitur, non pro *regione* aut *provincia*, quomodo Lipsius, Thuanus, Casaubonus et Buchananus hoster minus recte usurpasse notantur. Vid. Sciop. Ind. de Stil. Hist. p. 190, 210 et 222. Vorst. Latin. susp. c. 14. Cellar. Antibar. p. 157.

87) *Ops*, pro Dea terrae; *Opis* Nymphas nomen, singulari integra sunt. *Opt*, quoque pro *opifero*, aut etiam *auxilio* ipso, dictum ex Accio notat Priscianus, col. 752, item pro *opulento* Festus, unde *inops*. *Opis* autem pro *auxilio* nominativo dici ex male intellectu Quidii loco Trist. I. 3, 10, putabat Iohnsonus App. p. 129, sed a Leodio monitus sententiam mutavit, Addit. p. 89. Quo magis mirum est, reverendum virum Sam. Pratenum, Gramm. Lat. part. I. p. 82, eundem denovo errorem errasse. *Opis* porro in dativo multi a recentioribus Grammaticis, Vassius, Rhenius, Finckius, Helvicus, Schmidius, Ghytraeus, Beumlerus, Sebastianus, Alvarus, Kirkwodus, Deixius, Iohnsonus, etc. agnoscunt; at cum nullo id exemplo suffulciant, rectius fecisse videntur qui repudiant, Charisius, col. 128. Diomedes, col. 288. Phocas, 1709; item Despauterius, p. 101. Carmichael, p. 41. Valerius Ultr. p. 80. Verepaeus, p. 210. Dantesius, p. 181. Farnabius, p. 17. Pratenus, p. 82. etc.

88) *Opes*, plurale pro *auxilio*, *opera* aut *labore*, habet Horat. Car. III. 8, 28, et Epist. I. 10, 86. Item Virg. Aen. XII. 427. et ipse Cic. Offic. II. 6. et Divin. II. 2. Confer Giffanii Observ. in L. L. p. m. 161: a quo etiam eopse loco observatum, Ciceronem nunquam *opibus* pro *divitiis* uti, sed pro *potentia*; ut et Plantum aliosque e veteribus, quos se sequi malle ait, quam Sallastium, Horatium, etc. qui priore illo significato usurpant. Caeterum pro *divitiis* etiam in singulari adhibuit vetus Poeta ap. eund. Cic. Tusc. III. 19, *O Priami domus* — *Vidi ego te astante ope barbarica, Tectis caelatis laqueatis, Auro, ebore instructam regiffice*.

89) *Nex* in recto sing. utitur Cis. pro Mil. c. 4. et Quintil. V. 14. *iniusta nex*: et auctor ad Herenn. IV. 22. *indigna nex*: et Sisenna ap. Non. II. 693. *mea nex*: et Auson. in Monosyll. *sera nex*. In plurali autem (contra quam Verepaeus et Kirkwodus docent) *neces* habent idem Cic. in Catil. I. 7: et pro Caecip. c. 34: et Tusc. III. 27. Tacit. V. 8, 5. Val. Flacc. III. 881. Auson. Perioch. Odys. 24. et (si Despauterio Vossioque fidendum sit) nom. accus. et voc. Plinius, *Nacum* vero, et *necibus*, vix *aspium* leguntur. \* *Daps* in recto utitur Cato R. R. 50 et 132. Festus in voce, et Liv. Andronicus ap. Priscian. col. 752: agnoscitque veteres dixisse Charisius, col. 20, quamvis idem eod. loc. ut et Phocas, col. 1708: *dapee* inter feminina tantum pluralia reponent. Alibi tamen Charis. col. 72. nominativum duntaxat vocativumque sing. ei adimit. Probus vero col. 1446, se *dapem* tantummodo numero sing. ait legisse. At *dapis* utitur Horat. Car. IV. 4, 12. Epod. V. 33, et XVII. 66. Sat. II. 6, 89. et Epist. I. 17, 51. et Ovid. in Ibin. v. 427. et Plin. IX. 42. *dapi* Cato. R. R. 132. *dapem* Id. ibid. Liv. I. 7. Tibull. I. 5, 28. Horat. Car. II. 7, 17. *dape* Cato dict. loc., Ovid. Fast. V. 521. He-

## Pentaprotota.

15. Quinque superstitibus, casu mutilantur at uno  
Plurima: distribuens nam vox, referensque, negansque;

Atque rogans vocitante caret. Pronomina iunge.  
*Tu, meus, et noster, nostras*, tamen excipe; quintum

Pluraque quæis magni tribuit sententia Vossi.

*Plus* dandi casu; patrio *satiæ*que *chaos*que

Deficit: adde *situs*. Nullum pluralia norunt

*Ora, vices* patrium, *soles, labes, soboles*que,

Atque *faces, proles, luces*. Fors plura notabis.

Uno casu deficiunt voces sequentes:

roid. IX. 68. et Stat. Sylv. IV. 9, 51. Plurali autem quamvis Grammatici integrum affirmant, *dapium* tamen nondum inveniri. \* *Frux* in nom. dixere Varro L. L. VIII. 31. Ennius Annal. IX. et XVII. ap. Prisc. col. 724: et Auson. Idyll. XII. Meminit et Festus in voc. *Fruges* etiam in recto antiquos dixisse notat Priscian. col. 678: quo usus Quintil. Decl. XIII. 15, *Laesa fruges*, quemadmodum et accuratissimus Burmannus edidit.

90) Tetraptotis addi possunt, (1) *Iovis, Iovi, Iovem, Iove*. *Iovis* quidem in nomin. antiqui utebantur, eosque secutus Hyginus, parum probatae Latinitatis auctor. Vid. supra cap. II. reg. 29. n. 94. Loco autem nominativi et vocat. *Iupiter* optimi quique dixere: quod ipsum cum alijs a se ortos casus perdiderit, non inepte inter diptota retuleris. (2) *Primoris, primori, primorem, primore*, adiectivum: cuius nomin. et vocat. *primor*, seu *primoris*, exolevisse docet Servius ad Virg. Aen. IX. 309. Plurali fere integrum et longe quidem usitatus est: non ita tamen quin singulari nonnunquam adhibeatur, contra quam Charisius, col. 20. Diomedes, c. 315. et Phocas, c. 1708, tradiderunt. Vid. supra cap. II. reg. 62. n. 32. *Primora* nom. accus. et voc. plur. nusquam invenimus. *Primerum* vero genitivus in illo Virg. loc. cit. *Primerum manus ad portas juvenumque senumque, Prosequitur votis*; an a *primus* sit, an *primoris*, dubitat Servius: mihi a posteriore potius hic ductum videtur; eodem modo quo ap. Tac. Hist. I. 81, 1, *Erat Othoni celebre convivium, primoribus feminis virisque*. (3) *Quiris* in recto haud dicendum docet Vossius de vit. serm. I. 15. *Charisio* quidem, Diomedes et Phocas locis cit. tantum plurale est. Inveniuntur tamen *Quiritis* ap. Horat. Epist. I. 6, 7. et Lucan. II. 886. *Quiriti* ap. Ovid. Met. XIV. 823. *Quiritem* ap. eund. Amor. I. 7, 29. Trist. II. 569. Iuven. VIII. 42. Horat. Car. II. 7, 3. Pers. V. 75. *Quirite* ap. Claudian. XII. 17, sed licentia poetica et abusive dicta, ut notat vetus Scholiastes ad memoratum Persii loc. Confer Voss. Anal. I. 42. § Ab alijs haec adiiciuntur, (1) A Phoca, col. 1709. et Desauterio, *remigis, remigi*, etc. at nominativo *remex* usi sunt (ipso agnoscente) Curtius IV. 3, 18. Propert. II. 20, 71, addere potuit et Cicer. Divin. II. 55. (2) A Charisio, col. 72, (cui et Vossius assentiri videtur Anal. I. 48.) *proceris, proceri*, etc. At

1. Vocativus<sup>91)</sup> carent.(1) Distributiva, seu Partitiva: ut, *quidam, alius*.(2) Relativa: ut, *qui, qualis*.(3) Negativa: ut, *nullus, neuter*.(4) Interrogativa: ut, *quis, uter<sup>92)</sup>*?(5) Pronomina: ut, *ego, sui*.

dubitat Johnsonus, an alius quisquam, praeterquam *ecce*, casus procrem ap. Iuven. VIII. 26, singulari reperiatur. (3) A Charisio, col. 25. Despauteriq et aliis, *frondis, frondi*, etc. At *frons* eo significatu usus Virgil. Geo. II. 372. Varr. R. R. I. 24. et II. 5. et in Parm. ap. Nonium VIII. 20. et Pallad. Septemb. t. 18. et intelligendum in illo Colum. R. R. VI. 8, de *fronda loquentia*, Probaturque maxime *ulmea, post fraxinea, et ab hac populnea*: ultimae sunt *iligneae, et quernae et laurcae, sed post aetatem necessariae, deficientibus caeteris*, ostendit Johnsonus, p. 130. Olim et *frax vel frax*, absque *u*, dicebant, testibus Charis. col. 105. et Ausonio in Monosyll. Et ita a Caesare B. C. III. 58, *Sed etiam frus ex arboribus deficiebat*, scriptum, non (ut vulgo) *fructus* vel *frondes* deficiebant, contendit Vossius, Anal. I. 34. *Frondis* etiam in recto usus Serenus XIII. 24, *Tum Delphica frondis addatur*, et XXXI. 10, *Prodest praeterea cum Baccho Pernica frondis: opprimas*; ita enim ab antiquioribus dictum testis est ad Virg. loc. cit. Servius. (4) *Decemplex* nominativo et vocativo privat Cor. Valerius Ultraiectinus, p. 30, at hoc pacto alia etiam nomina in *plex*, non hisce tantum, sed pluribus etiam casibus, privare poterat. Quia et hoc ipsum *decemplex* ap. Varronem inveniri notat Carmichael, p. 41. (5) Meliore iure *indecor* et *dedecor* recto inusitata noiat Desp. p. 40, quibus optimi tunc auctores consentio videntur abstinuisse. (6) *Lateris, lateri, laterem, latere*, abasque nomini, et voc. tantum in usu esse docent Diomedes, c. 316: Donatus, 1749. et Consentius, 2034. At *laterem* nom. Varro ap. Charis. col. 139. et Non. II. 481. Vitruv. I. 5, prope finem et Colum. VI. 14, extra dixere. Quo minus audiendi sunt, Phocas, qui col. 1708, *laterem* tantum et *latere* huic voci largitur, aut Priscianus, qui col. 673, *latere* etiam ei adimere videtur. Plures enim casus natura rei postulat; et *latere* etiam non solum Plauti est Truc. II. 2, 49, (agnoscente ipso Prisciano) sed etiam Ciceronis Divin. II. 47. et Plinii II. 82. et XIX. 16 ut et *lateris* eiusdem XVIII. 10. et *lateri* Columellae loc. proxime memorato. (7) *Nemo* denique genitivo et vocativo a nonnullis Grammaticorum veterum (referentibus Charis. col. 139. et Diomede, col. 322.) et a recentioribus a Monroo nostro aliisque privatur. At Plauti est, Capt. III. 5, 106, *Neminis misereri certum est, quia mei miseret neminem*; et Lucilii ap. Priscian. col. 683, *Neminis ingenio quinquam confidere oportet*; et Ciceronis ad Attic. XIV. 1, *Affirmabat in sermonem se post Idus Mart. praeterquam Lepidi, venisse neminem*; et Ennii ap. Fest. in voc. *Lapidio* corde sunt nullis, quod non miseret neminem.

91) Ea solum nomina, ad quae sermo dirigi non potest, vocativo carere dicenda sunt. Vid. Linaecum, p. 12. et Ursinum, p. 186.

92) Addit Despauterius Infinita: ut *atqvis, siquis*. At eiusmodi sub Partitivis comprehenduntur.

93) Vid. Linaec. p. 13. Frischlin. p. 329. Carmich. p. 42. Vossius Anal. IV. 3. Denos. p. 182. Vopaeum; p. 212. Finck. et Helvic. p. 144 et 166. Nov. Meth. p. 451. Ursin. p. 390. Johnson. p. 132: qui

† Excipiuntur vulgo haec quatuor Pronomina: *tu, meus, noster et nostras*. At Vossius aliique Grammaticorum principes aliis etiam Pronominibus vocativam tribuunt: ut, *ille, ipse, iste, hic, is et idem*; item Partitivis seu Distributivis quibusdam: ut, *aliquis, quilibet, quicunque, quisque, omnis* <sup>93</sup>).

vocativi in hiis sive nominibus, sive pronominibus, usum exemplis sequentibus confirmare conentur.

- Ille.** *Iam mihi libertas illa paternae vale*, Tibull. II. 4. 2.  
— *Si fas est, mos, precor, ille redi*, Id. II. 3. 46.  
*O nox illa, quae penae aeternae huic urbi, tenebras attulisti*,  
Cic. pro Flaco. 40.  
*O Nonae illae Decembres, quae, me Consule, fuistis*, Id. ibi.
- Ipsae.** *Ipsaeque tu tellus, ipsum cum fluctibus aequor*,  
*Ipsae meas aether accipe summe preces*, Ovid. in Ibin. 69.
- Hic.** *Eti nota Sol testis, et haec mihi terra precanti*, Virg. Aen. XII. 176.
- Idem.** *Tu tamen idem his nuptias perge facere ita, ut facis*, Ter. And. III. 2. 41.
- Aliquis.** *Aperite aliquis actutum ostium*, Id. Adelp. IV. 4. 25.  
*Exoriare aliquis nostris ex omnibus ulas*, Virg. Aen. IV. 625.
- Quilibet.** *Quilibet huc, dixit, confuge; tutus eris*, Ovid. Fast. III. 482.
- Quicunque.** *ne audari quisque affat*, Cratino, Pota. I. 128.
- Quisque.** *Quo ruitis, vestras quisque redite domos*, Ovidius Heroidum XIII. 130.
- Omnis.** *Dique Dnaeque omnes*, Virg. Geo. I. 21.

Præterea tamen, p. 111, sextum ex his testimonium relicit: *esto enim*, non secundae, ait, sed tertiae personae in citato Virgilii loco esse. Verum Servius ex contextu aliisque sequentibus vocativis, *esto* hic secundae personae esse colligit, atque *haec terra deivixiwōs* dici, ac si diceret, *O terra Italia, testis mihi esto*. Nonum haud satis validum fatetur ipse Vossius: non itidem ait se dicturum, *Exoriare aliquis Poenarum accensus amore*. Non possum tamen accedere Crusio, qui haec fere omnia in nominativos, coacta interpretatione utens, resolvit, hoc modo: *O dii daeque adeste: quot omnes: Confuge huc: quis? quilibet: sicut dicitur, Orator ad vos venio, etc.* \* Neque pro horum modo, sed aliorum etiam Pronominum, vocativis ratio stare videtur. Quid enim impedit, quo minus libertum quis compellet, *O tue nunc*; aut libertam, *O tu iam virgo*; aut servos alicuius, *Sui servi cum sustollite; defendite*. Caesarem *O amici sui*; uti docent Valla de Recipr. c. 13. Scaliger de caus. L. I. VI. 134. et Voss. l. 66. superius cit. Postremum tamen insolentius videtur, ideoque relativo, vix reciproco, utendum. Sic Psal. CIII. 20, *Benedicite Domino, omnes Angeli eius*, habet vulgatus Interpres, non *Angeli sui*. Caeterum errat in contrariam partem Charisius, qui col. 192. et seqq. omnibus hiis vocativum attribuit, etiam *tu ego* non exelaso: ut, *O ego infelix; O vos felices*; in quo rationem eum fugiase uideat, Vossius: in his enim *ego* et *vos*, non vocativi sed nominativi sunt casus: recteque a Prisciano observatum est, col. 954, *ullus, nullus, alius*, quae Charisius per omnes casus declinat, *vocativum habere non posse, cum abiegent praesentem demonstrativam personarum: vocativus autem praesentem soleat demonstrare personam*. \* An talis, tantus, tuus et te-

2. Dativo sing. caret *plus*<sup>94</sup>).

5. Genitivo singulari, totoque plurali, *satiās*, i. e. *satiētas*<sup>95</sup>), *chaos*<sup>96</sup>): item genitivo, forsā et dativo sing. et genit. dat. et abl. plur. *situs*<sup>97</sup>).

4. Genitivo plurali: *os*<sup>98</sup>), *viciis*<sup>99</sup>), *Sol*, plur.<sup>100</sup>); *labes*, *soboles* et *proles*<sup>1</sup>); *fax*, *lux*: item *faex*, *nex*, et alia quaedam \*2).

*tus*, prima brevi, vocativum naturā suā respuant, hanc dēclinationē. Talis quidem in vocativo positi exemplum proferit Christ. Scobar (in Ant. Nebriss. f. 42.) hoc Virg. Eccl. IV. 46. *Talia velle, talia decet, currite, fuis, Concordes stabili fautorum numine Parcae: ut currite, O talia secla currite*; quae et Car. Ruster interpretatio est. At rectius L. de la Cerda, qui sermonem notat non ad seculū sed ad filios dūgit, exponitque, *Currite talia secla*; q. d. *Currite per talia secla, vel hanc temporum felicitatem ne rumpite, aut interrumpite*. \* Unus et solus vocativo carere veterum quidam poterant. At in contrarium adducit Priscianus, col. 678, ex Catalo XXIV. 17. *Una de capillis, in Hymno in Phobolara, O amice ex malis mihi une Cephalio*; et ex Alkida in Hymno. XIV. 78. *Surge, age, Belide, de tot modo fratribus unus, unus pro une videatur* dicendum, quomodo et in quibusdam exemplaribus eandem sententiam habet. *Alas quoque vocativo carere videntur*.

95) Non abstinere tantum *satiās* (quod Desperterius existimavit ap. Lucretium invenisse, ff. 687, et V. 1890, sed *satiētatem*, etiam *satiēm* ap. eund. V. 40. V. Voas. Anal. I. 47, qui ex magistro Charisii, col. 84. *satiās* docet ex *satiētas* per Syncopen factam, easdemque vocis contractionem in omnibus obliquis, praeterquam genitivo, reperiri: ut non imitandi sint R. Stephanes alique Lexicographi, qui *satiās* in genitivo declinant. Addunt et *satiēs* in quinta dicitur, ut ap. Sil. IV. 189, sed libri emendatiores *satiās* habent. *Satiēs* tamen, etiam in praestantissima Harduini editione, ap. Plinium invenitur VIII. 51, quae si vera lectio est (vetustiores enim *satiētas* exhibent, Ful. Ursinus alii male) non recte a Desperterio obliquis privatur; neque multum culpandum Nebrissensis, qui accus. *Divitiis gignunt satiem, satiesque superbum*, in disticho quodam dixerit.

96) Vid. supra hui. cap. reg. 12. n. 78.

97) Vid. Rhodius, p. 90, et Solmschodan, p. 31.

98) Vid. supra reg. 14. n. 80.

99) Vid. eand. reg. 14. n. 82.

100) Pro *acnu*, aut *diebus*, plurali tantum utimur; etiam *acnu* ab abl. *colibus* (quod et vulgo adimant) habent Ovid. Met. XIII. 798. Hic rat. Epod. II. 41. Iuven. IV. 43, et multis locis Plinius.

1) Vid. paulo inferiori reg. XIX. n. 37.

2) \* Pentaptotis accenseri possunt, (1) *Gerunda*, quae vera nomina esse, omnes casus singulares praeter vocativum habentia, postea monstrabimus. Part. I. lib. IV. (2) *Alas* in genitivo rarum esse nōn docet Priscianus, col. 959. (3) *Via* dativo sing. carere plerique veterum Grammatici statuunt; at eos refellit Harduinus Addit. p. 37, illo Hirtii, sive Belli Africani auctoris, ci. 69, *Equitibus suis hostium vi oppositis*. Confer et Rami. Schol. Grammatic. p. 202. (4) Desperterius *verum* a verbi dici negat: quod tamen discrete extulit Charisius, col. 50, qui etiam *ibidem* non *verum* sed *vera* dēclinationē praestare. (5) *Crux* genitivo et da-

§. 5. *Deficientia Genere.*

Genere defici hic intelligimus nomina quaedam adiectiva, quae genere aliquo, sive per totum numerum, seu per certos quosdam casus, vel raro vel nunquam usurpata inveniuntur. De quibus haec regula esto.

## 16. Plurali primo, quarto quintoque carebit

Neutrius generis, quod in ER fit, fine sub uno, Mobile, FEX, OR et ES, simul OS: cum *pubere*, *supplex*,

*Comis*, *inops*que, *vigil*, *sons*que, *intercus*que, *re-*  
*dux*que.

*Caetera* masculiei rectum removeto priorem.

At *victrix*, *ultrix*, numero muliebria primo,

Femineum neutrumque genus pluralia poscunt.

*Plus* primo numero neutrum tulit, omne secundo.

Genere uno vel plaribus deficient:

1. In nominat. accusat. et vocat. plur. neutro fere destituuntur adiectiva tertiae, quae sub una terminatione exsunt:

(1) In ER: ut, *pauper*, *ceter*, *degener*, *uber*.

(2) In FEX: ut, *artifex*, *carthifex*<sup>3)</sup>.

(3) In OR: ut, *memor*, *concolor*, *bicorpor*.

(4) In ES: ut, *ales*, *dives*, *sospes*, *superstes*, *dese*,  
*reses*, *hebes*, *teres*, *praepe*<sup>4)</sup>.

(5) In OS: ut, *compos*, *impos*, *exos*<sup>5)</sup>.

(6) Item *pubis*, *impubis*, *supplex*, *comis*, *inops*, *vi-*  
*gil*, *sons*<sup>6)</sup>, *insons*, *intercus*, *redux*<sup>7)</sup>, et forsitan alia<sup>8)</sup>.

tivo plurali privant Vassius, Bonmlerus, Mindanus; at vid. supra cap. II. reg. 60. n. 27. (6) *Utrum* ab *uter*, *adipum* ab *adepe*, et *dolorum* a *dolus* dici negat Lancelotus ap. Desauterius p. 167. Alia denique quaedam monosyllaba; ut, *eples*, *fely*, *pax*, *pix*, *strix*, genitivo, (forte et dativo) plur. destituuntur. V. Voss. Anal. II. 14. Nov. Meth. p. 158. Ursin. p. 204.

8) Sic *artifices* *digiti*, *artifices* *motus*; *carnifices* *oculi*, *manus*, *epulas*, dicuntur. Saepius tamen haec substantive ponuntur.

4) Sic *congener*, *bicolor*, *diacolor*, *versicolor*, *tricorpor*; *cornipes*, *sonipes*, *bipes*, *tripes*, *quadrupes*, *aeripes*, *anguipes*, *locuples*, *perpes*, *hospes*, *comes*.

5) 1. 9. sine oculibus, Lucret. III. 721: at haec vox extra nominativum sing. et accus. exossem, ap. Plaut. Menaech. V. 11, 106. et Apul. Met. I. p. 8. vix reperitur, quoniam et aliter hic *exossem*, illio *exosabo*, legatur.

6) *Sons* in recto se non legitur, ait Probus, col. 1478.

2. *Caeter* vel *caeterus* in nominativo sing. vix dicitur<sup>9)</sup>; sed *caetera* et *caeterum*.

5. *Victrix*, et *ultrix*, in singulari feminini tantum sunt generis <sup>10</sup>, in plurali autem feminini et neutri, *ultrices* et *victricia*; *ultrices* et *ultricia*.

4. *Plus* in singulari neutri<sup>15)</sup>, in plurali omnis generis est<sup>12)</sup>.

7) *Reducum et reducibus vix inveniri putem.*

8) His forte addi possunt etiam, *trax, coxator, exorator, princeps, particeps*. ¶ Inveniuntur tamen ex praedictis adiectivis, *varicoloria vela* ap. Plin. XIX. *quadrupedia maiora, et caetera quadrupedia* ap. Colum. XI. 2. *omnis quadrupedia* ap. Pallad. Mart. I. 18. *verbo teretia* ap. Gell. VII. 14. *ossa hebetia* ap. Cels. VI. 15. extr. At *hospita aequora* Virg. Aen. III. 577. *hospita flumina*, Stat. Theb. IV. 842. *hospita lecta* Val. Flacc. II. 650, sunt ab *hospes*, *hospes*, *hospes* etiam a *pau-*  
*per* meminit Voss. Anal. II. 18, sed nullo auctore. Neque *superstitia* fragmenta cum nupero scriptore Io. Nic. Funcio, de Adol. L. L. cap. VI. §. 4. facile dixerim. ¶ Quidam adiectivis haec etiam in singulari neutrum adimunt: quod optimi tamen auctores non refigerunt, ut Virg. Aen. V. 521. *memor nubes*, Plin. X. 52. *bicolor ovum*. Val. Max. II. 1. *ab-*  
*dices et praepotens naturae regnum*. Ovid. Art. Amat. I. 70. *externo*  
*marmore dives opus*. Iuvén. XIII. 178. *Depositum tibi sospes erit*. Ovid. Amor. III. 15. ult. *Post meo mensurum fata superest opus*. Id. Met. XIII. 185. *hebes ingenium*. Catull. LIX. 181. *brachiatum feres*. Colum. IV. 26. *Pedamen teres*. Lucan. V. 26. *Rerum nos summa sequitur imperiique comes*. Horat. Epod. V. 5, 18. *Impube corpus*. Cic. ad Att. III. 20. *Nihil come, nihil simplex*. Id. in Limona Frang. *Quicquid come loquens*. \* Extra nominativum et accus. etiam frequentiora sunt, ut Virg. Ecl. I. 69. *Pauperis iuguri*. Stat. Theb. I. 151. *Pugna est de paupere regno*. Curt. V. 1, 12. *Uberi et pingui solo*. Sil. III. 365. *Alite plumbdo*. Tibull. I. 10, 81. *Divitis auri pondere*. Lucret. IV. 51. *hebeti corde*. Ovid. Met. X. 113. *tereti collo*. Val. Flacc. II. 105. *tereti apuro*. Id. V. 486. *vigili pulcherrima flumina cornu*. Cic. Verr. III. 70. *Ex aerario inopi*, etc. Item in plurali Virg. Aen. XII. 418. *puberibus foliis*. Ovid. Fast. IV. 155. *supplicibus verbis*. Etiam intercutibus vitia A. Gell. XIII. 8, et intercutibus stupeis Cato ap. Priscian. col. 719. *fixere*. \* Degeneribus autem, *congeneribus, memoribus, compositibus, im-*  
*potibus, cornipedibus et aonipedibus*, nondum ullo in genere inveni.

9) *Caeterus ornatus* in plerisque editionibus legitur ap. Caton. R.R. c. 22: at Meursius et Popma haec verba non agnoscunt.

10) Claudianus tamen XXVIII. 25, *victrici solo dixit*, et (referente Farnabio, System. Gramin. p. 49.) Minut. Felix, *victrix tropaeum*,

11) *Plus* in singulari substantivum tantum esse vulgatio tenet opinio: natura autem esse adiectivum per se vox ipsa indicat. Sic cum dico, *pluris emi*, intellige cum Vossio Ariat. II. 24. *pretii*, vel potius cum Sanctio IV. 16, extr. *aeris pretio*. Sic *pluris venit*, Cic. ap. Charis. col. 84, suppl. *pretio*. Clarius et expressius Plautus Bacch. IV. 3, 17, *Mortuus plaris pretii* et; *quam ego sum*: et Sallust. Jug. 90, *Neque plaris pretii equum, quam illum habeo*; et Vitruv. VII. 3, *Ne plus sparium habentes pedes binos*. Haec adiectivum esse plano evincunt. Non ideo tamen queant in eorum sententiam facile concedere, qui ma-



## §. 4. Deficientia Numero.

Ex his alla *plurali*, alia *singulari* deficiunt. Ex utrisque autem ea primum nomina exponemus, quae ad summa quaedam capita solent reduci: caetera deinde sub suo quaque genere nominatim recenserebimus.

sculino putant aut feminino posse adhiberi. In eo enim Plauti Truc. II. 6, 8, *Pluris est oculatus testis unus, quam auriti decem*, nolim cum Vossio loc. cit. *fidei* (sed *pretii*) intelligere: et in illo Varronia R. R. III. 16, *Ut ne plus tertia pars eximatur mellis*, subaudiendum *negotium quam*. Methodi auctor, qui (p. m. 415.) haec verba e Plinio perperam adducit, aut ipse deceptus est, aut Kirkwodo nostro incautius legenti errandi causam dedit: is enim, p. 22, *Hic* (inquit) *quidam* (Sanctiam aut methodi auctorem innuens) *plus aiunt cum voce pars genere concordare*; quae opinione non ipse multum dissentit: postea enim paucis interiectis subiicit, *Et si in neutro licet dicere pluri pretii, cur non etiam in masculino pluri valoris*. Atqui, ut Methodi auctorem praeteream, cuius eadem quidem, sed obscurius prolata videtur sententia; Sanctius certe, ut plus adiectivum esse contendit, ita porro addit *Idem* cit. neutrum ei semper in singulari terminationem esse, ut *ea vitrix* femininum. Idem fere docet Goeleus, qui Prohl. Gram. III. 80. Scaligerum notat non satis recte in Exercit. 22. *pluri saeco dixisse*: Quod si ex eo, quod plus interdum adiunctum sibi habeat substantivum, cum illo in genere continere censendum sit; eodem plane modo consequenter necesse est, ut minus et amplius omnis interdum generis fiant; idque non singulari tantum, sed etiam plurali, veluti ap. Caes. B. G. VII. 48, *Es die milites sunt minus septingenti desiderati*; et Ibid. V. 7, *Naves amplius octingentae una erant visae*. Plus quoque ipsum pluralis itidem numeri erit: ut Liv. XXXIX. 31, *Romani paulo plus sexcenti ceciderunt*. In his autem omnibus ad sive secundum plus, minus, amplius negotium quam, recte methodi auctor intelligit. Confer Voss. de Construct. c. 15. et Ursin. part. II. p. 119, 120.

12) Huc referri possunt, (1) *Seminecem*, quod nusquam in neutro iam reperitur, cuique nullos alios casus concedit Johnsonus, p. 128, praeter illum accus. *seminecem*, Liv. XXIII. 15. et XXIX. 2. Virg. Aen. V. 275, et plurali, nom. accus. et voc. *semineces*, Tac. Hist. III. 28, 4. et Agric. XXXVI. 8. Ovid. Met. I. 228. Val. Flacc. III. 153, etc. et genitivum *seminecum*, Sil. IV. 164. et VI. 11. At dativum quoque habet Virgil. Aen. X. 462, *Cernat semineci sibi me rapere arma cruenta*: nec dubito quin, re sic postulante, genitivo *seminecis*, et ablativo *seminece*, idem aliquo fuerint usuri. (2) Adiectiva quaedam, quae uni alicui, vel pluribus tantum substantivis adici possunt, quaeque propterea Rhenius in Paralip. p. 666. *Proprie seu Specialia* appellat: quae sunt *Gradius Mars*, *Cytherea Venus*, *innuba virgo*, *concupia et intempesta nox*, *obstipum copus*, *meracum vinum*, *haedus aut hircus petulcus*, *subrumus agnus*, *lims oculi*, *simae capellae*, *apicae oves*, *Lucae boves*, *relicinus capillus*, *duracinae uvae*, *crustumina pira*, *rugiens leo*, *crocitans corvus*, *latrans canis*, etc. Confer supra cap. 1. reg. 14. n. 73. Ex hoc numero sunt, *nupta*, *praegnans*, *gravida*, *foeta*, et si quae sunt eiusmodi, semellus proprie convenientia, quae tamen figurate maxime aliisque substantivis interdum apponuntur. Sic *neuum nuptum*, pro *nupta*, Plaut. Casin. V. 1. 6. dixisse, notat Priscianus, col. 783. et *praegnans Iovis*

*Plurali in universum carentia.*

17. Propria sunt solo numero varianda priore.

Ni vel plura notent, vel sint pluralia tantum.

Nomina virtutum, vitiorum, abstractaque et artes

Rarius agnoscunt pluralem, et pleraque quintae:

Quois iunges herbas, frumenta, metalla, liquores.

In plurali nunquam vel rarius inveniuntur:

1. Nomina propria: ut, *Hector, Dido, Italia, Roma, Parnassus, Danubius.*

Exc. 1. At si propria pluribus eiusdem nominis conveniant, nihil impedit quo minus plurali utamur. Dicitur enim *plures Ioves, duodecim Caesares, tres Alexandri Reges Scotorum* &c).

Exc. 2. Quaedam urbium nomina in solo plurali leguntur: ut, *Veii, Athenae, Bactra*: de quibus reg. 21, mox dicetur.

2. Rarius etiam in plurali usurpantur:

(1) Nomina virtutum: ut, *iustitia, fortitudo* &c).

(2) Nomina vitiorum: ut, *ambitus, luxus* &c).

*caecorum* legi ait Sanctius, I. 7. p. 56. Virgili quoque est *Ecl. III. 83, Dulce — calix foeto pecori*: et *Aen. I. 55, Loca foeta furentibus avistis*; et *Geo. II. 5, gravidus ager*; et *Ovid. Fast. IV. 683, gravidum pecus*; et *Virg. II. 9, init. Quae sunt praegnantia*. (3) *Tricuspide* neutro generi adiunctum negat Priscianus, col. 652, nisi in obliquis, *atque tricuspide telo* ap. *Ovid. Met. I. 380*. (4) Eadem et *Vossio. Anal. II. 11*, de adiectivo cognominis, mens videtur. V. supra cap. II. n. 93. § Alii minus recte alia huc adiciunt, (1) *Priscianus, col. 707, die* adiectivum neutro singulari negat inveniri, quamvis plurale *die* satis sit frequens. At *Val. Flacc. II. 296, dite solum dixit* (nisi hoc ait ab antiquo *ditis*): ut *omittam diti de pectore* ap. *Lucret. I. 414*. (2) *Sanctius loc. proxime cit. et IV. 17, p. 857, almus* ait raro in masculino nunquam in neutro reperiri; at *almum iubar* habet idem *Val. Flacc. V. 311, almus sidus* *Statius, Theb. X. 364*. et *Virg. Geo. II. 390, almus ager*; et *Ecl. VII. 17*, et *Aen. V. 64, diem almus* *Horat. Carm. Saecul. 9, alme Sol*, *Lucret. II. 390, liquor almus*, et *Ped. Albinov. Eleg. II. 13, almi Caesaris*. Sanctio imposuisse videtur *Festus*, qui *alme*, non *almus*, nominat. (3) Alii addunt *bilicem* et *trilicem*, absque neutro, et accus. tantum casus: at *bilix* et *trilix* agnoscunt vet. glossae. Vid. *Voss. Anal. I. 43*, et *Ursin. p. 154*.

18) Propriis item nominibus in plurali utimur, (1) Cum pluralis singulari accipitur: ut *Martial. I. 25, Qui loquitur Curios, assertoresque Camillos*. (2) Cum de similibus, semulis aut imitatoribus eorum, quibus propria conveniebant, fit sermo: ut *Ovid. Heroid. XIII. 68, Et multos illic Hectoras esse puta*, *Martial. VIII. 56, Sint Maecenates, non deerunt, Flares, Alarones*. (3) Denique, cum pro eorum statu aut summis accipiuntur: ut, *Cic. Acad. IV. 26, extr. Centum Alexandrea cum*

- (3) Nomina abstracta: ut, *magnitudo*, *iuventus*<sup>15)</sup>.  
 (4) Nomina artium: ut, *Grammatica*, *Musica*<sup>16)</sup>.  
 (5) Nomina quintae declinationis pleraque omnia: ut, *fides*, *macies*<sup>17)</sup>.

*demodi facere*, Horat. Epist. II. l. 234, *Retulis acceptos, regale nomina*, *Philippus*.

14) Pleraque virtutum et vitiomm nomina, utpote ab adiectivis deducta, ad abstractorum classem referri possunt.

15) Ex nominibus tamen abstractis innumera pene plurali inveniri ostendit in primis accuratissimus Johnsonus, App. p. 163, etc. et Addit. p. 39, quae sunt: *Acerbitates*, *Aerimoniae*, *Aegritudines*, *Alacritates*, *Amaritudines*, *Amalgamitates*, *Amicitiae*, *Amicitiae*, *Auctoritates*, *Bonitates*, *Benignitates*, *Calliditates*, *Caritates*, *Celeritates*, *Claritates*, *Commoditates*, *Constantiae*, *Cupidines*, *Cupiditates*, *Debilitates*, *Dementiae*, *Difficultates*, *Discordiae*, *Ebrietates*, *Egestates*, *Elegantiae*, *Excellentiae*, *Familiaritates*, *Felicitates*, *Festivitates*, *Fortitudines*, *Gracilitates*, *Gravitates*, *Habilitates*, *Hilaritates*, *Incontinentiae*, *Inimicitiae*, *Inimicitiae*, *Impuritates*, *Inertitates*, *Inertitiae*, *Infirmities*, *Infidelitates*, *Iniquitates*, *Inopiae*, *Indignae*, *Intelligentiae*, *Invidiae*, *Iracundiae*, *Incupitates*, *Lacritiae*, *Lassitudines*, *Lavittiae*, *Liberalitates*, *Libertates*, *Levitates*, *Loquacitates*, *Magnitudines*, *Malignitates*, *Militiae*, *Mediocritates*, *Maturitates*, *Memoriae*, *Misericordiae*, *Mobilitates*, *Molestiae*, *Mollitiae*, *Munditiae*, *Necessitates*, *Nequitiae*, *No-bilitates*, *Notitiae*, *Novitates*, *Obscenitates*, *Obscuritates*, *Opportunitates*, *Orbitates*, *Parvitates*, *Pestilentiae*, *Petulantiae*, *Potentiae*, *Potestates*, *Pravitates*, *Præsentiae*, *Proceritates*, *Propinquitates*, *Proprietates*, *Prosperitates*, *Raucaeitates*, *Retentitiae*, *Reverentiae*, *Salsitudines*, *Sanctitates*, *Salubritates*, *Sævitiae*, *Satiitates*, *Sapientiae*, *Seabritiae*, *Securitates*, *Severitates*, *Serentitates*, *Sericitates*, *Similitudines*, *Societates*, *Sodalitates*, *Sotitudines*, *Solertiae*, *Sollicitudines*, *Spurcitiae*, *Sterilitates*, *Stultitiae*, *Suavitates*, *Sublimitates*, *Superbiae*, *Tarditates*, *Temeritates*, *Tempestivitates*, *Timiditates*, *Tranquillitates*, *Tristitiae*, *Turpitudines*, *Valitudines*, *Vanitates*, *Varietates*, *Uberitates*, *Velocitates*, *Venustates*, *Veritates*, *Vicinitates*. Item, *Abstrudines*, *Amoenitates*, *Antiquitates*, *Asperitates*, *Brevitates*, *Captivitates*, *Condiementiae*, *Consuetudines*, *Differentiae*, *Distantiae*, *Eminentiae*, *Fiduciae*, *Gentilitates*, *Gratiae*, pro opibus aut potentia, *Imortalitates*, *Immenditates*, *Inanitates*, *Incoluntitates*, *Indulgentiae*, *Lasciviae*, *Misericordiae*, *Opulentiae*, *Paupertates*, *Peregrinitates*, *Pulchritudines*, *Servitutes*, *Vetustates*, *Violentiae*, et quaedam aliae. Confer et Carmichael p. 32. Voss, Anal. I. 46. [Heusinger. ad Cic. de Off. I. 22, 15. I. 28, 7. Bromi ad Cic. de Fin. I. 8.]

16) Sic *Rhetorica*, *Dialectica*, *Logica*, *Ethica*, *Physica*, *Politica*, *Arithmetica*, *Nautica*. Sunt autem natura adiectiva, in quibus *et* vel *are* intelligitur. Sed *Philosophia*, *Theologia*, *Astrologia* seu *Astronomia*, *Cosmographia*, *Geometria*, substantiva sunt singularia, feminini iudicem generis. Ex prioribus autem pleraque pluraliter et neutro genere usurpantur, *Rhetorica*, -orum; *Metaphysica*, -orum. Sic *Geographica*, *Bucolica*, *Halizusceda*, *Therapeutica*, *Physica*, etc. quibus subaudiendum, *carmina*, *præcepta*, aut simile quoddam substantivum. V. post reg. 21.

17) Ex omnibus quintae declinationis res solum et dñs plurali integra esse supra docuimus reg. XIII. quibus *acies*, *facies*, *progenies*, *spes*, *species*, *superficies*, vulgo adduntur, quae tamen extra nom. accus. et voc. apud idoneos auctores haud facile reperies. Praeter ea autem, plurali otium in casibus usitata invenit Johnsonus, App. p. 160, et Addit. p.

(6) Nomina herbarum: ut, *hyssopus*, *apium*<sup>18</sup>).

(7) Nomina frumentorum: ut, *triticum*, *secale*<sup>19</sup>).

(8) Nomina metallorum: ut, *aurum*, *argentum*<sup>20</sup>),  
item mineralium: ut, *alumen*, *sulphur*<sup>21</sup>).

39. *cluvies*, *glacies*, et *scabies*: ut, *cluvies praeruptae* ap. Curt. VIII. 11, 7. *hyperboreas glacies* ap. Virg. Geo. IV. 517. *Porei et Socration*, *duae sinistrae Pisonis scabies*, *fumesque Memmi* ap. Catull. XLVIII, et *canum scabies sanantur* ap. Plin. XXVIII. 18. At postrema haec duo testimonia non satis valida ad rem firmandam videntur. Prius enim in multis (et melioribus, opinor) codicibus sic distinguitur — *duae sinistrae Pisonis*, *scabies*, *fumesque Memmi*, vel *Mundi*. Posteriore vero ex optima Harduini editione, *sanantur*, non *sanatur*, legimus. Miror autem Johnsonum aliosque hic *effigies* omisisse, quod pluraliter non tantum Plinius multis in locis: ut II. 8, *innumeras effigies*. VII. 3, *mirabiles effigies*. XXXIV. 5, *togatae et nudae*. XXXV. 12, *laudatissimae*, etc. sed Virg. Aen. III. 148, *effigies sacraeque Divum*. Sili. XVII. 898, *spirantes praefatae* Tac. Anal. XIV. 32, 3, *effigies relictas*. Ibid. LXI. 1, *effigies* Poppaeae praeiungunt, etc. adhibuerunt. Perniciae denique in plurali dicere ausum Arnob. lib. II. notat Vossius loc. superius laudato. \* His igitur, et forte *luxuries* et *materies* (de quibus dictum in extremo c. II.) exceptis, reliqua quintae fere omnia plurali in universum privantur.

18) Plurimis etiam herbarum nominibus pluralem restituit egregia Johnsoni diligentia, p. 139: ut, *Abrotoni*, *abrynthia*, *acanthi*, *aconita*, *algae*, *allia*, *asparagi*; *Betonicae*, *betulae*, *bibli*, *brassicae*, *bulbi*; *Cardui*, *casiae*, *centaurea*, *cicutae*, *colocasia*, *coriandra*, *croci*; *Erucae*; *Filices*; *Hellebori*; *Intybi* et *intyba*, *inulae*, *iunci*; *Lactucae*, *lappae*, *lappanae*, *liua*; *Malvae*, *meliphylla*, *menthae*; *Nepetae*; *Ozima*; *Papavera*, *papyri*, *porri*; *Sampsuca*, *saturcia*, *serpylla*, *sesama*, *stupae*; *Thymi*, *tribuli*; *Verbenae*, *violae*, *ulpicae*, *urticae*. Quibus adiungit ipse Johnson. Addit. p. 37, *Amoma*, *annagallides*, *anthyllides*, *cunila*, *lolia*, *rutae*, *sithimallis*; et Carmich. p. 31, *hyacinthi*, *lilia*, *cepa*.

19) Haec etiam pluraliter inveniuntur: ut, *steriles avenae* ap. Virg. Ecl. V. 37. et Geo. I. 154. et *vanis avenis* Ibid. 226: item *grandia hordea*, et *serite hordea*, et *hordea fragili culmo* ap. eund. Ecl. V. 16. et Geo. I. 210, 317. Posterius ex hisce deridet Cornificius ap. Gledonium, col. 1398, hoc versiculo, *Hordea qui dixit, superest ut tritica dicat*: at longe maioris faciendum Maronianum iudicium notat Voss. Anal. I. 88: qui tamen, mira in tanto viro oscitantia, protinus addit, ita etiam in prosa loquutus Mamertinum in Panegy. *Rumpunt horrea conditae messes*; tanquam idem *horreum*, quod *hordeum*, sit. Caeterum *hordea* in plurali Ovidius quoque XIV. 278. et Iuven. VIII. 154. extulerunt. Idem porro Vossius *avenas* dictis Virgillii locis, non pro *frumento*, sed *segetis vitio* accipi, adeoque huc non pertinere contendit. In contrarium nititur Johnsonus, qui ex ille Plinii IV. 13, *Feruntur et Oonae*, in quibus *ovis avium et avenis incolae vivunt*, *avenas* pro frumento etiam genere pluraliter usurpatum existimat; saltem non rem adeo fuisse inutilem, quum ea vivere homines possent. Utcunque sit haec res, *avenas* pro frumento calamis plurali adhibuit Ovid. Met. I. 677. et Met. VIII. 192. et Trist. V. 10, 25. et Claudian. XXXI. 35. § Huc etiam referuntur legumina, ut *faba*, *pisum*, *lupinus*, *ervum*, *cicer*, *canabis*, *lens*, *miliun*, *panicum*, *vicia*, etc. Sed ex his quoque nonnulla pluralem receperunt: ut *fabae* Virg. Geo. I. 216. Ovid. Fast. II. 576. Ibid. V. 267;

(9) Nomina liquorum: ut, *lac*, *oleum*<sup>22)</sup>, <sup>23)</sup>.

(10) Hac denique referuntur nomina multarum rerum, quae mensurari aut ponderari solent: ut, *butyrum*, *saccharum*<sup>24)</sup>.

436, 438: et VI. 180: et de medic. fac. 70. Plin. XVIII. 7, 10, 26, etc. *pisa* Plin. XVIII. 7. *lupini* Id. XXII. 25. XXIII. 4. XXXV. 10. Horat. Sat. II. 8, 182: et Epist. I. 7, 25. Ovid. de med. fac. 69. *vicibe* Id. Fast. V. 267.

20) At *aera* pro rebus ex aere factis Poetis plurali frequentissimum est. Plinius, etiam IX. 40. *addere his aera*, ut *Corinthia*, dixit. Vid. et supra reg. XIII. n. 80. *Electra* quoque tam pro metallo [ut ap. Martial. VIII. 51. Plin. IX. 40. et Claud. de rapt. Pros. 248.] quam pro succino [ut ap. Virg. Ecl. VIII. 54. Ovid. Met. II. 866. et Amor. III. 12, 57. Claud. VII. 125. XXVIII. 164. et XL. 11.] plurali usitata. *Orichalca* et *stanna* ap. Vitruvium leg. notat Vossius Anst. I. 88, prius quoque habet et Stat. Theb. X. 654. et Val. Flacc. III. 61.

21) Sic *creta*, *minium*, *vitridum*, *bitumen*, *stibium*, etc. *Sulphura* tamen Poetis plurali satis frequens: *Bituminum* quoque dixit Plin. VII. 15. *De sale et nitro*, quae huic referuntur, vid. mox reg. 20.

22) Inter haec memorantur, *vinum*, *villum*, *mulsum*, *mustum*, *defrutum*, *sapa*, *cerevisia*, *lora*, *xythum*: item *acetum*, *muria*, *omphacium*, etc. At *vinum* plurali usitatissimum: etiam *vinis* in dativo et ablat. (quod dici prohibet Servius ad Virg. Eclog. V. 36. et Geo. II. 98.) habent Ovid. Fast. VI. 473. et Met. XII. 317. Cato R. R. 148, et plurimis in locis Plinius: cuius etiam est *vinorum* XIII. 4. et XIV. 20. *Mulsa* Plaut. Poen. I. 2, 112. *Musta* Martial. I. 19. XIII. 8, et 120. Quintil. Inst. II. 4. Tibull. I. 1, 6. V. 24. et II. 3, 38. Plin. XXIII. 1. XXXVI. 22. et saepius Ovidius; idemque in ablat. *mustis* Amor. I. 15, 11, dixere. *Defruta* Virgilii est, Geo. IV. 269. et Plinii XIV. 21. *Sapas* eiusdem Plinii ibid. ¶ Hoc autem animadvertendum est, Grammaticos de iis fere liquorum nominibus, quae potui aut nutritioni inserviunt, locum videri: alia enim in plurali haud raro inveniuntur: ut, *atramenta*, *biles*, *cholerae*, *cruores*, *faeces*, *salivae*, *spumae*, *sudores*, *urinae*, etc. V. Johnson. p. 144. et Addit. p. 88, ut generatiora liquorum nomina omittam: ut, *aqua*, *fluvius*, *amnis*, *fons*, *resina*, *gutta*, *imber*, *lacus*, *latex*, *mare*, *pluvia*, *stagnum*, etc. omnia plurali usitatissima. ¶ Inter liquores a quibusdam recensentur res ndae et unguinosae, qualia sunt *adeps*, *arvina*, *balsamum*, *opobalsamum*, *cera*, *halec*, pro *muria* et *liquore gari*, *gluten*, seu *glutinum*, *gummi*, *medulla*, *pix*, *resina*, *sebum*, *succinum*, etc. Sed et haec pluraliter quandoque reperiuntur: *adipes*, *balsama*, *opobalsama*, *cerae*, *gummi* [in gen. plur.] *medullae*, *piceae*, *resinae*, *succina* [Plin. XXXVII. 7, init.] Vid. Johns. p. 147. et Addit. p. 88.

23) Nihil amplius patere videtur haec rerum, sive vocabulorum, classis; utpote pleraque ex superioribus, frumentorum, metallorum, liquorumque, etc. nomina complectens. Ex maiore etiam parte fallax est canon; nam *lana*, *linum*, *panis*, *carbo*, *corium*, aliaque innumera, quae ad mensuram vel pensum pertinent, nomina, tantum abest ut plurali excludantur, ut saepissime eum postulet rerum ipsarum natura; praesertim ubi diversa eorum genera seu species intelligi volumus.

24) His alii adiciunt, (1) Nomina aetatum: ut, *infantia*, *pueritia*, *senectus*, etc. et haec sub abstractis comprehenduntur. (2) Aromatum: ut, *casia*, *crocus*, *moschus*, etc. sed ex his duo priora ad herbas referuntur. De *pipere* et *zinziburi* post dicetur. (3) Fruticum: ut, *siler*,

*Masculina nunquam vel raro pluralia.*

18. Haec quoque pluralem numerum vix mascula norunt:

*Nemo, penus, viscus, limus, cum sanguine, pontus, Hesperus, atque finus, mundus muliebris, et aer: Aethera cum musco iunges et prole diei.*

*Pluralemque sopor raro, ros, pulvis, habebunt.*

genista, edera, ligustrum, cytisus, eruca, arbutus; rubus, iuniperus, ulia, etc. at haec sere omnia tam usu, quam rei ipsus natura, pluralem admittunt. (4) Morborum: at pleraque ex his plurali reperiunt ostendit Johnsonus App. p. 180: ut, *crapulae, febres, hydropices, lippitudines, paralyces, podagriae, spasmi, stranguriae, tussae, vertigines, etc.* (5) Elementorum: ut, *terra, aqua, aer, ignis*: at ea, cum partes eorum aliquae significantur, plurali frequentata ipsi agnoscunt; praeter aer, quod tamen Laetius et Vitruvius eo numero extulerunt. V. reg. seq. (6) Addit denique Charisius, col. 22, quae nec videri nec tangi possunt, verum ab his in alterutram partem doloris aut gaudii addicuntur: ut, *gaudium, vigor, metus, letum, timor, terror, insania, sopor, ira, iustitia, moestitia, senium, etc.* Atqui eorum pars permagna ad abstractorum proprie sic dictorum classem pertinet. Reliqua sere sunt, quae abstractas quidem qualitates Dialectici appellant, at ea non ab adiectivis, sed a verbis derivata: qualia sunt plurima in *or* et *io* tertiae, et in *us* quarta nominis. E verbalibus in *or* duo tantum et viginti plurali careere docet Johnsonus, p. 154, viz. *acor, alior, amaror, caldor, canor, claror, decolor, fueror, levor, lentor, lutor, mador, marcor, macror, mucor, nigror, putor, putror, rancor, stringor, tarpore, viror*. Verum ex his multa sunt vix iam vel in singulari usitata: duo etiam *decores* et *factores* ipse postea pluralia invenit, Addit. p. 89. Caeteris autem omnibus, ut, *algor, amor, ardor, angor, calor, etc.* pluralem idoneis exemplis asseruit. Ut autem hac in parte nimia, ita in reliquis contraction, aut certe non satis aequalis, videtur viri diligentia. Ex nominibus enim in *us* trita tantum, *contemptus, fastus* et *metus*; in *io* vero sex, *ambitio, cognatio, cognitio, contagio, desperatio, oblitio*, pluraliter usurpata commemorat: tanquam reliquis omnibus is numerus deesset. Vid. eum p. 162, extr. Atqui ex utrisque alia multa sunt, quae pluraliter adhibita ostendere facile solet: ut, *aditus, adventus, applausus, aspectus, assensus, caveus, hortatus, incurtus, quiritatus, recessus, etc.* Et, *adhortatio, adulatio, basitatio, cavillatio, comparatio, comprehensio, consensio, consignatio, conversatio, deliberatio, divinatio, exhibitio, frustratio, gratulatio, hortatio, imaginatio, laudatio, machinatio, narratio, obiurgatio, obrectatio, occasio, offensio, opinio, perceptio, praescriptio, praeservatio, professio, reconciliatio, reprehensio, respiratio, reputatio, restitutio, replicatio, sinectio, solutio, scriptio, suasio, superstitio, tentatio, vacatio, vitatio, vituperatio, vociferatio, usurpacio, usurpatio*; et plurima forma alia. Sed vix operae pretium est istiusmodi minutias ulterius consecrari. Haec enim omnia (ut probe a Carmichael nostro, p. 82, animadversum) diligentius observatione, quam Grammaticorum praeceptis cognoscuntur. Id tantum reliquum est, ut breviter hic in calce rationes subiiciam, propter quas auctores, nomina non modo praedicta, sed alia etiam nonnulla, ra-

In plurali vix unquam reperiuntur haec nomina masculina: *nemo*, *perus*, *viscus*, *linus*, *sanguis*<sup>25</sup>); *pontus*, *hesperus*, *simus*, *mundus*, pro mulierum ornamentis<sup>26</sup>); *aër*<sup>27</sup>); *aether*, *muscus*<sup>28</sup>); *meridies*, a *medius* et *dies* compositum<sup>29</sup>).

Rarius pluralem admittunt, *sopor*, *ros*, *pulvis*<sup>30</sup>); <sup>31</sup>).

rius multitudinis numero adhaerent. Eas autem tres (pro diversa eorum natura) assignat solertissimus Iohannes. Prima est, quod in nominibus herbarum, et metallorum, rei materiam, quae in unaquaque specie una eademque est, fere solum attendebant: indeque est quod in nominibus fructuum, nonnunquam etiam et arborum, singularis pro plurali sit usitatus. Sic Virg. Ecl. X. 76, *Iuniperi gravis umbra*, pro *iuniperorum*: et Geo. II. 12, *Ut molle siler*, *lentaque genistae*, *Populus*, et *glauca canentia fronde alicta*: et mox, *Ut altae Castaneae*, *nemorumque Iovi quae maxima frondet Aesculus*, *atque habitae Graiis oracula quercus*. Sic etiam Livius alicubi, *arbores abietis*: et Pallad. Iun. t. 5, *arbores fici*: et Octob. t. 8, *arbores oleae* dixerunt. Secunda est, quod in frumentorum, leguminum, liquorumque, etc. nominibus, res illae ex multis granis seu minutis particulis aggregatae, unum quasi corpus constituere intelligantur: quae ratio non in hisce modo, sed aliis etiam nominibus interdum locum habet: ut, *acus*, *palea*, *furfur*, item *arena*, *pulvis*, *cinis*, *lana*: quae etiam de maiore mole, (sive ut vulgo loquuntur) quantitate, dicta, singulariter adhibita Iohannes ostendit, p. 137 et 143. Tertia ad abstractas, quas vocant, qualitates pertinet: eas autem, cum in omnibus tanquam res unae eademque spectari soleant, singulari propterea plerumque proferuntur: cum vero, non tam qualitates ipsae, quam varii earum actus et exercitia, aut diversae, quibus eas insunt res hominesque considerantur, pluralem fere omnia haec nomina admittunt.

25) Nec imitandus vulgatus Bibliorum interpres, qui Psal. V. 6. et Ps. LIV. 24, *virum sanguinum* dixit.

26) *Mundus* etiam pro *universi compage* plurali carere volunt. At Lucret. V. 529. *in variis mundis*, et Plin. II. 1, *innumerabiles mundos*: quomodo, nec uno in loco, Cicero loquitur. V. cum Acad. IV. 17. Nat. Deor. I. 10, 26 et 34.

27) *Aëribus binis* et *aëribus alternis* dixit Lucret. IV. 292, et V. 644. et Vitruv. I. 1, *aëres locorum*, et I. 4, *aëribus firmitatem eripit*: nisi hic potius cum Philandro a *rebus* aut a *corporibus* legendum.

28) *Muscis* hoc sensu utitur Apuleius, Met. II. p. 40.

29) Ovid. Amor. I. 5, ult. pluralem sic παραφράζει, *Proveniant madi sic mihi saepe dies*.

30) *Sopores* Ansonius, Idyll. VI. 41. et Ephem. ult. 23; *Rores* Virg. Geo. I. 385. et Aen. XII. 359. Horat. Car. III. 8, 56. Cic. Div. I. 8. Sil. Ital. IV. 165. et VII. 206. Lucan. IX. 701. Stat. Sylv. V. 1, 35. et Plin. II. 60, multisque aliis locis, dixerunt. *Roribus* eiusdem Plinii est, XVI. 26. et XVII. 24. Luc. VII. 837. Stat. Theb. II. 674. V. 590. VIII. 8. et XII. 138. Claudian. X. 249, et (si Vossio credimus) *Cohemellae*. At *rorum* vel *rorum* nusquam apud Classicum quengnam, cum eod. Vossio reperiri existimem. *Pulveres* Horatius Epod. XVII. 48. et Pallad. Feb. t. 25, *pulveribus* idem Pallad. Oct. t. 14, utuntur.

*Feminina nunquam aut raro pluralia.*

19. Vix ea plurales adhibent muliebria casus:

*Plebs, humus, atque lues, sitis, ac argilla, supellex, Cum veniaque salus, et vespera, glareæ, pubes, Et tabes.* Numerum capiunt quoque rara secundum,

*Talio cum cholera, fames, pax, gloria, tellus, Et bilis, cutis, atque quies, pituitaque, labes:*

*Adde picem, famam, sobolem, eumque indolem.*

31) Addit Despaüterius, 1. *Fumus*. 2. *Carcer* pro loco ubi santes detinentur. 3. *Uncus*, pro *zona* sponæ nubentis. 5. *Genuinus*, pro *posteriore dente*. At *fumi* Lucretius, VI. 102. *fumis* Martialis. III. 82, 23, *fumos* Virg. Geo. II. 217. et Geo. IV. 230. Ovid. Met. I. 571, et Fast. I. 577. et Martialis. II. 90. IV. 5, et XIV. 118, pluraliter adhibuerunt. In reliquis rerum ipsarum natura pluralem necessario requirit. Præterea *plenos carceres*, e Seneca, et *carcerum equaloribus premitur* e Iul. Firmico in Prol. profert post eund. Despaüterium Voss. Anal. I. 39. *Uncei* ap. Florum III. 21, *Genuini* ap. Cic. Nat. Deor. II. 54, reperiuntur. 6. *Cultus*, quod pro *auri folio*, singulari tantum usurpandum his adiungunt Curius et Despaüterius, nusquam peculiari hoc sensu apud quempiam e Classicis puto inveniri. Quæ ab aliis Grammaticis huc addita, præter iam dicta, notat Vossius, sunt hæc: *adeps, almus, alvus, autumnus, clævus*, pro *impurpurata veste* [V. Charis. col. 19.] *cruror, genius, subar, metus, pallor, sal*, pro *condimento, silex, situs, Sol, terror, timor, vigor, unus*. At ex his pleraque pluraliter sæpius usitata ostendit idem Vossius loc. cit. ut, \* *adipes* Lucret. IV. 645. Quintil. Inst. II. 10. et Plin. VIII. 36. XI. 37. §. 85, extr. et XVI. 38. *adipibus* Colum. VI. 2, extr. \* *Nereides almae* Cic. in Arat. v. 450. *almae Camoenæ* Horat. Car. III. 4, 42. *almis vitibus* Virg. Geo. II. 233. \* *Ad eliciendas alvos* Plin. XIX. 5. Vid. et VIII. 57. XIX. 8. et XXXI. 2. Idem quoque pro *alvearibus opium* plurali utitur, ut XI. 16. XXI. 14, etc. et ante eum Varro R. R. III. 16 bis. \* *Inæquales autumnos* Ovid. Met. I. 117, per *autumnos* Horat. Car. II. 14, 15, *autumnis pinguestis* Plin. XIV. 2. \* *Plagulae tunicae altera angustis clavis, altera latæ* Varr. de Anal. II. p. m. 1109. et Liv. IX. 7, *Tabernæ circa forum clausæ*, — *lati clavi, annuli aurei positi*. \* *Gemi* Plautus Truc. II. 1, 81. Plin. I. 7. Censorin. I. 3, extulere. \* *Metus* plurale est, non tantum Poetis Virgilio, Ovidio, Horatio, Silio, V. Flacco, etc. sed etiam Plinio VII. 50. XXII. 22. XXXVII. 4, extr. Tacito Hist. IV. 5, 5. Quintil. Declam. VIII. 11. et XVIII. 10. *metuum* autem et *metibus* nusquam legi supra docuimus, rog. 13. \* *Sales* pro *condimento* utitur Colum. VII. 4, extr. *salibus durata*, et VII. 8, med. *aspergitur tritis salibus*: et VIII. 6, *integrus salibus adoperiunt*. *Sales* etiam *aequoreos* dixit Lucan. X. 257. Addo Pallad. Mai. t. 9. Oct. t. 12. Nov. t. 17, 18, 19, 20, 21, 22, et Deo. t. 6. item Paulum Ictum, Ammianum, et Vegetium, a Vossio citatos Anal. I. 39. Confer infra de hac voce rog. 20.

K



Haec feminae *vix*, unquam in plurali adhibentur: *plebs*<sup>32)</sup>, *humus*, (*lues*<sup>33)</sup>), *sitis*, *argilla*, *supellex*<sup>34)</sup>), *venia*, *salus*<sup>35)</sup>), *vespera*<sup>36)</sup>), *glarea*, *pubes*, *tabes*.

n. 39, et reg. 22. q. 75. \* *Silices* habent Lucretius, Propertius, Ovidius, etc. *silicum* id. Lucret. VI. 683. Ovid. Amor. I. 11. 9. \* *Situs* plurale, pro *positione*, satis frequens. Sic *situs locorum* Plin. II. 12. *situs oppidorum* Caesar. B. G. III. quos *situs* Cic. ad Q. frat. II. 16. pro *aqualore* etiam Ovid. Met. VII. 308, dicere. \* *Duba soles viros* Liv. XXVIII. 11. et XXIX. 14. *plures soles* Plin. II. 31. *soles bino* *fermosque apparuisse* Senec. N. Quaest. I. 11. Adde supra reg. XV. n. 98. \* *Unus* in plurali non usurpatur, nisi iis iungantur quae aut nunquam aut raro singulo numero reperiuntur, docet inter alios Vossius Anal. I. 39: ut, Ter. Eun. II. 3, 76. in *unis aedibus*, Sallust. Jug. c. 64. *unae et alterae scalae*, Id. Catil. 6. *una moenia*. Rectius Varro, qui Anagl. II. p. m. 1107, singulari in *verbis* [i. e. *vocibus*] singularibus; plurali in coniunctis rebus utendum tradit. Hoc enim pacto *unus* quibuslibet fere substantiis pluraliter apponi potest. Sic Cato R. R. 10 et 11, *molas asinarias unae*. Plaut. Pseud. I. 1, 52, *nunc unae quinque remorantur minae*. Id. Trin. I. 2, 129, *Quia rure dum sum ego unus sex dies*. Cic. pro Flacc. 29, *In quo tibi invidio, quod unis vestimentis tamdiu lautus es*. Virg. Aen. II. 642, *Satis una superque Vidimus excidia*. Lucan. IV. 548, *In portibus una*. Buchanan. Psal. LVI. 4, *Pollicitis tuis innoxius unis*. Id. Epig. III. 10, 27, *Votis unis*. Confer et Linac. Bb. III. p. 176. Carmich. p. 84. et Johnson. p. 216. \* Porro *cruores* Virgilio, Horatio aliaque Poetis satis frequens: *palloribus* utuntur Lucret. IV. 337. et Tacit. Agric. XLV. 4. *timores* Horatii est Car. I. 37, 16. Ovid. Trist. II. 158. Stat. Theb. V. 319. *timorum* Lucani I. 454. *sigores* Sili II. 356. *vigoribus* A. Gellii XIX. 11. \* Meliore autem iure hoc retulissent alia quaedam in *or*, quae vere plurali dastituta Johnsonus observavit, p. 161, qualia sunt, *acor*, *albor*, *amaror*, etc. supra reg. XVII. n. 28, memorata. \* Caeterum *iubar* et *qlus* minus recte hic masculinis adnumerantur, quibus ex purioris aevi consuetudine hoc genus fuisse abrogatum cap. 1. docuimus. § Addit Johnsonus, p. 155, *modus*, pro *ratione* (*medium* vulgo vocant) *rei cuiusquam perficiendae*. At hoc significatu pluraliter adhibuisse videtur Lucretius V. 67, *Et quibus ille modis congestus materiai Fundavit opelum*, etc. et v. 74, *Es quibus ille modis Divum metus insinuat Pectora* — Rectius mos sententia *modus* pro *rei mensura* aut *sine* dixisset; quod nunquam nisi singulariter, ut contra *modi* pro *versibus* aut *numeriis musicis*, nusquam nisi pluraliter, legisse me memini. § His denique addit, teste Despauperio, *Laucilottus*, *Oculus*, *Erebus*, *arrhabo*, *halo* et *bolus*; at ex his duo priora quasi propria sunt: reliquia, si plura notentur, pluralis necessarius est: *bolus* etiam eo in numero utitur Plautus Pers. IV. 4, 106.

32) *Plebes urbanae*, in l. 3. Cod. de Feriis, et *coronam plebium*, ap. Prudentium in vit. Romani, v. 709, legi Vossius notat. Columella etiam de apibus loquens, IX. 11. *duas dixit aut tres alveorum plebes*. At de *populi* vulgo non aliter quam singulari apud bonos auctores reperies.

33) *Alternas lues* habet Prudentius, x. *crisp.* II. 222. Vid. interim quae de hac voce supra notavimus ad reg. 13. n. 78.

34) Vid. supra cap. hui. reg. 8. n. 10.

35) *Salutea* vulgatus Interpres Psal. XVIII. 51, eumque imitatus Mars. Picinus dixerunt, notante Vossio Anal. I. 40. Sed Charisii, qui plurali privat, potior auctoritas.

Rarius plurali reperiuntur, *talio, cholera, fames, pax, gloria, tellus, bilis, cutis, quies, pituita, labes, pix, fama, soboles et proles, indoles*<sup>1)</sup>, <sup>2)</sup>).

36) Sic *vesper, vesperugo*, et (de quo dictum) *Hesperus*, ideo singularia, quod de una re tantum dicantur; proprie enim *stellam Veneris* significant post Solis occasum visam: quemadmodum et eadem tempore matutino *Lucifer* appellatur, ob eandem rationem plurali destitutum.

37) *Tuliones* et *talionum* Gellius XX. 1. \* *Cholera* et *cholerae* (sed de morbo) Plin. XX. 12. §. 48. et 14. §. 52. et §. 53. et XXII. 25. §. 70. \* *Paces* Plaut. Rud. I. 5, 1. Lucret. V. 1229. Horat. Epist. I. 3, 8. et Epist. II. 1, 102. Sallust. Jug. 35. et ap. Clodion. col. 1898. et Varro de vit. pop. Rom. ap. Non. II. 621, eosque secutus Buchanan. noster Psal. LXXII. 7. Plaut. etiam *pacibus perfectis* dixit Pers. V. 1, 1. \* *Gloriae, gloriarum* et *glorias*, Plaut. Truc. IV. 4, 36. et Mil. I. 1, 22. Tacit. Anal. III. 45, 4. Gell. I. 2. et Eumen. Orat. pro restaur. Schol. c. 6. Addunt Vossius, Methodista Gallus et Walkerus illud Cic. pro Planc. c. 24, *Etenim honorum gradus summis hominibus et infimis sunt pares; gloriae dispares*. At rectius, me iudice, *gloriae* hic cum Johnsono, genitiv. singul. positum dixeris: unde et in Gronovii editione *gloriae, dispares*, committate interlecto, legitur. \* *Tellures* Cor. Gallus ap. Vib. Sequest. de Flumin. p. m. 45. \* *Biles* pro morbo (ut videtur) Plin. XXVI. 8. §. 46, at pro *humore corporis* sic dicto, aut *ira*, vix alio quam singulari reperies. \* *Cutes* Plin. VI. 31. Solin. cap. 70. Adfert quoque Johnsonus illud Propertii IV. 5, 62, *Per tenues ossa sunt numerata cutes*: at hunc verum tanquam spurium obelisco configunt meliores Interpretes: *citibus* autem habent non tantum Aurelian. Chronic. I. 4. p. m. 315. et Arnob. lib. II. extr. sed etiam Plin. VII. 2. et XI. 37. \* *Quietes* Lucret. I. 406. *quietibus* Cic. Offic. I. 29. \* *Pituitae* Plin. XX. 14. §. 53. et 17. §. 73. et XXIV. 10. §. 45. et 11. §. 61. et XXVI. 10. §. 62. et Pallad. I. 28. \* *Labes* plur. Cic. Offic. III. 21. Gell. I. 2. Arnob. lib. II. et IV. Symmach. Epist. VI. 7. Buchan. Psal. LI. 10. \* *Pices* Virg. Geo. III. Plin. XIV. 20. et XVI. 12. \* *Famae* [citante Vossio] Plaut. Trin. Sallust. Fragm. VI. 2. etiamque imitatus Arnob. lib. VII. et ante eum Aruntius, quem eo nomine damnat Seneca Epist. 114. \* *Soboles* plur. Cic. de leg. III. 2. Plin. XI. 11. Colum. IX. 14. et X. v. 213. et de novellis ramulis loquens, IV. 29. et de Arbor. o. 5. Gell. XIX. 12. et Pallad. Novemb. t. 7. de pruno. Neque hoc significatu *sobolibus* refugit Colum. V. 6, quanquam id a se lectum neget Despanterius. \* *Indoles* plur. Gell. XIX. 12. \* *Proles* plur. Colum. X. v. 163; *prolum*, ut alibi diximus, Mart. Capella.

38) Praedictis addunt veteres alique Grammatici, *Arena, barba*, [de bestiis plurali tantum dici volunt:] *contagio, culpa, fuga, galla, gazo, hara, ira, lux, mors, pestis, sors* (pro *sortitione*) *struss, tursis, via, vita* (ut, *alvus, nex*, abstracta aliaque prius memorata omittam:) quorum fere omnium frequentem satis ex optimis auctoribus usum, Voss. Anal. I. 40. Carmich. p. 33. Ursinus, p. 101. Johnsonus, p. 156. et alii, eruerunt. § Lancilotto denique, referente Despanterio, tantum singularia sunt, *Luna, mastix, iniquies, olivitas*, pro tempore *legendarum olivarum, autumnitae*, pro *proventu autumnii, spatha*, pro *instrumento pharmacopolarum, ora*, pro *junc* quo navis ad terram religatur. At *Lunas* habet Claudian. XVIII. 6; eadem ratione qua *Soles*, Liv. XXVIII. *olivitates* Colum. I. 1, *spathae* et *oris* de pluribus dicenti necessario utendum: posterius quo-

Neutra nunquam vel raro pluralia.

20. Insuper haec numerum renuunt prope neutra secundum:

*Sal, iubar et nihilum, virus, pus, atque veternum, Iustitium, foenum, sabulum, seniumque, lutamque, Ver, ebur, atque penum, lethum, cum glutine, viscum.*

Adde *salum, glastum, nitrum, nil, nectar, omasum, Maneque, prolubium*, simul et *diluculum, et album*, Atque *gelu, tabum, pelagus* quoque, *vulgus et hilum*,

*Zinziber atque hepar, gypsum, coenumque, vitrumque,*

*Cumque eroco lardum, piper, et cum felle barathrum.*

Haec neutra denique nunquam vel raro in plurali usurpantur: *sal*<sup>39)</sup>, *iubar, nihilum, nihil et nil, virus*<sup>40)</sup>, *pus*<sup>41)</sup>, *veternum* vel *veternis*, *iustitium, foenum*<sup>42)</sup>, *sabulum* vel *sabulo*, masc. gen. *senium*<sup>43)</sup>, *lutum*<sup>44)</sup>, *ver*,

que habet Liv. XXII. 19. et XXVIII. 36, priore etiam, (sed pro gladiis, ad eius similitudinem, latioris generis), Tacit. Anal. XII. 35, 5. *Olivitas* quoque et *autumnitas* inter abstracta, *masticx* inter liquida referri possunt: de *inquires* reg. 10. diximus: *¶* Potiori iure huc referri possunt, *adorea, fors, propago* de prole humana; *ravis, requies*, et *prosapia*. *Prosapias* quidem *veteres* ex Catone de origin. citat Nonius I. 349: plurali carere volunt Charis. col. 19. et Diomed. col. 814. Cicero vero de Univ. II. antiquatum etiam in singulari notat vocis usum; Quintil. Inst. VIII. 3, insulsum existimat.

39) *Sales* masc. pro *facetiis*, plurali quam singulari usitatus; pro *condimento* autem *ciborum* frequentius singulari: at *sal* neutrum singulari raro, plurali nunquam usurpatur.

40) *Virus* tres tantum similes casus singulares habere Probus aliquo e veteribus statuunt: at *vir* et *viro* inde Lucretius deflexit. Vid. supra reg. 12. n. 78. Johnsono autem ablativum quoque pluralem ei tribuenti, Addit. p. 88. imposuit prava Statii, Theb. VI. 835, editio, in qua — *omnia In viris adducta Venus* — legebatur: at illic in *virces* melioribus editum, quod et necessario sententia ipsa deposcit.

41) *Pura* tamen in plur. extulit Plinius, multis in locis, ut XXVIII. 6. *aurium pura*, et XXIV. 16, *pura exacerantibus*: adde XXX. 9. et XXXV. 6. et confer supra reg. 12. n. 78.

42) *Foena* plurali utitur Pallad. Mai. t. 1.

43) *Senium* quoque inter abstracta censeri potest.

44) *Luta* ex Cicerone Nonius III. 132. ex Caesaro Caper, col. 2244 proferunt,

*ebur*<sup>45)</sup>, *penum*, *-ni*, et *penus*, *-noris*<sup>46)</sup> *tertiæ*, *lethum*, *gluten* et *glutinum*, *viscum*, *salum*, *glastum*, *nitrum*, *nectar*, *omasum*, *manē*<sup>47)</sup>, *prolabium*<sup>48)</sup>, *diluculum*, *alibum*, *gelu*, *tabum*<sup>49)</sup>, *pelagus*<sup>50)</sup>, *vulgus*<sup>51)</sup>, *hilum*, *zinziber*<sup>52)</sup>, *hepar*, *gypsum*, *coenurum*, *vitrum*, *crocum*<sup>53)</sup>, *lardum*<sup>54)</sup>, *piper*, *fel*<sup>55)</sup>, *barathrum*<sup>56)</sup>.

45) *Ebora* plurali dixit Plin. XIX. 5. §. 26; extr. et XXXVI. 2. princ.

46) *Pena* nusquam dictum: *penora* autem Festus in voc. et Colum. non semel utitur. Vld. eum XII. 4. ubi ait, *he sita penora mutoreto contrahant*: et paullo post, *cum ea res innoxia penora conseruet*: et in lemmate cap. 2. eiusd. lib. *tractare penora*, et cap. 4. *parare vasa penoribus*. Adi sis et Gell. de hac voce disserentem IV. 1. et supra cap. 1. reg. 38. n. 71. \* Finckium et Helvicum; qui *sala* ap. Virg. legi aiunt, plane falli Vossius observat.

47) *Mane*, ut alibi docuimus in nominat. accusat. ex ablat. singul. tantum reperitur: quo postremo casu *mani* etiam Plaut. Most. III. 2) 80, extulit.

48) *Prolubium* in nom. solum et accus. sing. Iohnsonus legi tradit, p. 118 et 119.

49) De hac voce vid. supra reg. 10. n. 55.

50) *Pelage* plur. Lucretius utitur, V. 36, et VI. 619, itemque (si recte se habet Meursii lectio) Catullus LXI. 16: at hoc potius a Gr. *πῆλαγος*, contracte *πῆλῑγῑ*, quam a Lat. *pelagus* descendere videtur. V: cap. 2. reg. 3. Profert autem ex Cicer. de Fin. II. 4, *de pelagis omnibus*, Despaunterius: at pro eo in emendationibus *Pelagis* repositum est.

51) *Fulgi* plur. ex corrupto Cic. loco Nat. Deor. III. 17, [*Saturnum vulgi colunt*] adfert Despaunterius: pro quo meliores libri (quod Vossius monuit) *vulgo* habent.

52) *Zinziberi* potius aut *zinziberis* dicendum notavit Vossius vit. serm. I. 12.

53) *Croci* quidem et *crocus* plurali ap. Ovid. Met. IV. 393. Fast. IV. 442. Propert. IV. 16. et Iuven. VII. 208. a *croeus*, m. g. reperies; at *croca* nusquam. *Crocis* quidem, pro *luteis* illis *apicibus* in medio libro nascentibus, utitur Plin. XXI. 5: an id vero a *crocum*, anne a *croca*, dellexerit, haud satis certum.

54) *Lārda* tamen pinguis dixit Ovid. Fast. VI. 169.

55) *Fel*, pro mordacitate aut virulentia, plurali vix reperitur: at pro parte corporis, quae primaria est vocis significatio, pluralem, si de pluribus sermo sit, recte adhiberi existimat Iohnsonus, p. 181.

56) Multa alia veteres novique Grammatici huc ingerunt plurali destituta; *aevum*, *allium*, *altum*, *callum*, *coelum*, *delicium*, *fascinum*, *gaudium*, *halec*, *ingenium*, *lac*, *macellum*, *marmor*, *melos*, *murmur*, *pedum*, *robur*, *rudus*, *rus*, *scrupulum*, *solum*, *solum*, *siler*, *siner*, *sinapi*, *sulphur*. Verum in horum plerisque frequentem satis pluralivi usum, Vossius, Iohnsonus aliique indagaverunt. \* *Aevis* enim dixere Ovid. de Pont. I. 3; 83. Met. II. 649. Plin. XIV 1. XVI. 2. §. 44. XVII. 18. et XXIV. 6. *aevorum* Hieron. in 1 lib. Esdrae. \* *Tranquilla* per alta Virg. Aen. II. 208. *sciz. marda*. \* *Callis* misti Saellius Ang. 80. \* *Fascinis* Plin. XXVI. 10. \* *Gaudia* Roctis tritissimum, *gogaudis* etiam habet Cic. Ca-

## Singulari in universum carentia.

## 21. Multa tenent solos plurales nomina casus.

Festa, libros, urbes, ludos signantia: iungi

Cardineus vult his numerus quoque, distribuensque:

Quem pauci, plerique gregem comitantur et ambo.

til. I. 10. \* *Ingenia*, *ingeniorum* et *ingeniis* eidem Ciceroni frequentia, Div. I. 88, extr. pro Arch. 8. Orat. 15, etc. Sic et Quintil. Inst. I. 8. Plin. N. H. quamplurimis in locis, et alii. \* *Marmora* utuntur non tantum Pæetæ, Horat. Ges. II. 18, 17. et IV. 8, 18. Ovid. Met. VI. 812: et XV. 814. Iuven. I. 13. Manil. II. 778. Stat. Sylv. I. 9, 86. Claudian. XX. 360. et *marmoribus*, Iuven. XIV. 90: et Lucan. X. 115. Sed etiam Oratores aliique: ut Quintil. Inst. V. 11. p. 445. Senec. Epist. 90: et Epist. 100, *varietas marmorum*; *Marmora* autem, *marmorum* et *marmoribus* habet Plin. XXXIII. 7, extr. XXXVI. 7, init. et XXIV. 17. §. 102, et multis aliis locis. \* *Murmura* Poëtis fere omnibus usitatum, Lucret. I. 724. Virg. Aen. IV. 210: Propert. I. 8, 5. Val. Flacc. I. 496. Ovid. Met. I. 206. Stat. Theb. I. 207. Iuven. X. 89. Pers. III. 81: item Plin. XXVIII. 7. *murmurum* autem et *murmuribus* vix puto inveniri. \* *Mobora* pro *viribus*. Virg. Aen. VII. 610. Ovid. Met. XV. 229 et 421. Lucret. V. 818. V. Flacc. I. 559: Ciceronis etiam est pro *Client*, c. 56. *Illa robora populi Rom.* et ad Attic. VI. 5, *Haec sunt nostra robora*. \* *A rudus* est *rudera* ap. Liv. XXVI. 11: et Prudent. Apoth. v. 725. et *rudibus* ap. Rutil. Nomat. Itin. I. 412. \* *Rura* habent non tantum Poëtæ, quibus creberrimi est usus, sed etiam Cic. Offic. III. 1. Varro R. R. 1. 2. med. et Plin. II. 68, et pluribus aliis locis. De genit. et dat. plur. vid. supra reg. 13. n. 80. \* *Sola*, pro *terris*, dixere Ennius ap. Festum, Lucret. II. 592. Virg. Geo. I. 80. Tibull. I. 5, 8. Catull. LXI. 7 et 40. Stat. Sylv. I. 1, 56. Theb. IV. 445. Theb. VIII. 391. et Theb. X. 471. Senec. Oedip. v. 434. Nemes. Cyneg. v. 8. et Avien. de script. orb. v. 272, 503, 999, et 1312. et Buchanan. Psal. XXXIII. 5; et LXV. 11. In prosa etiam ipse Cic. pro Corn. Balbo, c. 5. *sola terrarum ultimarum*; et orat. anteq. iret in exil. c. 10, ext. *Cuius natu visse terrarum gubernantur*: ut praeterea Arnob. lib. II. *excipere alia telluris sola dicentem*. Quin et eodem numero pro *plantis pedum* adhibuerunt Martial. X. 72: et Cic. cuius est Tusc. V. 82, *calceamentum solorum callum*; ut et Lactantii de Mort. Pers. c. 21, *Donec callum solorum contractum igni ab ossibus revelleretur*. Item pro *solis*, *pavimentis*, aut similibus: ut *sola marmorea* ap. Cic. Parad. VI. et *sola horreorum* ap. Colum. I. 6. med. et *sola pieta* ap. Prudent. contr. Symmach. II. 250. Ut plane mirum sit tot Grammaticos pluralem huic voci ereptum ivisse. § *Alia* porro sunt ex eo genere vocabulorum, quae plurali prorsus carere, rerum ipsarum naturae et cuiusvis linguae genio repugnat: ut, *macellum*, *pedum*, *scrupulum*, *solum*: ut mittam haec omnia (excepto *pedum*, de quo dictum reg. 9. n. 41): pluraliter apud optimos auctores reperiri. \* *Macella ista* Memmianum dixisse Caper, col. 224. \* *Scrupula* saepius habet Colum. V. 1 et 2: item Martial. IV. 89, *al. scriptula*. \* *Solia duo* Cato R. R. c. 10. *solia balnearum* Plin. XX. 21. *solia argentea* Id. XXXIII. 12. *solis fertilibus* Id. XXXV. 12. § *Allium* praeterea et *aiser* (prius Virg. Ecl. II. 11: auctori Morat. v. 88. et Colum. X. v. 112, posterius Plin. XX. 5, plurali usitatum) ad herbas pertinent; *haec* ad liquida; forte etiam et *halae* pro *maria*: pro *piete* autem, sive

Singulari generatim privantur.

1. Nomina festorum: ut, *Bacchanalia* <sup>57)</sup>, *Quinquatria*, et *Quinquatrus* f. gen. <sup>58)</sup>

2. Multa nomina librorum: ut, *Bacchica*, *Georgica* <sup>59)</sup>.

neutro, sive muliebri dicatur, de multis loquenti pluralis necessarius est; ut immerito culpatus sit eo numero utens Brycius Cordus, cuius propterea est hic versus Epig. lib. II. *Quod tres halcees dixi, me, Sexte, reprehendis.* § De *caelum*, *delicium*, *melos*, *sinapi*, aliisque in I nominibus, superior dictum h. cap. reg. 4, 6, 8 et 12. § Huc autem recte à Iohansono referuntur (præter *diluvium*, *mane*, *omnium*, *protubium*, *verternum*, *piper* et *zinziber* a nobis in regula proposita) *balustium* et *optum* semper singularia: rarius item pluralia *exitium*, *odium*, *omertum*. § *Silera* de multis dici posse idem affirmat; perstringitque non satis ex merito. Vossium eumque secutos Methodistam, *Lesodium*, etc. *siler* inter nomina tantum singularia reponentes: ita enim ante eos docuerant Charisius, col. 19. Diomedes, col. 314. [non *siler*, ut vulgo editum,]. Despanterius, p. 104, etc. ut tutius plurali abstinere putem. § His addunt Nebrissenis, Despanterius et alii, *olor*, *hir*, *fas*, *mesas*, instar, *neceae* et *necessum*, de quibus supra regimus, reg. 9, 11 et 12: item *manua*, *mammona* et *pascha*, voces peregrinas. *Munna* autem, cum panis vicem suppleret, ad frumenta reg. 17, referri potest. *Mammona* vero, sive *Mammonas*, proprie divitiarum Deus, ideoque plurali privatim censebitur. *Pascha* denique, ex Vossii (ut reg. sequenti notatum) sententia, pluralem admittit. § His porro annumerat idem Despanterius *epicum*, antiquæ pro *spica*, et *sinum* (al. *sinus*) pro *quæ ventricosus*, parum usitatum, utrumque vero pluralis naturaliter capax. Postremo adiciunt *meditullium*, *teruncium*, *epitrum*, *saccharum*, *interval*, *aguricum*, *alligium*, *abdomen*, *eumen*, *temetum*, *veruacum*, *papyrum*, *capital*, *specimen*, ubi pro copia: de quorum omnium plurali haud ita facile est nunc statuere. Vid. Despaut. p. 108.

57) Haec natura adiectiva sunt: quibus *Festa* intelligi oportet. Cæterum iunctum *agonale festum*, *Bacchanale festum*, dici posse docet Macrobius, Saturn. I. 4. Plautus etiam *Bacchanal facere*. Mil. III. 2, 44: et *Bacchanal exereere*. Amph. IV. 2. suppos. 12 et 15; in singulari dixit: et Sueton. Aug. 31, *sacrum* *Lupercule*.

58) Excipe *Pascha* et *Bentecoste*, quæquam Vossius Anal. I. 41, *tria paschula*, vel potius *paschua*, Chronologicè dicere permittat. Confer cap. 1. reg. 16. n. 75.

59) In his, quas etiam adiectiva anat, *apoca*, *Biblia*, *præcepta*, vel tale quid, animo concipiendum: quædammodum in *sanctis* intelligitur libri: At de horum uno loquentes, non singulari modo, sed eo forsitan rectius, primo *annali*, quæ pluraliter primo *annalium*, utuntur. Ita enim Cic. Attic. XII. 23, *Scriptum est in his annalibus*; et de clar. Orat. c. 15, *Apud Ennium in nobis (ut opinor) annali*. Nepos XXIII. 13, *Africanus in annali suo scriptum reliquit*. Plin. VII. 23, *Ennius — propter eos ætatem annalem videtur*. Et Gell. VI. 7, *Centenarius quinquagesimo Quadragesimo annali*; et II. 9, *Ex annali eius videtur*. Eodem sero pacto, idem Cic. Offic. II. 24, *Xenophon in eo libro quæ Oeconomicus inscribitur: et Colum. XII. 1, in Oeconomico Xenophon*; et Id. VII. 5, *Georgicæ carmen, dicitur*. Cæterum Poematum nomina; ut *Aeneis*, *Thebais*, *Iliadis*, *Achilleis*, *Iliad*, feminina fere, et tantum singularia sunt. Vid. supra reg. 17. n. 14. [Ad *Æneid*, *Odyssey* etc. supplendum est *æneida*. Vid. Franckii Callinum p. 171. G. St.]

5. Nomina ludorum: ut, *Apollinares*, *Olympia*<sup>60</sup>).

4. Multa urbium nomina: ut, *Philippi*, *Syracusae*, *Sardis* vel *Sardeis*<sup>61</sup>), *Hierosolyma*<sup>62</sup>).

5. Numeri cardinales omnes (praeter unus et mille substantivum)<sup>63</sup>) ut, *duo*, *centum*.

6. Numeri distributivi plerumque: ut, *singuli*, *bini*, *deni*<sup>64</sup>).

7. Quibus denique adde, *pauci*, *plerique*<sup>65</sup>), *ambo*<sup>66</sup>).

60) In hoc *ἀγωνίσματα*, vel *certamina*, in illo *Ludi* intelligendum, et ita in aliis.

61) Quare haec propria urbium nomina plurali efferrī consueverint, rationem vide ap. Sanctium Minerv. I. 7, sub fin. et Vossium Anal. I. 33, init.

62) Ex his quaedam singulari, licet rarius, inveniuntur: ut, *Hierosolyma*, -orum, et *Hierosolyma*, -ae; *Mycenae*, et *Thebae*, -arum; vel *Mycena*, *Thebe*, -ae et -es. Sic Tac. Hist. V. 10, 4, *Hierosolymorum maenia*. Ibid. II. 7, *Conditae urbi Hierosolymam nomen e suo fecisse*. Virg. Aen. VI. 839, *Eruet ille Argos, Agamemnoniasque Mycenae*; et Aen. V. 52, *Argolicove mari deprensus et urbe Mycenae*; al. *Mycena*. Iuven. XIII. 27, *Thebarum portae*. Id. XV. 6, *Aique vetus Thebe centum iacet obruta portis*. Stat. Theb. IV. 610, *Tyriæ dux inclyte Thebes*. Vid. et Priscian. col. 663.

63) Vid. supra hui. cap. reg. 8. n. 33.

64) Apud Poetas, et qui his dictione proximi sunt, Historicos, numeri distributivi pro cardinalibus positi, saepe singulariter inveniuntur: ut, Lucan. VIII. 445, *septeno gurgite*, pro *septem gurgitibus*. Virg. Aen. X. 207, *centisque arbore fluctum verberat*, pro *centum arboribus*, vel *remis*. Plin. XVII. 23, *quadragesimo* — et *viceno spatio*, et XXVI. 10, *septuagesimo editi*. *Singulus* etiam, licet id negent Charisius, col. 20. Priscianus, c. 591, et alii, singularem habere ex gemino Varronis loco probat Notius II. 787; item ex illo Plauti, Cistell. IV. 2, 34, *Atat singulum video vestigium*: nisi mavis hic *singulum* pro *singularium* positum. *Singulum* autem numerum pro *singularem* dixit Gellius XIX. 8: et XVIII. 13, *nummo singulo multabatur*: item Terent. Maurus de Syllab. v. 1072, *Sestuplo vel una vincet alterius singulum*: et Augustin. Doctr. Christ. I. 5, *Singulus quisque horum Deus*, et *singulus quisque horum plena substantia*. Confer Voss. Anal. I. 42: et Laur. Vallan Eleg. III. 5.

65) *Veteres plerumque, plerumque, plerumque*, absque adiectione, singulari utantur: unde adverbium *plerumque*. Gellius etiam IV. 9, extr. *pleraque historia dixit*: et IV. 11, *pauca carne*, et Hyginus Fab. 194, *Post paucum tempus*.

66) *Cuncti, reliqui et ceteri*, quae his significatione affinis videntur, singulari frequentia sunt. Porro ad numerum distributivum referendum est *quoteni* (rarum inventa vocabulum, quodque bis tantum se reperisse Saturnius ait, Merc. mat. V. 16) ad numerum autem cardinalem *quot*, eorumque composita, de quibus regi 9. *Uten, uterque, utervis, uterlibet, alter, neuter, alteruter* (quae ad numeros itidem spectant) in singulari de duobus (ut ita loquar) individuis; in plurali de multis in duas partes divisae, adhibenda sunt.

*Masculina nunquam, vel raro singularia.*

22. Haec etiam numero spoliantur mascula primo:  
*Cancelli, manes, Lemures, fastusque, minores,*  
*Maiores, fascēs, natales, posteri et antes,*  
*Atque pugillares, superi; cum codicēcillis,*  
*Furfuribus, cani, Luceres, simul inferi adhaerent:*  
*Et, quibus est rarus numerus prior, ista: penates,*  
*Ac proceres, sentes, vepres, cassesque, forique,*  
*Et cum coelitis fines quoque, liberi et artus.*

Vix unquam in singulari reperiuntur<sup>67)</sup> haec nomina masculina: *cancelli, manes, Lemures, fastus vel fasti*<sup>68)</sup>, etc. *maiores, minores, fascēs, natales*<sup>69)</sup>, *posteri, antes, pugillares, superi, inferi*<sup>70)</sup>, *codicilli, furfures*<sup>71)</sup>, *cani, Luceres*<sup>72)</sup>, <sup>73)</sup>.

67) Apud probos auctores intellige, quorumque exemplum tuto liceat imitari. Aliter enim *Manem* Apuleius, de Deo Socrat. p. 689; et *Mani* Cato R. R. c. 141, utuntur. *Lemurem* etiam dixit idem Apuleius Ibid. p. 688: et *maior meus Socrates*, Florid. §. 2. p. 759. *Superus et inferus*, expressa voce *Deus*, citat ex Liv. Andron. Priscianus, col. 606. Adfert denique ex Cicerone Charisius, col. 20, *Fasces unum si nactus esses*. At *fascem* hic de imperii insignibus dici, mihi haud satis exploratum videtur.

68) Item *fasti* eadem significatione, et paulo frequentius, in quo libri relictur. At *fastus dies*, ut et *nefastus*, singulari trita sunt.

69) Pro generis conditione tantum plurale, pro *die natiuitatis* etiam singulare.

70) Multa eorum quae hic memoravimus, natura adiectiva sunt: nam in *maiores, minores et posteri*, intelligitur *homines*; in *superi et inferi, Di; in cani, capilli; in pugillares, libri*.

71) Pro *purgamento farinae* singulari saepius usitatum: interdum etiam plurali: ut *Colam. R. R. VIII. 4, Furfures e farina excreti*.

72) Sic *Rhamnenses*, seu *Rhamnetes*, et *Tatienses*, quae aliae tribus, in quas (praeter *Luceres*) totus populus Rom. tempore Romuli dividebatur. Dubitari autem potest, an in illo Propertii IV. l. 31, *Hinc Tatius* [sive ut Broekhusius legit, *Tities*] *Rhamnesque viri, Luceresque coloni, Taties et Rhamnes* plurali sint, an, ut Schmidius opinatur, singulari posita.

73) In hanc classem referri possunt, (1) *Menses*, pro *menstruis muliebribus*, etsi Plin. XVII. ult. *ambiri arbores a muliere incitati mensis*, in singulari dixerit. (2) *Foci*, pro *sedibus patriis*. (3) *Freni*, quia non dicitur *frenus*, sed *frenum*. (4) *Horti*, pro *locis arboribus* ad voluptatem conlatis. Vid. Vallam Eleg. III. 9. (5) *Loci muliebres*, ubi (ut ait Varro) *nascendi initia consistunt*: quo etiam significatu *Columella* dixit *loci* *R. R. VIII. 11*. (6) *Pantices*, pro *intestinis pelliculatis* sive *abdomine*, ap. Plaut. Pseud. l. 2, 51: et Martial. VI. 64, 19. Invenitur autem in vet. gloss. singulari *pantex*: et ap. Tibull. in Priap. legit *ios*. Scaliger, *Latet iacente pantice abditus specus*. Vid. eius Comment. ad Virg. Append. p. 477. (7) *Ludi*, pro *publicis spectaculis*. (8) *Aborigines*, vetus Italiae populus. (9) *Tart*, pro *carnosis et pulposis animalium partibus*.



Rarius singularem admittunt, *penates* <sup>74)</sup>, *proceres*, *senes*, *vepres*, *casses*, *fori*, *coelites*, *fines*, *liberi*, *artus* <sup>75)</sup>).

74) *Penas* vel *penatis* in recto sing. agnoscit Festus, eodemque teste, Laeio Antistinus. *Penas* quoque in vetero Inscriptione vidisse se ait Dion. Halicarnassensis, Antiq. Rom. I. 68, ut Livium praeteream, quem XXVIII. 18, sub eodem *penate*, dixisse, post Car. Sigonium existimat Vossius: quamvis Gronovio aliter illic legatur. \* *Procerem* habet Javen. VIII. 26. \* *Sentem* Columella XI. 8. et *sentis* Prudentius contr. Symmach. II. 1042. \* *Veprem* idem Columella, d. 1. et Plin. XIII. 21. *vepre* Ovid. Met. V. 628, et (si Bentleio credimus) *vepris* Horatius, Car. I. 23, 5. \* *Casse* Senec. Agam. v. 898. \* *Foro* Ennius ap. Isidor. orig. XIX. 2. et Gell. XVI. 19. de Arione, *Stans in summo puppis foro*. \* *Coelitem* Tertullianus, de Pall. IV. *abedite* Ovid. de Pont. IV. 6, 17, et Ibid. IX. 131. \* *Finis* et *finem* eo significatu Horat. Car. I. 34, 11. et Sat. II. 1, 35. *fine* Mela I. 2, extr. \* *Liber*, etiam pro filio, habet Quintil. Declam. II. 8, init. et Aur. Victor in Nerva, *Traianum in liberi locum et in partem imperii adoptavit*. Sic Iustinianus Inst. III. 7, pr. *Si quis* — liberum vel liberos habuerit: et Cod. III. 28, 33, pr. *Si quis maximam portionem libero relinquat*: et Cod. V. 9, 8. §. 5. *In sua potestate talem liberum vel liberos relinquens*. Ut taceam Ovid. Met. I. 757, *En ego liber*: quem locum alii aliter legunt et interpretantur. Sed et liberos pluraliter de uno dici observat Gellius II. 13. Donatus ad Ter. Heaut. I. 1, 99. et Hecyr. II. 1, 16. Bad. Ascens. ad Vall. Bleg. III. 8. Goclen. Probl. Gram. II. 34. Iohñs. App. p. 187. Et D. Augustinus Civ. Dei, XVI. 40. *Latinae* (inquit) *linguae consuetudine liberi dicuntur pluraliter filii, etiamsi non sint uno amplius*. \* *Artus* denique in sing. utitur Lucanus VI. 754, *tunc omnis palpitat artus*: et eius exemplo Priscianus, col. 1219, *ad armo artu corporis dixit*.

75) Alii, sed minore cum ratione, his addunt, 1. *Annales*. 2. *Carceres*, pro septis quibus emittebantur equi ad certamina. 3. *Gemini*, pro duobus fratribus uno partu editis, ut et trigemini pro tribus. 4. *Grumi*. 5. *Indigetes*. 6. *Lares*. 7. *Loculi*. 8. *Lumbi*. 9. *Primores*. 10. *Sales*, pro facetiis. 11. *Spiritus*, pro animi elatione: item, 12. *animi*, pro magnanimitate vel audacia. 13. *Amores*, pro turpibus et *Veneris*. 14) *Magistratus*, pro populi praesidibus. 15. *Pisces*, pro signo coelesti. Quae omnia, usu ferente, singularem admittere, ex optimis auctoribus Vossius Anal. I. 42. Methodi auctor, p. 181. Ursinus, p. 108. Iohnsonus, p. 184. et Carmichael, p. 33 ostenderunt. Addunt porro *nummi* pro pecunia; *panni* pro laceris tritisque mendicorum vestimentis; *odores*, pro odoramentis; *triplices*, pro pugillaribus trium foliorum: quae (aliter singulari satis frequentia) hoc ideo sensu pluralem sunt adepta, quod multae istiusmodi res simul intelliguntur. § Adiiciunt praeterea nomina in *ates*; ut, *optimates*, *summates*, *infimates*; et sequioris aetatis *primates*, *magnates*, etc. omnia natura adiectiva, ac singularum, licet rarius, admittentia. *Optimati* enim Cicero ad Attic. IX. 7. *optimatem* Cael. ap. eund. ad Attic. X. sub Epist. 9. *Summas*, *summatis* et *summatem*, Apul. Met. XI. p. 372 et 385. Met. IV. p. 125. Met. XI. init. Symmach. ad Auson. Epist. I. 31. Ammian. Marcell. XIV. 6. et Sidonius Epist. IX. 6. *Infimatis* Plautus Stich. III. 2, 37. § Addunt denique quaedam hominum et populorum propria; ut, *Cares*, *Seres*, *Quirites*, *Summites*, *Nomades*, *Garamantes*, *Acarnanes*, *Libes*, *Corybantes*, etc. At haec, ut naturaliter, si de uno horum dicantur, singularem requirunt; ita auctores eum numerum, re sic postulante, non refigerant. Sic *Care* C. Nep.

*Feminina nunquam vel raro singularia.*

23. De grege femineò sunt haec pluralia tantum:

*Excubiae, tenebrae, Nonae, cum lactibus, Idus, Quisquiliae, thermæ, scopae quoque, reliquiaeque, Feriae et exsequiae: cum cunis, divitiisque, Exuviae, induviae, gerrae iungantur, opesque, Atque facultates, dirae, scalaeque, plagaeque.*

*His apinas, tricasque, minas superadde, Kalendas, Insidias, et vindicias, et pauca locorum*

*Nomina, primitias, fortunas, atque salinas,*

*Inducias nectens: numero neque nundina flecti,*

*Nuptiave invenies, aut nuga, manubia primo.*

*Quem tamen interdum capiunt decimaeque, foresque,*

*Praestigiae, salebrae, fauces, et literae, et aedes,*

*Atque operae, phalerae, bigae cum fratribus, et cum*

*Factio signatur partes, Charites, scatebraeque:*

*Pluraque quae melius referet tibi sermo solutus.*

---

XIV. 1, *Ser Sidonius Car. V. 49. Quiritem Horatius et alii. Vid. reg. 14. n. 90. Samnis Cic. Offic. II. 21. et Lucil. ap. eund. Tusc. II. 16. et Samnitia Prudent. contra Symmach. II. 515. Nomas Martialis. VIII. 55. et IX. 76. et Silius V. 194. et VI. 705. Garamas idem Silius loco. citt. Senec. Herc. OEt. v. 1106. et Hippol. v. 67. et Claudian. XXI. 255. et 355. et XLVII. 20. Acarnan Liv. XXXV. 18. Curtius III. 6, 1. et Grat. Cypreg. v. 183. Libs Sidon. car. IX. 94. et XV. 143. rectius Libys Sil. III. 701. IV. 471. IX. 181, et alibi. Corybas Claudian. VIII. 149. et XXXIII. 208, dixerunt. \* *Etesias* quoque in sing. habet Plin. XVIII. 84, quamvis *Etesiae* quibusdam tantum plurale existimetur. \* Quod autem *Lendes* singulari privent nonnulli, ratione prorsus absonum videtur, nisi et de uno horum loqui Latinis interdictum dicatur. ¶ Miror autem accuratissimum Johnsonum, *mores* in *sensu morali*, h. e. ut ego interpretor, pro *virtutibus aut vitiis* acceptum, p. 188. et *amores*, pro *homine amato* (ut in illo Cicer. Phil. VI. 5, *Sed redeo ad amores deliciasque nostras L. Antonium*) p. 184, singulari privare. Prius enim eo sensu singulariter adhibuisse videtur Horat. Epist. II. 2, 131, *Cetera qui vitas servaret munia recto More: et Car. IV, 5, 21, Mos et lex maculosum edomuit nefas*. Clarius Cic. Phil. II. 23, *Quid enim unquam illa domus viderat, nisi pudicum, nisi ex optimo more, et sanctissima disciplina: et (ipso satente Addit. p. 41.) Senec. Epist. 97, negligentia boni moris*. Posterius quoque eopte significatu singulare est Ovidio Met. I. 450, *Primus amor Phoebe Daphne Peneia: et Virg. Ecl. VII. 21, Nymphae, noster amor, Libethrides et Aen. IV. 17, Postquam primus amor deceptam morte, fefellit*. Ut taceam vulgatum illud de Tito Vespasiano, qui *amor et deliciae generis humani* est dictus, Sueton. in vit. eius, c. 1.*

Haec feminina vix unquam in singulari leguntur <sup>76)</sup>: *excubiae, tenebrae, Kalendae, Nonae, Idus, lactes, quisquiliae, thermae, scopae, reliquiae, Feriae, exsequiae, cunae, divitiae, exuviae, induviae, gerrae, opes, facultates, diinae, scalae, plagae, apinae, tricae, minae, insidiae, vindiciae, primitiae, fortunae* <sup>77)</sup>, *salinae, induciae, nundinae, nuptiae, nugae, manubiae*. Item nonnulla locorum no-

76) Horum tamen nonnullis singularem, exemplo vix imitando, auctores dederunt. Nam \* *tenebra* dixit Lampridius in Commodo. \* *Lactis agnata* Trimalchus ap. Priscian. c. 686. \* *Quisquilia* Novips vel Naevis ap. Festum in. voc. \* *Scopa* Charisius, col. 20. et vulg. Interp. Esa. XIV. 18. unde deminutivum *scopula* ap. Colum. XII. 18. et *scopa* regia, herbae nomen, ap. Plin. XXI. 6. \* *Feria prima, secunda, etc.* Ecclesiastici Scriptores, licet id veteribus factum neget Gell. XIX. 8. \* *Ope Barbarico* antiquus Poeta ap. Cic. Vid. supra reg. 14. n. 88. \* *Scala* Cels. VIII. 15. [*super scalae gallinariae gradum traiecitur*] Gaius L. 34. §. 4. ff. de furt. [*Qui aentiam sciens commodaverit*] et Phavorinus in Lexico, *Ἀναβολὴς, ἢ παρὰ Ποματοῖς λεγομένη σκάλα*. Quod tamen damnat Quintilianus Inst. I. 5; et singulari meliores auctores abstinuisse ostendit illud Sallustii, Ing. 64, *Ubi, unae atque alterae ecclae comminutae*. \* *Plagam* Cic. Offic. III. 17, *Sic tu aedes proscribas, tabulam tanquam plagam ponas*. Mode enim praecesserat, *Suntne igitur insidiae tendere plagas, etc.* \* *Nundina* vet. glossa, damnano tamen Gell. loc. proxime cit. Olim quidem in sing. dicebant *nundinum*, testante, ex Varrone, Nonio III. 145: unde *trinundinum* ap. Cic. pro dom. c. 16; et Phil. V. 8, vel divisim *trinundinum*: ut ap. Liv. IH. 35, *primitia in trinundinum indicta sunt*: et Quinstil. Inst. II. 4, *sive non tria forte nundino*. Primum quoque *nundinum* dixit Lamprid. in Al. Severo, c. 28, *pro primum nundinarum diem*. \* *Reliquia pridiana* Apuleius Apol. p. 409. \* *Facultas patrimonii* Paulus Ictus I. 12. §. 8. ff. de administr. tut. \* *Vindiciam* legg. XII. tabb. et Serv. Sulpitium ap. Festum in. voc. \* *De insidia prima* Charis. ex Sallustio, col. 75. §. Not. 1. Ex his quaedam natura adiectiva esse: ut *dirae*, supple *preces* vel *imprecationes*; *salinae*, intellige *tabernae*, vel potius *foedinae*; *reliquiae* et *primitiae* supple *partes*, quomodo Lucret. IV. 973, *reliquias vias*, vel, ut Gifanius edidit, *reliquias*, quatuor syllabis: et Ovid. Met. XII. 272, *primitium torrem*, dixerunt; *manubiae* supple *praedae* vel *partes*. Not. 2. Ex his nonnulla aliam significationem nacta singulari satis frequentiter esse: ut, *Ops* deae nomen, et *ops* pro *auxilio*. V. supra reg. 14; *facultas* pro *copia* aut *potestate rei faciendae*; *plaga* pro *ictu* aut *mundi climate*. *Apina* et *Trica*, ignobilia Apuliae oppida, unde hae voces in proverbium sunt tralatae; *mina*, pro certo nummorum pendere, item pro *mamma lactis* experte, nec non pro *ove glabri ventris*; *Feruna* pro *Dea*, *Nundina* etiam *Deae* nomen.

77) *Fortuna* pro opibus singulari usus videtur Horat. Epist. 1. 5, 12, *Quo mihi fortunam, si non conceditur uti?* Apertius Cic. Amic. c. 16; *Species amplificandae fortunae*. Quintil. VI. 1, *De fortuna quoque, quod uterque abundabat, addebat*: et Sueton. Iul. 65, *Militem neque a moribus, neque a fortuna probabat, sed viribus*, i. e. interpretante Casaubono, a *censu*. Pro vitae autem *conditione* aut *statu*, saepius quidem plurale, nonnunquam et singulare Iohnsonius observat, p. 196.

mina: ut, *Alpes*<sup>78)</sup>, *Gadès*, *Thermopylae*, *Esquilinae*, mons *Esquilinus*<sup>79)</sup>,<sup>80)</sup>.

Rarins etiam in singulari usurpantur, *decimae*, *fores*, *praestigiae*, *salebrae*, *fauces*, *literae*, *aedes*, *operae*, *phalerae*, *bigae*, et similia a iugo composita: ut, *trigae*, *quadrigae*, *partes*, pro *factione*, *Charites*, *scatebrae*<sup>81)</sup>.

78) In sing. tamen *Alpem* Lucanus III. 299: et Inven. X. 152. *Alpe* Ovid. Art. III. 150: et Claudian. XV. 82, et XXIV. 235. *Alpis* idem Lucan. I. 688: et ap. Liv. V. 34, *Ipsi per Taurinos saltusque Iuliae Alpis transcenderunt*, o suis exemplaribus legit Vossius; Cluverius Ital. antiq. p. 225, *inviae Alpis*. At recentius editis ex emendatione Rhehani *Ipsi Taurino saltu inviae Alpis transcenderunt*, repositum est. *Alpe* autem non carmine solum, ut Vossius notat, sed prosa etiam utitur Sidonius, Epist. V. 16.

79) Sic *Lautumiae*, carceris Syracusani nomen; *Gemoniae*, locus Romae, quo damnatorum corpora tracta praecipitabantur: in hoc autem intelligitur, haud raro etiam exprimitur, *scalae*.

80) De nominibus urbium, quae a quibusdam huc referuntur, superius egimus reg. 21.

81) \* *Decimum*, addito substantivo *partem*, habet Plautus Stich. I. 3, 81, intellectu Cic. in Verr. III. 40, 47, 48, 63: et Nat. D. III. 96. Neque *Herculi quisquam decimum vocit*: et Victor de orig. gent. Rom. c. 6, *decima pecoris, decima fructuum*. \* *Foris* in nom. Plaut. Aul. IV. 5, 5, et Pers. III. 2, 5: et Terent. II. 3, ult. *foris* gehit: Ovid. Heroid. XII. 150. *forem* Varro ap. Non. VI. 18. Plaut. Bacch. IV. 7, 35, et alibi saepius, Cic. Tusc. V. 20. Livius VI. 84, et XL. 2. Catull. LIX. 168. Ovid. Amor. II. 19, 38. de Pont. II. 2, 42. Apul. Met. IX. p. 298. Ablativo denique *fore* Horat. Sat. I. 2, 67. Ovid. Fast. II. 733. Apul. Met. I. p. 19. IX. p. 298, et X. p. 336. \* *Praestigiae* genit. sing. Quintil. IV. 1. \* *Salebra* Cic. Fin. V. 28. V. Maxim. VI. 2, 5. Apuleius Met. 1, extr. \* *Fauce* Ovid. Met. XIV. 738: et Heroid. IX. 98: et in Ibin. v. 549. Phaedrus I. 1, 3. Horat. Epod. XIV. 4. et Martialis VII. 37. \* *Litera* pro *epistola* Poetae, praesertim Ovidius multis in locis: item Ciceronis est Verr. I. 35, *Nullam literum pupillo, nullam matris eius, nullam tutoribus reddidit*: et ad Attic. XIV. 16, *A quo adhuc nulla litera est*: (nisi forte appendae rei causa, *voculam* aut *elementum* intellexerit. V. Johnson. p. 198.) \* *Aedes* pro templo, singulari nsitatissimum: at etiam pro domo eiusve parte aliqua Plaut. Asin. I. 3, 67. Mostell. II. 2, 44. et Poen. III. 1, 26. Horat. Car. I. 30, 4. Ovid. Heroid. XIV. 24. Inven. III. 81. Gellius, IV. 14. et Justinian. I. 3. Cod. de locat. conduct. adhibuerunt. Addit Alciat. Parerg. iuris VI. 10. (et post eum Johnson. p. 192.) illud Curtii VIII. 6, 3, *Excubabant servaris nocturnis vicibus proximi foribus aedis, in qua Rex adquiescebat*: at pro *aedis* in Var. *aedes* scriptum testatur potiusque iudicat Freinshemius. Adfert quoque idem Alciat. d. l. ex Cic. pro Cluent. c. 23, *in aede T. Anii*: sed ibi *aedes* (quod et Freinshemius notat) non *aede* legitur. Quin et in secundo ex Plauti Mostell. a Johnsono allato testimonio, *capitalis caedes facta est*, quidam, iique fere recentiores codices habent, licet altera illa *capitalis aedis* Gulielmo Taubmannque prior scriptura videatur. Postremum denique ex eiusd. Poenulo de *aede sacra* sive templo dictum existimat Acidalius. \* *Opera* pro servo Horat. utitur, Sat. II. 7, ult. \* *phalera* sive *falera*, Plin. XXXIII. 1. §. 6, nisi malis neu-

Item alia quaedam, quae haud facile versu dicuntur: ut, *affaniae*<sup>82)</sup>, *angustiae*, pro *inopia* aut *difficultate*, *argutiae*, *facetiae*, *furiae*, pro *furore*, *lapicidinae*, *minutiae*, *offucia*, *parietinae*<sup>13)</sup>, <sup>14)</sup>.

trum plurale esse, ut Graecum *πολλὰ*. \* *Biga* Statius Theb. I. 338. Sylv. I. 2. 45, et Sylv. III. 4. 46. Senec. Herc. OEt. v. 1520: item Sueton. Tiber. 26. Val. Max. I. 8. Plin. XXXV. 11; ut Capitolinum in Gordiano inn. et Cassiodorum lib. III. Var. ad Faust. de Circensibus, omittam. *Quadriga* Plin. VII. 21. XXXIV. 8. §. 6. XXXV. 10. §. 22. et XXXVI. 5. §. 2, 10 et 15. Gratius Cynege. v. 228. Hygin. Fab. 61 et 250. Fulgentius Fab. 11. Ulpian. l. 29. ff. de verb. oblig. et (qui alibi has voces singularum habere negat) ipse Varro, V. Gell. XIX. 8. *Triga* denique (cuius in sing. nullum sibi succurrisse exemplum ait Johnson. p. 193.) habet idem Ulpian. l. 33. §. 14. de aedil. edict. et vetus Poeta ap. Scaligerum ad Propert. III. 21, 15. \* *Pars* pro *factione* in sing. usus est Cicero pro Deiot. c. 13, *Qui in altera parte fuisset*: ad Famil. X. 31, *Cum non liceret mihi nullius partis esse*. Livius XXXV. ult. *Qui Romae partis erant*: et XLII. 29, extr. *Cotys, Odrysarum Rex, evadentem Macedonum partis erat*. Sic Ibid. c. 63, princ. Cic. pro Mil. c. 15: ad Famil. VIII. 17. Terent. Andr. II. 5, 8. Pro munere autem, sive officio, item pro loco, gradu, aut ordine, plurale fere semper adhibetur: ut Cic. Attic. VII. 25, *Partes meae non desiderabuntur*: pro Quintio c. 2, *partes accusatoris*: pro Flacc. c. 27, *Servus primarum partium*. Horat. Epist. I. 18, 14, *partes tractare secundas*. Hinc et *primae, secundae*, etc. absolute, intellecto *partes*, dicuntur: ut Cic. de Orat. III. 56, *Huic [actioni] primas dedisse Demosthenes dicitur, huic secundas, huic tertias*. Sic *primas tenere*, *primas alicui deferre, tribuere, concedere* ap. eund. Sic ad *tertias* (notante Johnsono) ap. Plin. XX. 4, *Item ad tertias decocto eorum poto cum vino*: et XXIII. 6, *Succoque decocto ad tertias, non ad tertiam*; et ita in aliis numeralibus. Cicero tamen ad Q. Frat. I. 1, 15, pr. singulari dixit, *Etsi mea pars nemini cedit, fac ut tua caeteros vincat*, de reipub. administratione loquens. Et Plaut. Asin. III. 1, 14, *Et meam partem loquendi et tuam tradam tibi*. \* *Scatebra* (quod miror Vossium Johnsonumque siluisse) habet Plin. XXXI. 10, *Scatebra fonticuli semper emicante*. \* *Charita* denique idem Plin. XXXV. 10, *Quam Graeci Charita vocant*.

82) Vid. supra reg. 10. n. 55. \* *Caeterum* pro *angusto loci spatio angustia* singulari usurpatur, ut ap. Plin. IV. 11, et XIV. 6. Ciceronis quoque est Nat. Deor. II. 9, extr. *angustia orationis*. Citatur et a Rob. Stephano aliisque, ex eod. Partit. orat. c. 82, *angustia rei familiaris*: at in melioribus *angustiae* illic invenio. \* *Argutia* utitur Gellius III. 1, et XII. 2: item Apul. Met. 1, init. et Pallad. lib. XIV. princ. \* *Facetia* idem Gellius III. 3, et Apuleius, Apol. p. 496. \* *Furia* de una Eumenidum, aut homine furioso usitatum, mox dicitur. \* In *minutiam* redigi dixit Seneca Epist. 90. \* *Neque ullam aliam offuciam* Plaut. Mostell. I. 3, 107.

83) Adde, (1) *Arae* pro religione; ut, *Pro aris et focis pagnare*. (2) *Antiae*, i. e. muliebres capilli in fronte demissi, cui comae a Vossio intelligitur. (3) *Branchiae*, quo tamen singulari utitur vulg. interpres Tob. VI. 4. (4) *Fraces*, pro siliquis olivarum, aut olei fecibus. (5) *Flocces*, pro fecibus vini. (6) *Lutinae* ap. Charisium, quem hac voce locupletavit ex MSS. Schottus Observ. Philol. I. 4, *Aedes* vel *officinae* in-

Neutra nunquam vel raro singularia.

24. Haec numeri spernunt casus neutralia primi:

*Lautia*, cum *transtris*, *bellaria*, cum *poraphernis*,  
Et, cum *principiis*, *bona*, *tesqua*, *crepundia*, *scruta*,  
*Castraque* cum sociis, *lamenta*que, *munia*, *flabra*,  
Et cum prole sua *cunabula*, *Gargara*, et *exta*.  
*Actaque*, *iusta*, simul *praecordia*, *lustra* ferarum,  
Et populi coetu celebrata *comitia*, quaeque  
Terruerant avidos cum prole *Ceraunia* nautas,  
*Armaque* cum *rostris*; flexu varianda secundo  
Omnia: sed terno *sponsalia*, *moenia*, iunctis  
*Ilibus*, et *brevibus*, *magalibus*. Insuper addunt  
Plurima doctores, quorum vel rarior usus  
Cernitur, aut numerum capiunt quandoque priorem.

telligi credit Vossius. (7) *Secundae*, pro foetus in utero involuero, quas et *secundinas* vocant. (8) *Tonillae*, i. e. glandulae sive amygdulae faucium. (9) *Prasicae*, scilicet partes, pro exilis hostiarum dissectis. Ovid. *prosecta* vocat, Fast. VI. 163. (10) Potes et his cum Despiuterio adiungere *areae*, pro splendore sideribus circumfuso, ap. Senec. Nat. Quaest. I. 2, prope init. (11) *Porra* gratias agere solo plurali dicitur: at gratiam referre solo singulari; et utroque numero gratiam et gratias habere: quod posterius loquendi genus male improbat Lambinus, cum eo uas sit Terentius Andr. IV. 5, 31. Vid. Ursin, p. 110.

34) Huc referunt, (1) *Ambages*, *balneae*, *compedes*, *crates*, *dapes*, *deliciae*, *epulae*, *fruges*, *grates*, *inferiae*, *preces*, *repundiae*, *suppetiae*, *sorites*, *vires*; de quibus superius diximus. (2) *Acidulae*, *antae*, *antennae*, *barbae*, *bestiarum*, V. supra reg. 19. n. 38. *blanditiae*, *ceremoniae*, *copiae*, pro exercitu, *fides*, pro ekordis, *fidiculae*, pro instrumentis tartorum, *genae*, *gingivae*, *groqui*, *habenae*, *illicebrae*, *inceptiae*, *inimicitiae*, *latebrae*, *lautilitiae*, *naeniae*, *nares*, *nates*, *puleae*, *palpebrae*, *retes*, *sarcinae*, *sorites*, pro effato oraculi, *vigiliae* quas omnia singulari usitata, Vossius Anal. I. 45. Methodi auctor, p. 183. Ursinus, p. 112, et Johnsonus, p. 191, et seqq. prolixè monstrarunt. *Cantharis* quoque dixisse Plin. XVII. 17, etsi *cantharides* vix ovidam docto tantum plurale sit visum, ostendit idem Iohnsonus Addit. p. 41, iungere poterat et *cantharide* ap. eund. XXIX. 6. §. 24. (3) *Camarae*, *clivellae*, *falae*, i. e. *turres lignae*, *lendes*, sive *masculinum*, sive *femignum* dicitur. V. cap. 1. reg. 41. n. 92. *mariscacae*, pro morbo, (cui *ficus* intelligi ostendit Iohnsonus, p. 46,) *oreae*, seu *aureae*, pro *frexis* ori equorum insertis, *tensae*, *valuae*: quae tametsi nunc forte non reperiantur, singularem sua natura deposcunt: quae ratio in quibusdam e praecedentibus, *antae*, *antennae*, *barbae*, *fidiculae*, etc. locum habet. (4) Propria quaedam aut his cognata vocabula: ut, *Aonides*, *Barchae*, *Camoenae*, *Cyclades*, *Dryades*, *Eriynyae*, *Eumenides*, *Furiae*, *Gorgones*, *Gratae*, *Hamadryades*, *Hurpyiae*, *Hyades*, *Maenades*, *Napeae*, *Naiades* vel *Naides*, *Nebrides*, *Oreades*, *Pleides*, *Pierides*, *Parcae*, *Sirenes*, *Sporades*, *Stymphalides*, *Symplegades*, *Thyades*, *Vergiliae*:

Haec neutra in singulari vix anquam inveniuntur: *Lautia, transtra, bellaria, parapherna, principia* <sup>85)</sup> [*das Hauptquartier*], *bona, tesqua, crepundia, scruta, castra*. Sic aestiva <sup>86)</sup> *hiberna* <sup>86)</sup>, *stativa*, in quibus castra intelligitur, *lamentata* <sup>87)</sup>, *munia, stabra, cunabula*, et eius compositum *incunabula*, *Gargara, exta, acta, iusta, praecordia, lustra, comitia, Ceraunia et Agroceraunia, arma, rostra*. Quae omnia sunt secundae declinationis: \*Tertiae vero *sponsalia, moenia, ilia* <sup>88)</sup>, *brevia, magalia* <sup>89)</sup>, <sup>90)</sup>.

quae, praeterquam quod de una harum loquenti singularis necessarius est, eo in numero maiorem partem inveniuntur. Sic *Baecha* Plant. Amph. II. 2, 71. *Camœna* Horat. Car. I. 12, 39. Senec. Med. v. 625. Ovid. de Pont. IV. 13, 33. *Cycas* Silius IV. 247. Senec. Herc. OEt. 808. Vitruv. VII. 7. *Devas* Senec. ibid. 1098. Martial. IX. 32. *Erinnys* Virg. Aen. II. 337. Ovid. Met. I. 241. V. Flacc. I. 281, et alii. *Eumenis* Stat. Theb. V. 33, et alibi saepius, *Siltus*, II. 359. *Furia* Cic. ad Q. Frat. III. 1, 4. Apul. Met. IX. p. 304. *Gorgo* vel *Gorgon*, Val. Flacc. III. 54. Virg. Aen. II. 616. Cic. Verr. IV. 56. *Claudian*. III. 280. Prokert. IV. 9, 68. *Gratia* Horat. Car. III. 19, 16, et IV. 7, 5. *Hamadryas* Stat. Sylv. I. 3, 63. *Hæas* Id. Sylv. I. 6, 21. *Maenas* Propert. III. 6, 14. Catull. I. 69. Sil. III. 102. Senec. Troad. v. 674, et Med. v. 388. *Nais* vel *Naias*, Virg. Ecl. II. 46. Ovid. Heroid. XV. 162. Stat. Sylv. I. 2, 207. Calphurn. Eclog. IV. 69. *Nebria* Claudian. VIII. 606. Senec. OEdip. 438. Sil. III. 395. *Orestes* Calph. Ecl. IV. 136. *Pleius* Virg. Geo. IV. 233. Ovid. Met. I. 570. *Pareia* Horat. Car. II. 16, 39. Pers. V. 48. Ovid. Heroid. XI. 185. *Pieris* Horat. Car. IV. 3, 18. Ovid. Fast. IV. 222. *Siren* Horat. Sat. II. 3, 14. Sueton. Clar. Gramm. XI. 2. Stat. Sylv. II. 116. Inven. XIV. 19. Claud. E. 1. *Symplegas* Senec. Herc. fur. v. 9211, et Herc. OEt. 1273. Lucan. II. 718. *Thyas* Virg. Aen. IV. 302. Horat. Car. III. 15, 10. V. Etac. III. 275. Stat. Theb. V. 92. (5) Addit Nnivia *cantes*, pro *organorum fistulis*, et *Decretales*. pro *Pontificum constitutionibus*, barbarorum saeculorum vocabula: quin et ipse *Decretalem* interdum legi agnoscit. (6) Addit Schmidius *epiphorae*, pro *mordace humore oculos vel alia membra afficiente*, quo tamen Plinius XXI. 19, et XXIX. 6; et Cic. Fam. XVI. 13, singulares utuntur. (7) Servio denique, ad Virg. Aen. II. 272, eumque secuto Despiantorio, tantum plurale est *mappae*; ut et Carmichaeli nostro *thensae*: ut prius singulari adhibuit Horat. Sat. II. 8, 63, et (ipsis agnoscitibus) Epist. I. 5, 22: item Martial. II. 37, et IV. 46: et Senec. de ira, III. 303 et Iuven. V. 27, ut taceam de *mappae missione*, sive signo quo quadrigae apud Romanos mittebantur, cuius meminere Sueton. Ner. 22. Iuven. XI. 191, et Martial. XII. 29. *Thensa* quoque usus idem Sueton. Jul. 76, et Festus in voc.

85) Sic post-principia Varro ap. Gell. XVI. 18.

86) Item *hibernacula* ap. Liv. XXII. 31, et alios.

87) *Lamentae* femin. utitur Pacuvius ap. Nonium II. 493.

88) Illis tamen in secunda dixit Celsus IV. 1, extr.

89) Quaedam ex his in singulari reperiuntur; at ea fere apud auctores, quorum (hac saltem in parte) imitatio vix probanda videtur: ut, \* *bellarium* ap. Festum. \* *Lamenium, cunabulum, stabrum, praecordium*, in Glossis Philoxeni, Cyrilli, Papiae, etc. \* *Transtra* utitur Persius V.

III. *Abundantia.*

*Abundantia* sunt octuplicia, 1. Quaedam sola terminatione abundant: ut, *arbores* et *arbor*. 2. Quaedam sola declinatione: ut, *laurus*, *lauri* vel *laurus*. 3. Quaedam solo

147. \* *Acroceranium* Plinius III. 10 et 26: qui et *Ceraunio* et *Acroceranium* montes nominat. IV. 1, init. et VI. 9, etc. prius etiam Sneton. Aug. XVII. 4. \* *Morne Eanni* est ap. Festum. *Ille* quippe veteres dixisse notat Servius ad Virg. Eclog. VII. 26, et Aen. VII. 499, cui comitem Vossius addit Plinium XI. 87. §. 79, sed ibi *hillae* legendum, non *ile*, docet Harduinus. \* Bonum denique addit Iohnsonus pro *bonis* dici ap. Plaut. Trin. IV. 1, 8, at aliter emendatioris codd. habent. § De his porro, Not. 1. Quaedam natura adiectiva esset ut, *bona* et *acta*, in quibus *negotia*, i. e. *res*; *aestivus*, *hibernus*, *atavivus*, in quibus *castra* vel *loca*; *iusta*, in quo *funera*; *sponsalia*, in quo *convivia* intelliguntur. Not. 2. Quaedam alia significatione singulari frequentia esse: ut, *principium*, pro initio; *castrum*, pro oppido aut *vico munito*, unde et diminutum est *castellum*; *lustrum*, pro *quinquennii spatium*, aut *sacrificio piaculare*; *comitium*, pro *loco* in quo *comitia* celebrabantur; *rustrum*, pro *cornea illa cuspidem in ore avium*, qua cibum capiunt, et *triale* pro *prominente et ferro plerumque armata in proris navium parte*; unde et *rostra* pro *pulpitis* nomen accepit, quod is scilicet locus ex plurimis Antiatum navium *rostris* esset constructus: *actum*, pro *re acta* sive *actione*, Cic. Phil. I. 7. V. Vallam Eleg. IV. 9: *Ceraunia*, -ae, gemmae nomen ap. Plin. XXVII. 9.

90) His addi possunt, (1) *Rariora* usu vocabula, *analecta*, *batualia*, *coagmenta*, *equestria*, pro 14 ordinibus in quibus equites sedebant, *evangelia*, pro praenio, quod laetum afferenti nuncium dabatur (senam autem sacro singulari fere usitatum); *iuga*, pro *transiis* Virg. Aen. VI. 411. *multitia*, *palaris*, *rapicis*, seu *ragacia*, *interanea*, *praebis*, *praebenda*, *prosecta*, *triscarria*. (2) Quae singulari nonnunquam inveniuntur, *lachama*, *menstrua*, *oblivia*, *pulsaria*. (3) *Arbitria*, pro *arbitrarum contentia*; *auxilia*, pro *auxiliaribus copiis*; *pulveraria*, pro *commentariis* quibus memoriae causa res annotantur; *apophoreta*; *impedimenta*; pro *sarcinis* aliisque in exercitu necessariis; *lemuria*, *quisquilia*, *nicotera*, *soteria*. (4) Sacris fere scriptoribus usitata, *magnolia*, *xizania*, *natalitia*, pro *die natali*. *Natalitium*, pro *dono* quod eo die mittitur, sing. utitur Censorinus in Praef. *Natalitia*, pro *convivio natali die celebrato* ad festa referes, quemadmodum et *Ogia*, *reposita*, *genitalia*, *hilaria*, *charistia*, et, si libeat, supra dictum *sponsalia*, ut et Impp. Rom. *quinquennialia*, *decennialia*, *vicennialia*, etc. (5) Adiectiva pro Substantivis posita: ut, *avia*, *devia*, in quo *loca*; *parentalia*, in quo *funera*; *putenda*, *verenda*, *virilia*, *genitalia*, *naturalia*, *muliebricia*, in quibus *membra*; *talaria*, in quo *calcementa* subaudiuntur. \* Sic *eventa*, *sata*, *sacra*, *serta*, *senae*, *seria*, *utensilia*, *popularia*: quo etiam in censu haud pauca ex superioribus et mox memorandis numerari debent. (6) Multa, quae nativa vocum ipsarum ratione singularem necessario requirere videntur: ut, *altaria*, *apia*, *aviaria*, *alvearia*, *columbaria*, *cibaria*, *diaria*, *donaria*, *nellaria*, *ocularia*, *pugillaria*, *plantaria*, *roboraria*, *rosaria*, *specularia*, *tabularia*, *vivaria*, *viridaria*: item, *aulaea*, *aplustra* vel *aplustria*, *ancilia*, *classica*, *carchesia*, *compita*, *effata*, *fraga*, *foenilia*, *geba*, *hybernulia*, *iuga*, pro *cacuminibus montium*; *intestinalia*, *liba*, *lumina* pro *oculis*, *licia*, *mappalia*, *nutricia*, *ostrea*, *ostia* de *fluminis exitu*, *praesegmina*, *pascua*, *prae-*



genere, qualia sunt dubia omnia: ut, *hic* aut *haec dies*. 4. Quaedam terminatione et declinatione simul: ut, *materia*, *materiae*; et *materies*, *materiei*. 5. Quaedam terminatione et genere simul: ut, *tonitrus* et *tonitru*. 6. Quaedam declinatione et genere: ut, *penus*, *peni* et *penus*, masc. et fem. *penus*, *penoris*, neut. 7. Quaedam terminatione, declinatione, et genere; ut, *aether*, *aetheris*, et *aethra*, *aethrae*. 8. Quaedam in eadem declinatione diversos habent casus obliquos: ut, *tigris*, *tigridis* et *tigris*, *tigrides* et *tigres*. \* Quibus denique addunt nomina quaedam, quae sub eadem significatione diversis numeris efferuntur: ut, *Fidena*, *Fidenae*; et *Fidenae*, *Fidenarum*. Haec fere omnia sub tribus regulis sequentibus summam sunt comprehensa.

*sepio*, *penetrabilis*, *quadrivius*, *spolia*, *spectacula*, *subsellia*, *sagmina*, *tempora*, *pro partibus capitae*, *tripudia*, *termina*, *vada*. \* Ex his multa (uti diximus) adiectiva sunt; omniaque non aliam ob causam pluraliter usurpata, quam quod de pluribus longe frequentius sermonem heri contingat. Inveniuntur tamen in singulari, *genitale*, *naturale*, *eventum*, *utensile*, *altare*, et *altarium*, *aviarium*, *alvearium*, *apiarium*, *cibarium*, *melarium*, *pugillar*, *plantarium*, *rosarium*, *tabularium*, *viridarium*, *aulaeum*, *apluat*, *ancile*, *elusivum*, *carchesium*, *compilum*, *gesum*, *iugum*, *testinum*, *libum*, *lumen* pro oculo, item pro die, *licium*, *mappale*, *ostreum*, et saepius *ostrea*, *ostreae*, *ostium* pro ore fluminis, *pascuum*, *praesepe*, *penetrabile*, *quadrivium*, *spolium*, *spectaculum*, *subsellium*, *tempus* pro parte capitae, *tripodium*, *vadum*. Vid. Voss. Anal. I. 44. Nov. Meth. p. 187. Ursin. p. 116. Johns. p. 204. Danes. p. 199. Carmich. p. 36 et seqq. (7) Addunt *Bactra* et *Cythera* regionum nomina. At mihi *Bactra*, non regionem ipsam, sed ipsius caput proprie significare videtur. In illo enim Virgilii Geo. II. 188, *Laudibus Italiae certent neque Bactra*, neque Indi, metonymice urbem *Bactra*, pro regione *Bactriana*, quemadmodum et *Indos* pro *India*, dictum existimo. Nec possum accedere Servio, qui ap. eund. Virg. Aen. I. 689, et X. 51 et 86, *Cythera* pro insula in sinu Laconico Veneri dicata accipit. Nam urbem Cyprì (cuius ap. Festum, et in libris Conciliorum Ecclesiasticorum, mentio fit) eo nomine appellatam Virgilium intellexisse, fere ostendunt *Amathus* et *Paphos*, Cyprì itidem urbes, ibidem memoratae. (8) Huc quoque referunt, *ingera*, *verbera*, *viscera*, *cete*, *melè*, *Tempe*, *pondo*, *femina*, de quibus superius diximus. (9) *Vinacea* (quod huc denique addunt) adiectivum est. Dicunt enim *vinacei* et *vinaceae*, eodem fere sensu, rei rusticae scriptores, in quibus *grana*, *acina*, *siliquae* aut *folliculi* intellecta videntur. Palladius etiam singulari *vinaceam* dixit I. 2<sup>a</sup>, et Feb. t. 9, et Cic. de Senect. c. 15, ex *acino vinaceo*, sive, ut meliores codd. habent, *ex vicini vinaceo*. Quod autem ex Varrone R. R. III. 11, *uvae vinaceae*, et ex Plinio XVII. 22. §. 23, *paleas vinaceas* profert Vossius; in libris meis, addito inciso, invenitur, illic quidem *Pubulum* his datur, *triticeum*, *hordeum*, *vinacei*, *uvae*; hic vero, *Circum capita addito stercus, paleas, vinaceas, aut aliquid horumce*.

§ His subiungit solertissimus Iohnsonus, p. 209 et seqq. et Addit. p. 43, syllabum eorum vocabulorum, quae scriptores, poetae praesertim,

25. Innumeras uno sensu, multiplice fine,

Invenies voces: ut, *mendum, mendaque; cassis, Cassida; compago, compages; grusque, gruisque*: Caeteraque auctorum quae sedula lectio promet, In quibus haud raro genus est et flexio discors.

Longe plurima ac pene innumera sunt vocabula, quae sub eadem significatione diversas nacta sunt terminationes, quaeque propterea declinationes et genera haud raro mutarunt: ut, *menda, -dae*, primae fem. *mendum, -di*, secundae neut.; *cassis, -idis*, et *cassida, -idae*, utrumque fem. hoc primae, illud tertiae; *compago, -ginis*, et *compages, -gis*, utrumque fem. et tertiae, *grus, gruis*; et *gruis, gruis*, hoc fem. illud dub. utrumque tertiae").

26. Mobile, quod *clivus* format, *frenumque, bacillum, Arma, iugum, limus, somnusque animusque*, recepat Flexum vel ternum, mutato aut fine secundum.

Nomina quaedam adiectiva, ab his substantivis, *clivus, frenum, bacillum, arma, iugum, limus, somnus et animus* composita, exeunt in *is* vel *us*, ac proinde vel tertiae sunt, vel primae et secundae declinationis: ut, *de-*

de re una loquentes, aut idem quae singulari significantes, pluraliter adhibuerunt. Ea autem et idoneis quaeque exemplis confirmata haec recenset: *Alla, animi, aurae, carinae, cervices* (quo primum singulari usus Hortensius, testibus Varrone L. L. VI. et IX, et Quintil. Inst. VIII. 9.) *colla, comae, connubia, convictus, corda, corpora, erepuscula, currus, exilia, frigora, gaudia, guttura, hymenaei, ieiunia, iudicia, ignes, iugina, iubae, limina, littera, mensae, pro ferculorum missibus, numina, odia, orae, ora, ortus, otia, pectora, rictus, robora, silentia, sinus, taedae, terga, tempora, thalami, tori, viae, vultus*. An vero eiusmodi omnia suis calculis incluserit vir accuratissimus, atque annon similem in aliis nonnullis usum Analogia permittat, doctorum cura ac iudicium esto. ¶ Postremo et singularem pro plurali in vocibus quibusdam, neque siue elegantia, usurpatum, ut *miles, eques, pedes, multus, Romanus*, etc. pro *militēs, equitēs*, etc. idem p. 213, alique observarunt.

91) Amplissimam eiusmodi vocabulorum silvam nobis exhibent, Dausquius Orthogr. Tom. 1. p. 56. Vossius Anal. I. 85. Nov. Meth. p. 161. Schmid. Hypomn. p. 144. Danes. p. 24. Ursinus, p. 296 et aeqq. Multa etiam nos supra sparsim attigimus. In quibus, ut in aliis omnibus, rariora a frequentioribus, et optimorum auctorum usu maxime comprobatis, accurate distinguenda sunt: in primisque tenendum illud Probi Valerii apud Gell. XIII. 20, praeceptum, *Si aut verum pangis, aut orationem solutam struis, non finitiones illas praerancidas, neque faetutinas Grammaticas spectaveris, sed aurem tuam interroga, quo quid loco conveniat dicere: quod illa suaserit id profecto erit rectissimum.*

*clivis*, -e, et *declivus*, -a, -um; *imbecillis* et *imbecillus*; *semisomnis* et *semisomnus*; *exanimis* et *exanimus* <sup>92</sup>).

Not. tamen alteram terminationem in aliis vix usitatam, in aliis rariorem esse: Sic, *magnanimus*, *flexanimus*, *effrenus*, *levisomnus*, dicimus, non *magnanimis*, etc. contra *pusillanimis*, *iniugis*, *illimis*, *insomnis*, *exsomnis*, non *pusillanims*, etc. et *semianimis*, *inermis*, *sublimis*, *acclivis*, *declivis*, *proclivis*, *serius*, *semianimis*, *inermis*, etc. et *inanimus*, vix *inanitia*; *biugus* saepius quam *biugis* <sup>93</sup>).

92) Alii addunt, a *cera*, *sinceris* et *sincris*; a *aerius*, *enervis* et *enervus*; a *norma*, *abnormis*, *denormis*, *enormis*; et *abnormus*, etc. a *lumbus*, *clumbis* et *clumbus*; ab *annus*, *perennis* et *perennus*: At *sinceris*, aut *abnormus*, etc. *clumbus*, *perennus*, nullis veterum exemplis nituntur. Proferunt quidem ex Apuleio Met. I. p. 8, *enervam saltationem*, et ex Ovid. Fast. III. 528 et 654: Macrobi. Saturn. I. 12; aliisque *Annam Perennam* Deae nomen. At pro priore, melioribus codd. *enervum* invenimus. Posterius peculiare est, neque alio usquam trahendum. \* Potiore iure huc retulissent, a *barba*, *imberbis* et *imberbus*. Prius quidem longe vulgatus est: at *imberbi iuvenes* ex Varro, *imberba iuventute* ex Cicerone adfert Charisius, col. 74, et ex Lucilio, eodemque Varro, *imberbi pro imberbes*, Nonius VIII. 84. *Multibarbus* quoque vel (ut aliter legitur) *illutibarbus* Apuleii est Florid. §. 3. p. 762, ut taceam *Aenobarbum* gentis Domitiae ap. Romanos cognomen.

93) Inveniamur et apud veteres aliae, quam quibus nunc utimur adiectivorum terminationes: ut, *hilarus*, pro *hilaris* ap. Plant. Amph. III. 3, 6. aliisque in locis, Terent. Adelph. IV. 7, 88, et ap. ipsum Cic. de Fin. V. 30, *vita hilara*. \* *Acerus*, pro *acer* Cn. Matus ap. Charis. col. 94. Pallad. Ang. t. 5: et Plin. Valer. II. 45. \* *Gracila*, pro *gracilis*, Lucil. ap. Non. VIII. 48: et *gracilae*, pro *graciles*, ap. Terent. Eun. II. 3, 22. \* *Concinnum*, pro *concinna* Apul. Met. V. p. 159. \* *Pronis*, pro *prona*, Varro ap. Non. VIII. 94. \* *Sterila*, pro *sterilis*, Lucr. II. 844: et *sterilam*, pro *sterilem*, ap. Festum in voc. \* *Sacrum porcum*, pro *sacrum* Fest. in voc. et *sacres porci*, Varro R. R. II. 1 et 4. Plant. Menach. II. 2, 16. et Rud. IV. 6, 4. \* Notat quoque idem Nonius VIII. 41. et 60, *vulgaria*, pro *vulgaris*, et *singularia*, pro *singulari* antiquitus dicta: quos etiam veterum verborum sectatores, Gellius et Apuleius imitari non dubitarunt. Confer Macrobi. Saturn. I. 4, et Dausq. Orthogr. Vol. 1. p. 78 et 79. §. Diximus superius cap. 1. reg. 14. n. 74, adiectivorum in ER tertiae, secundam terminationem IS masculinis interdum iunctam reperiri. Exemplis autem ibi memoratis addere possis, *Vir alacris* Terent. Eun. II. 3, 12. *Campestris ager* Colum. III. 14. *Campestris situs* Id. VII. 2. *Celebris locus* Auct. ad Herenn. II. 4. *Celebris vir* Tac. Anal. II. 88, extr. *Pons celebris* Id. An. XIII. 47, 2. *Servilius foro celebris* Id. Ap. XIV. 19, 2. *Posta celebris* Coll. XVII. 21. *Palustris ager* Colum. VIII. 14. *Silvestris ager* Id. VII. 11, et XI. 2. *Silvestris tumulus* Liv. XXVII. 26. *Salubris annus* Cic. Div. I. 57. *Salubris spiritus* Saepe, Contr. V. 3. *Salubris locus* Cels. I. 8, prope init. *Ventus salubris* Id. II. 1. *Salubris effectus* Id. III. 6. Addit Iohnsonus ex Liv. III. 7, *Equestris tumultus*: at frustrantibus numeris verba non reperio. *Celeris* quoque de viru dictum, ex Catone

27. Nec te praetereat, quibus est et terminus unus, Nomina per varios flexus quandoque vagari: Qualia, ne longum faciam, tibi glossa recludet.

Multa sunt nomina, quae sub una eademque nominativi singularis terminatione, in obliquis suis casibus, nunc haec, nunc illa declinatione inflexa reperiuntur<sup>94</sup>). Ea autem potissimum sunt quadruplicia. Nam,

1. Quaedam sunt primae et tertiae: ut, *Calchas, Calchae, et Calchas, Calchantis; Euphrates, Euphratae et Euphratis*<sup>95</sup>).

2. Quaedam sunt secundae et tertiae: ut, *Iber, Iberi, et Iberis*<sup>96</sup>), *sequester, sequestri et sequestria*<sup>97</sup>). Sic *Oedipus, Oedipi et Oedipodis*<sup>98</sup>).

et Caecilio adducit Priscianus, col. 760. \* Quod vero *aeris* masculino legi neget Rhezius, p. 15, Vossiumque *aeris censor* Anal. I. 26, extr. dicentem eo nomine reprehendat Johnsonus Addit. p. 44, utrumque refellunt *aeris sapor* ap. Colamellam XII. 17, et *aeris vomitus* ap. Cels. VIII. 4, prop. fin. ut omitam *aeris somnus*, quod ex Bynio profert Priscianus, col. 647. \* Affirmat porro idem Rhenius ibid. *celeber* et *saluber* raro aut vix unquam inventiri. At prius Ovidii est Rast. IV. 391. Tibull. II. 1, 98, et IV. 4, 28. Liv. XXV. 12, extr. Cart. VII. 4, 8, et VIII. 9, 9. Plin. XXIV. 17, et XXXV. 10. Posterius etiam Ovid. Remed. v. 704, et Plin. XVIII. 84. § Quin et apud vetustiores terminationem ER communis generis fuisse ostendit Priscianus, col. 647 et 760, ut, *acer famex* ap. Naevium, *acer hyems* ap. Ennium, et *celer hasta* ap. Liv. Andronicum. Neque dubium est, quin ap. Laetret. IV. 161, recte legatur, *Ut merito celer his rebus dicatur origo; nec audiendi sint, qui celer his in celeris volunt mutatum*.

94) An haec Variantium nomine comprehendunt volunt.

95) Sic *Ganges, Orontes*: item multa virorum nomina: ut, *Astages, Cambyses, Dares, Oristes, Hippocrates, Socrates*, et similia. In quibus tamen videndum quid usus ferat. Nam in plerisque genitivus primae in *ae* exolevit, quamvis accusativus eiusdem declinationis in *en*, et vocativus in *e* vel *a* in usu remanserint. Vid. supra cap. II. reg. 46. n. 48. Vossius his adiecit *Aeacides*, quod et tertiae esse probat hoc v. Senecae Troad. 45, *Ipsasque ad aras maius admissum scelus Aeacidis armis*. — Sed ibi omnino cum Scaligero et Gronovio *Aiacis* legendum. § Porro in MA nomina, quae nunc tertiae sunt, olim et primae fuerunt: ut, *dogma, dogmae; glaucoma, glaucomae; pro dogmatis, glaucomatis*. Vid. supra cap. II. reg. 64. n. 38.

96) Vid. cap. II. reg. 15. n. 42.

97) Sic *Mulciber, Mulciberi et Mulciberis; vespas, vespas et vespas; cancer, canceri et canceris*, quo posteriore usus Lucret. V. 616, *gibber, gibberi et gibberis*. Vid. cap. II. reg. 16. n. 37, 38 et 41.

98) Sic *Melampus, -i, et -odis*. At *tripus, Antipus, tripodis, Antipodis* tantum dicuntur; *polypus* tantum *polypi*, V. cap. II. reg. 37. n. 26. \* De nominibus in EUS vel EUS alibi diximus eod. cap. II. reg. 15. n. 32, et reg. 23. n. 71, et reg. 48. n. 63, de *glomus, glomeris et glomi*, reg. 36. n. 23.

3. Quaedam in US sunt secundae simul et quartae: ut, *domus*<sup>99)</sup>, *colus*<sup>100)</sup>. Sic quarundum arborum nomina: ut, *figus*, *pinus*, *laurus*, *cornus*, *quercus*<sup>1)</sup>, 2).

99) De huius vocis declinatione tritus habetur ille versiculus, *Tolle ME, MI, MU, MIS*, si declinare *DOMUS* vis. Caeterum genitivo utimur et *domus* et *domi*, sed sensu diverso: illo enim significamus corpus ipsum atque aedificium quod ex parietibus constat et tecto: ut, *partem domus demolitus sum*: hoc vero, locum ubi quis manet, ut, *Parvi sunt foris arma, nisi est consilium domi*, Cic. Offic. I. 22. Dicimus et *domi meae*, *inae*, *uae*, *nostrae*, *vestrae*, *alienae*. Vid. Charisius, col. 101, et Vallam Eleg. III. 15. Ciceronis etiam est Verr. V. 42, *Hospes tuus, cuius tu domi fueras*, pro in cuius domo: et pro Quint. c. 5, *Qui istius domi erat educatus*: item ad Attic. I. 12, *Clodius deprehensus domi Caesaris*: at ad Attic. II. 7, *Qui [Clodius] cum in domo Caesaris quondam unus vir fuerit*. *Domi* autem, pro *domus*, usus videtur Terent. Eun. IV. 7, 45, *Domi focique fac vicissim ut memineris*. Contra *domo*, pro *domi*, invenimus: ut Apul. Apol. p. 541, *Domo adservantur*; Virg. Geo. III. 96, *Abde domo*: et Sueton. Iul. 20, *Bibulum ait, quoad potestate abiret, domo abditum*. Seneca vero ad Marciam. c. 14, *Toto anno domi latuisse*. \* *Domo* in dativo (quod Ursinus, p. 220, non agnoscit) habet non tantum Cato. R. R. c. 134, 139 et 141, sed etiam Horatius Epist. I. 10, 18. \* *Domu* in ablativo utitur Plautus Mil. I. 1, 48. Verba etiam sunt Praetoris in l. 1. §. 10. ff. de inspic. ventre, *Mulier in domu honestissimae foeminae pariat*: et id creberrimum in libris iuris notat Brissonius παρὰ τοῦ. n. 122. ap. Gruterum quoque Inscript. DXCIX. 8. *domu* legimus. Adfert et R. Stephan. in Lexic. ex Traiani ad Plin. Epist. lib. 10. n. 76, *area cum domu collapsa*: at in meis *domo* invenio. Confer supra cap. II. reg. 67. n. 46.

100) *Colo* Virg. Aen. VIII. 409. Tibull. I. 3, 86. Propert. IV. 1, 74, et Ovid. Art. I. 702. Plin. VIII. 48, et Apul. de Mund. p. 755. utuntur: *colu*. Statius Theb. VI. 389. (confirmante Prisciano, col. 719.) Cic. de Orat. II. 68, extr. et Plin. XXI. 15. Ap. Propert. IV. 9, 48, variant codd. aliis *colo*, aliis *colu*, legentibus. Vossius Anal. II. 20, extra hunc et genitivum eiusdem numeri casum, quartae ait semper videri, nec se hae *coli* dicere ausurum. Ego potius Servium et Despaute-rium, secundam praefereutes, sequendos puto. Optimi certe auctores *colos* (ac proinde *coli*) dixerunt: ut Ovid. Fast. III. 817. Martial. VII. 47, et IX. 18. Iuvon. XIV. 249. Senec. Herc. fur. v. 559. Stat. Theb. V. 150, et Sylv. I. 4, 64, et III. 1, 172, et Achill. I. 532 et 635, et Claudian. XX. 889, tametsi idem Stat. Theb. III. 242, et IX. 889, in nom. et idem X. 643, et Val. Flacc. VI. 445 et 645, in accus. eius numeri, et genitivo etiam sing. Flacc. II. 148, *colus* extulerint; quos Servius ad Virg. loc. cit. haud imitandos pronunciat.

1) *Ficus* proq. *arbore* tam secundae est quam quartae, pro *fructu* saepius secundae (V. Johnson. App. p. 36.) an et pro *ulcere* ambiguum videtur. *Ficui* autem, *ficuum*, *ficubus* aut *ficibus*, nusquam, credo, rep-riuntur. \* *Pinu* in ablativo enunciarunt, Virg. Ecl. VII. 24. Geo. II. 389. Aen. IX. 72, et X. 206. Horat. Car. II. 11, 14. Propert. II. 15, 19. Stat. Theb. VIII. 538, et Sylv. V. 3, 143. Lucan. VI. 351. Ovidius Met. I. 699, et XIV. 243. Fast. V. 382, et Heroid. V. 137. Claudianus III. 252, et XVIII. 279, et Val. Flacc. I. 457. Ut mirum sit Fabrum in Lexico id ap. Vitruv. II. 9, med. tanquam peculiare notasse. *Pinus*

4. Quaedam denique tertiae et quintae sunt: ut, *plebes*, (contracte *plebs*) *plebis* et *plebei*, seu *plebi*; *fames*, *famis*, *famei* vel *fami*<sup>3)</sup>; *requies*, *requietis* et *requiet*<sup>4)</sup>, <sup>5)</sup>.

quoque in plurali dixere Virg. Ecl. I. 39. Aen. IX. 116. Aen. X. 230, et XI. 186. Catull. LXII. 1. Lucan. III. 531 et 533, et VII. 450. Val. Flacc. I. 123. Martial. X. 92. Ovid. Fast. I. 519, et IV. 493. Met. VI. 442, et VII. 442. Stat. Theb. III. 518. X. 166. Sylv. II. 3, 52, et V. 28, et Achill. II. 847, et Claud. XXXVI. 359. At *pino* in dativo sing. Plin. XVI. 24. ablat. XXIII. 8. *pinorum* Id. XVI. 33, et XXIII. 2. *pinis* Id. XVI. 20, et XXXVII. 3. *pinos* Ennius ap. Gell. XIII. 20. Cato R. R. 23, et Virg. Geo. IV. 112. Ut credam Historicis et Oratores secundam, Poetae vero quartam, sed in quibusdam tantum casibus, praetulisse: *pinui* autem, *pinuum*, et *pinibus* a nemine dictum. \* *Laurus* per secundam melius quam per quartam declinari docet Servius ad Virg. Ecl. II. 54. *lauri* quoque et *lauribus* negat idem in usu esse ad Aen. X. 689. *Lauri* tamen in ablat. habet Horat. Car. II. 7, 19. Tibull. III. 4, 28. Tacit. Ann. XV. 71, 1, et Hist. II. 55, 2. Colum. IV. 26. Plin. XV. 30, §. 39. Gell. V. 6, init. *Laurus* in plurali agnoscit Charis. in illo Virg. Ecl. VIII. 13. *Inter victrices hederae tibi serpente laurus*: et Aen. III. 91, *Limina, laurusque Dei*: quamquam posteriore loco *laurus* singulari sit an plurali positum dubitet Servius: et prior nunc fere *lauros* legatur. Utcumque est, *Laurus* plur. habet Tibull. II. 5, 121. Stat. Theb. VII. 707 et 784, et alibi saepius, V. Flacc. I. 309. Lucan. I. 287, et VI. 409: et Colum. V. 7. *Laurus* etiam in genitivo sing. usus Martial. VI. 6, ult. Nec *laurum* refugiebat Plinius, testa Charis. loc. cit. At omnibus casibus frequentior secunda. \* *Quercorum* ex Cicerone profert Priscian. col. 717: at idem ad Attic. XIII. 28, alii-que, quod norim, omnes in quarta utuntur. \* Id. Priscianus, eod. loc. cit. ex Statio, *Cornu depressus Achiva* Theb. VII. 647, pro *hasta ex ea arbore*. Sic Ovid. Heroid. X. 107, *Non poterant fisci praecordia ferrea cornu*. Silij quoque est, IV. 552, *Hinc pila, hinc Libyae certant subtexere cornus* *Densa nube posum*. Apud eundem vulgo etiam legitur X. 37, *penetrante per ilia cornu*, et v. 122, *transfigit pectora cornu*; at *corno* ex membranis suis utrobique legunt praeseruntque Heinsius et Drakenborgius. Sed et in secunda non tantum *corno* extulit Serenus, II. 4, sed *corni* et *cornis* Plinius XXIII. 8. §. 79, et XV. 26, init. \* *Cupressus* saepius secundae: Columella tamen *cupressu* dixit IV. 26, et Horatius Epod. V. 18, *cupressus funebres*. \* *Jugus* pro *fagos*, iuxta nonnullos, usus est Mero Geo. II. 71, et ap. eund. in Oulice v. 189, *umbrosae fagus*; et v. 123, *aeriae platanus*: et ap. Catull. LXII. 89, *Quales Eurotae progignunt flumina myrtus*, legunt loci Scaliger, et Fr. Taubmannus.

2) His adde, \* *Fastus* plurale vel *fasti*, Priori utitur Colum. IX. 14. Varro ap. Priscian. col. 711. Claudian. XVIII. 478. *fastibus* quoque (licet id reprehendit Servius ad Virg. Aen. III. 326,) Lucan. X. 187. Apud Horat. vero Car. III. 17, 4, etiam sua aetate duplicem se in codicibus invenisse scripturam et *fastos* et *fastus* testatur Priscianus, loc. proxime laudato. In secunda tamen usitatus esse omnes agnoscunt: unde *Fasti Consulares* dicimus, non *Fastus*: et Ovidius inscripsit *Fastorum*, non *Fastuum libros*. \* *Arqueus*, sive *areus*, pro *iride*, genit. *arqui*, Lucret. VI. 525, et Cic. Nat. Deor. III. 20, declinant. Addit Ursinus, p. 220, nescio quibus auctoribus dat. et ablat. plur. *arquis*. At nomina-

## C A P. IV.

*De Nominum Comparatione.*

Comparatio est Nominis per gradus variatio.

Comparantur nomina tantum adiectiva <sup>1)</sup>, eaque quorum significatio augeri potest vel minui <sup>2)</sup>.

tivo et accusativo eius numeri arcus solum invenimus. \* *Angiportu* ab *angiportus* utitur Horat. Car. I. 25, 30. *angiportus omnes* Cic. Divin. I. 32. *angiportum* Vitruv. I. 6, init. et *angiporto* Auct. ad Heren. IV. 51. *angiportorum* Id. Vitruv. eod. cap. ter habet, et *angiportis* Ibid. init. et cap. seq. init. item Cic. Verr. II. 57, et Catull. LVI. 4, nisi haec potius sint a neutro *angiportum*, quo usus Terent. Adel. IV. 2, 39, et Eun. V. 2, 6, et in melioribus, Phorm. V. 7, 8, et Varro L. L. IV. 12, et V. 5, extr. *Angiporta* quoque ex Plant. Mostell. et ex Cic. de Divin. copte in loco (ait Manutius) ubi nunc *angiportus* legimus, profert Nonius III. 1. ¶ Obsoleta, quales hi genitivi Terentiani, *fructi*, *ornati*, *tumulti*; apud alios *quaesti*, *senati*, *versi*, etc. item Plaut. *cibus*, *lectus*, nec non ablat. *humu*, *vulgu*, *sonu*, *sonnu*, pro *humo*, *vulgo*, etc. a nobis superius cap. II. reg. 67. n. 46, notata, praetereo. *Succuum* quoque Apuleio remittimus, *succorum* nobis servamus.

3) *Fame* in ablativo, ultima producta, Poetae semper efferunt, quod iudicio est illud olim quintae fuisse.

4) Vid. supra cap. II. reg. 81. n. 100.

5) Addunt et his, quinto loco, nomina quaedam in US, quae tertiae simul sunt et quartae declinationis; ut, *acus*, *deris* et *acus*, pro *palea*. Vid. cap. I. reg. 34. n. 48. *penus*, *penoris* et *penus*; *specus*, *specoris* et *specus*, unde ablativi sunt *penu*, *specu*. At *specus* tertiae nusquam extra nominativum et accus. sing. reperiri supra notavimus h. cap. reg. II. n. 69. *penoris* vero vel *peni* dicturum se negat Charis. p. 57, utpote quem sequatur auctorem non habens. *Penora* tamen Columella XII. 4. *penori* Ulpianus l. 8. §. 5. ff. de penu legat. et *penore* Caesar Strabo ap. Priscianum, col. 713, dixerunt. Caeterum haec minus accurate huc referri videntur, quod cum declinatione genus etiam immutent. ¶ Hic autem in fine duo notanda sunt, I. Certos esse nominum quorundam casus ad aliam formam, quam qua vulgo solent indexes, sed ab alio themate oriundos, quod iam non exstat amplius: cuiusmodi sunt genitivi singulares, *Achilli*, *Ulyssii*, *Oronsi*, contracti ex *Achillei*, *Ulyssaei*, *Orontei*, etc. non sane ab usitatis rectis *Achilles*, *Ulyssaeus*, etc. sed ab inusitatis in EUS vel US, *Achilleus*, *Ulyssaeus* vel *Achillius*, *Ulyssaeus*, etc. Sic *poematis*, *schematis*, et similes dativi et ablativi plurales, a nominativis *poematum*, *schematum*, quae nusquam iam inveniuntur, fluxerunt. II. Nequaquam esse existimandum in his et similibus licere pro lubitu alios etiam casus ad formam eorum quos firmat auctoritas, cuique fingere. Itaque Barbarismi culpam haud effugerit, qui, e. gr., ex eo quod *Achilli* vel *Achillei* in genitivo sing. inveniatur, dativum *Achille* vel *Achilleo*, aut accus. *Achillum* vel *Achilleum*, ad analogiam secundae formatos usurparit. Nec qui dativum ablativumque pluralem *poematis*, *schematis* usu recipimus, idem in genitivo sing. *poemati*, *schemati*, aut dativo et ablativo *poemato*, *schemato*, quos consuetudo iam repudiavit.

1) Nullum substantivum proprie comparari potest: interdum tamen ioci vel festivitatis causa, comparata inveniuntur, quatenus scil. adiectiva

Gradus comparationis sunt tres, *Positivus*, *Comparativus* et *Superlativus*.

*Positivus* est, prima vox adiectivi rem absolute et simpliciter significans: ut, *durus*, *mollis*.

*Comparativus* est, qui supra *Positivum* significat *magis*: ut, *durior*, *mollior*, i. e. *magis durus*, *magis mollis*.

*Superlativus* est, qui supra *Positivum* significat *valde* vel *maxime*: ut, *durissimus*, *mollissimus*, i. e. *valde* vel *maxime durus*; *valde* vel *maxime mollis*<sup>3)</sup>.

Comparatio est triplex, *Analoga*, *Anomala* et *Elliptica*.

*Analogia*, seu *Regularis*, est quae communem aliquam formationis suae regulam sequitur. *Anomala*, seu *Irregularis*, est quae ab hac regula deflectit. *Elliptica* denique, seu *Defectiva* est, quae uno aliquo vel duobus gradibus caret.

## I. COMPARATIO ANALOGA, seu REGULARIS.

### Comparativi formatio.

#### 1. Primus in *i* casus Positivi, syllaba cui sit

*Or* subnexa gradum medium formabit. At ortum

*A ficus* atque *dicus*, *volus* et *loquus* *entior* optat;

*Iunior* hinc *iunensisque*, *sinisteriorque sinister*.

esse finguntur, et qualitas quaedam, non essentia, in his significatur. Sic ab *oculus*, quasi adiectivum esset, i. e. *dilectus tanquam oculus*, ap. Plautum, *Curc.* I. 2, 28, est *oculissimus*. Sic a *patrius*, quasi *affectus patrii habens*, ap. eundem est *patriissimus*, *Poen.* V. 4, 24. Sic *Poenior* idem dixit. *Ibid.* V. 2, 31, i. e. *magis perfidus*, vel potius, ut Cl. Perizonius in *Sanct. Minerv.* I. 11, interpretatur, *qui magis habeat omnia requisita ad Poenum constituendum*. Sic Iul. Scaliger *Nervior*, pro *Nerone saevior*, Buchananus *noster fraterrimi*, pro *valde improbi, inepti et garruli*, quales *Frates sive Monachos Franciscanos* ipse describit, utuntur. Sic *Marcus Aurelius Imp.* in *L. 12, extr.* *Obd. de Repud. et Novell.* XX. c. 19, *philosophissimus* appellatur. Huc referri possunt *inimicissimus suus* ap. Cic. pro *Mil.* c. 9, et *Nepot.* XXII. 12. pro *maximo suo inimico*; *meritissimo eius*, pro *summo eius merito* ap. Plautum, *Asin.* III. 8, 147: et *pestimo publico* ap. Varr. *R. R.* I. 13, et *Liv.* II. 1: et (ut suspiciatur Gronovius) *IV. 4*, pro *maximo Reip. malo vel damno*. Vid. Ursin. p. 333, et *Maforem de variand. prat.* p. 114.

2) Interdum adiectiva, quorum significatio, nec intendi, nec minui potest, comparata invenimus, qualia sunt *Plantina illa geminissimus, parissimus, ipsissimus, occurrissimus, exclusissimus*. In quibus *Superlativus* non rei gradum, sed affirmationem addit. Huc pertinent *verior, falsior, rector*, et similia; in quibus non rei incrementum, sed perspicuitas evidenter consideratur.

3) An *Superlativus* ultimum excessum significet, Vid. in primis *Perizon.* p. m. 226 et 232, et Ursin. p. 337.



Comparativus formatur a proximo casu Positivi in *i*, addendo syllabam *or*, ut, *durus*, genitivo *duri*, *durior*; *mollis*, dativo *molli*, *mollior*.

Exc. 1. Adiectiva pleraque in *ficus*, *dicus*, *volus* et *loquus*, a verbis *facio*, *dico*, *volo* et *loquor* derivata, habent *entior*, ab antiquis Positivis in *ens*: ut, *munificus*, *munificentior*; *maledicus*, *maledigentior*; *benevolus*, *benevolentior*; *multiloquus*, *multiloquentior*<sup>4)</sup>.

Exc. 2. *Iuvenis*, *iunior*<sup>5)</sup> facit; *sinister*, *sinisterior*.

### Superlativi formatio.

2. ER recti superadde RIMUS, gradus inde supremus

Surget. At, ER dempto, *dexter*, *citer* atque *sinister*

Dant *imus*, atque *exter*, quod et *extremus* quoque format.

Superlativus gradus dupliciter formatur.

I. Si Positivi nominativus desinat in ER, Superlativus fit adiciendo RIMUS: ut, *niger*, *nigerrimus*; *celer*, *celerrimus*<sup>6)</sup>.

Exc. Haec quatuor, *dexter*, *citer*<sup>7)</sup>, *sinister*, *exter*<sup>8)</sup>, delendo *er*, et addendo *rimus* faciunt Superlativum, *dextimus*<sup>9)</sup>, *citimus*, *sinistimus*, *extimus*, et saepius *extremus*.

4) Ita eiusmodi nomina a *loquor* composita comparari iubent plerique Grammaticorum; at praeter veterum auctoritatem, ut Vossius monet, qui propterea satius censet talibus abstinere: Certe Plautus Trin. I. 2, 163 et 164,  *mendatiloquius* dixit et *confidentiloquius*; nisi et haec sint licenter, more illius, conficta.

5) Contracte pro *iuvénior*, quo usus Apuleius Met. VIII. p. 252.

6) *Celerissimus*, a *celeris*, antiquitus dixere, Cn. Manlius in Iliade, et Egnius in Annae. teste Prisciano, col. 760. Quemadmodum et *creberrimus* utitur Gellius, II. ult. pro *creberrimus*, et in L. 4, C. de incest. et inut. nupt. *acerrimus* pro *acerissimus*, a quibusdam legitur, a *crebris*, *acris* aut *aeris*. Vid. cap. III. reg. 26. n. 98.

7) Positivo *citer* usi sunt Cato et Afranius ap. Priscianus, col. 599 et 607.

8) *Exter* Statii est Theb. XI. 429, [ita citante Prisciano, col. 599, quamvis aliter vulgo editum] item Paulini ad Cyther. v. 507, et Papi-  
niani l. 84. ff. de acquir. vel omitt. hered. et aliorum. *Exterus* autem dixere Arcadius et Honorius Imp. L. 9. C. de iudaeis et coelic. Addit Vossius ex Cic. Catil. II. 29, *exterus hostis* et *longinquus*. Sed ibi *extero hoste* legitur, ut nescias an ab *exter*, an ab *exterus* deflexum: non magis quam in *extero nationes* ap. eund. pro leg. Manil. c. 16, aut

3. In reliquis S atque SIMUS sibi subdere gaudet  
 Qui fit in *i* casus Positivi proximus. Atqui  
 Dant LIMUS, IS dempto, *facilis, similisque, humilisque,*  
 Cui *gracilis* formae, simul *imbecillis* adhaerent.  
*Posterus* at *postremus* habet, *superusque supremus,*  
 Et *summus*; priscum quoque et *interus intimus*  
 edit.  
*Infimus* atque *imus* capit *inferus*. A *ficus* ortis  
 Et *volus* et *dicus* est ENTISSIMUS: inde sed aufer  
*Mirificus*. Petiere RIMUS *nuperusque, vetusque,*  
*Maturusque*, SIMUS capiens aliquando: creari  
 Vultque gradus *nequam*, recto quasi *nequus* haberet.

II. Si Positivus non desinat in ER, Superlativus formatur a proximo casu in I addendo S et SIMUS: ut, *durus, durus, durissimus; mollis, molli, mollissimus.*

Exc. 1. Haec quinque, *facilis, similis, humilis, gracilis, imbecillis*, abiecto IS et addito LIMUS faciunt Superlativum <sup>10)</sup>, *facillimus, simillimus, humillimus, gracillimus* <sup>11)</sup>, *imbecillimus* <sup>12)</sup>.

*extera regna* ap. Virg. Aen. IV. 350. Caeterum Priscianus, col. 598, Superlativos hosce *citimus, extimus*; ut et *supremus, infimus, intimus, ultimus* et *postremus*, a Praepositionibus *cis* vel *contra, extra, supra, infra, intra, ultra* et *post*, deductos existimat. Eius sententiam (in plerisque saltem) refellit Vossius Anal. II. 25, de nonnullis tamen dubitat Ursinus, p. 347.

9) *Dextimus* et *sinistimus* eidem Vossio Positivi sunt, nulla ratione, ut indicat Cl. Perizon. ad Sanct. I. 11. An autem cum summi nominis viro P. Burmanno Praefat. ad Vell. Paterc. p. 13, *dexterrima solertia* dicere liceat, cum exemplum non inveniam, fateor me nescire.

10) Vulgo praecipiunt Superlativos hosce unico L in proas scribendos: ac Poetis tantum geminate licere. At melioribus libris duplex LL praeferrī monet Ursinus, p. 342.

11) De *gracillimus* dubitat Vossius: ut *gracillimis cruribus* dixit Sueton. in Nerone c. 51.

12) *Imbecillimus* habet Seneca Epist. 85, sed et *imbecillissimus* ap. Celsum legitur II. 18. Schmädius autem, hypomn. p. 61, haec ita distinguit, ut hoc ab *imbecillus*, illud ab *imbecillis* sit formatum. J Ad dunt vulgo ex Prisciano, col. 609, *agillimus* ab *agilis*, et Valla Eleg. VI. 26, *docillimus* a *docilis*. Sed potior auctoritas nobilis Grammatici Sosipatri Charisii, qui col. 162, diserte haec nomina Superlativo S gemi-

Exc. 2. *Posterus*, habet *postremus*<sup>13)</sup>; *superus*<sup>14)</sup>; *supremus* et *summus*; *interus*, Positivo vix usitatum<sup>15)</sup>, *intimus*; *inferus*, *infimus* et *imus*.

Exc. 3. Composita cum *ficus*, *dicus* et *volus* faciunt **ENTISSIMUS**, ab antiquis, uti diximus, Positivis in *ens*<sup>16)</sup>: ut, *munificus*, *munificentissimus*; *maledicus*, *maledicentissimus*; *benevolus*, *benevolentissimus*<sup>17)</sup>, † At *mirificus*, regulariter Superlativum facit *mirificissimus*<sup>18)</sup>.

Exc. 4. Haec tria, *nuperus*, *vetus*, *maturus*, Superlativos formant in **RIMUS**, *nuperrimus*<sup>19)</sup>, *veterrimus*, *maturrimus*<sup>20)</sup>, vel etiam *maturissimus*<sup>21)</sup>, ab antiquis nominativis *nuper*<sup>22)</sup>, *veter*<sup>23)</sup>, *matur*<sup>24)</sup>.

nare et *agilissimus*, *docilissimus* efficere tradit. *Uitillimus*, quod ex Cassiodoro affertur, barbariae eius seculi relinquimus.

13) Item et *postumus*, ubi *u* pro *i* remansit usu veteris: nam cum antea scriberent *optumus*, *pessumus*, *maxumus*, etc. primus Iul. Caesar per *i* talia enunciauit teste Quinctiliano, Inst. I. 7. Caeterum de voce *postumus* legi merentur, quae notat Cl. Perizon. ad Sanct. I. 11. 2.

14) *Superus* et *inferus* dixit Liv. Andronicus ap. Priscian. col. 636. Gato R. R. 149; *Super inferque vicinus*. Cicero. Tusc. I. 26, *Supra inferaque omnia*,. *Mare superum et inferum* obvia sunt.

15) *Interus* sive *inter* iam exolevit: quauquam Scaliger credat Corn. Severum in Aetna, v. 209, dixisse — *Vertit vasa intera vortice saevo*: ubi in vet. libris *vasa vitrea*, in aliis *vasa omnia* legitur.

16) *Munificentior*, et *munificentissimus*; *beneficentior*, et *beneficentissimus*, et similia, ab antiquis participiis *munificiens*, *beneficiens*, extrita per Syncopen tertia vocali, deducit Vossius Anal. II. 25. Neque obstat (uti Carmichael noster existimavit, Etym. p. 47.) quod prioris aev. analogia *munificiens* potius ac *benefaciens* deponat.

17) A vocibus in *loquus* (quas *entissimus* quoque habere docent Superlativi vix inveniuntur.

18) *Mirificissimus* utitur Terent. Phorm. V. 6, 30. At D. Augustin. de Civ. Dei XVIII. 42, princ. *mirificentissimam potentiam* dixit. \* Sed et alia huiusmodi nomina veteres regulariter comparabant, ut, *beneficissimus* ap. Catonem, *magnificissimus* ap. Accium, teste Priscian. p. 603. Eodem modo et Catonem *magnificior*, et *munificior* extuliss auctor est Festus in vocc.

19) *Nuperum hominem* dixit Plautus Capt. III. 5, 60: *nupera notitia* etiam ex Terent. Hesut. I. 1, 1, profertur: at meliores *nuper* habent. Superlativus autem *nuperrimus* nunc quidem non reperitur; at antiquos eo usos testatur non modo Priscianus, col. 606, sed adverbium *nuperrime* ap. Cic. de Invent. I. 47.

20) *Maturrimus* utitur Tacit. Anal. XII. 63, 5: *maturissimus* Auct. ad Herenn. IV. 26, et Colum. IV. 29, et XI. 8. Ab hoc est adverbium *maturissime* ap. Catonem, ab illo *maturrimo* ap. eund. et Sallust. test. Charisio, p. 184. et Caes. B. G. I. 33. Utrumque adhibuit Cicer. pro Caecin. 2, extr. et de Orat. III. 20.

21) Addit post Bad. Asconsium Despaunterius *saturrimus* vel *saturissimus* a *satur*, nullo veterum exemplo. \* *Austerrimus* tamen dixit Messalla Corv. p. 4; pro *austerissimus*, ab antiquo, uti videtur *auster*, pro *austerus*.

Exc. 5. *Nequam*, indeclinabile, *nequior* et *nequissimus* facit, tanquam a recto *nequus* vel *nequis*.

## II. COMPARATIO ANOMALA, seu IRREGULARIS.

4. Longius a dictis normis nonnulla recedunt:

Nam *bonus* et *melior* dat et *optimus*; et *malus* optat

*Pessimus* et *peior*; *parvus* *minor* ac *minimus* vult;

*Maximus* et *maior* *magnus*: *multusque* poposcit

*Plurimus*, et neutrum numero dans *plus* modo primo.

Irregulariter comparantur haec nomina<sup>25)</sup>:

*Bonus*, *melior*, *optimus*<sup>26)</sup>.

*Malus*, *peior*, *pessimus*<sup>27)</sup>.

*Parvus*, *minor*, *minimus*<sup>28)</sup>.

*Magnus*, *maior*, *maximus*<sup>29)</sup>.

*Multus*, *plurimus*; *multa plurima*; *multum*, *plus*, *plurimum*<sup>30)</sup>. Nam *plus* in singulari est quasi substantivum, et neutri tantum generis; in plurali adiectivum et omnis generis, ut supra docuimus<sup>31)</sup>.

22) Unde adverbium *nuper*: et nomen positivum in *us* desinere Capro ap. Priscianum, col. 606, videtur.

23) Qua voce Ennium et Accium usos testatur idem Priscianus, col. 607 et 716.

24) Ita Priscianus, col. 606: at Vossius a *maturissimus* contractum opinatur.

25) Irregulariter comparatis accenseri etiam possunt multa a nobis superius tradita: quia tamen in illis Positivi analogia quaedam refinetur; haec vero ab eo longissime recedunt, in diversa ea classe collocanda videbantur.

26) *Melior* ex *mavelior* factum (ab antiquo *mavelis* pro *mavis*) per Syncopen; vel ab *ἀμείων* Tarentino, pro *ἀμειών*, *n* in *l* conversa. *Optimus* est ab *opto*, quasi *optatissimus*. Vid. Urain. p. 345, et Vossius Anal. II. 24.

27) Forto a *pessum*, quasi *peior*. Voss. in Etym. voc. *pessum*.

28) Vel a *μείων* inserto *n*, vel potius a *μεινός*, ut Attice dictum, pro *μικρός*. Dixere tamen et *parvissimus* Lucret. I. 609 et 615, et III. 200. Varro ap. Nonium VI. 48, et Festus in voc. *Sparis* item e iunioribus Vegetius I. 8. Boetius Musicae prolog. Caes. Arrianus Tard. I. 1, 5, et alii. Vid. Voss. II. 24, et Despant. p. 124.

29) *Maior* quasi *magior* (unde *magis* adverbium) pro *magnior*, extrita liquida: vel (quod Vossio maxime arridet) a *μεῖζων*. *Maximus* e *magnissimus* κατὰ συνκρίτην factum videtur.

30) *Plus* a *πλεον*, *n* in *e* conversa. Ab hoc ductum *plusimus* vetustum, pro quo deinde *plurimus* dictum. Adferunt quidam ex Cic. ad

## III. COMPARATIO ELLIPTICA, seu DEFECTIVA.

## i. Positivo carentia.

5. Haec viduata gradu sunt pauca sequentia primo;  
*Ultimus, ulterior; prior, et primus; propiorque,*  
*Proximus; ocyor atque ocyssimus* adiciantur:  
*Deterior* iungit quibus et *deterrimus* ambit.

Positivo carent nomina sequentia: *ulterior, ultimus*<sup>32)</sup>; *prior, primus*<sup>33)</sup>; *propior, proximus*<sup>34)</sup>; *ocyor, ocyssimus*<sup>35)</sup>; *deterior*<sup>36)</sup>, *deterrimus*<sup>37)</sup>.

Attic. XI. 2, Superlativum *multissimus*; at eo loco non ex *multissimis* et *miserrimis* curis, quod vitiose legebatur, sed ex *multis* meis et *miserrimis* curis, legi debere docti iamdudum ostenderunt. Pars autem *multesima* ap. Lucretium VI. 651, eumque imitatum Buchananum de Sphaera. I. 658, eadem ratione dicitur qua *pars millesima*.

31) Vid. cap. III. reg. 16. n. 11.

32) Ab antiquo *ulter*: Priscianus et alii a Praepositione *ultra* deductum volunt.

33) A *pris* inusitato, unde et *pridem* et *pridie*.

34) Ab antiquo *proptis*; alii a Praepositione *prope*.

35) Ab *ōxvs*, cuius Comparativus cum *ōxlor* sit per *s*, ideo Gifaninus, Dausquius, Vossius, *ocior* (non ut, vulgo, *ocyor*) scribendum putant. Alii tamen dissentiunt, atque ad Positivum *ōxvs*, aliosque gradus *ōxvtepos* et *ōxvtatos* provocant.

36) Ab obsoleto *deter*: alii Priscianum, col. 597, secuti, a verbo *detero*.

37) Quibus, nec immerito, addit Uraianus, p. 358, et ante enim Varro L. L. VII. 89, *peior, pessimus, minor, minimus*, (quibus adiungas, *plus, plurimum*) utpote proprio Positivo destituta. *Peior* enim et *pessimus* non magis a *matus* nascuntur, quam quae illi Comparativum et Superlativum tribuit Charisius, col. 182, *nequior* et *nequissimus*. \* Addit porro Verepaeus *frugalior, frugalissimus*, et *antiquior, antiquissimus*, pro *potior* vel *carior, -issimus*. Prius, credo, quia Quinctiliano Inst. I. 6, displicet *frugalis*, pro quo *frugi* vult dicendum. At num Positivum tantum, an vero et *frugalior* etiam et *frugalissimus* (quod Turnebo videtur) Quinctilianus reiiciat, merito dubites. Omnia certe reperiri apud bonos auctores, sunt eius Scriptoris interpretes. Nec *antiquior* ob tralatitiam vocis significationem Positivo orbandum videtur. \* Adiciunt alii *potior* et *potissimus*: at haec a *potis, pote*, proveniunt, immutata nonnihil primaria verbi notione. \* Quidam huc referunt *habitiior, habitissimus*, pro *pinguior, pinguisissimus*: at Positivo *habitus* eodem significato utitur Gellius IV. 20. \* *Penitior* et *penitissimus* Positivo privat Farnabiis: sed ex *penitis fauribus* dixit Plautus Asin. I. 1, 28. \* Antiquos denique *saeptior* et *saeptissimus*, absque Positivo, protulisse memorat Priscianus, col. 602, et 1016. At haec ab inusitato *saeptus* Sanctius, *saeptis* Perizonius (non ab Adverbis *saepe, -ius, -issime*, quod facit Priscianus) deducunt, Minerv. I. 11, 8.

## 2. Comparativo carentia,

6. Orba gradu medio *nuperus*, *meritusque*, *novusque*, *Par*, *sacer*, *invictus*, *persuasus* et *inclytus* adde.

Comparativo privantur: *nuperus*, *nuperrimus*; *meritus*, *meritissimus*; *novus*, *novissimus*, mutata paulum significatione, pro *ultimus*<sup>38)</sup>; *par*, *parissimus*<sup>39)</sup>; *sacer*, *sacerrimus*; *invictus*, *invictissimus*; *persuasus*, *persuasissimus*; *inclytus*, *inclytissimus*<sup>40)</sup>.

38) Ab hac voce, tanquam non Latina, abstinuisse Ciceronem docet Gellius, X. 21, idemque de senibus quibusdam sua aetate testatur Varro L. L. 5. §. 7. At de Cicerone falli Gellium iamdudum ostenderunt D. Gothofredus, And. Schottus, Carmichael noster, aliique, qui tria minimum indicant Ciceronis loca, in quibus *novissimus* pro *extremo* accipitur.

39) *Parissimus* non tantum Plauti est Curc. IV. 2, 20, sed etiam Gellii, XX. 1.

40) Perperam his adiciunt Methodi auctor, Annotatores Oxonienses et alii, *apricus*, *bellus*, *comis*, *consultus*, *diversus*, *fidus*, *invisus*, *invitus*. Nam *apricior* usus est Columella II. 3. *Bellior* ex Varro citat Nonius II. 74. *Comior* Ciceronis est, pro Murena, c. 31. *Consultius* dixit Imp. Decius I. 3. C. de acq. et retin. poss. *Inconsultus* Caesar B. Civ. I. 45. Liv. XLI. 7. Sallust. Jug. c. 35. et Plin. in Paneg. c. 33. *Invisor* Cic. Offic. II. 9. Tacit. Anna. VI. 4, 5, et Hist. I. 12, 3. Sueton. Tiber. 13, 1. V. Max. III. 8, et IV. 7. Plin. XXII. 13, pr. Senec. de Ira II. 35. et de Clem. I. 13. Martial. VI. 21. *Invitus* Cic. de Orat. II. 89. ¶ Huc autem referri possunt, (1) *Decorus*, *decorissimus* Apul. Apol. p. 406. *putus*, *putissimus* Cic. ad Attic. II. 9, et ex usu communi *Christianus*, *Christianissimus*. A Pronomine quoque *ipse*, vel *ipsus*, est *ipsissimus* ap. Plautum Trin. IV. 2, 146. At *mississimus* a *tuus* Neotericorum figmentum est. (2) In his Comparativum non agnoscit Iohnsonus, *germanissimus*, *gnarissimus*, *ignarissimus*, *opintissimus*, *opintissimus*, *pathicissimus*: ut praeteream quosdam a Plauto confictos, nec facile in exemplum trahendos *Superlativos*, *exclusissimus*, *geminissimus*, *occiissimus*, *oculissimus*, *patruissimus*, *ridiculisissimus*, *sacriligissimus*, *spicigrudissimus*, *taciturnissimus*, *verberabilissimus*. Cuius farinae etiam videntur quaedam ex praecedentibus: ut et *infandissimus* Varri ap. Quintilianum III. 8. et *nefundissimus* ap. Pseudo-Quintil. Decl. XVIII. 11. et Justin. XVIII. 7, 10. \* Male autem his addit, App. p. 241, *vocalissimus*, et Addit. p. 46, *secundissimus*. *Vocalior* enim habet non modo (quod ipse fatetur Addit. p. 47.) Quintil. VIII. 3, sed Seneca etiam Nat. Q. II. 29. et Gell. XIII. 19. *Secundior* vero Caesar B. G. II. 9. et Sueton. Inl. II. 2. (3) Ab antiquioribus denique Grammaticis Comparativo privantur *caecius*, *vetus* et *falsus*. Varro enim L. L. VII. 39, *caecius* tantum et *caecissimus* ait dici. Idem V. 7, a *vetus* non *veterior*, sed *vetustior*, declinat. Et Festus *falsior* et *falsius* negat in consuetudine esse. *Veterior* tamen protulit Plautus Bacchid. V. 2, 31, ut Prisciano notatum col. 607. *Falsius* quoque dixit Petron. c. 132, ut *falsior* ap. D. Augustinum aliosque omitam. *Falsissimus* autem, quod aversantur nonnulli, habet Columella I. 6. med. *Caecius* ad nomina in US purum exentia magis proprie spectat. (4) De reliquis (praeter iam dicta) Participiis, quae Comparativo deficere existimantur, commodius sub reg. 9, dicemus.

## 5. Superlativo carentia.

7. Haec Superante carent: *satur*, et *diuturnus*, et *ingens*,

Atque *senex*, *iuvenis*, *adolescens*, *pronus*, *optimus*;

Et finita BILIS prope cuncta, vel ILIS et ALIS:

Cum multis aliis quae nunc perscribere longum est.

Multa carent Superlativo: ut, *satur*, *saturior*<sup>41)</sup>; *diuturnus*, *diuturnior*; *ingens*, *ingentior*; *pronus*, *prontior*<sup>42)</sup>; *optimus*, *optimior*: item haec aetatum nomina, *adolescens*, *adolescentior*; *iuvenis*, *iunior*; *senex*, *senior*.

Superlativo etiam deficiunt:

1. Pleraque Verbalia in BILIS: ut, *tolerabilis*, *tolerabilior*; *flexibilis*, *flexibilior*<sup>43)</sup>.

2. In ILIS finita penultima longa: ut, *iuvenilis*, *iuvenilior*; *civilis*, *civilior*<sup>44)</sup>; *exilis*, *exilior*<sup>45)</sup>, <sup>46)</sup>.

41) Vid. paulo ante n. 21.

42) At rotas ingentissimae dixit Vegetius de re mil. IV. 8, et promissimus ad indulgentias Capitolinas in Pio, c. 10.

43) Nomina in bilis Comparativum admittentia haec enumerat Iohnsonus, p. 120, eumque secutus Lowæus, *admirabilis*, *aequab.* *affab.* *alib.* *amab.* *cognob.* *commendab.* *conducib.* *contemptib.* *desiderab.* *detestab.* *exsecrab.* *exurab.* *favorab.* *hab.* *horrib.* *ignorab.* *imitab.* *immoab.* *impetrab.* *incredib.* *insatiab.* *intestab.* *intolerab.* *irrevocab.* *laudab.* *memorab.* *mirab.* *miserab.* *mob.* *notab.* *optab.* *plucab.* *praestab.* *probab.* *sanab.* *stab.* *terrib.* *tolerab.* *tractab.* *vendib.* *venerab.* et, quod vix huius loci est, *debilis*. Quibus adde *adpectabilior*, Apul. Apol. p. 423. *delectabilior*, Id. Florid. 17. p. 808. *excusabilior*, V. Max. VIII. 11, 4. *inamabilior*, Senec. Controv. 20. *implacabilior*, Tacit. Annal. I. 13, 5, et Hist. III. 58, 5. *instabilior*, Aur. Victor in Galb. c. 6. *mutabilior*, Val. Maxim. VI. 9, 14. *penetrabilior*, Macrob. Sat. VII. 12: item *credibilior* Lactant. Inst. II. 9. *inseparabilior* Anguet. de Trin. XV. 23. *portabilior* Id. Epist. 34. et *rationabilior* l. 37. ff. de stipul. serv. et l. 84. pr. ff. de oblig. et act. Adferunt quoque ex Petronio *formidabilior*, quod non reperiō. Haec autem ideo Superlativis privati, quod ipsa vocum vastitate delicatas veterum aures raderent, notat Ursinus, p. 359. Inveniuntur tamen *affabilissime*, *amabilissimus*, *habilissimus*, *mirabilissimus*, *mobiliissimus*, *mutabilissimus*, *stabilissimus*, *verberabilissimus*, et, quae usu satis frequentia sunt, *nobilissimus* et *ignobilissimus*.

44) *Civilissimus* tamen dixit Spartianus de Hadr. c. 20, et Eutropius in Nerva, VIII. 1.

45) Ex his multa vix comparantur: ut, *anilis*, *hostilis*, *puerilis*, *scurilis*, *senilis*, *servilis*, *virilis*. At *puerilius* videtur Horat. Sat. II. 3, 250. *virilior* Lamprid. in Elagab. c. 8, extr. *virilius* Senec. de Brev. vit. c. 6. \* *Vilis* autem et *subtilis* utroque et Comparativo et Superlativo satis crebra sunt.

46) Pleraque etiam in ILIS penultima brevi, a verbis ut plurimum derivata, comparisonem vix recipiunt: ut, *atilis*, *coctilis*, *ductilis*, *ficti-*

5. Desinentia in ALIS: ut, *capitalis, capitalior; regalis, regaliior* <sup>47)</sup>).

4. Multa alia promiscuae terminationis: ut, *arcanus, arcanior; declivis, declivior; proclivis, proclivior; longinquus, longinquior; propinquus, propinquior* <sup>48)</sup>).

*lis, fissilis, fossilis, fusilis, futilis, insensilis, missilis, nexilis, pensilis, plicatilis, rasilis, scissilis, sculptilis, sectilis, sensilis, utilis, textilis, tortilis, trusatilis, versatilis, volatilis, etc.* Item, *aquatilis, dapsilis, fluviatilis, parilis, disparilis, saxatilis umbratilis*. At comparantur *fragilis, fertilis, sterilis*: et (de quibus dictum supra) *agilis, docilis, facilis, gracilis, humilis, similis, utilis*, et eorum composita. *Dapsilius* quoque habet Lucilius ap. Nonium IV. 232.

47) Sic *penetratior* Lucret. II. 882. *mortalis* Plinius XXVI. 15. \* At integre comparantur, *hospitalis* Flor. I. 16, princ. Cic. Verr. I. 26. *liberalis* Liv. XXII. 26, pr. Cic. pro Q. Rosc. c. 8: item *vocalis* et *frugalis* de quibus supra: *aequalior* ex Quintil. III. 8, profert Iohnsonus, p. 220, absque Superlativo, at *aequalissimus* dici posse comprobabat non tam Tertulliani auctoritas de Anim. c. 17, quam compositum *inaequalissimus* ap. Sueton. Aug. LXXV. 8. § Caetera in ALIS vix comparata inveniuntur, *artificialis, australis, exitialis, fatalis, furialis, generalis, glacialis, lethalis, maritalis, medicinalis, naturalis, nivalis, nugalis, occidentalis, orientalis, pacalis, pernicialis, pluvialis, principalis, rationalis, septentrionalis, socialis, specialis, trivialis, venalis, vitalis, universalis, etc.* A *feralis* autem *feralior* extulit Pacatus in Paneg. Theod. c. 46, et *feralissimus* Salvian. de gubern. Dei, c. 1. Nec dubito quin ex praedictis aliqua, si se occasio dederit, Comparativo possint et fortassis etiam Superlativo adhiberi, ut, *australior, exitior, fatalior et fatalissimus, venaliior et venalissimus, etc.* quanquam nusquam forte iam exempla occurrant.

48) His adduntur, (1) Ab Ursino, p. 860, *aeternus, aeternior*, Plin. XIV. 1, pr. *salutarius, salutariior*, Cic. Nat. Deor. III. 9. *silvester, silvestrior*, Plin. XVI. 27: item haec Participia et Participiorum, *improvisus, improvisior*, Tac. Annal. II. 47, 1. *intactus, intactior*, Iuven. VI. 162. *infinitus, infinitior*, Cic. Top. c. 8. *profectus, profectionior*, Senec. Epist. 94, et (de quo n. 52.) *alvus, alviior*. (2) A Carmichaele, p. 49. *adultiior*, Plin. X. 33. *barbarior*, Ovid. Triast. V. 1. 72, et de Pont. III. 2, 78. *citior*, Plaut. ap. Fest. Ovid. Pont. II. 4, 25. [al. *citius*] *conclusionior*, Hygin. Poet. Astron. IV. 14. *conductionior*, Plaut. Poen. III. 2, 4. [rectius *conductor*.] *confossior*, Plaut. Bacch. IV. 8, 48. *contentior*, 1. e. *magis contentus*, Id. Poen. II. 1, 15. *divisionior*, Lucret. IV. 958. *impunitior*, Liv. III. 50. *Persa*. V. 180. *omissionior*, Terent. Adelph. V. 3, 45. *remissionior*, Cic. pro Muren. c. 26. *Caes. B. G.* V. 12, etc. *solicitationior*, Planc. Ciceroni, Fam. X. 18. Tac. Hist. IV. 58, 1. Quintil. Inst. VII. 2. \* Inveniuntur tamen *citissimus*, Quintil. Inst. VI. 4. *remississimus*, Sueton. Aug. XCVIII. 2. (3) A Iohnsono App. p. 237 et seq. et Addit. p. 46. *Actuosior, agresior, alacrior* [quod et Superlativum habere negat Charisius, col. 88.] *austerior, concinnior, corpulentior, exitiosior, fluxior, glabrior, horridior, ignitius, illecebrosior, incolumior, informior, insubidiior, languidiior, lutulentius, medioerius, meracior, misericordior, obliquior, perennius, popularius, prolixius, protervior, peculiarior, rubicundior, rufior, scabrior, squalidiior, stomachosior, sublimior, surdior, vicinior, valgius, unguinosior; a Positivis actuosus, agresus, etc.* \* Maie



## 4. Positivo et Superlativo carentia.

8. *Anterior solum, sequior, satiorque leguntur.*

*Haec tria, anterior<sup>49)</sup>, sequior<sup>50)</sup>, satior<sup>51)</sup>, in solo Comparativo inveniuntur<sup>52)</sup>.*

autem Superlativo carentibus idem adnumerat, *Albidior, communior, crudior, dirior, divitior, glutinosior, hebetior, arulastior, obstinabilior, portuosior, pudicior, rubrior, segnior, sertior, sincerior, turbidior, vegetior, vividior. Albidissimus* enim dixit Celsus V. 26. §. 20. *communissimus* legit Cusaubonus in Sueton. Vesp. c. 22, pro quo alii *comatissimus*. *Crudissimus* habet idem Sueton. Aug. c. 4. *dirissimus* Varro ap. Nonium II. 247. *divitissimus* Cic. Divin. I. 36, et Nepos XIX. 1. *glutinosissimus* Colum. III. 11, extr. *hebetissimus* Plin. IX. 30. *oculatiissimus* Id. XXXIV. 6. *obstinatissimus* Senec. Epist. 71. *portuosissimus* Plin. IV. 12. *pudicissimus* Id. VII. 35. *segnissimus* Apul. Apol. p. 495. *serissimus* Plin. XV. 15. Vel. Patere. II. 131, extr. *sincerissimus* Senec. Ep. 66 et 108. Gell. XV. 1, et XX. 6. *turbidissimus* Cic. Fam. VI. 15. Quintil. I. 10. Tacit. Hist. III. 49, 3. *vividissimus* Festus (ita enim legendum videtur) pro quo alii *vivissimus*. *Ruberrimus* denique et *vegetissimus* (quae ipse in Addit. agnoscit) Celsus V. 18. §. 31. Plin. XVIII. 26. \* Mitto *austerissimus* ap. Scrib. Larg. Compos. 142, et ap. Scriptores Ecclesiasticos aut inferioris aetatis *exitiosissimus, sublimissimus, surdissimus, misericordissimus, proterussime, vicinissime*. (4) His forte addi possunt, *Ater, devexus, effoetus, ieiunus, rancidus, tectus, vulgaris* item plurima in osus, actuosus, cariosus, coenosus, compendiosus, callosus, contentiosus, dolosus, ebriosus, foliosus, frondosus, glebosus, incoctus, lanuginosus, lapidosus, lignosus, medicamentosus, morbosus, nebulosus, nervosus, onerosus, pilosus, prodigiosus, rugosus, apumosus, strigosus, succeus, tortuosus, torosus: et in entus, esculentus, luculentus, temulentus: quorum Comparativi *atrior, devexior, effoetior, actuosior, etc.* inveniuntur; at non item quod sciam, Superlativi, nisi apud Scriptores deterioris aetatis. Vid. tamen quae post dicenda sunt Append. 2. (5) De omnis Participiorum postea dicetur reg. 9. Append. 1.

49) Ab antiquo *anter*, vel *anterior*; vel, ut alii volunt, a praepositione *ante*. Scioppius *anterior* barbare dici ait: at vocis patrum tuerentur Borrichius Cogit. p. 47, et Perizon. ad Sanct. IV. 4, 95, non ex Sulpitio Severo tantum, Symmacho et Sidonio, sed ex ipso Caesare, B. Civ. III. 63.

50) Sive a verbo *sequor*, seu adverbio *secus*.

51) Ab adverbio *satis*. Vix alio autem genere quam neutro utitur, *satis*: ut Cic. Attic. VII. 1, *Vincere satius est quam vinci. Multo satius est*, Lucret. V. 1126. *Satius ducere*, Nepos XVI. 1. Legitur quidem vulgo ap. Plin. XVII. 6, *Terra optima et operi satior*. At in Harduini editione et *satis* habetur, i. e. *frugibus*.

52) His adde *melior*, neque Positivum, neque Superlativum eiusdem originis agnoscens. ¶ Addunt alii *licentior*: verum Positivus *licens* est, non inusitatus optimis etiam auctoribus; ut, Propert. IV. 1, 26. Statio Sylv. I. ult. 93, et Martial. IV. 8. \* Adiciunt Despaüterius aliquo *temperior*, i. e. *tempestivior*: at hoc non nisi adverbialiter *temperius* vel *temporarius* reperitur, [Vid. Cic. Fam. IX. 16, et Ovid. Met. IV. 198.] ab antiquo ablativo *tempori*, vel, ut olim loquebantur, *temperi*: unde verbum *tempero*; ut a *pignus*, *pignoris*, olim *pigneris*, unde *pignero*.

## 5. Comparativo et Superlativo carentia.

9. Haec proprio genere gradus de corpore nullis Nomina, vel raris; a verbis, nominibusque Quae composita fluunt; in DUS quoque Participans, et Dant quibus US purum fines, ICUS, IVUS et INUS.

Aut IMUS aut ORUS, cum Diminutivis adde Plurima, quae versu promptum comprehendere non

est.

Nallos vel ramos ex sese gradus emittant nomina sequentia 1):

1. Adiectiva cum nominibus aut verbis composita: ut, *versicolor, tardigradus, degener, contempus* 2), *foedifragus, lucifragus, pestifer* 3).

Vid. Manut. ad Cic. loc. cit. 4) Rectius huc referri potest Comparativus *alacrior, vel alacrus*, quo utitur Cicer. ad Attic. IV. 8, et ad Q. Frat. III. 1. c. 2, usque eam *alacrus* aut *alacrisimus* invenimus: quamvis *alacia* corpore dixerit Lucret. V. 1014. 5) Eodem fere pacto reperitur *applier* ap. Apul. Met. X. p. 842, solo Comparativo, et ap. Gell. X. 12. *exequentissimus*: solo Superlativo; *applex* enim aut *applexissimus*; et *exequens*, aut *exequentior* frustra quaesiveris. \* *Novissimus* illidem primo secundoque gradu privant Charis. col. 180, Donatus, 1745, et Consentius, 2022. At vid. supra reg. 6.

53) In nominibus autem eiusmodi, Comparativus et Superlativus supplentur per adverbia *magis*, et *valde* vel *maxime*: quae circumlocutio in comparabilibus, quandoque locum habet; ut, Ovidius Art. I. 475, *Quid magis est saxo durum; quid mollius unda?* Cic. Div. IV. 8, *Homo valde studiosus et diligens*. Terant. And. V. 1, 16, *Quibus id maxime utile est*.

54) Talia plerumque sunt, a nominibus *color, genus, gradus, lex, modus, sonus*, etc. composita. Cui etiam classi referenda sunt haec a Johnsono observata, *exagimus, magnanimus, inermis, imbellis, rebellis, anceps, praeeptus, discors, excors, infamis, multiformis; affinis, confinis, enervus, inops, expeps, exsanguis, exsors, excipes*, a nominibus *animus, arma, bellum, caput, cor, fama, forma, finis, nervus, opus, pars, sanguis, sors* et *ipes*, composita. 6) Inveniuntur tamen peracrior, Horatius Car. III. 30, 1. *sublimior*, Iuven. XI. 24. (et ap. Symmach. Epist. VI. 56, *sublimissimus*), *concordior*, Plaut. Aul. III. 5, 7, et *concordissimus*, Cic. pro Ligar. c. 2. *socordior*, Sidon. Epist. V. 7. *socordissimus*, Apul. Apol. p. 444, *vecordior*, Aur. Vict. de Caes. XI. 17. *vecordissimus*, Cic. pro dom. c. 55. *misericiordior*, Plaut. Rud. I. 5, 23, et ap. Augustin. et Salvia. *-disimior*. Item *deformior*, Martial. IV. 79, et *-misisimus*, Gell. IV. 11. *versipellis, versipellior*, Porcius Latro. Declam. in Catil. c. 9. *amentior*, Suet. Aug. c. 66. *amentissimus*, Cic. Phil. V. 23. *dementior*, Id. in Pis. c. 20. *dementissimus*, Id. de Arusp. resp. c. 27. *epissigradissimus*, Plautinum est Poen. III. 1, 3, nec temere imitandum.

M 2

2. Participia in DUS: ut, *amantulus, lugendus*<sup>56</sup>). Item Verbalia in BUNDUS: ut, *errabundus, pudibundus*<sup>57</sup>).

3. Nomina in US purum, sive praeceunte vocali, desinentia: ut, *dubius, caeruleus, vacuus*<sup>58</sup>).

4. Finita in ICUS penultima brevi: ut, *famelicus, modicus*<sup>59</sup>).

5. Finita in IVUS: ut, *fugitivus, demonstrativus*<sup>60</sup>).

55) Incomparabilia porro sunt, quae a verbis haece sunt composita, *bibo, frango, fugio, fero, gero, lego, vomo, voro*, etc. De comparatione compositorum ex *dico, facio, volo et loquor*, superius dictum. Sed ex his etiam haud paucā comparationem non recipere notat Iohnsonus, p. 229: ut, *blandidicus, falsidicus, veridicus: et castificus, horrificus, laetificus, luctificus, mellificus, moestificus, monstificus, pacificus, tabificus*, et *tardiloquus*. \* *Sacrilegissimus* tamen usus est Plautus Rudent. III. 4, 1.

56) *Infandissimus* tamen et *nefandissimus*, ut supra notatum, adhibuerant Quintilianus et Iulianus. \* *Admirandissimus, colendissimus, metuendissimus* posteriorum sunt temporum. At *reverendissimus*, quatenus dignitatis est, titulus, ab ipsa necessitate et usu commendatur. ¶ Participia in RUS, quae huc quidam adiciunt, incrementum nec proinde comparationem recipiunt.

57) *A tremebundus* tamen est *tremebundior*, ap. Colum. X. v. 396.

58) At inveniuntur *arduus, arduissimus*, Cato ap. Priscianum, col. 600. *assiduus*, Varro R. R. II. 9. *assiduissimus* et *assiduissime*, Sueton. Aug. LXXI. 3. Cic. de clar. orat. c. 91. *egregior*, Iuven. XI. 12. Lucr. IV. 469. *egregiissimus*, Pacuv. ap. Priscianum, loc. cit. Gell. XIV. 5. *exiguus*, Ulpian. I. 75, de legat. 3. *exiguissimus*, Ovid. Heroid. XIV. 115. *industrior*, Plaut. Most. I. 2, 71. Gracch. ap. Prisc. p. 601. Cato ap. Charis. p. 181. Cic. pro dom. c. 11. *inoxior*, Cato ap. Prisc. l. c. *idonior*, vel *idoneior*, Paulus I. 2. ff. de popul. act. *luxurior*, Val. Max. IX. 1. *noxior* et *noxiosissimus*, Senec. de Clement. I. 13 et 26. [pro quibus Lipsius *obnoxior*, et *noxiosissimus* legit.] *perpetuor* et *perpetuissimus*; Cato ap. Prisc. l. c. *ptianus*, (quanquam id Cic. in Antonio reprehendit Philipp. XIII. 19.) Tacit. Agric. XLIII. 7. Florus IV. 7, 15. Curtius IX. 6, 17: ut utrumque Senecam, Pseudo-Quintilianum, Ausonium, et innumeras Inscriptiones veteres omittam. *Strenuor*, Plautus Epid. III. 4, 10. *strenuissimus*, Cato R. R. prooem. Sallust. Catil. c. 60. Tacit. Hist. IV. 69, 1. Plin. XVIII. 5. *vacuissimus*, Ovid. Pont. III. 1, 141. Mitto *caesissimus*, pro *caesiissimus*, a *caesus*, absque Comparativo, iuxta Varronem, L. L. VII. 99, et *necessarior*, ap. Tertull. de Patient. c. 11. ¶ Quidam comparationis legi eximunt et *tenuis*: at *tenuior* et *tenuissimus* optimis auctoribus sunt frequentata.

59) *Rusticior* tamen dixit Seneca Epist. 88, et Gell. XVII. 2. *rusticus*, Horat. Sat. I. 3, 31. *patheticissimus*, Martial. XII. 96. \* Huc quoque referri possunt multa in *cus*, praecedente consonante, non comparata: ut, *coruscus, flaccus, luscus, manicus, planus, truncus, uncus, aduncus*; item, *caducus, glaucus, raucus*. *Fuscior* tamen utitur Martial. XIV. 62. *maucior* etiam habet Iul. Scaliger de Caus. L. L. VII. 141, an licite, alii viderint. \* De nominibus in *fecus* et *dicus* saepius dictam.

60) *Lascivus* tamen, *festivus, tempestivus* et *intempestivus* comparantur: at duo posteriora absque Superlativo. Vid. Ovid. Met. XIII.

6. Finita in INUS: ut, *matutinus*, *internecinus* <sup>61</sup>).
7. Finita in IMUS: ut, *legitimus*, *limus* <sup>62</sup>).
8. Finita in ORUS: ut, *canorus*, *odorus* <sup>63</sup>).
9. Deminutiva: ut, *tenellus*, *maiusculus* <sup>64</sup>).
10. Plurima denique variae terminationis: ut, *almus*, *mirus* <sup>65</sup>), *egenus*, *lacer*, *memor*, *sospea* <sup>66</sup>), etc.

792. Sueton. Tiber. c. 48. Cic. Fam. VI. 4. Terent. Adelph. V. 9, 26. Gell. II. 29. Val. Max. VII. 8, 9. \* Multa etiam in VUS, praecedente consona, incomparabilia sunt: ut, *calvus*, *curvus*, *fulvus*, *furvus*, *gilvus*, *helvus*, *servus*: item *cavus*, *flavus*, *laevus*, *navus* vel *gnāvus*, *rauvus*, *scævius*. Ignavus vero (contra quam docet Carmichael, p. 50.) integre comparatur, *ignavior*; Cic. Verr. II. 78. *ignavissimus*, Liv. V. 28.

61) Sic *adulterinus*, *belluinus*, *clandestinus*, *faecutinus*, *ferinus*, *festinus*, *genuinus*, *inopinus*, *necopinus*, *intestinalis*, *peregrinus*, *repentinus*, *resupinus*, *vespertinus*, penultima longa; et eadem brevi, *diutinus*, *geminus*, *pristinus*, *serotinus*, et quorum significatio comparationem vix patitur, *adamantinus*, *byssinus*, *crystallinus*, *coccinus*, *glauceus*, *prasinus*, *amaragdinus*, etc. Reperimus tamen *divinior*, Horat. Sat. I. 4, 43. et *divinissimus*, Cic. de leg. II. 18. *repentinior*, Apul. de mund. p. 719. *supinior*, Martial. II. 6. *vicinior*, Plin. XXXIV. 14. Ovid. Fast. VI. 275, et apud Scriptores mediae aetatis *Latihior* et *Latissimus*. Augustinus etiam Doctr. Christ. I. 23, *vicinissime* utitur.

62) Sic *finitimus*, *maritimus*, *simus*, *resimus*; et, de quibus ante dictum, *exanimus*, *inanimus*, *magnanimus*, et similia. *Opimior* tamen dixere non tantum Apuleius Met. V. p. 157, et Ausonius in Monosyll. sed etiam Cic. Orat. c. 47, et Gell. V. 14.

63) Sic *honorus*, *inhonorus*, *indecorus*, *inodorus*, *sonorus*, *soporosus*; at *decorosissimus* Apul.

64) Ex his multa sunt a Comparativis ipsis derivata; ut, *grandiusculus*, *meliusculus*, *plusculus*. Caetera vero; ut, *candidulus*, *floridulus*, *vagulus*, *blandulus*, *aureolus*, *navutulus*, *miscellus*, *nigellus*, *pulchellus*, *glabellus*, etc. significationis incrementum vix recipiunt. Invenitur tamen *bellior* (de quo supra n. 40.) et *bellissimus* ap. Cic. ad Attic. VI. 4. *Pumilior* quoque extulit Apuleius, Met. V. p. 149. An vero et id ipsum Deminutivum statuendum sit, nondum liquido exploratum habeo. Caeterum multa sunt in LUS (praeter Deminutiva) quae comparationem vix admittunt: qualia sunt, *aemulus*, *anhelus*, *caerylus*, *credulus*, *deridiculus*, *identulus*, *frivolus*, *garrulus*, *incredulus*, *innubilus*, *masculus*, *mutulus*, *nubilus*, *patulus*, *pendulus*, *pullus*, *querulus*, *ridiculus*, *rutilus*, *sedulus*, *stridulus*, *subdulus*, *tinnulus*, *tremulus*, *vernaculus*, *vetulus*.

65) *Mirior* tamen utitur Titinnius ap. Festum, et *mirius* Varro ap. Nonium II. 515.

66) His adiciunt, (1) Quae incrementum non recipiunt; qualia sunt Gentilia; ut, *Romanus*, *Spartiatas*: Possessiva; ut, *patrius*, *Evandrius*: Numeralia; ut, *primus*, *decimus*: Materialia; ut, *aureus*, *aeneus*: Interrogativa; ut, *qualis*, *quantus*: Temporis significativa; ut, *hesternus*, *crastinus*: Exeuntia in plex; ut, *duplex*, *triplex*. Excipe *simplex*, *multiplex*: at posterius absque Superlativo. Vid. Voss. Anal. II. 27. (2) His annumerat Lancilottus, et ex eo Carmichael, p. 50, quamvis augmenti capacia, *campester*, *pedester*, *paluster*, *volucris*, *uber*, *agrestis*, *vulgaris*. At uberior et uberrimus frequentia sunt: *agrestior* quoque Ciceronis est, Tusc. V. 27. *vulgarior* Livii XXV. 17. Confer supra n. 48. (3) Incom-

parabilibus praeterea accensentur a Vossio, Danesio, Farnabio aliisque, *balbus, canus, eicur, claudus, compos, crispus, dispar, exos, hodiernus, impos, ieiunus, mediocris, mutus, optimus, praeditus, sylvester*. Verum *crispior* utitur Plin. XXII. 22, et alibi saepius, *crispissimus* Colum. XI. 8. *ieiunior* Cic. de Clar. orat. c. 12, et multis aliis locis, *mediocrius* Id. Attic. I. 20, et XII. 46. *optimior* Cicero aliquo, ut supra monitum; *sylvestrior* Plin. XVI. 27, et XXII. 24. §. 71. Confer et Johnson. p. 218. (4) At longe omnes vicit Johnsoni diligentia, qui, praeter ea quae a nobis supra exposita ac in capita quaedam digesta sunt, hanc insuper adiungit adiectivorum solitae comparationis expertum seriem, p. 219. *Acclinis, accommodus, aegrotus, albus; Caecus, catus, creperus; Ferus, fluidus, foenebris, funebris, fortuitus, fulgidus; Gibber et gibbus, gracilentus, gravidus; Herbidus, hirtus, hispidus; Indigus, inferus, infidus, inhospitus, insons, intempestus, iovidus, irritus, iugus; Ludicrus vel ludicer, luridus, lutulentus; Macilentus, mareidus, madidus, medicus, memor, merus, montanus, morbidus, morus, mucidus; Nudus, nuperus; Obliviosus, obstipus, olidus, orbis; Pandus, peculiaris, perfidus, praeposterus, prius, prodigus, properus, providus; Rabidus, reclinis, regularis, repandus, retorridus, roseidus, rudis, rusticanus; Sanguinolentus, scabiosus, sinuosus, sons, sudus, supernus; Tabidus, temulentus, trux, turgidus; Vagus, udus, ventriosus, vesanus, vesicus, victrix, victus, vidus, vultuosus; Item haec Participiorum naturam imitantia, Albatus, auratus, calamistratus, cincinnatus, erinitus, decrepitus, fucatus, gradatus, insolitus, lassus, nefastus, viscatus. Delirus autem, deses, dilabidus, profanus et reses, quae his interserit, ad ea pertinent quae notis 54 et 55 memoravimus: utpote a nominibus *lira* et *fanum*, verbisque *labor* et *sedeo* composita. Ex his tamen nonnulla comparata inveniuntur: *Caecior* enim habet Horat. Sat. I. 2, 91. *hirtior* Apul. de herb. c. 71. *olidissimus* Petron. c. 21. *sinuosius* Gell. XII. 5. *temulentior* Sidon. Epist. III. 18. Et *fucatus*, *lutulentius*, *madidior*, ipse postea ap. Auson. Idyll. IV. Praefat. (addere potuit et ex Gell. XIII. 26, *fucator*) Plaut. Poen. I. 1, 80, et Plin. XXVII. 5, observat, Addit. p. 45. Porro *insons* et *trux* integre comparat Rhemn. Palaemon, col. 1869. *memorior* quoque habet Priscianus, col. 699: et (de quo supra diximus) *memorimus*, col. 606. Lactantii etiam est Inst. III. 18, *delirius*. \* Immerito autem, mea sententia, Lilius Johnsonus exagitat, App. p. 225, quod de Comparativi formatione agens, adferat exempli loco *albior*, quod nuspiam (ait ille) apud idoneum auctorem reperitur. Varro enim, Romanorum doctissimus, de hac ipsa re loquens, L. L. VII. §. 29 et 39, a vocē *album*, *albius* et *albissimum* declinat. § Casterum, quamvis mirificam sane maximeque laudandam hac in re diligentiam Johnsonus posuerit, neutiquam tamen ei vel cuiquam fere mortalium sperandum fuit, ut voces comparabiles ab incomparabilibus ita suis finibus discretas exhiberet, quin aliae postea aliis observandae, atque hinc aut illinc collocandae superessent. Quam vere autem hoc a me sit pronunciatum, ostendet hocce satis largum nomen a Johnsono omissorum (in quibus extra positum vel nulli vel rarissimi gradus iam conspiciuntur) *spicilegium*, *Acclivis, ales*, i. e. *velox, artifex*, i. e. *artificiosus, assus; Blaeus; Convexus, curtus; Daedalus; Fumidus; Galbus, gnarus; Impavidus, index, intrepidus, iocularis; Lassus, lippus; Mutus; Perpes, putridus, putris; Ravidus; Singularis, subitus; Terrestis, torpidus, torridus, trepidus; Vapidus, varus*. Item haec in OSUS, *Aeruginosus, argillosus, arundinosus; Bilius; Calculosus, cavernosus, cerebrosus, clamosus, cli-vosus, confragosus, contagiosus, cretosus; Dumosus; Facetosus, fastosus, fragosus, fucosus; Globosus, graminosus, granosus; Lacrymosus, lenti-ginosus, limosus, lutosus; Maculosus, meticulosus, montosus, mulierosus, musculosus; Nemorosus, nimbosus, nivosus, nummosus; Paludosus, pal-**

*motus, pannoque, pediculus, petrus, piscosus, plagosus, pluviosus, pruinosus; Rabiosus, racemosus, rubiginosus, rixosus, ruinosus; Sabulosus, saxosus, scabiosus, scelerosus, scopulosus, setosus, stictulosus; corniculosus, equamosus, strumosus, sylvius; Verminosus, vermiculosus, verrucosus, et alia plura. Item haec in ENTUS, amarulentus, tunculentus, flarulentus, frustulentus, iurulentus, mustulentus, potulentus, pulverulentus, purulentus, rorulentus, vinulentus, virulentus. Item haec in AX. bibax, emax, rugax, pellax, vendax. Ut taceam nomina in ILIS, ALIS, IGUS, INUS, etc. a nobis superius commemorata. Neque dubium est, quin plurima alia in seculo agentes sint deprehensuri. ¶ Superest primum hanc materiam abscidam; ut de Participiis, aliisque de Comparatione in genere observandis, duplicem hic in calce Appendicem subnectam.*

## APP. I. De Comparatione Participiorum.

De Participiorum aut Participiiformium Comparatione omnium accuratissime egerunt duo insignes Grammatici M. Elias Maior Vratialisensis, et saepius a nobis laudatus laudandusque Rich. Johnsonus, hic sub finem sui Apparatus, et Additt. p. 59, ille in libro postumo de varanda oratione, p. 116 et seqq. Nos autem (omissis quae supra attigimus) ea primum recensuimus, quae uterque apud Auctores comparata ostenderant; ac deinde illa quae a nobis praeterea observata sunt, addicimus.

1. A JOHNSONO integre comparata inveniuntur, Praesentis temporis, Abstinens, abundans, affluens, amans, appetens, ardens; Confidens, consignans, constans, continens, conveniens; Decens, diligens; Egens, emittens, evidens, exultans; Fervens, flagrans, florens, fulgens; Impotens, indecens, indulgens, infans, innocens, insolens, instans, intolerans; Libens; Nocens; Obediens, observans, obsequens; Patens, patiens, perseverans, pollens, praeclens, praesens, praestans, providens, pudens; Reverens; Sapiens, sciens, significans; Torrens; Valens, vigilans.

Praeteriti, Abiactus, abruptus, absolutus, acceptus, accommodatus, accuratus, acutus, apertus, apparatus, arctus, attentus, aversus, auspiciatus; Beatus; Cautus, celebratus, circumspectus, citatus, cognitus, commendatus, compositus, concitatus, confertus, confusus, coniunctus, consideratus, contemptus, corruptus, cultus, cumulatus; Demissus, depressus, desertus, desperatus, dilectus, dilutus, disiunctus, dissolutus, distorsus, distractus, doctus; Edictus, efferatus, effusus, electus, emendatus, emixtus, eruditus, exactus, excitatus, excusatus, exercitatus, exoptatus, expectatus, expeditus, exploratus, exquisitus, extensus v. -tus; Honoratus; Ignotus, impeditus, impensus, inauspicatus, incitatus, inconsideratus, incorruptus, inquinatus, inscitus, insperatus, instructus, intentus, iratus, iunctus; Laudatus, lectus; Manuatus, medicatus, minutus, modoratus, modulatus, munitus; Neglectus, notus; Occlusus, occultus, occupatus, odoratus, optatus, ornatus; Pacatus, paratus, perditus, perfectus, perturbatus, pervagatus, perversus, placatus, politus, praeruptus, probatus, productus, proiectus, promptus, purgatus; Quiescens, quietus; Receptus, refertus, remotus, restrictus; Sacratu, sceleratus, secretus, sedatus, solutus, spectatus, subiectus, suspectus; Tectus, temperatus, tritus.

2. Absque Superlativo, Albicantius, arrogantior, asseverantius, audacior; Consonantior, copulantius, cunctantius; Diffidentius, dolentius, dominantior; Excellentius, extantior, exuperantior; Festinantius, fidentius, furantior; Iactantior, ignascentior, indigentior, intemperantior; Latentius, lubentius; Metuantior, moderantius; Negligentior, nitentior; Proficientius, prominentior, properantius, pignantius; Reticientior; Simulantior, sonantior, stagnantior; Temperantior, trepidantius; Et. Abducentius, abscicior, abstrusior, accinctior, addicentius, adductor, adiunctior,

admirificulatio, adstrictio, affixio; affectatio, afflictio, agitatio, altior ab alio, appositio, arrectio, assuetio, attractio, attritio, auctio; Cavillatio, circumscriptio, coactio, coarctatio, coactor, cohibitor; collectio, coloratio, comitatio, commotio, compertio, compressio, comptio, conciliatio, concretio, conditio, a condio, conductio, confirmatio, conspectio, constrictio, contentio a contendo, contactio, contortio, contractio, conturbatio, correctio, culpatio, cunctatio, cuneatio, curatio; Damnatio, decoctio, deductio, deliberatio, descriptio, devexio, devinctio, diffusio, directio, disruptio, dispositio, distinctio, distractio, distributio; Effrenatio, elatio, elutio, enarratio, enodatio, erectio, eviratio, executio, exaggeratio, expectatio, explanatio, explicatio, explicitio, expolitio, expressio, exustio; Festinatio, fluxio, fractio, fusio; Glomeratio; Imminutio, immoderatio, imperceptio, improvisio, incautio, incensio, inclinatio, incomptio, inconditio, incultio, induratio, inflatio, inoffensio, insignitio, intortio, irritio; Laxatio, libratio, limatio; Obligatio, obsoletio, obtusio, offensio, affirmatio, ordinatio; Pensio, perquisitio, pictio, pollutio, correctio, praefractio, pressio, propensio, properatio, protectio, proectio; Reconditio, reductio, refusio, requies, revolutio, retractio, retractio, reductio, saturatio, seductio, separatio, scitio, simulatio, spoliatio, sparsio, strictio, sublatio, succinctio, summissio, suppressio; Tacitio, tercio, testatio, turbatio; Venatio, veneratio, vibratio, unctio.

8. Absque Comparativo; Candentissimus, conficientissimus, cupientissimus; Discrepantissimus; Eloquentissimus, experientissimus; Impudentissimus, indignantissimus; Persequentissimus; Rigentissimus; Servantissimus, superantissimus. Et, Affectissimus, affirmatissime, argutissimus, armatissimus, attenuatissimus; Conceptissimus, conquestissimus, consociatissimus, consuetissimus, consummatissimus, contaminatissimus; Deditissimus, deformatissimus, defectissimus, deformatissimus, desideratissimus, despectissimus, despiciatissimus, devotissimus, distentissimus a distineo, divulgatissimus, dotatissimus; Effeminatissimus, effortissimus, excelsissimus, excogitatissimus, excussissimus, expertissimus, execratissimus, extenuatissimus; Fundatissimus; Immanissimus, implicatissimus, inculpatissimus, inordinatissimus, inquietissimus, insulsiatissimus, intemperatissimus, involutissimus, iurisconsultissimus; Mixtissimus; Nominatissimus, notatissimus; Perseptissimus, pervulgatissimus, profligatissimus, profusissimus; Receptissimus; Stercoratissimus; suspensissimus; Temperatissimus; Vulgatissimus.

Hic adde, ex EL. MAIORE; Praesentis, Efferventio, micantio, superantio; Et, audentissimus, exsuperantissimus, retinentissimus. Praeteriti, Conspiratio, constructio, delectatio, effectio, exesio, inquisitio, laevatio, repulso, substrictio, vestitio, -isimus; Et, castigatissimus, contentissimus, dispositissimus, expolitissimus, extractissimus, memoratissimus, ordinatissimus, sublatissimus. Item haec Participii similia, aquatio, capillatio, lapatio; et gypsatissimus. Et haec inferioris aevi, cegentio, differentio; congruentissimus, dignantissimus, exigulantissime; et colligatio, impressio, multiplicatio; conciliatissimus, dicatissimus, enucleatissimus, inexpeditissimus, opinatissimus; et ap. Tertullian. sulphuratio.

Utriusque industriam effugerunt, Praes. Candentio, cupientio, impudentio, insipientio, -issimus, petulantio, -issime, tolerantio, -issimus, utentio; arrogantissimus, consonantissime, excellentissimus, fragrantissimus, inicientissime, intemperantissimus, temperantissimus. Praeter. Aditio, -isimus, argutius, coloratio, correctio, delitio, defectio, detectio, devotio, distentio a distendo, effeminatio, eliminatio, excelio, fundatio, immanissimus, infensio, infractio, inhoratio, insulsius, in-

*temperatior, literatior, wisissimus, notatior, obsecratior, perplexior, perturbatior, profusior, protentior, recessior, recisior, reconditor, salior, -issime, suspensior, tenacior, vulgarior, appositissimus, consubleratissimus, curatissimus, effrenatissimus, extornatissimus, illigatissimus, illiteratissimus, immoderatissimus, imparatissimus, improbatissimus, inopinatissimus, melitissimus, obsoletissimus, pollutissimus, propensissimus, perperatissimus, reptatissimus, scitissimus, strictissimus, revissimus.* Ut haec deterioris aetatibus praeterea, *Aduantior, fragrantior, operantior, -issimus, peccantior, pertinentior, repugnantior, Festinantissime, fidentissime, iactantissime, inconsiderantissimae, negligentissimae, ali. neglectissimae, properantissime, redulantissimae.* Et, *auratior, cavatior, conuictior, destinatior, diminutior, exsertior, -issimae, inauratior, inuictior, inuictior, abominatior, obstrictior, perquisior, perpenditior, separatior, saginatior, subducatior, Compitissimus, desinatissimus, enodatissimae, incautissimae, inconsideratissimae, inestatissimae, satiatissimae, testatissimae, venenatissimae, unctissimae.*

Not. vero quod *plentior, et reprobior* quae ex Tibull. IV. 2. 27. et Ovid. Met. XIV. 21. profert Iohannes: Item, *praecipitior, digentissimus, testissimus*, quae ex Apul. de Mund. p. 719. Gell. I. 7. et Petron. c. 86. profert Maior, melioribus codicibus, *volentibus, expugnatior, praecipitatio, elegantissimus, lentissimus, legentior.*

## APP. II. Quaedam de Comparatione in genere Observationes.

1. Obsolete comparata non sunt in usum revocanda; ut, *mirior ap. Festum, memorior ap. Priscianum, parvissimus ap. Lucretium et alios.*

2. Neo iis utendum quae iocū plerumque causa Plautus confinxit: ut, *geminissimus, oculissimus, verberabilissimus, etc.*

3. Nec adhibenda promiscue, quae non nisi semel, aut cum *prode-gantia* quadam ab Auctoribus sunt usurpata; ut, *Plautinissimus ap. Gell. III. 8. philosophissimus Novell. XX. c. 9. cinaedior ap. Catull. X. 24.*

4. Poetica quoque a prosae convenientibus sunt distinguenda; ut, *barbarior Ovidii, pathicissimus Martialis.*

5. Non minus cavendum a recentioribus. Sic *retrorior, enucleatissimus, opimatissimus, unissimus, servilissimus*, seculō suo relinquenda sunt; quanquam duo posteriora Emphasis forte excuset, Mafra etiam quae Apuleium habent Auctorem, haud temere adhibenda putem.

6. Usus et iudicium aurium ubique consulenda sunt. Quamvis enim optimorum Auctorum exemplis praecipue ac fere unico sermo Latinus, innitatur; non tamen in tanta veterum Scriptorum iactura adeo arctandi mihi videntur linguae Romanae limites, ut nullis iam adiectivorum gradibus uti liceat, praeterquam quos paucissimi illi codices, ex omni antiquitate ad nostra tempora perducti nobis servarant. Haec igitur in re satis esse opinamur ab iis abstinere, quae veteres consulto vitasse, quaeque ipsa soni duritiae auribus offensionem allatura videntur; in aliis vero, ubi nihil eiusmodi prorsus sentitur, liberum, re sic ferente, nobis usum permittere. Hoc pacto, quamvis eloquentior, profligator, malevolentior, et incultissimus, ambitiosissimus, bibacissimus, nusquam forte iam reperiantur; nihil tamen impedire existimem, quo minus, si idonea se occasio cuiquam praebuerit, tuto ea ac legitime usurpare possit. Eodemque iure in multis aliis standum videtur.

7. Sunt quidam Superlativi ab aliis fomati; ut, *Extremior ap. Apul. Met. I. p. 15. extremissimus ap. Tertull. Apol. c. 19, ab extremus; Postremior ap. eund. Apul. de Deo Soer. p. 670. postremissimus in Orat. C. Gracchi ap. Gell. XV. 12, a postremus; Minimissimus a minimus ap. Arnob. lib. V. Intimior ab intimus ap. recentiorum seculorum Scriptores.* At haec vix iam recipienda videntur. Proximior autem, quo non tantum Ulpianus, l. 1. §. 8. ff. unde cognat. et Vegetius de re Mil. I. 20. extr.



et Min. Pŕix, c. 19, sed etiam Seneca Epist. 108, utantur, potiore auctoritate nititur.

8. Adiectiva denique cum certis Praepositionibus composita, quae vel augent vel minuunt significationem simplicem, si simplex illud usitatum sit, et extra compositionem comparabile, a comparationis lege fere eximuntur. Talia sunt *praecelivus*, *praedurus*, *praepotens*, *praeposterus*: item, *deparcus*, *edurus*, *egellidus*, (quae duo contrariam notionem suscipiunt) *subhorridus*, *subtristis*, *subpallidus*, etc. Excipitur *praecclarus*, cuius Comparativus et Superlativus apud optimos auctores reperiuntur. At *praestans*, *praestabilis*, *praecellens*, quae immediate a verbis fluunt, comparationem admittere usus docet. Quibus addo *praesens*, cuius simplex inusitatum: item *prae fractus*, *-ior*, in quo mutata simplicis significatio. \* Composita ex *per*, quae a verbis derivantur, sequuntur naturam derivatorum a verbis cum praepositione *prae* compositis. Sic *perquisitor*, *pervagator*, *pervagatissimus*, *peritior*, *peritiosissimus*, *reperias*, nempe a *perquirere*, *pervagor*, *peritro*, posterius *petere*. At ubi Praepositio *per* adiectivis comparabilibus intendendi causa iungitur, eam Positivi propriam esse docet Valla, Eleg. I. 17: ut, in *peregrus*, *perdiligens*, *perpulcher*: neque *peracior*, *-issimus*, etc. dicendum. Atqui Superlativum nonnunquam *per* etiam recipere volunt Vossius de Construct. c. 17, et Ursinus, p. 858, qui *perpaucissimus* ex Columella R. R. III. 20. *pertenuissimus* ex Seneca N. Quaest. II. 10. *peroptimus* ex Plaut. Mostell. III. 1, 143. *perdifficillimus* ex Liv. XL. 21. *perplurimum* ex Plin. II. 54, profertur. Verum meliores impressi his locis, *tenuissima*, *optimo*, *perdifficillimum*, *plurimum* habent.

## C A P. V.

### De Nominum Specie et Figura.

#### §. 1. De SPECIE.

Species Nominis est duplex, *Primitiva* et *Derivativa*<sup>1)</sup>.

*Primitiva* est, quae a nulla alia voce ortum habet: ut, *albus*<sup>2)</sup>.

*Derivativa* est, quae aliunde formatur: ut, *albedo*.

I. *Primitivae Speciei* subiiciuntur fere haec sequentia:

1. Interrogativum, quo de re quapiam quaerimus: ut, *quis? uter? qualis?*<sup>3)</sup>?

1) Derivata potius quam *Derivativa* vocari debere censet Vossius.

2) *Primitiva* ea in lingua Latina esse intelligimus, quae a nullis aliis vocibus Latinis originem ducunt: aliter enim nullae fere huic linguae sunt voces primitivae, utpote ab aliis linguis illa antiquioribus omnes acceptae. Hoc igitur pacto ego in lingua Latina primitivum erit, quamvis id a Graecis Latini acceperint: item *Musa*, etsi id a Graecis Latini, ab Hebraeis Graeci habeant. *Arundo* etiam, *imago*, et similia, primitiva licet statuere, quia eorum origo vel incerta, vel ignota est.

3) Eiusmodi voces, cum interrogationis vim amittant, *Indefinita* seu *Infinita* appellantur.

2. Redditivum, quod Interrogativo respondet: ut, *talis, tantus, tot* <sup>4)</sup>.

3. Relativum, quod vocem antecedentem respicit, ut, *qualis, quantus, quot* <sup>5)</sup>.

4. Collectivum, quod multa in singulari significat: ut, *populus, grex* <sup>6)</sup>.

5. Innumera denique Nomina, tam Substantiva quam Adiectiva, quae ad certas classes reduci nequeunt <sup>7)</sup>.

II. Derivativa quintuplicia sunt. Nam quaedam derivantur,

1. A Nominibus, quae vocantur *Denominativa*.

2. A Verbis, quae *Verbalia*.

3. A Participiis, quae *Participialia*.

4. Ab Adverbis, quae *Adverbialia*.

5. Quedam denique a Praepositionibus orta sunt.

### 1. De Denominativis.

\* Denominativorum species sunt sex, viz. *Patronymica, Gentilia, Possessiva, Deminutiva, Amplificativa, et Denominativa* speciatim sic dicta,

4) Adde, Vel cum suis Relativis coniunguntur: ut, *talis cum qualis; tantus cum quantus; tot cum quot*, etc. ut Cie. Offic. II. 18, *Quales sumus, tales esse videamur*. Ter. Phorm. II. 4, 14, *Quot homines, tot sententiae*.

5) Notandum vero eas voces geminatas, aut adiectionem cinque habentes; ut, *qualisqualis*, et *quantiscunque; quotquot, et quotcunque*, etc. Universalia infinita appellari. Vid. Linacrum, p. 11.

6) Hinc referri possunt, quamvis pleraque derivativae speciei, 1. *Nomen Partitivum*, quod multa sigillatim significat: ut, *unusquisque, uterque, uter, neuter*: Vel unum ex multis; ut, *alter, alius, caetera et reliquus*. 2. *Nomen Universale*, quod totam naturam eius, cui additur, verbo subiicit: ut, *omnis, cunctus, nullus*. 3. *Nomen Particulare*, quod appellativi, cui additur, partem aliquam, non totam eius naturam, verbo subiicit: ut, *aliquis, quidam, ullus*. Vid. Linacr. ibid.

7) Multae aliae a quibusdam hic traduntur nominum distinctiones, veluti, 1. *Nomen Fictitium*, quod a sono fingitur: ut, *stibilus, murmur*. 2. *Synonymum*, cum duae voces diversae idem significant; ut, *ensis, gladius; terra, tellus*. 3. *Homonymum*, cum eadem vox diversa significat ut, *populus, pro turba, et pro arbore; acies, pro acumine ferri, pro pupilla oculi, pro exercitu ad pugnam instructo*, etc. 4. *Ambiguum*, cum eadem vox modo substantivi, modo adiectivi naturam obtinet: ut, *vigil, rex, servus*; substantivi, ut Virg. Aen. II. 266, *Caeduntur vigiles*. Ter. Eun. III. 1, 18, *Regem elegantem narrae*. Ioven. IX. 120, *Lingua mali pars pessima servi*. Adiectivi, ut Horat. Car. III. 8, 14, *Vigiles lucernae*. Virg. Aen. I. 21, *Hinc populum late regem belloque superbum Venturum excidio Libyae*. Horat. Epist. I. 19, 19, *O imitatores servum pecus*. Talia, licet derivativae formae, sunt verbalia in *tor* et *trix*. V. Linacr. p. 6.

## PATRONYMICA.

Patronymica proprie dicuntur, quae a parentum, maiorumve nominibus derivata, filium vel filiam, nepotem vel neptem, aliosve eorum posteros significant<sup>8)</sup>.

1. A patre: ut, *Pelides*, i. e. *Achilles*, *Pelei filius*.

2. A matre: ut, *Philyrides*, i. e. *Chiron*, *Philyrae filius*.

3. Ab avo paterno. ut, *Aeacides*, i. e. *Achilles*, *Aeaci nepos*.

4. Ab avo materno: ut, *Atlantiades*, i. e. *Mercurius*, *Atlantis nepos*.

5. A Regibus gentiumque conditoribus: ut, *Romulidae*, i. e. *Romani*, a Rege *Romulo*<sup>9)</sup>.

Terminationes *Patronymicorum* praecipuae sunt quatuor<sup>10)</sup>:

DES, cuius exempla vidimus.

AS: ut, *Thaumantias*, i. e. *Iris*, *Thaumantis filia*.

IS: ut, *Atlantis*, i. e. *Electra*, *filia Atlantis*.

NE: ut, *Nerine*, i. e. *Galatea*, aut alia *Nerei filia*.

Ex his DES masculinum est, AS, IS, et NE feminina.

In DES et NE primae sunt, in AS et IS tertiae Declinationis<sup>11)</sup>.

8) Quaedam etiam a fratrum nominibus, sed rarissime, derivantur: ut, *Phoronis*, i. e. *Io*, *Phoronis* soror; *Phaethontias*, i. e. una e sororibus *Phaethontis*. Addit Despaunterius, A nominibus maritorum: ut, *Menelais*, i. e. *Helena Menelai uxor*. Item praepostero more, A nominibus filiorum: ut, *Meleagris*, i. e. *Althaea Meleagri mater*. Verum nulla eiusmodi mihi adhuc dum videre contigit.

9) Sic *Dardanidae*, i. e. *Troiani*; *Labdacidæ*, i. e. *Thebani*; *Arsacidae*, i. e. *Parthi*, a Regibus eorum *Dardano*, *Labdaco*, *Arsace*. Sic *Aeneadae*; a duce *Aenea*, qui eum secuti sunt *Troiani* nominantur. A posteris etiam illustribus Patronymica nonnunquam derivari notat Vossius: ut, *Aegidae*, *Timodemidae* sp. *Pindarum*, i. e. maiores *Aegei* et *Timodemi*.

10) Est et quinta terminatio ION, sed rarissima: ut, *Iapetion*, *Oedipodion*, i. e. *Iapeti* vel *Oedipodis filius*. Unde alia rursus Patronymica formantur, *Iapetionides*, *Oedipodionides*: quod et in aliis usu venisse videtur; ut, *Atlantiades* ab *Atlantius* Patronymico potius, quam ab *Atlas* derivatum.

11) De nominibus Patronymicis aut quasi Patronymicis, notandum, 1. Has eorum terminationes, ut et voces ipsas plerasque a Graecis esse desumptas. 2. Praecipuum Patronymicorum usum in carmine esse, in primis vero Heroico. 3. Ea interdum idem valere ac primitiva: ut, *Scipiadae*, i. e. *Scipio*, *Oedipodes*, i. e. *Oedipus*. 4. Non pauca nomina a regionibus, urbibus, montibus, fontibus, fluvii, aliisque rebus derivari; quae formam quidem patronymicam habent, re autem vera Gentilia sunt, aut pro Possessivis aliisque adiectivis nominibus posita: ut, *Maconides*, i. e. *Homerus* a *Maconia* regione; *Cypriis*, i. e. *Venus*, a *Cypro* insula. Sic *Aonides*, *Pierides*, *Parnassides*, *Heliconides*, *Aganippides*, *Castalides*; etc. Musarum nomina, ab *Aonia*, *Pieria*, regionum; *Parnasso*, *Helicone*,

## GENTILIA.

Gentilia dicuntur, quae patriam vel gentem significant<sup>12</sup>): ut, *Romanus*, *Atheniensis*<sup>13</sup>), *Macedo*, *Arabs*, *Lacaena*, *Troas*, *Thessalis*<sup>14</sup>).

montium; *Aganippe*, *Castalia*, fontium nominibus. Sic *Ilias*, *Troas*, pro muliere ex *Ilio*, *Troia*: Et, *Naiades*, *Oreades*, *Dryades*, *Hamadryades*, i. e. *Nymphae fluminum*, montium, sylvarum, a vocibus Graecis *ναῖα*, *ὄρεα*, *ὄρεος*, *δρυς*, *δρυός*, *querens*, nominatas. Nec ratio horum obscura est, quia patria vel locus educationis in partem parentis est. Unde et quidam talia Patronymicis adnumerant. At *Ilias* Homeri, *Troades* Senecae, aliaque Poetarum scripta, ab argumento sive materia denominationem suam sunt sortita. Sic *Aeneas* Virgilii ab *Aenea*; *Thebais*, *Achilleis* Statii, a *Thebis*, *Achille*, etc. Poetae denique istiusmodi nominibus simpliciter pro Gentilibus aut Possessivis non sine elegantissima Metonymia utuntur: ut, *Asis* terra, *Libystis* urbs, *Ausonis* ora, *Sithonis* unda: Et, *Daulias* ales, *Ambracias* terra, *Nasamonias* Harpe, *Actias* Orithyia, *Sidonias* Drepane, etc. pro *Asiatica*, *Libyca*, *Ausonia*, *Sithonia*; *Daulia*, *Ambracia*, *Nasamonia*, *Actaea*, sive *Attica*, *Sidonia*. Confer Heins. ad Ovid. Heroid. XV. 164, et Drakenb. ad Silium II. 117.

## APP. de Patronymicorum formatione.

I. Finita in DES, a nominibus primae, mutant ae genitivi in ades: ut, *Aeneas*, *Aeneades*; *Hippotes*, *Hippotades*.

Exc. 1. In A finita aliquando ipsum a mutant in i: ut, *Philyra*, *Philyrides*.

Exc. 2. In AS et ES interdum assumunt i: ut, *Amyntas*, *Amyntiades*; *Anchises*, *Anchisiades*.

II. A nominibus secundae et tertiae addunt casui in i syllabam des: ut, *Priamus*, *Priamides*; *Hector*, *Hectorides*, penultima brevi. Producant tamen penultimam *Belides*, *Lycurgides*, *Amphiaroides*.

Exc. 1. Ei genitivi abit in i longum: ut, *Peleus*, *Pelides*. At *Otreus*, *Otriades*.

Exc. 2. Si duo i concurrunt, posterius mutatur in ades: ut, *Maenetus*, *Maenetiades*.

Exc. 3. In as tertiae, quorum genitivus exit in antis, a literam ante des petunt: ut, *Abas*, *Abantiades*; *Pozas*, *Pocantiades*, *Aillas*, *Atlantiades* (nisi haec sint a Patronymicis in AS femininis, *Abansius*, *Pocantius*, *Atlantias*.) Eodemque fere modo formantur, quae a nominibus fiunt in on: ut, *Telamon*, *Telamoniades*; *Amphitryon*, *Amphitryoniades*; *Laomedon*, *Laomedontiades*. A Scipione tamen non *Scipioniades*, sed *Scipiades*, imminuto verbo, nascitur.

III. Patronymica feminina, quae in AS et IS exeunt, fiunt a masculinis de syllaba sublata: ut, *Thestiades*, *Thestias*; *Phaethontiades*, *Phaethontias*; *Aeolides*, *Aeolis*; *Belides*, *Belis*.

Not. 1. Quaedam tum in as, tum in is exeunt: ut, *Aeetias*, Ovid. Met. VII. 9. *Aetis*, Val. Flacc. VI. 481. *Atlantis*, Virg. Aen. VIII. 185. *Atlantias*, Sil. XVI. 137. *Sidonis*, Ovid. Met. II. 840. *Sidonias*, Sil. XIV. 269. Sic plur. *Heliconiades*, Lucret. III. 1050. *Heliconides*, Pers. Prol. 4.

Not. 2. Feminina, quae a masculinis fiunt penultima longa, in eis desinunt, soluta diphthongo, atque e brevi in longum verso: ut, *Aeneides*, *Aeneis*; *Achilleides*, *Achilleis*.

## POSSESSIVA.

*Possessiva* sunt, quae possessionem aut proprietatem aliquam significant<sup>4)</sup>: ut, *Regius*, a *Rex*; *fraternus*, a *frater*; *Herouleus*, ab *Hercules*.

Exponuntur autem *Possessiva* per genitivum sui primitivi, pro quo eleganter poni solent: ut, *domus paterna*, i. e. *domus patris*; *vita humana*, i. e. *vita hominum*<sup>16)</sup>.

## DEMINUTIVA.

*Deminutiva* sunt, quae diminutionem sui primitivi significant: ut, *libellus*, *filiola*, *corculum*; a *liber*, *filia*, *cor*: *misellus*, *parvulus*, *duriusculus*; a *miser*, *parvus*, *durior* vel *durius*.

IV. NE finita a genitivo sunt, addita *ne* syllaba penult. longa: ut, *Adrastus*, *Adrastine*; *Neptunus*, *Neptunine*. At *Nereus* ei in longum commutat, *Nerine*. Quod si primitivum i ante *os* habeat, mutabitur *os* in one penultima producta: ut, *Acrisios*, *Acrisiöne*. Unde et virile finxit Ovidius *Acrisioniades*.

12. Varias Gentilium terminationes has enumerant Vossius Anal. II. 29, et Ursinus, p. 46. (1) Masculina: in A, ut, *Galata*; O, ut, *Saxo*; AN, ut, *Acarnan*; ON, ut, *Lacon*; AR, EB, IR, UR, ut, *Car*, *Afer*, *Trevir*, *Ligur*; AS, ut, *Arcaas*, *Arpinas*; ES, ut, *Cres*; IS, ut, *Atheniensis*, *Samnia*; US, ut, *Iudaeas*, *Aegyptius*, *Neapolitanus*, *Corinthiacus*, BS, NS, PS, RS, ut, *Araba*, *Laurens*, *Aethiops*, *Chama*, *Tiburs*; X, ut, *Thrax*, *Lelex*, *Cilix*, *Cappadox*, *Phryx*. (2) Feminina: in A, ut, *Lacena*, *Cressa*; AS, ut, *Troas*; IS, ut, *Colchia*. Ex his autem quae in US et ENSIS, itemque quae in ER et in AS contracte pro *atis* desinunt, Adiectiva sunt; reliqua fere Substantiva.

13) Inter Gentilia in US et ENSIS ita distinguunt nonnunquam Scriptores, ut in US terminata de loco originis, in ENSIS de loco habitationis, commorationis aut venditionis usurpent: ut, *Romanus*, *Romae* natus, aut *Romana* civitate donatus; *Romanensis*, qui *Romae* degit. Sic Catoni R. R. c. ult. *Romanensis* sal est, non *Romae* factus, sed qui *Isthm* venit. At perpetuum non esse hanc distinctionem Sallustius pridem monstravit, *Merc.* mai. V. 16.

14) De duabus hisce *ae* et *is* terminationibus vide quae paulo ante in Patronymicia diximus.

15) Possessiva analogice terminantur in IS vel US. In IS quidem trifariam, in *ilis*, *xia* et *sis*: ut, *herilis*, *puellaris*, *castrensis*. In US multifariam, praecipue vero in *eus*, *ius*, *cus*, *nus*, etc. ut, *virginis*, *Caeceus*, pen. brevi; *Phoebeus*, *Sophocleus*, pen. long. *patrius*, *Evandrius*; *civicus*, *Aristotelis*; *paternus*, *Pompeianus*, *anerinus*, *caballinus*, i. long. *go*; *elephantinus*, *oleaginus*, i. brevi, etc. Confer Voss. loc. cit. et Ursin. p. 48.

16) Interdum eadem vox ut ad Gentilia et ad Possessiva referri potest: ut, *civis Romanus* gentile est, *ager Romanus* possessivum. Sed in regundia harum vocum finibus (ut Ursino observatum) saepe diversi abeunt, interdum et secum ipsi dissentiunt Grammatici. Ita *castrensis*, *pratensis*, Bangius gentilibus, Vossius possessivis, Ursinus denominativis annumerat. Ipse Vossius *Pompeianus*, quod non male prius ad possessiva retulerat, paulo post in denominativorum serie repetit.

De *Deminutivis* quatuor praecipue notanda videntur.

1. Eorum pleraque in LUS, LA, LUM desinere<sup>17)</sup>.

2. Ab uno primitivo gradatim plura descendere Deminutiva, maiorem subinde deminutionem inferentia: ut, a *puer*, *puerulus*, *puellus*, *puellulus*; a *cista*, *cistula*, *cistella*, *cistellula*<sup>18)</sup>.

3. Deminutiva fere cum primitivis suis genere convenire: ut, *lapis*, *lapillus*; *pagina*, *pagella*; *os*, *osculum*<sup>19)</sup>.

4. Deminutivis deminutionem addi posse per adiectivum *parvulus*, *minutus*, aut simile: ut, *parvi pisciuli*, *parva munuscula*, *minutae interrogatiunculae*<sup>20)</sup>.

#### AMPLIFICATIVA.

Amplificativa sunt, quae primitivorum suorum significationem augment seu amplificant<sup>21)</sup>.

Ex his quaedam substantiva, quaedam adiectiva sunt.

Substantiva in O desinunt: ut, *capito*, i. e. *habens magnum caput*. Sic *nasus*, qui *nasum*; *labio*, qui *labia*; *bucco*, qui *buccas* solito maiores habet.

Adiectiva desinunt in OSUS vel ENTUS: ut, *vinosus*, *nodosus*, *plumbosus*; *corpulentus*, *fraudulentus*, *vanguinolentus*<sup>22)</sup>. Item quaedam aliter in *tus*; ut, *literatus*, *auritus*, *nasutus*<sup>23)</sup>.

#### DENOMINATIVA speciatim sic dicta.

In hanc classem Denominativorum ea referimus, quae ad superiora capita nequeunt reduci: qualia sunt in-

17) Quaedam etiam exeunt in IO, ut, *homuncio*, *senecio* (ab antiquo genitivo *senecis*) *pusio* a *pusus*: quaedam in EUS, ut, *equuleus*, *hinnullus*: quaedam in ASTER, ut, *surdaster*, *calvaster*: quaedam denique more Graeco in ISCUS, ut, *Syriacus*, *Panniscus*, *calathiscus*. Quae autem in ASTER finiunt, pleraque imitationem cum irrisione quaedam significant: ut, *poetaster*, *parasitaster*. Est et in *oleaster* et *pinaster* imitationis aut certe similitudinis quaedam nota.

18) Sic a *porcus*, *porculus*, *porcellus*; ab *equus*, *equulus*, *equuleus*; a *vinum*, *vinulum*, *villum*; et *torus* ab *unus*, *unulus*, *ullus*.

19) In quibusdam tantum haec regula fallit, vel fallere saltem videtur: ut in *hic aculeus* ab *haec acus*, *scamillus* a *scamnum*, *ranunculus* a *rana*, *panicula* a *panis*, *ervilla* ab *ervum*, *senaculum* a *senatus*, pro *senatiolum*, *conventiculum* a *conventus*. Sed horum et similium primitiva, apud veteres, vel heteroclitica, vel terminatione abundantia fuisse videntur. Vid. Voss. Anal. II. 29. et Sanctium I. 10 et in eum Perizon.

20) Vid. Sanctium loco modo laudato, qui Vallam contra dponentem multis exemplis refutat.

21) Extra comparationem (de qua supra egimus) haec intellige.

22) De varia nominum in OSUS et ENTUS significatione, Vid. Ursin. p. 66 et 67.

23) In hanc classem suo modo referri poterunt Verbalia in AX et BUNDUS.

numera tum substantiva tum adiectiva ab aliis nominibus derivata: ut, *equus, lectica, animal, lupanar, thuribulum*; ab *equus, lectus, anima, lupa, thus*: *cordatus, saluber, gravidus, qurens, celestis, adamantinus*; a *cor, salus, gravis, aurum, nocturn, adamas* <sup>24)</sup>.

Ex Substantivis praecipue memorari debent nomina Abstracta, et Substantiva ab Adiectivis <sup>25)</sup> deducta, rerum qualitates per se ipsa spectatas significantia: ut, *iustitia, pietas, dulcedo, a iustus, pius, dulcis* <sup>26)</sup>.

Adiectivorum variae admodum sunt significationes, ut certis legibus comprehendendi vix queant. Ex iis tamen potissimum notantur,

1. Materialia: ut, *corporeus, chartaceus, crystallinus, quernus*.

2. Localia: ut, *hortensis, agrestis, fluviatilis, marinus*.

3. Temporalia: ut, *solstitialis, momentaneus, aestivus, diurnus, annuus* <sup>27)</sup>.

## 2. De Verbalibus.

Verbalia sunt quae a verbis derivantur <sup>28)</sup>.

Eorum variae sunt terminationes; praecipue vero,

1. Substantivorum in IO, OR, IX, US et URA: ut, *lectio, amator, altrix, luctus, creatura* <sup>29)</sup>.

2. Adiectivorum in bilis, vel ilis, bundus, ax, itius, icus, idus, ius: ut, *amabilis, docilis, ludibundus, audax, fictitius, erraticus, fluidus, satius* <sup>30)</sup>.

24) Ex Denominativis substantivis quaedam appellantur Contentiva, seu Comprehensiva: ut, *lauretum, vinetum, esculetum, dumentum, salictum, carectum*.

25) Adiectiva ipsa, unde haec Abstracta derivantur, Concreta Dialectici vulgo appellant.

26) Multifariae Denominativorum terminationes Vid. ap. Vossium Anal. II. 80 et 81. Schmid. p. 162. et Ursin. p. 56, et seqq.

27) Multas alias earum significationes recenset Ursinus, p. 68, etc.

28) Ex his longe plurima a supinis sunt derivata, adeoque, cum ea vere nomina sint, si originem proximam spectes, Denominativa dici debent. Verum cum primigenium vocum ortum Grammatici hic respiciant, ac praeterea confusio evitetur, non est quod a recepta Verbalium appellatione quae sunt a Supinis derivata excludamus.

29) Horum (ut diximus) pars maxima a Supinis oriuntur; non tamen omnia: nam *legio, regio, alluvia, opinio, religio, concio, contagio, usucapio*, et forsitan alia, a praesente aut praeterito verborum sunt deducta: item, *amor, calor, fragor, etc. sonus, gustus, mergus, figura, etc.*

30) De his aliisque eorum terminationibus Vid. Voss. Anal. II. 32. Schmid. p. 171. Ursin. p. 82.

## 3. De Participialibus, Adverbialibus, et a Praepositione ortis.

1. Participialia sunt, quae ex Participiis in nomina degenerarunt: ut, *sapiens, acutus, doctus, disertus*<sup>81</sup>).

Ex his multa Substantivorum naturam induerunt: ut, *adolescens, animans, rudens, serpens; advocatus, sponsus, natus, legatus; nupta, sponsa, sarta; scil. corona; praetexta, scil. vestis; debitum, decretum, praeceptum, fatum, tectum, votum, etc.*<sup>82</sup>).

2. Adverbialia sunt, quae derivantur ab Adverbiis: ut, *hodiernus*, ab *hodie*; *crastinus*, a *cras*; *binus*, a *bis*.

3. Sunt et a Praepositionibus orta: ut, *contrarius*, a *contra*; *anticus*, ab *ante*; *posticus*, a *post*.

## §. 2. De FIGURA NOMINUM.

Figura Nominum est duplex, *Simplex* et *Composita*<sup>83</sup>).

Nomen Simplex est, quod semper unum fuit, neque ex vocibus aut particulis pluribus conficitur: ut, *res, iustus, facilis, cor, quantus*.

Nomen Compositum est, quod ex duabus aut pluribus vocibus seu particulis in unum iunctis conflatur: ut, *respublica, iniustus, difficilis, perdifficilis, vecors, quantuscunque*<sup>84</sup>).

¶ Quia voces numerales cum utraque tum specie tum figura nominum participant, ideo quae de iis dicenda videbantur, in postremum hunc locum reiecit.

81) Quando Participia naturam suam amittant, postea dicitur Lib. IV.

82) Huc adde *ausa, coepta, cogitata, conata, sensa*, fere in plurali. Sic *culta, sata*, scil. *arva*.

83) Figura Decomposita est inane quorundam Grammaticorum commentum.

84) De Compositis haec notatu digna sunt; 1. Aliquando partes compositae sunt integrae; ut, *iusiurandum*; aliquando utraque pars corrupta, ut, *artifex*; aliquando altera integra, altera corrupta; ut, *meridies*. 2. Raro voces compositae ex pluribus quam tribus coniunctis constant. *Periconsequens* est ap. Gellium, XIV. 1. Alia eius generis sunt ap. Plautum, sed Comica, more Graeco et ex Graecis fere formata. 3. Voces componuntur ex simplicibus extra compositionem significativis et separabilibus; ut, *praegravis*; vel ex voce una significante, et altera inseparabili, aut syllabica tantum adiectione; ut, *vesanus, tantundem*. 4. Compositae voces, praesertim integrae, eleganter interdum dirimuntur; ut, *pergratus, per mihi gratum feceris*. Multa contra conglutinantur, alioquin divulsa; ut, *necopinatus, exasperato, extempore*. 5. Componuntur nomina, (1) Cum Nominibus; ut, *magnanimus*. (2) Cum Pronominibus; ut, *cuiusmodi*. (3) Cum Verbis; ut, *armiger*. (4) Cum Participiis; ut, *breviloquens*. (5) Cum Adverbiis; ut, *benedictio*. (6) Cum Praepositionibus; ut, *internuncius*. Addunt quidam et cum Coniunctione; ut, *plurique*; atque hic potius Syllabica adiectio, quam Coniunctio videtur. Caeterum quae, *ve* et *ne*, Coniunctiones Encliticae, quamvis vocum fini



## De NUMERALIBUS.

Numeralia sunt duplicia, *Simplicia*, scil. et *Composita*.

*Simplicia* rursum vel *primitiva* sunt vel *derivativa*.

*Primitiva Cardinalia* appellantur, caetera sunt *derivativa*.

*Cardinalia* sunt, quae numerum absolute significant: ut, *unus, duo, tres*, etc.<sup>35</sup>). Haec respondent ad quaestionem, *Quot?*

adiectae, non tamen partes earum censendae sunt. § De Compositorum Declinatione supra diximus.

85) De Cardinalibus, Not. 1. Pro *tredecim, decem et tres*; pro *sedecim, decem et sex* dixit Cicero, pro S. Rosc. c. 6, et pro Cluent. c. 27. Not. 2. Pro dubiis *septendecim, octadecim, novendecim, decem et septem, decem et octo, decem et novem*, praefatur Prisciano, De Ponder. col. 1351 dixeris. *Septendecim* quidem habetur etiam optimis Editionibus ap. Cic. Verr. V. 47. et Liv. XXXVIII. 33. *octodécim* quoque legitur, non modo ap. Val. Maxim. III. 2, 26. Vall. Patere. II. 41. 2. Epit. Liv. CXXX. Eutröp. VI. 7. Sext. Ruf. c. 15, etc. in nonnullis exemplaribus; sed etiam ap. Plin. XVIII. 23, in utroque Parisiensi Io. Harduini. At suspicatur post Rl. Vinetum Vossius Librarius, haece in locis numeros integros extulisse, cum primum notis Romanis scriberentur, XVII, XVIII aut XIX, quoniammodum et in quibusdam Editionibus invenimus. Eadem fere et doctissimi Cellarii mens est, Cur. poster. p. 184. et Antibarh. p. 134, qui porro nusquam se ait *navemdecim* ap. probatum scriptorem observasse, praeterquam in Epit. Livianae lib. CXIX, at Gronovium illic annotare MSS habere *decem et novem*, item *decem et octo*; Sigonium XIX. Frobenium XVIII, per notas expressisse. Vid. Cur. post. p. 361. Not. 3. A *viginti* ad *centum*, si duo numeri copulativa iungantur, minorem maiori praeponi, alioquin maiorem minori docet Valla, Eleg. III. 14. Ciceronem tamen *viginti et duos*, Curtium *triginta et duos*, Plinium *quinguentiginta et quatuor* dixisse, notat Ursin. p. 69. In ordinalibus rursus Ciceronem *quingagesimum et sextum*, Senecam in Apocoloc. *unus sexagesimus et quartus*, alios alia id genus extulisse. Verum in his et similibus, dubites (ait Badius Ascens. in dict. Vallae locum) an conjunctio per Librarium ineptulam sit assuta. Not. 4. Post *centum* minor numerus vel cum, vel sine copulativa sequitur: ut, *centum et duo*, sive *centum duo*; et *centesimus secundus*, sive *centesimus et secundus*. Interdum tamen et minor numerus praestit; ut Plin. VII. 53. *Ut tamen in septimum et quingagesimum atque centesimum vitae duraret annum*. Confer Linac. p. 171. Voss. de Construct. c. 68. et Nov. Meth. p. 443. Not. 5. Pro *octodécim, novendécim*, eleganter quoque *quoddeviginti, undeviginti* dicitur, et sic deinceps usque ad *centum*, hoc etiam inclusio: etiam in ordinalibus et distributivis, itemque in Adverbis numerandi: ut, *duodevicesimus, undevicesimus, duodevicensi*, etc. *undecentum* Plinius dixit VII. 60, extr. *undecentesimus* Val. Max. VIII. 7. extern. 11. *undeceni* id. Plin. XXXVI. 8, extr. Porro et observandum, quo in talibus manere indeclinabile; ut, *duodeviginti horarum spatia*; etiam dividi nonnunquam; ut in hoc Plinii XXXV. 8, *Duo enim ducesima Olympiade interit Candales*. § De mille vid. supra cap. III. reg. 8. n. 33. [Ceterum dicendum etiam *quintus decimus, sextus decimus* etc., non *decimus quintus, decimus sextus* etc. quod vulgo fieri solet. Cfr. Cic. de Invent. I, 53. 54. Prisc. lib. de figuris numeror. c. 5. p. 297. tom. II. ed. Krehl. G. St.]

*Derivativa sunt septuplicia, Ordinalia, Distributiva, Partitiva, Multiplicativa, Proportionalia, Temporalia et Ponderalia.*

1. Ordinalia sunt, quae ordinem significant: ut, *primus, secundus, tertius*, etc.<sup>36</sup>). De his quaeritur per Quotus?

2. Distributiva sunt, quae singulis plurium eundem numerum distribuunt: ut, *singuli, bini, terni*, etc.<sup>37</sup>). Quaestio de iis fit per Quoteni?

3. Partitiva sunt, quae partitionem significant, posteriori sui parte ex nomine *pars composita*: ut, *bipartitus, tripartitus, quadripartitus*, etc. De quibus Quaestio est Quot partium?

4. Multiplicativa sunt, quae partium aut specierum rei multiplicationem summam explicant: ut, *simplex, duplex, triplex*, etc.<sup>38</sup>). De his quaeritur per Quotuplex<sup>39</sup>?

5. Proportionalia sunt, quae proportionem seu habitudinem rei ad rem numero exprimunt: ut, *duplus, triplus, quadruplus*, etc. In his Quaestio fit per Quotuplus?

6. Temporalia et sunt, quae numerum certi tem-

7. Ponderalia, poris, ponderis vel aliarum rerum exprimunt: ut, *bimus, trimus, quadrimus*, etc.<sup>40</sup>) Sic

36) Pro *primus* et *secundus* ante *vicinus*, *tricensus*, etc. saepius legimus *unus* et *duo*, et posterius invariabile, usu magis (inquit Linacer. p. 171.) quam ratione probante: ut, Cic. Senect. c. 5, *Plato uno et octogesimo anno scribens mortuus est*. Plin. II. 23, *Quantas enim dimetiens habeat septimas, tantas habere circulum duo et vicissimas*. Fabius Annal. IV. ap. Gell. IV. 5, *Duo et vicissimo anno, postquam Galli Roman ceperunt*. Sic legio *unatvicesima*, sive *unetvicesima* ap. Tacit. Annal. I. 45, 1. Hist. II. 48, 1. et aliis locis: et legio *duotvicesima* ap. eund. Hist. II. 100, 2. § Ad Ordinalia suo iure referenda sunt numeralia in ANUS inde deflexa: ut, *primanus, secundanus, tertianus*, etc. I. a. *primi, secund, tertii ordinis*, seu *classis*.

37) Ex allata Distributivorum definitione apparet differre has locutiones, *Dedit amobus duos nummos*, et *Dedit singulis binos nummos*. Qui dedit duos numm singulis dedit: qui binos dedit, singulis dedit duos. Ceterum non Poetas modo, sed et Oratores distributiva non raro pro Cardinalibus usurpant, etiam iis substantivis iuncta, quae utrumque habent numerum. At iis quae singulari carent, distributiva raro semper iunguntur: ut, *binas litteras, terna castra*, etc.

38) *Palmis Multiplicativis* etiam pro Cardinalibus interdum utuntur: ut, Virg. Aen. I. 93, *Duplices tentens ad sidera palmas*, i. e. *duas*.

39) Interrogativum quodvis Obteronis est: *quotplex* autem et *quotuplus*, etiam apud probatum auctorem, tam non inveniuntur, necessitas tamen excusare videtur.

40) Natio *Derivativa bimulus, trimulus, quadrimulus*, etc. et substantiva *bimatus, trimatus*.

composita, *biennis*, *triennis*, etc. *bimestris*, *trimestris*, etc. *biduum*, *triduum*, etc. *binotium*, *trinotium*, etc. *biennium*, *triennium*, etc. *annorum*, *mensium*, *dierum* et *noctium*, numerum significantia. Sic etiam *bilibris*, *trilibris*, *quadrilibris*, etc. quae librarum numero significando inserviunt. At in *variis* a distributivis orta quarumvis rerum numero applicari possunt: ut, *binarius*, *ternarius*, *quaternarius*, etc. Sic *versus senarius*, i. e. sex pedum; *denarius nummus*, i. e. decem assium; *octogenarius senex*, i. e. octoginta annorum; *grex centenarius*, i. e. centum capitum<sup>41)</sup>, etc. De his quaeritur, Quot annorum, mensium, librarum, etc.

## LIBER SECUNDUS.

### De Pronomine,

Pronomen<sup>4)</sup> est pars orationis variabilis, quae pro nomine posita, personam aut rem aliquam demonstrat<sup>2)</sup>.

*Pronominis* Accidentia sunt octo, *Figura*, *Species*, *Genus*, *Casus*, *Numerus*, *Persona*, *Motio* et *Declinatio*<sup>3)</sup>.

I. *Figura Pronominum* est duplex: alia enim sunt *Pronomina Simplicia*, alia *Composita*.

41) Haec in *ariis* substantive accepta, et quaedam substantiva in *as* et *io* numerum in abstracto notant: ut, *unitas*; *binarius*, sive *dyas* Graecum; *ternio*, *ternarius*, et Gr. *trias*; *quaternio*, *quaternarius*; *quinarius*; *senio*, *senarius*; *septenarius*, *octonarius*, *novenarius*, *denarius*. *Unio*, *quinto* et *denio* mediae aetatis; *duernio*, *quinquernio*, *octernio* barbara sunt.

1) Sanctius Minerv. I. 2, eumque (ut solet) sequutus Scioppius, acriter contendunt Pronomen non esse partem orationis a nomine distinctam. Et sane, si rationem in iis Grammaticam spectemus, eadem utriusque natura videtur. Quia tamen in originaria linguarum constitutione ad aliud usum nomina, ad aliud vero pronomina comparata videntur; nolimus tot seculorum consensu firmatae, nec sine ratione primitivae harum vocum distinctioni obstiti.

2) In hoc praecipue Pronominis a Nomine differentia constitui videtur, quod Nomina ad res ipsas primario et directe significandas sunt inventa: postea vero Pronomina usu introducta sunt quae Nominum locum supplerent, et res ipsa notatas audientibus quasi demonstrarent; unde et brevitati simul consultum est, et ingrata eorundem Nominum repetitio vitatur. Vid. Perizon. ad Sanct. I. 2. n. 7.

3) *Comparatio* non accidit Pronominibus, quia eorum significatio gradus non admittit. Ipsissimus tamen ab *ipse* licenter finxit Plautus, ut ibi dictum. Sic et recentiores quidam *tuissimus* a *tuus*.

*Pronomina Simplicia sunt decem et octo* <sup>4)</sup>; *Ego, tu, sui, ille, ipse, iste, hic, is, quis, qui, meus, tuus, suus, noster, vester, nostras, vestras et cuius* <sup>5)</sup>.

De Pronominibus Compositis postea dicetur.

II. Species Pronominum *eadem duplex est, Primitiva et Derivativa*.

*Pronomina Primitiva sunt decem: Ego, tu, sui, ille, ipse, iste, hic, is, quis, qui*.

*Derivativa sunt octo: Meus, tuus, suus, noster, vester, nostras, vestras et cuius*.

Pronomina aliter dividuntur in *Demonstrativa, Relativa, Possessiva, Gentilia, Interrogativa et Reciproca*.

1. *Pronomina Demonstrativa sunt, quae rem praesentem, vel tanquam praesentem simpliciter demonstrant* <sup>6)</sup>: ut, *ego, tu, hic, iste; et interdum ille, is, ipse* <sup>7)</sup>.

4) Quot sint Pronomina, non satis inter Grammaticos convenit. Sanctius et tam eo Sciooppius tria tantum Pronomina (i. e. ut illi appellant, *prima Nomina*) numerant, *ego, tu, sui*. Frischanus, Linacrer et alii, quindecim, exclusis *quis, qui, et cuius*. Probae addit *tantus, quantus, talis, qualis*. Servio, Diomedii, Frischlino Pronomina sunt, *unus, nullus, solus, totus, unus, alter, neuter, alius, reliquus, ceterus, pauci, plerique, et ab his composita*. His porro, adicit Ursinus, *ambo, cunctus, universus, totus*, prima brevi, et omnia interrogativa, *quot, quotus, quoteni, quotuplex, quotuplus*? Vossio denique et Saturnio Pronomina sunt numeralia omnia, *duo, tres, primus, secundus, etc.* Verum cum in eo praecipue Pronominum essentia consistere videatur, quod nihil forte rei per se no- tent, sed res nominibus antea designatas tantum commonstrent, hand satis validis inniti rationibus eorum opinionem existimaverim, qui Prono- minum numero voces adiciunt, ab hac earum rem demonstrandi natura alienas.

5) His addi potest *cuius, cuius, cuius*; vel, ut antiquius proferebant, *quotus, quodis, quodis*: quod quamvis olim forte omnibus suis casibus integrum fuerit, nunc vero tantum reperiuntur, (praeter nominativum) accusativus sing. *cuius, cuius, cuius*; ablat. [vulge] *cuius*; plur. nomi- nat. *cuius*, et accus. *cuius*. Ipsum quoque *cuius*, nominativo sing. mascu- lino, frequens quidem in ore Grammaticis, auctoritatem desiderat, (Vid. Ursin. p. 395. n. 9). In illius vero locum, et aliorum etiam generum casuumque, succedere gentivi *cuius*, et pluraliter *quorum* vel *quarum*, a *quis*; quibus longe frequentius optimi quidem Scriptores utuntur; non ita tamen ut alterum illud (quod Vossius ait) sit aevi Augustaeo inusi- tatum. Vid. Borrich. Cogit. p. 77.

6) Communis (ut modo diximus) Pronominum omnium proprietas est, ut rem personamve aliquam demonstrant. Ex his autem strictiore sensu Demonstrativa appellamus, quae ad hunc unico finem sunt instituta, ut rem aliquam simpliciter commonstrent, oculoque aut animo quasi praesentem subleant. Relativa vero rem quidem demonstrant, sed prius in oratione memoratam. Possessiva et Gentilia rem itidem indi- cant, illa quidem ut possidentem, haec ut ad gentem sectamve aliquam digito quae monstratam spectantem. Interrogativa de re aliqua ignota, necdum ostensa, interrogant, ut illa vel oculis vel intellectui mon-

3. Relativa sunt, quae rem antecedentem in memoriam reducunt: ut, *ille, ipse, is, qui* <sup>8)</sup>, et haud raro *hic, et iste* <sup>9)</sup>.

5. Possessiva sunt, quae possessionem significant: ut, *meus, tuus, suus, noster et vester* <sup>10)</sup>.

4. Gentilia sunt, quae gentem vel patriam significant: ut, *nostras, vestras, cuius* <sup>11)</sup>.

5. Interrogativa ex his appellantur, quibus interrogantes minime sunt, *quis* <sup>12)</sup> et *cuius* <sup>13)</sup>?

*stratus*. Rursus denique rem, sed tanquam in se redeuntem vel reflexam, ostendunt. In plerisque igitur Pronominibus duplex significationis vis est, una rem demonstrandi, quae ea Pronomina proprie constituit, altera relationem, possessionem, patriam, etc. significandi, quorum omnium respectu nullum fore inter ea et nomina intercedit discrimen. Atque, ut exemplo res clarius exponatur, nulla alia re inter se distinguuntur, *paterque, herilis, Hectoreus, et meus, tuus, suus*, quae utraque ex aequo possessionem significant; quam quod haec digito quasi possessorem ostendant, illa non item. Rursus haec Gentilia *Arpinas, Privernas*, a Pronominibus *nostras, vestras*, hac apte re distinguuntur, quod illa patriam simpliciter narrant, vel describant; haec vero sub oculos ponant.

7) *Hic* ad primam personam solet referri, *iste* ad secundam, *ille* ad tertiam. Quae de re Valla Eleg. II. 4. et Satura. Mart. III. 4. Habentque haec differentia locum in Adverbis ab hisce Pronominibus derivatis. [Haec quanquam etiam a recitationibus quibusdam Grammaticis traduntur, tamen ita comparata esse, ut probari nullo modo possint, alio loco docere consuevimus. G. St.] *Ille* etiam ad laudem, *iste* ad contemptum asapius pertinet. \* *Hic* denique ad propinquius refertur, *ille* ad remotius. At hae distinctiones perpetuae non sunt. [De *hic* et *ille* pronominibus dixerunt Manut. ad Cic. Epp. Famil. III. 10. Perizon. ad Saneii Miscer. II. 10, 7. Oudendorp. ad Caesar. B. G. I. 1. p. 6. n. 1. Latz, ad Sallustii Iugurth. 18, 9. Qui quod *ille* interdum ad propinquius, *hic* ad remotius referri docent, pronomen *hic* ad rem graviorem, *ille* ad minus gravem pertinere non viderant. G. St.]

8) Qui propositioni principali connectit aliam incidentem; semperque inter duos casus nominis substantivi quod refert, locum habet; quorum posterior aucto plerumque retinetur: ut Lucan. X. 407, *Nulla fides pietasque viris qui castra sequuntur*; integre, *qui viri*: interdum uterque exprimitur: ut Caesar B. G. I. 6, *Diem dicunt qua die ad ripam Rhodani omnes conveniant*. Sed de hac re fusius in Syntaxi.

9) Quando, *hic, iste, ille, ipse, is*, demonstrativa sint, quando relativa, sententia orationis facile indicat.

10) Adde et *cuius, cui, cuium*, de quo supra.

11) Gentilia non solum gentem, patriam aut familiam, sed etiam partes sectarum significant. Vid. Vallam Eleg. II. 8. Nonnunquam et possessiva pro gentilibus accipiuntur: ut *Buchananns noster*, pro *nostras*, a. e. *Scotus*.

12) Qui non minus ac *quis* ad interrogandum adhibetur: ut Plaut. *Qui me est audacior homo?* Cic. *Qui tantus fuit labor?* Liv. *Qui finis erit dissidiorum?* Porro qui rectius interdum adhiberi notat Taubmannus ad illud Virgilio Ecl. II. 19, *Nec qui sim quaeris, Alexi*: *quis* enim substantiam designat, *qui* rem accidentem, manifesto exemplo Comici, Euduch. V. 1, 7. Th. *Quis fuit igitur?* Py. *Iste Chaereus*. Th. *Qui Chae-*

6. Reciproca denique sunt, quae rem in seipsam reflectunt: ut, *sui et suus*<sup>14</sup>).

III. Genera Pronominum sunt eadem fere quae in Nominibus. Nam eorum tria, *ego, tu, sui*, substantiva sunt et *communis generis*; masculina cum maras, feminina cum feminas demonstrant<sup>15</sup>). Reliqua vero adiectiva sunt, et proinde *generis omnis*: *meus, medius, meum; nostras, nostras, nostras*<sup>16</sup>).

IV. Casus in Pronomine sex; } quemadmodum in

V. Numeri sunt duo; } Nominibus.

VI. Personae Pronominum sunt tres<sup>17</sup>): *Prima*, quae loquitur: ut, *ego*, *Secunda*, ad quem sermo dirigitur: ut, *tu*, *Tertia*, de quo sermo habetur: ut, *sui, ille, ipse*, et caetera Pronomina relativa.

VII. Motio, quae Pronominum adiectivorum est propria, sub eorum declinatione comprehenditur.

res? [Cfr. Drackenb. ad Liv. I. 7, 10. Corrie ad Sallustii Catilin. 44. Cicer. pro Rosc. Amer. c. 84. Qui primus Ameriam nunciavit? G. St.]

13) Haec, cum interrogandi vim amittunt, Infinita, sive Indefinita, appellantur: ut, *Dic quid velis. Nescio cuius sit. Cuius otium interdum et relativum est*: ut, *Socrates Atheniensis erat, cuius et Plato. Cuius contra quandoque interrogativum*: ut, *Cuius praeus? Virg.*

14) Aliquando et reciprocatio fit in primas et secundas Personae Pronominibus, cum in se reflectuntur: ut, *Ego ipse coesolor; Tu tibi places*. Sed de hac re aliusque ad Reciproca pertinentibus aptior erit in Syntaxi dicendi locus.

15) Proprie loquendo *ego, tu, sui*, nullius esse generis videntur. In his enim, *Ego stultus patavi Virg. Bcl. I. 20. Tu miser exclamas Iuv. XIII. 112*, et similibus, *stultus et miser*, non cum *ego et tu*, sed cum voce generali homo intellecto convenire censendum est.

16) Linacer, p. 20. *nostras et vestras* generis statuit communis duum. At in neutro etiam reperiri ostendit Columella, qui R. R. IV. 33, extr. *nostratis et Gallici arbusti*, dixit. Ciceronis etiam est Fam. II. 11, princ. *nostratia verba*, et Catonis R. R. c. 135. *Coria nostratis*, Plinii, XV. 11. *Cotonea nostratia*, et Viruvii VI. 9, extr. *nostratium operum*. Ap vero in neutro nominativi aut accus. sing. *nostrate* vel *nostras* dicendum sit, dubitari potest. Prine affirmat Donatus, posterior Vossius Anal. IV. 8. qui Scaligerum patrem *nostrate vocabulum dicentem* datat. Alieubi tamen (nisi me fallit memoria) sic Plinius loquitur. Eadem nimirum in his ratio est, quae in aliis Gentilibus in *as*, quae olim in *asie et ate* duabus terminationibus desinebant; ut, *Arpinatis, Arpinate; Privernatis, Privernate*, postea in unam contractae sunt, *Arpinas, Privernas*. Ac proinde ut Cicero ad Attic. XVI. 18, *Iter Arpinas*, Livius V. 24. *Bellum Capenas*, et VIII. 19. *Bellum Privernas* dixere: ac, ut Columella V. 6. *ulmus nostras*: sic etiam vinum *nostras, ericetum vestras*, vix *nostrate* aut *vestrate* dicendum. Confer Priscian. col. 762 et 943.

17) Persona duplex est, altera *naturalis*, sive sermonis vulgaris; altera *Grammatica*, sive constructionis. Illa Pronominum est et Nominum res ratione aut oratione praeditas significantium: haec aliorum nominum substantivorum et verborum etiam communis.

VIII. Declinatio Pronominum ad hunc modum sese habet:

1. Quaedam plane sequuntur declinationem nominum: ut, *meus*<sup>1a</sup>, *tuus*, *suus*, *noster* et *vester*, primae et secundae; *nostras*, *vestras* et *cuius*, tertiae.

2. Quaedam nulla ex parte sequuntur declinationem Nominum: ut, *ego*, *tu*, *sui*.

3. Quaedam habent declinationem mixtam: ut, *ille*, *ipse*, *iste*, *hic*, *is*, *quis*, *qui*<sup>1a</sup>.

18) Olim *mius*, unde remansit vocativus *mi*, pra *mie*; ut, *fili a filiis*, pro *filis*.

19) De Declinatione Pronominum haec observanda sunt, ex Ursino, p. 392, et seqq. plurimum deprompta.

I. (1) *Ego* in genitivo olim habuit *mis*; et *tu*, *tis*. *Sis* vero, quod apud antiquos invenitur, non pro *sui*, sed *cuius*, positum videtur: quomodo et *eos*, *eas*, pro *suos*, *suas*, legimus. (2) *Mi*, pro *mihi*, non Poetis solum, sed Varroni etiam usitatum. \* *Mehe* pro *me* apud antiquos Tragoediarum Scriptores inveniri testatur Priscianus. \* Etiam *me* pro *mihi* dixisse veteres ex Festo et Plautinis aliisque exemplis constat. (3) *Nostrum*, *vestrum* per Syneopen dicta sunt, pro *nostrorum*, *vestrorum*, et *nostrarum*, *vestrarum*, quibus eo significatu Plautus et Terentius saepius utuntur. Confer et Johnson. p. 244.

II. (1) Pro *ille* veteres *ollus* vel *olle* dixerunt: unde *olli* et *ollis* apud Virgilium adhuc supersunt. (2) *Ipsus* pro *ipse* ap. Plautum et Terentium haud raro inveniantur. (3) *Istes* pro *istos* ap. eund. Plaut. occurrit. (4) *Is* in accus. sing. *im*, nonnuquam et *em* apud veteres facit (Vid. Johnson. p. 246.) in dativo *eui* vel *eii* pro *ei*, et plur. eodem et ablativo casu, *ibus* et *eabus* pro *eis*. (5) *Huic* dativus factus ex *huice*, pro quo primum *hui* dictum. *Huc* etiam in neutro plurali, ut *quae*, dictum censeat Vossius; unde deinde factum *haece*, et abiecta vocali *haec*, ut differret a feminino *hae*. Sane olim in feminino plurali *haece*, et per Apocopen *haec*; item *istaec* pro *haec*, *istae*, exemplis Plauti et Terentii constat. Etiam *hic* pro *hi*, et *hisce* pro *hice*, vel *hi*, priscos usurpasse ostendunt Bangius, p. 448. et Johnsonus, p. 246. *Hibus* denique pro *his* utitur Plautus. (6) *Ille*, *ipse*, *iste*, *is* et *qui*, vulgari aliorum adiectivorum more, genitivum et dativum olim formabant. Sic *illae*, pro *illius* et *illi*; *ipsae*, pro *ipsius*; *istae*, pro *isti*; *quae*, pro *cuius*, ap. Plautum, Lucretium et Varronem inveniantur. Vid. Johnson. p. 245 et 246.

III. (1) *Quis* olim feminino genere adhibebat; [Plaut. Trucul. I. 1, 76. *Sed haec quis mulier est?* Caecil. ap. Gell. N. A. II. 23. *Quis vestrarum fuit integra aetatula?* ubi vid. Gronov. Cfr. Ruhnken. ad Rutil. Lup. p. 262. G. St.] itemque *quisquis* et *quisquam*. Vid. Voss. Anal. IV. 8. et Johnson. p. 250. Scioppius et Methodi auctor, neutrum quoque existimant in hoc Plauti Poen. Prolog. v. 17, *Scortum exolutum ne quis in proscenio sedeat*. Sed (ut Ursinus observat) *ne quis scortum* per Appositionem hic dictum accipi potest. (2) *Quoquis* et *quois*, pro *cuius* et *cui*, olim dicebant: quorum exempla in vetustioribus optimorum auctorum codicibus passim reperias. (3) *Quo* (quod vulgo pro Adverbio accipiunt) antiquus dativus esse videtur. Potest etiam dici *quo* pro neutro plurali *quae*, esse positum per Ellipsin Praepositionis *ad*: ut in illo Cic. Verr. V. 30, extr. *Est certus locus, certa lex, certum tributum, quo hoc reservetur*, i. e. *ad quae*. [Minime! G. St.] Vid. Voss. Anal. IV. 6.

## De PRONOMINIBUS COMPOSITIS.

*Pronomina componuntur septem modis.*

I. Cum Nomine: ut, *aliquis, unusquisque*, item genitivi huiusmodi, *cuiusmodi, eiusmodi* <sup>20)</sup>.

et Nov. Meth. p. 453. (4) Accus. etiam in nentro *quid* vel *quum* videtur fuisse: unde *quam* et *cum*, Adv. seu Coniunctio, Sciopp. facta existimat. (5) *Qui* ablativus, pro *quib; quo, quo, quomodo* genera reperitur, a *quis* eodem pacto, quo *miti* a *mitis*, descendens. Et, quod magis mirum, in plurali etiam invenitur, pro *quibus*. Inde *quorum*, pro *rum quo, cum qua*, et *cum quibus* seu *quibuscum*. Haec multis exemplis ex Plauto et Terentio confirmata vid. ap. Johnsoni p. 247. et adde ex Cic. ad Attic. XI. 11; *Ut sit qui utamur*, et Ibid. XIII. 29, *habere qui utar*, et C. Nepos III. 3, *Ut qui effertur vix reliquerit*, Quivis eadem ratione pro *quovis*, Terentius, Adel. II. 3, 1, *quicumque* pro *quoquam*; *aliqui*, pro *aliquo*; *quicumvis*, pro *quocumvis*, Plautus Asin. I. 3, 28. Aul. Prol. 24. et Stich. IV. 2, 47. dixerunt. *Qui autem*, pro *quomodo* (quod vulgo Adverbium statuitur) frequentissimum est. (6) Pluralis nominativus erat olim *quies*, Festo et Charisio testibus, unde dativus et ablativ. *quibus*, ut a *quis*, *quies* vel *quis*. (7) Accus. plur. gen. neutri, non solum erat *quae*, sed etiam *qua* et *quo*. A *qua* remansit etiamnum *quapropter*, pro *propter qua*, sive *quae*, sc. *negotia*, *quid* existat in *quoad*, *quocirca*, *quousque*. \* Sic *eo* et *illo* (quae vulgo Adverbis accensentur) antiqui accusativi fuerint, pro *ad ea* vel *illa negotia*, *loca*, etc. Nisi male ad dativum sing. haec referre. [Adde *Quis* in nentro duplicem formam habere *quid* et *quod*, quarum discrimen quum ex doctis atque indoctis notum sit, vix est quod ablegemus lectores ad Heusinger. Praefat. ad Cicer. Offic. p. L. Idem valet de formis *aliquid* et *aliquod*. De pronomine *aliquis* quum alibi uberius dicturi sumus, hoc loco nil nisi illud monere visum est, in nominativo casu formam *aliquid* Ciceronis adhuc aetate fuisse frequenter usurpatam. Vid. Heusinger. ad Offic. I. 32. Goerenz. ad Legg. II. 20. ad Acad. II. 26. 76. Heindorf. ad Cicer. de N. D. II. 33, 86. III. 88, 91. Hinc syllabis *et* abiectis *si qui* et *ne qui* dici solitum. Vid. Drackenborg. ad Titium III. 10, 7. Ruhnen. ad Rufinian. de figuris VII. p. 201. G. St.]

IV. Pro vocativo singul. *mi*, labascente Romani sermonis puritate *meus* dixere, non solum forma Hellenismi, qua vocativus pro nominativo non raro ponitur: ut ap. Virg. Aen. VI. 836, *Proinde acta manu, sanguis meus*: sed etiam iuncto ei alio nominis substantivi vocativo: ut, *domine meus*, quomodo locuti Sidonius, Salvianus et alii. Vid. Vossius Anal. IV. 8. Reperias et *mi* in reliquis duobus generibus: ut, *mi parens*, *mi coniux*, pro *mea mater*, *mea uxor*, ap. Apuleium Met. 4 et 8. *mi sidus*, pro *meum*, ap. eund. Apol. p. 417. *Testor mi Paula* ap. Hieron. *Mi domina* ap. Salvianum, et *Filla mi* ap. vet. Interpr. Ruth. II. 8. [Scaliger etiam ap. Tibull. I. 7, 69, *Vive diu, mi dulcis anus*, legendum voluit, at non ita locutos Augustae aetate ostendit Bronckhusius, qui *mih* ex *maioribus* tam scriptis quam cuspis codicibus restituit.] Imo et eodem in plurali casu vocandi sunt *mi*. Hinc, *Mi homines*, *mi spectatores* Plauti Cist. IV. 2, 8. *O mi hospites* Petronii, c. 116. Sed hoc ex *met*, (vel, ut antiqui dicebant, *mi*) videtur contractum, quomodo *sis* pro *suis*, *eos* pro *suos*, etc. apud recentiores legi supra monuimus.

De Pronominibus vocativo carentibus dictum lib. 1. c. 8. r. 15.

20) Tales genitivi sunt, *illiusmodi, istiusmodi, aliusmodi*, et interiecta syllaba, *cuiusmodi, huiusmodi*, etc. item *cuiusmodi* et *eximodi*.



II. Cum *Pronomine*: ut, *isthic, illic* <sup>23)</sup>; ab *iste, ille, et hic* <sup>23)</sup>.

III. Cum *Verbo*: ut, *quivis, ex qui et vis; quilibet, ex qui et libet*.

IV. Cum *Adverbio*: ut, *nequis, numquis; a ne, num et quis* <sup>23)</sup>; *eccum, eccam; eccos, eccas* <sup>24)</sup>; ab *ecce et is: ellum, ellam; ellas, ellas* <sup>25)</sup>; ab *ecce et ille*.

V. Cum *Praepositione cum*: ut, *mecum, tecum, secum, nobiscum, vobiscum, quicum et quibuscum* <sup>26)</sup>.

VI. Cum *Coniunctione*: ut, *ecquis, siquis* <sup>27)</sup>; ab *et, si, et quis*.

VII. Cum *syllabica adiectione*, eaque varia:

1. Met componitur cum *ego, tu* <sup>28)</sup>, *sui*, per omnes casus: *egomet, meimet, mihimet, etc. tutemet* <sup>29)</sup>, *tuimet, tibimet, etc. suimet, sibimet, etc.* <sup>30)</sup>.

sp. Cic. et Gall. Vid. lib. 1. c. 3. r. 8. n. 27. et r. 10. n. 55. \* Huc pertinet *reapse* sp. Cic. Divin. I. 87. de Fin. V. 10. Fam. IX. 15. et Plaut. Truc. IV. 3. 41. pro *re ipsa*: item *reque capse bene meritus* dixit Scipio Africanus ap. Fest. in voc.

21) Huc refertur *quisquis*: sed hoc geminatum potius quam compositum dici debet, cum utrobique sit idem Pronomen. Par ratio in *ipsipsum*, quo utitur Plautus Cist. II. 8. 53. pro *is ipse*!

22) *Isthic, illic*, non declinantur, nisi casibus in *e* desinentibus, i. e. nomin. accus. et voc. sing. per omnia genera; et plur. nomin. et accus. neutr. gen. Dativus quoque sing. non est in usu. \* Pro *isthac* Cato dixit *istace* R. R. c. 132.

23) Sic ab *ubi* et *quisque* est *ubiquisque*, quod Virg. usurpavit Aen. VII. 40, *Io matres audite ubiquaeque Latinae*.

24) *Invenias* et *ecce* ap. Plaut. Menech. I. 2, 56.

25) Adde ex Plauto pleniora *eccilla, eccillum, eccillam*, Stich. IV. 1, 30. Pers. II. 2, 65. Mil. III. 1, 194: item *eccista, eccistam*, Curc. V. 2, 17.

26) *Quicum* ablativum generi omni, utrique et numero inservire supra diximus. Imo Douza Barbarismum credit, si quis dicat *quibuscum*, quod tamen ap. Ciceronem et alios, non semel legitur: ut Offic. I. 17, *Quibuscum communis plerumque fortuna est*. Ibid. c. 35, *Ut probemur iis quibuscum et apud quos vivamus*, et c. 40, *Ad eorum approbationem quibuscum vivimus*: et Philipp. II. c. 46, *Quibus ortus sis, non quibuscum vivas, considera*. *Quicum* etiam et *quacum* idem Cic. de Orat. II. 1. pro Sext. c. 17. pro Deiot. c. 5. Phil. II. 3. et Terent. Eun. I. 2, 39. et III. 5, 86. alique dixere. Vid. Mai. de var. orat. p. 651. et Priscian. p. 998: *quicum* tamen longe frequentius est.

27) Notandum de compositis hinc a *quis* posteriore parte, ea femininum nominativi sing. et neutrum nominativi et accusativi plur. in *a* mittere: ut, *aliqua, nequa, numqua, siqua, ecqua*. Inveniuntur tamen et *ecquae, siquae*.

28) *Tuimet* in recto non dicitur, sed interiecta syllaba *tutemet*.

29) Interdum, ut Emphasis intendatur, additur insuper et *ipse*: ut *egomet ipse, tutemet ipse, vosmet ipsi*, et apud Livium lib. IX. *quismet ipsi praesidiis*.

2. Te, cum solo nominativo vocis *tu*: ut, *tute* <sup>31</sup>).

3. Ce, cum Pronomine *hic*, et genitivis *eius*, *cuius*: ut, *hicce*, *haecce*, *hocce*; *huiusce*, *hiscce*, *hosce* <sup>32</sup>); *eiusce*, *cuiusce*: unde *eiuscemodi*, *cuiuscemodi* <sup>33</sup>).

4. Cine additur Pronomini *hic*, sed iis duntaxat casibus qui in *c* terminantur: ut, *hiccine*, *haeccine*, *hoccine*, *huncce* <sup>34</sup>), etc.

5. Pte componitur cum ablativis *mea*, *tua*, *sua*, *nostra*, *vestra*: ut, *meapte*, *tuapte*, *suapte*, etc. Et interdum cum *meo*, *tuo*, *suo*, etc. ut, *meopte*, *tuopte*, *suapte* <sup>35</sup>).

6. Piam, cum *quis*: ut, *quispiam*, *quempiam*, *aliquispiam* <sup>36</sup>).

7. Dam, cum *qui*, per omnes casus, genera et numeros <sup>37</sup>).

8. Dem, cum *is* in *idem* (pro *isdem*) per omnes casus <sup>38</sup>).

9. Cumque, seu cunque, cum *qui* per omnes casus <sup>39</sup>).

10. Que in *quisque*,  
11. Nam in *quisnam*,  
12. Quam in *quisquam*, { Syllabicae potius adiectiones <sup>40</sup>), quam hoc Adverbium, illa Coniunctiones esse videntur <sup>41</sup>).

30) Apud Senecam Tragicum, ut observat Vossius, *met*, amissa *vi* sua, aliquoties redundat. Quod et recentioribus Poetis nimis frequens.

31) Male addit Vossius accusativum *tote*; quod potius per geminationem factum videtur, ut *meme*, *esse*, cum ultima sit longa.

32) *Horunce*, *harunce*, et per Apocopen, *horunc*, *harunc*, antiqua sunt.

33) Legas et *isticce*, *illicce*, ex compositis *isthic*, *illie*. De *hicce*, pro *hice* ap. Plautum supra diximus.

34) *Illancine* quoque mittitur Terentius, Heaut. IV. 5, 3.

35) *Mihipte* etiam dixit Cato ap. Festum, et *mepte* Plautus Menaechn. V. 8, 10.

36) Originem voculae *piam* nestire se ait Festus. Sed Dacierius, in eum, docet Oscos *piam* dixisse pro *quam*, quomodo *pitpit* dicebant pro *quicquid*: unde sint *quispiam*, et *quisquam*; *uspiam*, et *usquam*.

37) In casibus Pronominum *qui* et *is* per *m* terminatis composita *quidam* et *idem m* in *n*, mollioris soni gratia, commutant, *quendam*, *quandam*, *quorundam*, etc. pro *quemdam*, *quamdam*, etc. *eundem* pro *eumdem*, etc.

38) Quidam ab Adverbio *demum* hoc compositum volunt: at eos falli Vossius ostendit ex eo, quod similiter dicamus *tantundem*, *totidem*, *pridem*: in quibus omnibus nulla Adverbii *demum* significatio percipitur. Porro *idem* masculinum dicitur pro *isdem*, *idem* neutrum pro *iddem*: in hoc correpta, in illo producta prima est syllaba.

39) Sic *qualiscunque*, *quantuscunque*, *quocunque*, quae Vossius aliique Pronominibus accensent: item Adverbia, *quandocunque*, *utcunque*, *ubicunque*, etc.

40) Neque enim in illis *que* et *nam* sapiunt Coniunctionum naturam, aut in hoc *quam* habet vim Adverbii et Pronominis.

41) Praedictis addit Ursinus *pse*, quod adiecit Pronomini *is* in

## LIBER TERTIUS.

## De Verbo.

Verbum est, pars orationis variabilis, aliquid de re aliqua dici seu affirmari significans <sup>1)</sup>).

Verbo accidunt octo, *Modus, Tempus, Numerus, Persona, Coniugatio, Genus, Species et Figura.*

Modus est diversa verbi inflectendi ratio, diversis animi affectionibus indicandis inserviens <sup>2)</sup>).

Modi Verborum sunt quatuor, *Indicativus, Subiunctivus, Imperativus et Infinitivus* <sup>3)</sup>).

*eampe* et *eapse* apud Plautum, quasi *eam ipsam, ea ipsa*. At posteriorum in his partem esse Pronomen *ipse*, licet indeclinabile positum, significatio indicat, quomodo *reapse a re et eapse, i. e. ea re ipse* dictum supra ostendimus not. 30. \* Alii huc addunt syllabam *sim* in *meatim, tuatim, nostratim*, pro *meo, tuo, nostro more*: Sed haec Adverbia sunt (non Pronomina) quemadmodum *bovatim, canatim, suatim*, pro *more bouum, canum, suum*, antiqui dixerunt.

1) Vulgaris Verbi definitio est, quod sit *pars orationis, quae agere, pati aut esse significet*. Sed nostra accuratior, magisque ex ipsa verbi cuiusvis naturae petita videtur. Caeterum *to affirmari* laxiore hic sensu accipimus, pro eo quod *praedicari* Dialectici appellant, quo non modo affirmationes strictius sic dictae, sed negationes etiam interrogationesque includuntur. Confer Johnson. p. 253.

2) *Modorum* in verbis appellationem, non ad significationem referri, ut per eos significetur quomodo quidque quod singulis verbis denotatur factum sit: sed ad rationem variarum terminationum diverso modo diversis elocutionibus et constructionibus aptandarum; ac eodem plane modo se habere *Modos* in verbis, quo *casus* in nominibus, docet Cl. Perizon. in Sanct. I. 13, 1. p. 88.

3) Ab aliis duo alii adduntur Modi, *Optativus* nimirum et *Potentialis*, a nonnullis etiam et *Permissivus* sive *Concessivus*: at hi omnes in *Subiunctivo*, quicum terminatione conveniunt, continentur. Quod si ex varia hominum voluntate, sive animi affectione, per verbi voces adsignificata, constituendus sit *Modorum numerus*; is ut in multo plures, quam quos illi comminiscuntur, ampliatur necesse est: hoc enim pacto non *Optativum* modo, *Potentialem* et *Permissivum*, sed *Interrogativum* etiam, *Precativum, Hortativum, Volitivum, Debitivum*, aliisque eiusmodi *modos* habebimus. Huc adde, quod habet affectum animi significationes non revera verbis ipsis inesse, quod Linacer (qui *Potentialem* primus excogitavit) in primis vero Ursinus, p. 562. et Johnsons, p. 275, et seqq. contendunt; sed ex aliis vocibus vel expressis vel tacitis repetendae videantur. Sic in *Optativo*, quem vocant, desiderium animi non verbo ipso significari, sed alio quod reticetur, ipsi fatentur: ut illud Virg. Aen. II. 110, *Fecissentque utinam*, integre sit; *Opto ut, vel uti fecissent*: nam enim in *utinam*, particula est vocis adiecta, ut in *quianam, undenam, ubinam*. Sic in illo Quintilianii Inst. II. 12, *Frangas citius quam corrigas quae in pravum induruerunt*, quod modi *Potentialis*; et in illo Terentii Adolph. I. 2, 54, *Profundat, perdat, perdat*,

Ex his tres priores Finiti vocantur, quia certam personam ac numerum definiunt: quartus vero Infinitus appellatur, quod nulla in eo sit personae numerive differentia.

Indicativus est, quo simpliciter affirmamus, negamus, aut interrogamus<sup>4)</sup>: ut, *amat, non amat, amatne*<sup>5)</sup>?

Subiunctivus est, qui alteri verbo subicitur, nec per se sententiam absolvit: ut, *Orat ut ad se venias; Quid faciam prorsus ignoro*<sup>6)</sup>.

Imperativus est, quo imperamus, oramus, hortamur, aut permittimus: ut, *Scribe puer; Miserere laborum; Pelle moras; I sequere Italiam ventis, pete regna per undas*, Virg. 7).

Infinitivus est, qui generalem verbi significationem absque certae personae numerive discrimine exprimit: ut, *Nescio fallere; Dignus amari*<sup>8)</sup>.

Tempus est, differentia verbi ex consignificatione praesentis, praeteriti et futuri.

*nihil ad me attinet*, quod Concessivi esse volunt; hinc, *Esto ut*, illic *Res ita est, Fieri potest, Necesse est ut*, vel simile quid intellige. Vid. Marlangeli (sive Scioppij) Auctar. Epist. V. Voss. Anal. III, 8. ac praecipue Perizon. in Sanct. loc. sup. cit.

4) Sequentes Modorum ac Temporum Definitiones, sive Descriptiones dicere mavis, ex eorum usu frequentiori, non tamen perpetuo, sunt petitae.

5) Indicativi futurum loco Imperativi interdum adhibetur: ut Cicer. Fam. VII. 20, *Sed valebis, meaque negotia videbis, meque expectabis, pro vale, vide, expecta*. Interdum optandi vim habet: ut Ter. Heaut. III. 1, 54, *Sic me Dii amabunt, ut tuarum miseritum est fortunarum*: pro, *Sic me Dii ament*. Neque tamen in his naturam suam exiit Indicativus: intelligitur enim, *sicut spero et opto*. Vid. Perizon. l. cit. n. 2.

6) Subiunctivo pro Imperativo frequentissime utitur: ut Ter. Heaut. V. 3, 12, *Tua quod nil refert, percontari desinas, pro desine*. Cic. Attic. VII. 8, *Nihil incommodo valetudinis tuae feceris, pro facito*.

7) Quidam ex Personis Imperativi in *to*, *ote* et *ito*; itidemque ex passivis *tor* et *ntor*, diversum modum constituunt, quem *Mandativum* appellant, utpote in legibus mandandis praecipue usitatum. Hunc etiam futuri, illum praesentis temporis esse volunt. At nullam esse utramque hanc distinctionem docet Ursinus, p. 554. et ante eum Voss. Anal. III. 14. quamvis Perizonio, p. 104. prior forma ad praesens futurum, sensatim faciendum, posterior ad remotius et postea futurum, nonnunquam referri videatur: ut in illo Virg. *Phyllida mitte mihi, mea est natalis, Iola: Quum faciam vitula pro frugibus, ipse venito*.

8) Infinitivum numero Modorum excludunt Lul. Scaliger de caus. L. L. V. 114. et Vossius Anal. III. 8. sub fin. quibuscum consentit et Perizonius, I. 14, 2. qui illasce voces non *verba infiniti modi*, sed simpliciter et directe *verba infinita* iubet appellari. *Verbi nomina* a quibusdam vocitata testis est Priscianus, col. 808. ac vero *nomina non verba* esse contendunt Johnsonus, p. 341. aliique. Qua de re fusius in Syntaxi dicitur.

*Tempora verborum sunt quinque, Praesens, Praeteritum imperfectum, Praeteritum perfectum, Praeteritum plusquamperfectum, et Futurum.*

Ex Temporibus tria Simplicia sive absoluta sunt, Praesens, Praeteritum imperfectum, et Futurum; duo autem Composita, Praeteritum imperfectum, et Praeteritum plusquamperfectum<sup>9)</sup>.

Praesens est, quod aliquid nunc fieri significat<sup>10)</sup>; ut, scribo, doceor.

Praeteritum perfectum est, quod rem notat iam perfectam et completam; ut, scripsi.

Futurum est, quod aliquid ex voluntate aut necessitate fore promittit: ut, scribam.

Praeteritum imperfectum est, quod tempus aliquod praeteritum respicit, indicatque rem tum praesentem, sed nondum absolutam fuisse: ut, scribebam.

Praeteritum plusquamperfectum est, quod tempus aliquod praeteritum respicit, ac rem tum praeteritam atque perfectam notat: ut, scripseram<sup>11)</sup>.

Numeri et Personae	{ Verborum nihil aliud sunt, quam diversae eorum terminationes, numeris et personis Notinum sive Pronominum convenientes.
--------------------------	---

Numeri igitur sunt duo, Singularis, ut amo. Pluralis, ut amamus.

9) Est et tertium tempus compositum; futurum nempe Subiunctivi, Perfectum, sive exactum; ideo nominatum, quod non, ut futurum Indicativi, rem simpliciter futuram notet; sed ita insuper futuram, ut rem aliam itidem futuram tempore antebadat. Aliud enim est, Cum coenabo pecuniam tradam: aliud, Cum coenavero. Hoc enim coena peracta, illo inter coenandum, pecuniam traditurum iri significatur. \* Aliter a Varrone dividuntur Tempora in Infecta et Perfecta. Infecta sunt Praesens, Praeteritum imperfectum; et Futurum simplex. Perfecta sunt Praeteritum simplex, Praeteritum plusquamperfectum; et Futurum exactum. Vid. Voss. Anal. III. 18. et Rudim. nostra, p. 46.

10) Praesens hic non rigide ac sensu Philosophico pro unico momento et puncto temporis, sed pro longiore quadam aera ac temporis continuatione usu vulgari aspicendum est; unde etiam haud raro pro praeterito aut futuro auctores utuntur: ut Plaut. Casin. II. 8, 9, Postquam amo Casinam. Cicer. Attic. II. 5, Cupio et tampridem cupio Alexandriam reliquamque Aegyptum visere; pro amavi, cupivi, aut amabam, cupiebam. Plaut. Casin. II. 6, 58, Compræssam palma, an porrecta, ferio, respondente altero; Age ut vis. Id. Cist. II. 8, 86; Ibo domum, atque ad parentes suos reduco Silenium; pro feriam, reducam. Vid. Ursinus, p. 634. et Perizon. I. 19, 4.

11) De vario temporum in omnibus Modis usu Vid. Alyn. p. 23. Ursin. p. 541. Johnson. p. 273; et seqq. iuse disserentes.

*Personae*<sup>12)</sup> tres, *Prima*, ut *amo*; *Secunda*, ut *amas*; *Tertia*, ut *amat*.

Coniugatio est variatio verbi per modos, tempora, numeros et personas.

*Coniugationes* verborum sunt quatuor: *Prima*, *Secunda*, *Tertia* et *Quarta*.

Eae autem vulgo a se invicem discernuntur vocali quae praecedit *re* praesentis Infinitivi verbi activi, vel *ris* praesentis Indicativi verbi passivi, hoc modo:

<i>Prima</i>	} habet	{	<i>a</i> longum	{	ante <i>re</i> vel <i>ris</i> : ut,	<i>amāre</i> , <i>amāris</i> .
<i>Secunda</i>			<i>e</i> longum			<i>docēre</i> , <i>docēris</i> .
<i>Tertia</i>			<i>e</i> breve			<i>legēre</i> , <i>legēris</i> .
<i>Quarta</i>			<i>i</i> longum			<i>audire</i> , <i>audris</i> .

Verborum *Coniugatio* vel est *Regularis* vel *Anomala*. Illa communem aliquam coniugandi formam servat: haec ab ea forma desciat.

In unoquoque verbo regulari et pleno potissimum considerandae sunt quatuor eius primariae partes; viz. *Praesens Indicativi* in *o*, *Praeteritum perfectum* eiusdem in *i*, *Supinum prius* in *um*, et *Praesens Infinitivi* in *re*.

*Praesens Indicativi* in *o* dicitur *Thema* sive *Radix* verbi, quod reliquae verbi partes ab eo, sive immediate, sive aliis interventientibus, nascantur.

A *Praeterito* perfecto descendunt voces in *ram*, *rim*, *ro*, *sem* et *sse*.

A *Supino* priore, *Supinum* posterius, participia praeteriti temporis, et futuri in *rus*: item pleraque verbalia in *us*, *io*, *or* et *ix*.

*Praesens Infinitivi* quotae coniugationis verbum quodque sit ostendit.

¶ In Rudimentis nostris, praeter Coniugationum Typos, proposita sunt generalia verborum a thematis suis ducendorum praecepta: [Haec quum vulgaria sint, typis describi nolui. Longe meliora nuper dedit *Struvius* in libro praestantissimo: *Ueber die lateinische Declination und Coniugation. Eine grammat. Untersuchung v. D. K. L. Struve. Königsb. 1822. G. St.*] superest, ut de Praeteritis et Supinis, quorum formatio latius patet, nec, at caeterarum partium una fere et eadem, sed varia et multiplex est, hoc in loco agamus.

12) Eodem se modo habent Personae in verbis, quod genera in nominibus adiectivis. Proprie autem; nec verba personas, nec adiectiva genera habent; sed terminationes personis aut generibus substantivorum in structura Grammatica convenientes. Vid. Perizon. I. 12, 2 et 3.

\* De Vêrbis anomalis capite secundo; de Genere, Specie et Fîgura verborum cap. tertio; de Gerundiis et Supinis libro de Participiis dicetur.

## C A P. I.

*De Praeteritis et Supinis Verborum.*

## Regulae generales.

1. Pleraque simplicium leges composta sequuntur.  
Hinc excepta suo melius post ordiné pandam.

Verba composita formant praeteritum et supinum iuxta regulas simplicium: ut, *amo, amavi, amatum*; sic *redamo, redamavi, redamatum*.

Excipiuntur nonnulla quae suis locis explicabuntur.

2. Cum geminat primam simplex, composta priorem Praeteriti amittunt: praeter *praecurro, repungo*; Quaeque sibi gignunt *do, sto, cum discere posco*.

Quando praeteritum simplicis geminat primam syllabam, composita non geminant: ut, *pello, pepuli; repello, repuli, non repepuli*.

Exc. Quaedam tamen eam syllabam retinent: ut, *praecurro, praecurri*<sup>13)</sup>; *repungo, repupugi*<sup>14)</sup>; item com-

---

13) Alia etiam a *curro* composita geminationem quandoque retinent: ut, *accucurrisse* Cic. Attic. XII. 18. *aducurrit* Tacit. Hist. III. 12, 5. Petron. c. 9 et 189. *conucurrisse* Cato ap. Priscian. col. 901. *conucurrit* Flor. IV. 2. *conucurrisse* Hirt. B. Afric. c. 59. *decucurrit* Caes. B. G. II. 21. Sueton. Ner. c. 11. 5. Plin. Epist. III. 7. [al. *decurrit*:] *decucurrerunt* Caes. B. G. II. 19. Hirt. B. Hisp. c. 23. Liv. XXII. 4. *decucurrere* Ibid. *decucurrisse* Hirt. B. Alex. c. 31. *discucurrit* Sueton. Gal. XXXII. 6. *excucurrerunt* Liv. I. 15. Hirt. B. Hisp. c. 21. *excucurrisse* Sueton. Galb. XVIII. 6. *excucurrisse* Liv. II. 17. [al. *excurrisse*:] *excucurrerit* Plant. Most. II. 1, 12. *excucurrisse* Id. Bacch. II. 9, 125. *incucurrerunt* Liv. XXVIII. 15. *incucurrerit* Id. XXVII. 18. *occurrit* Plant. Mero. I. 2, 88. [al. *occurrit*] *percucurrit* Cic. de Orat. III. 14. *percucurrerit* Petron. c. 52. Sueton. Tiber. IX. 5. et Ner. III. 2. Flor. IV. 12. *percucurrisse* Caes. B. G. VIII. 46 et 52. *procucurrerunt* Caes. B. Civ. III. 93. *procucurrisse* Ibid. et Liv. XXV. 11. lectionem comprobante Prisciano l. cit. Verum haec ipsa reduplicationem saepius abiciunt: nam *accucurrisse* habet Cic. Offic. III. 81. *concurrerunt* Plin. XI. 83. Hirt. B. Alex. c. 65. Vel. Patro. II. 70, 1. *concurrere* Claudian. XX. 29. *concurrerunt* Hirt. B. Alex. c. 65. C. Nepos, X. 10. *concurreris* Virg. Aen. VII. 224. *concurrissent* Flor. I. 13. *concurrisset* Plin. IV. 13. *decucurrerunt* Curt. VII. 6, 1. *decucurrere* Virg. Aen. IV. 153. et XI. 189. *decucurrerit* Tibull. IV. 1, 51. Val. Max. Praef. *decucurrisse* Curt. VI. 7, 27.

posita a *do*, *sto*, *disco* et *ponat*: ut, *addo*, *addidi*<sup>15)</sup>, *asto*, *astiti*, *edisco*, *edidici*, *deposco*, *depoposci*<sup>16)</sup>.

3. A praesentis in I mutatum, vult E supino.  
Excipe *displiceo*, *do*, *go* finitaque, quaeque  
Progenerant *habeo*, *sapio*, *salio*, *statuo*que.

Si verbum compositum innotet A simplicis in I, supinum habebit E: ut, *facio*, *feci*, *factum*, *perficio*, *perfecti*, *perfectum*.

Exc. *Placeo*, *placui*, *placitum*: at *displiceo*, *displicui*, *displicuitum*. Sic finita in *do* et *go*: ut, *ago*, *egi*, *actum*; *adigo*, *adegi*, *adactum*; *cado*, *cecid*, *casum*; *recido*, *recidi*, *recasum*. Item composita ab *habeo*, *sapio*, quae I in supino retinent: ut, *prohibeo*, *prohibitum*; *desipio*, (si modo supinum habeat) *desipitum*: Et a *salio*, et *statuo*, quae in supino U habent: ut, *insilio*, *insultum*; *instituo*, *institutum*<sup>17)</sup>.

*discurrisse* Id. IV. 15, 10. *incurrerint* Id. IX. 5, 8. *Sallust. Frag.* VI. 6. *incurristi* Cio. Orat. c. 67. *incurrisse* Id. pro Sext. 46. *occurri* Id. Catil. III. 7, extr. *occurrerunt* Hirt. B. Alex. c. 10 et 82. *occurrisset* Plin. XXVI. 3. Vel. Patere. II. 61, 2. *occurrisset* Caes. B. Civ. III. 92. *occurrisse* Stat. Theb. VI. 940. *Iustin.* XXIV. 8, 5. *percurrisset* Curt. IV. 4, 1. *percurrissent* Id. IX. 1, 3. *percurrisset* Cicer. de Orat. I. 50, extr. *Horat. Car.* I. 28, 6. *Curt. IV.* 4, 10. *procurrerunt* Caes. B. G. I. 52. *procurrerat* Id. B. G. V. 84. *procurrerant* Id. B. Civ. II. 34. *procurreris* *Horat. Epod.* XVI. 29. *Iustin.* XXV. 4, 9. *procurrissent* Caes. B. Civ. II. 41. *Flor.* I. 18, etc. quibus adde *praecurrere* ap. Cicer. Orat. 54. et *praecurrerunt* ap. C. Nep. VIII. 1. quod semper geminari Grammatici quidam docent. Caetera a *curro* composita, ut *antecurro*, *circumcurro*, *recurro*, *succurro*, *transcurro*, reduplicationem vix admittunt. Male autem his adnumerat Vossius Anal. III. 19. *accuro*, *discurro*, *incurro*, *occurro*, quae nonnunquam geminari modo ostendimus.

14) Vid. infra reg. 80.

15) Praeterita verborum *do* et *sto*, syllaba quidem antiquiora sunt; vix tamen (ut Vossius notat) geminata dici merentur nisi forte dicas *dedi* et *steti* per Syncope facta ex *dedui*, *stetui*.

16) Olim plura composita simplicium suorum geminationem retinebant. Sic *desoponderas* et *desoponderasse* adhuc in Plauto legimus, *Truc.* IV. 3, 51. et *Trin.* III. 1, 2. Ex eiusdem Aulularii *admemordis* citat Gellius, VII. 9. et ex Ennio *detotondis*, ex Varrone *detotonderat* adfert Priscianus, col. 868. Porro haec praeteriti reduplicatio (ut ab Auctore Methodi notatum, p. 201.) imitatio est augmenti Graecorum; antiqui enim *memordi*, *peposci*, *pepugi*, *spespondi*, *securri*, dicebant, teste eodem Gellio l. c. qui et M. Tullium et C. Caesarem ita vix locutos; unde et *sefelli* a *fall*, *peperi* a *parlo*, *tetigi* a *tango*, *cecid* a *cado*, adhuc utimur: similiterque *etuli* a *tollo* ap. Plaut. Amph. II. 2134. Terent. Andr. IV. 5, 18. Lucret. VI. 672, aliosque, invenimus. Confer Vossium Anal. III. 19 et 37.



## 4. Si sit A praesenti, non desinit esse supino.

Si verbum in praesenti A habuerit, A quoque in supino habebit, quamvis in praeterito mutetur: ut, *capio, cepi, captum, fallo, fefelli, falsum*.

## 5. Praeteritis quaecunque carent, spoliabo supinis.

Quae verba praeteritis carent, carent etiam supinis: ut, *polleo, glisco, ferocio*, etc.<sup>18)</sup>.

*Prima Coniugatio.*

## 6. AVI praeterito capit, ATUM prima supino.

Verba primae Coniugationis habent in praeterito AVI, in supino *atum*: ut, *voco, vocavi, vocatum*.

7. *Do dedit* atque *datum* format, compostaque primae Quae *venum, circum, pessumque, satisque* creantur. *Sto steti* et *statum* poscit: STITIT at sibi proles Exigit atque STITUM, multo sed crebrius ATUM.

Exc. 1. *Do* facit praeterito *dedi*, supino *datum*. Sic composita primae coniugationis, *venundo, circundo, pessundo, satisdo*<sup>19)</sup>. Caetera fere sunt tertiae coniugationis<sup>20)</sup>; de quibus Reg. 29.

*Sto, steti, statum*. Composita STITI<sup>21)</sup> STITUM, et frequentius STATUM: ut, *exsto, exstiti, exstitum* vel

17) Ita docet Despanterius; propius tamen intuenti composita verbi *statuo*, apparet i loco *rs* a substitutum, in supino etiam retineri; u autem penultima supini vocalis, praesentis quoque tam simplicis quam compositi penultima est.

18) *Cico* quidem habet *citum*, penultima brevi, abaque praeterito in secundae coniugatione, nam *civi* a *cio* quartae est. Vid. reg. 17.

19) Hoc verbum *do* eiusque composita primae coniugationis contra aliorum naturam de penultimam aut antepenultimam corripunt, ut *dābam, vundābam, dābamus, vundābamus*, etc.

20) Inveniuntur tamen *interdare* Plaut. Trin. IV. 5, 152. et *cibus interdatus* Lucet. IV. 866. *Superdare*, ut Cels. VII. 2, extr. *Glutinantia superdanda*: et VII. 7, 4. *Linamentum superdandum est*, et alibi saepius. *Introdabat* Cic. pro Caecin. c. 5. al. *intrudebat*. *Condator* autem pro *una dator* in vet. Glossis, et *praedatus*, pro *ante dator* ap. Chel. Aurelianus. Acut. III. 17. n. 168, etc. imitanda non sunt.

21) *Circumsto, intersto* et *supersto*, e in praeterito retinere videntur, *circumsteti* Cic. Attic. I. 16. Virg. Geo. IV. 361. Aen. II. 559. et VIII. 500. Ovid. Met. XI. 505. Tac. Annal. XV. 15, 3, etc. *intersteti* Ammianus, XXII. 27. *supersteti* Sallust. Ing. o. 64. *Circumstititerant* tamen habet idem Tacit. Hist. III. 31, 5. \* *Praestasse* ap. Vegetium, I. 1. o libro

*exstatum; praesto, praestiti, praestitum vel praestatum* <sup>22)</sup>. Sic *ad-, con-, in-, ob-, per-, pro-, re-* sto <sup>23)</sup>.

8. A *Lavo* fit *lavi, lautum, lotum* atque *lavatum*.

*Poto, potatum vel potum* flecte: *iuvoque*

*Dat iuvi; at soboles iutum* prope sola reservat.

Exc. 2. *Lavo* in praeterito facit *lavi*, in supino *letum, lautum, et lavatum* <sup>24)</sup>.

*Poto, potavi, potum vel potatum* <sup>25)</sup>.

*Iuvo, iuvi, iutum*. Sic eius compositum *adiuvo, ad-iuvi, adiutum*. Hinc participia *iutus* et *adiutus*; sed hoc longe quam illud usitatus <sup>26)</sup>.

vet. impresso, pro *praestitisse*, legit rectumque censet Stuewechius. *Praestavit* ex Amasiano idem profert: *praestaverit* ex Inst. Justin. Vossius Anal. III. 20. *Repraestaverit* dixit Paulus, l. 47. ff. de act. empt. et vend. *adstassent*, pro *staterunt*, Festus. *Restaverit* denique vulgo legebatur ap. Propert. II. 25. (sive ult.) 53. pro quo melioris restabit.

22) A supinis in *atum* frequentia sunt Participia *instaturus; constaturus* Lucan. I. 17. Plin. XVIII. 5. Martial. X. 41. [etiam solum Saturnius agnoscit, p. 72.] *exstaturus* Plin. XVII. 22. *obstaturus* Quint. II. 11. init. Stat. Theb. VII. 247. *instaturus* Liv. X. 36. Frontin. Strat. I. 6. *perstaturus* Liv. VIII. 34. *praestaturus* Cic. Fam. I. 8. X. 11. XII. 16. et ad Attic. XIV. 16. Liv. XXX. 13. Vitruv. I. 1. extr. Senec. Controv. lib. 1. praef. Brutus ad Cic. Fam. XI. 9. *Praestatum* quoque ex eodem citat Priscian, col. 863. Et haec quidem usitatione videntur. *Adstitutus* tamen profert ex Porcina id. Prisc. d. l. *praestiturus* habet Livius, XXXVII. 25 et 35. et quidam Codd. Cic. Fam. VI. 8. et Bruti Epist. ad Cic. 11. princ. at probatiores *praestaturus*. *Exstitutus* ex Ulpiano adfertur.

23) *Disto* praeterito supinoque carere docet Ursinus p. 681. *Distasse* tamen, pro *distitisse*, apud veterem Irenaei Interpretem l. 24. legi notat Vossius, l. c. *Antisto* quoque praeterito destitutum videtur.

24) *Lavi, lautum et lotum*, sunt a *lavo, lavis, lavere*, tertiae, de quo in anomalis. Nempe a perfecto *lavi* factum *lavitum*, unde per Syncope *lautum*, et *au* in *o* converso *lotum*. Supino autem *lavatum* utuntur Plautus, Anal. III. 6, 49. Ter. Eun. III. 5, 44, et 12. et Horat. Sat. I. 3, 137. et VI. 125. unde et *lavaturus* ap. Ovid. Fast. III. 12. *Lavavit* quoque legitur ap. Plaut. Truc. I. 2, 95. ubi vet. aliaeque Editt. habent *lavabat*, minus bene.

25) Supino *potatum* utuntur Plaut. Pseud. V. 2, 28. et Colum. XII. 51. extr. *Potum* Virg. Ecl. VII. 11. et Ecl. IX. 24. et mirum sit Iohnsonum id in suo supinorum syllabo, p. 388, omisisse. Hinc *potus, poturus, potor* et *potrix*; illinc *potatus, potaturus et prator*, optimis auctoribus usitata, descendunt. In compositis, *adpotus, epotus, compotor*; *trix adpotulus, epotulus, compotator* inveniuntur.

26) *Iutus*, quod Alvarus, Bangius ac Vossius, non nisi in composito *adiutus* inveniri putarunt, legi in Tacito Annal. XIV. 4, 1. et Pallad. IV. 10. ostendit Methodi auctor. Addit Faber in Lexic. ex Lactantio de Opif. Dei, c. 10. *Lingua iuta offensione dentium* at in meis *adiuta* invenio. \* *Iuvavit* Manilio tribuit Vossius, sed locum non addit. Ita-

9. Haec per UI per ITUMque, *cubo, domo* cum sono flectes,

Et *tono*, iunge *veto*, simul, et *crepo*: discrepo normam

Sed potius sequitur: *mico* vult *micuique*, supini Impatiens: AVI tamen ATUM *dimico* praefert.

Quam tenuit legem *replico* cum *supplico*, et omne Quod *plico* componit verbum cum nomine iunctum. Caetera sed *soboles* ritu copulantur utroque.

At *frico* vult *fricui*, *frictum*; *secui*, *seco sectum*; Interdumque *neco*, *necui*; quod saepius AVI

Atque ATUM poscit. *Labo*, *nexo* cum *plico* nil dant.

Exc. 5. Sex verba quae sequuntur, faciunt praeterito UI, supino ITUM:

*Cubo, cubui, cubitum* <sup>27</sup>). Sic composita, tam primae: ut, *accubo, excubo, recubo*: quam tertiae, quae *m* litteram assumunt: ut, *incumbo, succumbo*. Vid. Reg. 25.

*Domo, domui, domitum* <sup>28</sup>). Sic *e-*, *per-* domo.

*Sono, sonui, sonitum* <sup>29</sup>). Sic *as-*, *circum-*, *con-*, *dis-*, *ex-*, *in-*, *per-*, *prae-*, *re-* sono.

*Tono, tonui, tonitum* <sup>30</sup>). Sic *at-*, *circum-*, *in-*, *superin-*, *re-* tono.

*Veto, vetui, vetitum* <sup>31</sup>).

que vereor, cum Ursino, ne deceptus iuvavit legerit, ubi recte iuvabit habetur, l. V. v. 458, — Thebana iuvabit Dicere bella uteri, mixtumque in fratre parentem. \* Iuvaturus Sallust. est Ing. 51. et Plin. Epist. IV. 15. adiuvatus Frontini de Aquaed. lib. 1. adiuvaturus Petron. c. 18. non temere imitanda, ait Ursinus, p. 682. Ego contra iuvaturus libentius quam iuturus adhibuerim.

27) Cubasse tamen ap. Quintil. VIII. 2. prope fin. incubavere ap. Plin. XI. 16. supercubasse ap. Apul. Met. VI. p. 200. invenimus. Addit Vossius cubatus in fumo ap. Plin. X. 57. sed cubitus illic Hardainus edidit.

28) Domaverunt ex Floro citat Vossius: sed eo in loco (viz. III. 22.) meliores codd. donuerunt exhibent. Domavi quidem usus est vetus Poeta ap. Charis. col. 252 et 253. domator Tibull. IV. 1, 116. et Ammian. XXI. 5. perdomavi ex Cic. adfert Cledonius, p. 1917.

29) A sonitum est verbale sonitus. Sonaturus tamen dixit Horat. Sat. I. 4. 44. sonaverint Tertullian. ad Scap. c. 2. resonavit Manilius, V. 566. classicum personavit Apul. Met. V. p. 152.

30) Intonata legitur ap. Horat. Epod. II 51.

31) Vetavit ex Persio profertur, Sat. V. 90. ubi in aliis libris notavit. Vetatus quoque ex Statii Theb. III. 550. adducunt Despanterius,

*Crepeo*, *crepiui*, *crepitum* <sup>32</sup>). Sic *con-*, *in-*, *per-*, *re-*  
*crepo*. *Discrepo* tamen *discrepavi* potius quam *discrepui*  
facit <sup>33</sup>).

Exc. 4. *Mico* facit *micui* sine *supino* <sup>34</sup>). Sic *inter-*,  
*pro-*, *miso*. *Emico* autem *emicui* habet et *emicatum* <sup>35</sup>):  
*dimico*, *dimicavi*, raro *dimicui* <sup>36</sup>), *dimicatum*.

Exc. 5. *Plico* simplex, olim *plieui* vel *plavi*, et *pli-*  
*citum* vel *plicatum*, fecisse videtur <sup>37</sup>): quorum nullum  
iam reperitur.

Ab eo composita, sive cum nomine, sive cum prae-  
positionibus *sub* et *re*, *AVI* tantum et *ATUM* habent: ut,  
*duplico*, -*avi*, -*atum*; *multiplico*, -*avi*, -*atum*; *supplico*,  
-*avi*, -*atum*; *replico*, -*avi*, -*atum* <sup>38</sup>).

Reliqua cum praepositionibus composita vel faciunt  
*UI*, *ITUM*; vel *AVI*, *ATUM*; ut, *applico*, *implico*, -*plicui*,  
-*plicitum*, et -*plicavi*, -*plicatum*; *complico*, -*plicavi*, -*plic-*  
*atum*; vix -*plicui* et -*plicitum* <sup>39</sup>). *Explico*, pro *expedio*,

Vossius, alique: at emendationibus vetanti est editum. *Vetaveram* ta-  
men in optimis Gruteri, Graevii, Gronovii edit. habet ap. Cic. Fam.  
X. 23.

32) *Increpo*, sensu obiurgandi, interdum etiam *inopavi* facit, quo  
non tantum Sulpitius Severus lib. 1. Hist. sac. utitur sed etiam Plau-  
tus Mostell. III. 2, 63. licet Vossius et Ursinus ita disse veteres ne-  
gent. *Increpatus* Iustin. XI. 3, 5. et Prudent. Cathem. II. 195. eadem  
notione utuntur.

33) *Discrepavi* Ciceronis est, de Orat. III. 80. *Signa in re discre-*  
*pavit ab Antonii divisione nostra partitq* [ita enim habent meliores li-  
bri, quanquam *discrepuit* legerit Nonius, VII. 99.] *discrepui* Horat. Art.  
219.

34) *Micavit* exstat ap. Solin. c. 56. sed non tunc imitandum:  
nam Quinctil. I. 6. reprehendit eos qui *emicavit* potius quam *emicuit*,  
dicebant.

35) *Supinum emicatum* colligitur ex *emicaturus* p. Senec. Consol.  
ad Helv. c. 11.

36) *Dimicuisse* legitur ap. Ovid. Amor. II. 13, u.

37) Priscianus, col. 860. *plicui* vel *plicavi* declinat. Diomedes vero,  
c. 368. et Phocas, c. 1712. *plicui* solum agnoscunt. Verum neutram  
hodie uspiam legitur. *Plicavi* tamen potius in neutro fuisse, ex *plicatio*,  
*plicatilis* et *plicatura*, videtur.

38) *Replicui* solum a *replica* habet Priscianus, l. c. unde *replicatae*  
(pro *replicatae*) *tunicae* ap. Stat. Sylv. IV. 9, 29. At *replicasset* ex  
Plinii iunioris Epistolis profert Stephanus in Thes. L. L. et Vossius  
Anal. III. 20. *replicatus* quoque habet alter Plin. IX 23. XI. 88. §. 73.  
et XXXIV. 8.

39) *Complicui* aut *complicavi* nondum inveni: *complicatus* Ciceronis  
est, Offic. III. 19. *complicitus* Apuleij, Met. I. p. 27, etc. *implicasti*  
eiusd. Apul. Met. III. p. 90. *implicui* reliquorum. Alia fere promiscua  
sunt: *Applico* enim, cum ad navigationem refertur, non solum *applicui*  
facit, quod docent Alvarus, Verepaeus et Schmilsius, sed etiam *applicavi*.

*expando*, aut simili, *explicui* saepius <sup>40)</sup> et *explicitum*: pro *explaio* seu *interpretor*, *explicavi* et *explicatum* fere semper fact <sup>41)</sup>.

Exc. 6 *Frico* habet *fricui*, *frictum* <sup>42)</sup>. Sic *af-*, *circum-*, *con-*, *de-*, *ef-*, *in-*, *per-*, *re-* *frico*.

*Seco*, *ecui*, *sectum* <sup>43)</sup>. Ita *circum-*, *con-*, *de-*, *dis-*, *ex*, *in-*, *inter-*, *per-*, *prae-*, *re-*, *sub-* *seco*.

*Neco*, *necavi*, interdum *necui*, *necatum* <sup>44)</sup>. *Eneco*, *-avi*, *-atum* et *errecui*, *enectum* <sup>45)</sup>; *interneco*, *-avi*, *-atum*, et *-ectum* <sup>46)</sup>.

Exc. 7. Haec tria, *labo* <sup>47)</sup>; *nexo* <sup>48)</sup>, et *plico* (de quo prius dictus) praeterito ac proinde supino carent <sup>49)</sup>.

Ciceronis enim est de Invent. II. 51, *Navim ad eum applicaverunt*. Alio certe sensu *applicavi* ap. Ciceronem frequentius est.

40) *Explicui* in *expediendi* significatione usitatus fuisse docet Gell. I. 7. cuius loam perperam in contrariam sententiam detorserunt Voss. et Methodi Autor. V. Ursin.

41) Legimus etiam *circumPLICasset* ap. Cic. Div. II. 62. et *circumPLICatus* ap. eund. Ibid. I. 36. *disPICATUS* ap. Varr. R. R. III. 16. *perPLICATUS* ap. Luret. II. 394.

42) *Refrictura* Ciceronis est ad Attic. XII. 19. *defricatus* Catull. XXXV. 20. Plin. XXVIII. 12. Colum. XI. 2, med. *confricatus* Plinii XXVIII. 9. §. 7. XXIX. 2. sub init. et XXXI. 10. §. 46. Varr. R. R. I. 60. *infricatus* Plin. XXVI. 8. §. 58. et alibi saepius; *perfricatus* Plin. VIII. 27. XXVII. 12. §. 51. Petron. c. 132. *Affricatus* ex Apulcio, sed loco non indicat; proferunt. Contra *frictus* habent Cato R. R. 156. Iuven. VI. 577. *affrictu* Plin. XXXI. 6. §. 38. Senec. N. Quaest. V. 14. *defricatus* Apl. Met. III. p. 92. Col. R. R. VI. 15. et VII. 5, med. *infrictus* Marc. empir. c. 10. item Plin. XX. 13. al. *infractus*, melioribus *infrictus*. *Perfricasti os* ap. Cic. Tusc. III. 18. legit Victorius, Var. VIII. 6, at libb. emendatiores *perfricisti* habent: eodem quoque sensu Plin. 1. Faef. *Perfricui faciem*, et Martial. XI. 28. *Perfricuit frontem*, dixerunt.

43) *Secaturus* legitur ap. Columellam, IV. 9. *prædesecatus* ap. Apuleium, Met. 1. p. 21.

44) Exolevisse *necui* censent Vossius, aliique. Atqui non Ennius modo, cuius testimonium ex Prisciano, col. 681. proferunt, sed Phaedrus etiam eo usus est IV. 18. *Nectum*, quamvis in simplici non legitur, est tamen ap. Grammaticos veteres. Vid. Diomed. col. 362. et Priscianum, col. 681. qui *nectum* ferro proprie dici, *nectum* alia via preceptum, tradunt.

45) *Enecavi* unus Calph. Flacc. Declam. 113. *enecasso* pro *enecavero* Plaut. Most. I. 3, 56. *enecui* Sueton. de illust. Gramm. III. 2. *Enecatus* habet Plin. N. 29. XVIII. 30. et XXX. 12. *Enectus* tamen frequentius est, Ciceboni Divin. II. 35. Tusc. I. 5. ad Attic. VI. 1, sub init. Horat. Epist. I. 7, 37. Livio XXI. 40. Suetonio Ner. XXXVI. 6. Iul. LXXXV. 5. Ovidio Met. IV. 243. Val. Maximo, IX. 12, 3. aliisque usitatum.

46) *Internecatus* Plaut. Amph. I. 1, 34. *internectus* Cic. Phil. XIV. 3. Sed hic quidam *internecinus*, illic *internectus* legunt.

## Secunda Coniugatio.

10. Altera praeterito dat UI, dat ITUMque supino.

Verba Secundae Coniugationis faciunt praeteritum in UI, supinum in ITUM: ut, *habeo, habui*<sup>50)</sup>, *habitu*, *prohibeo, prohibui, prohibitum*.

11. Dat *doceo doctum*; a *teneo* deducito *tatum*:

*Mistum* vel *mixtum* dat *misceo*: *censeo, ensu*; *Torreo*que et *tostum* capient; et *sorbeo orptum*.

Haec verba sequentia praeteritum iuxta reglam, supinum vero contra eam faciunt.

*Doceo, docui, doctum*. Sic *ad-*, *con-*, *de-*, *e-*, *per-*, *sub-* *doceo*.

*Teneo, tenui, tentum*. Sic *con-*, *de-*, *dis-*, *ob-*, *re-*, *sus-* *tineo*. At *attineo, pertineo*<sup>51)</sup> nullum supinum admittunt; raro etiam *abstineo*<sup>52)</sup>.

*Misceo, miscui, mistum* vel *mixtum*<sup>53)</sup>. Sic *ad-*, *com-*, *im-*, *inter-*, *per-*, *re-* *misceo*.

47) Ita docent Rhenius, Schmidius, Chytraeus, Veracius, Vossius, Methodi auctor, Finckius et Helvicus, Farnabius, Deixius Prateus et Ursinus, quorum auctoritatem nos sumus secuti: at in *verbo labasse* ap. Plin. XIV. 22.

48) *Nexo* (quod est frequentativum a *necto*, de quo eg. 39.) *nexui, nexum* facere volunt: sed haec a primitivo venire illic ostendimus.

49) De verbis hisce anomalis in universum notandum, pleraque eorum praeterita et supina, non olim modo, sed etiam poenius nonnunquam, ab auctoribus analogice per *avi* et *atum* fuisse sonata; praecipue frequentia in iis esse participia in *atus* et *aturus* ex notis singulorum recensio supra adiectis satis constat. Idem probant Verba in *atus, atio* et *ator*, a supinis in *atum* deducta: ut, *cubatus, acubatio, fricatio, tonatio, domator*. Quibus deceptus Valla canonem sonat universalem Eleg. I. 2. verbalibus primae a vocalem ante *io* deberi. Sed id perpetuum non esse docent Verpeaeus, p. 232. et Vossius Aal. III. 20. sub finem: ubi et *sectio, frictio* et *perfrictio* dici commostrant. Addunt iidem *cubatio, accubatio, incubatio*; quae non nisi apud Scriptores codices minus probatos (sed *cubatio, accubatio, incubatio* reperio).

50) *Habui* vel *habui* pro *habui* positum existant quidam ap. Plant. Asin. III. 3, 32. et IV. 1, 62.

51) Ne consentiant (opinor) cum supinis ab *attendo, pertendo*,

52) *Abstentus* Ictis in usu est.

53) *Mistum* an *mixtum* sit dicendum vid. disputatam Dausquium, p. 199. et Voss. Anal. III. 22. Pro hoc veteres libri et Inscriptiones, pro illo Analogia stare videtur.

54) Vel *census sum*; ut in illo Ovid. Fast. V. 25. *Hinc nata Maestas*; hos est *Dea censa* parentes: et ap. eund. Pont. I. 2, 139. *Hanc*

*Cenſeo, cenſui* <sup>54</sup>), *cenſum* <sup>55</sup>). Sic *ac-*, *per-*, *re-*, *suc-* *cenſeo*.

*Torreo, torrui, tostum*. Sic *ex-torreo*.

*Sorbo, sorbui* <sup>56</sup>), *sorptum*. Sic *ab-*, *ex-*, *re-* *sorbeo*.  
Supina tamen *exsorptum* et *resorptum* non exstant.

12. Quod dat UI neutrum, *timeo, sileo*que supina  
Nulla habunt. *Valeo, placeo, caret, et licet* aufer,  
*Paret*, item *iaceo, caleo, noceo, doleo*que;  
*Queis roalet, latet* atque *meret* sociabis, *olet*que.

Neutra secundae coniugationis, quae praeterito faciunt  
UI, supini carent: ut, *splendeo, splendui* <sup>57</sup>); *madeo, ma-*  
*dui*. Sic *ilbeo, areo, calleo, condeo, egeo, indigeo, floreo,*  
*frondeo, herreo, miteo, palleo, pateo* <sup>58</sup>), *rigeo, sordeo, te-*  
*peo, vigeo* <sup>59</sup>).

His ade duo verba activa, *timeo, timui*; unde *per-*,  
*sub-timeo* Et *sileo, silui* <sup>60</sup>).

probat, et prius dilectam semper ab aeo Est inter-comites Marcia cen-  
sa suas: et a; Cic. pro Flaco. c. 32, *Census es mancipia Amyntae*: et  
mox, *Cum te uidisset servos suos esse censum*. At *census* locis hiscis  
omnibus passim esse interpretandum docent Gronovius Observ. IV. 3.  
extr. et Perizon. ad Sanct. p. 285.

55) Est et supinum *censitum* a *centio* quartae, penultima producta:  
unde *censitus* participium, *censor* et *censito*, pro *census*; *censor* et *cen-*  
*sio*, in libris uris aliisque non semel occurrunt. Sic *recensitus* utitur  
Claud. XX. 60 Front. de Colon. p. 332. Prudent. *κ. versq.* XI. 147. et  
in melioribus libris Sueton. Iul. 41. et Vesp. IX. 2. quanquam quidam  
MSS. *recensus* abeant; unde ap. sund. ibid. et Liv. Epit. 115, est ver-  
bale *recensus*.

56) Vulgo addunt et *sorpsi*, quod, ut et *sorptum*, sunt qui verbo  
tertia sorbo; *sorbis*, tribuunt. At *sorpsi* barbarismi damnat Val. Probus,  
col. 1480, Capa 2240, et Valius Longus, 2233. Agnoscit tamen Charis.  
col. 217. Absentem quoque dixit Lucanus, IV. 100. *Sorbitum* etiam in  
supino veteres dixisse arguit verbale *sorbitio* ap. Pers. IV. 2. et alios.

57) In his et similibus hoc generaliter tenendum; quibus verbis su-  
pina deficiunt; eadem quoque omnia a supinis formata deficere; qualia  
sunt Participia in *tus* et *rus*, et Verbalia in *io*, *or*, *ix* et *us*.

58) Despantrius aliqui Priscianum secuti, supinum huic verbo dant  
*passum*. Sed Placas, col. 1719. Diomedes, col. 878, itemque Gellius,  
XV. 15. *passus* a *pando* aut *pator* deducunt.

59) Adde, *Aleo, aegro, clareo, flaceo, foeteo, humeo, liqueo*  
(unde *liquesco*, et *deliqueo, deliqui* ap. Ovid. Met. IV. 252. et *colliqueo,*  
*collicui* ap. Varronem, teste Nonio, IV. 275.) *maceo, macreo, madeo,*  
*marceo, mineo* (quo usus Lucretius, VI. 562 et 1193.) eiusque compo-  
sita *emineo, promineo, immineo*: *muceo, nigreo, puteo, putreo, rauceo,*  
*rubeo, seneo, studeo, stupeo, tubeo, torpeo, tumeo, vegeo*, (unde *vegetus*)  
*vileo, vireo*.

60) *Sileo* saepissime neutraliter accipitur, ut in illo Ciceronis pro  
Mil. c. 4: *Intra arma silent leges*.

Exc. Haec autem neutra supinum retinent: *Valeo*, *valui*, *valitum*; et *aequi-*, *con-*, *e-*, *in-*, *prae-* *valeo*. *Placeo*, *-ui*, *-itum*: et *com-*, *per-* *placeo*, *dis-* *pliceo*. *Careo*, *-ui*, *itum*<sup>61</sup>). *Liceo*, *-ui*, *-itum*<sup>62</sup>). Sic *Pareo*: et *ap-*, *com-* *pareo*. *Faceo*<sup>63</sup>): et *ad-*, *circum-*, *inter-*, *ob-*, *prae-*, *sub-*, *super-* *iaceo*. *Caleo*<sup>64</sup>): et *con-*, *in-*, *ob-*, *p̄-*, *re-* *caleo*. *Noceo*. *Doleo*<sup>65</sup>): et *con-*, *de-*, *in-*, *per-* *doleo*. *Coaleo*. *Lateo*<sup>66</sup>): unde *de-* *litea*, *inter-*, *sub-* *lateo*. *Mereor*<sup>67</sup>): unde *com-*, *de-*, *e-*, *per-*, *pro-* *mereo*, aut *mereor*. *Oleo*<sup>68</sup>), <sup>69</sup>).

13. *Arceo* quod simplex nescit, dant nata supinum: Quod retinent *taceo*, *lateo*, sobolique recusant.

*Arceo* *arcui* facit, supinum vero *arcitum* in usu non est<sup>70</sup>). Eius tamen composita supinum retinent: *coerceo*, *-ercui*, *-ercitum*; *exerceo*, *-ercui*, *ercitum*.

Contra, *taceo* *tacui* facit et *tacitum*<sup>71</sup>); *lateo*, *latui* et *latitum*, (ut modo dictum). Eorum tamen composita supino carent; *con-*, *ob-*, *re-* *liceo*: et *de-* *liteo*, etc.

14. Dant DI SUM *prandet*, *videt* et *sedet*; at *ge-*minabit

S *sessum*: *stridet* *stridi* facit absque supino.

*Prandeo* dat *prandi*, *pransum*<sup>72</sup>).

61) *Cassus* nomen est, ut *festus*, *lassus*, *moestus*: unde neo participia in *RUS* a talibus deduci possunt. Quod et Priscianus ipse agnoscit, col. 926, quamvis supra verbo *careo* supinum *caritum* et *cassum* tribuerit.

62) De hoc verbo vid. post cap. 8. sub init.

63) Unde *iaciturus* ap. Stat. Theb. VII. 777.

64) Hinc *caliturus* ap. Ovid. Met. XIII. 590.

65) *Doleo* etiam habet *dolitus sum* in vet. Inscript.

66) Hinc *latiturus* et *latito*. Composita autem supinum vix habent, ut mox dicetur.

67) Eodem sensu dicimus et *mereor*, *meritus sum*.

68) De hoc verbo eiusque compositis videas mox reg. 17.

69) Addit Despauterius *Taceo* (de quo reg. seq.) quod activum viderius quam neutrum videtur. Magis vero mirandum est Auctorem Methodi *praebeo* neutris accensere, quod nusquam (nisi active sumitur, corruptumque est ex *praehibeo*, ut *debeo* ex *dehibeo*).

70) Priscianus tamen supinum ei dat *arcitum*, col. 1265. olim etiam per Syncopen *arctum*: unde *arctus* nomen et *arctō* frequentativum sunt derivata.

71) *Tacitus*, inde deductum, interdum nomen est, active scil. acceptum; ut, *homo tacitus*, i. e. *qui tacet*: interdum Participium sensu passivo; ut, *tacitae cogitationes*, i. e. *quae tacentur*.

72) Au et *pransus sum*, vid. post cap. 4.



*Video, vidi, visum.* Sic *in-*, *per-*, *prae-*, *pro-*, *re-* *video*.

*Sedeo, sedi, sessum.* Sic *as-*, *con-*, *de-*, *dis-*, *in-*, *ob-*, *pos-*, *prae-*, *re-*, *sub-* *sideo, circumsideo* vel *circumsedeo, supersedeo* <sup>73)</sup>. Ex his tamen *desideo, dissideo, persideo, praesideo, resideo, subsideo, supino* carere videntur, *Strideo, stridi, sine supino* <sup>74)</sup>, <sup>75)</sup>.

15. DI SUM praeterito geminato *mordeo* donat:

*Spondeo lege pari, pendet, tondetque* iugantur.

Haec quatuor faciunt DI, principio praeteriti geminato, et supino SUM:

*Mordeo, momordi, morsum.* Sic *ad-*, *com-*, *de-*, *ob-*, *prae-*, *re-* *mordeo* <sup>76)</sup>.

*Pendeo, pependi, pensum.* Sic *de-*, *in-*, *pro-*, *super-* *pendeo*.

*Spondeo, apopandi, sponsum.* Sic *de-*, *re-* *spondeo*.

*Tondeo, totondi, tonsum.* Sic *at-*, *circum-*, *de-* *tondeo*.  
At composita omnium reduplicationem abiiciunt.

16. Ex VEO fit VI, TUM: *faveo* sed dicito *fautum*,

Et *caveo cautum*. Mutilantur neutra supinis:

*Ferbuisset at fervet; VI, XI conniveo* donat.

Verba activa in VEO terminata, praeterito VI, supino TUM accipiunt: ut, *Moveo, movi, motum*: unde *a-*, *ad-*, *com-*, *de-*, *di-*, *e-*, *per-*, *pro-*, *re-*, *se-*, *sub-*, *trans-* *moveo*. *Foveo, fovi, fotum*: unde *con-*, *re-* *foveo*. *Voveo, vovi, votum*: unde *de-* *voveo*.

Duo in supino recipiunt *u* ante TUM, *Faveo, favi, fautum* <sup>77)</sup>; *Caveo, cavi cautum* <sup>78)</sup>; unde *prae-* *caveo*.

73) Quanquam in his *e* simplicis in *i* in praesenti mutetur, *e* tamen in praeterito et supino servatur: *assideo, assedi, assessum*, etc. Id quod in omnibus aliis, ubi eadem fit mutatio, accidit, praequam in compositis a *teneo*; ut, *retineo, retinui*, etc.

74) Dicitur etiam *strido, stridis* in tertia.

75) Huo adde *frendeo*, quod praeterito *frendui* vel *frendi*, supino *frenum* habuisse videtur: unde *faba fressa* ap. Martial. IV. 46. *cicera fressa* vel *fressa* ap. Columel. II. 11, extr. Vid. Fest. in voc.

76) *Memardi, spepondi, peposci, cecurri*, veteres dixisse, et in his Caesarem et Ciceronem notat Gellius, VII. 9. et Plautum in *Trigeminis praemorseisse*. Vid. supra reg. 2. n. 16.

77) Supina horum verborum in *tum* per Syncope facta sunt ex obsoletis in *itum*, ex gr. *fotum* ex *fovium*, *motum* ex *movium*. Similiter *fautum* ex *favitum*, unde *favitor* ap. Plaut. Amph. Prol. v. 78. *cautum* ex *cavitum*; unde *cavitio* ap. Festum.

Neutra in VEO supino carent: ut, *Paveo, pavi*<sup>79)</sup>: unde *ex-paveo*.

Ex his *Ferveo, ferbui* facit<sup>80)</sup>: unde *de-, ef-, in-, per-, re-ferveo*. *Conniveo, connivi* et *connixi*<sup>81)</sup>, sine supino.

17. *Deleo*, nata *pleo, flet, net, ciet*, EVIT et ETUM Accipiunt, *cieoque citum: civi* dato quartae.

Nunc *pleo* per UI dat ITUM: sic pignora patris

Quae retineant sensum: EVI, ETUM vult caetera proles.

Fert *abolevit* ITUM: sed dic *adolevit adultum*.

Praeterito EVI, supino ETUM formant verba sequentia: *Deleo, deleui, deletum*<sup>82)</sup>.

*Compleo, complevi, completum*. Sic alia composita ab inusitato verbo *pleo*<sup>83)</sup>: ut, *de-, ex-, im-, adim-, op-, re-, sup-pleo*.

*Fleo, flevi, fletum*. Sic *af-, de-fleo*.

*Neo, nevi, netum*<sup>84)</sup>.

78) Forte etiam *catum* supino dixerunt, unde *catus* pro *prudente* seu *cauto* ap. Cic. Tusc. I. 9. ex Ennio; et Horat. Car. I. 10, 3. et *cate* pro *solenter* ap. Plaut. Poen. I. 1, 3.

79) His adde *languo, langui*, sine supino, licet in eo *u* sit vocalis: Sic *relanguo, relangui* ap. Ovid. Met. VI. 291. *oblanguo, -gui*, Cic. Fam. XVI. 10. *elanguo, -gui*, Aur. Victor. in Hannib.

80) *Ferveo, ferui* dicendum erat; sed dicitur *ferbui*, a *ferbeo*, quod agnoscit Priscianus, col. 866. *v* consona in *b* mutata. Dicitur et *ferui* a *fervo* tertiae, quo non tantum Lucilius ap. eund. d. l. sed Virgilius etiam Aen. VIII. 677. Terent. Adel. IV. 1, 17. Propert. II. 7, 20. utuntur: quod tamen suo aëvo Quintilianus vitiosum putabat Inst. I. 6. Hinc *deservisse* ap. Terent. Adel. I. 2, 72. *Deservisset* etiam ex Plinii Epistolis citat Vossius Anal. III. 24. *Effervere* denique penultima correpta Virgilius utitur, Geo. I. 471.

81) *Connixi* a *conniveo* deducunt, *connivi* a *connivo* tertiae: estque hoc usitatus. Vid. Voss. Anal. III. 24. Priscian. col. 866. Supinum *connictum* analogia fulcitur *toû nictus*, a simplice *niveo*; auctoritate autem destituitur.

82) Ab inusitato *leo*: a quo praeteritum *levi* ap. Horat. Car. I. 20, 3. ut et *relevi* ap. Terent. Heaut. III. 1, 51. a *releo*; potius quam a *lino* et *relinō*, summi Grammatici formata putant.

83) *Pleuntur* quidem antiquos dixisse notat Festus in voc. Etiam *conguine pleti* ap. Lucret. II. 631. et *pletis ex naribus* ap. eund. VI. 1201, legit Giphanius: at aliter, illic *laeti*, hic *plenis* vulgo habetur.

84) Supinum *netum* firmat Vossius ex Corippo Africano de laud. Iustin. Aug. I. 15. ubi *neto auro*, non *necto*, ut antea, legendum docet: at antiquior certiorque Ulpiani auctoritas, cuius est *lana neta*, et *linum netum*, l. 70. §. 2. et l. ff. de legat. 3. etiam *pernetus* utitur Sidon. Apoll. Car. XV. 167.

*Cieo, citum*, absque praeterito in hac coniugatione: *civi* enim a *cio* est, et quartae<sup>85</sup>). Sic *ac-*, *con-*, *ex-*, *in-*, *per-* *cieo*.

*Oleo, olui, olitum*<sup>85</sup>) facit; olim etiam *olevi, oletum*<sup>87</sup>).

Eius composita dupliciter formantur. Nam

1. Quae servant sensum simplicis, sive odorem significant, UI habent et ITUM: ut, *oboleo, obolui*<sup>88</sup>), *obolitum*; *peroleo, -ui, -itum*<sup>89</sup>), *redoleo, -ui, -itum*<sup>90</sup>), *suboleo, -ui, -itum*<sup>91</sup>).

2. Quae vero a simplicis significatione recedunt, faciunt EVI, ETUM: ut, *exoleo, exolevi, exoletum*,<sup>92</sup>),<sup>93</sup>), *obsoleo, obsolevi*<sup>94</sup>), *obsoletum*, idem; *inoleo, inolevi, inoletum* vel *inolitum*<sup>95</sup>). *Aboleo* tamen *abolevi*<sup>96</sup>) facit et *abolutum*. *Adoleo*<sup>97</sup>), *adolevi*<sup>98</sup>), *adultum*.

85) *Citum* in secunda pen. correpta, in quarta producta, effertur. Composita quartam potius quam secundam sequi notat Methodi auctor, p. 225. quod mihi, extra praeteritum, haud satis exploratum videtur. Certe Participia *excitus, incitus, concitus, percitus*, mediam saepius; frequentativa *excito, incito, concito, recito, suscito*; et *exsuscito, resuscito*, semper corripunt.

86) Supinum tamen *olitum*, indeque ductum participium *olitus*, nusquam reperiri putem. An *olitor* hinc formatum sit, an ab *olus*, alij viderint.

87) *Oletum* supinum, ex nomine *oletum* ap. Pers. I. 112. confirmat Priscianus, col. 872. quod tamen a praesente *oleo* Vossius deducit Anal. III. 28.

88) *Obolevit* ap. Plant. Casin. IV. 3, ult. exhibent quidam libri: ubi tamen recentiores Edd. *oboluit* praeferunt, quo alioquin utitur Plautus Most. I. 1, 38. et Menaech. II. 3, 83. et Sueton. Calig. XXIII. 7. et Veapas. VIII. 7.

89) *Perolesse* tamen, pro *perolevisse*, dixit Lucilius, teste Prisciano loc. cit.

90) *Redolevi* etiam ei tribuit Priscian. d. L. supinum exstare negat Ursinus, p. 696.

91) Ita declinari Analogia postulat; quanquam neque praeteritum neque supinum uspiam iam reperiatur: ut memoria lapsus sit magnus Vossius, qui *subolui* Plauto saepius, ut et Suetonio dictum ait, perperam huc referens quod de *oboleo* prius et vere dixerat.

92) *Exoleo* et *obsoleo* utrum a *soleo* sint an ab *oleo* composita disputantem vid. Voss. I. supra laudato.

93) Johnsonus Additt. p. 53. ex Plinio, XXXVII. 5. adfert *exoluerint* [*Carchedonii nescio an in totum exoluerint.*] At id vitio factum est Typographi Genevensis, anno 1631; aliis enim omnibus et melioris notae Edit. *exoleverint* constanter legitur.

94) Pro *exoleo, obsoleo, inoleo*, frequentior est forma *exolesco, obsolesco, inolesco*.

95) *Inolevit* utitur Gellius, XII. 5. sed sensu activo, pro *inolefecit*. Supinum *inoletum*, seu *inolitum*, non est in usu, nisi quod *inolitus* apud Patres Ecclesiasticos frequens est; ut, *inolitae concupiscentia vitium*.

18. Dant SI SUM *suadet, ridet, manet, hæret et ardet,*

Et *terget, mulcet, mulget*: sed et S geminato  
Vult *iubeo, iussi, iussumque. Indulgeo SI TUM,*  
*Torqueo dat torsi tortum.* Viduata supinis  
SI capiunt *urget, cum fulget, turget et alget.*

1. Quaedam habent SI, SUM: ut,  
*Suadeo, suasi, suasum.* Sic *dis- per- suadeo.*  
*Rideo, risi, risum.* Sic *ar-, de-, ir-, sub- rideo.*  
*Maneo, mansi, mansum.* Sic *per-, re- maneo*<sup>99</sup>).  
*Haereo, haesi, haesum.* Sic *ad-, co-, in-, ob-, sub-*  
*haereo.*

*Ardeo, arsi, arsum.* Sic *ex-, in-, ob- ardeo.*  
*Tergeo, tersi, tersum*<sup>100</sup>). Sic *abs-, circum-, de-, ex-,*  
*per- tergeo.*

*Mulceo, mulsi, mulsum*<sup>1</sup>). Sic *ad-, circum-, com-,*  
*de-, per-, re- mulceo.*

*Mulgeo, mulsi, mulsum*<sup>2</sup>) et *mulctum*<sup>3</sup>). Sic *e-, im-*  
*mulgeo.*

96) Dicitur et *aboleo*, sen *abolesco*, significatione passiva: ut Liv. III. 55, *Cuius rei prope iam memoria aboleverat.* Caeterum Johnsonus Additt. p. 53. Tacitum *aboluerat* dicentem notat, Hist. II. 5. 3. Verum et hic quoque mendosa libri editione deceptus est vir aliquin accuratissimus: in meis enim omnibus, *Titus prava certamina communi utilitate aboleverat* (non *aboluerat*) exhibetur.

97) In praesente *adolesco* fere dicimus, pro *cresco*: nonnunquam etiam et *pro incendio*.

98) *Adolui* in significatione *crescendi* dixit Varro, et in *incendendi* etiam Attius Cassius ap. Prisc. col. 872, qui et Valer. Antiatem posteriore hoc sensu *adultum* pro *adoletum* dicentem laudat.

99) Hinc excipiunt non modo Grammaticorum vulgus, sed ipse Vossius Anal. III. 24, init. *epineo, immineo, promineo*, quae UI sine supino habent. Sed haec non a *maneo*, sed *mineo*, composita supra ostendimus reg. 12. n. 59. Vid. Methodi auctor. p. 219. Ursin. p. 692. in primis vero Johnson. Appar. p. 376. et Additt. p. 54.

100) Dicimus et in tertia coniugatione *tergo, tergis*. Sic *abs-, de-, ex- tergo*.

1) *Permulsit* utitur Livius, VII. 40, init. et XXXIX. 23. Virg. Aen. V. 816. Ovid. Fast. IV. 551. Silhus, XIII. 344. Sueton. Ner. I. 2. *Permulsus* Auct. ad Herenn. III. 12. Cic. in concione Metelli, et Varro in Satyra ap. Priscian. col. 871. *permulctus* Sallust. ap. eund. ibid. et Gellius, I. 11. *demulctus* id. Gell. III. 13, extr.

2) *Mulgeo mulsi*, declinat Phocas, col. 1713. idque praefert Prisc. col. 870. roboratque auctoritate Ennii Annal. Virgilii Geo. III. 400. quibus addo Plinium, X. 40. et Catonem, R. R. c. 150. Diomedes tamen, col. 363. aliique *mulxi* huic verbo praeteritum tribuunt, differentiae (ut Priscianus statuit) causa; sed testem non adhibent. Apud Lucretium

*Iubeo*, cum gemino *s* utrobique, *iussi*, *iussum*. Sic *fide-iubeo*.

2. Duo faciunt *SI*, *TUM*:

*Indulgeo*, *indulsi*, *indultum*<sup>4)</sup>.

*Torqueo*, *torsi*, *tortum*<sup>5)</sup>. Sic *con-*, *de-*, *dis-*, *ex-*, *in-*, *ob-*, *re-* *torqueo*.

3. Quatuor praeterito *SI* habent, at supino deficiunt: *Urgeo*, *ursi*<sup>6)</sup>. Sic *ad-*, *ex-*, *in-*, *per-*, *sub-*, *super-urgeo*.

*Fulgeo*, *fulsi*<sup>7)</sup>. Sic *af-*, *circum-*, *con-*, *ef-*, *inter-*, *prae-*, *re-*, *super-fulgeo*.

*Turgeo*, *tursi*<sup>8)</sup>.

*Algeo*, *alsi*<sup>9)</sup>.

19. *Lugeo* *XI* solum, cum *luceo*, *frigeo*, poseit:

*Augeo* sic *auxi*, comitabitur inde sed *auctum*.

1. Haec tria praeterito *XI* faciunt, absque supino:

*Lugeo*, *luxi*<sup>10)</sup>. Sic *e-*, *pro-*, *sub-lugeo*.

*Luceo*, *luxi*. Sic *al-*, *circum-*, *col-*, *di-*, *e-*, *il-*, *inter-*, *per-*, vel *pel-*, *prae-*, *pro-*, *re-*, *sub-*, *trans-luceo*<sup>11)</sup>.

quidem *IV*. 1203. *mulxit* vel *commulxit* quidam vet. codd. alii *mulsit* vel *immulsi* habent. Prius *Ad. Turnebus*, *Lambinus* et *Crechius*; posterius *Giphanius*, *Pareus* alique praetulerunt.

8) Supinum *mulsum* firmat *Ursinus*, p. 702, loco *Varronis*, *R. R.* II. 11, *A mulgendo atque ortu optimum est id [lac] quod neque emunctum longe abest a mulso, neque a partu continuo est sumptum*. At quidam forte de *hydromelite* hic *mulsum* intellexerint: id autem non a *mulgeo* sed a *mel*le deductum ostendit *Vossius Anal.* III. 23. Certius *emulsum* ap. *Catullum*, *LXVI*. 110, *Siccari emulsa pingue palude solum*. Supinum vero *mulctum* tuentur derivata *mulctra*, *mulctrale* et *muletus*. *Vossius* et *Methodi* auctor (ut notat *Ursinus*) *Priscianum* incaute sequuti, idem probant composito *permuletus*: id vero ex *permulceo* est.

4) Addit *Priscianus*, col. 870. *indulsum*, sed testem non profert. *Indultum* vero (quod *Alvarus* negat) confirmat idem *Priscianus* illo *Marcellini*, *Tanquam licentia crudelitate indulta*. *Indultus* quoque utitur *Sidonius* *Epist.* IV. 24. et *indultor* *Tertullian.* adv. *Marc.* IV. 9.

5) *Torsum* etiam antiqui dixerunt, ut *detorsum* ap. *Catonem* teste *Prisciano*, col. 871.

6) In antiquis codicibus saepe legitur *urgeo*.

7) Addit *Ursinus* ex *Prisciano* supinum *fulsum*: at deficit auctoritas.

8) An *tursi* usquam dicatur, multum dubito: *obtursi* autem ex *Lucilio* profert *Priscianus*, l. c.

9) A supino antiquo *Cicero* dixit *alsius* ad *Attic.* VIII. 8. *Varro* et *Plinius alsiosus*.

10) Addunt vulgo et supinum *luctum*, ob formatum inde verbale *luctus*. Quia tamen Participia *lucius* et *lucturus* non sunt in usu, ideo nec supinum *luctum* huic verbo trihuendum existimem.

11) Sed *polluceo*, quod idem est ac *sacrifico*, facit *polluxi*, *polluctum*.

*Frigeo, frixi*<sup>12)</sup>. Sic *per-*, *re-* *frigeo*.

2. *Augeo* facit *auxi*, *auctum*. Sic *ad-*, *ex-* *augeo*.

20. Nil formant *lactet*, *livet*, *scateoque*, *renidet*,  
*Moeret*, *avet*, *pollet*, *flavet*, cum *denseo*, *glabret*.

Praeterito ac proinde supino carent verba sequentia:

*Lacteo*: *liveo*; *scateo*; *renideo*<sup>13)</sup>, *maereo*<sup>14)</sup>, *aveo*<sup>15)</sup>,  
*polleo*; *slaveo*; *denseo*; *glabreo*<sup>16)</sup>.

### Tertia Coniugatio.

#### CIO.

21. Dat *facio*, *feci factum*: *iacio* quoque *ieci*

Accipit, et *iactum*: *specio* *lacioque* creata

Dant XI CTUM: verum *elicui* dic *elicitumque*.

1. *Facio, feci, factum*. Sic composita, tam ea quae  
*a* retinent: ut, *are-*, *cale-*, *made-*, *tepe-*, *bene-*, *male-*,  
*satis-* *factio* etc. quam illa quae *a* in *i* mutant: ut, *af-*,  
*con-*, *de-*, *es-*, *in-*, *inter-*, *of-*, *per-*, *prae-*, *pro-*, *re-*,  
*suf-* *facio*<sup>17)</sup>.

*Iacio, ieci, iactum*. Sic *ab-*, *ad-*, *circum-*, *con-*, *de-*,  
*dis-*, *e-*, *in-*, *inter-*, *ob-*, *pro-*, *re-*, *sub-*, *super-*, *superin-*,  
*tra-* *iicio*<sup>18)</sup>.

12) Perfectum *frigui*, et supinum *frictum*, quae quidam ex Prisciano adiciunt, iamdudum exoleverunt.

13) Simplex *nideo* non est in usu, licet inde *nidor* sit derivatum.

14) Vulgo flectitur *moereo* *moestus sum*: at *moestus* non participium, sed nomen esse, alibi monstrabitur.

15) *Ave*, vel *have*, pro *salve*, verbum defectivum, ut diversam significationem, ita et originem habere Scaliger, Vossius aliique arbitrantur.

16) His addi possunt *calveo*, *ceveo*, *hebeo*, *herbeo*, *lenteo*, *pubeo*, *vegeo*, *uveo*: a quorum plerisque deducta inceptiva in SCO magis sunt, quam ipsa primitiva frequentata. *Liqueo* quoque huc pertinet: neque enim cum Tertulliano adv. Gnostic. c. 6. *Liquuit* vel *licuit*, pro *manifestum erat*, temere dixerim. Vid. supra ad reg. 12. n. 57.

17) Nullum est verbum aequae compositorum ferax, atque hoc verbum *facio*. Proderit autem de ista haec tria observare. 1. Quae cum praepositionibus componuntur *a* in *i* mutant, ac regulariter passivum formant in *ficio*: ut, *afficio*, *afficio*. 2. Quae cum verbis aut adverbis, *a* semper retinent, ac proinde coniugatione simplicis servata, Imperativo activo e abiciunt; voce autem passiva, exeunt in *fi*, *fiēbam*, *fiam*, etc. ut, *calefacio*, *calefac* (non *caleface*) *calefio*; *benefacio*, *benefac*, *benefio*. 3. Cum nominibus composita variant: partim enim *facio* eiusque inflexionem retinent; ut, *lucrificio*, *magnificio*; partim in *fico* aut *ficor*, adeoque in primam coniugationem transeunt; ut, *amplifico*, *sacrifico*; *gratifico*, *ludifico*.

2. Composita à *specio*<sup>19)</sup> et *lacio*<sup>20)</sup> (quæ ipsa obsoleta sunt) faciunt *exi*, *ectum*: ut, *aspicio*, *asperi*, *aspectum*. Sic *circum-*, *con-*, *de-*, *dis-*, *in-*, *intro-*, *per-*, *pro-*, *re-*, *retro-*, *su-* *specio*<sup>21)</sup>.

*Allicio*, *allexi*, *allectum*. Sic *il-*, *pel-* *licio*<sup>22)</sup>.

At *elicio*, *elicui*, *elicitum* facit.

### DIO, GIO, PIO.

22. Dic *fodio*, *fodi*, *fossium*: *fugio* dato *fugi*

Et *fugitum*: *capio cepi*, *captumque* requirit:

At *rapio*, *rapui*, *raptum*: viduumque supino

Dat *sapio*, *sapui*: *cupio* volet *ivit* et *itum*!

1. *Fodio*, *fodi*, *fossium*<sup>23)</sup>. Sic *ad-*, *circum-*, *con-*, *es-*, *in-*, *inter-*, *per-*, *prae-*, *re-*, *suf-*, *trans-* *fodio*.

2. *Fugio*, *fugi*, *fugitum*. Sic *au-*, (pro *ab-*) *con-*, *de-*, *dis-*, *ef-*, *per-*, *pro-*, *re-*, *suf-*, *subter-*, *trans-* *fugio*.

3. *Capio*, *cepi*, *captum*. Sic *at-*, *con-*, *de-*, *ex-*, *in-*, *inter-*, *oc-*, *per-*, *prae-*, *re-*, *sus-* *cipio*, et *ante-* *capio*.

4. *Rapio*, *rapui*, *raptum*. Sic *ab-*, *ar-*, *cor-*, *de-*, *di-*, *e-*, *prae-*, *pro-*, *sur-* *rapio*.

5. *Sapio*, *sapui*<sup>24)</sup>, sine supino. Sic *con-*, *de-*, *re-* *sapio*.

18) *Circumiciio* invenimus et *circumiacio*. Vid. Liv. XXXIII. 18. et XXXV. 4, extr. item *supericiio* et *superiacio*, et *superiectus* vel *superiactus*. Vid. Col. II. 1, extr. Tacit. Hist. V. 6, 6. et Horat. Car. I. 2, 11.

19) *Spiciit* quidem Plautus Mil. III. 1, 100. *spexit* Ennius, *spiciunt* Cato ap. Festum dixere. *Spectio* Ciceronis est Phil. II. 32. *Spectus* quoque ex Apuleio Met. III. sub init. Plin. II. 54, aliisque profertur: at hæc omnia puriorum scriptorum usus repudiavit, ap. Apul. etiam et Plin. *aspectu* vel *respectu* meliores codd. habent: Hinc tamen romansit *specto*, *spectaculum*, *spectrum*, etc.

20) Simplex *lacio* habet Lucretius, IV. 1200, *Quæ lacere in fraudem possent*: et Ibid. 1189, *Plagas in amoris ne laciamur*. Vocem ab antiquo *lax*, i. e. *fraus*, deducit Festus: unde et *lacesso*, *lacto*, *delecto*, etc.

21) A *specio* etiam sunt *conspicor*, *suspikor*, sed mutata coniugatione et genere.

22) Leguntur quidem ap. vetustiores etiam *allicui*, *illicui*, *pellicui*, verum nunc inusitata. Vid. Prisc. col. 877.

23) *Fodiri* in quarta utitur Colum. XI. 2. et de arborib. c. ult. item *circumfodiri*, V. 9.

24) *Vel* etiam *sapivi* aut *sapii*. *Sapui* Probo placere, *Aspro sapivi* et *sapii*, secundum Varronem, ait Priscianus, col. 879. *Charisius*, col. 218, et *Diomedes*, col. 366, utrumque *sapivi* et *sapui* approbant. *Sapivi* dixit Naevius ap. Prisc. l. c. *sapiisti* Martial. IX. 6. *resipisse* Terent. Heaut. IV. 7, [al. 8.] 3. *resipivi* etiam melioribus libris Cic. Attic. IV. 5. et *resipisset*, pro Sext. c. 38, init. pro quibus al. *resipui* et *resipuisset* legitur. *Sapuisset* autem ap. Plaut. Rud. IV. 1, 9. (pro quo vulgo *sapisset*) et *resipui* ap. Afranium legit Priscian. l. c. Nempe hoc verbum, ut et

6. *Cupio, cupivi, cupitum*<sup>25)</sup>. Sic *con-*, *dis-*, *per-* *cupio*.  
RIO. TIO.

23. Dat *pario peperi, partum*, vel ITUM: *quatioque Quassum, vix quassi; cussi at cussum* bene proles.

1. *Pario* habet *peperi, paritum*, et contracte *partum*<sup>26)</sup>. Eius composita sunt quartae, *aperio, operio, comperio, reperio*. Vid. Reg. 44.

2. *Quatio, quassi et quassum*; at praeteritum inusitatum<sup>27)</sup>. Eius composita in *cutio* exeunt, *faciantque cussi, cussum: concutio, concussi, concussum*. Sic *de-*, *dis-*, *ex-*, *inper-*, *re-*, *reper-*, *suc-* *cutio*.

## UO.

24. Queis UO dat finem, per UI labuntur et UTUM.

At *fluo* vult *fluxi, fluxum: struxi, struo, structum*.

Vultque *ruo, ruitum*: dat UTUM proles tibi solum.

Nulla supina dabunt *metuo, pluo, congruo, sicut Annuo, cum sociis; quibus ingruo, respuo* iunges.

1. Verba in UO faciunt praeteritum in UI, supinum in UTUM: ut, *Arguo, argui, argutum*<sup>28)</sup>: unde *co-*, *red-* *arguo*. *Acuo, acui, acutum*: unde *exacuo*. Sic *exuo*<sup>29)</sup>; *induo*. Composita a *luo*, seu *luo* verbo inusitato<sup>30)</sup>: *ab-*, *al-*, *circum-*, *col-*, *di-*, *e-*, *inter-*, *per-*, *pol-*, *pro-*, *sub-* *luo*. *Minuo*: unde *com-*, *de-*, *di-*, *im-* *minuo*.

*cupio*, olim quartae fuisse videtur: *respire* etiam Diomedes agnoscit. Supinum autem *sapitum*, quod ei, dat Despausterius, nusquam exstat.

25) *Cupio* olim et quartae fuit: unde *cupiret* ap. Lucret. I. 72. confirmante lectionem Prisciano, l. c. et Nonio, X. 16.

26) A *paritum* est *pariturus* ap. Cic. de Orat. II. 66. Ovid. Met. V. 304, et alios. A *paritum* est *partus* participium et verbale. Caeterum hoc verbum *pario* olim quartae fuisse suadent non tantum eius composita *aperio, operio*, etc. quae ea in coniugatione adhuc restiterunt; sed etiam praeteritum *parii* pro *parivi*, ap. Caton. R. R. c. 89, *Gallinas teneras quae primum parierint, concludat*. Nec est quod cum quibusdam *parient* illic legamus. Nam *parire* in quarta dictum etiam confirmant Diomedes, col. 378. et Priscianus, col. 802, et col. 880, illo Ennii, *Ova parere solent genu' pennis condecoratum*.

27) Ita docet post Charis. col. 218. Priscianus, col. 880. Supinum tamen *quassum* firmat participium *quassus*, et frequentativum *quasso*, item *quassu*, quo usus Pacuvius ap. Cicer. Tusc. II. 20.

28) Olim *argutum*. Ab hoc *arguturus* ap. Sallust. teste Prisciano, col. 882: ab illo *argutus, argutor, argumentum*.

29) *Exuo* et *induo* a verbo suo deducit Aldus et Faber in Lexico. Rectius Vossius a Graecis *ἐξούειν, ἐνδύειν*, a simplice *δύω*, olim forte Latinis *dub*.



*Statuo*: unde *con-*, *de-*, *in-*, *prae-*, *pro-*, *re-*, *sub-* *stilio*.  
*Suo*: unde *as-*, *circum-*, *con-*, *dis-*, *in-*, *prae-*, *re-* *suo*.  
*Tribuo*: unde *at-*, *con-*, *dis-*, *re-* *tribuo*<sup>31)</sup>.

2. *Fluo*, *fluxi*, *fluxum*<sup>32)</sup>. Sic *af-*, *circum-*, *con-*, *de-*, *dis-*, *ef-*, *in-*, *inter-*, *per-*, *præter-*, *pro-*, *re-*, *sub-*, *super-*, *trans-* *fluo*.

3. *Struo*, *struxi*, *structum*. Sic *ad-*, *circum-*, *con-*, *de-*, *ex-*, *in-*, *ob-*, *prae-*, *super-* *struo*.

4. *Ruo*, *rui*, *ruitum*<sup>33)</sup>. Composita in supino faciunt *UTUM*, penultima brevis: ut, *diruo*, *dirui*, *dirutum*<sup>34)</sup>. Sic *e-*, *ob-*, *pro-*, *sub-* *ruo*. *Corruo* tamen et *irruo* supina, quod sciam, non admittunt.

5. Supino carent verba sequentia: *Metuo*, *metui*: unde *praemetuo*. *Pluo*, *plui*<sup>35)</sup>: unde *ap-*, *com-*, *de-*, *im-*, *per-* *pluo*. *Congruo*<sup>36)</sup>, *congrui*: *Ingruo*, *ingrui*: *Annuo*, *annui*. Sic alia composita ab inusitato *nuo*: *abnuo*; *innuo*: *renuo*<sup>37)</sup>. *Respuo*, *respui*<sup>38)</sup>, <sup>39)</sup>.

30) At *luo*, cum dicimus *luere aes alienum, delicta, poenas*, a Græco *λύω*, i. e. *solvere*, deducit Vossius in Etymol. Vid. tamen Perizon. ad Sanct. p. 281. Praetorito *lui* facit (olim *luvi*; sic enim Vossio legitur illud Lucili ap. Nonium VIII. 47. *Tantalu' qui poenas ob facta nefantia luyit*: at in meis pro *luvit* pendit habetur.) Supino *luitum*, unde *luiturus* ap. Claudianum, XXVIII. 140. et *luitio* ap. Ulpian. l. 1. §. 4. ff. de *quis et legit. haered.* At a *luo*, pro *lavo*, compositis Participia sunt *ablutus*, *dilutus*, *elutus*, *illutus*, *pollutus*, etc.

31) His adde *sternuo*, *sternui*, *sternutum*, unde *sternuto*, quod magis in usu est. Videntur et olim dixisse *delibuo*, *delibui*, *delibutum*; unde remansit *delibutus*.

32) Videtur *fluo* et supinum *fluctum* habuisse: unde Verbale *fluctus*, ut a *fluxum fluxus*.

33) Inde Participium *ruiturus* ap. Lucan. II. 499. *Rutum* quoque supino fuisse probant *ruta caesa* ap. Ictos.

34) *Diruitus* legitur in antiqua Inscriptione ap. Gruterum, p. 1071. n. 5. *Eruiurus* quoque dici notat Vossius, quamvis supinum *erutum*, participiumque *erutus* usu solum frequententur.

35) Olim *plui*, quemadmodum Prisciani aetate aliquot Livii locis legebatur, ubi hodie castigatiores libri *plui* exhibent. Addunt quidam et supinum *plutum*, nixi Participio *complutus* ap. Solinum, c. 10: at is parum probatus Latinitatis auctor.

36) *Congruo* et *ingruo* ab antiquo *gruo*, et hoc a *gruibus*, veteres deducunt: Vossius a *ruo*, g. adscito, derivata existimat.

37) Simplex *nuo* non est in usu, licet inde sint *nutus*, *nuto*, et *numen*; quod primum pro *nutu* ipso acceptum, ut in illo Lucretii, II. 632, *Terrificas caput quatientes numine cristas*, postea pro *nutu* seu voluntate *Divina*, vel *Deo ipso* usurpari consuevit. \* Supina *annutum*, *renutum*, memorat quidem Priscianus, col. 882. sed non probat. *Renutus* quidem verbale est ap. Plin. Epist. I. 7. et *renuto* frequentativum ap. Lucret. IV. 601. et Prudent. Hamart. 774. *Abnuiturus* in correctissimis Sallustii, Frag. I. 20, exemplaribus legi testatur Dausquius Orthogr. Vol. II. p. 3. quamvis *nutus* et *nuto*, *abnuturus* postulent. Firmat illud et

## BO.

25. BI BO BITUMque facit. *Scabo, lambō carento supinis:*

*Orta cubo, ternum quibus m dedit indita flexum, Dant cubui, cubitum. Vult scribo nuboque PSI, PTUM.*

1. Verbum desinens in BO facit in praeterito BI, in supino BITUM: ut,

*Bibo, bibi, bibitum. Sic ad-, com-, e-, im-, per-, prae- bibo* <sup>40)</sup>.

2. *Scabo* facit *scabi*, sine supino <sup>41)</sup>: item,

*Lambō, lambi* <sup>42)</sup>. Sic *ad-, circum-, de-, prae- lambō.*

5. Composita a *cubo*, quae in hac coniugatione *m* in praesenti assumunt, praeterito et supino formam simplicis sequuntur: ut, *accubo, accubui, accubitum. Sic con-, de-, dis-, in-, oc-, pro-, re-, suc-, superin- cumbo* <sup>43)</sup>.

4. *Scribo, scripsi, scriptum. Sic ad-, circum-, con-, de-, ex-, in-, inter-, per-, post-, prae-, pro-, re-, sub-, super-, supra, tran- scribo.*

*Nubo, nupsi, nuptum; olim pro velo* <sup>44)</sup>. Sic *de-, e-, in-, ob- nubo.*

*abnuittio* ap. Festum voc. In. \* Apud Ennium vero *annuit* invenitur penultima longa, teste Prisciano, l. c. nisi potius *annuuit* is scripserit, ab *abnuo*.

38) A simplice *spuo, spui, sputum*: cuius et alia composita supinum vix agnoscunt, *conspuo, expuo, inspuo*.

39) Adde *batuo, batui*, h. e. *percutio*, rarioris usus verbum. Addunt Despuiterius et alii *cluo*. Sed hoc, quanquam mediae et recentioris aetatis Scriptoribus satis usitatum, apud Classicos illos vix reperitur. Nam quod Auctor Methodi participium *cluentes* proferat ex illo Ciceronis de duobus Caepionibus loquentis, Brut. c. 25, extr. *Multum cluentes consilio et lingua, plus tamen auctoritate et gratia sublevabant*: quis non videat *clientes* hic, ut optimae quaeque Editt. habent, esse legendum?

40) Addunt *glubo, glubi, glubitum*, et compositum *deglubo, -bi, -bitum*. Sed horum praeterita et supina nusquam iam comparant. Sane *glubo gluptum* potius quam *glubitum* supino habuisse, indicat *deglupta Maenae* ap. Plaut. Poen. V. 5, 33. et *mus degluptus* ap. Marc. Empir. c. 16.

41) Addit Ursinus *scabitum* nullo auctore. Sed neque firmo satis fibicinis nititur et ipsum praeteritum *scabi*: *scaberat* enim ap. Lucilium, quo id Priscianus probat, col. 384. a *scabeo* deducit Ios. Scaliger. Vid. Voss. Anal. III. 25.

42) Inferioris aetatis Scriptores *lambui* et *lambivi* dixisse notat Voss. l. c. \* Supinum ei *lambitum* tribuunt nonnulli; praeter auctoritatem Vossius ait. Ab eo tamen verbali *lambitus* utitur Aur. Vict. de orig. gent. Rom. *Lupam primo lambitu pueros deteresce*.

43) Olim dixerunt *cumbo* pro *cubo*, quemadmodum et nunc *iungo*, pro *iugo*, *iugae*, frequentius dicimus.

## C O.

26. Dant XI, CTUM dico, duco simul; N que remota Vult vinco, vici, victum: geminato peperci A parco, parsum adiiciens; quod SI dat ITUMque Rarius. Ico sibi formavit et icit et ictum.

1. Ex verbis in CO, duo faciunt XI, CTUM:

Dico, dixi, dictum. Sic ab-, ad-, con-, contra-, e-, in-, inter-, prae-, pro- dico.

Duso, duxi, ductum. Sic ab-, ad-, circum-, con-, de-, di-, e-, in-, intro-, ob-, per-, prae-, pro-, re-, se-, sub-, tra- vel trans- duco.

2. Vinco, n amisso, vici, victum. Sic con-, de-, e-, per-, re- vinco.

3. Parco, peperci<sup>45)</sup>, parsum<sup>46)</sup>, raro parsi, parci- tum<sup>47)</sup>. Sic com- parco<sup>48)</sup> vel com- perco.

4. Ico, ici, ictum.

44) Pro nupsi etiam nupta sum dicimus, sensu quidem eodem, sed modo significandi diverso; nam nupta sum, passivum est, nupsi activum. Nubere autem primaria verbi notione est nubis instar tegere; ad coniugium ideo translatum, quod nova nupta flammæo nubetur seu velaretur.

45) Methodi auctor Cor. Frontonem et Verepaeum reprehendit, eo quod parsi rarius dicant. quam peperci usurpari. Verepaeus id quidem et verissime affirmat. parsi enim Plautus Curc. III. v. 10. Poen. V. 2; 33. Trin. II. 2, 35. Pseud. I. 1, 3. Pers. IV. 4, 23. et Truc. II. 4, 24. Terentius Hec. III. 1, 2. Suetonius de illustr. Gram. 23, 4. et Gellius, V. 14. soli et (praeter Plautum) singularibus fere locis utuntur: qui omnes et peperci proferunt. Contra Cicero, Virgilius, Horatius, Ovidius, Sallustius, Caesar, Nepos, Tacitus, Val. Maximus, Statius, Martialis, Valer. Flaccus, Manilius, Phaedrus, Claudianus, Iustinus, etc. peperci tantum adhibuerunt. Caeterum Methodi auctor male intellexit Frontonis verba: is enim varium pro vario praeterito significandi usum commentus, parsi inquit, semel, peperci saepius: ut prius de eo cui unius peccati, posterius cui multorum veniam dederis, sit dicendum. Ac vanam quidem esse eam distinctionem monet Voss. Anal. III. 25, ut et alteram Donati, qui parco pro conservo, parsi, pro veniam do, peperci, facere existimat. Vero propior Servius, qui ad Virg. Aen. I. 148. parsi antiquos, peperci recentiores, ait dixisse. Sed et vetustissimos parci protulisse, ut Naevium in Quadrigeminis, testatur Nonius, II. 658. unde supinum fuerit parci- tum.

46) Parsurus a parsum dixere Varro ap. Priscian. col. 887, Parsurus pecuniis bene partis. Livius, XXVI. 13, sub. lin. Nedium eos Capuae parsuros eradam. Id. XXXV. 44, Nec impensae, nec labori, nec periculo parsurum. Sueton. Tiber. c. 62, 4, Ne reliquis quidem nepatibus parsurum creditur. Id. Ner. XXXVII. 6, Ne reliquis quidem se parsurum Senatoribus.

47) Supinum parci- tum (quod huic verbo etiam tribuunt omnes fere Grammatici) nusquam iam invenitur. Quidam, et in his Ant. Nebrissen- sis, Alvarus et Danesius, probare nituntur illo Plinii, XXIII. 4. §. 21. extr. Italiae parci- tum est vetere interdicto patrum, ut diximus. Sed libri emendatiores habent: Italiae parci vetere interdicto patrum diximus.

## SCO.

27. Vertitur in VI, TUM, SCO. *Paseo* dat tibi *pastum*: *Agnosco* sed ITUM capiet *cognoscoque*. *Disco* Vult *didici* primam geminans; sic *posco*, *poposci*; *Dispescit*, *compescit* UI dant: cuncta supinis Orba. Nihil *glisco*, nihil ineptiva crearunt.

1. SCO mutatur in VI et TUM: ut,

*Cresco*, *crevi*, *cretum*. Sic *con-*, *de-*, *ex-*<sup>49</sup>) *re-*, et sine supino, *ac-*, *in-*, *per-*, *pro-*, *suc-*, *super-* *creseo*.

*Nosco*, *novi*, *notum*<sup>50</sup>). Sic *dig-*, *ig*, *inter-*, *per-*, *prae-* *nosco*.

*Quiesco*, *quievi*, *quietum*. Sic *ac-*, *con-*, *inter-*, *re-* *quiesco*.

*Sciaco*, *scivi*, *scitum*. Sic *ad-*, *can-*, *de-*, *prae-*, *re-* *scisco*.

*Suesco*, *suevi*, *suetum*. Sic *as-*, *con-*, *de-*, *in-* *suesco*.

*Parcitus* quoque ex Apuleii Met. I. VIII. profert Lowaeus. At nuspiam, quod asiam, ea voce (certe non eo libro) Apuleius utitur. Viri eruditissimo imposuisse videtur *parcitus* pro *percitus* (quod semel iterumque eo in libro occurrit) mendoso aliquo codice excusum. Nihilo melius argumentatur Alvarus (quem et Vossius et Methodi auctor insauti sequuntur) qui id supinum stabiliri putat nomine *parcitas* ap. Senec. de Clem. I. 21. *parcitas* enim non a supino, sed a nomine *parcus*, eodem modo que a *bonus*, *bonitas*, a *clarus*, *claritas*, et infinito eiusmodi, derivatur. Vid. Ursin. p. 709.

48) Apud Terent. Phorm. I. 1, 9. *comparsit* vulgo legitur: Faernus ex Bembinio codice *compersit* edidit. *Comperco* etiam utitur Plautus Poen. I. 2, 137, *Comperce*, *amabo*, *me attrectare*, *Agorastoteles*: quam vocem et restituendam putat Dacierius ap. eund. Bacch. III. 3, 59, *Cave malum et comperce in illum dicere iniuste*: vulgo *compesce*. Confirmat quod Festus antiquos ait *comperce* pro *compesce* dixisse: quanquam Ursinus in diversum abiens *comparece* non pro *compesce*, sed pro simplice *parce* dictum contendat. V. eam p. 709. \* Porro *imperco* pro *parco* utitur idem Plaut. Amph. I. 3, 2. Casin. IV. 4, 12: item *reparco* idem Truc. II. 4, 25. et Lucret. I. 668; sed sensu diverso, hic pro non *parce*, ille pro *vicissim parco*.

49) In illo Virgilii Geo. III. 398, *Multi iam exeretos prohibent a matribus haedos*, Servius; Methodi auster et alii, *exeretos* de hoedis validioribus qui iam *exereverint*, accipiunt, ab *exeresco*: Ursinus vero, p. 715, et Ruaeus de hoedibus segregatis intelligunt, ab *excerno*. Philargyrius inter utramque ambiguis haeret. Mihi, propter adiectam voculam iam, prior placet sententia.

50) Supinium antiquis *noscitum* fuit, inde frequentativum *noscito*, et *ignosciturus* ap. Pisonem Frugi, teste Prisciano, col. 887. At Terent. Adelph. III. 4, 23, *ignotum est*, pro *ignovimus*, dixit, eodemque sensu Cic. de Harusp. Resp. c. 18, *Nisi forte tibi ignotum putas*: et *ignoturus* ex Ciceronis Cat. mai. et Catonis lib. V. Orig. profert idem Prisc. col. 886.

2. *Pasco*, *pavi*, *pastum*. Sic *com-*, *de-* *pasco*.

5. Duo a *nosco* composita faciunt in supino ITUM: *Agnosco*, *agnovi*, *agnitum*<sup>51)</sup>; *cognosco*, *cognovi*, *cognitum*. Sic *revoco* *nosco*.

4. Duo principium praeteriti geminant, supinoque carent.

*Disco*, *didici*<sup>52)</sup>. Sic *ad-*, *con-*, *de-*, *e-*, *per-*, *prae-* *disco*.

*Posco*, *poposci*<sup>53)</sup>. Sic *ap-*, *de-*, *ex-* *re-* *posco*.

5. *Compesco*, *compescui*<sup>54)</sup>, sine supino. Sic *Dispesco*, *dispeacui*.

6. Praeterito ac supino carent, *gliaco*: item verba inceptiva: ut, *madescio*; *aresco*. Eiusmodi autem verba suorum primitivorum praeteritum, et (si quod habeant) supinum assumunt: ut, *ardescio*, *ars*, *arsum*, ab *ardeo*; *abolesco*, *evi-*, *-itum*, ab *aboleo*; *delitesco*, *delitui*; *resipisco*, *resipui*, vel *revivisco*, *revixi*<sup>55)</sup>, a *deliteo*, *resipio*, *revivo*<sup>56)</sup>.

51) *Agnos* tamen *Pacuvius* et *agnoturus* *Sallustius* ap. *Prisc.* l. c. dixerunt. Caeterum ab hoc paulo diversum est *adnotus*, pro *valde notus* ap. *Sueton.* de *illustr. Gram.* l. 2. ut *ignotus* pro non *notus*.

52) Supinum ei datur a *Prisciano* *dictum*, cuius rei indicium facit *disciturus* ap. *Apuleium*, col. 887. Sed levior eius *Scriptoris* habetur auctoritas.

53) *Priscianus*, l. c. huic etiam verba supinum tribuit *poscitum*: et *expositum caput* ap. *Senecam* memorat *Vossius* *Anal.* III. 25.

54) Id. *Priscian.* d. l. supina admittit *compescitum*, *dispeacitum*: at col. 921, revocata sententia, haec, ut et *disco* et *posco*, supino docet carere. Caeterum *compesco* et *dispesco*, composita sunt a *paseo*: proprie enim *compescere* est pecus iisdem pascuis continere, sive in unum cogere: *dispscere* est gregem separare, ita ut pars seorsum pascatur. Ex eodem fonte est *impesco* ap. *Festum*, i. e. in laetam segetem pascendi gratia immittere.

55) Sic *adolesco*, *adolevi* (rarius *ui*) *adultum*; ab *adoleo*; *coalesco*, *coalui*, et *coalitus sum*, a *coaleo*; *concupisco*, *-ivi*, *-itum*, a *cupio*; *convalesco*, *-ui*, *-itum*, a *valeo*; *edormisco*, *obdormisco*, *-ivi*, *-itum*, a *dormio*, *exolesco*, *-evi*, *-etum*, ab *exoleo*; et *ascio* eiusque composita (de quibus dictum) *scivi*, *scitum*, a *scio*; *obsolesco*, *-evi*, *-etum*, ab *absuleo*; *inveterasco*, *-avi*, *-atum*, ab *invetero*; *senesco*, *senui*, *senectum* (unde *senectus*, *-utis*, *senecta aetas* ap. *Plant. Amph.* IV. 2, 13. *senectum corpus* ap. *Sallust.* *Hist. Frag.* IV. 1.). Sic et *creasco*, *crevi*, *cretum*, a *creo*, per *Syncopen*, pro *creasco* [ut *hisco*, ab *hio* pro *hiasco*] et sine supino *acesco*, *acui*, *tepesco*, *tepu*. Sic *conticesco*, *erubesco*, *excandescio*, *frondesco*, *horresco*, *ingemisco*, *putresco*, *refrigesco*, *stupesco*, *tabesco*, etc. Item a primitiva inusitata, *crebesco*, *-ui*; *dulcesco*, *-ui*, et *duresco*, *macresco*, *manuscesco*, *notesco* et *innotesco*, *obmutesco*, *obsurdesco*, *villesco*. Quibus adde in textu memorata *quiesco* ab inusitato *quieo*, et *suesco* a *sueo*, quo utitur *Lucretius*, l. 55, et 302. Item sine praeterito et supino, *calvesco*, *habesco*, *herbesco*, *labusco*, *lactesco*, *renidesco*, et *hisco* eiusque composita *dehisco*, et *fatisco* (quod est a *fatim* et *hisco*) et *integraeo*; quamvis primitiva *hio* et *integro* utrumque habeant. Sunt quaedam denique in *scio*

## DO.

28. DO finita petunt DI, SUM. Sed *divido*, *rado*,  
Dant SI, SUM, *claudio*, *plaudio*, cum *ludere*, *trudo*,  
Et *luedo*, *rodo*, compositaque *vado* (quod ipsum  
Praeteritum vix dat,) geminans ac S quoque *cedo*.  
At *pando*, *pandi*, *passum*, *pansumque*: *comedi*.  
*Estum* saepe capit; N perdens *fundoque fudi*,  
Et *fusum*: sic *scindo*, *scidi*, sic *findo* *fidique*,  
At *scissum*, *fissum*, duplicans S, redde supinis.

1. DO syllaba terminata formant praeteritum in DI,  
supinum in SUM: ut,

*Cudo*, *cudi*<sup>57)</sup>, *cusum*. Sic *ex-*, *in-*, *per-*, *pro-*,  
*re-* *cudo*.

*Mando*, *mandi*, *mansum*. Sic *prae-*, *re-* *manda*.

*Scando*, *scandi*, *scansum*. Sic *a-*, *con-*, *de-*<sup>58)</sup>, *e-*,  
*ex-*, *in*, *tran-* *scendo*.

*Prehendo*, *prehendi*, *prehensum*<sup>59)</sup>. Sic *ap-*, *com-*,  
*de-*, *re-* *prehendo*.

*Accendo*, *accendi*, *accensum*. Sic *in-*, *suc-* *cendo*, ab  
obsoleto *cando* composita.

*defendo*, *defendi*, *defensum*. Sic *of-* *fendo*, ab inusi-  
tato *fendo*.

2. Sequentia habent SI, SUM:

*Divido*, *divisi*, *divisum*<sup>60)</sup>.

a nominibus derivata: ut, *molliesco*, *mitesco*, *plumaseo*, *sterilesco*, etc.  
quibus forte adde *bruseo* et *obbrutesco*, *crudeo* et *revrudesco*, *maturesco*,  
*sanescio* et *consanescio*, *vanesco*; sive a verbis obsoletis *bruteo*, *crudeo*,  
*maturo*, *saneo*, *vaneo*, sive a nominibus, *brutum*, *crudus*, *maturus*, *sanus*,  
*vanus*, proxima exorta. Ex his priora praeterito et supino; posteriora  
supino tantum deficiunt.

56) Huc pertinet *conquiesco*, antiquum verbum, cui praeteritum *con-*  
*quexi* dat Caper, teste Prisciano, col. 885. Dictum et *equiesco*, ut est  
ap. Nonium, II. 600. Utrumque inceptivum, atque a *quies* derivatum vi-  
detur. V. Voss. Etym. voce *coenum*.

57) *Cudo*, cui declinant Charisius, Diomedes et Phocas teste Pri-  
sciano, col. 889. ipse *cudi* probat ex illo Virg. Aen. 2. 178, *Ac primum*  
*silicia scintillam excudit Achaes*, *Suscipitque ignem foliis*. At validius  
rem firmat Vossius, qui Anal. III. 26, ex Varrone R. R. (non ut ille ha-  
bet, Columella) III. 9. adfert — *Ova tollenda, et miscienda aliis quod*  
*nondu[m] excuderint: et ex Colum. VIII. 6, meth. Animaduvertat an pulli*  
*rostellis ova percuterint*. [Phocas p. 1715. *cudi* probat. G. St.]

58) *Descendi* veteres dixerunt, teste Gellio, VII. 9.

59) Contracto *prendo*, *prendi*, *presum*: unde *prendidi* (quod vulgo  
legitur ap. Silium, XV. 645, *Fert telum cuiuscunque viro, quem prendidit*  
*ictus*) declinatum velunt Ursinus, p. 718. et Johnsonus, p. 871. At *pre-*  
*derit* illic legendum ostendunt Modius, Heinsius, et alii.

*Rado, rasi, rasum.* Sic *ab-, circum-, cor-, de-, e-, inter-, prae-, sub- rado.*

*Claudo, clausi, clausum.* Sic *circum-<sup>61)</sup>, con-, dis-, ex-, in-, inter-, oc-, frae-, re-, se- cludo, quae a mittunt<sup>62)</sup>.*

*Plaudo, plausi, plausum.* Sic *ap-, circum- plaudo: item com-, dis-, ex-, sup- plodo, quae tu mutant in o longum.*

*Ludo, lusi, lusum.* Sic *ab-, at-, col-, de-, e-, il-, inter-, ob-, prae-, pro-, re- ludo.*

*Trudo, trusi, trusum<sup>63)</sup>.* Sic *abs-, con-, de-, ex-, in-, ob-, pro-, re- trudo.*

*Laedo, laesi, laesum.* Sic *al-, col-, e-, il-, lido, ae diphthongo in i longum mutata.*

*Rodo, rosi, rosam.* Sic *ab-, ar-, circum-, cor-, de-, e-, ob-, per-, prae- rodo.*

*Vado, vasi, vasum, (sed praeterito<sup>64)</sup> ac supino extra compositionem vix usitato).* Sic *circum-, e-, in-, per-, super- vado.*

*Cedo, cessi, cessum, ss utraque.* Sic *abs-, ac-, ante-, con-, de-, dis-, ex-, in-, inter-, prae-, pro-, re-, retro-, se-, suc- cedo.*

5. *Pando, pandi, passum, et interdum pansum<sup>65)</sup>.* Sic *dis-, ex-, op- prae-, re- pando.*

4. *Comedo, comedi, comesum, nonnunquam comestum.* Sed *edo simplex, aliaque eius composita, ut, ad-*

60) *Divido*, non a *dis* et *vado*, ut quidam volunt; sed ab antiquo *iduo*, i. e. *partior*, compositum est.

61) *Circumclaudo* utitur Caesar B. Civ. III. 30. Idem tamen B. G. VII. 78. et Plin. XVIII. 35, *circumcludo*.

62) Pro *claudo* simplice veteres etiam *cludo* dixerunt: unde *clusus* ap. Val. Flacc. I. 239. et *Ianum clusit* in veteribus nummis.

63) *Trusi* vix iam usitatum videtur: *trusum* tamen confirmat *trusus* ap. Tac. Hist. V. 25, 5. *trusito* ap. Phaedr. II. 7, 8. et *trusatilis mola* ap. Gell. III. 8.

64) *Vasi* legitur ap. Tertullian. de Pall. c. 3, *Ad illam ex Libya Ammon vasit*. Aldus quoque ap. Martial. XII. 5. *et breve vasit opus, edidit; pro quo alii rasti*.

65) Charisius (si Ursino credimus) verbo *pandor* tribuit perfectum *passus* et *pansus sum*. *Pansus* autem apud Prudentium contr. Symmach. I. Praef. v. 48. et alios Scriptores Ecclesiasticos reperitur. Unde et cognomen *Pansa*, i. e. *pansos* sive *latos pedes habens*. Vid. Plaut. Merc. III. 4, 55. Hanc *dispansa arbor* Plin. IX. 4. *dispansam palmam* Sueton. Domit. XIX. 5. *vestes dispansae* Lucret. I. 307. *expansa retia* Plin. X. 8. et *expansa vellera* Id. XXI. 6, dixerunt. Servius tamen ad Virg. Aen. I. 484. et Gellius, XV. 15. *passus* non *pansus* dicendum praecipunt. Posterior etiam ex Caecilio adfert *expassum flammeum*, et ex Plauto Mil. [II. 4, 7.] *dispassis manibus*, u. littera in e mutata.

*amb-, ex-, per-, sub-, super- edo*, regulam generalem sequuntur.

5. Tria *n* in praeterito et supino abiciunt:

*Fando, fudi, fustum*. Sic *af-, circum-, con-, de-, dif-, ef-, in-, inter-, of-, per-, pro-, re-, suf-, super-, superin-, trans- fundo*.

*Scindo, scidi*<sup>66</sup>), *scissum*, duplici *ss* in supino. Sic *ab-, circum-, con-, dis-, ex-, inter-, per-, prae-, pro-, re-, tran-* scindo.

*Findo, fidi, fissum*, duplici *idem ss* in supino. Sic *con-, dif-, in-* findo<sup>67</sup>).

29. *Tundo* facit *tutudi tunsum*, compostaque *tusum*.

Et *cado* vult *cecidī casum*: sed nata supinum

(*Incido* si *demas recido*, simul *ocido*) spernunt.

*Caedo cecidit* habet *cadesum*: sic *tendo tetendī*,

*Tensum* vel *tentum*; magis *tentum* sed dato proli:

Vultque *pepedit ITUM pedo*: *pensumque pependī*

*Pendo* capit: *DIDIT* atque *DITUM* cum *ven-*  
*dere, credo*,

Et prope cuncta sibi quae *DO* cum praepositis

Gignit: at *abscondo* potius *DIT* quam *DIDIT* effert.

Praeterito *DI strido, rudo* dant, absque supinis,

*Sido*que, sed soboli *sedeo* dat mutuo *sedi*.

Quaedam in *DO* geminant principium praeteriti: ut,

*Tundo, tutudi*<sup>68</sup>) *tunsum*, interdum *tusum*<sup>69</sup>). Composita *tudi* et *tusum* habent, ut *contundo, contudi, contusum*. Sic *ex-, ob-, per-, re-* tundo.

66) Olim praeteritum habuit *sescidi* vel *sciscidi*. Vid. Priscian. col. 890. unde forte est quod *scidi* adhuc primam, contra praeteritorum bisyllaborum consuetudinem, corripit: neque ineptum est creditum, *fecidi* olim aut *fifidi*, pro *fidi* a *findo*, ob eandem rationem, antiquos dixisse.

67) His addi potest *frendo* (pro quo *frendeo* saepius dicimus) *frendi, fressum*. Vid. supra reg. 14<sup>a</sup> n. 75.

68) *Tutudi* agnoscunt Charisius, col. 217: et Priscianus, col. 891: item Diomedes, qui tamen et alterum praeteritum ponit *tunsi*, col. 369. Neutrum apud Classicos exstare amplius notat auctor Methodi, p. 256. Verum, etsi rarum sit *tutudi*, legitur tamen in loco Varronis ap. Gell. II, 25. Est autem hoc praeteritum ab antiquo *tudo*, unde et *tudes* nomen, et frequentativum *tudito* ap. Ennium teste Festo, et Lucretium, III. 395.

69) A *tunsum* est participium *tunsus* ap. Virg. Geo. IV. 267 et 302: et Aen. I. 485: et Aen. XI. 97. Colum. R. R. VI. 7. Apul. Met. IV. p. 125: et Met. VII. p. 229. Pallad. I. XXVI. 30: et Octob. t. 14, 102.



*Cado, cecidi, casum.* Sic *incido, incidi, incasum*<sup>70)</sup>; *recido, recidi, recasum*<sup>71)</sup>; *occido, occidi, occasum*<sup>72)</sup>. Alia composita supinum non habent; *ac-, con-, de- ex-, inter-, pro-, suc- cido*<sup>73)</sup>.

*Caedo, cecidi, caesum.* Composita *ae in i* longum mutant; *accido, accidi, accisum.* Sic *abs-*<sup>74)</sup>, *con-, circum-, de-, ex-, in-, inter-, oc-, per-, prae-, re-, suc- cido, Tendo, tetendi*<sup>75)</sup> *tensum* vel *tentum*<sup>76)</sup>. In plerisque compositorum *tentum* magis est usitatum: ut, *ad-*

que imitantem Buchananum nostrum Paal. LXV. 7. a *tusum* vero *tusus*, quo utuntur Plin. XIV. 20. XX. 2, et pluribus aliis locis, Vitruv. II. 5. VII. 1 et 3. Pallad. I. 9, extr. et 12, extr. et 35 prin. et Nov. 2. 20 extr. et Pierius ap. Virg. Geo. III. 133, *Cum graviter tusia gemit arca frugibus*, in antiquissimo pedice Romano legi testatur. Contra, quamvis in compositis *tusus* sit usitatus, invenitur tamen *obtusius* ap. Plant. Casin. V. 1, 8. *retusius* ap. eund. Pseud. I. 2, 26: et ibid. IV. 4, 8: et *detusius* ap. Apul. Met. II. sub fin. *obtusio* ap. Lamprid. in Commod. c. 10. Et ap. Virg. Geo. I. 262. *pomeris obtusius*, et Geo. III. 135. *obtusior usus*, et Geo. IV. 240. *contusos animos*, et ap. Gell. XIII. 24. *Quis tam obtusius ingento est?* in vet. codd. invenisse se tradunt, Pierius d. l. Pareus in Lexie. Crit. p. 880: et Gifanius Indic. Lucret. voc. *disipando*: etsi aliter fere hisce in locis iam legatur.

70) Inde *incasurus* ap. Plin. II. 27.

71) Hinc *recasurus* ap. Cic. Attic. IV. 16, sub fin. Sueton. Aug. XCVI. 4.

72) Inde etiam *occasurus* ap. Cic. pro Mil. 86. et Porc. Latr. Declam. c. 8. et *Sol occasus* ap. Plaut. Epid. I. 2, 41: et *Manaechn.* V. 7, 33: et Gell. III. 2, quod et ex legibus XII. tabb. et ex Cl. Quadrigario, idem profert XVII. 2.

73) A *succido* etiam *succasum* veteres dixisse videntur: unde *succasu venti* dixit Varro ap. Nonium, VI. 21. Alii tamen hic *suo casu*, alii *occasu* legunt.

74) Distinguenda sunt *abscedi, conscidi*, penultima brevi, ab *abscedi, concidi*, penultima longa; itemque *abscissum, conscissum*, ab *abscisum, concisum*. Illa enim sunt ab *abscondo, conscendo*, haec ab *abscido, concido*. *Abscidit* media producta extulere Ovid. Met. XII. 362. Lucan. IV. 503. Martial. III. 66. Senec. Phoeniss. v. 194. eadem correpta Virg. Aeu. III. 418. Ovid. Met. I. 23. Val. Flacc. I. 489. Stat. Theb. X. 863, etc. A priore est *abscisus* ap. Caesar. B. G. III. 14. Liv. IV. 19, et *abscisior* Val. Max. VI. 5, 4, a posteriore *abscissus*, passim. Confer Parei Lexic. Crit. p. 11, et Gronov. ad Liv. XLIV. 5.

75) Invenitur et sine reduplicatione *tendi*. Nam Seneca Herc. fur. v. 538. *Et qua plena rates carbasa tendebant*: et — *nostro tendisti retia lecto* Propertius, III. 6, 37, dixerunt. Quamquam in posteriore *tendisti* a recentioribus editoribus in *nexisti* mutatum queritur Vossius, Anal. III. 26. Broukhuisius quidem omnibus libris scriptis *tendisti* exaratam fatetur: alterum tamen illud *nexisti*, auctoritate adductus Grammaticorum veterum, praesertim Prisciani, col. 908, et Diomedis, col. 366, praefereundum existimat.

76) A *tentum* est, *Pygus tentus omaso, tenta ubera, tenta praeordia*, ap. Horat. Sat. II. 5, 40. Epod. XVI. 50: et Epod. XVII. 26. *tentum cornu* ap. Ovid. Met. VI. 248. *tento poplite* ap. Val. Flacc. I. 185. *tenta tympana*, et *tenta frons* ap. Lucret. II. 618: et VI. 1193, ut silcan

con-, de-, dis-, ob-, prae-, pro- tendo<sup>77</sup>). *Extensum* vel *extensum* ab *extendo* promiscue dicitur. *Ostensum* vero ab *ostendo*, magis in usu est quam *ostentum*<sup>78</sup>).

*Pedo*, *pepedi*, *peditum*<sup>79</sup>). Sic op- *pedo*.

*Pendo*, *pependi*<sup>80</sup>), *pensum*. Sic ap-, de-, dis-, ex-, im-, per-, re-, sus- *pendo*.

spurcum neo castia nominandum vocis usum. A *tensum* rursus est *tensio* arcu, *tensio poplite*, *tensae pennae* ap. Stat. Sylv. III. 1, 51. Theb. IX. 478; et Sylv. IV. 8, 88. *tensis rudentibus*, et *tensis laceris* ap. Lucan. II. 688; et VII. 469. *tensum iecur*, et *tensio folle* ap. Inven. VII. 117; et XIV. 281; et *tensus cucumis* ap. Pallad. Mart. t. 9. Addit Vossius *tensa aëre* ap. Lucan. I. 526, pro quo omnes quos viderim impressi *denso*. Confirmat tamen Vossii lectionem Priscianus, col. 892.

77) Ab *attendo* et *contendo*, *attentus* et *contentus* nunc solum leguntur [ap. Lucret. tamen II. 99. *contento ebaciliatu* editum est a Gifanio, vulgo *condensio*.] item ab *intendo*, pro *operam do*, *intensus*. *Intendo* vero, cum contrarium est verbo *remitto*, *intensus* et *intensus* habet, et hoc paulo frequentius. Sic ex Cic. Nat. Deor. I. 19, *Mentem in imagines intensam*; et Orat. c. 36, *Principia verecunda, non elatis intensis verbis*, proferunt; et meliores illic *intensam*, hic *incensa* habent. Seneca autem de Ira, II. 85, *intensor impetus*; Nazar. in Paneg. Constant. c. 28, *modice intensor*; et D. Augustin. Epist. 56, *intensissimam aurem praebere*; P. Syrus, *Arcum intensio frangit, animum remissio*; Seneca N. Quaest. II. 6, 8, 9, *intensio aeris*, *intensio spiritus*, *intensio aquae*, dixerunt. At contra Cic. de Orat. III. 57, *chordae intentae*; Ovid. de Pont. I. 5, 60, *intentus labor*; Plin. VIII. 8, *intentus arcus*; Tacit. Hist. I. 89, 1, *intentis alimentorum pretiis*. Sic *intensor sermo* ap. Cic. de Orat. I. 60; *intensissima cura* ap. Liv. XXV. 22; *intentio vocis* Quintil. I. 17. \* A *distendo* saepius *distensus*, nonnunquam etiam *distensus*, ut ap. Hirt. B. Alex. c. 45. \* Ab *extendo*, *extensus* usitata est; *extensio* tamen *digilis* Cicero dixit Acad. Q. IV. 47; *extensio curvibus* Plin. X. 64; *extensum corpus* Id. XXXVII. 5; *extensor manus* Quintil. XI. 8; *extensissima castra* Liv. XXI. 32. \* *Detensus* a *detendo* tantum invenitur, Caes. B. C. III. 85. \* *Præstentus*, *proventus* et *subventus* fere solum sunt usitata. \* A *portendo* quoque est substantivum *portentum*, \* *Retensus* reperitur a *retendo* ap. Phaed. III. 14, 5; *retentus* ap. Ovid. Met. III. 166.

78) *Ostentus*, ab *ostendo*, non tantum ab antiquioribus, Pacuvio ap. Festum, Catone R. R. c. 6. Varrone R. R. I. 24 et 25; sed etiam Plin. XIV. 4 usurpatur; *ostenturus* ab eod. Catone ap. Priscian. col. 892; et Diomed. col. 372. [Vid. Voss. Anal. III. 26.] *Ostensus* vero frequentius est, Terentio Phorm. V. 4, 7. Lucano, II. 192. Statio Achill. II. 53. Claudian. XVIII. 511. Apul. Apol. p. 477; et de Mund. p. 711. Pallad. Mart. t. 14. Boetio lib. III. Pros. 9. Porc. Latroni Declam. c. 7; *ostensurus* Suetonio Ner. XIII. 2. Et ex Varrone *ostensus Sol*, et ex Apuleio in Phaedone, *Et causam gignendi ostensurum*, profert Priscianus, l. c. Ab *ostentum* tamen est *ostentare*, et dativus *ostentui*, ut *ostentui esse*, et neutrum *ostentum*, Caeterum ab *ostendo*, quod est ab *ubs* (pro *ob* dicto, ut *ubs* pro *ab*) et *tendo* conflatum, diversam significationem habet *obtendo*: unde *obtentus*, -a, -um, ap. Virg. Geo. I. 248; et Val. Flacc. III. 718; et verbale *obtentus*, ut *obtentu frondis* ap. eund. Virg. Aen. XI. 66; *obtentu togae* ap. Gell. XI. 18; *obtentui esse* ap. Sallust. de Rep. ord. II. 19.

79) Supinum *peditum*, quod multi Grammaticorum non agnoscunt, firmat verbale *peditum* ap. Catull. Lili. 3.

7. Composita a verbo *Do* cum praepositionibus, sunt omnia fere tertiae<sup>81)</sup> coniugationis, praeter *circundo*, faciuntque praeterito *didi*, supino *ditum*: ut, *abdo*, *abdidi*, *abditum*. Sic *ad-*, *con-*, *de-*, *di-*, *e-*, *in-*, *ob-*, *per-*, *pro-*, *red-*, *sub-*, *tra-* *do*: item *decon-*, *recon-* *do*; et *coad-*, *superad-* *do*; et *deper-*, *disper-* *do*. Quibus adde *credo*, *credidi*, *creditum*<sup>82)</sup>; *vendo*, *vendidi*, *venditum*<sup>83)</sup>. *Ab-scondo* tamen *abscondi* (rarius *abscondidi*<sup>84)</sup>, *absconditum*<sup>85)</sup> facit.

Tria carent supino, praeteritum vero iuxta regulam formant:

*Strido*, *stridi*<sup>86)</sup>.

*Rudo*, *rudi*<sup>87)</sup>.

80) *Pendo* praeterito quandoque *pendi* facere docet Alexander: quod et Alvarus, eumque incautius sequentes Vossius, Methodi auctor, Ursinus, Iohnsonus, Prateus, Lowaeus et alii, firmatum eunt illo Livii, XLV. 29, *Vectigal exercitibus dimidium eius impositum quod pendissent Regi*. At omnibus quas mihi videre contigit Editionibus, Mich. Vascosani 1548, Veneta P. Manutii 1566, Iam Gruteri 1625, Gronoviorum 1645 et 1679, Delphinensi 1679, Tho. Hearnii 1708, ut alias inferioris notae omittam, *pependissent* constanter legitur: ut et initio eiusdem capituli *Tributum dimidium eius quod pependissent Regibus*.

81) Vid. supra reg. 7. n. 20.

82) Inter varias de origine verbi *credo* opiniones, mihi maxime probatur Prisciani sententia, qui col. 890, a *cretum*, (i. e. *decretum* vel *certum*) et *do* compositum putat.

83) A nomine *venum* et *do* compositum: et *venundo* plene prolatum primae est; ut reg. 7. docuimus.

84) *Abscondidi* (quod probat Priscianus, col. 890.) soli quod sciam Plautus Merc. II. 8, 25: [et in Carbon. teste eod. Prisciano, l. c.] et Silius, VIII. 192 utuntur: addit Vossius Ovidium, quod non invenio. *Abscondi* caeteri omnes habent, Tacit. Hist. III. 68, 2. Curtius, IV. 14, 14: et VI. 6, 80. Iucan. X. 118. Senec. de Benef. III. 25. Florus, I. 18: et IV. 2. Claudian. XXXVI. 140. Gellius, XVII. 9.

85) A supino *absconditum* frequentissimum est *absconditus*; et *abscondite* adverbium ap. Cicer. de Invent. II. 23. pr. Addunt et aliud supinum *absconsum* (quod tamen reiecit Servius ad Virg. Geo. I. 185: et Caper, col. 2240.) unde *absconsum* ap. Fulgent. Mythol. I. 21. Hilarium in Psal. 54. Gennadinum in Catal. Ven. Fortunat. de part. Virgin. v. 98. Vet. Interp. Eccles. I. 89: et IV. 21; *absconse* ap. Inl. Firmic. Astron. II. 2; *absconсор* ap. eund. notant Munckerus ad Hygin. Fab. 184, et Vossius Anal. III. 26. Addit et Vossius *absconsio* ap. Plinium VIII. 16, ubi olim quidem legebatur, *Idem* [leo] ubi virgulta silvasque penetraverit, acerrimo cursu fertur, velut deputans absconsione turpitudinem: at libris emendatis, *Idem*, u. v. s. q. penetravit a. c. f. velut abscondente turpitudinem loco. Rectius cum Iohnsono adiecerint ex Pseud-Quintiliano Declam. XVII. 15, *venenum quod tibi pararetur inventas absconsum*. Sed haec omnia labentis aetatis esse, nec temere imitanda existimem.

86) Frequentius est *strideo*, *stridi*, secundae, de quo supra reg. 14.

87) *Rudivi* utitur Apuleius Met. VII. p. 218, a *rudio* quarta, unde *ruditus* ap. eund. Met. VIII. ut *hinnitus*.

*Sido, sidi*<sup>88</sup>). Eius composita praeteritum et supinum mutantur a *sedeo*: ut, *consido, consedi, consessum*<sup>89</sup>). Sic *as-, circum-, de-, in-, ob-, per-, re-, sub-* sillo.

## GO, GUO.

30. GO vel GUO XI CTUMque facit. Cum *sur-gere pergo*

Accipit at REXI, RECTUM. Sed et ista supinis N tria deperdunt, *fingo, cum pingere, stringo*.

Dat *frango, fregi, fractum*, sicut *egit et actum*

Vult *ago*: sed soboles, *satago*, cum *prodigo, dego*;

Nulla supina dabunt; caret *ambigo* praeteritoque.

*Tango* facit *tetigi, tactum; legi, lego, lectum*:

*Negligo* sed poscunt, *intelligo, diligo, XI, CTUM*.

*Pungo* capit *pupugi punctum*, sed pignora *punxi*:

Praeteritum sed utrumque petit sibi rite *repungo*.

Vult *pango, panxi, pactum, pepigique* vetustum

Dat *pago*, quod *pegi* genitis de *pango* reservat.

1. Verbum in GO vel GUO desinens facit XI in praeterito, et CTUM in supino: ut,

*Cingo, cinxi, cinctum*. Sic *ac-, dis-, circum-, in-, prae-, re-, suc-* cingo.

*Fligo, flixi, flictum*<sup>90</sup>). Sic *af-, con-, in-, pro-* fligo<sup>91</sup>).

*Iungo, iunxi, iunctum*. Sic *ab-, ad-, con-, de-, dis-, in-, inter-, se-, sub-* iungo.

*Lingo, linxi, linctum*. Sic *de-, e-, pol-* lingo.

*Mungo, munxi, munctum*<sup>92</sup>). Sic *e-* mungo.

*Plango, planctum*.

88) *Sido* praeterito carere aiunt Despanterius, Deixius, Kirkwoodus; Priscianus quoque col. 893, negat in usu esse. Atqui Columella id diserte adhibuit XII. 24, *Deinde patiemur piecem considerare, et cum siderit, aquam eliquabimus*.

89) Vid. supra reg. 14. ubi *desessum, persessum, resessum*, aut voces ab eis formatas, vix inveniri notavimus.

90) Longe usitatiores sunt composita: simplice tamen utitur Lucret. II. 85, *Obvia cum flixere* — ut taceam Livium Andron. et Accium ap. Nonium, II. 828, et *flictu* ap. Virg. Aen. IX. 667, et Silium, IX. 322.

91) Unde *proflactus* ap. Gell. XV. 5, *Res proflictae et perditae*: usui tamen longe receptius est *profligo, profligavi*, primae coniug.

92) Praeteritum et supinum simplicis vix usitata. Ab hoc tamen est *munctio* ap. Arnob. lib. 3.

*Rego, rexi, rectum.* Sic *ar-, cor-, di-, e-, por-*<sup>93</sup>), *sur-rigo*<sup>94</sup>).

*Stinguo vel stingo, stinxi, stinctum*<sup>95</sup>). Sic *di-, ex-, in-, inter-, prae-, re-stinguo.*

*Tego, texi, tectum.* Sic *circum-, con-de-, in-, ob-, per-, prae-, pro-, re-, sub-, super-tego.*

*Tingo vel tinguo*<sup>96</sup>), *linxi*<sup>97</sup>), *tinctum.* Sic *con-, in-tingo.*

*Ungo vel unguo, unxi*<sup>98</sup>), *unctum.* Sic *ex-, in-, per-, super-ungo.*

2. Duo formant REXI et RECTUM;

*Surgo, surrexi, surrectum.* Sic *as-, circum-, con-de-, ex-, in-, re-surgo.*

*Pergo, perrexi, perrectum*<sup>99</sup>).

3. Tria *n* in supino amittunt;

*Stringo, strinxi, strictum.* Sic *ad-, con-, de-, dis-, ob-, per-, prae-, re-, sub-stringo.*

*Fingo, finxi, fictum.* Sic *af-, con-, ef-, re-fingo.*

*Pingo, pinxi, pictum.* Sic *ap-, de-pingo*<sup>100</sup>).

4. Frango, fregi, fractum. Sic *con-, de-, dif-, ef-, in-, per-, prae-, re-, suf-fringo.*

*Ago, egi, actum.* Sic *ab-, ad-, ex-, red-, sub-, trans-, transad-igo: et circum-, per-ago; cogo pro coago.*

93) Invenitur et *pergo*, *ri* per Syncopen extrito: ut Virg. Aen. VIII. 274, *porcite pocula dextris*; Silius, IX. 458, *porgebat protinus enssem*. Sic Terent. Adelph. V. 8, 53, *exporge frontem*, pro *exporrige*.

94) A *surrigo*, vel *subrigo*, quo Virg. Aen. IV. 183, et Plinius pluribus locis utantur, significatione diversum est *surgo* (de quo mox) quam utrumque sit a *sub* (sive quod alii volunt, a *susum* vel *cursum*) et *rego* compositum.

95) Simpliciter hic utitur Lucretius, I. 667, et II. 827: totiesque Cic. in Arateis ap. Priscian. col. 882.

96) *Tinguo* habent plerique codd. antiqui, quod et Grammatici veteres etiam approbant, qui tamen *urgeo* et *unguo*, (quemadmodum in libris nonnullis, pro *urgeo*, *ungo* scribuntur) non admittunt; ut apud Volium Longum, col. 2223. invenimus; quamvis idem *u* in *unguen* et *unguentum* ita insertum agnoscat, ut evelli non possit.

97) Sic, *Contingunt mellis dulci flavoque liquore* Lucretius, IV. 12: et, *Tristi contingunt corpus amurca* Virg. Geop. III. 448. dixere. Aliam vero notionem habet *contingo* a *tango* compositum.

98) Nisus, Papyrianus et Probus ap. Priscian. col. 881, huic verbo *unxi* et *ungui* praeteritum tribuunt, at Charisius *unxi* tantum.

99) *Pergo* pro *perrigo* dictum, a *per* et *rego* (quod tum ratio Grammatica, tum praeteriti et supini formatio ostendit) non pro *perago*, quod Scioppius existimavit. Vid. Perizon, ad Sanct. III. 8. n. 105.

100) Addit Priscianus, col. 895, et ex eo Grammaticorum vulgus, *ringo, rictum*. Id autem hodie nusquam legitur, sed *ringor*, quod deponens est, ut et eius compositum *subringor*. Vid. Vossius Anal. III. 27.

Tria ab *ago* composita carent supino: *Satago*, *sategi*<sup>1)</sup>; *Prodigio*<sup>2)</sup>, *prodegi*; *Dego* (pro *deago*) *degi*. Unum praeterito etiam caret, *Ambigo*<sup>3)</sup>.

5. *Tango*, *tetigi*, *tactum*. Sic *at-*, *con-*, *ob-*, *per-* *tingo*.

6. *Lego*, *legi*, *lectum*. Sic *al-*, *per-*, *prae-*, *re-*, *sub-* *lego*, quae *e* retinent: item *col-*, *de-*, *e-*, *recol-*, *se-* *ligo*, quae *e* mutant in *i*.

Tria a *lego* composita habent EXI, CTUM: *Diligo*, *dilexi*, *dilectum*; *Intelligo* *intellexi*, *intellectum*<sup>4)</sup>; *Negligo* *neglexi*, *neglectum*<sup>5)</sup>.

7. *Pungo*, *pupugi*<sup>6)</sup>, *punctum*. Composita *punxi* faciunt: ut, *Compungo*, *compunxi*, *compunctum*. Sic *dis-*, *ex-*, *inter-* *pungo*.

*Repungo* vero *repugi* habet et *repunxi*<sup>7)</sup>.

*Pango*, *panxi*, *pactum*<sup>8)</sup>.

1) *Sategi* agnoscunt Despauterius, Saturnius, etc. at id vix inveniri notat Vossius.

2) *Prodegeris* utitur Plautus, Aul. II. 9, 10. Sed et *productus* habet Tertullian. de Pud. c. 8, vix imitandus.

3) Legimus quidem *ambactus*, pro servo qui ad domini voluntatem circumageretur, a propria notione verbi *ambigere*, quae est *utrinque agere* vel *circumagere*: sed alioquin usus praeteriti et supini huius verbi exolevit.

4) Eiusdem compositionis, sed sensus diversi, est *interlego*: ut Pallad. Feb. t. 25, *Si spissa poma ramos onerabunt, interlegenda sunt quaeque vitiosa, i. e. hinc inde decerpenda*.

5) *Intellegerit* pro *intellexerit* non semel dixisse Ulpianum notat Vossius, d. l. *Neglegi* etiam, pro *neglexi*, ex Aemilio Macro preferunt Diomedes, col. 366, et Priscianus, col. 895: et ita legenda vult Iepus Gulielmius [Verisim. II. 11.] verba M. Antonii ap. Cicer. Phil. XIII. 16, *Theopompum nudum, expulsus a Trebanio, confugere Alexandriam neglegistis*.

6) *Punxi*, quod ex Prisciano addunt Despauterius, Kirkwoodus, etc. extra composita aegre invenias.

7) Haec ita distinguit Caper ap. Priscian. col. 894: cum notat vicissim *pungo*, *repupugi* facit: cum vero ad rationes refertur, *repunxi*. Neutrum tamen apud Classicos nunc conspicitur.

8) *Pango* fuit prius *paco*, a quo *paciscor*, posterius *pago*, quod ex lege XII. Tabb. ostendit Quintil. L. 6. *Pago* autem retinuit Auctor ad Herenn. II. 15, *Rem ubi pagunt, oratione pagunt*: quemadmodum et a Prisciano locus citatur, col. 894, quanquam in quibusdam MSS. et primitus *casis pagunt* invenerat Gruterus: ipse autem, *Rem ubi pagunt, orato, ni pagunt, in comitio*, etc. edidit. Ab eo certe est praeteritum, *pegigi*, usu vocis ad foedera, inducias, conventa et similia, per translationem inflexo. At *pegi*, tanquam esset a *pango*, ut *fregi* a *frango* (antiquis *pago* et *frago*) pro *panxi* (quo utitur Colum. XI. 2.) olim dictum; quod praeteritum in compositis restituit. Videtur et supino habuisse *punctum*: unde *radices pinctae* ap. Pallad. Ian. t. 14; et *pincturus* ap. eund. Feb. t. 9; et *pinctio* in lemmate Octob. t. 8.

Ab obsoleto *pago* (pro quo nunc *paciscor* dicimus<sup>9</sup>) est *pepigi*, *pactum*, olim *pegi*<sup>10</sup>).

Composita a *pango*, ea praesertim quae *a* in *i* mutant, praeterito *pegi* servant, ab antiquo verbo *pago*: ut, *compingo*, *compegi*, *compactum*. Sic *impingo*, *oppango* seu *oppingo*, *repango*, *suppingo*<sup>11</sup>).

31. Dant SI, SUM *spargo*, *mergo*, *tergo*que. Requirit

At XI, XUM *figo* cum *frigere*: nec male *frictum* Invenis quandoque datum. Nil *vergo* capessit.

XI *clango*, *ningo* dat et *ango*, supinaque nulla.

9. Tria formant SI, SUM;

*Spargo*, *sparsi*, *sparsum*. Sic *ad-*, *circum-*, *con-*, *di-*, *in-*, *inter-*, *per-*, *pro-*, *re-* *spargo*.

*Mergo*, *mersi*, *mersum*. Sic *de-*, *e-*, *im-*, *sub-* *mergo*.

*Tergo*, *tersi*, *tersum*<sup>12</sup>). Sic *abs-*, *de-*, *ex-*, *per-* *tergo*.

10. Duo faciunt XI, XUM;

*Figo*, *fixi*, *fixum*<sup>13</sup>). Sic *af-*, *con-*, *de-*, *in-*, *of-*, *per-*, *prae-*, *re-*, *suf-*, *trans-* *figo*.

*Frigo*, *frixi*, *frixum* et *frictum*<sup>14</sup>).

9) Vid. post reg. 49.

10) Ab antiquo *pago*, pro *defigo* (quae primaria vocis significatio est, ntpote a Dorico *παῖμα*, pro *πῆμα*, unde *πημνία*, seu *πημνός*, orta) Cicero *pegi* utitur de Leg. I. 21, *Requiri placere terminos, quos Socrates pegerit, iisque parere*. Id. in Pison. c. 16, *Obtinuisti provinciam consularum finibus iis, quos lex cupiditatis tuae, non quos lex generi tui pegerat*. Ita ex MSS. priorem locum restituit Turnebus, et posteriorem etiam (probante, si ipsi credendum sit, Prisciano) Pareus Lex. Crit. p. 880, qui addit et illud Pacuvii in Medo ap. Festum in voc. *Tonsilla*; et Priscian. col. 894, *Accessi ad eam, et tonsillam pegi laeto* [al. *laevo*] in littore.

11) Composita a *pango*, quae *a* retinent, *panti* facere vult Ursinus, p. 729, ut *circumpango*, *depango*, *oppango*, *repango*. Vellem autem ut id exemplis veterum confirmasset: mihi sane nulla adhuc dum sunt eiusmodi conspecta. Pro *circumpango*, quod e Plinii l. XVII. 18. Lexica vulgaria adducunt, *Traiectis per vasa fictilia vel qualos ramis, terraque circumpactis*; *circumfartis* cum MSS. omnibus legendum monet Harduinius. *Oppegi* vero ab *oppango* extulit Plaut. Curc. I. 1, 60.

12) Dicitur et *tergeo* in secunda, sed rarius. Vid. reg. 18. *Tertus* autem pro *tersus* veteres dixisse testis est Nonius, II. 847.

13) *Fictum* etiam supinum est ap. Diomedem, col. 378, qui id probat ex hoc Scauri, *Sagittis confictus*. Idem auctoritate Ciceronis, Varro nis et Lucretii confirmare nititur Gifanius in Indice Lucret. voc. *fictus*. Et *navis inficta*, pro *infixa* dixit Callistratus l. 7. ff. de incendio, ruina, naufragio, etc. Vid. Voss. Anal. III. 27.

14) A *frixum* est *res frixa* ap. Celsum, II. 18. A *frictum* est *cicer frictum* ap. Horat. Art. 249; *frictae nuges* ap. Plaut. Poen. I. 2,

11. *Vergo*, caret praeterito et supino<sup>15)</sup>. Sic *in-*  
*de-*, *e-* *vergo*<sup>16)</sup>.

12. Tria praeterito XI habent, supino autem deficiunt.  
*Clango*, *clanxi*<sup>17)</sup>.

*Ningo* (vel *ninguo*) *ninxi*.

*Ango*, *anxi*<sup>18)</sup>.

## HO, IO.

32. Postulat HO, XI, CTUM. *Minxi*, *mictum*  
cape *meio*.

1. Duo verba in HO faciunt XI et CTUM:

*Traho*, *traxi*, *tractum*. Sic *abs-*, *at-*, *circum*, *con-*  
*de-*, *dis-*, *ex-*, *per-*, *pro-*, *re-*, *sub-* *traho*.

*Veho*, *vedi*, *vectum*. Sic *a-*, *ad-*, *con-*, *de-*, *e-*, *in-*,  
*per-*, *prae-*, *praeter-*, *pro-*, *re-*, *sub-*, *super-*, *trans-* *veho*.

2. Unicum in IO verbum, priore consonante,

*Meio*<sup>19)</sup> facit *minxi*<sup>20)</sup>, *mictum*. Sic *im-* *meio*.

113; *tritricum frictum* ap. Varron. R. R. II. 4; *sal frictum* ap. Colum. VII. 5; *fabula fricta* ap. Plin. XXII. 25. §. 69, et *ova fricta* ap. eund. XXIX. 3: adeo ut *frictum* non modo usu receptum (quod Kirkwood et alii negant) sed magis quam *frixum* frequentatum videatur.

15) Diomedes, col. 366, praeteritum ei *verxi* tribuit: *versus* autem magis analogum videtur (ut a *mergo*, *merxi*); quemadmodum et legendum statuit accuratissimus Heinsius in illo Ovidii Pont. I. 9, 52, — *in gelidos versis amoma sinus*: pro quo *fudit* vulgo habetur.

16) *Sugo* etiam et *lingo* supinis privat Despanterius: at hoc *linctum* habere ostendit ablativus *linctu* ap. Plinium XXXII. 9, et XXXVI. 17. extr. et *linctum sulphur* ap. eund. XXXV. 15. illud vero *suctum*, itidem confirmat participium *suctus* ap. Pallad. Febr. t. 26: et verbale ap. Varron. (referente Nonio, II. 767.) et Plin. X. 40. XXVIII. 3, et multis aliis locis.

17) A *clango* *clangui* minus probate dixit vulgatus Interpres Numer. X. 4.

18) Ab *ango* Diomedes ap. Voss, Anal. III. 27, format supinum *anxum*, Priscianus, col. 895, *anctum*: sed neutrum apud Classicos iam invenitur. Supino autem carere innuunt Charisius, col. 221, et Diomedes, col. 376, qui passivo *angor* mutuatum dant praeteritum *anxius sum*, non *anxus* aut *anctus*.

19) *Minxi* est a *ningo*, quod quamvis minus usitatum, haud recte tamen barbaris annumeratur; cum eo non tantum Vopiscus in Bonoso, c. 14, extr. Ammianus Marcellinus, XXIII. 6. p. 383. Vegetius Mulo-medici. III. 12 et 15, vergentis Latinitatis auctores, utantur; sed purissimius, et Augustae aevi proximus scriptor, Cor. Celsus, IV. 20. §. 2, *Cum urina super potionum modum mingitur*. Vid. Borrichii Cogit. adversus Vossium, p. 165 et seqq. et Guntherum Latin. restit. Tom. 1. p. 383. *Mingo* porro agnoscant veteres Grammatici, Diomedes, col. 366; Priscianus, col. 875, et Eutyches, col. 2177.

20) Diomedes, l. c. et Probus, col. 1435; *minxi* vel *merxi*, et in *prima medio*, *meiavi*, huic verbo attribuant, sed nullum horum in usu est.



## L O.

33. LO, LUIT efformat: *colo, consulit, occulit, ULTUM*:

At *alo* dic *altum*, vel *ITUM*: *molitum molo* donat.

Nulla supina manent genitis de *cello*: sed unum  
Excipe *percello*, quod *perculit* optat et *ULSUM*.

*Pello* facit *pepuli pulsum*; *falloque fefelli*,

Et *fatsum*. *Velli* vel *vulsi*, *vello* reposcit,

Inde petens *vulsum*: *sallo*, *salli*, quoque *salsum*.

At *psallo*, *psalli* tantum: pariterque supinis.

Deficiunt *malo*, *volo*, *nolo*, iunge *refello*.

More sed insolito dat *tollo sustulit*, atque

*Syplatum*: *attollo* proles sed nil sibi quaerit.

1. Verba in LO finita, praeterito LUI faciunt, supino variant, hoc modo:

*Colo, colui, cultum*. Sic *ac*, *circum*, *ex*, *in*, *per*, *prae*, *re*, *colo* <sup>21</sup>): item, *Occulo* (o in u mutato) *occului, occultum* <sup>22</sup>).

*Consulo, consului, consultum*.

*Alo, alui, alitum*, et per Syncopen *altum* <sup>23</sup>).

*Molo, molui, molitum*. Sic *com*, *e*, *per*, *molo*.

2. *Cello* simplex non est in usu. Eius autem composita sic coniungantur:

*Antecello, antecellui; excello* <sup>24</sup>), *excellui; praecello, praecellui*: haec tria sine supino <sup>25</sup>).

21) Ab *accolo* tamen et *circumcolo*, nulla supina exstare putem. *Incultus* quoque non ab *incolo* est, cui contrariam habet significationem, sed a participio *cultus*; ut, *indoctus, interritus* a *doctus, territus*: neque enim *indocceo, interreo* dicimus.

22) Val. tamen Flaccus *occulerat* dixit, II. 280.

23) *Alitum* ad ambiguitatem vitandam praefert Diomedes, col. 371: unde *alitus* ap. Liv. XXX. 28, Curt. VIII. 10, 8: V. Max. VII. II. 7, extern. et III. 4, 4. et *alitura* ap. Cell. XII. 1, sub fin. Frequentius tamen *altus*, quo Cic. de Nat. Deor. II. 46; de Clar. Orat. c. 10, init. Epist. Fam. VI. 1, sub fin. et Varro, ap. Nonium, IV. 8, utuntur; undeque *altor, altrix* et *altis* sunt deducta. In illo autem Ciceronis pro Planc. c. 35, *Locus ubi altus est*, variant tam ipsius quam Prisciani, col. 897, codices, aliis *altus*, aliis *alitus* exhibentibus. Profert et Diomedes, col. 371, illud Sallustii, Jug. 63, *Arpini altus*: sed et ibi *alitus* quoque in libris nonnullis se invenisse testatur Priscianus, l. c. Nequeo tamen assentiri Cl. Dacierio, qui ap. Horat. Car. III. 4, 37, *Caesurem altum*, non *exceleum*, sed *aluminum* interpretatur.

24) Dictum et *praecelleo, exceleo*: unde ex Prisciani sententia l. c. venit praeteritum *excellui*, cum *excello* aliqui debuisset facere *exculi*,

*Percello, perculi, percultum* <sup>26)</sup>, <sup>27)</sup>.

*Recello*, (partum usitatum verbum) nullum praeteritum aut supinum habere invenitur.

5. Duo principium praeteriti geminant:

*Pello, pepuli* <sup>28)</sup> *pulsum*. Sic *ap-*, *as-*, *com-*, *de-*, *dis-*, *ex-*, *im-*, *per-*, *pro-*, *re-* *pello*.

*fallo, fefelli, falsum*. At *refello, refelli*, sine supino.

*Vello, velli, vel vulsi* <sup>29)</sup> *vulsum*. Sic *a-*, *con-*, *e-*, *inter-*, *prae-*, *re-* *vello*. In reliquis vero, *de-*, *di-*, *per-* *vello*, terminatione *ELLI* rectius uteris.

5. *Sallo, salii, salsum* <sup>30)</sup>.

ut *percello, perculi*. Sed neutrum horum mihi adhuc videre contigit, multoque minus *excelli*, quod Probum praeferre aiunt Vossius et Ursinus. Vellem autem Probi locum indicassent. Aliter certe eum scripsisse invenio, col. 1487. *LO*, inquit, tertiae correptae facient aut *LUI*, ut, *excello, excellis, excellui*: aut *LI*, ut *tollo*, etc.

25) *Celsus, exceleus, praecelsum*, nomina sunt, non participia.

26) Sunt qui verbo *percello* addunt praeteritum *perculsi*. Sed ubique hoc legi obtendunt, docti substituunt *perculsi*. Vid. Vossius Anal. III. 28.

27) Sic declinari *procello* (unde *procellam* deducit Servius) pro *percello*, a Plinio iunior in Paneg. c. 66, notat Ursinus et alii: sed et ibi in melioribus libris, *perculerat*, non *proculerat*, invenimus.

28) *Pulsi* etiam dictum fuisse colligitur ex loco Ulpiani, l. 1. §. 18. ff. de aqua quotid. et aestiv. Si quis plura pecora adpulserit. Sic enim in Pandectis Florentinis melioribusque editionibus legitur. Imo et *pelli* usitatum evincit locus Terentii Heaut. I. 1, 113. Qui illum ad laborem impellerim. Ita enim optimi codices, nec aliter metrum constat.

29) *Vellit* Virg. Ecl. VI. 4; *vellerat* Cic. in Vert. IV. 24; *vulsit* Lucan. VI. 546 et 562; *vulserat* Id. IV. 414. Prudent. contra Symmach. Praef. II. 5; *avellit* Plin. II. 88. Claud. XXXVI. 150; *avellerat* Curt. V. 6, 5; *avulsit* Lucan. IX. 768; *convellit* Cic. pro dom. c. 21; *convellit* Id. Ibid. c. 56, extr. et de Harusp. Resp. c. 19; *convellimus* Virg. Aen. II. 464; *convellerunt* Cic. ad Attic. VIII. 15; *convellerit* Eumen. in Paneg. Constant. c. 6, extr. *convulsit* Plaut. Amph. IV. 4, 1; *evellit* Curt. IV. 6, 17; *evellerat* Phaedr. II. 2, 9; *evellisset* Cic. de Orat. I. 53; Plin. VIII. 42; *evellisse* Cic. pro Sext. c. 28, *evulsit* Flor. IV. 12; *evulsimus* Quintil. Decl. XII. 8; *intervelli* Plaut. Amph. I. 1, 170; *intervulseris* Colum. R. R. V. 10; *praeconvulserat* Laberius ap. Diomed. col. 369; *revelli* Virgil. Aen. IV. 427 et 545; *revellit* Id. Aen. XII. 787, Ovid. Amor. III. 10, 14, Met. IX. 86, et Met. XII. 300, etc. A. Gell. V. 14, Cic. Verr. IV. 56; *revellistis* Id. Ibid. c. 11; *revulsit* Prudent. aeg. steg. X. 7; *revulserat* Ibid. v. 761; *revulsi* etiam et *revulsit* habent quidam codices ap. Ovid. Met. VIII. 584, et Heroid. VI. 104, at meliores (ut notat Heinsius) *revelli* et *revellit*; \* *devellisse* Plaut. Poen. IV. 2, 50; *divellit* Hirt. B. Afric. c. 88, Gell. XV. 16; *pervellit* Cic. de Orat. I. 62, extr. V. Max. I. 5, 8; *pervulserit* Cic. Tusc. II. 19.

30) Dicitur et in quarta *salio, salivi, salitum, salire*, vel l geminato *sallio*, etc. Vid. Voss. Anal. III. 35. Ab hoc est *salitus* ap. Colum. VI. 32. Pallad. Octob. t. 10, itemque ap. Severum et Fabianum, teste Diomede, col. 372, et *sallitus* ap. Cor. Severum, et *salliturus* ap. Nae-

6. *Psallo, psalli* <sup>31)</sup>, sine supino.

7. Supino etiam carent hæc verba alioquin irregularia: *volo, volui; malo, malui; nolo, nolui* <sup>32)</sup>.

8. *Tollo*, modo inusitato et sibi peculiari, *sustuli* <sup>33)</sup> et *sablatus* facit. Compositum *atto**llo*, nullum praeteritum aut supinum habet <sup>34)</sup>.

# MO.

34. MO per UI dat ITUM. *Tremo* flectitur absque supino.

Dant PSI, PTUM, *demo, promo*, cum *sumere, como*:

*Emi, emptum* sed *emo* capiet; *pressi, premo, pressum*.

1. In MO terminata praeterito UI, supino ITUM habent: ut,

*Fremo, fremui, fremitum*. Sic *af-, circum-, con-, in-, per-fremo*.

*Gemo, gemui, gemitum*. Sic *ag-, circum-, con-, in-re-gemo*.

2. *Tremo, tremui* facit, absque supino. Sic *ut-, circum-, con-, in-tremo*.

vium, referente Prisciano, col. 910, ab illo *salvus* quod satis frequens, et *salvus* quod ex Mummiæ adfert idem Priscianus, l. d.

31) Praeteritum *psalli* confirmat Priscianus, col. 897, versu Bassi, II. Lyric. *Calliope princeps sapienti psallerat ore*.

32) De his vid. lib. seq.

33) *Sustuli* et *sablatus* proprie sunt a *sustollo*, sive (ut olim loquebantur) *eustolo*. Antiqui enim simplex *tolo* (postea *tollo*) idem significans quod *tolero*, *tetuli* declinabant. Unde et ipsi *tollo* praeteritum *tetuli* tribuit Charisius, col. 222. At ab eo potius esset *tetolli*, ut probe ab Auctore Methodi animadversum, velut a *fallo, fefelli*. Videtur tamen habuisse etiam *tolli*, unde *tollesse* ap. Ulpianum, referente Scaligero ad Varron. R. R. 1, ult. Vid. inferius reg. 87, et confer Voss. Anal. III. 87. Quod autem Priscianus, col. 817, eumque secutus Bangius et Methodi auctor, idem praeteritum *sustuli* tribus verbis *tollo, sustollo* et *suffero* attribuant, de postremo falsi videntur. Nusquam enim *suffero* pro *aufero, submoueo, attollo* (sive, ut Methodi auctor, p. 291, Gallice red- dit, *ôter, enlever, élever*) acceptum invenitur: neque *sustuli* patiendi aut sustinendi (Gallice *endurer*) notionem habet. In illo enim Cicer. pro Rosc. Amer. c. 4, *Plus oneris sustuli, quam ferre possum*, quod huc referunt, *sustuli* non ad *suffero*, sed ad *tollo* vel *sustollo* pertinet. V. Ursin. p. 741 et 748.

34) *Attuli* enim et *allatum* transierunt in significationem verbi *affero*, cui et tribuuntur. *Extollo* vero et *effero*, cum eandem fere significationem habeant, *extuli* et *elatum* utrique ex aequo convenire possunt.

3. Quatuor PSI, PTUM<sup>35</sup>), vel SI, TUM habent:

*Demo dempsi, demptum*<sup>36</sup>).

*Promo, prompsi, promptum*. Sic *de-, ex- promo*.

*Sumo, sumpsi, sumptum*. Sic *ab-, as-, con-, de-, in-, prae-, re-, trans- sumo*.

*Como, compsi, comptum*.

4. *Emo, emi, emptum*. Sic *adimo*<sup>37</sup>); *dirimo*; *eximo*; *interimo* et *perimo*; *redimo*; *coëmo*.

5. *Premo, pressi, pressum*, duplici ss. Sic *ap-, com-, de-, ex-, in-, op-, per-, re-, sup-, primo*.

#### NO.

35. *Pono* facit *posui, positum: genui, genitumque*

*Gigno* creat: *cecini cantum cano* poscit; habeto

Sed *CINUI, CENTUM* proles. Prope nil sibi servans,

*Temno* dedit nato *PSI, PTUM*. Vult *spernoque spreui*,

Et *spretum; sterno, stravi, stratum; sino, sivi*,

Atque *situm: lici, levive, litum, lino; serno*

Dat *crevi, cretumque*, magis quae nata frequentant.

Verba in NO praeteritum et supinum varie formant:

1. *Pono, posui*<sup>38</sup>), *positum*. Sic *ap-, ante-, circum-, com-, de-, intra-, ex-, in-, inter-, op- post-, prae-, pro-, re-, se-, sup-, super-, superim-, trans- pono*.

2. *Gigno, genui, genitum*<sup>39</sup>). Sic *con-, e-, in-, per-, pro-, re- gigno*.

35) An p in hisce servanda sit, vel abicienda, acriter contendunt orthographiae emendationis magistri. Hinc stant Victorinus, Sanctius, Lambinus, Dausquius, Methodi auctor et alii: illino Priscianus, Probus, Lipsius, Ios. Castalio, Bangius, Cluverius, Ursinus et pleraque marmora antiqua.

36) *Demo*, quamvis praeterito variet, pro *deemo* tamen dictum, adeoque ab *emo* compositum videtur: itidemque *promo*, pro *proemo*.

37) *Adimo* non est, quod quidam existimant, a *demo* compositum: repugnat enim non tam praeteriti quam penultima syllabae disparilitas.

38) Olim *posui*, quod ex Plauti Vidular. et Apuleio in primo Her-mag. probat Priscian. col. 898. Addit Vossius *repositi* ex eod. Plaut. Asin. III. 1, 16; *deposi* Curc. IV. 3, 4. et Catull. XXXII. 8; *exposi* Plaut. Casin. IV. 27. Sic *imposi* ap. eund. Rud. II. 3, 27. Hinc etiam per Synecspen dixisse videntur *posi*: unde *imposi* ap. Plaut. Most. II. 2, 4; et *deposi* ap. Maronem in Parodia: quemadmodum post Scaligerum legit Vossius.

39) *Genui* et *genitum*, sunt a *geno*, quod quamvis nunc antiquatum, non tamen refugerunt Lucretius, Varro, Severus in Aetna, Apuleius, Can-

## PO, QUO.

36. PO, PSI, PTUMque facit. *Strepo* vult *strepui*, *strepitum*que:

At *rumpo*, *rupi*, *ruptum*. *Coquo* flectito XI, CTUM.

*Linguo* tenet *liqui* tantum, compositaque *lictum*.

1. In PO finita faciunt PSI et PTUM: ut, *Carpo*, *carpsi*, *carptum*. Sic *con-*, *de-*, *dis-*, *ex-*, *prae-* *carpo*.

*Clepo*, *clepsi*<sup>52)</sup>, *cleptum*.

*Repo*, *repsi*, *reptum*. Sic *ad-*, *cor-*, *de-*, *di-*, *e-*, *ir-*, *intro-*, *ob-*, *per-*, *pro-*, *sub-* *repo*.

*Scalpo*, *scalpsi*, *scalptum*. Sic *circum-*, *ex-* *scalpo*.

*Sculpo*, *sculpsi*, *sculptum*. Sic *ex-*, *in-* *sculpo*.

2. *Strepo*, *strepui*, *strepitum* facit<sup>53)</sup>. Sic *ad-*, *circum-*, *in-*, *inter-*, *ob-*, *per-* *strepo*.

3. *Rumpo*, *rupi*, *ruptum*. Sic *ab-*, *cor-*, *di-*, *e-*, *inter-*, *intro-*, *ir-*, *ob-*, *per-*, *prae-*, *pro-* *rumpo*.

4. Duo sunt in QUO verba desinentia; quorum *Coquo*, *coxi*, *coctum* facit. Sic *con-*, *de-*, *dis-*, *ex-*, *in-*, *per-*, *re* *coquo*.

*Linguo*, *liqui*. Supinum *lictum* in simplice inusitatum, in compositis satis frequens: ut, *relinquo*, *reliqui*, *relictum*. Sic *de-* et *dere-*, *linguo*.

52) *Clepsi* est ap. Liv. XXII. 10, *Si quis clepsit, ne populo aelus esto, neve cui cleptum fuerit*: et Manil. I. 26, *Quis enim condentibus illum Clepsisset furto mundum?* et Cic. Tusc. II. 9, *Ignem clepsisse dolo*. Antiquae *clepi* dictum probant nonnulli ex Cic. de Leg. II. 9, *Qui cleperit, rapseritque, parricida esto*, quemadmodum Turnebus et Scaliger ex vet. codd. legunt, pro quo vulgati *cleperit*.

53) Addit Despaunterius *crepo*, quod nusquam extra primam iam invenitur.

54) A tero esse etiam *teris*, iuxta Apuleium, ait Charisius, col. 220, vel ut Vossius Anal. III. 80, ibi legendum existimat, *terui*: et ita scriptum idem contendit ap. Plant. Pseud. III. 2, 29, *Prinequam teruerunt [sinapim scil.] oculi ut exstillent facit, vulgo triverunt*. Apud Tibullum quoque optimis tam editis quam scriptis codicibus habetur, I. 4, 40, *Aut opere insuetas adteruisse manus*. Et ap. eund. I. 7, 70, — *Propios ego tecum, Sit modo fas, annos conteruisse velim*, praeunte Nic. Heinsio, emendat Broukhusius, pro vulgato *contribuisse*. *Terui* etiam (quamvis trivi longe praefert) agnoscit Vel. Longus de Orthogr. col. 2234. Sed et *teritum* supino dictum fuisse, confirmat *atteritis opibus*, pro *attritis* ap. Tac. I. 10, 2, quemadmodum ex praestantissimo codice Vaticano Lipsius, ex Florentino Pichena, eosque secuti Berneggerus, Gronovius alique edidero.

## RQ.

37. *Quaero, quaesivi, quaesitum* dat: *tero, trivi*;  
*Et tritum: verro, verri, versumque* requirit:  
*Uro, ussi ac ustum: cursum vult curro, cucurri*;  
*Flecte gero, gessi, gestum: latumque tulique*  
*Dat fero: praeteritum nullum furo, suffero, norunt.*  
*A sero fit seivique satum: sic EVIT ITUMque*  
*Dant composita quibus plantandi significatus*  
*Inditur; at SERUI, SERTUM vult caetera proles.*

Verba in RO varia habent praeterita et supina:

1. *Quaero* facit *quaesivi, quaesitum*. Sic *ae-, an-, con-, dis-, ex-, in-, per-, re-* *quiro*.

2. *Tero, trivi*<sup>54</sup>), *tritum*. Sic *at-, con-, de-, dis-, ex-, in-, ob-, per-, pro-, sub-* *tero*.

3. *Verro, verri*<sup>55</sup>), *versum*. Sic *a-, con-, de-, e-, prae-, re-* *verro*.

4. *Uro, ussi, ustum*. Sic *ad-, amb-, comb-, de-, ex-, in-, oc-, per-, prae-, pro-* *curro*, quae reduplicationem simplicis nonnunquam admittunt, nonnunquam abiiciunt, *accurri* vel *accucurri*, etc. item *circum-, re-, suc-, trans-* *curro*, quae principium raro aut nunquam geminant<sup>57</sup>).

6. *Gero, gessi, gestum*. Sic *ag-, con-, di-, in-, pro-, re-, aug-* *gero*.

7. *Fero, tuli, latum*<sup>58</sup>), <sup>59</sup>). Sic *af-, ante-, au-*

55) *Verro*, secundum Servium, teste Prisciano, col. 900, *versi* facit, secundum Charisium autem, *verri*; quod et usus, ut idem addit, comprobatur. Licinius enim Macer (eodem citante) *Ilisce etiam reliquias avererunt*: et Publius in Muro Mutone, *Cellas servorum converterri*. Quibus adde ap. Plaut. Stich. II. 2, 64, *Reverram hercle hoc, quod converterri modo*. Supinum *versum* confirmat participium *versus* ap. Plautum et Senecam, referente Diomede, col. 375, qui et col. 373, in illo Virgilii Aen. I. 432, — *Versa pulvis inacribitur hasta; versa melius, ait, tracta intelligo, quam inversa*, quae et Servii interpretatio est. Ap. eund. vero Virg. Aen. V. 141, — *Adductis spumant freta versa lacertis; versa a verro dici fidem fere facit simile loquendi genus* ap. Catull. LXII. 7, *Caerula verrentes abiegnis aequora palmis*. Ab eodem denique verbo sunt *conversus* ap. Catop. R. R. c. 143, et *eversus* ap. Cic. Verr. II. 21, siu. Quin et *verritum* supinum fuisse, haud veri absimile credit Vossius, ex verbali *converterri* quo usus Apuleius in Apol. p. 409.

56) *Carristi*, pro *cucurrissi*, ap. Tertullianum de Fug. c. 12, imitandum non est.

57) De huius verbi compositis vid. supra reg. 2.

58) Praeteritum *tuli* est ex antiquo *tolo*, seu *tulo*, pro quo dictum et *tetuli*; supinum *latum* est ex *tolatum*. Vid. Vossium Aual. III. 37, et confer Priscian. col. 896, et supra reg. 2. n. 16, et reg. 33. n. 27.

59) Hoc verbum inter anomala refertur. Vid. hui. lib. cap. II. reg. 1.

*circum-, con-, de-, dif-, ef-, in-, intro-, of-, per-, post-, prae-, praeter-, pro-, re-, super-, trans- fero.*

*Suffero autem praeterito et supino caret* <sup>60)</sup>.

8. *Furo* <sup>61)</sup>, nullum praeteritum <sup>62)</sup> aut supinum habet <sup>63)</sup>.

9. *Sero, sevi, setum* <sup>64)</sup>.

Etiam composita, quae *seminandi* seu *plantandi* significationem habent, faciunt SEVI et SITUM: ut, *assero, assevi, assitum; consero, consevi, consitum*. Sic *circum-, de-, dis-, in-, inter-, pro-* <sup>65)</sup>, *re-, sub-, tran- sero*.

60) Vid. supra reg. 33. n. 27.

61) *Furo* primae personae insolens esse docent Diomedes, col. 375 et alii: usus tamen ea Varro, teste Prisciano, col. 817.

62) Praeteritum *furui*, quod huic verbo dant Servius, Sedulius, Philadelphus, et cum iis Kirkwoodus noster, nequiquam probandum videtur. Vid. Diomed. col. 376, et Priscian. l. cit. (qui ei mutuatitium dant praeteritum *insanivi* ab *insanio*) in primis vero Voas. Anal. III. 30, extr.

63) Praeterito itidem ac supino destituitur antiquum verbum *caro*, *cārere*, i. e. *lanam per pollicem trahendo purgare*. Plaut. Menaech. V. 2, 49, *Inter ancillas sedere iubeas, lanam carere*. Vid. Voas. Etym. in voc.

64) Fluctuat Vossius (eumque, ut *sero* solet, secutus Methodi auctor), circa significationes huius verbi. Modo enim tres ei diversas, atque a tribus diversis capitibus oriundas notiones tribuit; ut primo significarit *necto, ordino*; ab *ἐλqw* eiusdem significationis, futura *ἐqw*; deinde *dico*, ab *ἐqw*, unde *sermo*; ac tandem *semino* a *σπείρω*, fut. *σπερω*: modo primam ac tertiam significationem coniungit, quoniam et *σπείρω* Graecis *nectendi* vim habuisse videatur; modo omnes tres ad unum caput revocat, ut significatio *seminandi* sit propria, reliquae translatae. Vid. eum Anal. III. 30, et Etymol. in voc. Ursino vero, p. 751, *nectendi* seu *iungendi* significatio huic verbo *sero* propria videtur, reliquae omnes inde translatae: quod ex eo praesertim evinci existimat, quod a *sero*, qua *semino* notat, non *sevi* modo, sed *serui* etiam dixisse veteres Ennii testimonio probat Priscianus, col. 900. Sic *desertus stipes*, pro *desitus*, dicit Tibullus, I. 1, 15, notante ipso Vossio; *transertos ramos* Statius, Sylv. II. 1, 101. Addere potuit et illud Livii X. 24, *Quam arborem conservasset, sub illa legere alium fructum, indignum casa*. Item Columellae, III. 4, *Cum sit incertum an is qui conservaverit ea [vitium semina] diligenter exploratum probatumque genus surculi deposuerit*. Et paulo post, *Non minore cura vitem conserat, et cum seruerit, summa sedulitate culturas serviat*. Et Cato II. Origin. ap. Priscian. col. 903, *Seruit ibi hordeum*. \* A *sero* autem *nectendi* significatione est *sertum* vel *serta*, pro *cōrona* e *floribus*, substantive positum. Lucanus etiam X. 164, adiective et plene, *Accipiunt sertas nardo florente coronas*, extulit.

65) A nonnullis excipiuntur *resero, persero, prorsero, subsero*, quae a simplicior in supino retineant, *resatum, persatum, prosatum, subsatum*. *Persero* nusquam invenio; *resero* quoque hoc significato in praesente aut praeterito raro, in supino nunquam, quod sciam, occurrit. *Pronatus* quidem apud Solinum in Pontico, Nemesianum Ecl. III. 63. Prudent. *aeq̃* aep. VI. 46. Anson. Idyll. VII. 1. In Solini quoque Polyhist. et Terullian. de Anim. *consatus* legas. Addit porro Sol. Lowaeus, Stephan. ex Colum. III. 11, *resatus*; Burles. ex Colum. IV. 15, *subsat* proferre.

Quae vero ordinandi seu nectendi significationem sunt adepta, SERUI habent et SERTUM: ut, *assero, asserui, assertum*. Sic *con-, de-, dis-, edis-, ex-, in-, inter- sero*.

SO.

38. SO, SIVI, SITUMque capit: sed trunca supinis SI *viso, incesso* retinent: at *depso* reposit *Depsuit et depstum*. *Pinso* dat *pinsuit* atque *Pinsit*, et hinc *pinsum, pistum*, formabit ITUMque.

1. In SO exeuntia faciunt SIVI et SITUM<sup>66</sup>): ut,  
*Arcesso, arcessivi, arcessitum*.  
*Capesso, capessivi, capessitum*.  
*Lacesso, lacessivi, lacessitum*.  
*Facesso, facessivi, facessitum*<sup>67</sup>).

2. Duo supinis carentia praeterito SI habent:  
*Viso, visi*<sup>68</sup>). Sic *in-, re- viso*,  
*Incesso, incesi*<sup>69</sup>,

Sed quae illi de verbis *resero*, et *subsero* testimonia in genere adhibuerunt, de participiis dicta vir doctissimus accepisse videtur. Iis enim locis, Si *reserere* velimus: et *Vineam tum subseri*; non vero *resatus* aut *sub-satus* invenio. Quare puriora styli amatoribus rectius hisce omnibus abstinendum puto.

66) Haec verba *arcesso, capesso*, etc. olim quartae fuisse, ostendunt non praeteritum modo et supinum in *ivi* et *itum*, sed *arcessivi* etiam ap. Caes. B. G. V. 11, et Hygin. Fab. 88: et *lacessivi* ap. Columell. IX. 8 et 15.

67) Veteres Grammatici quidam, quos et plerique recentiorum incauti sequuntur, duplex his verbis praeteritum tribuant SIVI et SI: quae in re multum falluntur. Quamvis enim in secundis tertiisque personis inveniantur *lacessiere, facessieris, capessivit*, per Synopen; itemque *lacessisset, capessisset, facessisset*, eodem pacto quo *cupiere, petieris, perivit*; et *cupisset, petisset, perisset*, dicimus: non tamen inde *facessi, capessi, lacessi* exsculperis, aut *facesserim, capesserim, lacesserim*, magis quam *cupi, peti, peri*; aut *euperim, peterim, pererim*. Confer haec de re Ursin. p. 753, et Priscian. col. 902. Unus profertur locus Ciceronis ex Divin. in Q. Caecil. c. 14, *Ipse profecto metuere incipies, ne innocenti periculum facessieris*. Verum iam suo tempore in quibusdam codd. *facessieris* invenit Priscianus: quam et veram lectionem cum Ursino existimem. At *arcessi*, quod a quibusdam obtruditur, ne veteres quidem Grammatici meminere.

68) Male Despauterius, Kirkwodus et alii huic verbo supinum tribuunt *visum*: id enim a *video* est, unde et ipsum *viso*, ut a *pulsum, pulso*, derivatur.

69) Vossius eandem rationem putat esse huius verbi *incesso*, quo priorum est *arcesso, capesso*, etc. et ita quidem antiquitus fuisse non abnuerim: at *incessivi* nunc non legitur, nisi ap. Gell. I. 2, dubia lectione; ibi enim recentiores *incessivit*, vet. editiones *incessuit* habent. Contra *arcessi, capessi, facessi, lacessi*, nusquam adhuc inveniuntur, neque (ut diximus) *arcesseram, arcesserim*, etc. *incessi* autem et *incesseram, incesserim* frequentia sunt.



3. *Depso*, *depsui*, *depsum* <sup>70)</sup>. Sic *con-*, *per-* *depso*.

4. *Pinso*, *pinsui*, vel *pinsi*, *pinsum*, *pistum*, vel *pinsitum* <sup>71)</sup>.

TO.

39. *Flecto* XI, XUM vult: sic *plecto*, *nectoque*, *pecto*:  
Quae XUIT et pariter formant. *Meto* sed gemi-  
nans S

*Messuit* et *messum*; *peto* suscipit IVIT et ITUM:

At *mitto*, *misi*, *missum* dat; *vertoque verti*

Et *versum*: *sterto* vult *stertuit* absque supino.

*Sisto sistique statum* dat agens: neutrale sequetur

*Sto* verbum, unde STITI, atque STITUM com-  
posta tulerant.

Verba in TO diversimode praeteritum et supinum  
formant:

1. *Flecto*, *flexi*, *flexum*. Sic *circum-*, *de-*, *in-*, *re-*,  
*retro-* *flecto*.

2. *Plecto*, *plexi*, et *plexui* <sup>72)</sup> *plexum*. Sic *im-*  
*plecto* <sup>73)</sup>.

70) Auctor Methodi ex Varrone adiecit praeteritum *depsi*, sed vellem locum indicasset. In illo certe Varronis ap. Nonium, II. 234, *Sed tibi fortasse alius molit et depsi*, manifestum est non praeteriti, sed praesentis esse. *Depsi* autem confirmant, *depseris* ap. Caton. R. R. c. 76; *perdepsi* ap. Catull. LXII. 8, et *condepsi* quod e Pomponio citat Nonius, I. 181. Supinum etiam *depsum* (quod ei adimit Ursinus) suffulcit participium *depsus* ap. eund. Caton. c. 40 et 185. Antiquius *depsitum* (quod ei supinum faciunt Kirkwoodus et alii) videtur habuisse: unde *depsititum panem* idem Cato dixit, c. 74.

71) *Pinsui* utitur Pomponius ap. Probum, referente Prisciano, col. 902, et ap. Diomedem, col. 870, *Neque molis molui, neque pilis pinsui*. *Pinsi* dixit Persius, I. 58; (ita enim iam legimus, quamvis idem Diomedes, d. I. ambiguum esse scribat *pisat* an *psiat* sit legendum) *pinserunt* Varro R. R. III. 16. Ex *pinsitum* est *pinsitus* ap. Columell. II. 9. VI. 6. VIII. 4. IX. 18. XI. 8. XII. 27, et pluribus aliis locis. A *pinsum* est *pinus*, quo utitur Plaut. *Micro*. II. 3, 81, et Vitruv. VII. 1. A *pistum* denique est *pistus* ap. Plin. XVIII. 10, et XX. 5, extr. unde *pistor*, *pistura*, *pistrinum*, etc. Veteres sine *n* dixerunt *piso*, *pisas*, et *piso*, *pisie*, quod et Plinius retinuit. Vid. eum XVIII. 10. §. 28; 28 et 29.

72) *Plecto plexi* antiquae dici Priscianus observat, col. 908, quod non de praeterito solo accipere debuerat Vossius. Nam et de praesenti in-  
collectum id voluisse Priscianum evinunt verba eius quae sequuntur: *Nunc enim plector et amplector dicitur. Sed plector passivum esse Terentius ostendit in Phor. Ego plectar pendens. Sane plecto in implicandi seu nectendi significatione active raro usurpatum invenitur: pro punitumquam [nam pro *Ne plectas pugnis*, et *Plecte pugnis*, quae a Lexicographis nonnullis e Plauti Poen. I. 2, 145, et Menaechem. V. 7, 28 adderuntur, *pectas* et *pecte* habent emendatiores:] *Plector* autem passivum*

*Necto, nexi, et nexui*<sup>74)</sup>, *nexum*<sup>75)</sup>. Sic *an-*; *con-*, *circum-*, *in-*, *sub-* *necto*.

*Pecto, pexi et pexui*<sup>76)</sup>, *pexum*<sup>77)</sup>. Sic *de-*, *ex-*, *re-* *pecto*.

pro *punior* frequentissimum est: ut haec quidem ex parte non de nihilo videatur Prisciani observatio. Caeterum in *implicandi* sensu, *plexi* praeteritum ex Levii 6. Erotopaegn. laudat Priscianus: pro quo *plexui* dixit Hieronymus, sive vet. Interpres Iudic. XVI. 15, *Si septem crines capitis mei licio plexueris*: antiquior enim testis non exstat: ut mirandum plane sit Methodi auctorem praeteritis *plexui* et *plexi* utramque significationem *implicandi* simul et *punendi* tribuere, illudque hoc multo natatius affirmare., Vid. Ursin. p. 756.

72) Active vix reperitur: sed ab eo est *implector* ap. Apuleium, Apol. p. 412, et *implexus* ap. Lucrer. III. 532, Virg. Geor. IV. 482 et alios. Ab inusitato *perplecto* aut *perplector* frequentissimum est *perplexus*. Eiusdem quoque originis sunt *amplector* et *complector*, quae nunc quidem active, primitus vero passive pro *brachiis circumplicor*, aut *complior*, accepta videntur.

74) *Nexui* habet Sallust. I. Hist. ap. Priscian. col. 903; *innexui* Virg. loco mox memorando; *nexi* vero Lucil. in V. et Propert. ap. eund. ibid. et Diomed. col. 366.

75) Pro *nexum* olim etiam *nectum* dicebant: unde *connectus* ap. Lucret. II. 100, quemadmodum ex vet. cod. edidit Gifaninus: ut et ap. eund. III. 555, *connectus*, pro quibus vulg. *connexus* et *coniunctus*. A *nexum* autem est frequentativum *nexo*, quo (quanquam apud probatum auctorem id invenisse se neget Goclenius Probl. Gramm. IV. 32.) utitur Lucretius, II. 98, ut et participio *nexas* Virg. Aen. V. 279. Veteres etiam *nexere* dixisse docet idem Priscianus, col. 904, qui huic aeque ac verbo *necto* praeteritum *nexui* tribuit, quomodo a *texo* est *texui*, sententiam suam confirmans illo Livii Andron. *Nexebant multa inter se flexu nodorum dubio*, [Ita enim legendum, cum antiquissima Edit. Veneta Boneti Locatelli Anno 1496, non ut in Ascensiana et Putschiana *nexabant*, ostendit idem locus ab eodem antea adductus, col. 861.] Item, illo Accii in Delphobo, *Nos continuo ferrum eripimus, omnibus manicas neximus*. At haec vetusta et iam inquisita sunt. Nam quod porro addit illud Virg. Aen. V. 425, *Et paribus palmis amborum innexuit armis*, nihil impedit, quo minus, ut a *pecto* est *pexui* et *pexi*, sic a *necto* sit *nexui* et *nexi*: id quod diserte tradit Diomedes, col. 366: nec aliter fere ipse Priscianus, col. 861 et 903.

76) Huius verbi praeteritum vix iam invenitur. De eo sic Priscianus, col. 902. *Pecto*, cuius praeteritum plerique *pexui*, Asper tamen *pectivi*, Charisius *pexi* protulerunt. Maecenas in Octavia, *Pexisti capillam naturae muneribus gratum*.

77) Supinum *pexum* stabilitur participio *pexus*: ut *pexa tunica* ap. Horat. Epist. I. 1, 95; *pexae vestes* ap. Plin. VIII. 48. Sed et *pectitum* quoque in usu fuisse argumento est participium *pectitus*: ut *pectita tellus* ap. Colum. X. 94, et *pectitae lanae* ap. eund. XII. 3. Fortasse et *pectum* dixerunt: unde est *circumpectus*, quod habent dno Codd. MSS. ap. Petron. c. 112, teste I. Boschio, al. *circumspectus* aut *circumscriptus*. Ab eodem est *impectare*, prout in vet. codd. legi scribit Victorius ap. Varron. R. R. III. 16, paulo post init. *Itaque impectantes a se eliciunt fucos*. Confer Gifan. Ind. Lucret. voc. *connectus*, et Voss. Anal. III. 81.

3. *Meto*; *messui*<sup>78)</sup>, *messum*. Sic *de-*, *e-*, *prae-* *meto*.  
 4. *Peto*, *petivi*, *petitum*. Sic *ap-*, *com-*, *ex-*, *im-*, *op-*, *re-*, *sup-* *peto*<sup>79)</sup>.  
 5. *Mitto*, *misi*, *missum*. Sic *a-*, *ad-*, *com-*, *circum-*, *de-*, *di-*, *e-*, *im-*, *inter-*, *intro-*, *o-*, *per-*, *prae-*, *praeter-*, *pro-*, *re-*, *sub-*, *super-*, *trans-*, *mitto*.  
 6. *Verto*, *verti*, *versum*. Sic *a-*, *ad-*, *animad-*, *ante-*, *circum-*, *con-*, *de-*, *di-*, *e-*, *in-*, *inter-*, *ob-*, *per-*, *prae-*, *praeter-*, *re-*, *sub-*, *trans-* *verto*<sup>80)</sup>.  
 7. *Sterto*, *stertui*<sup>81)</sup> absque supino. Sic *de-* *sterto*.  
 8. *Sisto* activum facit *stiti*<sup>82)</sup>, *statum*<sup>83)</sup>. At *sisto* neutrum, praeterito et supino caret<sup>84)</sup>. Composita vero *stiti* et *statum* habent: ut, *assisto*, *astiti*, *astitum*. Sic *circum-*, *con-*, *de-*, *ex-*, *in-*, *inter-*, *ob-*, *per-*, *re-*, *sub-* *sisto*. Sed *absisto* supino destituitur<sup>85)</sup>, nec caetera facile illud admittunt.

78) Hoc verbum praeterito privat Diomedes, col. 375: itemque Charisius, col. 222, qui circumlocutione usus, *messem feci*, *messem feceram*, etc. declinat. At *messui* ei restituit Priscianus, col. 903, auctoribus Catone, et Cassio Hemina. Ex illo enim profert, *In campo Tiburti ubi hordeum demessuit*: et, *In montibus servit ibi hordeum*; idem iterum *messuit*. Ex hoc vero, *In campo Tiburti, ubi hordeum demessuerunt*. Supinum *messum* confirmant *messus*, *messis*, *messor*, *messorius*, *demessus*, etc.

79) De huius verbi origine, variaque ipsius et compositorum significatione acutissima disputantem vid. Perizon. ad Sanct. IV. 4, 46.

80) De *divertor*, *praevertor* et *revertor*, Vid. post reg. 51.

81) Veteres Grammatici, Charisius, col. 217; Priscianus, col. 903; Probus, c. 1487; easque secuta tota fere recentiorum cohors, Despauterius, Alvarus, Verepaeus, Vossius, etc. nullum aliud huius verbi praeteritum, praeter *stertui*, agnoscunt; quod et composito *destertui* ap. Pers. VI. 10 suffulciunt. Schmidius quidem, et Methodi auctor, meminere et praeteriti *sterti*: at nullo id auctore stabilunt. Ursinus quoque diserte reiicit. Sed (quod omnes fugisse videtur) locupletissimum huius praeteriti exemplum suppeditat Ovid. Heroid. VIII. 21, *Si socer ignavus vidua stertisset in aula*; *Nupta foret Paridi mater, ut ante fuit*. Eodemque tempore dictum accipio illud eiusdem Persii, III. 3, *Stertimus indomitum quod despumare Falernum Sufficiat*.

82) Id non modo ex Gellio, II. 14 discimus, qui falsos illos et audaces emendatores reprehendit, qui *stitisses* ap. Catonem in *stetisses* mutarant; sed ex Ictis etiam, qui *stiti* et *statum* a *sisto* saepius utuntur. Vid. Voss. Anal. III. 31.

83) *Statum* a *sisto* primam semper corrumpere, adversus Priscianum, col. 863, Alvarum, p. 462, Vossium Art. Gram. II. 22, aliosque (qui eam syllabam aut longam faciunt aut communem) ostendit doctissimus Io. Petr. Titius in Comment. 2. Manuductioni suae ad excerptum subnexo, p. 164 et seqq. Ab eo autem est *Iupiter Stator*, et *stati dies*, *stata tempora*, *sacrificia*, etc.

84) Sive (ut alii volunt) a *sto*, *steti* et *statum* mutuatur: ut, *Antea illic stetit, nunc hic sistit*. Sed neque hio *stitit*, pro *stetit*, dicere se dubitaturum ait Vossius Gram. min. p. 122.

## VO. XO.

40. Dat vivo XI, CTUM: solvo VI format et UTUM,  
Ut volvo. Texo vult texuit, indeque textum.

Tria in VO verba hoc pacto coniunguntur:

1. Vivo, vixi, victum. Sic ad-, con-, per-, pro-, re-  
super- vivo.

2. Solvo, solvi, solutum. Sic ab-, dis-, ex-, per-,  
re- solvo.

Volvo, volvi, volutum. Sic ad-, circum-, con-, de-,  
e-, in-, ob-, per-, pro-, re-, sub- volvo <sup>85</sup>).

Unicum in XO verbum texo facit texui, textum <sup>87</sup>).  
Sic at-, circum-, con-, de-, in-, inter-, ob-, per-, re-,  
sub- texo.

## Quarta Coniugatio.

41. IVI praeterito dat, et ITUM quarta supino.

Verba Quartae Coniugationis faciunt praeterito IVI,  
supino ITUM, penultima longa <sup>88</sup>): ut,

Munio, munivi, munitum.

Polio, polivi, politum.

Vestio, vestivi, vestitum.

42. Singultit vult singultum, sepelitique sepultum:

Dat venio, veni, ventum: sed veneo solum

Veniit efficiet: salio, salui, salique,

Extulit, et saltum: capiunt at pignora sultum.

85) Notat Priscianus, col. 862, eumque secutus idem Vossius Anal. III. 91; Gifanius in Ind. Lucret. et alii, in illo Ovid. Met. XI. 473, — *Renovat lectusque locusque Halcyones lacrymas, et quae pars admonet abstiit, abstiit* per Syncopen pro *abstulit* dictum. At Nic. Heinsius (quantum fateatur in pluribus codd. ita exaratum) id ineptum pronunciat, ac praeter veterum exemplum, veramque esse lectionem vulgo receptam — *Et quae pars admonet, abstiit*.

86) Adde *fervo, fervi*, sine supino: at *ferveo, fervui* in secunda longe usitatus dici supra notavimus ad reg. 16. Adiciunt vulgo *calvo, calvi*, itidem sine supino: quod quidem ap. Priscianum exstat, col. 883, sed et illud non nisi forma in or tanquam commune legitur, et hac ipsa deinde exolevit. Ursin. p. 757.

87) His vulgo addunt, auctoribus Probo, col. 1487, et Prisciano, col. 904, *nexo, nexui, nexum, nexere*. At *nexo* hac coniugatione antiquatum. Vid. paulo ante reg. 89, n. 68: et confer Alvar. p. 236 et 251.

88) Duo tamen verba anomala, *eo* et *queo*, cum suis compositis, ITUM, in supino corripiunt: *eo, ivi, itum; queo, quivi, quitum*. Sic *ab- eo, abivi, vel abii, abitum; nequeo, nequivi, vel nequii, nequitum*. At *ambio* (quod e in i mutat) regulare est: unde participium *ambitus, -a, -um*, penultima producta; licet *ambitus* substantivum eandem corripiat.

1. Haec duo praeteritum iuxta regulam, supinum vero in ULTUM faciunt:

*Singultio, singultivi, singultum* <sup>89</sup>).

*Sepelio, sepelivi, sepultum* <sup>90</sup>).

2. *Venio, facit veni, ventum*. Sic ad-, ante-, circum-, con-, contra-, de-, e-, inter-, intro-, ob-, per-, post-, prae-, pro-, re-, sub-, super- *venio*.

3. *Veneo, venii, sine supino* <sup>91</sup>).

4. *Salio* <sup>92</sup>), *salui, et salii, saltum* <sup>93</sup>). Eius composita praeterito saepius quidem *silui, interdum silii, vete-*

89) Non satis convenit, an supinum sit *singultum*, an *singultitum*: illud tamen praefertur ob verbale *singultus*, adverbium *singultim*, et frequentativum *singulto*. Interim haec omnia per Syncopen facta, pro *singultitum, singultitus, singultitum* et *singultito*.

90) *Sepultum* quoque per Syncopen dictum est pro *sepelitur*, quod veteribus in usu fuisse testatur Priscianus, col. 909.

91) Verbo *veneo* vulgo assignant supinum *venum*: at hoc nomen esse, non supinum, docet Vossius, Anal. III. 33, unde et ipsum *veneo*, i. e. *venum* [sive ad *venum*] eo, et *venundo*, i. e. *venum do*, contracto *vendo*, deducta sunt. Supina autem fiunt a verbis, non verba a supinis. Idem porro ostendit dativus *veno* ap. Tac. Annal. XIV. 5, 2, *Posita veno irrismamenta luxus*: et ablativus ap. eund. Annal. XIII. 51, 5, *Militibus immunitas servaretur, nisi in iis quae veno exercerent*. *Venui* autem pro *veno* usus Apuleius Met. IX, *Venui subiiciunt*; et Met. VIII, *Habere ne venui tac*. Confer supra lib. 1, c. 3, reg. 10, n. 55. Sciopp. Gram. Philosoph. p. m. 42, et Perizon. ad Sanct. III. 3, 139. \* Participium *venitus* ap. Sedul. Hym. I. 21, tanquam a supino *venitum*, imitandum non est.

92) Ab hoc diversum est *salio*, pro *sale condio*, quod regulariter *salivi* et *saltum* format. Vid. supra reg. 33, n. 30.

93) *Salui* ex variis Virgilii, Ciceronis et Livii locis probat Diomedes, col. 371: utrumque *salui* et *salii* agnoscit Priscianus, col. 905. Ac prius praeteritum probat ex loco Ovid. Fast. IV. 805, *Per flammam saluisse pecus, saluisse colonos*. In illo autem Maronis Geo. II. 384, *Molibus in pratis unctos saluere per utres* (sive, ut alii, *saliere*) variam iam suo aetate scripturam obtinuisse idem testatur, Lectioni *saluere* hoc loco favet, praeter Diomedem, d. l. et Cledonium, col. 1918, Servius; ne quis hic Pierio credat aliter docenti, qui et Vossium in errorem induxit. *Salii* autem protulit Claudian. VI. 3; *salierunt* Stat. Theb. IX. 132, et Sylv. I. 2, 210: *salire* Propert. IV. 5, 52, et Stat. Theb. VI. 502. In compositis *silui* quam *silii* paulo usitatus est. Sic *assiluit* Ovid. Met. XI. 526, Senec. Thyest. v. 706: *assiluerunt* Tac. Hist. IV. 77, 1. *Desiluit* Plaut. Rud. I. 2, 84; Virg. X. 453, et Aen. XI. 500: Ovid. Met. III. 681, etc. Val. Flacc. IV. 355, Lucan. II. 156, Stat. Theb. I. 309, etc. Curt. IX. 3, 18, et X. 2, 30; Prudent. Psych. 824, Claudian. V. 339: *desiluerunt* Plaut. Rud. 75: *desiluisse* Cic. Mil. c. 10: *desiluisse* Propert. III. 15, 26; Ovid. Heroid. XV. 172, et Fast. VI. 422. *Dissiluit* Lucr. IV. 609, Virg. Aen. XII. 741, Horat. Epist. I. 18, 42; Ovid. Met. V. 173, etc. Claudian. XXXV. 183: *dissiluerunt* Lucret. I. 392, Stat. Theb. VII. 69: *dissiluisse* Lucret. VI. 122, Virg. Aen. III. 416, Propert. I. 18, 50; Stat. Theb. VIII. 19, Apul. de Mund. p. 747. *Exsilui* Cic. Fam. XVI. 16: *exsiluisti* Id. in Verr. V. 29, pr. *exsilui* Id. ibid. c. 64, pr. Ovid. Met. V. 35; etc. Suet. Aug. XCVI. 5, Lucan. V. 791, Plaut. Cas.

ribus etiam *silivi*, supino autem *sultum* ceperunt: ut, *transilio*, *transilui*, *transilii*, et *transilivi*, *transultum*. Sic *ab-*, *as-*, *circum-*, *con-*, *de-*, *dis-*, *ex-*, *in-*, *pro-*, *re-*, *sub-*, *super-* *silio*. Superiorum *absultum*, *circumsultum* et *prosultum* auctoritas desideratur.

43. Vult *amicit* vel *UI*, vel *XI*, *CTUM*: *vincio* *XI*, *CTUM*.

*Sancio* iungatur, quod et *IVI* format et *ITUM*.

1. *Amicio* facit *amicui*, rarius *amixi* <sup>94</sup>), *amietum*.
2. *Vincio*, *vinxi*, *vinctum*. Sic *circum-*, *de-* *e-*, *re-* *vincio*.
3. *Sancio*, *saxi* et *sanciui*, *sanctum* et *sancitum* <sup>95</sup>).

III. 5, 8; Plin. iun. Epist. III. 16, Stat. Th. I. 98, etc. Apul. Met. V. et IX: *exsiluiatis* Ovid. Fast. V. 16: *exsiluere* Id. Met. III. 670, etc. Catull. LX. 8, 9; Stat. Th. VII. 122: *exsiluisset* Liv. XLIV. 6: *exsiluisse* Stat. Th. VI. 597. *Insilui* Martial. IV. 22: *insiluit* Liv. VIII. 9, Horat. Art. 466, Ovid. Met. VIII. 367, Lucan. III. 626, et IX. 252; Stat. Achill. II. 306; V. Flacc. II. 513, Claudian. III. 349, Eumen. Paneg. Constant. c. 7: *insiluimus* Plaut. Rud. II. 3, 36: *insiluere* Stat. Th. IX. 230: *insiluerit* Iustin. XXV. 4, 8. *Prosilui* Plaut. Trin. I. 2, 179: *prosiluit* Liv. XXVIII. 12, Horat. Epist. I. 19, 8, Ovid. Met. XII. 390, Val. Max. I. 7, 10 extorn. Curt. VIII. 1, 43; Sueton. Iul. XXXII. 1, etc. Stat. Theb. XI. 227, et Achill. I. 28; Val. Flacc. I. 310; Iustin. XI. 5, 10; Prudent. Apoth. 499; *prosiluerunt* Cic. pro Coel. c. 26: *prosiluere* Virg. Aen. V. 140, Prudent. *π. 6tesp.* XIII. 83: *prosiluisset* Liv. II. 12: *prosiluissent* Hirt. B. Afr. c. 58: *prosiluisse* Cic. pro Coel. c. 26; Ovid. Fast. III. 452, etc. *Resiluerunt* Flor. III. 6. *Transilui* Ovid. Fast. IV. 727: *transiluit* Id. Fast. IV. 843: *transiluere* Flor. III. 3: *transiluisse* Liv. I. 7, Ovid. Trist. IV. 3, 8, Pont. I. 5, 76. \* Contra *Desiluit* habet Curt. V. 6, 14, et VI. 5, 26: *desilierunt* Caes. B. G. IV. 12 et 25: *desiliere* Curt. IV. 3, 3: *desilierant* Id. IV. 3, 4: *desilierint* Iustin. I. 10, 9. *Exsilii* Ter. Heaut. IV. 1, 44; al. *exsilui*: *exsilii* Manil. I. 166; Plin. IX. 16, pr. Martial. Spectac. 12. *exsilire* Lucan. I. 483. *Prosiluit* Ovid. Met. VI. 658, Petron. c. 106. Claudian. III. 129, et XXVIII. 359. *Resiluit* Quadrigar. ap. Priscian. col. 906. *Transiluit* Hirt. B. Hesp. c. 19; Senec. Epist. 93, Flor. IV. 2. \* Inveniuntur et *Prosiluit* ap. Curt. VII. 4, 19, et Hygin. Fab. 38. *Transilivit* ap. Plaut. Tru6. II. 1, 38; Plin. XXIX. 1, §. 5; Sueton. Iul. c. 68, extr. Plin. Iun. Paneg. c. 66; pr. Aur. Vict. orig. gent. Rom. item in Proca, et Gell. V. 6; al. *transiluit*. Addit Johnsonus, p. 374 *desilivit* ap. Plaut. Rud. I. 2, 84, at ibi libri meliores *desiluit* habent.

<sup>94</sup>) *Amicui* ex Bruti laudatione App. Claudii, *amixi* ex Varronis Ciceronhetore profert Diomedes, col. 364. Addunt quidam *amicivi*; sed non probant.

<sup>95</sup>) *Sanciui*, seu *saneti*, ex Pomponii loco addert Priscianus, col. 904. *Saxi* alii (quod sciam) omnes ntuntur; Cic. Tusc. II. 13; Liv. X. 9; Tac. Annal. XV. 32, 2; Caes. B. G. I. 30; C. Nep. XXIV. 19; Plin. XIV. 12; Suet. Iul. 42; Curt. VIII. 14, 12; Propert. IV. 9, 73; Stat. Theb. XI. 344, etc. *Sancitum* confirmat participium *sancitus*; quod usi

R

44. *Cambio* vult PSI, PSUM: sed *sepsi*, *sepio*, *septum*:

*Haurio* SI, STUM dat; SUM rarius effer. Habebit *Sentio* sed *sensi*, *sensum*: sic *raucio*, *rausi*,  
Et *rausum*: *sarcit*, *farcit*, cum *fulcio*, SI, TUM.  
At PERUI, PERTUMque sibi composta iugarunt  
Ex *pario* ternae: RI *comperit* et *reperit* vult.

1. *Cambio* habet *campsi*, *campsum* <sup>96</sup>).

2. *Sepio*, *sepsi*, *septum* <sup>97</sup>). Sic *circum-*, *dis-*, *inter-*,  
*ob-*, *prae-* *sepio*.

5. *Haurio*, *hausi* <sup>98</sup>), *haustum*, raro *hausum* <sup>99</sup>). Sic  
*de-*, *ex-* *haurio*.

4. *Sentio*, *sensi*, *sensum*. Sic *as-* <sup>100</sup>), *con-*, *dis-*,  
*per-*, *prae-*, *sub-* *sentio*.

*Raucio*, *rausi*, *rausum* <sup>1</sup>).

Cassius Severus, et Lucret. I. 581, testibus Diomede, col. 368, et Prisciano, col. 907. Addere poterant, nec uno in loco, Ciceronem: ut, pro Sext. c. 80, de Harusp. resp. c. 14, extr. pro Balb. c. 15, extr. Offic. III. 17, et Auct. ad Heronn. II. 10; Liv. XLIV. 23, quos imitatus est Boeth. de Cons. Phil. 1. Pros. 5. Ab hoc *κατὰ οὐκοντην* est participium *sanctus*: ut Caes. B. G. VI. 19, *habent legibus sanctum*. Liv. X. 9, *Legem tulit diligentius sanctam*: et Quinctil. Inst. II. 13, *Neque enim rogationibus plebisve scitis sancta sunt haec praecepta*. Apud Cic. quoque Offic. III. 13, *Quod Athenis execrationibus publicis sanctum est*, in quinque MSS. invenit Manutius, quomodo et Graevius edendum voluit: quanquam Gruterus Gronoviusque *sanctum* praestulerint. *Sanctus* autem et *sancturus* Cledonius in Arte, col. 1928, magis probat, quam *sanctus* et *sancturus*: et *sanctus*, *sanctio* dicitur, non *sanctor*, *sanctio*. Denique *sanctus* nomen, pro religioso, sacro, moribus incorrupto: ut, *vir sanctus*, *sancta domus*, *sanctum concilium*, etc. usus solum admisit.

96) Hoc verbum ex Charisio citat Priscianus, col. 906, cuius praesente quidem utitur Apuleius in Apol. p. 480, *An ipse mutuarias operas cum vicinis tuis cambias, neque scio, neque laboro*. Praeteriti vero *campsi*, quod ei tribuit Charisius, col. 219, exemplum non exstat. Supinum *campsum*, quomocunque fulcitur verbo frequentativo *campso*, quod ex Eranio adfert idem Priscianus, d. I. unde et *campso* recentiores formarunt.

97) *Sepissent* tamen Livium, XLIV. 39, et *sepiuit* vulg. Interpretem Esa. V. 2 dixisse, notant Alvarus et Vossius, et ita quidem libris plerisque editum. At posterioris villior auctoritas; apud priorem et *sepsissent* legendum coniicit Gronovius.

98) *Haurii* etiam ap. Varronem legi notat Priscianus, col. 905, unde *hauritus*, et *hauritu* utitur Apuleius Met. 2, 3 et 6, *hauriturus* Iuvenius Hist. Evang. II. 253.

99) Unde *hausurus* ap. Virg. Aen. IV. 388, Sil. XVI. 11, Stat. Achill. I. 667, et Claudian. XXXVI. 267: at *hausturus* Cic. Fam. VI. 6, utitur.

100) Magis uaiatum est deponens *assentior*.

1) Ita hoc verbum inflectit Priscianus, col. 904 et 907, confirmatque ex Lucilio in XIX, *Rausuro tragicus qui carmina perdit Oreste*: et ex

## 5. Haec tria faciunt SI, TUM:

*Sarcio, sarsi, sartum.* Sic *ex-*, *re-* *sarcio*.

*Farcio, farsi, fartum* <sup>2)</sup>. Sic *con-* *fertio*, *ef-* *fercio* vel *ef-* *farcio*, *in-* *fercio* vel *in-* *farcio*, *re-* *fercio*.

*Fulcio, fulsi* <sup>3)</sup>, *fultum*. Sic *con-*, *ef-*, *in-*, *per-*, *suf-* *fulcio*.

6. Composita a *pario* tertiae coniugationis <sup>4)</sup> praeteritum formant in *PERUI*, supinum in *PERTUM*: ut, *Aperio, aperui, apertum* <sup>5)</sup>; *operio, operui, opertum*.

Ex his tamen duo praeterito *RI* faciunt, *Comperio, comperi, compertum* <sup>6)</sup>; *reperio, reperi, repertum* <sup>7)</sup>.

45. *Aio* praeterito careat, pariterque supino:

Cum *ferio* iunges meditantia verba: sed inde

*Parturio, esurio, cum nupturio* volo tolli.

Cicerone de Orat. I. 61, *Aesopum, si paulum irrauserit, explodi*. Ita enim ille legit, ubi nunc meliores libri irraucuerit habent; ut sit a *rauceo* secundae, unde *rauceo*.

2) *Fartum* est ex *farcitum*: unde ap. Cicer. Verr. V. 11, *Pulvinus Melitensi rosa faretus*; ut est in emendationibus. *Faretum* vera contractum est ex *farcitum*. In Hygino, Apicio et Petronii fragmento legere est et *farsum*, unde *farsura* et *farsilis*. Vid. Borrich. Analecta in *farsura*, et Muncker. ad Hyg. Fab. 126. Caeterum *fartus* utitur Cic. Tusc. II. 9, Plin. XXIX. 4, Martial. VIII. 44, Plin. iun. Epist. X. 43: *fartor* Terent. Eun. II. 2, 26, et Cic. Offic. I. 42: *fartura* vel *fartura* Columella, VIII. 7, extr. et Vitruv. II. 8: *fartilis* Plin. X. 22: *circumfartus* Id. XVII. 15, extr. *Confertus, differtus, effertus, refertus*, satis frequentia sunt.

3) Hoc praeteritum *fulsi* commune habent duo verba *fulcio* et *fulgeo*. Huius exempla suppeditant Cic. Divin. II. 72, Virg. Aen. IV. 167, Ovid. Art. III. 56; illius iidem Cic. pro Rabir. Post. c. 16; Ovid. Epist. Heroid. IX. 18, et Plin. XXXVIII. 13, et alii.

4) *Pario* quartae olim fuisse supra ostendimus reg. 23, n. 26.

5) Notatum a Johnsono est Additt. p. 56, inveniri etiam participium *aperitus*; ut, *Aperitis foribus* ap. Plin. XV. 19, quod quidem habet Editio, qua ille utebatur, Genevensis Anni 1631; sed manifesta typothetarum errore; aliis enim omnibus quas ultra sedecim illustravi, *aperitis*, Harduini autem *adaperitis*, illic legitur.

6) Verbum *comperio* (fortasse etiam *reperio*) non a *pario* duendum, sed ab antiquo verbo *perio*, seu *perior*, unde *peritus*, *periculum*, *experior*, existimat, nec praeter rationem, Ursinus, p. 526. Dicimus etiam eadem significatione *comperior*, quamvis praeterito tantum sit *comperi*, non *compertus sum*.

7) Notant hic quidam Grammatici, verbum *sarrio* duplex habere praeteritum, *sarrivi*, et *sarrui* vel *sarui*. Prioris quidem exemplum habet Columella, XI. 2, *Fabam sarrivisse nimium teneram non expedit*. Pro posteriore adferunt illud Catonis R. R. c. 161. *Ne ante sarueris, quam asparagus natus erit*. At in meīs *sarrieris* invenio. Caeterum ab hoc verbo supinum formasse videntur *sarritum* et *sartum*: ab illo est *sarritura* ap. eund. Colum. d. h. ab hoc *sartura* ap. Plin. XVIII. 27.



Praeterito ac proinde supino carent verba sequentia:

1. *Aio*, verbum aliis etiam partibus deficiens<sup>8)</sup>.

*Ferio*<sup>9)</sup>.

2. Item verba meditativa seu desiderativa: ut, *coenaturio*; *scripturio*.

+ Ex his tamen tria excipiuntur: *Parturio*, *parturivi*: *esurio*, *esurivi*, *esuriturum*; *nupturio*, *nupturivi*<sup>10)</sup>.

46. *Coecutit*, *gestit*, *glocit*, et *dementit*, *ineptit*,

Nulla supina dabunt, cum *prosilat* atque *ferocit*.

Haec verba praeteritum quidem habent, at supino deficiunt:

*Caecutio*, *caecutivi*. *Gestio*, *gestivi*. *Glocio*, *glocivi*. *Ineptio*, *ineptivi*. *Prosilio*, *prosilui*<sup>11)</sup>. *Ferocio*, *ferocivi*.

### De Verbis Deponentibus et Communibus.

47. Praeteritum verbis ut in OR residentibus aptum

Efficias, voces activas fingere oportet:

Ut, *vereor*, *vereo*, *veritum*; fluit hinc *veritus sum*.

Verborum deponentium ac communium praeterita hoc modo formabis. Finge primum vocem activam: deinde ex praeceptis supra traditis praeteritum ac supinum ei tribue: postremo UM supini in US vertito, adiungeque verbum *sum*, *fui*, etc. Exempli gratia, ex verbo *laetor* finge *laeto*; inde fiet *laetavi*, *laetatum*, et ex hoc *laetatus sum*. Sic ex *vereor*, secundae coniugationis, *vereo*, *verui*, *verum*, et *veritum*, et *veritus sum*. Ex *fungor* tertiae, *fungo*, *funxi* *functum*, et *functus sum*. Ex *potio* potivi, *potitum*, et *potitus sum*<sup>12)</sup>.

8) De quo postea cap. II. reg. 6.

9) *Ferit* tamen et *feritum* legas ap. Charisium, col. 222: unde *feriturum* inflexit Servius ad Virg. Aen. VII. Diomedes vero, col. 376, et Priscianus, 817, praeteritum habere negant. Et idem voluit Varro qui de L. L. VIII. 55, mutuatitium dat ei praeteritum *perculsi*. Quia et ipso Charisius, l. c. passivo *ferior*, *ictus sum*, declinat. Non igitur imitandi Petrarca, Mantuanus, Turnebus et alii, qui *ferri* et *feritus* utuntur. Vid. Voss. Anal. III. 33.

10) *Nupturisse* utitur Apuleius in Apol. p. 516: *esuriturus* Terent. Heaut. V. 2, 28. De *parturivi* exemplum apud Classicos nondum inveni: quanquam *parturit* Buchananus noster Psal. VII. 15, adhibeat.

11) Cui addo *subsilio*, et *circumsilio*, ut supra ad reg. 42 monitum.

12) Hoc verbum in tertia coniugatione nonnunquam reperitur; ut ap. Virg. Aen. III. 55, — auro *Vi* potitur. Quid non mortalia pectora cogis Auri sacra fames? Et V. Placc. VII. 54, Scilicet Aegliae pecudis poteretur ut auro. Ovid. Met. XIII. 130, Tuque tuus armis, nos te po-

48. Hac de lege tamen deflectunt pauca secundae:

Nam *ratus* a *reor* est: *misereri* vultque *misertus*;  
Et *fateor* *fassus*: FESSUS sed reddito proli.

1. Excipiunt in secunda coniugatione,

*Reor, ratus sum.*

*Misereor, misertus sum* <sup>13)</sup>.

*Fateor, fassus sum.*

Composita autem, quia *a* in *i* mutant, praeterito *e* <sup>14)</sup> habent: ut, *profiteor, professus sum; confiteor, confessus sum* <sup>15)</sup>.

49. Insuper a *labor lapsus* sibi tertia format:

*Utus* ab *ulciscor* manat, venit *usus* ab *utor*;

Vult UTUS loquor atque sequor; queror accipe  
questus,

*Nisus* vel *nixus nitor*, *pactusque paciscor*;

Dat *gradior gressus*; *proficiscor* funde *profectus*;

*Nanciscor nactus*, *paior passusque* requirit;

*Aptus apiscor* habet, *commentus comqueminiscor*.

Accipit: at *fructus* pariter *fruitusque* iugari

Vult *fruor*: *oblitus* sed et *obliviscor* adoptat;

Et *expergiscor* cupit *experrectus* habere.

*Mortuus* aequae *mori* est, *natus nasci*, *ortus oriri*:

Quois tribus extremis per ITURUS flecte futurum.

Excipiuntur in tertia coniugatione,

*Labor, lapsus sum* <sup>16)</sup>. Sic *al-*, *col-*, *de-*, *di-*, *e-*,  
*il-*, *inter-*, *per-*, *praeter-*, *pro-*, *re-*, *sub-*, *subter-*, *super-*,  
*trans-* labor.

*teremur*, *Achille* et *Propert.* II. 7, 64, *Quum capite hoc Stygiae iam  
poterentur aquae*. Ita enim his locis, non, ut vulgo, *potiretur*, *potiremur*,  
*potirentur* legendum, monuit Cl. Burmannus.

13) *Contracte*, pro *miseritus sum*, quo utuntur *Liuius*, XXII. 55, et  
*Gellius*, XX. 6; ut, *miseritum est* *Plaut. Trin.* II. 4, 29, et *Terent.*  
*Heaut.* III. 1, 54, impersonaliter a *miseret*.

14) *Servata* nimirum analogia reg. 3. *Diffiteor* autem praeterito ca-  
ret, ut mox dicatur.

15) His addit *Despauterius tueor*, *tutus* vel *tuitus sum*. At *tutus*  
(quod nomen potius quam participium videtur) est ab antiquo *tuor* ter-  
tiae, unde *contuor*, *contui*; *intuor*, *intui*: [Vid. *Plaut. Pers.* II. 2, 26;  
*Asin.* I. 1, 111, et *Mostell.* III. 2, 148, et *Terent. Heaut.* II. 4, 23:]  
*tuitus* vero a *tueor* secundae, quo solo nunc utimur. In utroque igitur  
retinetur regulae generalis analogia.

16) Vel *lapsus*, quomodo in optimae notae *Virgilio* codd. invenit  
*Pierius*, edendumque curavit *Nic. Heinsius*.

*Utiſcor, ultus ſum.*

*Utor, uſus ſum.* Sic *ab-*, *de-* *utor*.

*Loquor, loquutus vel locutus ſum.* Sic *al-*, *col-*, *circum-*, *e-*, *inter-*, *ob-*, *prae-*, *pro-* *loquor*.

*Sequor, ſequutus vel ſecutus ſum.* Sic *as-*, *con-*, *ex-*, *in-*, *ob-*, *per-*, *pro-*, *re-*, *sub-* *sequor*.

*Queror, queſtus ſum.* Sic *con-*, *inter-*, *prae-* *queror*.

*Nitor, niſus vel nixus ſum.* *Connitor, innitor, obnitor, renitor; ſubnitor, ſaepius XUS quam SUS habent.* *Annitor, annixus vel annixus, abſque discrimine.* *Enitor, enixa ſum, de partu; enixus ſum de alio conatu dicitur<sup>17)</sup>.*

*Paciſcor, pactus ſum.* Sic *de-* *peciſcor*.

*Grador, gressus ſum<sup>18)</sup>.* Sic *ag-*, *ante-*, *circum-*, *con-*, *de-*, *di-*, *e-*, *in-*, *intro-*, *prae-*, *praeter-*, *pro-*, *re-*, *retro-*, *sup-*, *super-*, *trans-* *gredior*.

*Profiſcor, profectus ſum.*

*Nanciſcor, nactus ſum<sup>19)</sup>.*

*Patior, paſſus ſum.* Sic *per-* *petior*.

*Apiſcor, aptus ſum<sup>20)</sup>.* Sic *adipiſcor, adeptus ſum<sup>21)</sup>, et indipiſcor, indeptus ſum<sup>22)</sup>.*

*Comminiſcor, commentus ſum.*

*Fruor, fruitus vel fructus ſum<sup>23)</sup>.* Sic *per-* *fruor*.

17) Hoc tamen discrimen perpetuum non esse ostendit Voss, Anal. III. 81, extr. Confer et Drakenborchium ad Sil. Ital. II. 123.

18) Olim *gressus ſum*: unde frequentativum *grassor*.

19) Etiam *nactus ſum*, ab antiquo *nancio*, teste Prisciano, col. 888. Itaque ap. Livium multis in locis, veluti XXIII. 2, XXIV. 31 et 36, XXV. 80, XXVII. 28, et XXVIII. 81, in optima Gronov. Edit. Amstel. 1679, legitima.

20) Hoc verbo utuntur, non tantum Sisenna, Accius et Lucilius ap. Noniam, II. 2, et IV. 3; sed Lucretius etiam I. 449, Catullus, LXII. 145, et Tacitus Annal. IV. 1, 5, VI. 3, 1, etc. Quin et ipsi Cicero ad Attic. VIII. 14, eiusque aequali Serv. Sulpitio ap. eund. Fam. IV. 5, extr. vindicant Victorius, Gruterus, Graevius. Praeterito uſus et Plautus Capt. IV. 1, 8, *Hereditatem ſum aptus effertissimam*. Est autem ab antiquo *apio*, seu *apo*, i. e. *alligo*, sive *vinculo comprehendo* (ut docet Festus voc. *apex*;) unde *aptus* pro *coniunctus, connexus*, qua ſignificatione adhibuit Cicero in Oratore, c. ult. *Facilius est apta diſſolvere, quam diſſipata connectere*: et Virg. Aen. IV. 481, — *Ubi maximus Atlas Axem humero torquet stellis ardentibus optum*. Hinc petita translatione, *aptus* pro *convenienti* ponitur, vulgatiore vocis uſu; cui contrarium est *ineptus*. Vid. omnia Voss. Etym. voc. *apio*.

21) Ex analogia scil. reg. 3.

22) Apud Plautum in Trin. IV. 8, 15, legitur et *redipiſci*.

23) *Fructus ſum* habet Lucret. III. 953; item duae vet. Inscriptiones ap. Gruterum, p. 204, et p. 500, unde verbale *fructus: perfructus* quoque utitur Cicero in Hortensio teste Prisciano, col. 883, ut et Lucret. III. 969. At *fruitus ſum* Seneca Epist. 93, Vell. Patere. II. 104, 4, [al. *fructus*.] Ulpian. l. 27, pr. ff. quib. mod. uſufr. vel uſus amitt. *fruitu-*

*Obliviscor, oblitus sum.*

*Expergiscor, experrectus sum* <sup>24</sup>).

*Morior, mortuus sum* <sup>25</sup>). Sic *com-*, *de-*, *e-*, *im-*, *inter-*, *prae-* *morior*.

*Nascor, nactus sum* <sup>26</sup>). Sic *ad-*, *circum-*, *da-*, *in-*, *inter-*, *re-*, *sub-* *nascor*.

*Orior, ortus sum, oriri* <sup>27</sup>). Sic *ab-*, *ad-*, *co-*, *ex-*, *ob-*, *sub-* *orior*.

\* Haec tria proxime memorata participia futuri temporis in ITURUS faciunt, *moriturus, nasciturus, oriturus* <sup>28</sup>).

*rus* Cid. Tusc. III. 17, et Apul. Apol. p. 519, dixere. Olim *fruisco* vel *frunisco*, *frunitus sum*, eadem significatione, utebantur. Vid. Nonius, II. 343, Gell. XVII. 2, et Festum in voc. Perottus in quo Cornucop. huic verbo *fruor* tertium praeteritum tribuit *frutus*: at hoc, ut diversae notiones, ita et origines esse ostendit Vossius Anal. III. 32, in fin.

24) Hoc verbum natura passivum videtur, i. e. *excitor*, natum forte ex activo *expergisco*, posito pro *expergefacio* (quo aenau ap. Plin. XXII. 13, *Urtica lethargicos expergiscit*, legit Perottus; quamvis aliter meliores libri) aut *expergo*, quo Acofus et Santra ap. Nonium, II. 278, et Gell. VI. 10 utuntur: unde *expergitus*, pro *somno excitus*, apud veteres, Lucilium, teste Diomede, col. 372, Lucretium, III. 943, Apul. Met. II. et IV, aliosque invenimus. Caeterum has voces ita distinguit Diomedes, i. e. ut *expergitus* sit qui somno satius sponte evigilat; *experrectus* autem a quiete impeditus; *expergefactus* denique qui per alium somno excitatur. Contra Feato *expergitus* est qui per alium, *experrectus* qui per se vigilare coepit. Verum haec omnia indiscriminatum apud auctores accipi crediderim.

25) *Morior* olim et quartae fuit, unde infinitivus *mori* ap. Plant. Asin. I. 1, 108, et Ovid. Met. XIV. 214: *morimur* ap. Ennium, penult. longa, referente Prisciano, col. 880; et *emoriri* ap. Terent. Eun. III. 1, 42.

26) *Nascor* vere passivum esse significatio arguit, quamvis ipsius vox activa exoleverit.

27) *Orior* etiam quartae fuit, unde remansit infinitivus *oriri* (quod solum in usu est) interdumque *oriris*, *oritur*, penult. producta; ut in illo Lucilii ap. Priscian. col. 880, *Conturbare animam potia est, quicumque adoritur*: in illo item Lucretii, III. 514, *Commutare animum quicumque adoritur, et insit*. Nunc tamen longe frequentius, si non unico, *eris*, *oritur*, *orimur*, *adquiritur*, *exoritur*, etc. penultima correpta dicimus. In subiunctivo autem, *oriretur*, *adoriretur*, *exoriretur*, etc. non *oreretur*, *adoreretur*, etc. in quarta coniugatione haesisse videtur. Davishus quidem ap. Cicer. Tusc. V. 4, *orerentur*, (an casu, an a consilio, incertum) edidit; alii vero *orirentur* habent. \* Sunt qui pro *abortus*, *adortus*, *aborsus* etiam et *adorus* dici putant; hoc ex Ovid. Pont. II. 2, 16, et Gell. IV. 2, illud ex Paulo Sentent. IV. tit. 9, §. 6 confirmantes. Verum hisce omnibus in locis per *r* litteram legi debere recte statuere videtur Methodi auctor, cum *arsus* ab *ordior* sit, non ab *orior*.

28) *Oriturus* Horat. Epist. II. I. 17: *nasciturus* Palladius R. R. Iun. t. 7, sub fin. et Porcius Latro Declam. contr. Catil. c. 8 utuntur. *Moriturus* satis crebro occurrit.

50. *Metior* in quarta mensus dabit, *ordiōr orsus*;  
*Experior PERTUS*, simul *opperiorque* tenebunt.

3. Excipiantur in quarta coniugatione,  
*Metior, mensus sum* <sup>29</sup>). Sic *ad-*, *com-*, *di-*, *e-*,  
*prae-*, *re-* *metior*.

*Ordior, orsus sum* <sup>30</sup>). Sic *ex-*, *red-* *ordior*.

*Experior, expertus sum* <sup>31</sup>).

*Opperior, oppertus sum* <sup>32</sup>).

51. Nil formant *vescor, liquor, medeor, reminiscor*,  
*Irascor, ringor, praevertor, diffiteorque*:

Queis demum adiungas *divertor, dequefeticor*.

4. Nullum praeteriti temporis participium habent  
verba sequentia:

*Vescor, vesci* <sup>33</sup>). *Liquor, liqui* <sup>34</sup>). *Medeor, mederi*.

29) Sunt qui huic verbo *metitus* participium tribuunt, leguntque ex Cicerone Nat. Deor. II. 48, *dimetita signa*: et ibid. c. 62, *dimetiti cur-qua*. Verum hic *dimetati*, illic *demetata* meliores codices exhibent, a *meto*, *metavi*. *Metitus* quidem usi sunt inferioris aetatis scriptores: ut Paulinus ad Gestidium, p. m. 2, *Quae sunt parva modo, magno metitus amore*. Et Ulpian. l. 52, §. 1, ff. de legat. 8, *Quae quia ingenio suo metitus est*. Addunt quidam illud Lactantii Div. Inst. VII. 14, *Quae in usum hominis metitus est Deus*, sed ibi *molitus est* libris castigationibus legitur. Confer Voss. de Vit. Serm. I. 24, extr. et Goolen. Probl. Gram. II. 2, qui Scaligerum patrem *metitus* pro *mensura* non semel adhibitasse observant.

30) *Orditus* Diomedis (quo in praefatione usus est) aliorumque recentiorum, Sidonii Epist. II. 9, Fortunati lib. 1, vulg. Interp. Esa. XXV. 7, cap. imiteris. Certe Diomed. ipse col. 372, non nisi *orsus sum* huic verbo tribuit. Confer Vossium Vit. Serm. I. 24, extr. et Goolen. Probl. Gram. II. 2, qui Iul. Scaligerum et Bap. Mantuanum *orditus* usurpantes merito reprehendunt.

31) *Experior* (ut et *comperio* vel *romperior*) ab antiquo *perio* vel *perior*, unde *peritus* et *periculum*, omniaque a Gr. *περίω*, i. e. *tenio*, non sine magna veri similitudine deducit Ursinus, p. 526. Quod si *experior* et *opperior* cum Prisciano aliisque a *perio*, (quod olim quartae fuit) derivari censenda sunt, analogiam sequuntur reg. 45.

32) *Oppertus sum* utitur Terent. Phorm. III. 2, 50: *opperitus sum* Plaut. Most. III. 2, 101.

33) *Vescor* natura passivum, ut *pascor*, videtur; a quo mutuo acceptum *pastus sum*, quidam huic verbo praeteritum tribuunt.

34) Eiusdem originis sunt *liquo*, *liqueo* et *liquor*. Primum activum est et primae coniugationis, i. e. *liquidum facere*; alterum neutrum et secundae, i. e. *liquidum esse* (unde *liquet* impersonale, proprie *defecatum est*, figurato *manifestum est*, significans): postremum denique *deponens*, vel potius passivum, et tertiae, pro *liquescere*, seu *liquidum fieri*. Diversa tamen in his est primae syllabae mensura: *liq* enim et *liqueo*, unde nomina *liquor* et *liquidus*, etc. ea correpta; *liquor* vero verbum producta offerri solet. Ab utroque autem *liquea* et *liquor* est participium

*Reminiscor, reminisci. Irascor, irasci*<sup>35</sup>). *Ringor, ringi*<sup>36</sup>).  
sic sub- *ringor*. *Prævertor, præverti*<sup>37</sup>). *Diffiteor,*  
*diffiteri. Divertor, diverti*<sup>38</sup>). *Defetiscor, defetisci*<sup>39</sup>).

## C A P. II.

*De Verbis Irregularibus.*

Verba Irregularia \*) triplicia sunt, *Anomalia, Defectiva et Abundantia.*

1. *Verba Anomala.*

Verba *Anomala* sunt, quæ non sequuntur analogiam quatuor superiorum Coniugationum.

1. A soliti flexus normis hæc verba recedunt:

*Sum, volo, fio, queo, fero, queis eo* nataque iunge.

*liquens*; ut *vina liquentia* ap. Virg. Aen. V. 298 et 776, prima brevi; et *liquentia mella, liquentia flumina*, ap. eund. Aen. I. 486, et Aen. IX. 679, prima longa. Caeterum verbum *liquet* extra præsens indicativi et subiunctivi vix iam invenitur. Confer Vossium Etym. voc. *liquo*, qui hæc omnia a *lix* sive *liquis*, quod veteri lingua *aquam* significat, derivata arbitrat.

35) *Iratus*; quod hæc verbo participium vulgo assignant, cum nullam habere temporis designationem, nomen esse, non participium, Ursinus contra Bangium evincit, p. 763.

36) Olim *ringo*, unde verbale *ricus*. Vid. supra ad reg. 30.

37) Hoc verbum verò passivum est; ab activo *prævertor, præverti*, satis frequenter usitato: at *præversus sum* non dicimus. Contra (ut hoc quoque obiter notemus) in præsentem *revertor* crebrius, *revertor* rarius, et apud vetustos auctores, Lucretium, III. 1074, et V. 1152, Pomponium in Maiali ap. Nonium, VII. 68, (nam Apuleium, Symmachum et similes sequioris ætatis eo usos non moramur) usurpatum invenimus. At in perfecto aequè *reverti* ac *reversus sum* legitur; illud quidem longe frequentius; sed non tamen ut hoc sit cum Vossio dampnandum, a cuius censura id vindicavit Cl. Borrichius, p. 223. Adde Cellarii Cur. poster. p. 166, et eiusd. Antibarb. p. 151, et duo Hirtii loca B. Hisp. c. 13 et 18, ab illis ommissa. [Cfr. Oudendorp. ad Caes. B. G. VII. 5, 4. G. St.]

38) *Divertor* itidem passivum est, cum quo activa significatione convenit *diverto*; quia actio et passio in eo, ut in *prævertor, revertor*, reciproca est. Quamvis autem præterito non *diversus sum*, sed *diverti* dicamus, ap. Caesarem tamen B. G. II. 24, *diversos* legimus, pro *distractos*, sive in aliam aliquamque partem *versos*.

39) A *fatisco*, vel *fatiscor*, et *defetiscor*, participia format Priscian. col. 825 et 888, *fessus* et *defessus*: quæ rectius a Dionede, col. 372, nominibus assensentur.

1) Irregularia verba hic intelligimus, non ea tantum quæ contra aliorum morem inflectuntur; sed lexioris vocis usu ea etiam, quibus, partium suarum respectu, aliquid vel deficit vel redundat.

Haec verba, cum eorum compositis, contra receptam in quatuor conjugationibus formam partes suas inflexerunt, *Sum, volo, fero, fio, eo, queo* <sup>2)</sup>: quorum coniugatio e Rudimentis petenda est.

2. Voce sub activa passivum praeteritum dant

Haec: *soleo, solitus; gavisus, gaudeo; factus*

*Fio* petens; *ausus* sic *audeo, fidoque fisus*.

Haec verba, *soleo, gaudeo, audeo, fido*, quas vulgo *neutro-passiva* appellantur; item *fio*, quod inter *neutralia passiva* numeratur, praeteritum formant quasi in OR desinerent, hoc modo;

*Soleo, solitus sum* <sup>3)</sup>.

*Gaudeo, gavisus sum* <sup>4)</sup>.

*Audeo, ausus sum*.

*Fido, fisus sum* <sup>5)</sup>.

*Fio, factus sum* <sup>6)</sup>.

3. Imperitantis habet *dic, duc*, persona secunda;

*Fer, fac* addè: tamen *fice*, non *fic*, dicitur apte.

Haec quatuor verba, *dico, duco, fero, facio*, in secunda persona imperativi e abiiciunt <sup>7)</sup>. Dicimus enim, *dic, duc, fer, fac*; non *dice, duce, fere, face*.

Sic eorum Composita *praedic, edic* <sup>8)</sup>; *abduc, adduc* <sup>9)</sup>; *adfer, aufer*; *benefac, calefac* <sup>10)</sup>, etc.

2) Addunt vulgo et verbum *edo*, pro *manduco*, quod nos potius inter abundantia referendum duximus.

3) *Soluerat* utitur Sallust. ap. Priscian. col. 872.

4) *Gavisi* pro *gavisus sum*, et *ausi* pro *ausus sum* veteres dixisse, notat Priscianus, col. 868.

5) Sic *confido, confusus sum; diffido, diffusus sum*. At *confidi* usus est Livius, XLIV. 18, *Agros etiam confiderunt se a populationibus tueri posse*. Item *diffidi* Quintil. Declam. 287, *Cum causae patris diffidisset vir fortis*. Vid. Borrich. advers. Sciopp. p. 288.

6) Addunt vulgo *moereo, moestus sum*; at *moestus* nomen, non participium esse, ostendit Vossius Anal. III. 24, et ante eum Priscianus, qui hoc verbum praeteritum habere negat, col. 817. Vid. supra hui. lib. cap. 1, reg. 20.

7) *Dice, duce*, tamen apud Comicos reperias; *face* et apud alios Poetas; item C. Nepot. IV. 2, 4, *Certum hominem ad eum mittas face*. Catullus contra *inger* pro *ingere* dixit, XXV. 2.

8) At Virgil. Aen. XI. 468, *edice* utitur; *addice* et *indice* Plaut. Poen. II. 50, et Pseud. I. 5, 138; atque haud scio an rectius quam *edic, addic, indic*.

9) *Abduce* et *adduce* habet Plautus Poen. V. 8, 54; Asin. II. 2, 88, et multis aliis locis: alibi autem *abduc, adduc*, ut Menaech. II. 8, 81; Pseud. I. 8, 155, etc.

At composita a *facio*, quae a in i mutant, e retinent: ut, *affice*, *infice*, *perficie*; non *affic*, *insic*, *perfic*.

## 2. Verba Defectiva.

Verba *Defectiva* sunt, quae ceteris temporibus numeris et personis deficiunt<sup>10)</sup>.

4. Haec praesente carent, *odi*, *coepi*, *meminique*, Partibus ac illo genitis, sub praeteritiva Voce tamen (*coepi* dempto) signantia tempus Praeteritum praesensque simul: sic *novit* utrumquē Significat, pleno licet usu *nosco* remansit. Imperitante modo *memini* TO TOTEque servat.

Haec tria verba *odi*, *coepi*, *memini*, carent praesenti temporibusque ab eo formatis: ex his tamen duo, *odi* et *memini*, sub voce praeteriti, non illius modo, sed praesentis etiam temporis significationem habent.

*Odi*,<sup>12)</sup> *oderam*, *oderim*, *odissem*, *odero*<sup>13)</sup>, *odisse* Partic. *osurus*.

*Coepi*<sup>14)</sup>, *coeperam*, *erim*, *issem*, *ero*, *isse*. Supin. *coeptum*. Partic. *coeptus*, *coepturus*.

10) Frequentiora sunt *benefacito*, *calefacito*, et similia.

11) Defectiva sunt triplicia, 1. Quae destituuntur vel praeterito et supino, vel supino solo, et temporibus aliisque inde formatis; qualia multa in singulis conjugationibus memoravimus. 2. Quibus desunt primae secundaeque personae, atque hinc dicuntur *Impersonalia*; de quibus paulo post videbimus. 3. Quae certis modis, temporibus, etc. deficiunt, nec tamen ad duas superiores classes pertinent; cuiusmodi sunt ea quae mox tradentur.

12) Dicimus etiam *ovus sum*, unde *exovus* et *perovus*, quibus solis, non vero *exodi*, *perodi*, utimur. Antiquos *odia*, *odis*, dixisse notat Festus: quorum imitatione *odiet*, *odient*, *odivi*, *odite*, *odientes*, etc. utitur vulgatus Interpres, *oditur* Tertullianus, *odiaris* Seneca, *odiendi* Apuleius. Vid. Vossium Anal. III. §9. Idem ap. Petronium, c. 132, *odientes* vult legendum, pro quo vulgo *audientes*, quod tamen retinendum censet Burmannus. Sed et *odivis* dixit Antonius ap. Cic. Philipp. XIII. 19: at haec omnia consuetudo melior abolivit.

13) Hoc futuro subiunctivi pro futuro etiam indicativi utimur: parque ratio in *coepero* et *meminero*. *Oderit* quoque et *oderint* imperativi interdum locum supplent: ut in illo tyranni ap. Cic. Offic. I. 28, et Senec. de Ira, I. 16, *Oderint*, dum metuant.

14) Ab antiquo *coepio*, quo utitur Plautus Menaech. V. 5, 57, *Neque pugnās, neque ego tiles coepio*: et Terent. Adelph. III. 8, 48, *Prius offeciassem, quam ille quidquam coeperet*. Porro a *corpi* est *occoepi*; ut in illis, Plaut. Amph. II. 2, 92, *Animo si male esseoccoeperit*; Terent. Andr. III. 2, 24, *Si quid tibi narrareoccoepi*; Tacit. Hist. II. 16, 4, *Ubi delectum agere Pacariusoccoepit*; ita enim libris emendationibus



*Mēmini*<sup>19)</sup>, *mēmineram*, *erim*, *issem*, *ero*, *isse*: et imperativo, *memento*, *mementote*.

His addi potest *novi*, quod significationem habet utriusque temporis<sup>16)</sup>: quamvis et *nosco*, *noscebam*, etc. usu frequentia sunt<sup>17)</sup>.

5. *Dor*, *furo*, *for*, *der*, *fer*, vix unquam suscipit usus.

*Furo*, in prima persona vix dicitur, sed *furis*, *furit*, etc.<sup>18)</sup>.

*Dor*, et *for*, in usu non sunt, sed *daris*, *faris*, *datur*, *fatur*, etc. Nec in subiunctivo dicimus, *der* aut *fer*<sup>19)</sup>. In compositione tamen usitata sunt *addor*, *condor*, *reddor*. etc. *Effor* vero et *affor*<sup>20)</sup> vix utimur<sup>21)</sup>.

6. Haec quoque truncatis videas deformia membris:

*Ausim*, *quaeso*, *forem*, *faxim*, *cedo*; *capsis* et *inquam*,

Atque *apage*, *salve*, *sodes*, *sis*, *sultis* et *aio*:

*Infit*, *ave*, *desit*, *confit* socientur, *ovatique*.

Multis magnisque sui partibus destituuntur verba sequentia:

scriptum: at ap. Terent. Eun. I. 2. 45. *Qui me amare occiperat*, e simplice, ut ait ab *occipio*, quo Lucret. V. 887, Liv. III. 19, Tacit. Annal. I. 39; 3, aliquē ntuntur; nempe a *cipio* compositum, ut *incipio*, cuius praeteritum *incepi*, non *incepi*.

15) A prisco *mēno*, per reduplicationem: quanquam et *memino* veteres dixisse colligi possit ex participio antiquo *mēmineto*, quo non Plautus modo ap. Sergium in Donati Edit. II. col. 1853, et Liv. Andron. ap. Priscian. col. 922, sed et recentiores, Ausonius de Profess. Burdig. I. 40, et Sidonius Epist. II. 20, IV. 3, etc. utuntur. Vid. Voss. Anal. III. 39.

16) Caeteras fere huius verbi partes longe frequentius per Syncopen offerimus, *nosti*, *nostis*, *norunt*, *noram*, *norim*, *nossem*, *nosce*. Imo et *nomus* pro *novimus* dixisse veteres, auctor est Diomedes, col. 382.

17) Addit Phocas, col. 1720, et Despaunterius, p. 178, *pepigi* ab antiquo verbo *pago*, de quo cap. superiore reg. 30: at praesentis significatione nusquam illud acceptum legitur.

18) Prima tamen persona usus Varro, teste Prisciano. [Cur raro dicitur, ratio in promptu est: cur dici plane nequeat, non apparet. G. St.]

19) *Deris* quoque et *demur* rarioris sunt usus: quanquam prius adhibuit Castellho in versione Matth. V. 25. Et caeterae partes verbi *faris* (praeter *fatur* Indicativi, *fure* Imperativi, Participia *fans*, *fatus* et *fundus*, et Gerundia *fandi* et *fando*) exolevisse videntur: nusquam enim *famur*, *famini*, *fantur*, *fabar*, *fabaris*, etc. *feris*, *fetur*, etc. *farer*, *fareris*, etc. legisse me memini. *Fabor* tamen usus Virg. Aen. I. 261.

20) *Effor* tamen ex Caio profert Diomedes, col. 375.

21) Multae sunt et aliorum verborum partes, quas forte iam tuto haud liceat usurpare: cuiusmodi sunt *sci* a *scio*, *cupe* a *cupio*, *palle* a *polleo*. Sic *oro* in usu vix esse notat Diomedes, col. 375: *solebo* a *so-*

1. *Aio* <sup>22</sup>); *inquam* <sup>23</sup>); *quaeso* <sup>24</sup>); *confit* <sup>25</sup>); *desit* <sup>26</sup>); *infit* <sup>27</sup>); *ovat* <sup>28</sup>); modi fere indicativi.  
 2. *Apage* <sup>29</sup>); *ave* <sup>30</sup>); *salve* <sup>31</sup>); *cedo* <sup>32</sup>); modi plurimque imperativi.

*leo* ipsa verbi significatio excludit. Idem de multis passivis existimandum, quorum ea est natura, ut primam aut secundam personam non admittant; ut *aror*, *nator*, etc. nisi personae fictione terra aut aqua de se loquentes inducantur, aut figurate ad eas sermo dirigatur.

22) De hoc aliusque eiusmodi verbis vid. Rudim. p. 59, *Aiebanus* tamen excludit Alvarus, ut et totum perfectum; quanquam *ai*, *aiisti*, agnoscat Probus, col. 1482, et *aierunt* Tertullianus dixerit de Fuga, c. 6. Veteres etiam *aiis*, *aite* et alia quaedam usurpasse putat Vossius Gramm. min. p. 132.

23) *Inquo* dici negant Diomedes, col. 375, et Phocas, col. 1718. Quod autem ex Cicerone de Orat. II. 63, *Attendere et aucupari verba oportebit*, *inquo*, Priscianus, col. 876; ex Catullo, X. 27, *Mane inquo puellae*, alii proferant; non est quod eorum testimonio satis fidamus, cum optimis codicibus, illic *in quo*, hic *inquii* legatur. Vid. Voss. Anal. III. 40: item Ursin. p. 796, qui *inquens*, quod recentiores nonnunquam usurpant, auctoritate destitui notat. Caeterum ipsum *inquam* ex *inquirebam* per Syncopen factum, praeteriti imperfecti primitus fuisse censet Vossius, l. c. quod et Ursinus confirmat ex eo, quod hoc verbo in repetitione eius quod dictum erat, et orationis coeptae continuatione, tantum utamur.

24) Priscianus, col. 902, primitivum huius verbi facit *quaero*. Melius Gruterus ad Plaut. Menaechn. V. 1, 36, eumque secutus Vossius remansisse id coniciunt ex veteri lingua, quae *s* pro *r* usurpabat, atque adeo idem esse *quaeso* quod *quaero*; unde et praeteritum restat *quaesivi*. Sane *quaesit* pro *invocat* utitur Lucretius, V. 1223: *quaesere* pro *rogare* Plautus Bacch. II. 2, 1: *quaesens* pro *implorans* Apuleius Met. IV. p. 113: *quaesivit* pro *rogavit* Sallust. ap. Priscian. l. c. *quaesivere* Deos, pro *invocavere*, Manilius, l. 413. Vid. Vossius Anal. III. 41, et Ursin. p. 798.

25) Sic *conferet* et *confieri*. Adde etiam *efferi* ap. Plaut. Pers. V. 1, 9: *interfiat* et *interfieri* ap. Lucret. III. 885, et Plaut. Trin. II. 4, 181, *Superfit*, *superfiat*, *superfieri* ap. Auson. Epigr. 81, Plaut. Stich. IV. 2, 12, et Colum. XII. 1.

26) Item *defiet* et *defiat*, et *desieri*.

27) *Infio*, quo Varro usus ap. Priscian. col. 843, exolevit.

28) Phocas, col. 1718, hanc solam personam et participium *ovans* agnoscit: at *ovas* quoque Diomedes, col. 375; qui nec primam personam omnino repudiat, sed raro tantum reperiri affirmat. *Ovet* autem habet Stat. Sylv. IV. 1, 8: *ovaret* idem Theb. I. 153: ut praeteream participium *ovatus* ap. Pers. II. 55, et gerundium *ovandi* ap. Sueton. Claud. l. 5.

29) Ex Graeco ἀπαγε. Addunt quidam et plurale *apagete* ex Cicerone, Plauto, Terentio et Apuleio: sed in his editiones variant, in quibus saepius divisim *apage* te legitur. Vid. Ursin. p. 799.

30) Hoc significatu *ave*, *aveto* et *avete* tantum dicimus. *Avro* autem pro *cupio* plurā habet tempora: quo etiam pro *salvus sum* utitur Mamertinus in Paneg. Iuliani, c. 29, *Cum hic avere iubent, qui iam fecit ut averem*.

31) *Salve*, *salveto*, *salvete* et *salvere*, nunc fere utimur. *Salvebis*

3. *Ausim*<sup>33</sup>); *faxim* et *faxo*<sup>34</sup>), modi subiunctivi: ut et *forem*<sup>35</sup>); cuius infinitivus *fore*.

4. Cum coniunctio *si* composita, *sis*, *sultis*, *sodes*, pro *si vis*, *si vultis*, *si audes*<sup>36</sup>): item, praemisso alio verbo, *capsis*<sup>37</sup>), pro *cape si vis*<sup>38</sup>).

### De Verbis Impersonalibus.

7. His super expositis Impersonalia iunge,  
Sola quibus primi numeri persona remansit  
Tertia: nempe *deceat*, cum *poenitet*, adde et *oportet*:  
Nactaque praeteritum duplex, *miseretque*, *pigetque*,  
Et *pudet*, atque *licet*, *libet* aut *lubet*, abiice *taedet*,  
Praeteritumque *liquet* spernens. Imitantur et horum  
Plurima, permaneant alias licet integra, sensum.  
Qualia, *delectat*, *placet*, *evenit*, *accidit* et *fit*,

etiam Cicer. ad Attic. VI. 2, extr. sed et *salveo* Plautus Truc. II. 2, 4. Caeterum duobus hisce *ave* et *salve* tertium *vale* adiungunt Schmidius aliique: praeter rationem, cum eadem quae in *valeo*, *vales*, *valebis*, etc. in imperativo *vale*, *valeto* et *valete*, maneat significatio. Vid. Ursinum, p. 300.

32) Hoc verbum non uni tantum, sed et pluribus etiam dicitur, ut in hoc Ciceronis de Senect. c. 6, *Cedo qui rempub. tantam amisistis tam cito*. Quod idem et verbo *age* evenit, quod pluralibus saepe accommodari ostendit Maior de var. orat. p. 372, et antea eum Valla Eleg. II. 16, quamvis longe frequentius de multis *agite* pluraliter dicatur. Vetustiores etiam *cette* pro *cedite*, ut ex Ennio et Plauto observat Nonius, II. 122, utebantur.

33) *Ausim*, *ausis*, *ausit*, plur. *ausint*, per Syncopen ex obsoleto *ausserim*, et hoc ab *ausi*, quod olim pro *ausus sum*, ut *soleo solui* pro *solitus sum*, usurpatum. Vid. Voss. Anal. III. 41.

34) Similiter *faxim* et *faxo* supersunt ex coniugatione prisca, pro *facrim*, *facero*, sive, ut nunc loquimur, *fecerim*, *fecero*. Ita enim et olim *axo*, *taxo*, *iniexo*, *respexo*, pro *agero*, *tagero*, sive (ut nunc efferimus) *egero*, *tetigero*, *iniecerō*, *respexero*. Caeterum *faxis*, *faxit*, etc. non a *faxo* sed *faxim* declinant Alvarus, Frischlinus et Giessenses.

35) *Forem* est ex *fuere*, ab obsoleto *fuo*; unde *fui* et *futurus* supersunt: *fore* iudem ex *fuere* contractum. Est autem in ratione Grammatica praesentis temporis, quamvis usus dicendi arbiter ad futuri significationem id fere revocavit: quo solo tempore eius composita, *abfore*, *affore*, *defore*, *profore*, usus admisit. [Cf. Struve l. c. §. 15.]

36) Integre protulit Plantus Aulul. II. 1, 43, *Dic mihi, si audes, quae est quam ducere vis uxorem*. Ita enim legit, id docens, vet. Schol. Pers. III. 89; quanquam in vulgatis, pro *si audes*, *quaeso* scriptum sit, quod ex glossemate irrepsisse Vossius putat, Anal. IV. 28.

37) Vid. Cic. Orat. c. 45.

38) Sic et alia, *abisis*, *videnis*, *cavesis*, *apagesis*. Caeterum hisce omnibus *sis* adiunctum, ad imperativi rigorem molliendum.

*Conducit, patet, atque iuvat, stat, sufficit inter-  
est, vacat, et prodest, refert, constatque, fu-  
gitque,*

*Attinet, et restat, spectat, cum pertinet adde,  
Cum multis aliis quae sit mora longa referre.*

Verbum Impersonale vulgo dicitur, cui nomina-  
tivus certae personae praeponi non potest<sup>39)</sup>: aut, ut  
alii definiunt, quod duabus primis et primariis personis  
destituitur.

Impersonalia activae vocis in *t* exeunt, suntque  
haec decem:

*Decet; poenitet; oportet; miseret; piget; pudet; licet;  
libet vel lubet<sup>40)</sup>; taedet; liquet.*

Impersonalia vocis passivae desinunt in *tur*. Eorum  
maximus est numerus: veniunt enim ab activis omnibus,  
multisque etiam neutris<sup>41)</sup>; ut a *lego*, *legitur*; a *curro*,  
*curritur*.

Coniugantur autem Impersonalia per tertias omnium  
fere modorum et temporum personas singulares<sup>42)</sup>: ut,  
*decet, decebat, decuit, etc. curritur, currebatur, cursum  
est vel fuit, etc.*

39) Intellige iuxta vulgi opinionem et communem loquendi consue-  
tudinem: re enim vera in plerisque huius generis verbis, personae sive  
suppositi vicem sustinet infinita locutio, vel oratio integra: ut in illis  
Ciceronis, *Oratorem irasci non decet. Ex rerum cognitione efflorescat  
et redundet oratio oportet.* In his vero, *Poenitet me peccati; Miseret  
me tui; negotium, respectus*, aut simile quid intelligitur. Caeterum im-  
personalibus passivis, *statutur, curritur, legitur, etc.* quibus simplex verbi  
actio absque ulla Ellipsi denotatur, optime haec definitio convenire vide-  
tur. Vid. Perizon. I. 12, 7.

40) Nempe haec non aliter differunt, quam *optimus* et *optumus*, fa-  
ciendus et *faciundus*.

41) Interdum etiam a deponentibus, sed raro et passivo fere sensu:  
ut Plaut. Asin. I. 1, 62, *Volo amoris obsecutum illius*. Sallust. Jug. c.  
27, *Summa ope eniam est*. Terent. Adel. III. 4, 62, *Utinam hic sit  
modo defunctum*. Caes. B. G. VII. 61, *Hostibus nunciatur in castris  
Romanorum tumultuari*. Apul. Met. IV. p. 137, *Moeretur, fletur, la-  
mentatur diebus plusculis*. At sensu activo, *Quos non est veritum in vo-  
luptate summum bonum ponere*, dixit Cicero de Fin. II. 13, Confer et  
Gell. XV. 13. Nimirum quia olim, ut Nonius testatur, IX. 3, *veratur te*,  
pro *vereria*, dicebant.

42) Nonnunquam etiam in tertia plurali, sed personaliter inveniun-  
tur, 1. Activae vocis: ut Horat. Epist. I. 7, 44, *Parvum parva decet*.  
Sueton. Iul. XX. 8, *Caetera item quae cuique libuissent*. Catull. LIX.  
147, *Marito ista non eadem licent*. Terent. IV. 7, 36, *Non te haec pu-  
dent*. Lucan. VIII. 495, *Semper metuet, quam saeva pudebunt*. Val.  
Flacc. II. 92, *Acclinem scopulo inveniunt, miserantque juvenique*. Gell.

Porro ex decem illis quae vocis activae sunt, tria regulariter praeteritum formant; *Decet*, *decurrit*; *poenituit*; *oportet*, *oportuit*. Sex duplex habent praeteritum alterum activae, alterum passivae vocis: *Miseret*, *miseruit* <sup>43)</sup> et *miseritum est* <sup>44)</sup>; *piget*, *piguit*, vel *pigitum est*: *pudet*, *pudivit*, *pudivit*, vel *pudivitum est*; *licet*, *licuit*, vel *licitum est*; *libet*, *libuit*, vel *libitum est*; *taedet*, *taeduit* <sup>45)</sup>, vel *pertaesum est* <sup>46)</sup>. At *liquet* in praeterito vix reperitur <sup>47)</sup>.

Impersonalia carent imperativo: sed pro eo utimur praesente subiunctivi: ut, *poeniteat*, *pugnetur* <sup>48)</sup>.

Nec in supinis, participiis aut gerundiis inveniuntur, paucis exceptis <sup>49)</sup>,

I. 2, Cum omnes verbis eius defatigati pertaeduissent. Ter. Heant. III. 2, 25, Haec facta ab illo oportebant, al. oportebat. 2. Passivae vocis: ut, Martial. IV. 30, Sacris piscibus haec natantur undae. Cic. Offic. I. 10, Quo in genere multa peccantur. Tacit. Hist. I. 16, 7, In caeteris gentibus quae regnantur. Ovid. Heroid. XII. 169, Noctes vigilantur amarae.

43) *Miseruit* vix usquam iam legitur.

44) Olim *miseritum*, Vid. supra hui. lib. c. 1, reg. 47, n. 13.

45) *Taeduuit* aut *taesum est* vix usquam occurrunt.

46) *Pertaesum est* utitur Cic. ad. Q. Fratr. I. 2, Virg. Aen. IV. 18, et alii. Pro eo *partisum* veteres dixisse notat Festus. At id non probare consuetudinem Cicero ait Orat. c. 48. Est autem a composito *persaedet*, quo impersonaliter Gellius, XV. 20, personaliter vero, ut modo diximus, 1, 2, idem utitur.

47) A praeterito tamen *liqui* vel *liquui*, personaliter dixit Cic. Nat. Deor. I. 42, Ego ne Protagoram quidem, cui neutrum liquerit, sive, ut Lambinus legit *Liquerit*, aut etiam *licuerit*. Sic enim a *deliquero deliqui* format Ovid. Met. IV. 253, et VII. 381; et a *colliqueo, collicui*, Varro ap. Non. IV. 275. Sed et impersonaliter usus Tertulian. adv. Gnosticos, c. 6, *Liquuit Africae*.

48) Invenitur tamen imperativus *liceto*, in nobilissima Inscriptione, ipsa Tullii aetate tabulae aeneae incisa, ap. Aldum in Orthograph. p. 407 et seqq. accurate descripta: e qua et haec apponere visum est. Quae thermensium maiorum. pisidarum. publica. preivatave. praeter. loca. agras. aedificia. sunt. fueruntque. ante. bellum. mitridatis. quod. premium. factum. est. quodque. earum. rerum. iei. antea. habuerunt. possederunt. usui. fructive. sunt. quod. eius. ipsei. sua. voluntate. ab. se. non. abalienarunt. ea. omnia. thermensium. maiorum. pisidarum. uti. sunt. fueruntque. ita. sunt. itidemque. iei. ea. omnia. habere. possidere. utei. frueique. liceto.

49) Ut, *poenitendi causa*, ap. Cic. Fin. II. 32. *Corrigere errorem poenitendo* Id. Acad. III. in Fragm. *Poenitendum puto* Id. Attic. VII. 3. *Non pudendo* Id. de Orat. I. 26. *Inducitur ad pudendum, ad pigendum*, Id. de Clar. c. 50. *Magis esset pudendum* Id. Tusc. II. 5. *Quum pueret vivos, tanquam puditurum esset extinctos* Plin. XXXVI. 15. *Neminem eorum per Italiam ire liciturum* Liv. XLII. 86. *Poeniturus etiam* (sive, ut legendum vult Voss, Anal. IV. 13, *poenititurus*) dixit Salustius, pro *poenitentiam acturus*, (teste Quinctil. IX. 3,) et ante eum

Participia autem; per quae circumloquimur praeterita passiva, non hic variantur per genera, ut fit impersonalibus; sed quia substantive ponuntur, semper sunt generis neutri: ut, *pugnatum est, misertum est* <sup>50</sup>).

¶ Impersonalibus vulgo accensentur multa verba personalia, quia ad modum impersonalium absolute inveniuntur in tertia persona singulari, absque nominativo, sequente mox infinitivo <sup>51</sup>).

Huiusmodi e prima coniugatione sunt, *Delectat, iuvat, spectat, vacat, stat; cum compositis, constat, praestat, restat.*

Accius, quod iam exolevit. *Poenitens* unitatum est; item *pertossus*, quod active significat; et *pudendus, pigendus, poenitendus. Libens, pudens, derens*, nomina potius quam participia videntur.

50) Atque ab huiusmodi participiis impersonaliter acceptis venire videntur ablativi, qui sine substantivo absolute positi vulgo dicuntur: ut Tac. Ann. IV. 36, 3, *Absolvitur, comperto ficta in eum crimina.* Interdum et nominativi, ut Liv. VII. 8, *Diu non perlitatum tenuerat Dictatorem:* Et I. 53, *Ni degeneratum in aliis huic quoque decori officisset.* Item et accusativi: ut Liv. XXVIII. 12, *Post Aedrualis exercitum deletum, cedendoque in angulum Brutium, caetera Italia concessum, cui non videretur mirabile?* Vid. Perizon. ad Sanct. p. 439.

51) Haec Impersonalia per accidens vocat Ursinus, p. 815. Caeterum et decem illa Impersonalia, quae per se talia appellat, olim et personalia fuisse docet ex Capro Priscianus, col. 922. Sic Lucret. III. 894, *Ipse sui miseret.* Plaut. Amph. II. 2, 188, *Isthuc facinus, quod tu inanimulas, nostro generi non decet.* Ovid. Amor. I. 8, 35, *Deceat alba quidem pudor ora.* Plaut. Stich. I. 1, 50, *Et me quidem haec conditio nunc non poenitet.* Id. Casin. V. 2, 3, *Ita nunc pudeo, atque ita nunc paveo.* Ennius in Hecuba ap. Non. VII. 53, *Miserere mei anuis.* Stat. Th. X. 384, *Si non dedecui tua inasa.* Praesente autem voce generali, id, quid, quod, nihil, quicquam, et similibus, apud optimos etiam auctores saepe personaliter accipiuntur: ut, Ovid. Heroid. IV. 154, *Quid deceat non videt ullus amans.* Cic. Tusc. V. 18, *Sequitur ut nihil poeniteat, nihil deat, nihil obstat.* Id. de Orat. II. 4, *Sin tibi id minus libebit, non te urgebo.* Ovid. Amor. II. 19, 3, *Quod licet ingratum est, quod non licet acrius urit.* Cic. pro Caecina. c. 11, *Cum quid liqueret, non habuistis.* Ter. Phorm. III. 3, 21, *Ne quid plus minusve faxit, quod nos post pigeat.* Plaut. Pseud. I. 3, 47, *Nimio id quod pudet facilius fertur, quam illud quod piget.* Martial. IV. 12, Nulli, Thai, negas: sed si te non pudet istud, Hoc saltem pudeat, Thai, negare nihil. Terent. Adolph. I. 2, 4, *Quem neque pudet quicquam, nec metuit quenquam.* Cic. pro Corn. Balbo, c. 3, *Est enim aliquid quod non oporteat, etiam si licet: Quicquid vero non licet, certe non oportet.* Plaut. Pseud. I. 3, 74, *Nihilne te mei miseret?* Nisi forte postremis hisce exemplis, quicquam, quod et nihil in accusativum potius resolvenda sunt: quae de re fusius in Syntaxi dicetur. \* Itidem in passivis: ut Ovid. Met. XII. 188, *Iam tertia vivitur aetas.* Martial. VI. 43, *Canaque sulphureis nympha natatur aquis:* et Id. XIII. 59, *Tota mihi dormitur hyems.* Confer Voss. Anal. III. 1 et 42; Sanct. III. 1, p. 266 et 267, et III. 3, p. 371 et 374; Ursin. p. 812, Johnson. App. p. 260 et seqq. et Addit. p. 47, etc. et adde pluralia supra memorata Not. 42.

E secunda coniugatione, *Apparet, attinet, pertinet, debet, dolet, nocet, latet, patet, placet, displicet, sedet, solet, assolet* <sup>52)</sup>).

E tertia, *Accidit, contingit, coepit, incipit, conducit, desinit, exoidit, fugit, officit, sufficit, succurrit, suppetit*.

E quarta, *convenit, evenit, expedit*.

Ex anomalis, *Est* <sup>53)</sup>, cum compositis, *obest, prodest, potest* <sup>54)</sup>, *interest, superest; fit, praeterit, nequit, subit, confert, refert* <sup>55)</sup>).

52) An *assoleo* dicatur, et an *assoleo* semper sit impersonale, disquirentem vid. in utramque partem Goelezi. Probl. Gramm. V. 7.

53) Ut, *cernere est, uidere est*. Virg. Ecl. X. 46, *Nec sit mihi credere*. Vid. Perizon. ad Sanct. IV. 4. n. 52. Huc referunt et has locutiones *certum est, aequum est, par est*, etc.

54) Ex his octo Familiaria appellantur, scil. *Possum, queo, nequeo, coepi, incipio, desino, debeo, soleo*: sic dicta, quod pro natura verborum infinitorum quibus ancillantur, nunc personalem, nunc impersonalem significationem inquant. Et impersonaliter quidem acceptorum haec exempla suggerit Saturnius, Merc. mal. III. 27: Plin. iun. Epist. IV. 13, *Huius vitio occurrere uno remedio potest*. Ciceri de Harusp. resp. c. 21, *Cuius auctoritatis neminem posset poenitere*. Iustin. XII. 6, 5, *Pigere zum facti coepit*. Ovid. Remed. v. 710, *Incipiet dominae quemque pudere suae*. Seneca Epist. 40, *Si te pudere desierit*. Caes. B. G. II. 33, *Pugnatum ab hostibus ita acriter est, ut a viris fortibus pugnari debuit* Cic. ad Attic. VIII. 5, *Etsi solet eum, cum aliquid furiose fecit, poenitere*. De quo (quod Saturnius intactum praeteriit) exemplum sit illud Cic. anteq. iret in exil. c. 2, *Ut iis sine magna sollicitudine, industria, virtute non queat resisti*. Parque est verbi *nequeo* ratio. § Observat porro idem Saturnius, III. 28. ex his verbis tria esse, nimirum *coepi, desino et queo*, quae iuncta cum infinitis passivae terminationis, possunt arbitrata nostro et vocem servare activam, aut formam subire passivam: ut Liv. II. 21, *Plebi iniuriae a primoribus fieri coepere*. Cic. de Divin. II. 2, extr. *De repub. consuli coepti sumus*. Plin. II. 55, extr. *Turres bellicis temporibus desiere fieri*. Cic. de clar. c. 32, *Veteres orationes post nostras a plerisque legi sunt desitae*. Tac. Annal. XIII. 17, 2, *Ut iam non praematura mors videri queat*. Terent. Hec. IV. 1, 57, *Forma in tenebris nosci non quita est*: item Gell. XX. 1, extr. *Saevitia contemni non quita est*. Lucret. I. 1044, *Suppleri summa quatur*. Sic Sallust. Iug. c. 34, *Quicquid sine sanguine civium ulcisci nequitur, iure factum sit*: et Apul. Apol. p. 547, *Sola virginitas, cum semel accepta est, reddi nequitur*. \* Quod vero verbo *possum* similitet usi sint vetustiores; ut Ennius ap. Diomed. col. 881, *Nec retrahi poteretur imperia*. Lucret. III. 1023, *Quod tamen expleri nulla ratione potestur*. Caesius ap. Non. X. 33, *Cum sine periculo bellum geri poteratur*: et Quadrigarius ap. eund. X. 30, *Cum non possetur decerni*: id praerancidae antiquitati renunciandum idem statuit. Confer et Vossius Anal. III. 86, et Ursin. p. 437 et seqq.

55) *Refert* impersonale prima longa plerumque enunciatum: unde a *res* et *fero* deductum vulgo creditur. At Cl. Perizonius, non a *res*, sed a praepositione loquelari *re* compositum, et primaria sui notione unum idemque significare ostendit, sive personale, sive impersonale intelligatur:

¶ Ad Impersonalium denique naturam quodammodo accedunt Verba exemptae actionis, hoc est, actionem significantia, quae ut fiat, neutiquam est humanae potestatis; ut, *Fulgurat, fulminat, tonat, grandinat, gelat, pluit, ningit, lucescit, advesperascit, noctescit*<sup>56</sup>), et similia.

### 3. Verba Abundantia.

Verba *Abundantia* sunt, quae varie ab auctoribus usurpantur. Eorum autem triplex est differentia: 1. Etenim, quaedam *Genus*, 2. Quedam *Terminationem*, 3. Quedam denique *Coniugationem*, variam seu multiplicem habent.

De Verbis genere abundantibus.

Genere abundant Verba duplicia:

1. Quae interdum Neutra, interdum Activa sunt: ut, *aboleo, duro, maneo*, etc.<sup>57</sup>). Sic Liv. III. 55, *Cuius rei prope iam memoria aboleverat*<sup>58</sup>). Velleius, II. 58, 2, *Abolere testamentum*. Plaut. Amph. III. 2, 1, *Durare nequeo in edibus*. Ovid. ad Liv. V. 198, *Duravit animum*. Cic. Nat. Deor. I. 12, *Nihil semper suo statu manet*. Virg. Aen. VII. 596, *Te triste manebit supplicium*.

2. Quae Communia, i. e. quae modo activa, modo passiva sunt: ut, *adipiscor, criminor, dignor*, etc.<sup>59</sup>). Sic Cic. Epist. Fam. XII. 22, *Maximam laudem adeptus esses*. Plaut. Trin. II. 2, 88, *Non aetate, verum ingenio adipiscitur sapientia*. Terent. Eun. V. 2, 16, *Hanc me-*

---

quamvis Romani ob significationem in speciem diversam, diversa tandem ea verba credentes, huic productam, illi correptam *re* syllabam, discriminis gratia tribuendam censuerint. Vid. eum III. 5; n. 3.

56) In his verbis, Scaligeri observatio de Causis L. L. V. 110, p. 284, locum habet, quod nimirum primis duabus personis ea careant, non tam ipsorum, quam rerum, quibus applicari possunt, defectu. Alioquin sane nihil impediatur quo minus, si per Prosopopoeiam Deus loquens introducatur, *tono, fulmino*; si coelum, sive aër, *pluo, ningo*: aut si per Apostrophem ad ipsum Deum dirigatur oratio, *tonas, fulminas*; ad coelum, *pluis, ningia*, dicatur. Alii in his nominativum cognatae significationis latere volunt; ut *fulmen fulminat, pluvia pluit*, etc. alii (quod mihi praecipue probatur) nihil his aliud quam actionem sive rem ipsam significari existimant; ut *grandinat, lucescit*, sit idem quod *grando est, lux est*.

57) Satis amplam eiusmodi verborum sylvam exhibent Voss. Anal. III. 4, Methodi auct. p. 459, Gram. Oxon. p. 48, Ursin. p. 448. Vides etiam doctissimum Perizon. ad Sanct. III. 3, de iis acutissime, ut solet, dissertantem.

58) At hoc potius est ab *abolesco*. Vid. supra lib. III. r. 17, n. 96.

59) De his vid. postea, cap. III.



*tui, ne me criminaretur tibi.* Cic. contr. Rull. III. 4, *Sullanæ res defendere orimino*, i. e. *accusor*. Ovid. Trist. III. 14, 51, *Venia dignare libellum*. Cic. de Invent. II. 55, *Homines cultu quodam et honore dignantur*, i. e. *digni existimantur*.

### De Verbis terminatione abundantibus.

Talia sunt, *Assentio et assentior; fabrico, fabricor; impertio, impertior; lacrimo, lacrymor; mereo, mereor; muno-ro, muneror*, etc.<sup>60</sup>), eadem significatione<sup>61</sup>). Sic, *comperio, punio, luxurio; rarius comperior, punior, luxurior*<sup>62</sup>); et *populo, comitor; raro populo*<sup>63</sup>), *comito*<sup>64</sup>).

60) Sic Cic. Offic. I. 6, *Ne his temere assentiamus*. Id. Fam. I. 1, *Hæc assentiuntur reliqui consulares*. [*Assentior* apud Ciceronem innu-meris locis, *adsentio* paucis legitur, variantibus semper libris manu scrip-tis. Epist. ad Fam. I. 1, editur quidem: *Nam advertabantur Pompeii familiares adsentire Valcatio*: sed in quibusdam exemplaribus est *ad-sentiri*. De Offic. I. c. 6. vulgo legebatur *Ne incognita pro cognitis ha-beamus hisque temere assentiamus*; sed codd. plerique *adsentiamur*. Epist. ad Attic. VII. ep. 8, Grævius edidit, *Etsi ex parte magna tibi assentio*; sed ante eum plures *adsentior*. In præterito Ciceronem *ad-sens* maluisse quam *adsensus sum*, ut *revetti* potius quam *reversus sum*, exploratum habemus. Cfr. Hensingeri Obs. antibarb. p. 450. G. St.] Horat. Sat. I. 8, 102, *Quæ post fabricaverat usus*. Cic. Offic. I. 41, *Pictores et ii qui signa fabricantur*. Id. in Verr. II. 34, *Dolorem suum namini impertiebat*. Id. ad Brut. Epist. 12, *Ut misericordiam liberis eius impertiamur*. Ovid. Amor. I. 8, 83, *Discant oculi lacrymare coac-cii*. Cic. in Verr. V. 46, pr. *Ecquis fuit, quin lacrymaretur?* Ovid. Heroid. XIV. 84, *Haec meruit pietas præmia*. Cic. de Leg. III. 14, *Perniciose de rep. merentur vitiosi Principes*. Senec. Epist. 119, *Inani me lance munerat*. Cic. ad Attic. VII. 2, *Opipare me muneratus est*.

61) Nempe activa. Quamvis et horum quaedam, præsertim in par-ticipiis perfectis, passive accepta leguntur: ut Cic. Acad. IV. 31, *Sapi-ens multa sequitur probabilia, non comprehensa, neque assensa*. Virg. Aen. II. 46, *Fabricata est machina*. Sueton. Claud. IV. 13, *Nullo ho-nore impertitus*. Ovid. Fast. I. 339, *Lacrymatae cortice myrrhae*. Id. Ibid. IV. 239, *Meritas dem sanguine poenas*. Spartian. in Hadr. c. 8, *Locupletissime muneratus*.

62) Sic Sallust. Jug. 45, pr. *Sapientem virum fuisse comperior*. Cic. pro Mil. c. 13, *Cuius inimicissimum punitus es*. Colum. de arbor. c. 11, *Cacumina virgarum, ne luxuriarent, demutillato*. Adde Quintil. IX. 8, et Non. VII. 27 et 109.

63) Sic Virg. Aen. XII. 262, *Littora vestra Vi populat*. Propert. II. 6, 15, *Quod mea si teneræ comitarent castra puellæ*: et ita saepius Ovidius. \* Sed et horum participia haud raro passive accipiuntur: ut Sallust. Catil. c. 37, *Haec ubi Romæ comperta sunt*. Tac. Anal. XIV. 24, 3, *Convicti et puni sunt*; [et extra participium Ovid. Met. IX. 778, *Quod non ego punior ipsa*.] Cic. in Verr. III. 52, extr. *Populata pro-vincia*. Virg. Aen. I. 312, *Uno graditur comitatus Achate*; [et extra participium Ovid. Trist. III. 7, 47, *Ingenio tamén ipse meo comitorque fruorque*.]

## De Verbis coniugatione abundantibus.

Coniugationem variant verba triplicia:

Quaedam usitate Primae, et raro Tertiae: ut,

Lavo, lavas, lavas, lavare: et, Lavo, lavis, lavare<sup>65</sup>).

2. Quaedam usitate Secundae, et raro Tertiae: ut,

Ferveo, ferves:

Fulgeo, fulges:

Strideo, strides:

Tueor, tueris<sup>69</sup>):

et

Fervo, fervis<sup>66</sup>).Fulgo, fulgis<sup>67</sup>).Strido, stridis<sup>68</sup>).Tuor, tueris<sup>70</sup>).

64) His adde, *adulo*, *auguro*, *cachinno*, *demolio*, *frustro*, *lacule*, *insidio*, *medico*, *meto*, *palpo*, *partio*, *stabulo*, *velifico*; pro quibus (quavis probis fere auctoribus usitatis) frequentiora sunt, *adulor*, *auguror*, *cachinner*, etc. \* Et contra, *Bellor*, *communicor*, *elucubrer*, *foetior*, pro foetori exponere, *multor*, *nutrior*, *oscitor*, *pascor* et *depaescor*, *peragror*, *quiritor*, *suppeditor*, significatione activa bonis itidem auctoribus usurpata; licet bello, *communico*, etc. usitatius dicantur. \* *Fluctuo* etiam et *fluctuor*, *frutico*, *fruticor*, *nutrico*, *nutricor*; *nieto*, *nietor*; *ructo*, *ructor*; *vermino*, *verminor*; pari fere auctoritate nituntur. \* Mirto haec vetustissimis scriptoribus in o terminata, *Abomino*, *adipisco* et *indipisco*, *adminiculo*, *aggredio*, *congregio*, *progredio*, *altereo*, *amplecto*, *emphlecto*, *arbitro*, *aucupo*, *auspico*, *commento*, *consolo*, *contemplo*, *convivo*, *-are*, *crimino*, *cuncto*, *digno*, *exsecro*, *horto*, *cohorto*, *imito*, *insecto*, *intaminio*, *ioco*, *irasco*, *largio*, *lucto*, *delucto*, *ludifico*, *mentio*, *mino*, *minio*, *miro*, *misero*, *misereo*, *modero*, *modulo*, *molio*, *demolio*, *morio*, *moro*, *mutuo*, pro mutuum accipio, *omino*, *opino*, *opitudo*, *osculo*, *pariseo*, *patio*, *percontor*, *polliceo*, *praedo*, *praelio*, *praestolo*, *praevarico*, *preco*, *refrago*, *suffrago*, *reverteo*, *retorico*, *nimo*, *ringo*, *rixo*, *scruto*, *perscruto*, *secto*, *sequo*, *sortio*, *suavio*, *auspico*, *testo*, *tumultuo*, *tuto*, *vago*, *velito*, *venero*, *ulcisco*, *vocifero*; *uto*, Gellio XVIII. 12, Nonie, cap. VII. de contrar. gen. verb. Diomedii lib. I. col. 394, Prisciano lib. VIII. col. 797 et seq. Vossio Anal. III. 7, Ursino, p. 470, etc. observata: quorum omnium loco terminationem in or usus meliorum recepit. \* Item haec in or, *Adiutor*, *affector*, *caleor*, *caveor*, *desperor*, *dilapidor*, *dispensor*, *excalceor*, *focillor*, *fatiscor*, *gliscor*, *ignascor*, *labascor*, *lustror*, *manducor*, *mendicor*, *pacificor*, *perficior*, *pigneror*, pro pignerè dare, *praesagior*, *quasitor*, *sacrificor*, *sciscor*, *significor*, *spector*, *spolior*, *vector*, *urinator*; pro quibus verba in o posuius aetas duntaxat admisit.

65) Olim etiam et *boere* pro *buare*, *sonere* pro *sonare*, *tonere* pro *tenare*, *crepere* pro *crepare*, dixerunt. Poterunt et his addi, *convivere* et *convivari*, *dissecare* et *dissecere*, *educare* et *educere*, *nictare* et *nictare*, in quibus eadem est, aut non multum diversa significatio. Huc referunt et *priscum nexere* pro *nexare*: at illud pro *nectere* potius usitatum, hoc frequentativum esse, supra ostendimus, cap. I. reg. 9, n. 43; et reg. 59, n. 75.

66) Vid. cap. I. reg. 16, n. 80.

67) *Fulgo* et *effulgo* in tertia dixere non solum Lucilius, Pomponius, Laetretius ap. Non. X. 12: sed ipse Virg. Aen. VI. 327, et VIII. 677. Confer Senec. N. Quaest. II. 56.

68) *Stridunt* pro *ssident*, utitur Plin. iun. Epist. IX. 25: *stridit* pro *stridet* Virg. Geo. IV. 262: *stridère*, pro *stridère*, Horat. Sat. II. 3, 78.

\* Sed utraque coniugatione frequentatur *tergeo*, *terges*; et *tergo*, *tergis*; ut et composita, *detergeo*, et *de-tergo*; *abstergeo*, et *abstergo*<sup>71)</sup>.

5. Quaedam Tertiae usitatus, ac rarius Quartae: ut,

<i>Fodio, fodis, fodere;</i>	} et {	<i>Fodio, fodis, fodire</i> <sup>72)</sup> .
<i>Solio, solis, sallere</i> <sup>73)</sup> .		<i>Sallio, sallis, sallire</i> <sup>74)</sup> .
<i>Morior, moreris, mori;</i>	} et {	<i>Morior, moriris, moriri</i> <sup>75)</sup> .
<i>Sic arior, oreris; et orior, oriris</i> <sup>76)</sup> .		
<i>Potior, poteris; et potior, potiris</i> <sup>77)</sup> .		

¶ Est verbum quod usitatus sit Secundae, rarius Quartae; nempe *cio*, *cies*, *ciere*; et *cio*, *cis*, *cire*<sup>78)</sup>, unde, *accire* et *accitus*<sup>79)</sup>.

69) Sic composita *contueor*, *contuor*; *intueor*, *induor*; *obtueor*, *obtuor*; unde verbale *obtusus*, ut a simplice tuor participium *tutus*, quod amitte temporis adsignificatione in nomen degeneravit. Vid. supra c. I. reg. 48, n. 15.

70) Sic *abnuco*, *angeo*, *congrueo*, *excelleo*, *scabeo*, *sugeo*, etc. pro *abnuco*, *sugro*, etc. veteres dixerunt. Et pro *connuere*, *olere*, *ridere*, *scatere*, *respondere*, penultima producta, *connuere*, *olere*, *ridere*, *scatere*, *respondere*, penultima correpta. Vid. Poppam de usu antiq. locut. I. 11, Voss. Anal. III. 85, Ursin. p. 775 et seqq.

71) Vid. supra cap. I. reg. 18 et 81.

72) De quo vid. ibid. reg. 22, n. 28.

73) Vid. ibid. reg. 83, n. 30.

74) Olim etiam *cupire*, *parire*, *sapire*, pro *cupere*, *parere*, *sapere*, dicebant. Addunt vulgo *linere*; et *linia*, *linire*: at posterius merito reiecit Barmanus, ut supra monitum ad c. I. r. 36, n. 48. [Sic etiam *arcessire* pro *arcessere* ipsa Ciceronis aequalibus familiare est. Caes. B. G. V. 11, *Ex legionibus fabros deligit et ex continenti alios arcessiri iubet*. Corn. Nep. Attic. c. 21, 4, *Agrippam generum ad se arcessiri iussit*. Dion. c. 2, *Adolescenti negare non potuit, quin eum arcessiret*, ut est in codd. quibusdam optimis. Infinitivus *arcessiri* legitur etiam Sallust. Ing. c. 62, 4. Curt. VI. 11, 28. VII. 6, 14. Iustin. XVIII. 2, 4. Frontin. Strateg. I. 9, 8. Cfr. Oudendorp. ad Caesar. B. G. I. 51, 4. Drackenb. ad Liv. III. c. 45, 3. G. St.]

75) De quo dictum reg. 49, n. 25.

76) Vid. supra eod. cap. r. 49, n. 27. Inveniuntur et *aggrediri* et *aggredi* ap. Plaut. Truc. II. 6, 7, et Cas. V. I. 9.

77) Sed haec in infinitivo semper sunt quartae, *oriri*, *potiri*; non *ori*, *poti*. In indicativo autem *orior* nunc quidem semper tertiae, in imperfecto subiunctivi semper quartae est: *potior* vero in utraque coniugatione apud Poetas invenitur; sed ita ut *potitur* in tertia iis sit usitatus. Confer supra c. I. r. 47, n. 12.

78) Veteres etiam pro *censere*, dicebant *censire*, unde *censitus* et *censitor* (ut supra animadversum ad reg. 11, n. 55.) Sic et *raucere*, unde *rauci*; et *raucire*, unde *rauci*, *rausum*; item *viere* et *vire*, unde *viotor* ap. Plaut. Rud. IV. 3, 51, pro *viotor*, quomodo in MSS. et vetustioribus editt. invenit Taubmannus.

79) Sunt et quaedam Primae et Secundae, ut *denso*, *densas*; et *densco*, *denses*, quo Lucretius, I. 662 et alibi, et ipse Maro Aen. XI.

¶ Huc etiam referri potest verbum *edo*, quod nonnullas sui partes dupliciter format, hoc modo:

Ind. Praes. *Edo*, *edis* vel *es*; *edit* vel *est* — *editis* vel *estis* —

Imp. *Ede* vel *es*; *edito* vel *esto*; *edito* vel *este*; *editote* vel *estote*.

Subi. Imperf. *Ederem* vel *essem*; *ederet* vel *esses*, etc.

Inf. praes. *Ederè* vel *esse*.

Passiv. Ind. Praes. *Editur* vel *estur* <sup>80</sup>).

## APPENDIX I.

### *De Verbis quae sub eadem voce significationem variant.*

Inter *Abundantia* <sup>81</sup>) a quibusdam recensentur Verba haud pauca, quae in nonnullis sui partibus vocem quidem eandem, significationem vero, plerumque et coniugationem, diversam habent. Eorum triplex est differentia;

1. Quaedam *thematè* seu Praesente congruunt; ut,

*Aggero*, -as.

*Appello*, -as.

*Compello*, -as.

*Colligo*, -as <sup>82</sup>).

*Consterno*, -as.

*Aggero*, -is <sup>83</sup>).

*Appello*, -is.

*Compello*, -is.

*Colligo*, -is.

*Consterno*, -is.

650, utuntur. \* In prima quoque et quarta olim variatum: ut *unare* (unde *adunare*), pro *unire*; *bullare*, pro *bullire*. Sic *artire* ex Catone; *dementire* ex Lucretio, *dolitus* ex Varrone ap. Non. *impetritus* ex Plautio; pro *ariare*, *dementare*, *dolatus*, *impetratus* probat Aus. Popma, loc. supra laudato. Quaedam trium simul coniugationum fuerè, primae, tertiae et quartae: *fodure*, *fodere*, *fodire*; *pinsare*, *pinsere*, *pinsire*; secundae, tertiae et quartae, *claudere*, *claudere*, *claudire*, pro *claudicare*. Vid. eund.

80) Quo non solum Plaut. Most. I. 3, 78, et Apul. Met. IV. sed Cels. III. 25. med. et IV. 19. sub fin. Ovid. Pont. I. 1, 69, et Senec. de Ira, III. 15, utuntur. \* Apud eund. etiam Plaut. Most. IV. 2, 42 et 43, *esni* et *bibi*, pro *edi* et *bibi*, in infinit. passivo, legit Lambinus, pro quo vulgo *esse*. \* *Ambens* quoque pro *ambelens* videtur Lucr. V. 397.

81) Improprie haec verba abundare dicuntur: quamvis enim in illis non sive syllabae consentiant, (quod fortuito accidisse censendum est); diversa tamen significatio, qua voces a se invicem potissimum distinguuntur, diversa ea prorsus verba constituit.

82) Hoc ab *ad* et *gero*, illud ab *agger* compositum.

83) Sic *deligo*, -as; et *deligo*, -is: alia autem a *ligo* et *lego* composita diversa quam retinent vocali internascuntur; ut *alligo*, et *allego*; *interligo*, et *interlego*; *praeligo*, et *praetlego*; *reliigo*, et *relego*.

*Efferō, -as.**Fundo, -as.**Mando, -as.**Obsero, -as<sup>84</sup>).**Volo, -as.**Efferō, -fers.**Fundo, -is.**Mando, -is.**Obsero, -is.**Volo, vis.*

\* Ex his quaedam, simul cum coniugatione et significatione, mutant etiam accentum:

*Cōlo, -as.**Dīco, -as<sup>85</sup>).**Edūco, -as<sup>86</sup>).**Lēgo, -as<sup>87</sup>).**Vādo, -as.**Cōlo, -is.**Dīco, -is.**Edūco, -is.**Lēgo, -is.**Vādo, -is<sup>88</sup>).*

Quaedam Praeterito consentiant: ut,

*Aceō, acui.**Cresco, crevi.**Frigeo, frixi.**Fulgeo, fulsi.**Luceo, luxi.**Paveo, pavi.**Pendeo, pependi.**Acuo, acui.**Cerno, crevi.**Frigo, frixi.**Fulcio, fulsi.**Lugeo, luxi.**Pasco, pavi.**Pendo, pependi<sup>89</sup>).*

3. Quaedam denique idem habent Supinum: ut,

*Cresco, cretum.**Maneo, mansum.**Sto, statum.**Succenseo, censum.**Teneo, tentum.**Verro, versum.**Vinco, victum.**Cerno, cretum.**Mando, mansum.**Sisto, statum.**Succendo, censum.**Tendo, tentum.**Verto, versum.**Vivo, victum<sup>90</sup>).*

84) Sic *resero, -as*, et *reſero, -is*: hoc a verbo *sero*, illud a nomine *sera*, compositum.

85) Sic alia a *dico, -as*, et *dico, -is*, composita: ut, *abdico, -as*, et *abdico, -is*; *indico, -as*, et *indico, -is*; *praedico, -as*, et *praedico, -is*.

86) Interdum *edūco* idem significat quod *edūco*, eoque nomine verbum abundans est.

87) Sic alia horum verborum composita: ut, *allego, -as*, et *allego, -is*; *relego, -as*, et *relego, -is*.

88) Adde *pedo, -as*, prima brevi a *pes*; et *pedo, -is*, prima longa.

89) Huc adde composita a *sto* et *sisto*: ut, *consto, constiti*; *consto, constiti*; *insto, institi*; *insisto, institi*, etc. Adiciunt alii composita a *fero* et *tollo*: ut, *confero, contuli*; *contollo, contuli*; *effero, extuli*; *extollo, extuli*; *profero, protuli*; *protollo, protuli*. Sed haec omnia ad *fero* potius quam ad *tollo* referenda videntur. *Sustuli* vero, quod a *suf-fero* etiam ductum volunt, tantum a *tollo* vel *sustollo* est, ut alibi ostensum cap. I. r. 33, n. 33.

90) Huc etiam pertinent *pando, passum*, et *patior, passus sum*; *pango, pactum*, et *paciscor, pactus sum*.

## APPENDIX II.

*De Coniugatione prisca sive obsoleta.*

1. Imperfecta quartae olim in IBAM, citra vocalem *e*, terminabantur; ut, *audibam*, *scibam*, *lenibam*; pro *audiebam*, *sciebam*, *leniebam*: qualia etiam apud Poetas optimi aevi nonnunquam reperire est<sup>91</sup>).

2. Futurum quartae, activae formae in IBO, passivae in IBQR<sup>92</sup>) veteres finiebant: ut, *dormibo*, *esuribo*, *scibo*;

91) Sic *sacvibat*, *scibat* habet Lucretius, V. 1001 et 932: *audibant*, *custodibant*, Catullus, LXXXII. 8, et LXII. 319: *insignibat*, *lepibat*, *lenibant*, *nutribat*, *nutribant*, *polibant*, *redimibat*, *vestibat*, Virgilius Aen. VII. 790, VI. 468, IV. 528, XI. 572, VII. 485, VIII. 486, X. 538, et VIII. 160: *largibar*, *operibat*, Propertius, I. 3. 25, et III. 11; 35: *audibam*, *audibat*, Ovidius Heroid. XIV. 36, et Fast. III. 508: *parturibat* Phaedrus, IV. 22, 1. Vid. Charis. col. 157, Aus. Popmam de usu antiq. locut. I. 12, Voss. Anal. III. 34, et Ursin. p. 673, qui postremus licitam docet esse in carmine, hanc formam, non item in prosa; nisi quis cum Apuleio, Fulgentio aut Capella praeter rem *deputaverit* velit.

92) Sic *aperibo*, *convenibo*, *dormibo*, *subvenibo*; utitur Plautus Truc. IV. 2. 50: Casin. III. 2, 18; Trin. III. 2, 100, et Menaech. V. 7, 20; *audibo* Ennius, *esuribo* Pomponius, *expedibo* Pacuvius, *obedibo* Afranius, *paribis* rursus Pomponius aliique ap. Non. VII. 90, et X. 5, 11, 24, etc. *scibo*, *scibis*, *scibis*, Terentius Adelph. III. 3, 8; Andr. IV. 7, 35; Phor. V. 1, ult. *servibo* Id. Hec. III. 5, 45, ipse etiam Horatius Car. III. 23, 21, *mollibit*, et Pallad. Feb. t. 31, *linibis*. Similiter *amicibor*, *custodibitur*, *demalibor*, *largibere*, *mentibitur*, *opperibor*, *reperibitur*; idem Plautus Pers. II. 5, 6; Capt. III. 5, 71; Bacch. III. 1, 16; Ibid. IV. 7, 80; Mil. I. 1, 35; Pseud. I. 3, 89, et Epid. I. 2, 48: *experibere* Terent. Heaut. IV. 6, 20. Confer Popmam, Vossium et Ursinum locc. citt. ¶ Hanc imperfecti et futuri formam retinuerunt *eo* et *queo* (quae quartae etiam sunt) eorumque composita. Reperitur tamen in iis nonnunquam forma in *iam*, *transiam*, *praeteriam*, *-ies*, *-iet*, etc. Sic Tibull. I. 4, 23, *At si tardus eris, errabis, transiet aetas*: et Cicero contra Rull. II. 25, extr. *Inietur ratio quaestus* (pro *transibit*, *inibitur*). Prius quidem in *transiit* mutavit Broukhsius: pro posteriore *inibitur* reposuit Manutius, *invenietur* Lambinus: at reclamantibus melioribus libris; ut hinc doctissimus Graevius, illinc Ach. Statius, Canterus, aliique observant. Porro *exiet* pro *exibit* habet vetus interpret Matth. II. 6, et ita Tertullianum aliosque eius aetatis locutos notat Vossius Anal. III. 38. \* *Ambio* regulariter habere *ambiebat* et *ambiam*; *veneo* vero *venibam* et *venibo*, docet Ursinus, p. 738 et 789: sed altera utrinque forma aequae fere in usu esse videtur: nam ut *ambiebat* habet Curt. IV. 2, 9: *ambiebant* Apul. Met. IV. p. 107: *ambiebatur* Tac. Hist. V. 12, 1: sic *ambibat* Ovid. Met. V. 361, et id. Tac. Annal. II. 19, 2: *ambibunt* Plin. VIII. 35. Et, ut *venibat* Plin. IX. 39: *venibunt* Cic. Attic. XII. 38. Sic, *Singulis veniebant immunitates* id. Cic. Phil. II. 36, sub fin. et; *Veniet sub praecone tota Propontis atque Hellespontus* (citante ex orat. de leg. Agrar. Aquila) Fragm. p. m. 4201 dixere. Apud eund. vero Cic. ad Attic. V. 20, med. variant codd. *quibusdam Mancipia venibant*, aliis *veniebant* exhibentibus. Neque morari nos debet hic Plauti auctoritas, qui sui aevi consuetudinem secutus, ve-

pro dormiam, esuriam, sciam; et amolior, demolior, opperior; pro amiciar, demoliar, opperiar<sup>93)</sup>.

3. Subiunctivi praesens olim in IM terminatum: ut, edim pro edam, duim pro dem, perduim pro perdam<sup>94)</sup>.

4. Inveniuntur apud veteres perfecta subiunctivi in SSIM: ut, fortunassim, negassim; pro fortunaverim, negaverim<sup>95)</sup>.

*-----*

sibus, venibit et venibunt adhibuit Pers. III, 1, 8, et Menæch. V. 9, 96, 97 et 98, eodem pacto scil. quo venibo a venio, utiur Pomponius ap. Non. X, 82.

93) Nec tantum verba quartæ futurum in BO antiquè finiebant; sed et in verbis tertiæ idem nonnunquam usitatum deprehendimus; ut reddibo et reddibitur ap. Plaut. Casin. I. 41, Menæch. V. 7, 49, et Epid. I. 1, 22, pro reddam, reddetur: nisi mavis cum Scioppio-Suspect. lect. IV. 13, reddibo et reddibitur illis in locis esse legendum; quomodo fidebo, sugebo, vivebo, similiaque dixero, ab antiquis fideo, suges, viveo in secunda tum coniugatione inflexis. Confer et Voss. Anal. III. 84. Urtimur autem p. 674, reddibo et reddibitur retinenda censet, coniicitque reddere olim *esepozillm*, ut alia tertiæ simul et quartæ, apud veteres dictum. § Observat porro idem Vossius d. I. recentioris aevi scriptores verba secunda, quæ per BO exeunt, interdum extulisse per AM: ut ap. Symmach. Epist. I. 90, *Studium quod scribendis orationibus exhibeam*, pro exhibebo; et Sidon. Carm. V. 277, *Mortem mandare valebo* *insonis?* taceam nostri, pro tacebo; et ita alia in locis. Addit Vossius idem fortasse factum in coniugatione prima: ut ap. eund. Sidon. Carm. XIII. 12, *Quod si centuloris tuo poetæ, Mandem perpetuis legenda fastis*; pro mandabo. At mihi hiæ in locis exhibeam, taceam, mandem, non futuri indicativi, quamvis illius significationem præ se ferant, sed praesentia subiunctivi esse videntur. Nec est quod hoc loquendi genus tanquam illudicrum sequioris aevi cum Vossio damnetur, quam eo optimi nonnunquam scriptores utantur; ut Cic. de Senect. c. 23, *Si quis Deus mihi largiatur, ut ex hac aetate repuerasceam, et in ætate vagiam*; valde reuerens. Ovid. Met. III. 465, *Quid faciam?* roger, ante rogem? quid deinde rogabo? Horat. Car. I. 23, 13, *Quod et Threicio blandius Orpheo Audiat moderere arboribus fidem, Non vanæ redeat sanguis imagini.* Terent. Eun. I. 1, 1, *Quid faciam?* non eam, ne nunc quidem Cum accerere ultro? an potius ita me comparem Non perpeti meretricum contumelias: nec audiendus Clodionus, qui col. 1914 eam hic futuri indicativi esse somniavit. Sunt enim hæc omnia praesentia subiunctivi, atque per oportet ut, necessu est ut, fieri debet vel potest ut, aut alia his similia, interpretanda. [Cave hanc interpretationem veram putes. G. St.]

94) Edim pro edam habet non tantum Plautus Aul. III. 2, 16, et Trin. II. 4, 73, 74; Caecilius, Novius et Pomponius ap. Non. X. 18: sed etiam, melioribus libris, Horat. Epod. III. 3. Duim autem et perduim apud Comicos illos frequentissima sunt. Similiter carint, pro carere, ab antiqua caro; effodint, pro effodiant: simit, pro sinat; temperint, pro temperent, utitur idem Plant. Most. IV. 1, 1; Capt. III. 5, 66; Poen. III. 4, 12, et Truc. I. 1, 41. Ab hac denique forma nobis restiterunt velim, nolim. Pro velim autem volim antiquos protulisse testis est Priscianus, col. 848, adducto in eam rem illo Cic. Nat. Deor. II. 32, *Quo facilius id quod docere volumus, intelligi possit*: pro quo tantum nunc volumus constanter legitur.

5. Frequentiora apud eosdem sunt futura subiunctivi in SSO: ut, *levasso*, *prohibesso*; pro *levavero*, *prohibuero*<sup>95</sup>).

6. Ab eodem futuro subiunctivi veteres formarunt futurum infinitivi in ASSERE: ut, *expugnassere*, *impetrassere*; pro *expugnaturum esse*, *impetraturum esse*<sup>97</sup>).

95) *Negassim* utitur Plaut. Asin. II. 4, ult. Sio *ne aegrotassim* ap. Cic. Tusc. III. 6; legunt Victorius, Gronovius et Davisius.

96) Sic *levasso* dixit Ennius ap. Cic. de Senect. c. 1, *amasso*, *abiurasso*, *coenasso*, *curasso*, *invitasso*, *irritasso*, *mutasso*, *orasso*, *servasso*, etc. Plautus, *excantasso* Leg. 12 tabb. *adclarassim* Liv. I. 18: *cooplassim*, Id. III. 64: *creassit*, *imperassit*, *inrogassit*, *iudicassit*, *locassit*, *migrassit*, *rogassit*, Cic. de Leg. III. 3, 4: *licessit* Plaut. Asin. III. 3, 13: *prohibessim* Cato R. R. c. 141, Plaut. Aul. IV. 2, 4: *prohibessit* Id. Pseud. I. 1, 12, et Cic. de Leg. III. 3: *cohibessit* Lucret. III. 445. Huc referunt et *iusso*, pro *iussero*, in illo Virgilii, XI. 467, *Caetera, qua iusso, mecum manus inferat arma*: quod imitatur Silius, XII. 175, *Ast ubi iusso*; ad quem vid. Drakenborchium. Inveniuntur et passivae, *iussitur* ap. Caton. R. R. c. 14 pr. et *turbassitur* ap. Cicer. de Leg. III. 4, pro *iussus* et *turbatus fuerit*. \* Exempla autem tertias in SSIM vel SSO rarissima sunt; ut ap. Plaut. Bacch. V. 2, 70, *Cave culpa, tua amissis*, pro *amiseris*; et Casin. II. 5, 39, *Non emissim titivillitio, pro emerim*; add hio alii *emim*, sive *empsim*, substituunt, Festus hunc Plauti locum in voc. *titivillitum* proferens, *empsitem* legit. Caeterum in hac coniugatione veteribus frequentiores erant terminationes PSIM et PSO, vel XIM et XO: ut, *adempsit*, pro *ademerit*; *capso*, *capxit*, *capsumus*, pro *ceperit*, *ceperim*, *ceperimus*; *occepso*, pro *occepero*, ap. Plaut. Epid. III. 2, 27; Bacch. IV. 4, 61; Pseud. IV. 3, 6; Rud. II. 1, 15, et Amph. II. 2, 41: sic *rapit*, *clepsit*; pro *rapuerit*, *clepserit* ap. Cic. de Leg. II. 9, legit Turnebus. Porro et *axim*, pro *egerim*, Pacuvius ap. Non. X. 7: *adaxint*, *dixit*, *effexis*, *inixit*, *obiexit*; pro *adegerint*; *dixeris*, *effeceris*, *inieceris*, *obiecerim*, Plaut. Aul. I. 1, 11; Mil. III. 2, 29; Cas. III. 5, 63; Pers. I. 2, 18; Poen. I. 3, 37: *taxis*, pro *tetigeris*, Varro ap. Non. II. 856. Ab hac forma adhuc restiterunt *ausim*, pro *auserim*, sive *ausus fuerim*; et *faxim*, *faxo*, pro *fecerim*, *fecero*. His affinia sunt praeterita plusquamperfecta Subiunctivi in XEM vel SEM: item praeterita Infinitivi in XE vel SE, a praeteritis Indicativi in XI vel SI, per Syncopen decurtata: ut *faxem*, pro *fecissem*, ap. Plaut. Pseud. I. 5, 84: *recesset*, pro *recessisset* ap. eund. Merc. Prol. 73: *illexe*, pro *illexisset*, Ibid. Prol. 53: *advexe*, pro *advexissem*, Ibid. II. 2, 61: *fluxe*, pro *fluxissem*, Varr. R. R. II. 11, pr. *produxe*, pro *produxissem*, Terent. Adelph. IV. 2, 22. Sic *adduxe*, *dixe*, ap. Plaut. Rud. IV. 4, 3; et Amph. III. 3, 8: *subduxe* ap. Varr. R. R. II. 1: *elepe* ap. Cic. Tusc. II. 9, legit Dausquius Orthog. Vol. I. p. 129 et seqq. pro quibus in vulgg. *adduxissem*, *dixissem*, *subduxissem*, *clepsissem*, reperimus. Sed et hac forma nonnunquam usi sunt poetae praestantissimae aetatis; ut, *extinxem*, *vixet*, Virg. Aen. XI. 118, et Aen. IV. 606; pro *extinxissem*, *vixisset*: *abvexsem* Sil. VIII. 109; pro *abvexissem*: *affixet* Id. XIV. 536: pro *affixissem*: *traxe* Virg. Aen. V. 786; pro *traxissem*: *surrexe* Horat. Sat. I. 9, 73; pro *surrexissem*: *promissem* Catull. CVII. 5; pro *promissem*: eorumque imitatione Auson. in Lud. Sapient. *scripse* et *dixe*, pro *scripsissem*, *dixisset*.

97) Huiusmodi futura exstant ap. Plautum: *expugnassere* Amph. I. 1, 55: *impetrassere* Aul. IV. 7, 6; Cas. II. 3, 53, et Stich. I. 2, 23: re-



7. In imperativis passivae formae veteres secundam singularem in MINO, secundam pluralem in MINOR, interdum terminabant: ut, *attestamino, famino; pro attestare, fare; arbitraminor, progrediminor* pro *arbitramini, progredimini* <sup>98</sup>).

8. Praesens infinitivi passivi recipit additionem syllabae ER, non solum apud Plautum, et Terentium <sup>99</sup>); sed

*conciliassere* Capt. I. 2, 65. \* Caeterum de harum terminationum in ASSIM, ASSO, et ASSERE apud antiquos origine non adeo inter se Grammatici consentiunt. Vossius enim Anal. III. 41, *impetrasso, levasso* format ex *impetravero, levavero*, unde fuerint *impetraveso, levaveso*, et hinc extrita syllaba, et ad compensationem eius geminata consona, *impetrasso; levasso*. Eademque eius de praeteritis in ASSIM sententia est. At superius Anal. III. 15, hanc derivandi rationem instituerat, *impetravero, impetraro, impetrasso*, etc. quae antiquissimi simplici, et posteriores eo geminato extulerint. Quod ad terminationes XIM vpl XO attinet, idem Vossius Anal. III. 41, init. Latinos existimat Graccorum hac in re consuetudinem secutos. Nam ut illi dixerint, ἄγω, ἄξω; πλέω, πλέω: sic hos dixisse *facio, facto; faxo; ago, acto, axo*. Addit enim, Latinos videri hanc terminationem in solis usurpasse frequentativae. Mihi magis arridet Ursini horum omnium derivandorum ratio: is autem p. 675, ea arcessit a perfectis antiquis, quae simpliciter a praesentibus suis formabantur. Hinc igitur a *facio* fuit olim *faci*, et inde *faceso* pro *facere*, hinc *facso, faxo; facesim, facsim, faxim: capio, capi, capesim, capeso, capsim, capso*, etc. Quod si meae quoque coniecturae in his sit locus, ego haec omnia a praesente Indicativi deduxerim: ut, *amo, amas, amassim, amasso, amassere; prohibeo, prohibes, prohibessim, prohibesso; emeo, emis, emisim, emissa; capio, capis, capissim, capisso*, et per Syncopen, *capsim, capso; initio, iniicis, iniicissim, iniicisso*, et vocali mutata, *iniecissim, iniecso, aut iniexim, iniexo*.

98) Rara admodum sunt harum terminationum exempla. *Famino*, pro *dicito*, notat Festus: *praefamino* utitur Cato R. R. 185 et 140: *attestamino* in legg. 12 tabb. ap. Porphyriionem legit Rutgersius. Rursus Plauti est Epid. V. 2, 30, *Facto opere arbitraminor*: et Pseud. III. 2, 70, *Pariter progrediminor*, sive ut in MS. Camerarii habetur, *progredimino*. Vid. Voss. Anal. III. 14, et Sol. Lowaeum in Notis, p. 11.

99) Talia sunt, *adversarier, aggredier, argutarier, credier, contemplarier, curarier, fundarier, impingier, opperier, parasitarier, prosicarier, reperier, sectarier, stipularier, suspicarier, tradier, versarier, viderier*, ap. Plautum: *Auxiliarier, arcessier, claudier, convivarier, deludier, experier, fabularier, immutarier, labefactarier, laudarier, mirarier, pervenier, sollicitarier*, ap. Terent. *Accendier, convertier, corrumpier, cunctarier, densarier, explerier, gignier, iactarier, impellier, labier, largier, miserier, mittier, moderarier, nitier, obnitier, pulsarier, secernier, vertier*, ap. Lucret. *faterier, avellier, spargier*, ap. Horat. Epist. II. 2, 148; Sat. I. 2, 104, et Car. IV. 11, 8: *adiungier* ap. V. Flacc. Ik. 421: *defendier* ap. Iuv. XV. 157, etc. Et ita olim prosa loquutos ostendit solennis illa, totiesque a Cicerone repetita fiducia formula, *Inter bonos bene agier*, Offic. III. 15 et 17; Epist. Fam. VII. 12, et Topic. c. 17: et *viderier* ap. Catonem in Orig. referente Gellio, III. 7. Vatinius quoque ap. Cic. Fam. V. 9, pr. *Qui pro se causam dicier vult*, ἀγορεύω, pro *dicere*, adhibuit. Ut omittam *figier, gnoscier*, in vet. Inscrip. a Gronovio Historiae Ciceronianae praemissa, etc.

etiam apud melioris aetatis Poetas nonnunquam: ut, *fari*, *immisceri*, ap. Virgilium; *scitari*, ap. Ovidium; *dicere*, ap. Persium, pro *fari*, *immisceri*, *scitari*, *dici*.

g. Olim denique Participia praeterita passiva, itemque futura activa, quae in circumlocutione infinitivi cum verbo *esse* adhibentur, habita erant pro indeclinabilibus, et proinde nominibus substantivis cuiuscunque numeri ac generis promiscue iuncta: ut, C. Gracchus, *Credo ego inimicos meos hoc dicturum*. Cic. Verr. V. 65, *Hanc sibi rem praesidio sperant futurum*, supple *esse*<sup>100</sup>). Et Plant. Amph. Prol. v. 55, *Iustam rem et facilem esse oratum a vobis volo*. Cic. ad Attic. VIII. 12, *Ut cohortes ad me missum facias*<sup>1</sup>).

### C A P. III.

#### *De Genere, Specie et Figura Verborum.*

Supersunt tria verbi Accidentia, Genus, Species et Figura: de quibus hoc capite et sigillatim agemus.

100) Eiusmodi sunt haec ab A. Gellio, I. 7, allata: ex Cl. Quadrigario, *Dum ii conciderentur, hostium copias ibi occupatas futurum*: ex eod. *Est quod speremus Deos bonis bene facturum*: ex Valerio Antiate, *Haruspices dixerunt omnia ex sententia processurum esse*: ex Plauto, de puella loquente, Casin. III. 5, 50, *Etiame habet Casina gladium? Habet, sed duos, Quibus altero te occisurum ait, altero villicum*: ex Laberio, *Non putavi hoc eam facturum*. Item a Prisciano lib. X. col. 864: ex Catone, *Illi polliciti se facturum omnia*: ex Lucilio, *Nupturum te nupta negas, quod vivere Ulyssem Speras*: ex Sylla, *Ad summam perniciem rempublicam perventurum esse*. Adde Cic. Fam. XIV. 1, *Quod ad me, mea Terentia, scribis, te vicum venditurum*. Scioppius quoque ad Sancti Minerv. III. 11, sub fin. adfert hoc Varronis R. R. I. 68, *Pensilia, ut uvae, mala et sorba, si non dempseris ad edendum, ad abiiciendum se descensurum minitantur*: at in meis omnibus *descensura* invenio. Caeterum, de hac locutione vid. Gellium et Priscianum locc. citt. Voss. Anal. III. 16, in primis vero Cl. Perizon. ad Sanct. I. 14, 1, et III. 11, 1.

1) In his *oratum* et *missum* supina esse voluit Saturnius Merc. mai. VIII. 7; at Goclenius Probl. Gram. I. 52, nec supina, nec participia, sed singularia esse, et quasi pro uno verbo usurpata, tanquam dictum esset *missifacias*: uterque praeter rationem. Rectius Ursinus, p. 599, et Perizonius ad Sanct. I. 15, p. 125, item p. 448 et 462, qui vera participia haec esse ostendunt: et Perizonius quidem per Ellipsin vocis *negotium* sententiam explicat, hoc pacto, *Volo oratum esse a vobis negotium quod ad iustam rem et facilem attinet*: et, *Facias negotium, quod ad cohortes attinet, ad me missum esse*. Ursinus vero incuriae ac negligentiae veterum tribuit, qui in passiva hac perfecti infinitivi circumlocutione *amatum esse, oratum esse*, etc. *amatum* et *oratum* pro indeclinabilibus acceperunt; quod in illis futuri activi, *Credo inimicos meos hoc dicturum, Hostium copias ibi occupatas futurum*, etc. ipse Perizonius praemissae agnoscit.

## §. 1. De Generibus Verborum.

Genera <sup>1)</sup> Verborum vulgo recensentur quinque, *Activum, Passivum, Neutrum, Deponens et Commune.*

1. Activum est quod in O <sup>2)</sup> desinens, actionem transeuntem notat, et accepto R fit passivum; ut, *amo, doceo* <sup>3)</sup>).

2. Passivum est quae in R desinens <sup>4)</sup>, passionem significat; et R abiecto fit rursus activum <sup>5)</sup>: ut, *amor, doceor.*

1) Displicet haec appellatio Vossio, qui formas potius dicendas mavult. At cum haec quoque ambigua vox sit, non est quod a recepto Grammaticis fere omnibus nomine discedamus. Caeterum in hac verborum divisione, non significationis modo, sed terminationis etiam ratio habetur. Aliter enim, si significatio tantum respicitur, tria solum verborum sunt genera; Activum, quod ante se nominativum agentem, post se accusativum patientem recipit, ut *amo, veneror*: Passivum, quod ante se nominativum patientem, post se ablativum agentem habet, ut *amor, fio*: et Neutrum, quod nominativi sui existentiam, ut *sum*: vel statum sive conditionem; ut, *iaceo, moror*: aut actionem in se ortam et absolutam; ut, *curro, nugo*; vel passionem denique internam et in se manentem, ut *madeo, morior*, denotat.

2) Intellige, si integrum sit: setus enim impersonalia quaedam vere activa sunt; ut *poenitet, decet, taedet*, quamvis non terminentur in O, utpote prima secundaque persona destituta.

3) Interdum accusativus, sive obiectum in quod transit actio, omititur: nimirum ubi simpliciter actio ipsa significatur, et obiectum eius, quod nosse nihil refert, in incerto relinquitur; sic tamen ut esse aliquod ex ipsa verbi natura colligere liceat: ut cum Ovidius canit Rem. v. 7, *Saepe sapient alii iuvenes, ego semper amavi: Et si quid faciam nunc quoque quaeris, amo.* Simile et illud Livii, I. 36, *Hoc exterritus viso, statuit mittere Delphon.*

4) Nimirum in OR, si omnibus suis personis perfectum sit, ut *amor*: in UR si tertiam modo agnoscat, sive utramque, ut *ager aratur, agri arantur*, vel singularem tantum, ut impersonalia, *statutur, valetur*.

5) Nullum esse verbum activum, quod non habeat passivum, et contra, vulgo stathunt; ita ut accusativus a verbo activo rectus, in nominativum mutatus fiat verbi passivi suppositum; et e converso ablativus cum praepositione a tergo verbi passivi positus, in nominativum mutatus suppositum fiat verbi activi: ut, *Virgilius laudat Caesarem, Caesar laudatur a Virgilio; Legati a rege missi sunt, Rex misit legatos.* Id tamen perpetuum non est: nam *poenitet, decet* et *taedet*, verba impersonalia, vere (uti diximus) activa sunt; non tamen, ut *poenitet me*, sio *poenitetur a me*, dicere liceat. Rursus *nascor* et *laetor* vere passiva sunt, quamvis *nascor* et *laeto* in usu non sint. Sic multis aliis, quae deponentia vulgo habentur, passivam significationem asseruit acutissimus Perizonius, p. 280 et seqq. Huc adde et verba quaedam neutra, quae accusativum non a se proprie rectum, sed per Ellipsin praepositionis appositum habent: ut, *Dormio totam hiemem; vigilo noctem; nato aquam; navigo mare*: quae tamen auctores per *παράγωγη* quandam, tanquam suapte natura accusativum vere regerent, in verba passiva, accusativoque adeo in nominativos converterunt: ut, *Tota mihi dormitur hiems; Noctes vigilantur amarae; Natantur aquae; Navigantur maria.* Vid. eund. p. 297 et 308; et Ursin. p. 418, et confer infra de Particip. Reg. III.

3. Neutrum est, quod in O vel M desinens, rei existentiam vel statum, vel actionem aut passionem immanentem notat, nec R admittit ut fiat passivum: ut, *sum, valeo, ambulo, calesco*.

Ex his, quatuor, quia simpliciter rem esse significant, Substantiva a Grammaticis vocantur, *sum, forem, fio, existo*.

Quaedam appellantur Neutro-passiva, quae cum in O desinant, praeteritum formant more passivorum: ut, *audeo, ausus sum; gaudeo, gavisus sum*, etc. de quibus supra cap. II. reg. 2.

Quaedam Neutralia Passiva, quae in O finita significationem et casum passivorum habent: qualia sunt haec tria, *vapulo*<sup>6)</sup>; *veneo; fio*<sup>7)</sup>.

Reliqua fere Absoluta, seu Intransitiva vocantur: sive accidentalem rei statum significant: ut, *albeo; sedeo, valeo*<sup>8)</sup>; sive in se absolutam rei actionem: ut, *surgo; eo*<sup>9)</sup>; seu passionem in subiecto immanentem: ut, *ardeo; pereo; senesco*<sup>10)</sup>, etc.<sup>11)</sup>.

4. Deponens est quod sub terminatione passiva sig-

6) Negat Sanctius, I. 2, et III. 3, Latine dici, *Vapulo a praestepore*; at contrarium monstrant Perizon. ibid. et Ursin. Tom. II. p. 518.

7) His addunt et alia tria, *exulo, nubo et liceo*. Sed haec non admittunt ablativum causae efficientis cum praepositione *a* vel *ab*. Porro et *nubo* manifeste activum est, idem significans quod *tego, velo*. *Exulo* quoque et *liceo* statum potius rei accidentalem, quam passionem notare existimat Ursin. p. 422. De priore non contenderim: at de posteriore haud paulo obscurior res est, cum *liceo* verbum sit incertae originis, et (quod magis mirum) sub terminatione activa passivo, sub passiva active significet. Caeterum et alia verba neutra, quae et passionem significant, et passivorum more cum ablativo construuntur, *neutralia* itidem passiva appellare possis: ut, *ardeo, ferveo, intereo, madesco*, etc. Sic Ovid. Met. VIII. 514, *Invitis correptus ab ignibus arsit*. Id. Met. II. 602, *Animus tumida fervebat ab ira*, Lucret. III. 708, *Interiisse a morbo*. Ovid. Met. I. 66, *Pluvio madescit ab Austro*.

8) Quo pertinent et *cesso, quiesco, sto, sedeo, iaceo, cubo, maneo*, duro: item, *sordeo, aqualeo, stupeo, torpeo, vigeo*, et id genus alia.

9) Talia sunt, *Clamo, erro, hio, litigo, mano, migro, meo, murmuro, pecco, pugno, titubo, luceo, niteo, noceo, prindeo, studeo, cedo, tepo, serpo, vado, vergo, servio, salio, venio*, et similia. Haec autem Neutro-Activa quidam appellant, Graecis *όλωσηγενήτινα*, seu *αὐτοδυνεγενήτινα*.

10) Huiusmodi sunt et *Aegrotio, aestuo, flagro, algo, cuido, esurio, sitio*, et plurima inceptiva in *eo*; ut, *adolesco, aresco, candesco, claresco, calesco, innatesco, languesco, liquesco, macresco, obtorpesco, pallesco, rubesco, surdesco, tepesco, vanesco*, etc. Haec autem *αὐτοπαθητινα* Graecis nominantur.

11) Sunt et quaedam mixta ex actione immanente et passione interna: ut, *gaudeo, doceo, horreo, mereo, paveo*.

nificationem habet activam: ut, *loquor*; vel neutralem: ut, *glorior* <sup>12)</sup>).

5. *Commune* <sup>13)</sup> denique est quod in OR. finitum, modo active, modo passive significat: qualia sunt, *adipiscor*; *aspornor*; *crimino*; *dignor*; *fateor*; *sector*; *stipulo*; *tueor* <sup>14)</sup>. Verum in his passiva significatio rarissima est.

12) De origine ac fonte verborum deponentium disputantes vid. Persson. p. 280, et Ursin. p. 426.

13) Sunt qui hoc genus verborum ex Grammatica totum proscribunt: at eos probe refellit Vossius Anal. III. 6, qui non apud cascos modo, sed optimi quoque aevi scriptores sic usurpata inveniri, proindeque et recte Communia appellari docet.

14) Haec recenset, et bonorum auctorum exemplis confirmat Johnsonus, p. 269. Quibus postea adiecit Addit. p. 48, *Aggredior*, *anestor*, *arbitror*, *assequor*, *consequor*, *consolor*, *periclitor*, *pallescor*, *fatur*, *ulcescor*. His interserit *domino* et *hortor*. At utrumque vetusto nimis tibicine fultum videtur: nam quod de posteriore adfert illud Taciti Annal. XII. 9, 1, *Pollionem inducunt sententiam expromere, qua hortaretur Claudius despondere Octavianum Domitio*, castigatioribus oraretur est editum. Idem addit, *Potiri hostium passivo de eo qui ab hostibus capitur*, acceptum; quod forte et etiamnum dicere liceat; at id non tam exemplo Plauti Capt. I. 2, 41, et III. 5, 104, quod allegat Johnsonus (is enim et *potio*, *potivi*, voce activa utitur) quam Ictorum Tryphonini, Papiniani, Iuliani et Ulpiani ita saepius loquentium. Nec dissimilia, *potiri mortis* ap. Lucret. IV. 770: *potiri quid mali* ap. Terent. Phorm. III. 1, 5; et *potiri letho* ap. Cic. Tusc. I. 48. Confer Parei Lexic. Crit. p. 960, et Voss. l. supra cit. Minus tamen recte ab eodem Johnsono inter Communia recenseri videntur *comitor* et *dispartior*, cum utrumque activum haheat satis frequens *comito* et *dispartio*, hoc Ciceroni Offic. II. 11; C. Nepoti, XIV. 10, 2; Livio, XXIX. 1; Lactantio de Opif. Dei, c. 11, sub init. illud Propertio, II. 6, 15, et Ovid. de Pont. II. 3, 48, et alibi saepius, usitatum. Ab his his autem activis passiva significatione restiterunt *comitor* et *dispartior*. Priore utitur, non Iustinus modo XXX. 2, 4, *Iam in publico visuntur, tam saluantur, iam comitantur*, quod Johnsono notatum, sed etiam, ut supra monuimus, ipse Ovid. Trist. III. 7, 47, *Ingenio tamen ipse me comitorque fruorque*. Pro posteriore adfert Johnsonus illud Lucret. III. 702, *Dispartitur enim per caulas corporis omnes, scil. anima*. Adde C. Nep. XVIII. 2, 1, *Cum regna singulis familiaribus dispartirentur*: et (ut ego conicio) ipsum Cic. Catil. IV. 4, *Municipiis dispartiri iubet*. Quanquam non ignoro *comitor* longe frequentius deponens esse: ut, Virg. Aen. IV. 543, *Nautas comitabor avantes*: quomodo nonnunquam et *dispartior* accipitur: ut, Cic. de Leg. II. 9, *Iurisconsulti quod positum est in una cognitione, id in infinita dispartiantur*, sive, ut in melioribus legitur, *dispartiantur*: et Liv. III. 10, *Consules belli administrationem inter se dispartiri iussi*. Unde et Bangius (ut id obiter moneam) qui *dispartior* pro *dispartio* dici affirmarat, a censura Ursini, id exemplo carere dicentis, vindicatur. § Caeterum Communibus adiciunt, veterumque auctoritate confirmant, Priscianus, col. 791, et seqq. Gellius, XV. 13, Ramus Schol. Gram. p. 255, etc. Vossius Anal. III. 6, Methodi Auctor. p. 462, et Ursinus, p. 430, *Abominor*, *adminiculo*, *admiror*, *adulor*, *amplector*, *asector*, *auguror*, *calumnior*, *complector*, *consector*, *conspicor*, *contestor*, *demolior*, *despeculo*, *delargior*, *despico*, *detestor*, *domino*, *exsequor*, *fru-*

¶ Communia olim fuerunt, *Amplector, adulator, blandior, complector, consolor, frustror, experior, hortor, interpretor, largior, machinor, meditor, mentior, moderor, modulator, obliviscor, osculor, testor, veneror, vereor*, et caetera fere omnia quae nunc sunt deponentia: quorum participia nonnulla praeteriti temporis, passivam significationem adhuc interdum retinent: ut, *expertus, imeditatus, mentitus, modulatus, oblitus, testatus, veneratus* <sup>15</sup>).

## § 2. De Specie Verborum.

Species Verborum est duplex, Primitiva, ut, *lego, video*; Derivativa ut, *lectito, viso*.

Derivantur fere verba, vel a nominibus, vel ab aliis verbis <sup>16</sup>).

1. A nominibus derivantur verba duplicia <sup>17</sup>), *Imitativa et Denominativa*.

Imitativa vocantur, quae imitationem significant:

*stror, intutor, largior, meditor, metior, molior, moror, osculor, polliceor, precor, quoror, remoror, reor, solor, uador, uenor, vereor, vociferor, utor*: Item, *Abutor, adhortor, adioror, architector, argumtor, auxiliior, blandior, cavillor, cohortor, comitor, confiteor, dilargior, ementior, exhortor, enitor, execror, exorior, experior, furor, iaculor, immolior, machinor, metor, moderor, modulator, nanciscor, obliviscor, ordior, pactiscor, percontor, testor, velificor*: quorum priora, extra participia praeteriti temporis, non nisi apud antiquissimos aut minus probatos scriptores; posteriora solis participiis passivae usurpata inveniuntur. Atqui ex passivo participii praeteriti usu, non valide satis et passivus verbi ipsius usus adstruitur. Neque enim si Virgilius *Ecl. IX. 55, Nunc oblita mihi tot carmina dixerit; Carmina mihi obliviscuntur* dicere ausim. Multoque minus ex participiis in DUS, quod a Prisciano nonnuquam factum, id colligas; cum ea semper passiva sint: ut, *gloriandus, sequendus, fruendus*, etc. formenturque interdum etiam a verbis in O: ut, *percunda puppis, placenda dos*, ap. *Plant. Epid. I. 1, 70; Trin. V. 2, 35; vir carendus, poena dolenda*, ap. *Ovid. Heroid. I. 50, et V. 8*. \* Porro deponentibus passivae acceptis adnumerant *Methodista* et *Ursinus* verbum *imitor*, probantque illo *Ciceronis*, *Si natura non feret, ut quaedam imitari possint*: sed locum non ostendunt. *Loquor* quoque in illo *Coelii ad Cicer. Fam. VIII. 8, De damnatione ferventer loqui est coeptum*, passivae itidem, sed *ἀπαρκῶς*, adhibitum notat post *P. Manutium Vossius*. \* *Remetior* denique passivae, sed impersonaliter, accipit vulg. *Interp. Matth. VII. 2, Quamensura mensi fueritis, remetietur vobis*: quod etiam in Latinissima sua versione retinuit *Seb. Castellio*. Ipsum quoque simplex *metior*, non *Arnobius* tantum, cuius testimonium adducit *Vossius*, sed purioris styli auctor *Lactantius*, de *mort. Persec. XXIII. 2, Agri glebatim metiebantur*, passivae adhibuit.

15) De his vid. post in Participio.

16) Pauca excipiuntur; ut *satio*, ab adverbio *satis*; *supero*, intro a praepositionibus *super* et *intra*, derivata.

17) Varias verborum a nominibus derivatorum classes videtis ap. *Ursinum*, p. 477 et seqq.

T

ut, *patrisso*<sup>18</sup>), *Graecor*, *vulpinor*, *cornicor*, i. e. *imitor patrem*, *Graecum*, *vulpem*, *cornicem*.

*Denominativa*<sup>19</sup>) dicuntur, quae a nominibus veniunt, et propriam appellationem non habent: ut, *coego*, *calco*, *frumentor*, *lignor*, etc. a *coena*, *calx*, *frumentum*, *lignum*.

2. Ab aliis *verbis* derivantur praecipue verba quadruplicia, *Frequentativa*, *Inceptiva*, *Desiderativa*, et *Denominativa*<sup>20</sup>).

De his autem, quod latius pateat eorum usus, paulo accuratius est nobis agendum.

### FREQUENTATIVA.

1. Sic Iterativum. formes: ITO fiat ab ATU:

U per O mutabunt bene caetera verba supini.

Si fuit OR, manet OR. Sunt cuncta frequentia primae.

*Praetereunt legem, nato, quaerito, fundito, scitor, Sciscitor atque agito, sector, loquitor, pavitoque. Scrutando libros doctorum plura notabis.*

Verba *Frequentativa*, quae *Iterativa* etiam vocantur, sunt quae frequentem actionem significant<sup>21</sup>).

18) Terminatione in ISSO, quae Graecia debetur, minus delectantur Latini: ideoque pro *Graecisso*, *rhetorisso*, etc. *Graecor*, *rhetoricor* potius dicunt.

19) *Denominativa* hic strictius accipimus, prout diversam constituunt speciem ab *Imitativa*, et nonnullis etiam *Inchoativa*, imo et *desiderativa* (quorum quaedam a nominibus etiam descendere mox ostendetur:) aliter enim vox laxiore sensu omnia verba a nominibus venientia complectitur.

20) Sunt et alia a verbis derivata, quae ad has species revocari nequeunt; qualia sunt *blatero*, a *blatio*; *genero*, *tolero*, ab obsoletis *geno*, *tole*; *recipero* seu *recupero*, a *recipio*; *farcino*, a *farcio*; *lurcinor*, a *lurcor*, etc. in primis vero verba a se invicem deducta, in ERE secundae, et ARE primae, et ERE tertiae: quorum illa statum vel qualitatem, haec actionem sive effectum notant: ut, *candeo*, *candere*; *cando*, *candere* obsoletum, (unde *accendo*, *incendo*;) *pendeo*, *pendere*, et *pendo*, *pendere*; *placoe*, *placere*, et *placo*, *placere*. Sic *clareo*, et *claro*; *rigeo*, et *rigo*; *sedeo*, et *sedo*: item *fugio*, *fugere*, et *fugo*, *fugere*; *vivo*, *vivere*, et *vivo*, *vivere*, (unde *vivatus* ap. Lucret. III. 410, 557 et 680: et *convivor*, *convivari*;) *iaceo*, *iacere*, et *iacio*, *iacere*. Huc etiam refert Perizonius ad Sanct. p. 317: *careo*, et *caro*; *caveo*, et *cavo*; *luceo*, et obsoletum *luco*; (unde *colluceo*, et *subluco*) *maneo*, et *mano*. Vid. eund. III. 3, n. 18, 20, 21, 86.

21) In multis tamen haec significatio non invenitur. 1. Enim quaedam *emphasin*, sive vehementiam, copiam aut dignitatem notant, adeoque *intensiva* potius aut *amplificativa*, quam *frequentativa* dici possunt: ut,

Desinunt in TO, SO, XO, et a verbis deponentibus, in OR: ut *clamito*, *pulso*, *nese*, *miqitor* <sup>22)</sup>.

Formantur a supino posteriore, idque bitariam: a verbis primae coniugationis, mutando ATU in ITO: ut, *volo*, *volatu*, *volito*: a verbis aliarum coniugationum, mutando U tantum in O: ut, *terreo*, *territu*, *territo*: *verto*, *versu*, *verso*; *dormio*, *dormitu*, *dormito*.

Excipiuntur, *No*, *natu*, *nato*; *scio*, *scitu*, *scitor*, et crebrius *sciscitor*. Sic *pavito*, a *paveo*; *sector*, a *sequor*; *loquitor*, a *loquor*; tanquam supina haberent *pavitu*, *sectu*, *loquitu*. Item, *quaerito*, *fundito*, *agito*; quae formantur a secunda persona praesentis indicativi, *quaeris*, *fundis*, *agis* <sup>23)</sup>.

Quaedam a supino posteriore formari videntur, mutando U in ITO: ut, ab *actu*, *actito*; *haesu*, *haesito*; *lectu*, *lectito*; *missu*, *missito*; *scriptu*, *scriptito*; *victu*, *victito* <sup>24)</sup>.

A Frequentativis formantur et alia frequentativa: ut, *cano*, *canto*, *cantito*; *capiō*, *capto*, *captito*; *curro*, *curso*, *cursito*; *defendo*, *defenso*, *defensito*; *dico*, *dicto*, *dictito*; *duco*, *ducto*, *ductito*; *pello*, *puleo*, *pulsito*, et per Syn-  
copen *pulto* <sup>25)</sup>.

*advento*, *dicto*, *domito*, *factito*, *grassor*, *imperito*, *presso*, *quasso*, *rpto*, *territo*. 2. Quaedam idem fere quod primitiva, sua significant, plenioris tantum soni, aut metri gratia adhibita; qualia, apud vetustiores praesertim, Plautum, Terentium, Lucretium, horumque imitatorem Gellium, innumera reperies. Neque Cicero prorsus abstinnit, qui *Arcte et graviter dormire coepit*, *Divin. I. 28*: item *defensitare*, *devotare*, *observitare*, *praesagitare*; pro *dormire*, *defendere*, *devovere*, *observare*, *praesagire*, dixit. 3. Quaedam a primitivorum sensu longius recesserunt: ut, *vexo*, *capto*, *ostento*, *taeto*, et *taetito*, *nato*, *habito*, *agito*, *tento*, *tracto*, *vendito*, etc. quanquam et in his frequentia quaedam actionis significetur.

22) Addunt quidam et terminationem CO: ut, *fodico*, *vellico*; item *albico*, *candico*, *nigrico*. At, ut duobus prioribus crebrum quasi fodiendi vellendique conatum significari concesserim; certe alia illa non frequentiam sed inchoationem et apparentiam quandam coloris designant, unde nec male a quibusdam verba Apparitiva vocantur.

23) Adde *fluio*, a *fluo*, *fluio*.

24) Nisi malis haec ab aliis frequentativis, quae iam exoleverunt, esse formatas ut ab *acto*, *actito*; *haeso*, *haesito*, *lecto*, *scripto*, (quibus utitur Horat. Sat. I. 6, 122,) *lectito*, *scriptito*. Sic *sumptito*, ab obsoleto *sumpto*; *unctito*, ab *uncto*.

25) Sic *gero*, *gesto*, *gestito*; *incio*, *incto*, *inctito*; *pendo*, *penso*, *pensito*; *respondeo*, *responso*, *responsito*; *solio*, *salto*, *salvito*; *veho*, *vecto*, *vectito*; *venio*, *vento*, *ventito*; *mutip*, *musso*, (irregulariter pro *mutito*), *muissito*. Porro peripanca sunt, quae a praesente simul et supino, ac geminum adeo formant frequentativum: ut, ab *ago*, *agis*, *agito*, et *actu*, *actito*; a *nosco*, *nosces*, *noscito*, et a *natus*, *nesco*. Sic a *legis* *legito* format Priscianus, pro quo frequentius *lectito*.



Frequentativa sunt omnia coniugationis primae <sup>26</sup>).

### INCEPTIVA.

2. Praesentis primique modi CO iunge secundae

Personae, si vis verba Inceptiva creare.

Sic *ferves* *fervesco* facit. Sed tollitur *hisco*.

Verba Inceptiva seu Inchoativa sunt quae rei initium vel assiduum incrementum notant <sup>27</sup>).

Desinunt in SCO: ut, *calesco*, *frigesco* <sup>28</sup>).

Dupliciter derivantur; vel a *nominibus*, vel a *verbis*.

A *nominibus* derivata ultimam genitivi vocalem in ASCO, sed longe usitatius in ESCO commutant: ut, *puerasco* <sup>29</sup>), *puellasco* <sup>30</sup>), *ignesco*, *lapidesco*; a substantivis *puer*, *puella*, *ignis*, *lapis*; *dulcesco*, *iuvenesco*, *vanesco*, *ditesco*, ab adiectivis, *dulcis*, *iuvenis*, *vanus*, et *dis* <sup>31</sup>).

26) Praeter *viso*, quod tertiae est: nisi velis potius hoc verbum cum Prisciano desiderativum appellare, aut cum aliis Inchoativum itionis: quae fere vocantur verba in SSO, *facesso*, *capesso*, *lacesso*, *incesso*; quae quibusdam inter frequentativa referuntur. At vid. post p. 296.

27) Unde et quibusdam Augmentativa dicuntur.

28) Et, a verbis deponentibus, in OR: ut a *fruor*, *fruisco*. Sic *irascor* est ab inusitato *iro*, *iras*, unde *iratus*; *paciscor* ab antiquo *pago* vel *paco*, olim *pacisco*; *expergisco*, ab *expergo*, *expergis*, olim *expergisco*. Sic ab *apio*, *apiscor*, unde *adipiscor* et *indipiscor*; a *nancio*, *nanciscor*; a *gnare*, pro *gnare*, *nascor*, prius *gnascor*; a *minere*, vel potius *menere*, *meniscor*, unde *reminiscor* Vossius deducit. \* A verbis etiam impersonalibus fiunt inceptiva in ESCIT: ut, *dumescit*, *nivescit*, *noctescit*, *lucescit*, *silvescit*. Sic *miscescit* utitur Terent. Heant. V. 4. 8, *Inopia te nunc miserescat mei*: Virgilius vero personaliter, Aen. II. 145, *Miserescimus ultro*; quia nimirum *misereo* antiquitus, teste Prisciano, col. 797, dicebant.

29) Quo utitur Sueton. Calig. VII. 1: unde *repuerasco* ap. Cic. de Senect. c. 28, et Plaut. Merc. II. 2, 25.

30) Quo usus Varro ap. Nonium, II. 657.

31) Sunt qui haec et similia non a nominibus, sed a verbis iam inusitatis derivare malunt, v. g. *brutesco*, a *bruteo*; *ditesco*, a *diteo*; *matureco*, a *matureo*; *repuerasco*, a *repuero*; *senesco*, a *seneo*; *vanesco*, a *vaneo*; *sanesco*, a *saneo*; *canesco*, a *caneco*; *calvesco*, a *calveo*; *crudesco*, a *crudeo*. Et quidem, *bruteo*, *crudeo*, *matureo*, *saneo*, *vaneo*, olim in usu fuisse credere liceat: quoniam *obbrutui*, *crudui*, *maturui*, *consanui*, *evanui*, adhuc legitur: *calveo* quoque utitur Plinius, XI. 37; §. 47: *caneco* Virgil. Geo. III. 325; *seneo* Catull. IV. 26: unde propterea *calvesco*, *canesco*, *senesco*, rectius quam a *calvus*, *canus*, *senex*, derivari censenda sunt. At in multis aliter se res habere videtur: nusquam enim *ditui*, *ignui*, *lapidui*, *iuvenui*, *dulcui*, etc. dicta inveniuntur; nec Romanos sic unquam locutos crediderim: multoque minus sententiae subscripserim Cl. Daumii, qui in libello de *canes* amiss. quarundam L. L. radicem, non ea modo, sed et nomina ipsa universa a verbis primitus orta contendit, vicesque adeo nobis confingit, non solum antiquis omnibus incognitas,

A verbis derivata formantur a secunda persona praesentis indicativi, addendo CO, idque in quavis coniugatione: ut, *labasco*, a *labas*; *fervesco*, a *ferves*; *tremisco*, a *tremis*; *obdormisco*, ab *obdormis*. Sed per Syncopen dicitur, *hisco*, pro *hiaseo*, ab *hias* <sup>32</sup>).

Omnia *Luceptiva* sunt neutra <sup>33</sup>) et tertiae coniugationis.

Quae a nominibus derivantur, praeteritis adeoque et supinis omnino carent: quae a verbis veniunt, praeterita a primitivis suis mutuuntur: ut, *coalesco*, *coalui*; *resipisco*, *resipui* <sup>34</sup>).

### DESIDERATIVA.

3. In meditativis quod in U fit, iunge supino (U semper brevians) RIO: sic dabit *esuriē esu*.

Verba Desiderativa seu Meditativa sunt quae desiderium, studium aut conatum rei alicuius faciendae significant <sup>35</sup>).

Desinunt in RIO: ut, *coenaturio*.

Formantur a supino posteriore <sup>36</sup>), correpta U, et adiecto RIO: ut, *edo*, *esu*, *esurio*, *esuriē*; *pario*, *partu*, *parturio*, *parturiē* <sup>37</sup>).

sed cunctarum fere linguarum genio repugnantes: quælia sunt, *ardere*, *culmare*, *germare*, *laurare*, *mammare*, *talere*, *tergaere*, *vitrare*, etc. unde *arbor*, *culmus*, *germen*, *laurus*, *mamma*, *talus*, *tergum*, *vitrum*, etc. vult esse derivata.

32) Integro *hiaseo* usque est Cato R. R. c. 17. A *fatim* autem et *hisco* descendere videtur *fatisco*. Cæterum *cresco* (quod primæ vocalis elisione, pro *creasco*, a *creo* deductum volunt) vix inter inceptiva censeri iam debet, uti noscitur *pasco*, *quiesco*, quæ ab antiquis *noere*, *poere*, *quiere* quidam deducunt, unde praeterita *novi*, *pavi* et *quievi*.

33) Et a neutris plerumque secundæ coniugationis orta: quamquam nonnulla sunt a verbis activis et aliarum coniugationum: ut, *amasco*, ab *amo*, ap. Diomed. col. 334: *cupisco*, *concupisco*, a *cupio*; *sensisco*, a *sento*, unde *persensisco* et *praesensisco*; *edormisco*, ab *edormio*.

34) Ravissime tamen (ut notat Vossius) in eiusmodi praeteritis inchoandi significatio invenitur.

35) Non enim sola et otiosa his verbis cupiditas, sed efficax et ad consequendam rem cupitam impellens fere significatur. Sic *coenaturio* non modo *cupio coenare*, sed etiam *paro* vel *conor coenare* notat: *dicturio*, *facturio*, *lecturio*, *proscripturio*; i. e. *dicere*, *facere*, *legere*, *proscribere*, *moli*, *studere*, vel *parare*. A cupiditate igitur, tanquam causa, Desiderativa; a conatu et studio, tanquam effectui, Meditativa, nec male, hæc verba dicuntur. Vid. Saturn. Merc. mai. IV. 19.

36) Sunt et quaedam a nominibus derivata ad horum formam conficta: ut, *adolescenturio* ap. Laberium citante Nonio, II. 46. *Syllaturio* ap. Ciceronem ad Attic. IX. 10.

37) *Ligurio* igitur, *scaturio*, *prurio*, *cucurio*, et si quæ sint similia,

Sunt omnia coniugationis quartae, carentque praeterito et supino, praeter haec tria, *esurio*, *parturio* et *nupturio*.<sup>38)</sup>

### DEMINUTIVA.

Deminutiva sunt, quae diminutionem sui primitivi significant<sup>39)</sup>.

Desinunt in LLO: ut, *cantillo*, *sorbillo*, i. e. *parum canto*, vel *sorbeo*<sup>40)</sup>.

Suntque coniugationis primae<sup>41)</sup>.

Sunt denique quaedam verba in SSO, ab aliis verbis derivata, de quorum vi significandique natura haud satis inter Grammaticos convenit: qualia sunt, *capesso*, *facesso*, *potesso*, *arcesso*, *lacesso*, *lancesso*.

Ex his duo priora, *capesso* et *facesso*, vulgo Inchoativa itionis appellantur; tanquam idem fere ea significarent, quod *eo ad capiendum*, *eo ad faciendum*: quibus addunt et *viso*, i. e. *eo ad videndum*. Rectius tamen cum Ursino ea Intensiva dixeris; ut, *capesso*, *facesso*, idem fere sunt quod *studiose et cum affectu aliquid capio* vel *facio*<sup>42)</sup>. Sic etiam *petesso* vel *petisso* i. e. *valde peto*.

*Incesso* autem et *lacesso*<sup>43)</sup> eidem frequentativa cum emphasi existimantur.

*Arcesso*, *incipisso*, *vibrisso*, idem pene quod primitiva sua significant<sup>44)</sup>.

Desiderativa non sunt, non tantum ex eo, quod neque horum significationem, neque formandi rationem sequantur, sed etiam quod antepepultinae productae efferant.

38) Vid. supra cap. I. reg. 45.

39) Non imminutionem tantum, sed etiam cum ea frequentationem sive iterationem actus his verbis significari existimant Vossius Anal. III. 45; et Ursinus, p. 516.

40) Huc quoque refert Ursinus dict. loc. verba in CO; *albico*, *cantico*, *picico*; in primis vero *fodico* et *vellico*, de quibus supra not. 22.

41) Paucissima sunt huius formae verba: neque enim alia, praeter dicta, quam *murmurillo*, *occillo*, ap. Platt. in Rudent. referente Nonio, II. 572, et in Amphit. I. 1, 28, a *murmuro*, *occo*: *conscribilla* ap. Catull. XXIII. 11, et Varron. ex Non. II. 103: a *conscribo*: *satullo* ap. Gell. Varr. ex Non. II. 786, a *satura*; a Grammaticis observata reperio. Ad eorum similitudinem *haustillo* ab *haurio* confinxit Iov. Pontanus in Aegidio, fol. 155. De *focillo*, *refocillo*, *argillo* et *vacillo*, an huc pertineant dubitatur. *Oscillo* autem, i. e. *per funem me iacto*, ab *oscillo*, lusus genere, in quo fune altrinsecus de tigno arboreve religato, in aëre quis libratus subvoctatur, inter denominativa referendum est.

42) Vid. Ursin. p. 511.

43) *Lacesso* est ab inusitato *lacio*: *Incesso* vulgo formant ab *incesso* supino verbi *incedo*: Ursinus vero ab *incio*; ut *arcesso* est ab antiquo *areio*, pro *accio*.

## §. 3. De Figura Verborum.

Figura verborum duplex est, Simplex, ut, *lego, lingua*; Composita ut, *relego, relinquo, derelinquo*<sup>44)</sup>.

1. Componuntur autem verba, 1. Cum nominibus: ut *aedifico*, ab *aedes* et *facio*. 2. Cum verbis: ut *patefacio*, ex *pateo* et *facio*. 3. Cum adverbis: ut *introduco*, ab *intro* et *duco*. 4. Cum praepositionibus: ut, *perdoceo, edisco, consolor*<sup>45)</sup>.

2. Quaedam sunt composita a simplicibus inusitatis: ut, *accendo, incendo, a cando; defendo, offendo, a fendo; inspicio, conspicio, a specio*, etc.<sup>47)</sup>.

3. Partes componentes interdum integrae manent: ut, *lego, perlego*. Interdum litera additur: ut, *prodeo, re-*

44) *Potisso* quidam forte huc retulerint, tanquam a *poto* derivatum, pro *potisso*: at illud a Graeco est *πνίξω*, i. e. *degustando bibo*, vel, ut, alii volunt, *πνίξω*, i. e. *sputo*. Vid. Voss. Etym. et Ursin. p. 519.

45) Sic *adinvenio, repercutio, superintono*, etc. ex tribus vocibus conflata. Neque tamen propterea est, ut cum quibusdam Grammaticis figuram Decompositam comminiscamur.

46) Sunt porro, et verba composita ex praepositione et nomine in verbi notionem terminationemque inflexi: ut, *procrastino, decollo, contempro*, etc. Neque enim *crastino, collo, tempro* dicitur, aut uspiam dictum invenitur. Denique secundae singulari imperativi activi in *a* vel *e*, iungitur Emphaseos causa, haud raro, praesertim apud Comicos, particula *dam*: ut, *iteradum, memoradum, mavedum, agedum*. Sic *adesdum* ap. Ter. Andr. I. 1, 2: *dicdum, facdum, assisdum*, ap. Plaut. Truc. V. 49, Rud. IV. 3, 84, et Stich. I. 1, 9, vel disiunctis vocibus, *mane dum, age dum, dic dum, fac dum*, etc. Confer Parei Lex. Crit. p. 392, et Mantiss. eiusd. p. 66.

47) Sic *renideo, a video; experior, compenio, vel compexior, a perio*, seu *perior; compello, appello, -as, a pello, pellas; refragor, suffragor, a frago vel fragor; confuto, refuto, a futo; congruo, ingruo, a gruo; compleo, repleo, etc. a pleo*. Sic *excello, antecello, percello, recello, a cello; induo, exuo, a duo; instigo, a stigo; compilo, a pilo*, priore producta: vel a Gr. *κίλλω, θάω, στήω, πλάω*. Sic *obliviscor, a liviscor* (vel ut alii malunt, *oblino*), *attamino, contamino, a tamino; divido, a di*, sive *dis*, et *Hetrusco* verba *iduo*, i. e. *partior*, unde et *Idus*, docente Vossio. *Impedio, expedio, praepedio*, an ab inusitato *pedio* sint, an ab antiquis, *impes, expes, praepes*, ambigitur. *Promulgo, irrito, prorito*, incertae originis sunt. Sunt et quaedam quorum simplicia, quanquam rarissima, adhuc tamenveniuntur: ut, *clinare* (unde *inclino, declino*) quo utitur Lucretius, II. 243, et Cic. in Arat. v. 259. *Fligere* (unde *affligo, configo*, etc.) quod non solum Liv. Andronicus et Attius ap. Non. II. 328: sed etiam Lucretius retinuit, II. 85, ut verbale *flictus* usurpavit Virgilius Aen. IX. 667. *Minco* (unde *emineo, immineo*, etc.) ap. eund. Lucret. IV. 562, habetur. *Lacio* (unde *allicio, elicio*, etc.) idem adhibuit IV. 1200. *Sagire* (unde *praesagio*) Cic. de Divin. I. 81, acute sentire interpretatur. *Solare* (unde *desolo*) pro *desertum facere*, Stat. Theb. V. 149. *Singulare* (unde *distinguo, exstingua*, etc.) Lucret. I. 667, et Cic. in Arat. ap. Priscian. col. 382, utuntur.

*deo*; pro *proeo*, *rezo*; vel detrahitur; ut, *asporto*, *omitto*, *trado*; pro *absporto*, *obmitto*, *transdo* <sup>48)</sup>.

Saepissime autem vocalis vel diphthongus verbi simplicis mutatur, 1. A in E: ut, *damno*, *condemno*; *arceo*, *coerceo*; *carpo decerpo*; *gradior*, *congregior*; *partio* vel *partior*, *impertior*. 2. A in I: ut, *habeo*, *prohibeo*; *cado*, *occido*; *salio*, *insilio*; *fateor*, *confiteor*. 3. A in U: ut, *calco*, *conculco*; *quatio*, *concutio*. 4. E in I: ut, *teneo*, *contingo*; *premo*, *comprimo*. 5. AE in I: ut *laedo*, *collido*; *quasro*, *acquirō*. 6. AU in E: ut, *audio*, *obedio*. 7. AU in O: ut, *plaudo*, *displodo*. 8. AU in U: ut, *claudo*, *concludo*.

4. Ultima praepositionis consonans in primam verbi simplicis frequentissime convertitur: ut, *accipio*, *affero*, *agglomerō*, *allido*, *appello*, *arripio*, *assigno*, *attero*; *collaudo*, *commuto*, *corrodo*; *illino*, *immorior*, *irrigō*; *intellico*, *occino*, *oppeto*, *pellicio*, etc. pro *ad**cipio*, *ad**fero*, *ad**glomerō*, *ad**lido*, *ad**pello*, *ad**ripio*, *ad**signo*, *ad**tero*; *con**laudo*, *con**mutō*, *con**rodo*; *in**lino*, *in**morior*, *in**rigō*; *inter**ligo*, *ob**cano*, *ob**peto*, *per**licio*, etc. <sup>49)</sup>. Nonnunquam et soni gratia in aliam literam mutatur: ut, *aufero*, *imbibo*, *implico*, etc. pro *ab**fero*, *in**bibo*, *in**plico*, etc. <sup>50)</sup>.

48) Sic *peiero*, pro *periuro*; *pergo*, pro *perrego*: item *debeo*, pro *dehibeo*; *praeeo*, pro *praehibeo*; *dego*, pro *deago*; ab *habeo*, et *ago*: et *demo*, *promo*, *numo*, ex *de*, pro, *sub*, et *emo*, quatenus hoc olim pro *cappio* aut *tollo* accipiebatur; quae significatio in aliis compositis, *dirimo*, *perimo*, *interimo*, adhuc restat.

49) Verum hae literarum permutationes inferiorum aetatum consuetudine magna ex parte invecitae sunt. Augusteo enim saeculo praepositiones plerumque integras (id quod ex Inscriptionibus, nummis, vetustioribusque membranis constat) scribebant, hoc pacto, *aderesco*, *adffigo*, *adgregior*, *adlabor*, *adpello*, *adripio*, *adsurgo*, *conloco*, *conmitto*, *inlustro*, *inmisceo*, *inrigo*, *perluceo*, etc. non *accesco*, *affligo*, etc. quam normam Heinaius in Virgilio suo, Bentleius in Horatio, Davisius in Cicerone, alii in aliis secuti sunt.

50) De verbis compositis haec praeterea notanda sunt, 1. Interdum composita mutant genus aut coniugationem simplicis. Genus, ut *sacro*, *exsecror*; *sentio*, *assentior*; *verto*, *revertor*. Coniugationem vero, ut *facere*, *aedificare*; *figere*, *profigere*; *capere*, *occupare*; *sternere*, *conternere*. Sic composita a *do*, cum praepositione, *dare*, *abdere*, *condere*; et a *eubo*, cum recipiunt *m*, *cubare*, *accumbere* et *incumbere*. Quaedam simul genus et coniugationem: ut, a *facio*, *gratificor*, *velificor*; a *fero*, *vociferor*; a *gero*, *morigeror*; a *specio*, *suspicio*; a *sperno*, *aspornor*. 2. Quaedam composita a simplicium significatione longe recedere videntur: ut, *do*, *condo*, *perdo*; *pato*, *impero*; *patro*, *impetro*; *habeo*, *prohibeo*, etc. 3. Quorundam compositorum praeterita et supina in usu sunt, quae in simplicibus fere exoleverunt: ut, *applicuit*, *evasit*, *concussit*, *detruit*, *emunxit*, *delicuit*: *plicuit* vero, *vasit*, *quassit*, *trussit*, *munxit*, *licuit*, a *liqueo*, vix dicimus. Sic *adiutum*, *evasum*, *detrusum*, *contemptum*, *reli-*

## LIBER QUARTUS.

## De Participio.

Participium est pars orationis, a verbo derivata, variabilis per casus, ac rem cum tempore significans<sup>1)</sup>.

1. *Participium* ita vocatur, quia partem capit a nomine, partem a verbo: nam, ut nomen, variatur per genera, et declinatur per casus: atque ut verbum (unde derivatur) cum tempore significat actionem<sup>2)</sup>, passionem, existentiam sive statum rei; pro natura verbi unde descendit.

1. A verbis *activis* veniunt duo participia; *Praesens*, et *Futurum* in RUS: ut, *amans*, et *amaturus* ab *amo*.

2. A *passivis* veniunt duo participia; *Praeteritum* et *Futurum* in DUS: ut, *amatus*, et *amandus*, ab *amor*.

3. A *neutris* veniunt item duo participia, ut ab *activis*; *Praesens* et *Futurum* in RUS: ut, *stans* et *staturus*, a *sto*.

¶ A *neutris* saepe etiam veniunt participia *praeteriti temporis* in TUS vel SUS<sup>3)</sup>: ut, *erratus*, *festinatus*, *i-*

*ctum*, *enectus*, *internectus*, consuetudo admisit: at, *iutum*, *vasum*, *trusum*, *temptum*, *lictum*, *nectus*, raro aut nunquam inveniuntur. 4. Contra quaedam composita praeterita aut supina amiserunt, quae in simplicibus sunt satis usitata. Sic *steti*, a *sto*; *fefelli*, a *fallo*: non autem *distiti* aut *refelli* dicimus. Sic *tacitum* et *taciturus*; non autem *reticatum* et *reticaturus* usurpantur. 5. Simplicia interdum pro compositis, et contra composita pro simplicibus adhibentur. Priorum exempla sunt, *Ferre condilionem alicui*, pro *offerre*; *Mitte curam*, pro *omitte*; *Risi hominem*, pro *irrisi* vel *derisi*; *Quaerere divitias*, pro *acquirere*. Posteriorum, *Retine me*, pro *tene*; *conficere flagitium*, pro *facere*: sic *denego*, *deputo*, ap. Terent. Heaut. III. 1, 78, et Ibid. I. 1, 83, pro *nego*, *puto*; *deprecor* ap. Val. Max. IV. 3, et Gell. VI. 16, pro *precor*: item, *adbibito*, *apposco*, *collaudo*, *commemini*, *commereor*, *conduplico*, et plurima alia; in quibus praepositio nihil verbo addit.

1) Hoc est, propriae suae significationi temporis adsignificationem superaddens. Vid. supra lib. I. p. 2, n. 8. An autem haec temporis adsignificatio, qua sola a nomine participium distinguitur, idonea satis causa habenda sit, cur hoc diversa ab illo orationis pars constitui debeat, Grammaticis disceptandum relinquo.

2) Participium a verbo quidem accipit significationem, vel *activam*, vel *passivam*, vel *absolutam*: at ea ex parte non distinguitur a nomine: nam et nomina verbalia *activam*, *passivam* vel *absolutam* significandi vim a verbis suis capiunt: ex gr. *amator* agentem, *amatio* actionem, *amabilis* passionem notant.

3) Eaque partim *active* sive *absolute*, partim *passive* accepta. De his vid. not. seq. de illis not. 8.

ratus, laboratus, vigilatus <sup>4)</sup>. Quaedam etiam futuri in DUS: ut, iurandus, vigilandus, regnandus, dormiendus, erubescendus <sup>5)</sup>.

4. A deponentibus activae quidem significationis quatuor veniunt participia: ut, sequens, secuturus, sequendus, a sequor. A deponentibus autem neutralis significationis tria plerumque participia descendunt: ut, labens, lapsus, lapsurus, a labor; rarius vero futuri in DUS; ut, gloriandus, fruendus <sup>6)</sup>; a glorior, fruor.

4) Sic Virg. Aen. III. 690, Errata littora. Lucan. VIII. 24, Festinati honores. Ovid. Heroid. II. 28, Iurata numina. Virg. Aen. I. 639, Arte laboratas vestes. Ovid. Art. Am. I. 735, Vigilatae noctes. Omnia aensu passivo. Similiterque certatus, cessatus, clamatus, conclamatus, ovatus, sudatus, triumphatus, ululatus: ut, Ovid. Met. XIII. 718, Vident certatam lile Deorum Ambraciam. Id. Fast. IV. 617, Largaque provenit cessatis messia in arvis. Id. Met. VI. 525, Frustra clamato saepe parente. Lucan. II. 22, Corpora nondum Conclamata facent. Pers. II. 55, Ovatum aurum. Virg. Aen. III. 14, Terra — quondam regnata Lycurgo. Id. Geor. III. 33, Triumphatas utroque qd. littore gentes. Quintil. II. 3, In sudata veste durandum. Stat. Theb. X. 561, Atria fœmineis trepidant ululata querelis. Eademque significatione dicta existimem, coenatus, praeaus, potus: de quibus an participia, et activane an passiva sint, disputantes vide Voss. Abal. III. 21, et de vit. serm. I. 84; Sciopp. advers. eund. p. m. 28; Borrich. defens. Voss. p. 279; Methodi auct. p. 505, in primis vero Ursin. p. 651.

5) Ut, Horat. Epist. II. 1, 16, Iurandasque tuam per numen ponimus aras. Tibull. I. 1, 64, Quam fletu nox vigilanda venit. Virg. Aen. VI. 770, Si unquam regnandam acceperit Albam. Catull. V. 6, Nox est perpetua una dormiendo. Horat. Car. I. 27, 15, Non erubescendis adurit igitibus. Sic adulescendus, inolescendus, desinendus, exeundus, hians, horrendus, laborandus, navigandus, reviviscendus, senescendus, superascendus, tremendus, ululandus: ut, Gell. III. 10, Modum esse dicit summum adulescendi humani corporis septem pedes. Id. XII. 1, In moribus inolescendis. Id. II. 10, Ad desinendam seditionem. Tac. Annal. XI. 25, 3, Ius exeundi ordinis. Pers. V. 8, Fabula seu moesto ponatur hians tragoedia. Virg. Aen. II. 222, Horrendi clamores: et alii passim. Tertull. adv. Marcion. II. 2, In ergastulum laborandae terrae [homo] relegatus. Ulpian. I. 1, §. 2. ff. de exercit. act. Qui navis navigandae causa in nave sunt. Plin. VII. 55, Similis de asservandis corporibus hominum, ac reviviscendis promissa a Democrito vanitas. Varr. de L. L. V. 2, Seculum longissimum spatium senescendorum hominum. Auct. ad Heronem. II. 17, Haec causa non visa est supersedunda. Ovid. Met. III. 575, Oculi quos ira tremendos fecerat; et ap. alios passim. Prudent. ex. theop. III. 119, Flebiliterque ululanda tuis, In cineres resoluta flux. Adde (de quibus supra lib. III. cap. 3. n. 14, in fin.) pereundus, placendus, carendus, dolendus. Vid. Voss. Anal. IV. 13, extr. et Ursin. p. 395, et seqq.

6) Haec sunt a deponentibus, quae neutralis significationis videntur, quia dativo vel ablativo nunc iunguntur; qualia observantur haec pauca, fruendus, fungendus, gloriandus, medendus, potiundus, vescendus, utendus. Nempe olim haec accusativum adaciverunt, primitusque activa, vel pro activis saltem habita, fuerunt.

5. A *communibus* denique veniunt quatuor plerumque participia: ut, *dignans, dignatus, dignaturus, dignandus*; a *dignor* 7).

II. Participia plerumque imitantur significationem verborum unde descendunt: hoc est, quae ab activis, active; quae a passivis, passive; quae a neutralibus, neutraliter; et ita deinceps, significant.

¶ At Participia in DUS, undecunque veniant, passive semper accipiuntur: ut, *amandus, vigilandus, loquendus, criminandus*.

\* Multa etiam praeteriti temporis participia. a verbis deponentibus, quae olim communia fuerunt, orta, communem, i. e. activam et passivam significationem retinuerunt: qualia sunt, *abominatus, adortus, amplexus, blanditus, largitus, mentitus, oblitus, testatus, veneratus*, etc. 8). [Cfr. Schelleri Obs. p. 86. seqq.]

7) Porro a verbis neutro-passivis veniunt participia tria: ut, *gaudens, gavisus et gavisurus; audens, ausus et ausurus*, a *gaudeo* et *audeo*, retenta fere suorum verborum significatione. A *fido* autem *fidens* et *fisus*; a *soleo*, *solens* et *solitus*, tantum dicimus; non vero *fisurus* vel *soliturus*: *solens* etiam nomen potius quam participium esse videtur, ut *insolens*. Invenitur et *ausus* passive acceptum: ut ap. Tacit. Anal. III. 67, 5, *Ausis ad Caesarem codicillis*: unde *ausum* et *ausa*, ut ap. Virg. Aen. VI. 624, *Ausi omnes immane nefas, ausoque potiti*; et Ovid. Met. II. 828, *Magnis excidit ausis*. Participio etiam in DUS utitur Livius, XXXV. 35, *Agenda res est, iuvenes, audendaque*: eadem ratione *acil*, qua C. Nepos, I. 4, 5, *auderi* passive adhibuit. ¶ A *vapulo* est *vapulans* et *vapulaturus* passiva notione: *vapulatus* et *vapulandus* barbara sunt. A *fit* agnoscit Diomedes, col. 377, *fiens*; at id nulli idoneo scriptori usitatum pnto: *factus* autem et *faciendus* sunt ab antiquo *facior*. A *veneo* nulla sunt participia; nam *venitus*, quo utitur Sodusius Hymn. I. 21, imitandum non est. \* De participiis verborum impersonalium dictum superius pag. 275.

8) Inveniuntur et quaedam participia praeterita a verbis neutris venientia, activa (sive neutrali), saltem in speciem, significatione accepta: ut, *adultus, coalitus, concretus, conflagratus, deflagratus, conspiratus, dolitus, defectus, emersus, exitus, exoletus, interitus, iuratus, obsoletus, obitus, occasus, penetratus, placitus, complacitus, praeteritus, rebellatus, redundatus, requietus, senectus, auctus, assuetus, consuetus, titubatus*. Sic Livius XXVI. 50, *adultus virgo*, i. e. quae adolevit. Gell. XII. 1, *Interest cuius ex sanguine concretus homo atque coalitus sit*, i. e. concreverit atque coaluerit. Auct. ad Herenn. IV. 8, *Urbs conflagrata*. Cic. Tusc. III. 19, *Fana flamma deflagrata*, i. e. quae conflagravit, quae deflagrarunt. [quidam tamen haec passive pro combusta dici volunt.] Sueton. Iul. LXXXII. 1, *Conspirati circumteterunt*, i. e. qui conspiravere. *Dolitus* est ip. vett. Inscript. pro *doluit*. Martial. XIII. 77, *Defecta lingua*, i. e. deficiente. Plin. XXII. 22, *Defecta corpora*, i. e. macie consumpta. Aliter et saepius ablativo iungitur: ut, Quintil. III. 8, *Defectus cibo*; Senec. Hippol. v. 375, *Defecta viribus*. Verbo autem utentes, *Deficit animus, consilium, ratio*, et *deficio* vel *deficior animo*.



III. Participio accidunt octo; *Genus, casus, numerus, declinatio, motio, comparatio, tempus et figura*<sup>3</sup>).

*consilio, ratione, dicimus.* Vid. Horat. Epist. I. 11, ult. Cic. pro Rege. Amer. c. 4, et pro Cluent. c. 65. Cic. in Vatin. c. 7, *Emersus e coeno*, i. e. qui emerit. Festus, *Ad exitam aetatem*, i. e. quae exit: Livius XXVII. 15, *Exoleta exempla*, i. e. quae exoleverunt. Quadrig. ap. Priscian. col. 869, *Multis utrinque interitis*, i. e. cum multi interiissent. Cicero et alii passim *Iuratus*, pro qui iuravit: item Plaut. Pers. III. 2, 2, *Iuratus est mihi*, pro iuravit mihi at contra passive, id. Cic. Offic. III. 29, *Quod iuratum est*, et Ovid. (ut supra notatum) Heroid. II. 23, *Iurata numina*; quomodo et Statius Theb. VII. 103, *iurabere dixit*, pro per te homines iurabunt. Sic Curt. VI. 9, 25, *Obsoletum amiculum*, i. e. quod obsolevit. Apul. de Mund. p. 736, *Obitorum loco*, i. e. qui obiere: aliter tamen *Morte obita* Lucret. I. 136, Virg. Aen. X. 641, Cicero. pro Sext. c. 88, et Gell. XV. 20, sensu passivo dixere. Plaut. Epid. I. 2, 41, *Ante solem occasum*, i. e. antequam occiderit. Tibull. II. 5, 101, *Potus iuvenis*, i. e. qui multum potavit: at passive Ovid. Fast. I. 216, *potae aquae*; et Cic. de clar. orat. c. 11, *tauri sanguine poto*. Lucret. IV. 674, *Corpora penetrata*, pro quae penetrant: aliter tamen passive; ut, Vell. Pat. II. 5, 1, *Penetratis gentibus*: et Stat. Sylv. IV. 6, 104, *Penetrata limina mortis*. Ovid. Heroid. XVII. 98, *Placita bona*, i. e. quae placuerunt. Terent. Heaut. IV. 5, 25, *Forma complacita est*, i. e. complacuit. Gell. I. 21, *Cum ei displicita esset insolentia illius*, pro displicuisset, Virg. Aen. VIII. 560, *Praeteriti anni*, i. e. qui praeterierunt. Val. Max. IX. 10, *Quod eorum consilio Veliternos Privernatesque rebellatos diceret*: ita enim legunt post Vorstium Perizonius, p. 136, et Ursinus, p. 1126: pro quo vulg. *rebellaturus*. Ovid. Trist. III. 10, 52, *Redundatae aquae*, i. e. quae redundarunt. Colum. II. 9, *Arvum requietum*, i. e. quod requievit. Sallust. Hist. IV, *Senecto corpore*, i. e. quod senuit. Tacit. Annal. II. 52, 1, *Suetus latrociniiis*. Colum. I. 8, pr. *Consuetus otid*. Liv. X. 17, *Assuetus praedae miles*. Id. ibid. 48, *Ita a pueris insuevi*, pro qui suevit, consuevit, etc. at eadem passive usurpantur: ut, Tacit. XV. 12, 2, *Praeter alia sueta bello*. Ter. I. 1, 108, *Consuetus amor*. Ulpian. I. 15. §. 2. ff. de locat. *Solis fervor non ad-suetus*; item, sed contraria significatione, *insuetus*; ut, *labor insuetus*, *onus insuetum*, etc. pro insolitus, etc. Virg. Aen. V. 332, *Titubata vestigia*, i. e. quae titubaverant. Confer Malor. de var. orat. p. 448 et seqq. Ursinus, p. 891, et (qui alia quaedam addit) Voss. Anal. IV. 3. Mala autem his annexuit *evasus*, confirmans illo Livii, XXII. 56, *Exercitum caesum, evasumque se esse*: in melioribus enim, *Exercitum caesum, sese Canusii esse*, habetur. Caeterum (quod probe ab Ursino hic monitum) cavendum ne recensitis promiscue utamur. Distinguendae enim auctoritates; nec quae semel, vel a Poetis dicta, temere ad imitationem traducenda sunt.

¶ Quod ad participiorum eiusmodi, sive praeteriti, sive futuri in DUS, originem attinet, tres diversas invenio Grammaticorum sententias. Vossius enim ea deducit ab impersonalibus in TUR; ut, *erratus, festinatus, laboratus, triumphatus*, etc. sint ab *erratur, festinatur, laboratur, triumphatur*; *iurandus, dormiendus, regnandus*; a *iuratur, dormitur, regnatur*, etc. Aliqua tamen occurrere is agnoscit, quorum impersonalia non sunt in usu; ut, *adultus, concretus, emersus, carendus, senescendus*: neque enim, *adolescitur, concrescitur, emergitur, caretur, senescitur*, legi existimat. Ursinus autem p. 897, horum participiorum passive significan-

1. Omnia participia sunt adiectiva, adeoque et Gen-  
neris omnis<sup>10</sup>). Quae in NS desinunt, una efferuntur

tium originem ex eo repetendum putat, quod haec verba neutra, mutata paulum significatione, in activa magnaverint; vel quod per Catachresin, ob accusativum sibi iunctum (qui tamen non ab ipsis, sed a suppressa quadam praepositione pendet), pro talibus haberentur. Ex. gr. *Hianda fabula* dicitur a Persio, V. 3, ea significatione, qua *hiare* est *hiando agere* vel pronunciare; *Laboratae vestes*, a *laborare* pro *elaborare*, seu *laborando efficere*. Nox est dormienda eadem ratione Catullo dicitur, qua tota mihi dormitur hiems Martiali; quamvis dormire hyemem ait dictum, pro *per hyemem*. Par ratio horum *vigilatus*, *vigilandus*, *devotus*, *desinendus*, *regnatus*, *regnandus*, etc. quia Ovid. dixit, Heroid. XII. 169, *Noctes vigilantur amarae*. Cic. Fam. VII. 1, *Artem desinerem*. Tacit. Anal. XIII. 54, 1, *Germani regnantur*. Idem porro Ursinus, p. 891 et seqq. *adultus*, *coalitus*, *concretus*, caeteraque quae active usurpari modo docuimus, vel ab antiquatis deponentibus formata, vel ex actionis passionisve reciprocatione (ut *emersus*, *penetratus*, a *se*, scil. pro *qui emerit*, *penetravit*) vel aliqua anomalia contra regulas artis usurpata existimat. Acerratissimus denique Perizonius huius rei inde causam arcessit, quod participia in *tus*, *sus* et *xus* exeuntia, olim utramque significationem et activam et passivam habebant; licet in singulis verbis iam non sint utrobique in usu, cum in quibusdam nunc activae duntaxat vel neutrius sint significatione, in quibusdam passivae, in aliis utriusque. Vid. eum pag. 134 et seqq.

¶ Praedictis participiis active significantibus addi itidem possunt, *Cautus*, *circumspectus*, *consideratus*, *desperatus*, *effusus*, *profusus*, *tacitus*, *consultus*, *promptus*, *argutus*, *disertus*, *notus*, *qui novit*, *ignotus*, *qui ignorat*: item, *fluxus*, *falsus*, *scitus*, unde *inseitus*, quae in nominum naturam transiisse putantur.

¶ Sunt denique nonnulla in *ns* participia terminata, quae passionem significare videntur: qualia sunt *vehens*, pro eo qui *vehitur*; *vertens*, pro eo qui *vertitur*; *volvens*, pro eo qui *volvitur*: ut, Cic. de clar. orat. c. 97, *Quadrigit vehens*: et Buchanan. Psal. XVIII. 11, *Ille vehens curru volucris*, pro *vectus*. Ovid. Fast. I. 141, *Ora vides Hecates in tres vertentia partes*, i. e. *versa*, al. *vergentia*: et *annus vertens* ap. Cicer. pro Quinctil. c. 12, et Nepot. XVII. 4, 4, et alios, pro *versus*, siye plene *circumactus*. Virg. Aen. I. 234, *Volventibus annis*, i. e. *dum volvuntur*. Sic *Pascentes capellae* ap. eund. Ecl. III. 96, i. e. *quae pascuntur*; et Aen. VI. 351, *Præcipitans traxi mecum*, i. e. *dum præcipitor*: et Aen. III. 607, *Genibusque volutans haerebat*, i. e. *dum volvitur*. In quibus, Pronomina *me* et *se*, ut in verbis a quibus haec participia descendunt, intelliguntur. Vid. Voss. Anal. IV. 14, et Ursin. p. 887, et conf. eund. p. 443, etc.

9) Species non est participii accidens, cum ex eius natura, siye (ut cum Philosophis loquar) essentia sit, ut a verbo sit derivatum. Perperam autem, mea sententia, inter participii accidentia personam recenset Ursinus; utpote quae non participiis ipsis, sed substantivis insit nominibus, quibuscum cohaerent.

10) Sunt quaedam, ut nomina adiectiva, ita participia, quae cum uni, vel paucissimis certe substantivis applicari possint, propterea masculini tantum aut feminini generis esse videantur: qualia sunt *latrans*, *rugiens*, *hinniens*, *grunniens*, etc. Atqui hoc non ex ratione Grammatica, sed peculiari vocum significatione oritur. Caeterum nihil impedit, quo

nominativi singularis terminatione: ut, *hic, haec, hoc amans*; caetera omnia tribus; ut, *amatus, -a, -um; amaturus, -a, -um; amandus, -a, -um*.

2. Participiorum Casus sunt sex, quemadmodum nomen: *Nominativus, Genitivus*, etc. <sup>11)</sup>.

3. Numeri iidem, ut in nomine, sunt duo: *Singularis*, ut, *amans*; *Pluralis*, ut, *amantes* <sup>12)</sup>.

4. Participia in NS sunt tertiae Declinationis; caetera omnia primae et secundae: ut, *amans, amantis; amatus, -a, -um; amati, -ae, -i*, etc.

5. Quae in US desinunt, Mobilia sunt; quae in NS Immobilia. Haec in omni genere eandem servant nominativi singularis terminationem; illa cum genere terminationem immutant <sup>13)</sup>.

6. Participia praesentis et praeteriti temporis Comparisonem admittunt: ut, *amans, amantior, amantissimus; paratus, paratior, paratissimus*: futuri vero in RUS et DUS raro vel nunquam comparata inveniuntur <sup>14)</sup>.

7. Tempora participiorum sunt tria, *Praesens, Praeteritum et Futurum* <sup>15)</sup>. *Praesentis* temporis sunt, quae desinunt in NS <sup>16)</sup>. *Praeteriti*, quae in TUS, SUS, XUS <sup>17)</sup>. *Futuri*, quae in RUS et DUS <sup>18)</sup>.

minus ut *leo* vel *laena*, ita *animal rugiens* dicamus. Quin et ea per tropum vel aliter, pluribus etiam substantivis, et omnium quidem generum, apposita invenimus. Sic *rudentem proram* Virg. Aen. III. 561, *latrantem stomachum* Horat. Sat. II. 2, 18, *latrantibus monstriis* Virg. Ecl. VI. 75, *latrantia colla* Propert. III. 16, 23, *latrantibus bellis* Claudian. XX. 486, dixerunt. \* Hic tamen observandum, participia praeterita neutra verborum impersonalium neutrum fere tantum genus admittit; ut, *itum est, ventum erat, persuasum esse*, etc. Vid. supra lib. III. cap. 2. reg. 7. n. 50.

11) Participia neutra verborum impersonalium passivae vocis, tres tantum habent casus, nominativum, accusativum et ablativum, adeoque triptota sunt: ut, *statum est, statum esse dicit, opus est, stato*. Vid. reg. modo cit. n. ead.

12) Praeteritis hisce neutris a verbis impersonalibus passivae vocis, deest itidem totus pluralis.

13) Non ignoramus omnia adiectiva laxiore sensu *Mobilis* dici, quatenus scil. de genere in genus moventur. At strictius loquendo ea tantum *mobilia* sunt, quae simul cum genere terminationem variant.

14) De his vid. supra in comparatione nominum reg. 9.

15) Sanctius et Sciooppius, eosque secutus Methodi auctor, p. 496 et seqq. Participia omnia omnium esse temporum contendunt. At contra disputantes, et propria quibusque tempora asserentes. Vid. Voss, Anal. IV. 10, Perizon. p. 180 et seqq. et Ursin. p. 847.

16) Interdum participia in NS praeteriti aut futuri temporis significationem habere videntur: ut, Martial. X. 73, *Vilior haec nobis, alio mittente, fuisset*; pro *si alius misisset*. Terent. And. I. 1, 49, *Post-*

8. Figura participiorum est duplex, *Simplex*; ut, *spirans, dictus*: *Composita*; ut *respirans, addictus*.

Multa sunt participia, cum praepositione IN, negandi vim habente<sup>19)</sup>, composita; quorum verba talem compo-

quam amans accessit, pretium pollicens; pro et pollicitus est. Plaut. Bacch. II. 3, 127, *Credo herede adveniens nomen mutabit mihi*; pro cum advenierit. At in hisce et similibus animadvertendum est, dup diversa tempora significari, alterum verbo, alterum participio connotatum. Ubique autem participium, suum, i. e. praesens tempus, retinet: nam in re praeterita praesens fuit, et in futura item praesens erit. Idemque de aliis aliorum temporum participiis existimandum, ut Perizon. loc. cit. ostendit.

17) Quibus unum adde in UUS, puta *mortuus*: quod nonnulli nomen esse malunt.

18) De hoc in DUS participio, non levis est inter doctos controversia, aliis omnium, aliis nullius temporis esse, aliis futuri, aliis praesentis, affirmantibus. Quorum tam diversas sententias cum nec otii nostri, nec instituti sit, sigillatim persequi, petat qui velit apud Priscian. lib. XI. p. 927; Vallem Eleg. I. 27; Linac. p. 26, 27; Voss. Anal. IV. 11; Sanct. I. 15; Perizon. ad eum ibid. Nov. Meth. p. 499; Ursin. p. 875 et seqq. Id sane inter omnes fere convenire videtur, Participiis hactenus, non tam aliquod tempus, quam officium aut necessitatem significari.

19) Quaedam sunt cum IN composita, quae affirmative pariter ac negative sumuntur: ut, *indictus, infectus, infrenatus, insuetus, impensus, inquisitus, invocatus, immutatus, inhumatus, intentatus, intritus*. Sic Cic. Offic. I. 11, *Indictum bellum*, i. e. *denunciatum*. Id. pro Rabir. c. 4, *Indicta causa condemnari*, i. e. *non dicta*. Stat. Theb. IX. 187, *Inflecta sanguine tela*, i. e. *tincta*. Id. Theb. III. 430, *Facta, infecta loqui*, i. e. *non facta*. Liv. XXXVII. 20, *Non stratos, non infrenatos magna pars habebant equos*, i. e. *frenatos*. Id. XXI. 44, pr. *Video generosissimarum gentium equites frenatos et infrenatos*, i. e. *non frenatos*. [De *insuetus* vid. paulo ante not. 3.] Cic. in Verr. V. 19, pr. *Quod tu de tua pecunia dicis impensum*, i. e. *collatum*. Et Festus in voc. *Impensam stipem memorat*, i. e. *non pensam*. Liv. X. 40, *Rent inquisitam ad consulem detulit*, i. e. *comperitam*. Plaut. Amph. II. 2, 217, *Istam rem inquisitam certum est non amittere*, i. e. *inexploratam*. Justin. XVIII. 6, 5, *Viri nomine diu invocato*, i. e. *vocato*. Plaut. Cept. I. 1, 2, *Invocatus in convivio*, i. e. *non vocatus*. Cic. Fam. I. 9, *Bonorum voluntatibus immutatis*, i. e. *mutatis*. Terent. And. I. 5, 7, *Id mutavit*, quia *me immutatum videt*, i. e. *non mutatum*. *Inhumare taleas* Plinius dixit, XVII. 18, pro *humare*; unde *inhumatus*, pro *terra conditus*, dici possit. At Virg. Aen. VI. 525, *Inhumata turba*, i. e. *non humata*. Liv. IX. 27, *Gladii plerisque intentati*, i. e. *stricti et in pectora obversi*. Senec. ad Marciam. c. 18, *Nihil humanae audaciae intentatum*, i. e. *non tentatum*. Varro, R. R. II. 9, *Panis in lacte intritus*, i. e. *tritrus seu infriktus*. Caes. B. G. III. 26, *Cohortes quae intritae ab labore*, i. e. *non tritae*: ita enim ex Andinis Florentinisque membranis legit Gronovius, ad Liv. XXII. 49, pr. Confer Ursin. p. 858. \* Recentiores etiam, *immistus, infractus, infucatus*, sensu negativo; at vetustiores solo affirmativo usi sunt. Sic Virg. Aen. II. 396, *Vadimus immisti Danais*, i. e. *mixti*. Auson. Epig. XX. 12, *Potare immixtum merum*, i. e. *non mixtum*. Virg. Aen. IX. 499, *Torquent infractae ad praecidia*

sitionem non admittunt: ut, *illaesus*, *inauditus*, *impransus*, *incustoditus* <sup>20)</sup>, *insciens* <sup>21)</sup>, *intolerandus* <sup>22)</sup> etc. <sup>23)</sup>.

Sunt quaedam ex duabus praepositionibus conflata: ut, *imperterritus*, *incompositus*, *superanteactus*, etc.

Quaedam composita passivè capiuntur, quorum simplicia activam fere sive neutralem significationem habent: ut, *inausus*, *inopinatus*, *inultus*. *Inexpertus* utroque sensu, activo simul et passivo, legitur <sup>24)</sup>.

IV. De Participiis haec observanda sunt:

1. Participia praesentis temporis formantur a praeterito imperfecto: ut, *amans* ab *amabam* <sup>25)</sup>; praeteriti, a supino posteriore: ut, *amatus*, ab *amatu* <sup>26)</sup>; futuri in

*vires*, i. e. *valde fractae*. Symmach. Epist. I. 3, *Fractae opes infractos animos repererunt*. Servius quoque, ad illud Virg. Aen. XII. 1, *Infractos adverso Marte Latinos, non fractos*, sive *invictos* interpretatur: sed alijs potior videtur Donati auctoritas, qui sensu affirmativo exponit. [Vid. Vorst. de Latin. merito suspecta, p. 40; Cellarii cur. poster. p. 246.] Cic. de Orat. III. 25, extr. *Infucata vitia*, i. e. *valde fucata* vel *simulata*. Arnob. II. p. 75, *Si infucata vultis audire*, i. e. *non fucata*, sive *vera*.

<sup>20)</sup> Sic *illaboratus*, *immetatus*, *impunitus*, *incastigatus*, *incensus* (pro non censo), *incoenatus*, *incomitatus*, *incomptus*, *incontentus* (pro non contento), *inconsultus*, *indemnatus*, *indotatus*, *insalutatus*, *invisus* (pro non viso; nam aliud ab *invideo* est) *invisitatus*, etc. item, *incomendatus*, *inconcyssus*, *inconsumptus*, *incorruptus*, *indefensus*, *ineditus*, *inexercitatus*, *inobservatus*, etc. \* Alia porro sunt, quae cum facultatem sive potentiam rei faciendae negant, temporis adeo adsignificatione amissa, nomina facta sunt: ut, *illaudatus*, pro *illaudabili*; *immensus*, pro *immensurabili*; *immutus*, pro *immobili*; item, *indomitus*, *inexhaustus*, *invictus*: pro eo quod *domari*, *exhauriri*, *vinci*, non possit. Sic *immutatus* in illo Terentii supra-cit. *immutabilis* Interpretatur Anna Tanaquilli Fabri filia, quam vide.

<sup>21)</sup> Ut, Cic. Fam. III. 12, *Me iniciente*. Terent. Andr. III. 4, 24, *Inaperante Pamphilo*. Liv. XXII. 39, pr. *Etiā me indiciente*, pro *non dicente*. Varro R. R. II. 16, de apibus, *Neque ipsae sunt inficientes, nec non oderunt inertes*; pro *nihil facientes*. Vid. omnino Gronov. ad modo cit. Livii locum. Sic *immerens*, *inopinans*, pro quo dicimus et *necopinans*, etc. item, *incogitans*, *innocens*, *intemperans*, quae in nomina migrarunt.

<sup>22)</sup> Sic *intemerandus*, *infandus*, quod et *nefandus*: pro *non temerando*, *non fando*.

<sup>23)</sup> Nulla sunt eiusmodi participia in *RUS*, negandi sensu accepta.

<sup>24)</sup> Ut, Horat. Epist. I. 18, 86, *Dulcis inexpertis cultura potentis amici: Expertus metuit*, i. e. *is qui periculum non fecerunt*. Curt. III. 5, 15, *Inexperta remedia*, i. e. *non tentata*.

<sup>25)</sup> At *iens* ab *ibam*, assumit e, quod in obliquis, ut alibi dictum, habet *euntis*, *euntii*, etc.

<sup>26)</sup> Alii a supino priore; Perizonius vero, p. 137, a praeterito activo deducit, veluti *amatus* ab *amavi*, quasi *amabitus*, et sic in caeteris.

RUS ab eodem supino<sup>27)</sup>: ut, *amaturus*, ab *amatu*: futuri in DUS a participio praesenti: ut, *amandus*, ab *amans*<sup>28)</sup>.

2. Circumlocutio per verbum SUM, non tantum cum participio praeteriti temporis, sed etiam cum aliis locum habet: ut, Cic. *Socrates est apud Platonem loquens*, pro *loquitur*. Plaut. *Fui te carens*, pro *carui*<sup>29)</sup>. Sic *amaturus* et *amandus*, *sum*, *eram*, *fui*, *fueram*, *ero*<sup>30)</sup>, etc.

27) Quaedam tamen non sequuntur analogiam: ut, *sonaturus*, *partiturus*, *eruiturus*, *nasciturus*, *moriturus*, *oriturus*.

28) *Eiciendus*, *faciendus*, *gerendus*, *receptiendus*, *fugiendus*, *eripiendus*; et similia per Antithesin dicuntur, pro *eiciendus*, *faciendus*, *gerendus*, etc. Sic tritae illae ap. Iurisconsultos loquendi formulae, *Finium regundorum*, *Familiae herciscandae*, [ab *herciscor*, i. e. *divido*.] *Communi diuidundo*. In huiusmodi autem participiis et gerundiis videndum est quid usus ferat. Itaque dicam *repetenda urbs*, *verba*, *lectio*: at *erimen repetundarum*, et *postulare aliquem repetundis*; et *Carmina sunt dicenda*: at *iuri dicundo* potius, quam *dicendo*. Sic *egrediundi*, *accipiundo*, *referundo*, *Ratib* veri *reperiundi*, *In aegritudine leniunda*, *Ad conspiciundas voluptates*; et, *Numiliae potiundae*, *Rei experiundae causa*, *Facultatem perficiundi*, etc. cum Cicerone et Livio; vel cum aliis; *egrediendi*, *accipiundo*, *referendo*, etc. promiscuo utar. *Tollendus* verb, *falsundus*, *spargundus*; *ludundo*, *bibundo*, *cadundo*, etc. quamvis antiquiores ita locuti sunt, vix iam adhibuerim. Ab eo tamen eiusque compositis u perpetuum est: ut, *eundum*, *abeundum*, *praetereundus*, *adeundus*, etc. praeterquam in *ambiendus* ab *ambio*. Etiam ab *orior* solum dicitur *oriundus*: at id non habet futuri, sed praeteriti potius significationem.

29) Sic Terent. And. III. 2, 28, *Ut sis sciens*. Ovid. Pont. IV. 3, 85, *Omnia sunt hominum tenui pendente filo*, pro, *ut scias*, *Omnia pendent*.

30) Negant nonnulli, et in his Laur. Valla Eleg. I. 26, et Barth. Advers. XLV. 15, verbum futurum, *ero* et *fuero*, vel *forem* et *fore*, cum participio futuroungi posse. At Ciceronis est ad Attic. XII. 35, *Ipsodie*, quo ad Sicam venturus ero. Martial. XIV. 181, *Mergite me, fluctus, cum rediturus ero*. Ovid. Met. IX. 256, *Si quis tamen Hercule, ei quis Forte Deo doliturus erit*. Id. Art. Am. II. 56, *Ensiger Orion conspiciendus erit*. Id. Remed. v. 630, *Alter, si possis, orbis habendus erit*. \* Item Cic. ad Attic. V. 21, *Deinde addis, si quid secus, te ad me fore venturum*. Gell. XII. 11, *Ignoraturi forent*. Liv. X. 14, *Qua venturum bellum foret*. Id. XXXV. 13, *Si quid aduersi casuram foret*. Id. XXXVII. 16, *Naues quas subducturus certamini foret*. Id. XXXVII. 15, *Utrum libera tua classe abscessuri inde forent*. Id. Ibid. c. 51, *Sub pellibus habendos milites fore*. Id. XLIV. 7, *Incertus quid agendum foret*. Propert. I. 10, 19, *Cynthia me docuit semper quaecunque petenda, Quaeque cavenda forent*. Ovid. Fast. VI. 221, — *Tempora tardis Aptarequirebam, quaeque cavenda forent*. At dicit hic quis pro Valla, haec nomina potius esse quam participia; aut cum Aug. Saturnio, IV. 14, hinc colligat fore praesentis, non futuri esse temporis. Verum (ut Vossius docet Anal. III. 16, extr.) nulla ratio prohibet, quo minus futura copulenter futuri; quum et praeteritis etiam misceantur: ut Cicer. de Divin. II. 68, *An tu censes ullam anum tam detiram futuram fuisse*. Et

5. Participia sunt nomina, (1) *Amissione temporis*: ut, *sapiens*, *serpens*; *sponsa*, *nata*; *dictum*, *votum*, etc. cum substantive sumuntur<sup>31)</sup>. Sic *doctus*, *indoctus*, pro *homine doctrina praedito vel esperto*, etc.<sup>32)</sup>. (2.) *Mutata constructione*, seu *regimine verbi*: ut, *amans pecuniae*, *patiens frigoris*<sup>33)</sup>: nam constructio verbi exigeret, *amans pecuniam*, *patiens frigus*.

4. Multae sunt voces in *ATUS*, *ITUS* et *UTUS* desinentes, quae quamvis participiorum speciem prae se ferre videantur; quia tamen a nominibus potius, quam a verbis sunt derivatae, ex numero eorum merito excluduntur: ut, *cordatus*, *cristatus*; *auritus*, *pellitus*, *turritus*; *astatus*, *cornatus*, *nasutus*, etc.<sup>34)</sup>.

Fam. XI. 8, extr. Quos spero brevi tempore societate victoride tecum copulatos fore. Caes. B. Civ. III. 101, Existimabant plerique futurum fuisse, ut oppidum amitteretur. Cic. de Orat. II. 56, Videmur quieturi fuisse, nisi essemus lacecessiti. Confer Alvar. p. 859, Linac. p. 483, Sanct. p. 114 et 469, Gilanii Observ. in L. L. p. 98, Nov. Meth. p. 472, Dantesii Paralip. p. 88, Ursin. p. 604, Goeleii. Probl. Gram. V. 19.

81) Sic, *Adolescens*, *animans*, *consonans*, *contingens*, *confluens*, *oriens*, *occidens*, *rudens*, *torrens*, etc. *Advocatus*, *praefectus*, *sponsus*, *legatus*; et *delictum*, *erratum*, *peccatum*, *debitum*, *fatum*, *pactum*, *propositum*, *scriptum*, *tectum*, *tributum*, etc. et pluralia, *Ausa*, *coepta*, *cogitata*, *conata*, etc.

82) Sic, *abditus*, *occultus*, *secretus*, *apertus*, *aptus*, *arctus*, *citus*, *subitus*, *cultus*, *politus*, *tersus*, *consultus*, *contentus*, *lautus*, *obtus*, *promptus*, *rectus*, *sanctus*, *trit*, *vulgatus*, etc. Item, *potens*, *iratus*, *moestus*, *cassus*, *fessus*, *argutus*, *aquus*, *propensus*, etc. Vid. Urain. p. 90 et 853.

83) Praeter necessitatem a Vossio addi *amissionem constructionis* censet Urainus, p. 90, hoc enim consequens potius et signum esse, quod participia in nomina iam degenerarint, quam rationem et causam ob quam degenerent. [Recte!] Caeterum et duas alias causas vulgo adiciunt, ob quas participia transeant in nomina, *Compositionem* scil. et *Comparationem*: sed utramque confutatam vid. ap. Voss. Anal. IV. 10.

84) Sunt tamen eiusmodi quaedam a verbis forte derivata: ut, *auratus*, *aeratus*, *argentatus*, *ferratus*, *plumbatus*, *gypsatus*; nam auro et aëro agnoscit Priscianus, col. 828: *gypsiare* Apicii est I. 17: *plumbare* Catonis R. R. c. 21: parique forsitan ratione *ferre*, *argento*, antiquitus dixerint. Sic *bullare* Catonis est, c. 105, et Plinii, XVIII. 85, med. *calceare* Suetonii Vesp. c. 21, 2, et Plin. XXXVI. 5: *clypeare* Pacuvii ap. Non. II. 145: *cuneare* Melae, III. 6, et Quinctil. IV. 3: *galeare* Hirt. B. Afr. c. 12, et Cinnæ ap. Non. II. 145: *loricare* Plin. VIII. 24, et Varr. R. R. I. 24: *lunare* Ovid. Amor. I. 1, 23: *lymphari* Plin. XXIV. 17: *palliare* Apuleii, *purpurare* Colum. X. v. 101, et Gellii, XVIII. 11: *tunicare* Varr. ap. Non. II. 878: indeque *bullatus*, *calceatus*, *clypeatus*, *cuneatus*, *galeatus*, *loricatus*, *lunatus*, *lymphatus*, *palliat*, *purpuratus*, *tunicatus*, participiis recte accensentur. Nec male *crinitus* a *crinire*, quo utitur Stat. Theb. IV. 217, et *ignitus* ab *ignio*, quo Prudent. w. crep. X. 1077, et *peritus* ab *obsoleto perio*, deduxeris. Eademque forte et aliorum quorundam ratio est. Non tamen propterea

## Appendix de Gerundiis et Supinis.

I. Gerundium<sup>35)</sup> est nomen participiale<sup>36)</sup> neutrum, singularis tantum numeri, instar substantivi per omnes casus, praeter vocativum, declinabile<sup>37)</sup>: ut, nom. *amandum*, gen. *amandi*, dat. *amando*, accus. *amandum*, abl. *amando*.

Veniunt a verbis activis, neutris et deponentibus, eorumque significationem fere semper sequuntur: ut, *docendum*, *currendum*, *loquendum*<sup>38)</sup>; a *doceo*, *curro*, *loquor*<sup>39)</sup>.

Daumio accesserim, qui quomodolibet omnia a verbis deducit, vocesque adeo vel vetustissimis prorsus incognitas, ad hypothesein suam firmandam, ingeniose magis quam vere comminiscitur: quales sunt, *Alare*, *barbare*, *braccare*, *crepidare*, *ambriare*, *lanare*, *larvare*, *laureare*, *laware*, *umbrare*, *paludare*, *stolare*, *uitare*, etc. item *axrire*, *mellire*, *pellire*, *turtire*, etc. § De *comina*, *flammaque*, *inciens*, *lactens*, *nigrans*, *pregnans*, *quadrupedans*, *viridans*, (quae uen quidem nomina, olim et participia fuisse videntur), a verbis iam exoletis, aut parum usitatis deductis. Vid. Ursin. p. 348: ubi etiam de *descepius*, *fretus*, *praeditus*, *papus*, *elixus*, *laxus*, *lassus* (quorum nonnulla haud certae originis esse videntur) agit.

35) Gerundia ita disuntur quod rei gerundae sive administrandae significationem habeant.

36) De Gerundiorum propria indole, quaeque in orationis partibus eis sedes assignanda esset, mirum in modum Grammatici certarunt. Vetustiores fere *sextum* ea verbi *modum* constituent, optativo nempe pro peculiari modo connumerato; nam potentialis tum incognitus, utpote a Linacro primum excogitatus. Recentiores plerique, et in his Alvarus, ad verba *modi infinitivi* ea referunt. Prisciano nomina sunt participialia, col. 808: Vossio Anal. III. 9, (quem sequitur Methodi auctor, p. 486), nomina verbalia, immediate a verbis descendencia. Saturnius Merc. mai. VII. 4, *peculiarem* ea, ut et supina, orationis partem facit. Scaliger denique de Caus. L. VII. 143, Scioppio Gram. Philoe. p. 16, et veterum nonnullis, vera participia sunt passivae significationis: quae et Cl. Perizonii sententia est, qui quamvis diversa, sed et ingeniosissima, ratione rem explicat, p. 448 et seqq. Caeterum quavis primigeniam Gerundiorum naturam et constitutionem fuisse vere passivam, non inivitus agnoscam: quia tamen in casum suorum verborum plerumque feruntur, et genitivum (pluralem certe) post se nonnunquam recipiant, mihi vero admodum simile videtur, huiusmodi quosque Latinae linguae auctores, ea quasi substantiva ac agendi vi praedita generaliter existimasse. Vid. Saturnius, VII. 6, Schmid. Gram. p. 126, Nov. Meth. p. 487.

37) Adeoque inter *Pentaptoia*, ut alibi notatum, Gerundia referenda sunt.

38) Gerundia plerumque active exponenda esse vulgo Grammatici docent: ut, Lucret. I. 112, *Aeternas quoniam pbenas in morte timendum*, i. e. est cur timeant. Liv. XXIX. 2, ext. *Quia equos conscendendi equitibus spatium non fuerat*, i. e. ut conscenderent. Plaut. Poen. I. 2, 13, *Ene nos lavando operam dederunt*, i. e. ut laverent. Liv. II. 20, *Ipsae inter spoliandum corpus hostis veruto percussus*, i. e. dum spoliabatur. Virg. Aen. II. 6, *Quis talia fando Temperet a lacrymis*, i. e. dum



II. *Supinum* est nomen verbale substantivum, singularis numeri, quartae declinationis, in *UM* et *U* desinens, atque adeo accusativi aut ablativi casus<sup>40</sup>): ut, accus. *petitum*, abl. *petitu*. Illud *Supinum* prius, hoc *Supinum* posterius, vulgo appellatur.

Veniunt itidem a verbis activis, neutris et deponentibus. Et *Supinum* quidem prius active, posterius vero passive plerumque significat<sup>41</sup>), ut, *lectum*, *lectu*; *cubitum*, *cubitu*; *deprecatum*, *deprecatu*; a *lego*, *cubo*, *deprecor*.

*fatur*. \* Passive autem accipi in his et similibus volunt: ut, Justin. XVII. 8, 11, *Athenas erudiendi gratia missus*, i. e. ut erudiretur. Plin. XIII. 12, *Charta emporetica inutilis scribendo*, i. e. ut in ea scribatur. Cic. ad Attic. IX. 9, *Res ad iudicandum difficilis*, i. e. quae difficulter iudicatur. Virg. Geo. III. 454, *Alitur vitum, vivitque legendo*, i. e. dum tegitur. Sed haec omnia active possis interpretari; vel (cum Ursin. p. 627) per infinitivum activum, cum vel sine praepositione: ut, *Athenas erudiendi gratia missus* sit, *gratia rei erudire: inutilis scribendo* sit *inutilis rei scribere*, etc. vel (cum Erasmo Schmidio hypomn. p. 211) per verbum finitum et pronomen relativum, vel particulam: ut, *Athenas erudiendi gratia missus*, sit, ut eum aliquis erudiat; *inutilis scribendo*, sit, in qua quis scribat: vel denique (cum Methodi auctore, p. 489) per verbalia in *io* vel *us*, ut *erudiendi gratia*, sit, *gratia eruditionis*; *inutilis scribendo*, *inutilis scriptiois*; *tempus abeundi*, *tempus abitionis*, vel *abitus*, etc. Confer Saturnium, VII. 7, Vossius Anal. III. 9, Ursin. p. 626, etc.

39) De *Gerundiorum* in *Gerundiva* quae vocant, sive participia in *DUS*, mutatione, aliisque ad hanc rem spectantibus, convenientior erit in Syntaxi dicendi locus.

40) Quae *Supina* appellamus, vere sunt nomina verbalia quartae declinationis; inveniunturque in aliis casibus praeter accus. et ablat. (Vid. Voss. Anal. III. 11, et Ursin. p. 626) interdum et in plurali. At ea tum tantum *Supina* esse Grammatici volunt, cum prius verbo motus, posterius nomini adiectivo subiicitur.

41) *Supinum* in *UM* nonnunquam, licet rarissime, passive; in *U* vero (praesertim a verbis neutris et deponentibus) active accipi, observant Saturnius, VIII. 8, Voss. Anal. III. 12, Ursin. p. 683. Priorum exempla sunt Plaut. Aul. III. 3, 9, *Coctum ego, non vapulatum dudum conductus fui*, i. e. ut vapularem, sive verberarer. Gell. III. 2, *Mulier quae usurpation isset*, i. e. quae usurpata fuisset. Addit Saturnius et tertium ex Martialis XI. 8, sed quia vox ibi obscena est, eam silentio involvendam censuit. Exempla posteriorum sunt, Liv. I. Praef. *Foedus inceptu, foedum exitu*: id est, cum incipit, cum exit. Plin. XIV. 3, *Forenses uvae celeres praeventu*, i. e. celeriter proveniunt. Tacit. Annal. XV. 55, 1, *Quia Caesar rarus egressu*, i. e. raro egrediebatur, etc. Verum cum *supina* eiusdem plane naturae sunt, cuius sunt verbalia in *io*, ac utraque quidem, si penitus spectes, agendi potius quam patiendi notione praedita, possunt tamen et haec et illa vel active, vel passive exponi. Sic illud Plin. VII. 53, *Athletas malum ambulatione cibos perficere*, interpretaris, dum ambulant, vel dum ab illis ambulatur: et illud eiusd. XXIII. 1, *Decoctum eorum coeliacos iuvat pbtione*, i. e. si po-

Sunt denique adiectiva quaedam in BUNDUS, ab imperfecto indicativi derivata; ut, *errabundus*, *gemebundus*; et e in i converso, ut, *ridibundus*, *ludibundus*; vel sublato: ut, *morbundus*, *lascivibundus*, etc. <sup>42)</sup> quae quoniam a participiis praesentibus et significatione et constructione nihil fere distant, Charisius Participiis annumerat, Donatus quasi participia, alii Participialia appellant <sup>43)</sup>.

sent, vel si potestur. Et pari modo oratum, *προς το παρακαλῆναι, καὶ πρὸς το παρακαλεῖσθαι* oratu, *ἀπὸ τοῦ παρακαλῆναι, καὶ ἀπὸ τοῦ παρακαλεῖσθαι*, interpretatur Priscianus, *col. 811*. Sic auctor *dignus* lectu, *dignus* lectione, *dignus* legi, *dignus* quem legas, et *dignus* qui legatur, promiscue dicuntur; et ea ratione Plin. XXVIII. 1, *Difficilia inveniuntur*. Id. XIX. 4, *Facilia concoqui*. Cic. ad Brut. Epist. 4, *Facile est existimare*. Lucret. II. 1026, *Res difficilis ad erendum*. Plin. VII. 1, *Parvum dictu, sed immanem aestimationem* protulerunt. Et hinc est quod, pro *Misi ei nunciatum*, *Misi ei nunciari*: et pro *Non est difficile cognitu*, *Non est difficile cognoscere*, dixit ipsum Cicero non notat Ursinus, p. 688. Haec igitur cum ita sint, non satis ex merito Priscianum ostentantiam damnat Vossius l. cit. quod supinis in UM utramque significationem, i. e. activam et passivam ex aequo assignet.

42) De horum significatione, vindex est doctrina sententia. Nam (1) Similitudinem quandam ea denotare vult Priscianus, *col. 686*, a quo non multum abt Scaurus ap. Gell. XI. 15, qui imitationem iis quandam aut simulationem tribuit: ut, *vitabundus*, *errabundus*, *ludibundus*, sit, qui vitantem, vel errantem, vel ludentem agit, vel simulat. (2) Eandem quae participiorum praesentium in NS est, significationem iis adscribit Caesellius. Vindex ap. Gell. l. cit. et Servius ad Virg. Ecl. VI. 58, nec alienus ab hac sententia ipse Voss. Anal. II. 83. (3) Vim et copiam, et quasi abundantiam rei, cuius id verbum esset, illis demonstrari vult Sulp. Apollinaris ap. Gell. l. cit. qui fayer ipse Gellius. (4) In rebus voluntate praeditis, ostentationem, sive professionem, et, si voce uti liceat, satagentiam quandam iis significari docet Scaliger de caus. L. L. IV. 98, p. 244. (5) Denique eandem, et quam frequentativorum participia significationem habere statuit Laur. Valla Eleg. I. 9, ut *ludibundus*, *ridibundus*, etc. idem sint, quod *luditans*, *riditans*; et quando haec deficiunt, ad illa decurri: ut, *populabundus*, *errabundus*; pro *populitans*, *erritans*. Cum eo autem consentire videtur Erischlinus, qui in Paralip. p. 305, continuationem actionis iis assignat. Ceterum, quod ab Ursipo observatum est, p. 84, parum inter se differunt secunda, tertia et quinta sententia: facile etiam consiliari possunt prima et quarta. Et quaevis primam Valla d. loc. repudiet, in nonnullis tamen eam aliquid ex vero trahere ostendit illud Cic. Verr. III. 67, *in Pulcrum habebat, omnia ludibundum conficere*, i. e. ludenti simile, seu quasi per ludum; et *morbunda* ap. Virg. Aen. X. 341, *moriens simile* Servius interpretatur. 43) Hanc eorum ex auctoribus sylulam collegit Gyntherus Latin. rest. part. II. p. 38 et seqq. *Auxiliabundus*, *bacchabundus*, *certabundus*, *cogitabundus*, *congregabundus*, *concionabundus*, *cunctabundus*, *deliberabundus*, *depretabundus*, *discretabundus*, *errabundus*, *excussabundus*, *festinabundus*, *fremebundus*, *furibundus*, *gembundus*, *gloribundus*, *gratitabundus*, *haeritabundus*, *ignitabundus*, *imaginabundus*, *indignabundus*, *inhabundus*, *lucubundus*, *lascivibundus*, *ludibundus*, *me-*

## LIBER QUINTUS.

## De Partibus orationis indeclinabilibus.

## CAP. I.

## De Adverbio.

Adverbium est pars orationis invariabilis, quae verbo vel aliis vocibus <sup>1)</sup> adiicitur, ad eorum circumstantiam quandam explicandam <sup>2)</sup>.

De variis Adverbiorum significationibus, quoad tionibus necessarium videbatur, in Rudimentis nostris alibi dictum est.

Adverbio accidunt tria, *Species*, *Figura* et *Comparatio*.

I. *Primitivae* speciei Adverbia pauca sunt: ut, *crae*, *iam*, *ubi*, *temere*, etc. *Derivatae* vero caetera fere omnia.

Adverbia autem derivantur, vel,

1. *A nomine*: ut, *viriliter*, a *vir*; *docte*, a *doctus* <sup>3)</sup>.

*astutibundus*, *minitibundus*, *miratibundus*, *moribundus*, *muneratibundus*, *naucratibundus*, *nitibundus*, *nocturnibundus*, *noscitibundus*, *nativibundus*, *osculatibundus*, *peregrinatibundus*, *periclitatibundus*, *populatibundus*, *praedatibundus*, *raditibundus*, *reptatibundus*, *speculatibundus*, *stomachatibundus*, *tentatibundus*, *veneratibundus*, *vitatibundus*, *undatibundus*, *volutatibundus*. *Amoratibundus* quoque ex Libanio profert Gellius l. cit. ab inusitato amor; et Priscianus his accenset *rubicundus*, b in e alternitatis causa converso, pro *rubibundus*. Addere possis *cantatibundus*, quo Petron. c. 62. *Laetatibundus* et *sallatibundus*, quibus Gell. loc. cit. et XX. 3. *vestitibundus*, quo Pallad. Octob. t. 17. *fluctuatibundus*, quo Sælon. *ridibundus*, quo Plaut. Epid. III. 3. 32. *vagatibundus*, quo Solinus, c. 11. *cruciatibundus*, quo Cyprianus Epist. LV. 4. utuntur. Forte et alia his similia effingere liceat: ut, *adbratibundus*, *conciatibundus*, *contemplatibundus*, *propugnabitundus*, *rustatibundus*, *spectatibundus*, *territatibundus*, *venatibundus*, etc. Tutius tamen his abstinere: *monitibundus*, *legatibundus*, *audatibundus*, nisi praesentio probo auctore, non adhibeam.

1) Adverbium ut plurimum et praecipue adiungitur verbo, unde et nomen traxit: at non et solum adiicitur, sed aliis etiam orationis partibus: et quidem nominibus: ut, *insigniter doctus*, *utmodum puer*: pronominibus: ut, *plane nos*: participiis: ut, *Latine loquens*: aliis denique adverbis: ut, *sic*, *ita*, *tam*, *negligenter*.

2) *Circumstantiae* vocabulo, laxiore quam Logici solent sensu accepto, continentur etiam modi quicunque sive qualitates ad rem declarandam adiectae.

3) Quae a nominibus derivantur adverbia, longe plurima in B vel ER, multa in O, quaedam in IM, UM, ITUS et A exeunt: ut, *bene*,

2. A pronomine: ut, *hic, eo, qui*; ab *hic, is et quis*<sup>4)</sup>.  
 3. A verbo: ut, *caesim, punctim*; a *caedo, pingo*<sup>5)</sup>.  
 4. A participio: ut, *amantē, simulatē*; ab *amans, simulatus*<sup>6)</sup>.

*fortiter, tuto, oppidatim, solum, radicatus, uno*, etc. Numeralia autem, a quatuor, in IES: ut, *quingues, centies*, etc. Quae ab adiectivis primae et secundae veniunt, pleraque in E desinunt; ut, *libere, plene*: nonnulla in O, UM et TER; ut, *falso, tantum, graviter*: pauca in A, ITUS et IM; ut, *recte, antiquitus, summatim*. Quaedam bifariam offeruntur; ut, *primum, primo; pure, puriter; caute, cautim*. Ab adiectivis tertiae fere in TER, rarius in E terminantur; ut, *fortiter, eleganter; facile, repente*: unum in o, ut omnino. A substantivis deducta exeunt pleraque omnia in IM vel ITUS: ut, *ostiatim, generatim; funditus, madidius*. Singularia sunt, *Pol, foris et foras, diu, noctu, fors et forte, alteris, gratis, ingratiss*. Sed haec et plurima alia, quae vulgo adverbia existimantur, vera nomina sunt. Sic, 1. Plurima in UM et O: ut, *primum, primo, secundum, secundo, paulum, paulo, tantum, quantum, plurimum, commodum, aeternum, mutuo, crebro, perpetuo, raro, secreto, subito, falso, merito*, etc. nomina sunt adiectiva aconativum vel ablativum casus, quibus ad vel in, cum substantivo aliquo, intelligitur. 2. Omnia adverbia comparativi gradus; ut, *amplius, melius, minus, plus*, etc. vera adiectiva sunt accusativum casus, in quibus ad, et negotium, tempus, spatium, aut simile quid, reticetur. 3. Sic partim est antiquus accusativus a pare; tempore (unde comparativus temporis) *lucē, vespere*, antiqui ablativum, pro tempore, *luce, vespere*: rite ablativus, pro ritu; ut, *impetu*, pro impetu. Sic *diu, noctu*, pro die, nocte, ab antiquis nominativis *dius, noctus*. *Foris* ablat. *foras* accus. ab antiquo *fora*, -ae, pro quo nunc *foris*, -is dicimus. *Gratis, ingratiss* abl. per Syncope pro *gratiss, ingratiss*. *Fors* nom. *forte* ablat. *Alternis* ablat. supple vicibus. *Alias* accus. supple res, *Una* abl. supple opera. *Resta* abl. supple via, etc.

4) A Pronomine derivata desinunt fere in C, A, vel O: ut, *hic, huc, hinc, hac, ea, qua, eo, quo*. Sed ex his multa vera pronomina esse supra ostendimus, lib. II. p. 203.

5) Haec fere omnia in IM desinunt: proximo autem a supinis veniunt vel participiis. *Abunde, propere, peregre*, quae quidam a verbis formant, *abundo, propere, peragro*, potius sunt ab *abundus* (quo utitur Gellius, I. 2); *propere*, quod Catulli est, LXI. 34, et aliorum; et antiquo *peregre* seu *peregris*. *Mordicus* forte a *mordeo* est per Syncope pro *mordicatus*. *Max* a *movea* deducit Vossius. \* Verba *age* et *cedo*, cum ad plures dicuntur, in adverbiorum naturam migrare videntur; ut in illo Val. Flacc. III. 311, *Vos, age, fumeras ad litora volute silvas* et in isthoo Ciceronis de Spect. c. 6, *Cedo, qui vestram rempub. tantam amicitia tam cito*. *Amabo* autem (quod futurum est verbi *amo*) male adverbium adnumeratur: dicitur enim *amabo te*; et cum absoluta ponitur, hic casus necessario intelligitur. Vid. Voss. Anal. I. 2.

6) Quae a praesentibus veniunt, exeunt in TER; ut, *properanter, dubitanter, a properans, dubitans*: quae a praeteritis vero, in E; ut, *distincte, emendate, a distinctus, emendatus*: interdum in O; ut, *merito, sortito, inopinato, a meritis, sortitus, inopinatiss*. Sed haec (ut modo diximus) veri ablativi sunt, intellecta praepositione ex; aeque etiam expressa: ut ap. Ovid. Heroid. V. 7, *Leniter ex meritis quicquid patiara ferendum est*; et ap. Cic. de Nat. Deer. II. 48, *Araneolae ex inopinato observant*.

5. A praepositione: ut, intro, citro, ultro, cřanculum; ab intra, citrũ, ultra, clam <sup>7)</sup>.

II. Plũrĩma sunt adverbia figurae, tum *Simplicis*: ut, hinc, sapienter, bene, magis, etc. tum *Composita*: ut, quare, videlicet, quovis, etc.

Componuntur autem adverbia variis modis:

1. Ex nomine praecedente: et sequente (1.) Vel alio nomine; ut, postridie <sup>8)</sup>, ex postero die. (2.) Vel verbo; ut, pedetentim, quasi pedem tendendo. (3.) Vel ab adverbio; ut dextrorsum, ex dexter et versus <sup>9)</sup>. (4.) Vel syllabica adiectione; ut parumper, ex parum et per.

2. Ex pronomine: addito (1.) Vel nomine; ut, hodie, pro hoc die <sup>10)</sup>. (2.) Vel adverbio; ut, quin; pro qui nũ. (3.) Vel praepositione; ut, hactenus, pro hac [fine] tẽnu. (4.) Vel coniunctione; ut, quasi, ex quis et si. (5.) Vel syllabica adiectione; ut, tuatim, i. e. tua more, ex tuis et tim.

3. Ex duobus verbis; ut, ilicet, scilicet, videlicet; ex ire, scire, videre, et licet.

4. Ex participio et nomine; ut, perendie, quasi perempta die.

5. Ex adverbio: sequente (1.) Vel nomine; ut, nimirum, ex ne (pro non) mirum; edepol, ecacstor, mecastor, mehercule, ex e sive me <sup>11)</sup> iurandi vocula et Pollux, Castor, et Hercules. (2.) Vel verbo; ut, ubivis, quovis, undelibet <sup>12)</sup>. (3.) Vel alio adverbio; ut, quousque, sicuti, tantummodo <sup>13)</sup>. (4.) Vel praepositione; ut, quoad, quonsum, ex quo versum. (5.) Vel coniunctione; ut etiam,

<sup>7)</sup> Sic retro a re, intus ab in, subtus a sub, iuxtim a iuxta.

<sup>8)</sup> Sic magnopere, maximopere, summpere, tantopere, pro magno, maximo, summo, tanto, opere; multimodis, omnimodis, pro multis modis, omnibus modis.

<sup>9)</sup> Item aliubi, alibi, ex alius, aliquis et ubi; aliunde, alicunde, ex hisdem et unde; alioqui, caeteroqui, ex alius, caeterus, et adverbio qui.

<sup>10)</sup> Sic quare, quomodo, pro divisis, quare, quo modo; cur educte, pro cui re.

<sup>11)</sup> Perperam vulgo scribunt aedepol et ecacstor, quasi sint ab aede Pollucis vel Castoris: cum me et e sint ex Graeco *me* et *ed*. Ut similia sint, mecastor, ecacstor, epol, vel etiam eilepol, quasi *me* Deus *Castor*, vel Pollux, sive per Castorem aut Pollucem. Similia his sunt, eiuno, equirine, ecere; pro, per Iunonem, per Quirinum, per Cererem; et mediusfidius, quod est *me* dios, i. e. Iovis, fidius, hoc est filius. Magis haec placent, quam ut *me* sit accusativus, et elliptice intelligatur *amet* vel *admet*. Vid. Voss. Gram. min. p. 156, et Etym. in voc. *medius fidius*, et Ursin. p. 563.

<sup>12)</sup> Sic deinceps, quasi dein capiend.

<sup>13)</sup> His adde quam; adverbis intendendi *superius*; iunctum ut admodumquam, nimisquam, oppidoquam, sanequam.

ex et et iam. (6.) Vel syllabica adiectione; ut *siccine*, *ubicunque*, *ibidem*, *nondum*, *undique*, *ubinam*.

6. Ex *praepositione*: sequente (1.) Vel *nomine*; ut, *admodum*; *cominus*, ex *cum* vel *con* et *manus*; *eminus*, ex *e* et *manus*; *denovo*, ex *de novo*; *illico*, ex *in loco*<sup>14</sup>. (2.) Vel *pronomine*; ut, *antea*, *adeo*, *interea*, *postea*, *praeterea*, *posthac*. (3.) Vel *adverbio*; ut, *affabre*, *apprime*, *dehinc*, *perinde*, *praeterquam*, *inibi*, *interibi*<sup>15</sup>. (4.) Vel *alia praepositione*; ut, *desuper*, *propalam*, *praeterpropter*<sup>16</sup>.

7. Ex *coniunctione* et *alio adverbio*; ut, *etiamnum*, ex *etiam nunc*: *sicubi*, ex *si ubi*; *si quando* ex *si aliquando*<sup>17</sup>; *velut*, *veluti*, ex *vel* et *ut*, *uti*.

8. Ex pluribus vocibus promiscue coniunctis; quamobrem, *quemadmodum*, *nudiustertius*; *identidem*; pro *divisis*, ob *quam rem*, ad *quem modum*, *nunc dies tertius*, *idem et idem*.

III. Comparantur fere omnia adverbia, a nomini-

14) Sic *adamussum*, *examussum*, *extemplo*, *interdiu*, *ubiter*, *obiviam*, *prae-fascini* (ex *prae* et *fascinum*) *profecto* (ex *pro* et *facto*). Quae praerogae, nomina potius cum praepositione constructa, quam adverbia sunt. \* Vocem *impraesentiarum*, sive *divisim*, in *praesentiarum*, tanquam *pro-sus* *lutulentam* reiecit Sciopp. de Styl. Hist. p. 59; Chr. Cellarius quodque in Proleg. ad Chr. post. p. 11, de ponitate eius dubitat: at gentianam iudicat Perizon. ad Sanct. p. 171, utpote non Fannio tantum ap. Priscian. lib. 13, et Caton. R. R. 144, sed Nepoti, XXIII. 6, 2, Tacit. Annal. IV. 59, 4, et Apuleio, pluribus locis, usitatam; ut illeam *Minitium*, *Symmachum*, *Cyprianum* et alios, Vossius de vit. term. I. 25, ex in *praesentia* rerum corruptam putat: rectius Ursinus, qui p. 923, *im-pore* intelligit, ut *praesentiae* pluraliter, pro *praesentibus* rebus sit dictum, pari modo quo *fortitudo* ap. Cic. Offic. I. 22, pro *fortibus* *facilis*, proindeque in tempore *praesentiarum* idem sit quod in tempore rerum *praesentium*. Eademque ratione *depraesentiarum*, quo utitur Petronius, c. 58 et 74 exponendum.

15) Sic *deorsum* (ex *de* et *versum*) *inimul*, *interdiu*, *perenope*, *praeut*, *prout*, *pronuper*, *proporro*. \* Praepositiones autem separati adverbis adici non debere praecipunt Donatus, Edit. secund. col. 1761, et in eum Servius, c. 1794, et Sergius, col. 1852, itemque D. Augustinus de Gramm. col. 2011, ut *de aere*, *de modo*, *de trans Tiberim* &c. Invenitur tamen ap. Viruv. V. 7, extr. a *pergere*; et ap. Plin. XVII. 24, med. a *foris*. Quibus exemplis defendit quomodocunque ego posse, qui cum *valgato* Interp. aliisque eius seculi, a *mollo*, ex *nunc*, ab *extra*, ad *intra*, *de longe*, dicunt, existimat Ursinus, p. 1609.

16) Sic *extra*, *ubi*, *proin*: nisi in his posterior pars sit *inde* per Apocopen decurtatum. Caeterum hae propositiones compositae ideo in adverbiorum naturam migrarunt, quod casu suo destituantur. Sicut haec res habet in exante, *inante*, *exadversum*; de quibus vid. cap. seq. not. 1399.

17) *Necubi*, pro *ne alicubi*; *neculle*, pro *ne alitullus*; *nequando*, pro *ne aliquando*; ex duobus potius adverbis, *ne acil*, pro *non*, et *ubi*, *unde* et *quando*, videtur conata.

bus comparabilibus derivata: ut, *docte, doctius, doctissime; feliciter, felicius, felicissime*<sup>18)</sup>.

*Positivus* eorum gradus exit plerumque in E vel TER<sup>19)</sup>; ut, *dure, facile, acriter*: *Comparativus* in IUS; ut, *durius, facilius, acrius*: *Superlativus* in IME; ut, *durissime, facillime, acerrime*.

Quae a nominibus anomale comparatis derivantur, *comparationem* et ipsa anormalam habent: ut, *bene, melius, optime; male, peius, pessime; parum, minus, minime, et minimum; multum, plus, plurimum; prope, propius, proxime*.

*Positivo* carent, *magis*<sup>20)</sup>, *maxime*; *ocys, ocysime; prius, primo vel primum*<sup>21)</sup>; *potius, potissimum*<sup>22)</sup>.

*Comparativo* carent, *paene, paenissime*<sup>23)</sup>; *nuper, nuperrime*<sup>24)</sup>; *nove et noviter, novissime; merito, meritissimo*.

*Superlativo* carent, *excusate, excusatius; tempori, temporius; satis, satius; secus, secius*<sup>25)</sup>.

18) Interponuntur et adverbia comparata, quorum primitiva exoleverunt: ut, *saepe, saepius, saepissime; prope, propius, proxime; penitus, penitius, penitissime; satis, satius, secus, secius*: ab antiquis *saepe, propis, satis, penitus, sequis* [vel hoc postremum, ut alii volunt, a verbo *sequor*] unde et *propior, proximus; penitior, penitissimus*; item *sequior, sequius*, et in neutro *satius*, in usu perstitit; et apud vetustiores *saepeior, saepissimus*. Vid. lib. I, cap. 4. n. 34, 37, 50 et 51. \* *Diutius* vero, *diutissime*; pro *longius, longissime*; et *temporius, pro tempestivus*, ab ablativis *diu* (pro *die*) et *tempori* (pro *tempore*) in adverbiorum naturam usu mutatis, per *καταρτισμός* quandam sunt formata. \* *Paenissime* vero a *paene* ap. Apuleium, Met. VIII. p. 238, suo more confectum videtur.

19) Interdum in Q: ut, *tuto, tutius, tutissime*; et una in US, *penitus, penitius, penitissime*.

20) *Magis*, et (quo Poetae interdum utuntur) *mage* quamvis comparativae significationis, origine tamen sua nomen adiectivum esse positivi gradus, ut *potis, pote*, indeque compar. *maior*, et superl. *maximus*, pro *magior et magissimus*, per contractionem formata, ostendit Perizon. ad Sanct. II. 10. 1.

21) Sed haec in O vel UM, item comparativa fere omnia, nomina potius quam adverbis, ut supra diximus n. 3, censenda sunt.

22) Cicero etiam pro Murat. c. 2, et Celsus, III. 6, med. *potissime* utuntur.

23) De qua modo dictum, n. 18.

24) Addunt aliqui comparativum *superius*, at eius non magis exemplum suppetit, quam nominis adiectivi *superior*.

25) Et ea fere omnia, quorum primitiva, sive nominibus, sive participiis, deest hic gradus.

1) *Præpositiones* ita dicuntur, quod aliis ut plurimum vocibus præponantur; vel appositione, ut, *ad patrem*; vel compositione, ut, *admonesco*. At id perpositum non est; nam *tenus* semper postponitur, ut, *menio tenus*; interdum et *cum*, ut, *meum, tecum, secum*. Aliæ etiam præpositiones in eodem ordine positæ haud raro inveniuntur: ut, Cic. ad Attic.

## C. A. P. II.

*De Praepositione.*

Praepositio \*) est pars orationis invariabilis, unius substantivi ad alterum relationem significans \*).

Praepositiones sunt vel *Separabiles* vel *Inseparabiles*.

Inseparabiles, quae separatim, sive extra compositionem, usurpantur.

Inseparabiles, quae in compositione tantum inveniuntur.

Praepositioni accidunt tria, *Casuum rectio* †), *Species* et *Figura*.

I. Praepositionum separabilium aliae accusativum, aliae ablativum, aliae utrumque casum regunt.

1. *Accusativum* regunt Praepositiones viginti et octo; *Ad*, *apud*, *ante*, *adversus* vel *adversum*, *cis*, *citra*, *circum* vel *circa*, *contra*, *erga*, *extra*, *intra*, *infra*, *iuxta*, *ob*, *per*, *praeter*, *propter*, *post*, *penes*, *pone*, *secus*, *secundum*, *supra*, *trans*, *ultra* \*).

VI. 1, *Diem statuo satis laxam, quam ante vi solverint, dico me centesimas ducturum*, Tac. Annal. IV, 5, *Misenum apud et Ravennam*, Caes. B. G. VII. 83, *Quae inter controversia esset*, Tac. Annal. III. 75, 4, *Illi, quod praeturam intra stetit, commendatio ex iniuria oriebatur*, Quintil. IX. 8, *Neminem posse alteri dare matrimonium, nisi quem penes sit patrimonium*, Flor. Proem, *Ut si quis magnitudinem imperii cum ante conferat, aetatem ultra putet*, Sueton. Ner. XXXIII. 7, *Coegitque se coram venenum quam posset velocissimum coquere*, Cic. de Invent. I. 19, *Delectatio non aliena ab eo negotio quo de agitur*, Apud Postas vero haec quam *Anastrophē* vocant, frequentissima est; ut, Virgil. Aen. I. 32, *Maria omnia circum*, Val. Flacc. I. 44, *Hospita vina inter*, Plant. Amph. II. 2, 21, *Omnia assunt bona quam penes est virtus*, Virg. Geo. III. 42, *Te sine ul' altum mens inchoat*, Id. Aen. II. 792, *Ter conatus ibi collo dare brachia circum, pro circumdare*, Cui non multum abstinile illud Ciceronis pro Sulla, c. 8, *Gaudeat suo generi me meum hunc non ponere*. \* Praepositionibus, quae casibus suis plerumque postponuntur, vulgo adverbis usque et versus: at haec vero adverbia, non Praepositiones esse, docti iam dudum ostenderunt. Vid. not. 4.

2) Alii definiunt, Praepositio est vox invariabilis, quae vel appositione vel compositione aliis vocibus praepositur, ad motum vel quietem significandam. Alii, Vox invariabilis natura sua casum regens. Alii denique, Pars orationis invariabilis, verbo nomen certo quem regit casum adiungens, ad significandam quandam circumstantiam.

3) Eodem iure praepositionibus accidit *Casuum rectio*, qua nominibus motio: nam, ut hoc nomen fere adiectivorum; ita et illud praepositionum duntaxat separabilium accidens est.

4) Accusativum regentibus vulgo adiciunt, *Circiter*, *prope*, usque et versus: verum cum non ab his ipsis, sed a praepositione *ad*, saepius quidem intellecta, nonnquam et expressa, accusativum rogatae, merito in-



2. *Ablativum* postulant Praepositiones quindecim, *A*, *ab*, *absque*, *cum*, *clam*<sup>5)</sup>, *coram*, *de*, *e*, *ex*, *pro*, *prae*, *palam*, *sine*, *tenuis*<sup>6)</sup>.

3. *Accusativum* vel *Ablativum* regunt Praepositiones quatuor, *In*, *sub*, *super*, et *subter*<sup>7)</sup>.

Praepositiones, cum casum suum amittunt, *Adverbia* fieri vulgo existimantur: ut, *Longo post tempore venit*<sup>8)</sup>.

ter adverbia ea reficiuntur. Eodem quoque ordine Perizon. ad Sanet. I. 16, 17 et 9, habenda censet, *adversus*, *iuxta*, *propter*, *secus*, *secundum*. At quoniam haec primaria sui notione (quod Perizonius contendit) adverbiorum naturam habuerint, cum tamen alia nusquam praepositionibus adiuncta iam legatur; non est, (ut Ursini sententiam p. 1047, meam faciam) quod praepositionum tribu ea moveamus, quae adverbiorum, si quam habuerint, naturam iampridem deposuerunt. *Iuxta* quidem, cum pro *acque* aut *similiter*, et *secus*, cum pro *aliter*, accipiuntur, adverbia sunt.

5) *Clam* interdum cum accusativo iunctum invenitur: ut Plaut. Amph. Prol. 107, *Is amare coepit Alcmenam clam virum*. Ter. Hec. III. 3, 36, *Et clam eveniat partus patrem*: unde et a quibusdam inter praepositiones utriusque casui servientes numeratur. Id. Plaut. Mil. III. 3, 9, cum dativo adhibuit, *Mihi clam est*. Priscianus lib. XIV. col. 988, *clam* censet magis adverbium esse quam praepositionem; cuius et auae opinionis tres adfert rationes: Primam, quod nec localem habeat aliquam significationem, quam plerumque praepositiones possident. Secundam, quod qualitatem demonstrat: quae in adverbis inveniri solet, et diminuat, quod nulli praepositioni accidit, ut *clanculum*. Tertiam, quod possit absque casu proferri: ut, *bona aperte facit, mala autem clam*. Sed hoc postremum cum multis aliis praepositionibus habet commune.

6) Addunt vulgo *procul*, quod vere adverbium esse ostendit saepius adiecta praepositio *a* vel *ab*: ut, Virg. Ecl. X. 46, *Procul a patria*. Cic. Tuscul. V. 14, *Procul ab omni metu*: et ita fere Ciceronem loqui, notat Gifaninus Observ. L. I. p. 290. Accusativo quandoque iunctum, probatum est Despaunteris, p. 389, Linacer, p. 318, et Sanctius, p. 156, his exemplis; Curtii, V. 5, 0, *Procul urbem*. Livii lib. XXXI, *Locus procul inuros satis aequus agendis vineis fuit*. Plinii, IX. 53, *Villa rest Campaniae haud procul Neapolim*. At (quod Vossius Anal. IV. 22, Scioppio quoque ad Sanct. d. I. observatum) melioribus libris, *urbis*, *muris Neapoli*, leguntur. Eiusdem quoque fidei est, quod a Curtio, IV. 13, 35, quidam obliiscunt, *Impedimenta haud procul aciem in edito colle constituit*; pluribus enim et emendatioribus codd. *acie* illic habetur.

7) Quibus addi potest et *clam*, ut modo diximus.

8) Hoc fit in hisce praepositionibus, *Ante*, *circa*, *clam*, *coram*, *contra*, *infra*, *intra*, *iuxta*, *palam*, *pone*, *post*, *propter*, *secus*, *subter*, *super*, *supra*, *ultra*. Atqui cum casus his debitus in sensu fere lateat, qui et apte satis exprimi possit, satius est, existimare eas etiam casu destitutas praepositionum naturam retinere. Sic illud Virg. Ecl. I. 30, *Longo post tempore venit*, integrum erit; *post illud tempus*. Sic in illo Cic. Offic. I. 15, *Quod contra fit a plerisque, supple hoc vel illud negotium*. Nonnamquam tamen vere adverbiascere, cum nullus his casus intelligi possit, docet Ursinus, p. 1050: ut Plaut. Amph. II. 2, *Si huic eam adversum*, Id. Mil. III. 3, 9, *Mihi clam est*. Sallust. Jug. 98, *Pluribus patribusque*. Ter. Eun. IV. 7, 24, *Quae mihi ante oculos coram*.

II. Respectu speciei, aliae Praepositiones sunt primitivae: ut, *ad*, *apud*, *ante*, *a*, *e*, *pro*, *in*<sup>9)</sup>, etc. aliae derivativae: ut, *adversus*, *secundum*, ab adiectivis *adversus*, *-a*, *-um*<sup>10)</sup>; *secundus*, *-a*, *-um*; *circa*, *a* *circus*; *iuxta*; *a iungo*; *propter*, *a prope*, quasi *propiter*<sup>11)</sup>.

III. Respectu figurae Praepositiones aliae sunt simpliciter: ut, *ad*, *ante*, *abs*; aliae compositae: ut, *exadversum*<sup>12)</sup>, *inante*, *exante*<sup>13)</sup>, *absque*<sup>14)</sup>.

Praepositiones cum aliis vocibus compositae significationem suam plerumque retinent: ut, *abeo*, *adeo*, *insum*, *praepozo*.

Excipe 1. *IN*, cum nominibus et participiis per se compositum, privationem plerumque significat: ut, *infidus*, *indoctus*, *inauditus*. 2. *IN*, cum verbo plerumque auget: ut, *infringo*, *induro*, i. e. valde frango, valde duro: atque eam quoque in participio significationem retinet, *infractus*<sup>15)</sup>, *induratus*, pro *admodum fractus*, vel *duratus*.

\* Interdum in participiis contrariam significationem habet: ut, *invocatus*, *infrenatus*, *immutatus*; saepius affirmativo verborum *invoco*, *infreno*, *immuto*; nonnunquam

rorem adduxti tuum. Cic. Verr. V. 26, Palam ante oculos omnium. Sallust. Catil. 36, Caeterae multitudini diem statuit, ante quam liceret sine fraude ab armis discedere, praeter rerum capitalium condemnatis, pro praeterquam. Vid. eund. Ursin. p. 1088 et seqq.

9) Ex his multae sunt a Graecis derivatae: ut, *ab*, *ex* *ἀν*; *ante*, *ab* *ἀντ*; *ex*, *ab* *ἐκ* vel *ἐξ*; *in*, *ab* *ἐν*; *per*, *a* *περ*; *pra*, *a* *πρ* vel *πρὸ*; *sub*, *ab* *υπό*; *super*, *ab* *υπέρ*.

10) Ita Ursinus, p. 1086: at Perizonius, p. 150, et ante eum Vossius Anal. IV. 22, ex *ad* et adverbio *versus* compositam volunt.

11) Item *citra*, *extra*, *infra*, *intra*, *supra*, *ultra*, ab antiquis adiectivis, *citer*, *exter*, *infer*, *inter*, *super*, *ulter*; in quorum nonnullis, nempe in *exterus*, *inferus*, *superus*, terminatio *us* praevaluit.

12) Sic Cic. Divan. I. 45, *Ara exadversus eum locum consecrata est*: et C. Nep. II. 8, 4, *Ut exadversum Athenas apud Salamina classem suam constituerent*, cum accusativo construunt.

13) De *inante*, *exante*, ambigi possit, an non *divisim* rectius scribantur: ut ap. Cic. Phil. III. 8, *In ante diem quartum Kalendarum Decembriis distulit*, h. e. usque in eum diem. Item Liv. XLV. 2, *Supplicatio indicta est ex ante diem quintum Idus Octob. i. e. ab eo die*. Et Plin. XI. 16, init. *Gignitur id maxime Aeturi exortu, ex ante pridie Idus Septembris, i. e. eo die, qui pridie Idus est*. J. Porro praepositiones inter se compositae, adverbia vel coniunctiones plerumque evadunt: ut, *insuper*, *desuper*, *propalam*, *protinus*, *circumcirca*, *praeterpropter*. Sic *circumsecus* ap. Apuleium Met. II, qui et *incoram sui* Met. IX, pro *in praesentia sui* dixit.

14) *Abaque* ex *abs* et coniunctione *que*, nisi mavis cum Vossio Gram. min. p. 163, *que* syllabicam hic adiectionem statuere.

15) Vid. supra p. 805.

et negativo; pro, non *vocatus*, non *frenatus*, non *mutatus*, sensu accepta<sup>16</sup>). 5. IN etiam aliquando cum nomine auget: ut, *incanus*; *incurvus*. 4. PER saepius auget: ut, *percarus*, *perdifficilis*, *perfero*, *perfruo*. Interdum privat: ut, *perfidus*, *periurus*. 5. PRAE interdum auget: ut, *praeclarus*, *praedives*, *praevaléo*, *praepoleo*. 6. SUB quandoque minuit: ut, *subtristis*, *subirasco*. 7. DE saepe deorsum significat: ut, *decido*, *decurro*. Interdum privat: ut, *demens*, *decolor*, *deformis*, *deartuo*, *depilo*, *denaso*. 8. EX itidem interdum incrementum: ut, *exclamo*, *exaggero*: interdum privationem; ut, *exsanguis*, *exanimo*, significat.

### De Praepositionibus inseparabilibus.

*Praepositiones inseparabiles*<sup>17</sup>) sunt sex; *Am*<sup>18</sup>), *dis*<sup>19</sup>), *re*<sup>20</sup>), *se*<sup>21</sup>), *con*<sup>22</sup>), *ve*<sup>23</sup>); ut, *amburo*, *distraho*, *repono*, *sejingo*, *convello*, *vesanus*<sup>24</sup>).

16) Vid. supra ibid. n. 19.

17) *Eas Loquelares* appellat Probus, c. 1427, eo quod *loquels* in compositione inserviat: confer et Charis. col. 204, et Diomed. col. 404. Caeterum *Praepositiones* proprie non sunt, sed solum ita nominantur, quod instar verarum, i. e. separabilium praepositionum in compositione praepositae certam significandi vim vocibus quibus praeponuntur, ut illae, adiciant. Vid. Ursin. p. 1051.

18) *AM*, *AN*, integre *ambi* vel *ambi*, *circum* notat, ex Gr. *ἀμφι*: ut, *ambages*, *ambado*, *ambigo*. Sic *amquiro*, *undique quaero*, *amicio*, *circumlatio*; *amsancti valles* ap. Virg. Aen. VII. 565, i. e. *loci ex omni parte sancti*, ut Servius interpretatur. Olim et extra compositionem utebantur, ut Cato in Orig. *Am terminum*, i. e. *circa*, ap. Macrobi. Saturn. I. 14, unde et Cominianus ap. Charis. col. 204, inter eas reponit quae casum regunt, exemplumque addit, *am segetes*.

19) *DIS* sive *DI*, ex Gr. *δις*, *bis*, vel potius *δις*, *per*, divisionem vel distinctionem notat: ut, *disiungo*, *disiudico*. Interdum negat vel privat: ut, *diffido*, i. e. *minus fido*. Interdum auget: ut, *discupio*, i. e. *valde cupio*. Porro *DIS* (ut ait Priscianus, col. 1002.) praepositur, cum sequuntur *c*, *f*, *i*, *p*, *s*, *t*: ut, *discumbo*, *differo* (*s* in *f* converso) *dissicio*, *displieo*, *disseco*, *distinco*. *DI* vero, cum aliis consonantes: ut, *deduco*, *digero*, *diluo*, *dimitto*, *dinunero*, *diruo*, *divello*. Sequente vocali *DI* vel *DIS* vix reperies.

20) *RE* saepius iterationem significat, ut *relego*, *rebibo*; vel reciprocationem, ut *redamo*; vel idem quod *retro*, ut *respicio*, *revertor*. Interdum privationem notat: ut, *retego*, *recingo*, *reservo*, *revelo*, *recludo*; vel repugnantiam, ut *reclamo*, *reluctor*, *renitor*; vel respectum ad rem vel terminum unde, ut *refringere*, *reserare*, i. e. *aliunde frangere*, *secare*; sic *resolvere*, *revellere*. Interdum contrarias significationes habet: ut, *recantare* est vel iterum cantare, vel quod prius cantatum est alio carmine contrario delere: *recondere* vulgo idem quod simplex *condere* vel *abcondere*; pro *promere* autem Propertius titulus, II. 23, 50. Sic *retegere* plerumque est idem quod *detegere*; at *retecis pedibus* ap. Sueton. Aug. 78, est bene et diligenter tectis, ut Casaubonus interpretatur. Sic *refigere*

## CAP. III.

*De Interiectione.*

Interiectio est pars orationis invariabilis, motum aliquem animi significans, sententiamque per se perficiens <sup>1)</sup>).

Praecipuas interiectionum significationes in Rudimentis nostris recensuimus.

Interiectioni accidunt duo, *Species* et *Figura*.

I. *Derivativae* sunt, *evax*, ab *Evan* <sup>2)</sup>); *bombax* <sup>3)</sup>) a *bombus* <sup>4)</sup>). *Primitivae*, caeterae fere omnes: ut, o, heu, vah, papae <sup>5)</sup>), etc,

plerumque id quod prius fixum est recindere vel educere significat; ut ap. Virg. Aen. VI. 622, *Fixis leges pretio atque refixit*: ap. eund. vero Geo. IV. 202, *Aulasque et cerea tecta refingunt*, RE *ναρκελειν* Servius putat, *reficiunt* interpretatur Taubmanus, at Pierius *refingunt* legit. Confer Ursin. p. 1063, et Broekhusium ad Propert. I. cit.

21) SE vel SED, pro siue, veteres dixerunt, teste Festo. Privandi vim habet: ut, *securus*, sine cura; *segnis*, sine igne; *sedulo*, sine dolo: aut (quod eodem fere reddit) separationem significat: ut, *secundo*, *seduco*, *sevoco*, i. e. *seorsum*, *cubo*, *duco*, *voco*. Interdum e in o mutatur; ut, *sobrius*, *socote*, i. e. *se*, vel *sine bria*, *sine corde*. Aliquando SE in compositis corruptum est a *semis*, ut in *selibra*, *semodius*; pro *semilibra*, *semimodius*.

22) CON in compositis pro cum dictum clarioris soni gratia videtur: quia tamen Quintilianus, I. 5, prop. fin. et Gellius, II. 17, ea pro diversis habent, nec cum unquam in compositione invenimus, ideo CON suum locum, quem Grammaticorum plerique ei dederunt, inter *Loquela-res* tenere voluimus. Caeterum CON ante vocalem n amittit; ut, *coalesco*, *cohibeo*, *cogo*, *cohaereo*: consonis praepositum in eas saepe transit; ut, *collido*, *committo*, *torrado*: interdum b adaciscit, ut, *combuo*.

23) VE in compositione minuit vel vitiat notionem simplicia: ut, *vegrandis*, male grandis; *vesanus*, male canus; *vecors*, malo seu perverso corde sive animo praeditus; *Veivius*, malus Iupiter; quem alii pro Plutone, Orco, seu Iove Stygio accipiunt, ut Martianus Capella, et Papianus in Gloss. Alii de Iove pnero vel adolescente; ut, Ovid. Fast. III. 445 et Festus in *Vesuli*, intelligunt. Confer et Gell. V. 12, cuius de his paulo diversa opinio est.

24) Addunt quidam praepositionibus inseparabilibus AN, DI et NE. Sed AN et DI non magis differunt ab AM et DIS quam CO aut COM a CON [vel cum]: NE autem adverbium est, quod in compositione interdum producit; ut, *neququam*, *nequicquam*: interdum corripitur; ut, *nefas*, *nefastus* item, nego a ne, pro non, et ago, et negotium, a ne, et otium, g interiecto.

1) An Interiectio pars orationis dici mereatur, an distincta ab adverbio, an denique opus sit eam trahere in Grammatica disputantes Vid. Sanct. I. 2; Frischlin. in Praef. Gram. Lat. Voss. Anal. IV. 28; Ursin. p. 1102.

2) *Evax* exultantis interiectio ap. Plant. Cnec. I. 2, 3, etc. ab *Evan* nomine Bacchi.

II. Rursus *Simplices* sunt pleraeque: ut, *hei, hui, proh*, etc. *Compositae* nonnullae: ut, *ehodum, eugepae*<sup>6)</sup>.

¶ Obs. Quaedam nomina et verba usque adeo naturam Interiectionum induerunt, ut *pēhe* interiectiones videantur: qualia sunt, *malum! turpe! nefas! sodes, amabo, quaeso*, et alia nonnulla<sup>7)</sup> ut Plaut. *Quae haec, malum! impudentia est?* Virg. *Sequiturque, nefas!* *Aegyptia coniunx.* Horat. *Corrige, sodes, hoc, aiebat et hoc.*

## C A P. IV.

### De Coniunctione.

Coniunctio est pars orationis invariabilis, quae connectit et ordinat sententias<sup>1)</sup>.

3) Ap. eund. Plaut. Pseud. I. 3, 131.

4) Vel a Gr. *ῥῶμῆος*, voce a sono conficta. Similiterque *pax!* interiectio silentium sibi vel alteri imponentis, ut ap. Ter. Heaut. IV. 3, 38, *Pax! nihil amplius*, non est a nomine *pax, pacis*; sed ab interiectione Graeca *παῖ*. Vid. Priscian. col. 980, in primis vero Voss. loco proxima laudato.

5) In Latina lingua intellige: aliter enim *papae* est a Gr. *πάπα*, vel, ut Lucianus habet, *παπαί*. Sic *evohe*, vel *evoe*, aut *eboe*, vox Bacchantium est, a Gr. *ἐβοί*: et *pax* (ut modo dictum) a Gr. *παῖ*.

6) Ap. Plaut. Amph. IV. 1, 10. et alibi saepe.

7) In his autem voces aliquae ad sensum perficiendum degunt: ut, *malum!* integrè sit, *malum tibi, ei vel iis sit*; *sodes, si tu audes*; *amabo*, pro *amabo te*: et sic in aliis.

1) Coniunctione non singulas voces (quae vulgata est Grammaticorum opinio) sed sententias tantummodo coniungi contendunt (post Scalfigerum de caus. L. L. XI. 165, et Sanctium, l. 18.) Vossius Anal. IV. 25, Methodi auctor. p. 516, et Ursinus, p. 1010. At contra accuratissimus Perizonius ad Sanct. l. c. et III. 14, 1, mihi ostendisse videtur nonnunquam et singula solum vocabula iis coniungi. In his enim et similibus, *Emi equum centum aureis et pluris*; *Saulus et Paulus sunt iidem*; non duplex, sed unica est oratio. Eandemque rationem esse existimo harum locutionum, *Inter os et offam* ap. Gell. XIII. 17. *Irae sunt inter Glycerium et ghatum* ap. Terent. Andr. III. 3, 20. *Est Iudaeam inter Syriamque, Carmelus* ap. Tac. Hist. II. 78, 4. Non ignoro INTER quandoque in his geminari: ut ap. Horat. Sat. I. 7, 11, *Inter Hectora Priamidem animosum atque inter Achillem Ira fuit capitalis*: et Epist. I. 2, 11, *Nestor compaquare lites Inter Peliden festinat et inter Atriden*, Cic. contr. Rull. II. 33, pr. *Videte quantum intervallum sit interiectum inter maiorum nostrorum consilia, et inter istorum hominum dementia.* Videtur haec de re inter se digladiantes, hinc Bentleium ad Horat. l. cit. illic Cuningamium nostrum Animadv. p. 244 et seqq. et Johnson. Aristarch. Anti-Bentl. part. 2, p. 81, et p. 114: qui tamen omnes mihi nonnihil a rationis tramite deerrasse videntur: Bentleius, quod hanc loquendi formam optimis etiam auctoribus usitam, vitiosam atque Horatio [praesertim] indignam putet. Cuningamius, quod exempla adferat ple-

Praecipuae Coniunctionum significationes <sup>2)</sup> in Rudimentis per suas quaeque classes distributae enumerantur.

Coniunctioni accidunt tria, *Species, Figura et ordo.*

I. Pleraeque Coniunctiones *Primitivae speciei* sunt: ut, *Et, ac, sed, at, nam, si, seu, vel, nec, etc.* <sup>3)</sup>.

Quaedam etiam *derivatae*: ut, *quod, a quis; verum et vero, a verus; modo, a modus; tamen, a tam; autem, ab aut, etc.*

II. Quaedam *Figurae Simplicis* sunt: ut, *at, nam, etc.*

Quaedam *compositae*: ut, *atque, namque, etc.*

Componuntur autem Coniunctiones variis modis:

raque inepta, nec adversus Bentleium hilum facientia; qualia sunt illa, Virg. Aen. IX. 556, *At pedibus longe melior Lycus, inter et hostes, Inter et arma.* Tibull. II. 1, 67, *Ipse interque greges, interque armenta Cupido Natus:* et V. Flacci, V. 13, *Ecce inter lacrymas interque extrema virorum Munera,* etc. Neque enim in his, praepositio *inter* duos hinc et hinc terminos (quod Bentleius requirebat) vi sua et notione designat: sed contra *hostes et arma, greges et armenta, lacrymae et extrema virorum munera*, amplificatione, non Poetis modo, sed scriptoribus aliis omnibus frequentissima, pro una eademque re sunt posita. Errat denique, ut mihi quidem videtur, Rich. Johnsonus, qui in hoc Horatii, *Inter Hectora Priamidem,* etc. duas diversas sententias statuit, hoc modo; *Ira fuit capitalis inter Hectora, et ira fuit capitalis inter Achillem.* Non enim (ut reponit Bentleius) *inter Hectorem fuit ira, atque iterum inter Achillem: sed semel et simul inter utrumque.* Restat igitur ut in his talibus praepositionem *inter* *ἀλλοιούτων* quidem, at non propterea vitiosam positam esse dicamus.

2) Id tantum in genere de iis notandum, multas coniunctiones, sive pro diversa significatione, sive diverso quo eas accipimus respectu, Adverbiis; aut contra Adverbia coniunctionibus posse adnumerari: Sic *ac, atque* coniunctiones plerumque copulativae, post voces comparativas, *acque, iuxta, perinde;* item post *idem, alius, aliter, contra, secus,* Adverbia comparandi sunt: ut, Virg. Aen. III. 236, *Haud secus ac iussi faciunt.* Nepos, XXIII. 2, 2, *Alia atque antea sentire.* Sic *cum* nunc coniunctio causalis est: ut, Ter. Phor. I. 4, 24, *Isthaec cum ita sint;* nunc adverbium temporis; ut, Cic. de Orat. III. 22, *Cum omnes gradus aetatis recordor tunc.* Sic *dum* coniunctio conditionalis; ut, Cic. Divin. II. 37, *Virtus, quae vetat spectare fortunam, dum praestetur fides;* pro *dummodo*: et adverbium itidem temporis; ut, Virg. Aen. II. 22, *Priamidum regna manebant, pro quando vel quamdiu.* Et similis multarum aliarum eiusmodi vocum ratio; de quibus consuli possunt Ursinus, p. 1087: item Tursellinus, Stewechius alique, qui de particulis linguae Latinae ex professo scripsere. Porro *an, anne,* pro diverso respectu quo considerantur, vel coniunctiones suspensivae sunt, vel adverbia interrogandi: deinde, denique, ceterum, vel coniunctiones ordinativas, vel adverbia ordinis; nempe, nimirum, scilicet, vel coniunctiones declarativas, vel adverbia explanandi appellare possis.

3) Nonnulli *Speciem* ab coniunctionum accidentibus excludunt: quippe qui derivativas nullas esse volunt: si quae autem videntur, non coniunctionibus eas, sed aliis orationis partibus annumerandas: ut, *eo, quod, qui, quam, licet, uti, etc.*

1. Ex nomine et verbo: ut, *quantumvis*.
2. Ex pronomine: et (1.) Vel adverbio: ut, *ideo*. (2.) Vel praepositione: ut, *idcirco*, *quocirca*. (3.) Vel syllabica adiectione: ut, *quippe*.
3. Ex adverbio: et (1.) Vel nomine: ut, *utpote*. (2.) Vel verbo: ut, *quamvis*. (5.) Vel alio adverbio: ut, *quoniam*, *ex quom*, sive *cum* et *iam*. (4.) Vel coniunctione: ut, *neve* (per Apocopen, *neu*); *neque* (unde *nec*); *quandoquidem* <sup>4)</sup>. (5.) Vel syllabica adiectione: ut, *itaque*; *quidem*, ex *qui* et *dem*.
4. Ex praepositione: et (1.) Vel pronomine: ut, *praeterea*, *propterea*, (2.) Vel alia praepositione: ut, *insuper*.
5. Ex coniunctione: et (1.) Vel adverbio: ut, *atque*, ex *at* et *qui*; *sin*, ex *si* et *ne*; *etiam*, ex *et* et *iam*. (2.) Vel alia coniunctione: ut, *etenim*, *etsi*, *siquidem*, *tametsi*, (pro *tamenetsi*) sive (et per Apocopen seu,) *veruntamen*. (3.) Vel syllabica adiectione: ut, *atque*, *namque*, *nedum*; *sed*, per Apocopen ex *se*, i. e. *sine*, et *dum* <sup>5)</sup>.

III. Ordo Coniunctionum est triplex, *Praepositivus*, *Postpositivus* et *Communis*.

1. *Praepositivi* ordinis sunt eae, quae primum in oratione locum obtinent: quales sunt, *Ac*, *atque*, *nec*, *neque*, *aut*, *vel*, *sive*, *at*, *sed*, *verum*, *nam*, *quandoquidem*, *quocirca*, *quare*, *sin*, *siquidem*, *praeterquam*, etc.
2. *Postpositivi*, quae secundo tantum <sup>6)</sup> loco ponun-

4) Sic *ut* ex *si* pro *ne* negativo et *si* deducit Urainus, p. 1040.

5) *Equidem* utrum sit ex *ego quidem*, an ex et *quidem*, dubium est. Virgilius certe id non nisi verbo singulari primae personae iunxit: ut, *Eol. I. 11*, *Non equidem invidéo*. *Aen. VI. 849*, *Credo equidem*: quemadmodum et alii longe frequentius utuntur. Nonnullos tamen et optimae notae auctores, promistue omnibus utriusque numeri personis *equidem* iunctis constat: ut, *Pers. V. 45*, *Non equidem hoc dubites*. *Lucan. VIII. 824*, *Haud equidem immerito Cumanæ earmine vatis Cautum*. *Sallust. Catil. 56*, *Iampridem equidem nos vera rerum vocabula amissimus*. *Ibid. 60*, *Scitis equidem, milites*. *Plaut. Epid. IV. 2, 33*, *Adolecentem equidem dicebant misisse*. Adde quod *ego* nonnunquam exprimitur: ut, *Sallust. Catil. c. 50*, *Equidem ego sic existimo*: et *Ing. c. 10*, *Equidem ego vobis regnum irado*. Quamobrem Voissius *Anal. IV. 27*, vel simplex existimat, vel si compositum est, *valere et quidem*. Confer *Priscian. col. 1033*; *Servium ad Virg. Geo. I. 198*, et *Aen. I. 580*; *Cledonius, col. 1930*, *Linac. p. 323*, *Gifan. Observ. p. 82*, *Goclen. Observ. p. 253*.

6) Enim tertio quandoque loco positum invenitur: ut, *Cic. ad Attic. XIV. 6*, *Odiosa illa enim fuerant, legiones venire*. *Liv. XXXVI. 27*, *Ne quoque eum mittendos fore legatos*. *Lucret. II. 1146*, *Omnia debet enim eiús integrare novando*. Nonnunquam et quarto: ut *ap. pünd. Lat.*

tur; suntque haec quinque, *Quoque, quidem, autem, enim* <sup>7)</sup>, *vero* <sup>8)</sup>. Quibus adde, quae *Encliticas* vocantur, quae <sup>9)</sup>, *ve, ne*.

5. *Communis* denique, quae vel primo vel secundo loco indifferenter poni possunt: ut, *Etiam, equidem, licet, quamvis, quancquam, tamen, attamen, namque, quod, quia, quoniam, quippe, utpote, ut, uti, ergo, ideo, igitur* <sup>10)</sup>, *idcirco, itaque, proinde, propterea, si, nisi* <sup>11)</sup>.

cret. III. 236, *Rara quod eius enim constat satura*. Vid. Gifan. Ind. Lucret. in voc.

7) *Quamvis enim* praepositum Soloecismi tuncet Quinctilianus Inst. I. 5, non minus quam *autem* et *quoque*; invenitur tamen passim ap. Plautum, Terentium, Lucretium, nonnunquam et ap. Ciceronem et Livium, sed sensu fere adversativo pro *at enim* acceptum: ut, Plaut. Epid. V. 2, 36, *Enim isthaec captio est*. Id. Trin. V. 2, 10, *Enim me nominat*. Ter. Phorm. V. 8, 91, *Enim solus nequeo*. Id. Hec. II. 1, 42, *Enim lassam oppido tum esse aiebant*. Lucret. VI. 1275, *Enim praesens dolor exsuperabat*. Cic. Attic. IV. 12, *Enim auctionem Larini video*. Liv. XXXIV. 32, *Enim ut iam ita sint haec, quid ad vos Romani?* Vid. Gifan. Ind. Lucret. Parei Lex. Crit. p. 415, Voss. Anal. IV. 26, in primis vero Gronovium utrumque ad Livii et Ciceronis locc. citt. In illo autem Taciti Hist. IV. 11, 7, *Asiaticus (enim is libertus) malam potentiam civili supplicio expiavit; enim pro autem positum videtur*.

8) *Vero* etiam, sed quatenus asseverandi adverbium est, praeposuerunt Terent. Adelph. III. 4, 23. Do. *An quiequam est etiam amplius?* Hoc Vero, amplius. Id. Eun. III. 1, 12. Gn. *Rex te ergo in oculis gestare*. Th. *Vero: credere omnem exercitum, consilio [al. verum.]* et Cic. Div. I. 46, *Vero, mea puella, tibi concedo meas sedes*. Id. Tusc. II. 11, M. *Fuisti saepe credo in Scholis philosophorum*. A. *Vero, ac libenter quidem: et ita alibi, notante Gebhardo*.

9) *Que* interduum alteri voci iungitur, quam nativus sententiae ordo exigebat, ut, V. Flacc. I. 100, *Omnis avar, quae iam bellis spectataque fama Turba ducum; pro spectata bellis famaue*, Horat. Car. II. 19, ult. *Ora pedes tetigitque crura; pro tetigit pedes cruraue*. Sic Id. car. aec. v. 22, *Ut cantus referatque ludos: Et Art. v. 178, Semper in adiunctis, aevoque morabimur aptis: et Tibull. I. 3, 56, Messalam terra dum sequiturque mari*. At id prorsus ineptum, cum Enclitica priori vocum per copulam iungendarum, nulla alia interveniente, apponitur; ut in hoc Alexandri, *Dant duo bos, impos, compos, custosque, sacerdos, pro custos, sacerdosque: et si quis de Deo sic scripserit, Martequae morte potest domuisse ducesque monarchas; pro Marte mortequae, duces monarchasque*. Confer Voss. Anal. IV. 26, sub fin. Maior. de var. orat. p. 563; Laur. Vall. de recipr. sui et suus c. 6, et in eum Bad. Ascensium. Idem parro Vossius tanquam insolens notat illud Plauti Capt. II. 2, 63, *Est profecto Deus, qui quae nos gerimus, auditque et videt*. [Cfr. Broukh. ad Tibull. III. 6, 48. et Heindorf. ad Horat. Sat. I. 6, 48.]

10) *Quamvis, quancquam, quod, quia, ut, uti, et, ni, nisi*, primo loco; *tamen* et *igitur* secundo, frequentius ponuntur. Et quidem de *Igitur* dubitari posse ait Quinctilianus, loc. supra laudato, an semper postponendum sit; *cum apud alios, addit, sis etiam frequens, apud alios nunquam reperitur*.



## APPENDIX.

## DE

## FIGURIS DICTIONIS.

Figura Dictionis generali voce Metaplasmus nominatur.

Est autem *Metaplasmus* literae vel syllabae in voce additio, detractio vel immutatio.

Eius species sunt decem: *Prosthesis*, *Epenthesis*, *Paragoge*, *Diaeresis*; *Aphaeresis*, *Syncope*, *Apocope*, *Crisis*; *Metathesis* et *Antithesis*.

Ex his quatuor vocem augent, *Prosthesis*, *Epenthesis*, *Paragoge* et *Diaeresis*: quatuor imminuunt, *Aphaeresis*, *Syncope*, *Apocope* et *Crisis*: duae denique immutant, *Metathesis* et *Antithesis*.

1. *Prosthesis* est appositio literae vel syllabae ad principium dictionis: ut, *gnavus*, pro *navus*; *tetuli*, pro *tuli*<sup>1)</sup>.

2. *Epenthesis* est interpositio literae vel syllabae in medio dictionis: ut, *alituum*, pro *alitur*; *relligio*, pro *religio*; *induperator*, pro *imperator*<sup>2)</sup>.

11) Poetae nonnunquam praepositivas etiam, *Et*, *atque*, *nec*, *neque*, *sed*, *siquidem*, *vel*, et alias forte, postponunt: ut, Virg. Aen. IX. 403, *Suspiciens altam Lunam et sic voce precatur*. Horat. Sat. I. 4, 107, *Cum me hortaretur, parce, frugaliter atque Vivere uti, contentus eo quod mi ipse parasset*. Virg. Ecl. IV. ult. *Nec Deus hunc mensa, Dea nec dignata cubili est*. Id. Aen. I. 853, *Ipsa sed in somnis inhumati venit imago Coniugis*. Id. Geo. II. 321, *Prima vel autumnus sub frigora*. Stat. Sylv. III. 8, 151, *Hunc siquidem amplexu semper revocante tenebas*. Confer Priscian, col. 1034, et Ursin. p. 1043. Atque etiam prosae scriptoribus interdum postponi notat Lipsius, Elect. II. 19: ut Flor. II. 6, *Nec praeter quod in bullis, singulis atque annulis erat, quicquam sibi ausi reliquere*: ita enim legendum vult ille, non, ut vulgo, *cingulis*. Gell. I. 2, *Aquis undique, canoris atque avibus, personante, scil. villa*. Id. XIX. 19, *Nihil de periculo, de sacvitia atque remissum*. At vid. Gronovium, haec omnia aliter aut legentem aut explicantem.

1) Dubitatur priusne fuerit *gnavus* an *navus*. Ursino part. post. Append. E. p. 283 aliisque, placet *gnavus* a Graeco esse *γναφεύς*, i. e. *fullo*, proindeque *navus* per *Aphaeresin* primae literae dictum: contra Vossius, qui a *navis* *curau* vocem deducit, *g* litteram *κατὰ πρόθεσιν* hic adscitam agnoscit. \* Neque satis firmum exemplum videtur *tetuli*: fieri enim potest, ut prius *tetuli* quam *tuli* antiqui dixerint. \* Magis in rem apposita sunt *silata*, navigii genus, pro *lata*; item *stlitem*, *stlocus*, *stlita-vus*, quae antiqui, pro *litem*, *locus*, *tritavus*, dicebant, teste Festo.

2) In voce *induperator*; ut et in *indugredi*, *indupedita*, sive, ut aliter et rectius scribitur, *endogredi*, *endopedita*, ap. Lauret. I. 83, VI.

3. Paragoge est appositio literae vel syllabae ad finem dictionis: ut, *med*, pro *me*<sup>3)</sup>; *dicier*, pro *dici*<sup>4)</sup>.

4. Diaeresis est divisio unius syllabae in duas: ut, *aulai*, pro *aulae*; *dissoluisse*, pro *dissolvuisse*<sup>5)</sup>.

5. Aphaeresis est literae vel syllabae a principio vocis ablatio: ut, *natus*, pro *gnatus*<sup>6)</sup>; *conia*, pro *ciconia*<sup>7)</sup>, Praenestinatorum lingua<sup>8)</sup>.

6. Syncope est ablatio literae vel syllabae e medio vocis: ut, *caldus*, pro *calidus*; *aspris*, pro *asperis*; *caretum*, pro *caricetum*; *lamna*, pro *lamina*; *puertia*, pro *pueritia*; *porge*, pro *porrige*; *surpuerat*, pro *surripuerat*: item, *periculum*, *vinculum*, *poclum*, *seclum*, *circulus*, etc. pro *periculum*, *vinculum*, etc.

1008, etc. nulla proprie Epenthesis est: antiquis enim *indu*, vel potius *endo*, praepositio est, pro *in*; ut Enn. ap. Gell. XII. 4, *Endo foro lato sanctoque senatu*. Id. ap. Macroh. Saturn. VI. 2, *Endo mari magno*. Lucret. II. 1094, *Quis habere, profundi Endo manu validas potis est moderanter habenas*: et ita passim in legg. 12 tabb. ut, *Sei. endo. ious. vocet. atque. eat. sei. calvitur. pedemve. struit. manom. endoiacitod. i. e. Si in ius vocet, atque [h. e. statim] eat. Si calvitur [h. e. frustratur, sive moras nectit,] pedemve struit [vel aufugit,] manum iniieito*. Confer Gifan. Ind. Lucret. \* In vocibus *religio, reliquit, reliquias*, et similibus, nulla consonantis geminatione ad syllabam producendam opus esse docet Vossius Art. Gramm. II. 19, et Ursin. Tom. II. Append. p. 151 et 284, multoque minus ut *Iuppiter*, quattuor scribamus, in quibus prima nunquam brevis invenitur.

3) Haec literae D ad finem vocis adiectio apud priscos frequentissima erat: ut in legg. 12 tabb. *Ioured. ceisos. ostod. i. e. iura caeque esto. sed. frauded. estod. i. e. se [sive sine] fraude esto*: et in columna Duilii, *In altod. marid. i. e. in alto mari. navaled. praedad. poplom. romanom. donavet. i. e. Navale [vel navali] praeda populum Romanum donavit*, etc.

4) Male hic referunt Despauterius et alii *pōtestur*, pro *potesit*: UR enim non otiosa syllabae adiectio, sed passiva verbi terminatio est, eodem modo quo *poteratur, possetur*, pro *poterat, posset*, antiquiores dicebant. Vid. supra p. 277. n. 54.

5) In *dissoluisse*, pro *dissolviase* et similibus, item in *silvae* ap. Horat. Car. I. 23, 4. pro *silvae*, V consona in U vocalem per Antistoechon sive Antithesin mutata dici potest. Sic *iam* ap. Plaut. Procl. Asin. pr. *Hoc agite sultis, spectatores, nunc iam*: J in I converso duarum syllabarum fit. Atque hinc esse, quod *etiam* coniunctio, ab *et* et *iam* composita, trissyllaba sit, existimat magnus Vossius, Anal. IV. 27.

6) Est enim ab antiquo *geno*, et hoc a Gr. *γενουαι*. Non igitur *gnatus*, pro *natus*, per Prosthesis, ut quidam volunt; sed contra, *natus*, pro *gnatus*, per Aphaeresin dictum est.

7) Plaut. Truc. III. 2, 23. Sic *rhabo*, pro *arrhabo*, ap. eund. ibid. v. 20 *aparagi*, pro *asparagi*, ap. Nonium, XVII. 1, ex Varrone.

8) Huc etiam vulgo referunt, *mitte*, pro *omite*; *pone*, pro *deponere*; *temnere*, pro *contemnere*. Sed potius dicendum hic simplex pro composito accipi.

9) Vid. supra lib. I. cap. 2. reg. 5 et 63.

Huius figurae usus latissime patet, praesertim in genitivis pluralibus nominum: ut, *Aeneadum*, *coelicolum*, *Deum*, *liberum*, *serpentum*, *cladum*, *currum*, *nurum*, etc. pro *Aeneadarum*, *Deorum*, *serpentium*, *curruum*, etc.<sup>9)</sup> Item in praeteritis verborum in VI, temporibusque ab eo formatis: ut, *amasti*, *amaram*, *amassem*, *amaro*, *amasse*; *implesti*, *implerunt*; *petii*, *petiisti* et *petisti*; *petiisset* et *petisset*; *audieram*, *audissem* et *audissem*<sup>10)</sup>: idque non in carmine modo, sed soluta etiam oratione. Ab eo autem composita longe frequentius per Syncopen, quam aliter, efferuntur: ut, *abii*, *perii*, *redii*, etc. raro vel nunquam, *abivi*, *perivi*, *redivi*.

Not. 1. Praeterita dissyllaba<sup>11)</sup> (praeter haec quatuor,

10) De his, Not. 1. In praeteritis primae coniugationis Syncopen non admittit prima persona singularis numeri. An vero et tertia singularis, aut prima pluralis eam recipiat, merito dubitatur: in illo enim Virgilii Aen. III. 2, *Ceciditque superbum Ilium, et omnis humo fumat Neptunia Troia*, rectius cum Servio *fumat* praesentis temporis, quam cum Probo praeteriti, pro *fumavit*, statueris. Vel enim, quod Servius addit, Enallage temporis est, ut in illo eiusdem Aen. II. 12, *Quaquam animus meminisse horret, luctuque refugit*, ubi pro praesenti praeteritum ponitur; vel rei continuatio significatur: nam *ruina fit brevi, fumus vero longo permanet tempore*. Idemque forte existimandum de illo Terentii, Adelph. III. 8, 10, *Omne rem modo seni, quo pacto haberet, enarramus ordine*: in quo quidem *enarramus*, pro *enarravimus*, per Syncopen dictum vult Donatus: at praeter necessitatem, inquit Ursinus, part. I. pag. 662: ut et in aliis quae ad eum Terentii loc. congesti Guyetus. Not. 2. In verbis in IVI usitatis longe in secundis personis, itemque plusquamperfecto subiunctivi et perfecto infinitivi, alterum tollitur, quam geminatur: ita frequentius dicitur, *audisti*, *audissem*, *audissem*; quam *audisti*, *audissem*, *audissem*, etc. [Vid. Goerenz. ad Cic. Acad. I. p. 1.] In aliquibus usu plane abiicitur geminatio. Non enim temere reperias, ex. gr. *scisti*, *scissem*, *scissem*; sed *scisti*, *scissem*, *scissem*. Not. 3. Sunt contra, quibus plenis ludentius quam imminutis utuntur oratores: ut, *audivi*, *muniui*, *nutrivi*, *quiescivi*. Not. 4. Usus optimus dicendi magister, in his, ut in aliis omnibus, in consilium adhibendus, Sic *arimus* et *aritis*, quae aliis paulo insolentiora sunt, pro *averimus* et *averitis*, frequenter utitur Livius: ut, *maturarimus*, *vindicarimus*, *necarimus*, *oppugnarimus*: II. 38, XXI. 44, XXVI. 13, *crearitis*, *honoraritis*, *existimaritis*, *comprobaritis*: I. 17, X. 7, XXI. 43, XXXVII. 54. Eiusdem sunt *decreasset*, *decreasse*, *quiesce*, *assuesce*, *consuetis*, *delesse*, *desisse*, *conciisse*, *siris*, *sisse*, etc. quae aliis prosae scriptoribus integra plerumque profertur: *repudiaritis* tamen et *siris* ususet Cicero pro Deiot. c. 11. et Tusc. I. 44.

11) Ea praesertim quorum praesentibus (ut docet Priscianus lib. X. col. 835.) inest v consonans: ut, *lavo*, *faeco*, *solvere*, *volvo*; neque enim *lasti*, *fasti*, *coleti*, *velati*, patitur Latini sermonis mundities. His eum et *inveo* adiungere ait Ursinus, part. I. p. 661, et falso: continuo enim publicit Priscianus se *submoues*, et *cummorit* ap. Horatium per concisionem dicta invenire. Addere poterat non apud Poetas modo, Virg. Aen. IV. 867, *admoerunt*; Silium, XVII. 224, *amorim*, Terent. Phor. I. 2, 51,

*Scisti, nosti, flecti*<sup>12)</sup>, *flasti*) Syncopen vix admittunt. Neque enim, *mosti, nasti, isti, tristi*, pro *movisti, navisti, ivisti, trivisti*, extra compositionem<sup>13)</sup> usquam legitur.

Not. 2. Apud Poetas a praeteritis etiam in SI aut XI terminatis, Syncope haud raro invenitur: ut, *evasti, percusti, surrexe*, apud Horatium; *extinxti, extinxem, vixet*, apud Virgilium, etc. pro *evasisti, percussisti, surrexisse, extinxisti, extinxissem, vixisset*<sup>14)</sup>.

Apocope est ablatio literae vel syllabae a fine vocis: ut, *ingeni*<sup>15)</sup>, *peculi*, pro *ingenii, peculii*; *inger*<sup>16)</sup>, pro *ingere*; *famul*, pro *famulus*<sup>17)</sup>; *volup*<sup>18)</sup>, pro *volupe*; *tanton'*, *men'*<sup>19)</sup>, pro *tantone, mene*<sup>20)</sup>.

*commorat*: sed ipsum Ciceronem, *commossem, commosset, commosse, commorit*. Vid. eum pro Planc. c. 37, extr. in Vorr. III. 18, pr. et Fam. VII. 18, sub fin. et VIII. 15, pr. *Admosse* etiam ap. Livium, sed loco non indicato, notat sive Bangius sive Ursinus: et *emoitis* ap. eund. XXXVII. 53, ex vet. codd. restituit Gronovius.

12) *Flasti*, pro *flavisti*, meminit Despaüterius, p. 172; et *neisti*, pro *nevisti*, Priscianus l. cit. sed utriusque exemplum desidero.

13) At in horum compositis plerisque Syncope haud raro invenitur: ut, *renarint* ap. Horat. Epod. XVI. 25: *obtrisset, consuetiis, delessa, consclasse, desclasse, decreasse*, et alia de quibus diximus not. 21, ap. Livium. *Abiisti, rediisti, periisti*; vel *abiisti, rediisti, periisti*, etc. fere semper utimur, vix aut rarissime, *abivisti, redivisti, perivisti*. De compositis verbi moveo iam animadvertum.

14) Talia aunt, *dixiti, intellexiti*, ap. Comicos: *directi* ap. Virg. Aen. VI. 57: *consumpti* ap. Propert. I. 3, 37: *luxti* ap. Catull. LXIV. 21: *surrexiti* ap. Martial. V. 30: *advexti* Plaut. Mero. II. 3, 56: *emuxti* Id. Most. V. 1, 60: *occlusti* Plaut. Trin. I. 2, 151: *immisti* Sil. XVII. 354: *protraxiti* Id. XVI. 84, etc. Sunt et alia minus usitata: ut, *iussu*, pro *iussuero*; *dixis*, pro *dixeris*: item *recesset, abcessem, affixet, traxe, fluxe, illexe, produxe, promisse*, etc. pro *recessisset, abcessissem*, etc. de quibus vid. supra lib. III. cap. 2. n. 96, et confer Dausquium Orthog. To. I. p. 129; Voss. Anal. III. 42; Ursin. To. I. p. 661. Singulare est *disceset*, pro *diacidiaset*, ap. Silium, XI. 458. *Tum Deus ut liquidi disceset stagna profundi*; quem ad locum vid. Drakenb.

15) In his Crasin potius quam Apocopen agnoscit Ursinus To. II. Append. p. 286.

16) Apud Catull. XXV. 2.

17) Sic *famul optimus* Ennius ap. Non. II. 322: *famul infimus* Lucetius, III. 1048, dixere.

18) *Volup*, pro *volupe*, usus non tantum Ennius ap. Gell. XII. 4, et Plaut. Asin. Prol. 1. Monach. IV. 3, 3, et Mil. III. 1, 180: sed Terentius etiam Hec. V. 4, 17, *Bene factum et volup est*: nisi potius scriptum fuerit *volup' est*, aut *volupest*, e per Synaloepham extrito.

19) Haec vulgo Apostrophus dicitur, quae nota est reiectae vocalis. Nonnunquam autem cum Syncope concurrunt: ut, *viden', vin', dixtin'*; pro *videane, visne, dixtine*. Huc etiam revocari potest litera s apud veteres poetas abiectio, metri gratia facta: ut in illo Ennii ap. Gell. XX. 10, *Spernitur orator bonus, horridu' miles amatur, pro horridus*.

8. Crasis, quae et Synaeresis vocatur<sup>21</sup>), est duarum vocalium, ad diversas syllabas pertinentium, in unam syllabam contractio: ut, *Thesei*, aureis dissyllaba, pro *Thesei*, aureis trissyllabis; *veniens*, prendo; pro *veniens*, prehendo; *Phaethon*, pro *Phaëthon*<sup>22</sup>).

9. Metathesis est literae vel syllabae transpositio: ut, *pistris*, pro *pistis*; *Lybia*, pro *Libya*<sup>23</sup>).

10. Antithesis est literae pro litera positio: ut, *faciundum*, pro *faciendum*; *optumus*, pro *optimus*, et apud antiquiores *olli*, pro *illi*; *vorto*, *voster*, *volnus*, *volitis*; pro *verto*, *vester*, *vulnus*, *vultis*.

Hae Figurae istis versiculis continentur:

*Prothesis apponit capiti, sed Aphaeresis aufert.*

*Syncopa de medio tollit, sed Epenthesis addit.*

*Abstrahit Apocope fini, sed dat Paragoge.*

*Constringit Crasis, distracta Diaeresis effert.*

*Litera si legitur transposita, Metathesis exit.*

*Antithesis dices tibi litera si varietur.*

20) At plane insolentes sunt Apocopae istae ap. eund. Ennium, quae memorat Ausonius in Monosyll. *Replet te laetificum gau*, pro *gaudium*: *Divum domus altisonum coel*, pro *caelum*, et *Endo suam do*, pro *domum*. Cuius generis et plura suppeditat Dausquius Orthogr. To. I. p. 131.

21) Quidam Synaeresin a Crasi distinguunt, ut haec duarum vocalium sit in unam collisio: ut, *Corus*, pro *Caurus*; *Plotus*, pro *Plautus*; *proles*, pro *prooles*; *tibicen*, pro *tibiicen*; *cludo*, pro *claudio*, etc. illa duarum vocalium in diphthongum contractio: ut, *Oilei*, *Persei*, pro *Oilei*, *Persei*.

22) In his, *abiete*, pro *abiete*; *tenuia*, pro *tenuia*, et similibus apud Poetas, in quibus *i* et *u* vocales in consonantes *j* et *v* mutantur, tam Crasis quam Anthithesis est.

23) Non recentiores modo, sed antiquiores etiam, Charisius, col. 249, et Diomedes, col. 437, pro Metatheseos exemplo adferunt, *Thymbre*, pro *Thymber*; *Evandre*, pro *Evander*: sed illi vocativi sunt a nominativis in *US*, *Thymbrus*, *Evandrus*. Vid. lib. 1. c. 2. reg. 20. n. 54.

## PRAEFATIO EDITORIS.

Saeculum fere praeterlapsum est, ex quo primum in lucem emissae sunt quas nunc typis repetendas curavimus Ruddimanni Institutiones Grammaticae Latinae. Nam prima operis pars anno superioris saeculi vigesimo quinto, altera autem sex annis post prodiit \*). Cuius libri praestantia mirum

\*) Sub hoc utraque titulo: *Grammaticae Latinae Institutiones, facili atque ad puerorum captum accommodata methodo perscriptae. Additae sunt in provecutorum gratiam notae perpetuae, quibus non solum Latini sermonis praecepta plenius explicantur; sed et ea pleraque omnia, quae a summis grammaticis aliisque ad hanc artem illustrandam sunt observata succincte simul perspicueque traduntur. Perfecit et suis animadversionibus auxit Thomas Ruddimanus, A. M. Pars I. Edinburgi, in aedibus auctoris, MDCCXXV. 8. min. (Contin. paginas 330.) Pars II. Ibid. DCCXXXI. 8. min. (Cont. pag. 388.) — Quae in hoc opere illustrantur generalia artis praecepta, ea separatim exhibentur in minore libro: *Grammaticae Latinae institutiones facili et ad puerorum captum accommodata methodo perscriptae. Thoma Ruddimanno auctore. Editio decima quinta. Edinburgi, excudebat C. Stewart academiae typographus. Veneunt ap. Mundell et filium 1804. pagg. 296. 8. min. Leguntur tamen in eo etiam quae ad Orthographiam et Prosodiam pertinent praecepta, in maiore opere plane ommissa. Addimus denique indicem libri Rudimentorum inscriptione ornati atque in Institutionibus nostris saepissime memorati: *The rudiment of the Latin tongue, or a plain and easy introduction to Latin grammar. by Thomas Ruddiman. Edinburgh, 1812. acc. prima morum et pietatis praecepta.***

est quod nostrorum hominum notitiam tam diu effugit, quandoquidem praeter Frid. Aug. Wolfium et Conradum Leopoldum Schneiderum nemo quisquam Germanorum eum vel laudavisse vel usu cognitum habuisse videtur. Et tamen, quoniam omnis cuiusque linguae cognitio proficisci debet a diligenti usus loquendi observatione, quod aliud huius generis opus iuventuti Latinarum litterarum studiosae, quin etiam earum magistris, maiore iure commendari potuerit, equidem novi nullum. Nam tanta diligentia in colligendis, sapientiaque in disponendis Latinae linguae opibus usus esse reperitur Ruddimannus, quanta haud scio an nemini, praeter I. Gerard. Vossium, coniuncta quidem, tribui recte possit. Quod iudicium quum nuper de eo publice tulisset etiam Schneiderus Praefat. Gr. Lat. T. I. p. X. tanto maius illius operis apud multos motum est desiderium, quod hic tristissimo fato telam, quam ipse pertexere inchoaverat, relinquere coactus est. Sed veremur, ne pauci admodum eorum, qui librum utilissimum possidere cupiant, ita satisfacere possint votis suis, ut eum ex ipsa Britannia arcessant, ubi et rarus admodum esse perhibetur et tam insano pretio venit, ut nonnisi bene numati eius usum sibi comparare posse videantur. Quocirca non dubito, quin bibliopola honestissimus, qui eum suis sumtibus typis repeti voluit, multorum inierit gratiam. Meam autem quod attinet

operam in hac editione praestitam, prima  
 haec fuit cura, ut exemplar Edinburgense  
 quam accuratissime describeretur. Itaque  
 nihil mutavi vel omisi, praeterquam quod  
 Anglicam versionem vocabulorum in etymo-  
 logica potissimum parte illustratorum vel ab-  
 ieci vel, sicubi opus videretur, in Germani-  
 cam mutavi. Quod quidem eo minus repre-  
 hensum iri spero, quia in locum inutilis illius  
 versionis successit supplementum plane ne-  
 cessarium. Etenim quum universum gram-  
 matices ambitum in quatuor partes descri-  
 psisset Ruddimannus, nonnisi Etymologiam et  
 Syntaxin his Institutionibus illustravit, Or-  
 thographiam et Prosodiam, nescio qua de  
 causa, attingere noluit. Cui malo ut ali-  
 qua saltem ratione mederer, hanc utramque  
 partem ex Institutionibus supra memoratis  
 breviter ab eo descriptam addere placuit.  
 Sed ne sic quidem opus absolutum videri  
 poterat. Nam quum huiusmodi libris mul-  
 tum desit ad usus commoditatem atque fa-  
 cilitatem, si destituuntur accuratis et plenis  
 verborum rerumque indicibus: et capitum  
 singulorum conspectum exhibere et verborum  
 indicem locupletissimum conficere statui.  
 Denique passim inserui adnotatiunculas, qui-  
 bus, si quae minus recte disputata esse vide-  
 rentur, ea corrigerem atque supplerem. Quae  
 a Ruddimanni oratione uncinis quadratis ap-  
 posito plerumque siglo G. St. distinctae sunt.  
 Quodsi fortasse eas et pauciores et breviores  
 esse mireris, neque nimia disputationum mole



onerandum esse librum iam satis amplum arbitrabar, et peculiari Appendice quosdam Etymologiae ac Syntaxeos locos accuratius pertractare mihi proposueram. Ceterum finem praefandi facturis non possum quin duorum librorum faciam mentionem, quibus qui utentur, uberiores de rationibus atque causis formarum et constructionum a Ruddimanno collectarum disputationes non multum desiderabunt. Sunt autem hi: *Ueber die Lateinische Declination und Coniugation. Eine grammatische Untersuchung von D. C. L. Struve.* Königsberg, 1822. 8. et *C. G. Zumpt's Latein. Grammatik*, 2te Ausg. Berlin, 1820. 8. quos libros par est in omnium adolescentium manibus versari, qui ultra vulgus sapere cupiunt.

Lipsiae mense Martio

MDCCCXXIII.

M. GODOFREDUS STALLBAUM.

---

## RUDDIMANNI PRAEFATIO

### AD PARTEM PRIMAM.

---

Etsi non ignorem, *Lector benevole*, quantum famae suae periculum sit aditurus, qui eruditissimo hoc ac perspicacissimo seculo, quoque omnes artes et scientiae ad summum quasi culmen perductae videntur, cramben hanc *Grammaticam* recoquere voluerit: tua tamen aequitate fretus futurum confido, ut postquam consilii mei rationes, quaeque me causae eo impellebant, tibi aperuero, labores meos, neque in se ingratos, neque iis, quorum commodis sunt destinati, inutiles velis existimare. Atque, ut ambagibus semotis ad rem ipsam protinus accedam: Cum ante annos aliquot, et ipse animadverterem, et alii itidem con-questi essent, post *Despauterii* Grammaticam Latinam e Scholis nostris tantum non profligatam, alias in eius locum et novas et varias successisse, ut priore illa non multum potiores, ita methodo tradendique ratione, ut quidem videbatur, inferiores: animum tandem meum ea cupido incessit, ut huic rei et ipse manum admoverem, et commodius aliquod accuratiusque huius artis, si possem, systema concinnarem. Et id quidem eo facilius factu arbitrabar, quod aliquid eiusmodi antea tentassem, mihiq[ue] insuper praesto adesset satis larga earum rerum, quae ad illud

requiruntur, copia et facultas. Non hic ingenium meum doctrinamque intelligo, quae in me sentio perquam exigua ac mediocria esse: sed ea quae a libris subsidia petuntur, quaeque mihi plene ubertimque suppeditabat nobilis illa, quae Edinburgi est, *Iurisconsultorum Bibliotheca*; cui, omnibus fere bonis Auctoribus, iis praesertim qui *Humaniores* vulgo insigniuntur, refertissimae, proxime post Cl. virum *Io. Spottisvodium*, Causarum Patronum, per plures annos custos appositus sum. Huius opibus in primis suffultus hanc ego provinciam sum aggressus: quo autem modo eam obierim, quidque in hac re a me praestitum sit, proximum est ut expediam. Et primum omnium, ad praecipuos huius artis Magistros, tam veteres quam recentiores, me contuli; cunctosque, vel quorum laudatissima illa quam diximus *Bibliotheca* copiam praebebat, vel quos aliunde nancisci poteram, sedula ac diligente lectione pervolutavi: atque ex iis quae utilia ac observatione digna videbantur, in Adversariis primum descripta, posteaque ad usus meos translata, in hunc quem vides ordinem omnia digessi. In hoc autem censu, quanquam caeteros haud prorsus neglexerim, mihi ante alios nominandi sunt; e veteribus quidem, *M. Terentius Varro*, *A. Gellius*, *Festus Pompeius* et *Nonius Marcellus*: item *Fl. Sosipater Charisius*, *Diomedes*, *Priscianus*, reliquique quos duobus voluminibus disposuit ediditque *Helias Putschius*: e recentioribus autem, *Laur. Valla*, *Ant. Nebrissensis*, *Io. Despauterius*, *Tho. Linacrus*, *Iul. Scaliger*, *Augustinus Saturnius*, *Pet. Ramus*, *Nicod. Frischlinus*, *Eman. Alvarus*, *Franc. Sanctius*, *Caspar Scioppius*, *Io. Rhenius*, *Simon*

*Verepaeus, Tho. Farnabius, Io. Danesius, Novae Methodi Auctor Gallus*, et qui prae aliis omnibus memorari debuerat, Grammaticorum non sui tantum, sed omnium seculorum princeps, *Ger. Io. Vossius*: item nostra aetate viri doctissimi, *Iac. Perizonius, Geo. Henr. Ursinus*, et qui, si nimius aliorum contemptus abesset, si non primum, primis certe proximum, ob insignem ac pene improbam quam in hac re posuerit diligentiam, locum meretur, *Richardus Johnsonus*. Neque hic popularibus meis suam laudem industriamque detractam volo: quamvis ut quod res est fatear, si unum *Iac. Carmichaellem* excepero, parum admodum lucis, nisi quod ipsi ex aliis prius hausissent, ex eorum mihi licuit laboribus foenerari. Et illi quidem a me supra laudati Scriptores licet egregiis suis monumentis rem Grammaticam mirum in modum illustrarint ampliarintque: non tamen his solis fidendum existimans, statui antiquos illos ac puriores *Latinitatis* fontes, id est, qui stante re Romana scripsere Auctores, adire; nihilque, nisi quod ii probarent sancirentque, admittere. Ex horum autem plerorumque non perfunctoria lectione, visus sum post plenissimas etiam aliorum vindemias, non contemnendam racemationem mihi relictam deprehendisse. Hinc vero et aliud ex alio consilium exortum est, quodque haud scio an mihi proprium et quasi palmarium liceat arrogare ut nimirum quae a Grammaticis e veteribus illis testimonia essent prolata, ea meis ipse oculis lustrarem, omniaque ad praestantissimarum Editionum, quantum fieri posset, stateram exigerem. Et mihi quidem hanc rem, quanquam taedii molestiaeque ple-

nam, eo accuratius faciendam existimavi; quod eam scirem a pluribus neglectam multos eosque foedissimos in Grammaticam Latinam errores invexisse. Dum enim, qui plerisque mos est, alii alios exscribunt, et a prioribus tradita posteriores secure arripiunt; fieri non potest, quin quae ab illis, pravorum codicum vitio, linguae omnium principi maculae erant adpersae, ab his hoc pacto propagatae, ei deinceps adhaerescant. Neque ab hoc malo, quamvis ei alias fortiter obviam ierint, se prorsus immunes praestiterunt *Vossius*, *Ursinus* et *Iohnsonus*: sed et ipsi, vel corruptorum exemplariam (quae praecipua *Iohnsoni* infelicitas est) fraude decepti, vel aliorum fidem incauti sequuti, e veri regione haud raro deerrarunt. Id quod Annotationibus nostris (neque enim exemplis hic est locus) abunde me reor legentibus ostendisse. Caeterum quo magis omnibus testata esset mea hac in re diligentia: simulque ut paucis illis, qui suis potius quam alienis oculis sapere volunt, quaerendi labor imminueretur: ubique fere curandum duxi, ut quaecunque a me, sive ex Auctoribus Latinis, sive ex *Grammaticis* aliisque loca proferuntur; eis vel versuum numeros, vel capitum et minorum etiam sectionum distinctiones, quae ab aliis saepius omissae erant, adiecerem.

Quod ad harum *Institutionum* Methodum attinet, cum ea se statim legentibus prodatur, non est cur tua tempora longo sermone hic morer. Id mihi summum dixisse suffecerit; duplicem me, vel duplici potius forma *Grammaticam* exhibere: alteram in tyronum, alteram in Praeceptorum gratiam ador-

natam. Illa, quam *Minorem* appellare possis, quam-  
 que propterea seorsum edendam curavi, generalia,  
 et quae magis necessaria sunt artis praecepta, uno  
 quasi contextu descripta complectitur. Haec vero;  
 quam *Maiorem* dicere liceat, nulla alia re a priorē  
 illa distat, quam quod adiectas sibi habeat perpetuas  
*Notas ac Observationes*, quibus non tantum genera-  
 liores Latini sermonis regulas uberius explicantur;  
 sed ea fere omnia, quae vel ab aliis tradita, vel a me  
 ipso animadversa, ad hanc artem illustrandam perti-  
 nere videbantur, in quoddam quasi compendium sunt  
 relata. Erunt nonnulli, sat scio, (id enim animo an-  
 tea praeceperam) qui me in Annotationibus hisce iusto  
 succinctiorem; alii contra, qui in textu, quem rudio-  
 ribus ediscendum proposuerim, plus nimio prelixum  
 criminabuntur. At prioribus illis facilis est responsio:  
 non enim mihi grande volumen pertexere, sed summa  
 tantum rerum fastigia sequi consilium fuit. His vero,  
 qui pleniorē magisque explicatam quaerunt harum  
 rerum notitiam, Scriptores eos ubique monstravi, unde  
 eam, si velint, haurire possint. Ad posteriores au-  
 tem quod attinet, non me pudet in his nomen meum  
 profiteri, qui superesse sibi aliquid, quam deesse ma-  
 lint: meminerintque, ut primariam sermonis virtutem  
 perspicuitatem, ita brevitati obscuritatem comitem  
 quam saepissime esse coniunctam. Quin, ut paulo  
 apertius rem loquar: nunquam mihi placuerunt eorum  
 rationes, qui nescio quo facilitatis puerisque onus le-  
 vandi praetextu, tot sibi *novas* docendi *vias*, tot  
*Grammatices compendia*, quorum nullus est mo-  
 dus, comminiscuntur. Nam, ut perpetuum illum  
 novitatis pruritus, quaeque ex eo redundant mala,

praeteream; amplissima certe res est, latiusque suos fines extendit *Lingua Latina*, quam ut angustis hisce, quos illi constituunt, limitibus coarctari se patiatur. In hac quidem, ut in aliis rebus omnibus, modum tenendum esse lubens agnosco; atque id ego ut facerem ubique me comparavi, neque quidquam, quod eorum scire non interesset, pueris traderem. Quod si quaedam tamen, aut superflua, aut tardioribus ingenii minus apta videantur; docto atque cordato Praeceptorum omnia permitto, ut ea vel intacta prorsus transilire, vel in aliud tempus, pro arbitrio suo, differre queat. Superest, ut cum *primam* tantum *Grammaticae partem* hac tempestate edere potuerim, illos, quibus ea res curae est, hic in fine admoneam, mihi *caeteras* quoque eodem pacto totas fere descriptas ac paratas esse; meque cum bono Deo operam daturum, ut et eae, nulla mora interposita, praelo committantur, puerisque opportuno tempore in manus tradantur. Tu interea, *Lector benevole*, meos labores boni consule; mihiq; si mereor, favere perge, ac vale.

---

---

## RUDDIMANNI PRAEFATIO

### AD PARTEM SECUNDAM.

---

Absoluta iam tandem, et in lucem emissa secunda *Grammaticarum* nostrarum *Institutionum*, cum adnexis *commentariis*, parte; priusquam ad eius lectionem aggrediare, paucis te in limine, L. B. compellandum duxi. Et id quidem eo magis necessarium visum, quod, quamvis in totius operis initio instituti mei rationes in genere exposuerim, in hac tamen praecipue *Grammatices* parte adornanda multa sint, quae pressiore magisque peculiarem explicationem merentur. Ac primum, ne longiore exordio te morer, cum ex regulis Syntacticis alias observarem magis generales ac communioris usus, alias a vulgari loquendi consuetudine remotiores esse; methodo ab ea quam in Etymologia secutus sum nonnihil mutata, in *Grammatica* quidem *minore* has ab illis diversa characterum forma distinguendas statui; at in *Grammatica* hac *maiore*, cum id aliter minus commode fieri posset, regulas infrequentioris usus lineola ad oram libri apposita a caeteris secernere satis habui \*). Id autem eo consilio a me factum, ut hoc discrimine posito, tum docentes, tum discentes, quae aliae aliis anteferendae, quibusque maior cura et di-

---

\*) Has lineolas in hoc signum  mutare placuit. G. St.



ligentia impendenda, internoscant: simulque ut hoc pacto, si non prorsus amoliri, minuere saltem queam eorum reprehensiones, qui me in hac, ut in caeteris Grammaticae partibus, plus iusto prolixiorum fuisse, nimiaque praeceptorum farragine tenellam puerorum aetatem onerasse queruntur. Haec nimirum gravis illa est, à quibusdam, iis praesertim qui nescio quae docendi compendia sectantur, mihi illata criminatio. At ea, si qua culpa est, magna ex parte hac quam facimus regularum distinctione iam sublata est; cum cuius hoc pacto *Praeceptorum* in proclivi sit, caeteris, quae minoris momenti videantur, vel penitus omissis, vel levius delibatis, iis tantum, quae communis sunt aut necessarij usus, inculcandis animum adiungere. Non ignoro nonnullos esse, qui adhuc mihi vitio tribuunt, quod hac etiam ratione librum, ut mole auctiorem, ita pretio cariorem reddiderim. Sed huic querimoniae depellendae satis foret, si id tantum responderem, multos esse libros, ad linguam *Latinam* capessendam necessarios, hoc ut mole maiores, ita impensiore pretio comparandos. Verum non id mihi agebatur, ut *Grammaticam* parvo aere parabilem (quanquam et hic intra modum me continui), sed ut eiusmodi methodo perscriptam exhiberem, quam optimam, et ad linguae notitiam adipiscendam maxime accommodatam existimaverim. Haec mihi praecipua, si non unica laboris meta proposita; quam si, praeter caeteris quae in *Scholis* nostris teruntur, contigerim, quod de solito ampliore libri pretio illi obiciunt, non multum morabor. Sed, ut ad rem propius accedam, animique mei sensum paulo planius aperiam; quod mihi potissimum, ut in aliis artibus, ita in *Grammatica* tradenda displicet, illud ipsum est, quod nonnulli tantopere venditant, *brevitatis* studium. Nam ut taceam, quae inde necessario fere fluat, docentibus, quam quod maxime, vitandam obscuritatem; ut et, nisi modus adhibeatur, multarum utilium *regularum* omissionem: non me parum et illud mo-

vebat, quod curta istiusmodi *Grammatices compendia*, cum exsanguia fere sint et ieiuna, utpote quae regulas non satis explicatas, *exemplaque* futilia, et ex trivio plerumque petita contineant, non eam, quam par est, in puerorum animos, ut ita loquar, vim incutiant; ac proinde quae in eorum memoriam hoc pacto, non infixae, sed tanquam in Danaidum dolium infusa sunt, protinus effluant et disperdantur. Ut igitur ab his incommodis, quantum possem, caverem; operam primum dedi, ut *regularum principalium* numerus iustus, ac pro linguae varietate communique usu satis amplius esset. Deinde, ut firmitus illae tenaciusque animo inhaerescerent, duplici eas sermonis genere: id est, tum ligato, tum soluto, altero memoriae, altero intellectus gratia, enarratas exhibui. Postremo, cum recte loquendi, si quid aliud, facultas praecipue ac fere unice imitando perficiatur, frustra praeepta tradantur, nisi usus et exercitatio accedant: idcirco, et ut res ubique dilucidior evaderet, singulis *regulis* trina plerumque *exempla*, eaque non ex ingenio, ut multis solitum, conficta, sed ex probatissimis *Latinitatis* auctoribus deprompta adieci. Et ut haec *exempla* maiorem vim haberent, altiusque in puerorum mentibus radices agerent, curandum insuper existimavi, ut ea ex sententiis gravibus et argutis, et vel ad morum vel ad sermonis cultum conducentibus, ut plurimum constarent. Est et alius, a me haud praetereundus, qui ex hoc instituto capi possit, fructus; ut nimirum, si haec exempla sedula ac saepius repetita lectione discentium memoriae indita fuerint, ea regularum ipsarum vices supplere queant. Ita v. g. si cui animo exciderit, quem post se casum petant *succenseo* vel *nitor*; ex hoc Sili dicto, *Succensere nefas patriae*, aut ex isto Claudiani, *Virtute decet non sanguine niti*, memoriae obversantibus, statim occurret alterum dativum, alter ablativum post se exigere. Ut interim sileam quam plurimas Linguae *Latinae* phrases, purissimaeque

loquendi formulas in mente tanquam thesaurum quendam hac ratione repositas.

Et haec de via, quam in hac secunda Grammaticae parte tradenda institimus, dicta sint. Proximum est ut de *Commentariis* ei iam adnexis, consilioque in eis nostro nonnihil addamus. Et quidem duo praecipue erant, quae in his conficiendis prae oculis habuimus. Primum autem fuit, ut ea quae in textu paulo succinctius, vel minus perspicue tradita essent, uberiore in his *Commentariis* explanatione illustrarentur. Alterum vero, et quod potissimum in his nobis propositum, erat, ut ii *Grammaticae minoris* supplementum quoddam essent, id est, ut utraque, quasi in unum corpus coniuncta, plenissimum, quoad eius fieri posset, *Syntaxeos Latinae*, quatenus scilicet ea ad artem, seu certa quaedam loquendi praecepta reduci queat, *Systema* exhiberent. Quamvis vero nihil fere quod eum in finem vel aliorum labores, vel mea ipsius sedulitas suppeditaret, quod sciam, omiserim; non tamen adeo sum mihi *Suffenus*, ut me rem penitus peregissem, nihilque sequentium industriae reliquisse prae me feram. Ne mihi nimium in hoc negotio placerem, satis superque admonuerunt virorum etiam doctissimorum, qui in hac palaestra ante me desudarunt, inanes saepe gloriae et hallucinationes. Cuius rei, ut alia quae passim in his *Annotationibus* exstant, praeteream, documentum sit, instar omnium, insignis, ne quid gravius dicam, *Richardi Johnsoni*, viri alias in his literis exercitatissimi, et diligentissimi, iactantia, qui in *Noctibus suis Nottinghamicis* p. 16. de *adiectivis verbalibus* aliisque genitivum regentibus, qualia sunt, *praestans animi*, *egregius fati*, *fessus viarum*, agens, eorum numerum ad centum fere et septem coërcet; cum tamen nos eo in loco eiusmodi adiectivorum numerum duplo quem is statuit auctiorem ostenderit. Neque haec a me *Johnsoni*, vel cuiusquam alterius vituperandi, sed mei vel

defendendi vel excusandi gratia, dicta sunt; ut sicubi et ipse lapsus fuerim, quod quin saepius acciderit caveri potuisse vix sperem, faciliorem apud viros cordatos et conditionis humanae memores mihi veniam pararem.

Sed, ut ad alia quae in hac *Praefatione* dicenda erant, me convertam; illud insuper monendum habeo, me non uno semper et aequabili tenore in his *Commentariis* processisse, sed in his quae magis trita essent, leviori brachio usum; in illis vero, quae dubia vel controversa, aut in vulgus minus cognita viderentur, maiorem curam, ac proinde *amplior* copiam adhibuisse. Quod ad *Syntaxeos causas* attinet, quanquam eas haud prorsus neglexerimus, cum tamen illae *Philosophici* magis quam *Grammatici* iuris visae essent, satis habuimus strictius eas ac summatim indicasse, penitiorum disquisitionem ex *Sanctio*, *Scioppio*, *Perizonio*, *Ursino*, aliisque, qui id praecipue egerunt, petendam relinquentes. Caeterum, ut hic quod iamdudum de hac re sentio libere dicam; quamvis hanc, quae in Linguae  *Latinae*  rationibus indagandis opera ponitur, minime damnem; sed eam provecioribus et linguae usum callentibus oppido et iucundam et utilem putem: non possum tamen eam probare, quae iam pridem invaluit apud nonnullos, consuetudinem, qui omnia ad primigeniam suam (si Diis placet) naturam revocantes, pueris, totius adhuc linguae ignaris, reconditas illas et *Philosophicas* loquendi *rationes*, nec ipsis satis explicabiles, ubique obtrudunt. Hoc pacto nullas in *Syntaxi Latina* regulas admittunt, praeterquam paucas illas, quas *fundamentales* ac *generalissimas* vocant, quaeque non  *Latinae*  magis, quam cuivis fere alii linguae sint communes. Has quidem regulas discentibus proponi haud reprehendo; sed iis perpetuo atque unice inhaerere, caeterasque, quae Linguae  *Latinae*  propriae sunt, eamque ab aliis linguis distinguunt, plane omittere, nihil propemodum

aliud est, quam *linguam* quandam *imaginariam*, et quae nusquam gentium est vel fuit, pro *Latina* nobis proeudere. *Atqui omnes*, inquit, *Grammaticorum regulas, praeter generales illas*, quas ii solas recipiunt, *vitiosae omnino ac falsae sunt*. Id vero est quod prorsus nego: neque enim, si regula aliqua *elliptica* sit, eam continuo falsam esse necesse est. Ita, *v. g.* verissima regula est, adiectiva, quae mensuram vel spatium significant, accusativum adsciscere; neque, ad linguae usum quod attinet, hilum interest, utrum suapte vi, an praepositionis per *Ellipsin* suppressae isthaec adiectiva casum eum adsciscant. Ea vimirum (ut ab eruditissimo Ursino adnotatum) alia quaestio est, neque cum priore confundenda, „Talia igitur (pergit ille) pueris intempestive qui ingerunt, quid aliud quam Herculis iis cothurnos aptant, neque gradus secundum aetatem discendorum fieri patiuntur. A prima certe aetate non expectandum, quod postrema vix consequitur. Proinde cum ne doctissimi quidem viri in causis Latinae linguae reddendis per omnia consentiant, a pueris talia quis exigit?“ Haec summa cum ratione Ursinus; quibus et illud adiicio, non minus linguae *Latinae* genio vim eos inferre, qui has praepositionum aut aliarum vocum Ellipses ubique supplent (quod facere licere eas perpetuo crepando pueri existimant,) quam si primarias illas loquendi leges violarent: hoc est, ut exemplis utar, adversus *Latinam* consuetudinem iuxta peccant, qui pro *Candidior nive*, *Poenitet me peccati*, *Utor libro*, *Scribo calamo*; *Candidior prae nive*, *Negotium peccati me poenitet*, *Utor ex libro*, *Scribo cum calamo*, dicunt: ac si *Animalia currit*, pro *currunt*; *Credebant sermoni cui loquutus est*, pro *quem*, dicerent. Haec enim posteriora, quanquam structura *Latina* omnino respuat, usus tamen *Graecorum* non permittit solum dici, sed postulat, *Ζῶα τρέχει*, pro *τρέχουσι*; *Ἐπίστευσαν τῷ λόγῳ ᾧ εἶπεν*, pro *ὃν*. Pos-

sum et alia pravi huius et praeposteri moris incommoda, si otium esset, hic referre; sed haec prudentioribus suffectura existimo.

Caeterum huic Editioni duas *Appendices* subnexui; alteram *de Analysis*, tum *analogica*, tum *syntactica*; alteram *de Ratione orationem distinguendi, seu interpungendi*. Atque hanc quidem posteriorem, ut suus cuique illibatus per me stet honos, acceptam pene totam referre me fateor ingenioso admodum de hac re libello (Auctorem D. Wardum Ephr. Camerarius in sua Cyclopaedia memorat) nuperae Elementorum Rhetoricorum Ger. Io. Vossii Editioni Londinensi Anno 1724 subiuncto: qui licet a vulgari consuetudine multum recedat; cum tamen huic materiae, antea satis abstrusae, novam lucem affudisse visus esset, eum in omnibus, servatis ut plurimum ipsius verbis, sequi, atque tanquam purpureum pannum, caetero forsani operi pretium conciliaturum, assuere non dubitavi.

Reliquum est, ut me qua possim tibi L. B. excusem, quod hoc quicquid est operis serius multo, quam tua expectatio meaque vota ferebant, typis sit evulgatum. Neque hic protritas illas morandi causas, catenatos scil. meos labores, eamque aliorum negotiorum, quam muneris mei partes mihi molem imponunt, quanquam id vere, si quis alius, possem, nunc allegabo. Neque materiae tractatae amplitudinem difficultatemque, quae mihi licet maxima, opinione tamen maior iniecta est, hic causabor. Alia mihi fuit magisque peculiaris huius cunctationis ratio: nimirum, cum jam ad praelum paratus esset hic alter *Commentariorum* meorum tomus, deque eo quam utili possem forma et methodo edendo cum amicis (ut fieri solet) sermones communicarem; auctores illi mihi fuerunt, ut in hac i. e. principe *Grammatices* parte illustranda liberius paulo, quam in *Etymologia* fecerim, stylo indulgens, plenius magisque enucleate rem exequerer, neque tam frequen-

ter, quam illic factitatum, ad alios de hac re Scriptores legentes ablegarem. Id enim ipsius prae caeteris dignitatem requirere, hacque eadem opera, si aliorum per multa volumina sparsae observationes in unum quasi fasciculum colligerentur, magnopere Lectorum commodo prospectum, ipsorumque sumptibus parcitum iri. Quid multa? apud me tantum valuerunt eorum rationes, ut rem omnem in manus denuo sumere, et ad incudem quasi revocare sustinuerim. Quantum autem non temporis modo, sed taedii etiam molestiaeque mihi hoc pacto devorandum fuerit, cogitari quam exprimi facilius est. Id certe affirmare licet, librum ex hac nova recensione omnibus suis numeris magis absolutum, itaque locuplectiorem redditum, ut iam ex adverso mihi metuendum sit, ne grandior in quam hac ratione excreverit ipsius moles inter praecipua eius vitia habeatur. Utcunque vero sors se tulerit, iacta est alea, omniaque iudicio tuo, Lector benevole, quo solo mihi aut standum aut cadendum est, permissa. *Vale.*

---

443 F116

F. H. L. DONCKERMANNI

C O M M E N T A T I O

D E

HODIERNO LINGUAE LATINAE USU  
IN LITERIS DOCTRINISQUE  
TRADENDIS.

*Stulta haec invidia est, cui cuncta recentia sordent;  
Invida stultitia est, cui nova sola placent.*

JO. OWEN.

---

LUGDUNI BATAVORUM,  
APUD S. ET J. LUCHTMANS,  
ACADEMIAE TYPOGRAPHOS,  
MDCCCXXVI.



# SUMMARIUM

## HUJUS COMMENTATIONIS.

- I. Communis omnium eruditorum sermonis utilitas docetur.
- II. Qualis ejusmodi sermo esse debeat.
- III. Mortua, an vivens lingua in civitate literaria sit praefenda, disquiritur.
- IV. Hujus Commentationis ratio exponitur.
- V. Commoda, quae vernaculae linguae usus habet, sunt sequentia:
  1. ea adhibita nemo domesticae linguae peritus a qualibet rerum scientia arripienda aut tradenda prohibetur.
  2. De singulis atque universis doctrinis innumera librorum multitudo prodit.
  3. Hodie nulla natio suas res literasque, ut olim, fastidit.
  4. Hinc excoltae hodiernae linguae patriae amorem non tantum auxerunt, sed ab exteris quoque addisci coeperunt.
  5. Illud praesertim *Francicae* linguae cultura et propagatione ostenditur.
- VI. Cum Latinae linguae usu haec conjuncta sunt commoda:
  1. Olim facilior erat aditus ad omnes Europae Academias ac sermone communi cogitata sua Eruditi commode inter se communicabant.
  2. Eruditorum scripta, non in alias linguas versa, ubique gentium legebantur, quum hodie multa multis incognita maneant.
  3. Antiqua hodie pro novis minus facile venditarentur, si de disciplinis abstrusis ac severioribus plura Latine scriberentur.

4. Ubi vernaculus sermo Latino substituitur, ibi periculum est, ut saluberrimi fructus, quos diligens antiquarum literarum studium et grammatica institutio afferre solent, amplius percipiantur, atque interpretationibus solis opera detur.
5. Tum egregii libri, de omnibus disciplinis *Latine* conscripti, a nemine fere legentur.
6. Tandem accidet, ut diversitate sermonis viri docti magis dissideant, et eorum quisque, patriae solo adstrictus, exteris Academiis illustrare nequeat.
7. *Carpentarii* ac *Dalembertii* opiniones, hodierno linguae Latinae usui contrariae, infirmantur ac diluuntur.
- VII. Ex dictis efficitur, et patrio et Latino sermoni cultum diligentem esse tribuendum, sed ita, ut suus cuique assignetur locus.
- VIII. Disputationes de rebus reconditis ac vulgi captum superantibus *Latine* sunt instituendae.
- IX. Idcirco *Latine* explicentur
  - Metaphysica,
  - Hermeneutica sacra,
  - Theologia  $\left\{ \begin{array}{l} \text{dogmatica,} \\ \text{polemica,} \end{array} \right.$
- X. Salutis publicae causa postulat, ut *Latine* etiam doceantur
  - Pathologia,
  - Therapia,
  - et
  - Materia medica,
- XI. *Latine* quoque tractanda est
  - Jurisprudentia Romana
  - ejusque historia,

XII.

XII. Iis, qui Latinam linguam satis intelligunt, *Latine* exponantur

Graeci ac Latini scriptores,  
Archaeologia,  
Geographia  
Historia } antiqua.  
Mythologia }  
Item literae Orientales.

XIII. Promiscue sive *patrio*, siue *Latino* sermone enarrari poterunt

Historia } universalis,  
              } politica,  
              } ecclesiae Christianae,  
              } philosophiae,  
              } medicinae,  
              } naturalis,  
  
Chemia,  
Physica,  
Mathesis,  
Logica.  
  
Jus } Naturae,  
      } gentium,  
      } publicum.  
  
Ethica } philosophica  
          } et  
          } Christiana  
  
Institutio religionis Christianae.  
Anatomia,  
Physiologia,  
Chirurgiae pars mechanica,  
Ars obstetricia.  
  
Medicina } politica,  
            } forensis,  
            } veterinaria.

XIV.

XIV. *Patria* lingua tradatur, praeter institutionem puerilem et popularem,

Grammatica	}	recentior.
Rhetorica		
Poëtica		
Historia	}	patria.
Antiquitas		
Geographia nova,		
Statistica		
Oeconomia	}	politica
		ruralis.
Technologia,		
Diaetetica.		
Jus hodiernum	}	civile,
		criminale
		mercatorium

Methodus procedendi;

Praxis juridica.

Catechetica,

Homiletica

Cura pastoralis.

XV. In quibus Academiis sive Latini, sive patrii sermonis usus, secundum praescriptam normam introducendus, aliquam allaturus sit molestiam, ibi lento gradu procedendum erit.

XVI. Licentia docendi eas disciplinas, quas *Latine* tradendas esse placuerit, nemini in posterum concedatur, qui non bene Latine et dicere et scribere possit.

XVII. Propter diversam omnium fere nationum pronuntiationem, lingua Latina hodie in eruditorum colloquiis non levem habet difficultatem.

XVIII. Huic difficultati occurrendi causa proponitur concilium virorum Latini sermonis peritissimorum, ex variis civitatibus congregandum, quod alias praeterea utilitates afferre possit.

# E R R A T A.

Pag. 5. lin. 22. etiam divinarum *lege* etiam rerum divinarum  
 — 18. — 8. illas *lege* illae

## I.

Quum sermonis similitudo homines, quamvis incognitos, artius conjungere, ejus autem dissimilitudo diversarum gentium cives disjungere, ino suspicionem quandam atque malivolentiam inter illos excitare soleat, vel eo nomine optandum foret, ut in universa eruditorum civitate unus tantum vigeret sermo, quo quod quisque vel meditatione vel experientia in qualibet doctrinarum parte verum esse reperisset, illud inter omnes communicaretur. At vero multo majus inde redundaret commodum: quippe haud exigua brevis vitae pars ad veras rerum notiones inquirendas confirmatasque in usum hominum convertendas utilius adhiberetur, quam ad complures alienigenarum linguas addiscendas. Hodie nimirum, quum pleraeque Europaeorum populorum linguae magis quam olim sint excultae, quicumque egregia exterorum scripta perlustrare cupiat, cogitur eorum linguis operam navare.

Egregie vero hanc meam sententiam confirmant ea, quae antea hos duodecim annos elegantissime dixit *Henricus Constantinus Cras* (1), clarissimum quondam Athenaei Amstelodamensis

Lu-

(1) In disputatione pro linguae Latinae inter eruditos usu, quae principem locum tenet in Commentariis Latinis ab Instituto Hollandici Classe tertia editis. Vid. etiam quae anno LXXV superioris seculi hac de re disseruit doctissimus *Petrus Dreux* in oratione de Latina in republica literaria communi lingua servanda, quam habuit Zutphaniae, quum Scholarum moderamen capesseret, p. 17 et seqq.

A

Lumen! „Socrates fertur rogatus, cujus esset, se mundanum esse respondisse. Praeclara vox tantoque viro digna! Atqui nostra pariter aetate philosophi, minime contemnendi illi quidem, de una cunctarum gentium maiore civitate, de communi republica et perpetua pace, de cosmopolitismo magnifice disseruerunt. Quidquid hujus rei sit; sive hoc suave somnium est putandum, aut pium votum, sive pro idea habendum, ad cuius perfectionem, utcunque ab ingenii humani imbecillitate remotam, nos ratio jubet contendere, equidem sic statuo, esse omnino doctorum virorum, per omnem Europam dispersorum, unam quandam rempublicam literariam, unamque quasi civitatem, cujus cum tot cives, quot eruditi sint, profecto necesse est, ut horum civium cunctorum sit una quaedam communis lingua, quae non tantum universae hujus doctae societatis pulcherrimum vinculum sit, sed oppido aptissima ratio, qua suas opiniones, conjecturas, judicia sibi invicem eruditi impertiantur, suosque labores et vigilas ad communem universi generis humani fructum referant.”

## II.

Quaeritur autem, qualis esse debeat communis illae civitatis literariae sermo? Equidem si novam linguam fingi liceret, vellem eam esse talem, quae facile pronuntiari et addisci posset; cujus proinde vocum inflexio et constructio esset quam simplicissima, quae et civis notioni aptissimum contineret signum et ad novas res novis nominibus significandas maxime foret idonea; talem denique, qua suam quisque sententiam plane ac perspicue, suaviter, et si opus foret, graviter expromere posset. Sed mittamus hoc vigilantium somnium, quod dubito, an unquam verum evadere atque effici possit (2).

I-I-I.

(2) De variis linguam universalem constituendi conatibus, vid. D. G. Morhofii Polyhistor. Vol. I. lib. I. cap. 2 et 3.

### III.

Jam vero alia existit quaestio: utra linguarum, quae usu quotidiano vigeat, an ea, quae ex priscorum scriptorum monumentis hauriatur, communi eruditorum usui sit accommodatior? Illa quidem facilius percipitur, sed progredientibus annis multifariam immutatur; haec contra ad firmam stabilitatem perducta atque in probatissimorum auctorum voluminibus conservata, quamvis ab imperitis non nunquam inisere mutiletur, semper ad veterem puritatem restitui potest. Talis merito censetur Latina lingua, quae imperii Romani terminis dilatatis a subiectis gentibus adoptata, inde a renatis literis commune fuit eruditionis propagandae instrumentum, atque etiam nunc a viris doctis passim adhiberi solet; quamquam argumentis omni exceptione majoribus probari possit, humanitati doctrinaeque melius fuisse prospectum, si elegans Atheniensium oratio hunc principatum obtinuisset. „Alia longe ratio, illustris *Jo. Laur. Mosheim* (3) inquit, et fortuna est linguarum, quae in usu esse desierunt et linguae mortuae appellantur. His ipsa mors

imj

(3) De hodierna Romani sermonis in patria nostra existimatione: quae commentatio, *Noltenii* Lexico linguae Latinae antibarbaro primum praemissa, postea cum aliis ejusdem in Academia Georgia Augusta Cancellarii opusculis a *J. P. Millero* iterum edita est Hamburgi 1751. Quae de lingua Latina, ab eruditis recepta, breviter dixi, confirmantur et explicantur ab eodem Mosheimio in Dissertatione de Linguae Latinae cultura et necessitate §. 16. quae primum *Uberti Folietae* libris III de usu et praestantia L. L. praefixa, postea in volumine, quod modo memoravi, repetita est. Continet illud praeter alias commentationes etiam orationes ad res Academicas pertinentes, lectuque dignas. Oportuisset autem editorem curare, ut non innumeris typothetae mendis contaminatum prodidisset illud volumen. Quod hoc loco non commemoravissem, nisi his quoque diebus saepe reprehendenda esset sive negligentia editorum, sive avaritia bibliopolarum, qui superioris aevi scripta non correcta, sed novis erratis plena denuo in lucem proferunt.

A 2

immortalitatem parit: facit nempe, ut communi lege solutae, formam quam habent, constanter servant, nec amplius mutationis aliquid subeant. Cujus rei hic fructus est minime contemnendus, ut pulchra semper, grata, luculenta maneant, incertamque et mobilem rerum humanarum conditionem effugiant, quae illis semel scite et pulchre in literas relata sunt (4)."

## I V.

Verum multi ubique gentium reperiuntur haud ignobiles viri, qui hoc amplissimo imperio Latium spoliare conati sint. Quid? apud plerasque nationes Latina lingua fere obsolevit, quum plurimi eorum, qui in Academiis doctrinas profitentur, vel scriptis eas amplificare student, vernaculo utantur sermone (5) et bibliopolae libros latine scriptos suis sumtibus edere saepe graventur. In Belgicis tamen Academiis et Athenaeis Latina lingua ad omnes fere doctrinarum partes etiamnum adhibetur (6).

Operae igitur pretium mihi visum est, denuo inquirere, quae de illa ratione, hodiernis linguis literas doctrinasque tradendi, in utramque partem disputari possint, ut ita appareat, an illae Latinae linguae usus omnino sit tollendus.

## V.

(4) Eandem sententiam contra oratione de monumentis publicis Latinae inscribendis exposuit *P. Joannes Lucas*, quam *G. H. Ayrer* adjunxit *Antonii Blackwalli* commentationi de praestantia classicorum auctorum. Lips. 1735.

(5) Vid. *G. Stollii* introductio in historiam literariam, quam latine vertit *C. H. Langius*, P. I. c. 2. §. 50, 51.

(6) Vid. *Clar. Cras* Disp. laud. p. 20 seqq. Lectu quoque digna sunt, quae illustrissimus ejusdem viri quondam Discipulus, *J. M. Kemper*, disseruit in oratione de prudentia civili in promovenda eruditione, quam habuit Harderovici 1801. p. 29—32.



V.

Primum igitur quae commoda vernaculae cujusque gentis linguae usus habeat discipiamus.

1. Non dubium est, homines plerumque et ea, quae ipsi sentiant facilius eloqui, et quae alii dicant, rectius intelligere, illo adhibito sermone, quem inde a teneris, ut ajunt, unguiculis usuque quotidiano perdidicerint, quam aliena quaque lingua, nedum fere intermortua. Quare postquam in Francia, Germania ac Britannia, aliisque terris domestica lingua literis artibusque illustrandis fuit adhibita, duplex exstitisse videtur emolumentum. Hinc enim ad eruditionis penetralia, ante non nisi Latine doctis pervia, cuius discendi studioso aditus est patefactus (7); deinde illi, qui doctorum munere funguntur, vel libros sunt edituri, Latini sermonis inscientia haud impediuntur, quominus doctrinae suae copiam cum auditoribus aut lectoribus perspicue et ornate communicent. Praestat sane sua lingua recte uti, quam alienam inscite usurpando minus intelligi, aut doctioribus esse deridiculo (8).

2. Jam immensus in quovis disciplinarum genere exstitit librorum proventus, quibus non tantum variae res, quae ad muliercularum plebisque captum accommodatae videntur, sed abstrusiores etiam <sup>rerum</sup> divinarum humanarumque notiones patrio sermone traditae sunt. Neque singulas tantum eruditionis partes viri acutiores et usu experti persecuti sunt, sed universas quoque Encyclopaedijs complexi,

Quanta bonorum librorum seges nunquam provenisset, si patriis literis cogitata mandari non licuisset.

3. Unde praeterea factum esse videtur, ut domesticarum rerum

(7) Vid. venerandi J. F. W. Jerusalem oper. postum. Germanice scriptor. T. II. p. 322. seq. Brunswickae 1793.

(8) Conf. Moshemii Dissert. de L. L. cultura et necess. §. 2. et ejusdem commentatio de hod. Rom. serm. existim. p. 16 seq. (p. 330 seq.)

rum literarumque fastidium apud gentes, quas modo dixi, admodum sit imminutum, quin omnino superatum (9), ita ut de hodierna quaque lingua idem fere valeat, quod de Latina *Cicero* (10) dixit, non tam praeclarum esse scire eam, quam turpe nescire.

4. Ex quo viri elegantiores vulgari sermone doctrinarum fines amplificare studuerunt, suam ac discipulorum orationem non modo copiosiore et politiore reddiderunt, sed effecerunt quoque, ut, quo cives linguae suae dignitatem magis agnoscerent, eo patriae libertatisque amantiores fierent (11). Hinc etiam ab exteris gentibus eorum lingua coli et addisci coepit atque non exiguus honoris cumulus ipsis inde accessit. Quicunque enim eruditorum cognoscere cupit, quidquid ad varias disciplinas illustrandas Franciae, Germaniae ac Britanniae protulerunt ingenia, harum nationum linguis addiscendis operam dare solet.

5. Nonne Francica lingua, postquam sub Ludovico XIII et XIV prorsus expolita et ad stabiliorem formam est perducta (12), communis fere omnium cultiorum gentium facta est (13)? Quod pro-

(9) Ven. Jerusalem l. I. p. 333 seqq.

(10) In Bruto cap. 37.

(11) Vid. *Arn. Herm. Lud. Heeren* operum historicorum (quae germanice conscripta prodierunt Gottingae 1821) T. II, p. 17 seqq. ubi dignissimus ille magni *Heynii* gener eximie demonstrat cujusque nationis, quamvis bello devictae, si nomen suum dignitatemque nativam tueri cupiat, potissimum esse, linguam patriam colere, nec alienam praeferre. Idem quam disertissime persuasit quoque *Clar. Barth. Henr. Lulofs* in oratione adituali, quam Belgice habuit Groningae d. xv Novembris 1815.

(12) Quae fuerint merita Academiae Francicae de patria lingua excolenda, concinna oratione praedicavit celeberrimus *de la Condamine*, quum anno 1761 illius Academiae socius reciperetur; vid. *Choix de Discours de réception à l'Académie Française* T. I. p. 345 seqq. à Paris 1808.

(13) Vid. *P. Bayle* *Nouvelles de la République des lettres*,  
mois

profecto non contigisset, si cum in Regum colloquiis Legatorumque conciliis, tum in literatorum doctorumque Scholis consuetudo Latina lingua utendi perpetuo et ubique servata fuisset, Quis vero non vidit, quantum et in bello, et in pace Francici sermonis propagatio istī nationi saepius attulerit praesidii et adjuventi? Francos enim huic facilitati, qua ubique gentium intelliguntur, non minus, quam ingenii dexteritati frequentes ac paene incredibiles armorum successus debere equidem putaverim, Parum quidem absuit, si non unanimi Regum Nationumque virtute Corsicanus iste Dominator fuisset oppressus, quin subjecti populi ad publica negotia peragenda Francicam linguam adhibere coacti fuissent. Quo facto domesticus eorum sermo a primorum ordinum hominibus contemptus atque infimae plebi relictus fuisset, nisi forte a praeclaris poetis, oratoribus atque historiographis excultus ad stabilem quandam formam jam pervenisset (14).

## V I.

Non contemnenda quidem sunt ista bona: verum et suis laborat incommodis patriae linguae usus in doctrinis literisque propagandis.

1. Primum enim, quamdiu in Europae Academiis Latinus vivebat sermo, cuivis artium humanitatisque studioso erat in proclivi, celeberrimas quasque literarum universitates adire omniumque nationum eruditi epistolarum et sermonis commercium sine molestia exercebant. Praeclare igitur elegantissimus germanae latinitatis vindex, *Marc. Ant. Muretus* (15), „ ut peregrinantibus,

mois d'Août 1684. Oeuvres diverses T. I. p. 113, ubi Carpentarii liber de excellentia linguae Francicae recensetur.

(14) Vid. *Cras* l. 1. p. 18 seq. *Heeren* l. 1. p. 20—23.

(15) Orat. XVII. edit. Ruhnken. (XX. edit. Patavinae 1741.)

bus, ait, optabile esset reperire genus aliquod nummorum, cujus eadem apud omnes aestimatio esset, multoque libentius uterentur iis, quam illis, qui tertio aut quarto quoque die cum detrimento et cum molestia mutandi sunt; cum ibi tantum utiles sint, ubi imperat is princeps, cujus in ditione cudentur: ita nemo non videt, quanto commodius sit, uti ea lingua, quae in omni gente et natione reperit aliquos, et quidem non ex fece vulgi, sed ex quaque honoratissimos quosque, a quibus sine interprete intelligatur, quam iis, quae simul atque pedem ex hac aut illa provincia extuleris, alios atque alios interpretes requirunt."

2. Deinde illa aetate, qua virorum doctorum scripta non nisi Latino habitu prodibant, legebantur egregii de quovis doctrinarum genere libri, non ab aliquo interprete, tam rerum quam linguarum imperito, misere depravati, sed nativa illa integritate, qua ex intimo auctoris animo in lucem prolata erant. Nostro autem tempore multa exterorum opera plerisque eruditis plane incognita manent, vel quod lingua, qua conscripta sunt, vulgo minus intelligitur, vel quod multi reperiuntur viri docti, qui praeter patriam latinamque non intelligant aliam, vel denique, quod hilarioris ac levioris potius, quam severioris et gravioris argumenti opera, quae apud externos eduntur, in alias linguas transferri solent. Hinc non raro accidit, ut quae in quovis doctrinarum genere, v. c. *Belgice* prodeunt scripta, quamvis egregia, peregrinis quasi non scripta habenda sint. Quod autem Germaniae eruditi ea fere negligere solent, mirum videtur, quum nullum dubium sit, quin hi, si velint, Belgicam linguam tam facile discere possint, quam Belgae Germanicam. Harum enim linguarum tanta est convenientia, ut sorores videantur germanae, sed diversa ratione institutae atque informatae. Sed eadem erit querela auctorum, qui Suecice ac Danice libros vulgaverunt. Neque illa, quae Italia profert scripta, quamvis Latine docto intellectu facilia, ubique leguntur.

Vc.

Verissime itaque Celeberrimus ait *Cras* (16): „Baco Verulamius, magnus ille verae methodi vindex, si Anglice, Vieta mathematicus si Gallice, Keplerus si Germanice, Grotius Vossiusque Belgice, ceteri quoque egregii viri si suae quique nationis propria lingua immortalia ingenii monumenta vulgassent, quam angustis sane cum regionum tum aetatum terminis tantorum virorum vigiliarum atque laborum fructus fuissent conclusi? Quam parum ad proferendos doctrinarum fines profuissent? Boerhavius, lumen illud et decus medicinae chemiaeque primus instaurator, Gaubius item, Albinus, Noodtius, Schultingius, Vitriarius, hi praeclari viri si Belgice docuissent, putabimusne tam magna confluentium undique alienigenarum frequentia, Germanorum, Hispanorum, Anglorum potissimum, Lugdunensem Batavorum Academiam celebratam fuisse? Qui quidem peregrini ex illa Schola Batava perceptas auditu doctrinas ac lumina in alias terrarum orbis partes transtulerunt et longe lateque disseminarunt.”

3. Porro si frequentior esset consuetudo Latine scribendi,

ac

(16) Disp. laud. p. 7. Non parum ponderis mihi afferre videtur Dalemberatii, philosophi acutissimi, auctoritas; quare non possum non ipsius interserere verba, quae paullo asperiori de latinitate hodierna sententiae subjunxit: La plupart des Géomètres, des Physiciens, des Médecins, la plupart enfin des Académiciens de l'Europe, écrivent aujourd'hui en Langue vulgaire. Ceux même qui voudroient lutter contre le torrent, sont obligés d'y céder. Nous nous contenterons donc d'exhorter les Savans, et les corps Littéraires qui n'ont pas encore cessé d'écrire en Langue Latine, à ne point perdre cet utile usage. Autrement il faudroit bientôt qu'un Géomètre, un Médecin, un Physicien fussent instruits de toutes les langues de l'Europe depuis le Russe jusqu'au Portugais; et il me semble que le progrès des sciences exactes doit en souffrir. Le tems qu'on donne à l'Etude des mots est autant de perdu pour l'Etude des choses; et nous avons tant de choses à apprendre, tant de vérités à chercher, et si peu de tems à perdre.” *Mélanges de Littérature, d'Histoire et de Philosophie* T. V. p. 491. Amsterd. 1768,

A 5

ac Latine scriptos legendi libros, qui ad severiores abstrusioresque disciplinas pertinent, non tot rerum notiones, jam olim traditae, vulgari lingua recoquerentur et quasi novae Latina non legentibus venditarentur; sed multis parceretur horis, quae in nimia, qua hoc seculum premitur librorum copia, sine fructu perduntur atque adeo diligentiori ac repetitae optimorum librorum lectioni eripiuntur,

4. Tum verendum est, ne antiquarum literarum studium quotidie magis negligatur, si Latina lingua desinat esse commune disciplinarum instrumentum. Nam apud quas gentes vernaculus sermo in Academiis adhibetur ad quaslibet doctrinas tradendas, multi inveniuntur, qui ex veteribus, verae cum elegantiae, tum sapientiae fontibus, vel leviter admodum, vel nunquam haurire soleant, sibi persuadentes, se ex veterum monumentorum interpretationibus ceterisque novis copiis multo suavius atque utilius cognitionis ac scientiae sitim explere posse.

Huc pertinent *Jacobi Facciolati*, Seminario Patavino quondam praelecti, graviter dicta (17): „Vetus, inquit, est aliquorum opinio, eorum praesertim, qui se praeter ceteros sapere arbitrantur, scientias artesque omnes, quae ingenuis adolescentibus tradi solent, vernacula cujusque provinciae lingua expli-

ca-

(17) In oratione de sacrae scripturae studio cum veterum linguarum studiis jungendo, cui *Jo. Erh. Kappius* in Clarissimorum virorum orationibus selectis primum locum tribuit, Vid. quoque *Petri Drauxii* orat. laud. p. 22. seqq.

Commoda vero, quae probae classicorum auctorum versiones cum ad linguam patriam excolendam, tum ad homines, antiquarum literarum ignaros, erudiendos ac ferre possint, exposuit Venerandus *Jerusalem* l. l. p. 316, seq. Quam difficilis autem sit ars alienigena opera convertendi praeclare docuit acutissimus *Dalembert*. in dissertatione, quam selectorum Taciti locorum versionis prae-misit, *Miscellaneorum literar.* Tomo III. Neque legisse poenitebit ea, quae *Ant. Blackwall* in libro de classicorum scriptorum praestantia, interpretationibus non parquenda, subtiliter disseruit, in primis c. 5. §. 7,

cari oportere, ne florentissima aetas latinitatis addiscendae labore frangatur, quae geometricis et geographicis studiis, multo gravioribus, opportunissima esset; quod si quis Latina monumenta cognoscere velit, tam multas esse interpretationes ajunt, tam certas, tam fideles, tam ornatas, ut nihil melius ex ipso Latinorum scriptorum ore, si quando ex suis tumultibus excitentur, accipi possit. Ac de scientiis quidem sine Latinis literis addiscendis nihil ajo, nihil nego; quod autem de Latinis monumentis dicitur, facile patior, sin autem de genere omni, vereor, ne homines isti non solum otio suo, sed etiam patientia nostra turpiter abutantur. Cum enim poetica et oratoria non tam rerum quam verborum artificio constant; et cujusque sermonis figurae quaedam propriae sint, modo syllabarum sono, modo vocum ambiguitate, modo ipsa positione formatae, qui fieri potest, ut Latina carmina et orationes suis verbis, suaeque constructione spoliatae non suam quoque naturam exuant? Utcunque tamen est, juvit et oratorum et poetarum opera in alias migrare linguas, ut bona pars hominum domesticis commodis et otio superfluentes, desidiam legendo fallerent, et, quandoquidem eruditione carerent, aliquam saltem eruditionis umbram consecrarentur. At vero si quis est ad docendum vocatus, qui interpretationes hujusmodi impigrae juventuti proponat, et ad Latinas exedras afferat, nae ille aut barbarus est, aut insanus, aut pestis aliqua longe deterrima, ad tenellas animas labefactandas scholis affusa." Certissimum enim est, accurata Latinorum auctorum explicatione, cum Grammatices studio conjuncta, memoriam, ingenium, judicium veri ac sensum pulchri in primis exerceri, acui et confirmari, ac praeterea mirabilem, qualescunque superandi difficultates, perseverantiam adquiri (18). Docentur quidem fere ubique in Scholis, Gym-

na-

(18) Haec Latinae linguae discendae commoda demonstrantur etiam a Viris gravissimis *J. P. Frankio*, system. politiae medicae, (Germanice conscripti) Vol. VI. t. I. p. 559. et

L.

nasiis et Academiis Latinae literae et ad priscorum exemplarium lectionem diligentem excitantur adolescentes; verum ad plenam atque interiorem cujuslibet sermonis notitiam nemo facile perveniet, nisi et animi sensa pure copioseque eodem exprimere didicerit (19). Qui autem antiquae dicere valet, antiquae etiam cogitabit et priscorum mentem planius percipiet (20); quemadmodum ille demum bene Latine scribit et loquitur, qui Latine cogitat, nulla vernaculae linguae ratione habita.

Neque mirum sit, fore ut antiquarum literarum studium in dies magis languescat atque judicandi subtilitas diminuatur, si Academicus earum usus prorsus aboleatur, ubi doctrinarum professores et alumni non amplius necessitate quadam obstringuntur, Latinum sermonem in scholis ac disputationibus adhibendi (21).

5.

*L. H. Friedländero* de institutione ad medicinam lib. II. tiro-  
num atque scholarum causa edit. §. 34, seqq. Halae 1825.  
Conf. *Clar. J. A. Ernesti* prolusio de artis bene cogitandi et  
bene dicendi conjunctione; opuscul. orator. L. B. 1762 edito-  
rum p. 140 et seq. Apprime graviter antiquarum literarum  
causam egit facundissimus Abbas *Maury*, in oratione, quam  
anno 1785 habuit, quum Academiae Francicae socius recipere-  
tur: *Choix de discours de réception à l'Académie Française*  
T. II. p. 275 — 278.

(19) Latine loquendi et scribendi facultatem in puerili in-  
stitutione non separandam esse etiam atque etiam contendit  
eloquentissimus *Aug. Buchnerus*, oration. Academ. p. 720.  
Lips. 1727. Conf. *Thomae Crenii* notas ad *Johannis Schefferi*  
de generosi nobilisque informatione literaria Dissertationem,  
p. 465, inter Scriptores de Philologia editos Lugd. Bat. 1696.  
Nuperrime sententiam meam de Latina oratione excolenda exi-  
mie confirmatam cognovi doctissimi *C. A. Scherlitzii* commen-  
tatione de Latine loquendi usu e scholis haudquaquam tollendo.  
Halae 1825.

(20) Conf. *Fred. Creuzeri*, Viri clarissimi, liber, germa-  
nice conscriptus, de studio antiquitatis academico, p. 40 seqq.  
item *Heeren* l. I. p. 21. *Jo. Clerici* artis criticae P. II. S. I.  
c. 2. §. 37 seqq.

(21) „ Advolant ad Academias Juvenes Gallo-Germani,  
qui



5. Tum vero non aliter fieri poterit, quin tot volumina, variae doctrinae plena, quae inde a renatis literis Latine prodierunt, a nemine lecta, eo abeant ubi piper et thus venduntur. Nam nisi quis singulari discendi cupidine trahatur, parum suavitatis afferet lectio librorum, minus cognito sermone conscrip-  
torum (22).

6. Atque tandem Latine loquendi ac scribendi usu penitus sublato, ruptoque illo vinculo, quo cuncti civitatis literariae socii olim inter se continebantur (23), discrepantia linguarum cum doctorum virorum animos a se invicem abalienabit, tum in posterum prohibebit, quominus ad docendi munera capessenda peregre veniant celeberrimi quique viri, quondam totius mundi cives, jam jam natali solo, tamquam glebae, adscripti. Incredibile bonarum artium et doctrinarum humanitatisque detrimentum!

7. At vero unus itemque alter nobis, linguae Latinae causam

qui linguam Latinam vix primis gustarunt labiis, ut dixeris has aves ex peregrinis ad nos esse allatas. Accedunt saepe ad Musarum in Academiis subsellia juvenes, qui praeter Germanicam seu patriam linguam vix primas sermonis Latini lineas intelligunt, et qui propter voces *vivat* et *pereat* nihil elegantiae Latinae secum adferunt. Ita anno superioris seculi LII querebatur *Jo. Rud. Kiesling* in comment. de peregrinarum linguarum in re literaria usu, culturae linguae Latinae maxime noxio, quae reperitur in Actis Societatis Latinae Jenensis Vol. I. Videant illi, quibus res literaria curae est, num ad nostram quoque aetatem eadem pertineat querela. Iidem verò, non dubito, ea commentatione perlegenda haud parum delectabuntur. Quantopere autem Graecarum Latinarumque literarum neglectus philosophiae percipiendae obsit, extra omnem dubitationis aleam posuisse mihi videtur *Cel. J. A. Ernesti* in orat. de studiis philosophiae discendae docendaeque regendis: opusc. orator. p. 76 seq.

(22) Vid. *Moshemii* dissert. laud. §. 16. p. 43. (316).

(23) Vid. *Dan. Wyttenbach*, viri immortalis, in vita *Ruhnkenii* p. 96. *C. Villers* Coup d'oeil sur l'état actuel de la littérature ancienne et de l'histoire en Allemagne, p. 2 et seq.

sam agentibus, se obtulit adversarium. Primum *Capentius* (24) Francicam Linguam Latinae anteponebat, huic propter inversum vocabulorum ordinem ambiguitatem obscuritatemque obiecit. Ecce argumentum, quo illud crimen probet. Ex narratione quadam de rebus, anno MDCLXXV per universam Europam gestis, hanc depromsit sententiam: *Sub idem tempus nunciatum fuit Turcas captivos Polonos trucidasse.*

Verum quis Latinae linguae peritus nescit, mutata constructione ambiguum illud facile vitari potuisse? Nam pro varia scriptoris mente, dicendum fuisset, vel, *Turcas captivos a Polonis trucidatos esse*; vel, *Polonos captivos a Turcis trucidatos esse*; vel, *Turcas a captivis Polonis trucidatos esse*; vel, denique, *Polonos a Turcis captivis trucidatos esse.* Injuste ergo linguae Latinae crimini datur, quod peccavit scriptor quidam Germanus perspicuitatis negligentior.

Neque Latini sermonis dignitati quidquam derogasse videtur *Dalembertius* (25); contendens, bene Latine scribere posse hominem, quoniam Latinae orationis copia paucis antiquorum scriptorum monumentis sit conclusa ac multorum vocabulorum differentiae plane ignorantur. Quamvis concedamus *priscos* scriptores non omnia complecti verba, quae ad disputandum de quibuslibet artibus et doctrinis necessaria sint, item multorum vocabulorum significationem esse obscuram, sufficit, quod nullo modo negari potest, inde a medii aevi barbarie depulsa floruisse viros quam plurimos, qui de quovis doctrinarum genere ita scripserint, ut ad classicorum auctorum castitatem proxime accesserint; certe ut non minus eorum, quam Ciceronis, Livii, Celsi, Plinii, aliorumque vigentis Latinitatis auctorum sententia clare percipiatur (26). Neque dubium

(24) De l'Excellence de la langue Française par *M. Charpentier*. à Paris 1683. Vid. *P. Bayle* nouv. littér. mois de Sept. 1684. Oeuvr. div. T. I. p. 122.

(25) Libri in nota 16. laud. p. 474. seqq.

(26) Fusius hoc exposuit *Cl. Cras* disp. laud. p. 12.

bium est, si optimorum auctorum diligenti lectioni, accuratae observationi atque prudenti imitationi addatur sermo Doctorum emendatior, quin Latina dictio excoli possit perinde ac hodierna quaelibet lingua, quae item parentum, praeceptorum ac familiarium consuetudine bonorumque librorum lectione addiscitur. Quamvis non possit negari, quod ait *Dalambertius*, difficile esse linguam peregrinam ita perdiscere, ut pure eleganterque dicere valeas; tamen haec Batavorum tellus tres protulit viros, quorum facultatem Francice dicendi ac scribendi ipsi Franci admirati sunt, scilicet, *Justum van Effen*, *Franciscum Hemsterhuis* et *Henricum van Swinden*? Ita quunt *Danielis Wytenbachii*, *Henrici Constantini Crassi* ac *Sebaldi Justini Brugmansii* facundiam Romanam cognoverimus, ut aliorum sive defunctorum sive adhuc viventium praeclara nomina taceamus, certissimum nobis est, ingenio ac studio hodie etiam eo perveniri posse, ut de cognita quavis materia Latine disputetur.

## VII.

Ex iis, quae in utramque partem de lingua et patria et Latina colenda disputavimus manifestum erit, neutram esse negligendam, neque utramque, exclusa altera, ad literas doctrinasque tradendas, adhiberi, quin noceatur eruditioni atque humanitati.

Jam vero quaeritur, quid in re tam auspiti fieri oporteat? Mediam viam, quippe plerumque optimam, etiam hic ingrediamur. Id scilicet agendum puto, ut patria lingua magis in dies extolatur, ac simul omnis ordinis atque aetatis hominibus cum docendis, tum delectandis inserviat; nec minus cavendum esse, ne communis eruditum sermo obsolescat, neque ad interlorem subtilioremque doctrinam per omnes terrae regiones propagandam usurpari desinat (27). Quod effici posse mihi videtur

(27) Vid. praeced. §. num. 2. ac nota 16, cui addatur *Dalambertii* praefatio Encyclopaediae praemissa, atque Miscellaneor. literar. T. I. inserta, cujus maxime videatur p. 151 seqq.

detur, si utriusque linguae regnum suis circumscribatur finibus.

Eandem comperio esse sententiam Viri Clarissimi *Heeren* (28), patriam linguam strenue propugnantis. Cujus verba, Latine conversa, huc fere redeunt: „Quae Shakespearii finxit ingenium, illa potissimum sunt Britannorum, quae Newtonii invenit acumen, quarumlibet nationum, doctrina aliqua imbutarum. Non temere itaque ad homines subtiliore scientia excolendos Europa communem receperat sermonem, cujus neglectus non patriae linguae cultura, quamvis ceterum utilissima, compensari poterit. Communi illo doctorum sermone id, quod cuique nationi proprium est, suis, ut par erat, finibus terminabatur; atque illud, cujus proprietatem cuncti populi jure sibi vindicant, inde selectum, universorum inserviebat commodis. Si autem quotquot Europam incolunt nationes suas quaeque linguas adhibendo ea, quae norunt, inter se communicant, hoc efficiunt, ut minus celeriter, neque omnibus populis innotescant, quamquam hoc modo linguarum hodie vigentium notitia per terrarum orbem latius spargatur.”

## VIII.

Quamvis vero ab omni humanitate atque liberalitate non ita sim alienus, ut plebeculam a doctrinarum cultu prorsus excludendam esse censeam; prudentissimum tamen mihi videtur consilium, subtiliores de rebus abditis disputationes eruditorum ordini magis reservandi, quam cum exotericis ineptisque iudiciis communicandi. Quid enim statuent indocti, si virorum, eruditione insignium, de rebus gravissimis dissensiones ipsis innotuerint? Quantopere etiam sui ordinis dignitati nocuerunt, hodieque nocent illi inter eruditos, qui sibi contradici graviter ferentes, non argumentorum pondere utuntur, sed verba contumeliosa in adversarios jactant, non Latino sermone, quo citra eruditorum terminos illud opprobrium subsistere posset, sed

ver-

(28) Libro laud. p. 29.

verbis ejusmodi, quae imperitis quoque satis demonstrent, esse inter viros doctos tales, qui quandoque insaniant (29). Ne tamen quis putet, me linguae Latinae tribuere jus, quo utantur eruditi ad se invicem maledictis proscindendum, ut festive ait *P. Bayle* (30). Equidem malim, ut, quo quis sibi videatur doctior, eo magis re atque verbis confirmet *Ovidianum* illud (31):

Ingenuas didicisse fideliter artes  
Emollit mores, nec sinit esse feros;

Utatur adeo, ut virum probum decet, jure, quod cuivis Civitatis literariae socio competit (32), falsas aliorum opiniones, sine iracundia, refutandi.

## I X.

Quibus rationibus ductus equidem arbitror, et voce et literis non nisi Latine explicandas esse *metaphysicam*, *hermeneuticam sacram*, *theologiam dogmaticam*, et *polemicam*. Idem fere censuit jam ante hos octoginta annos illustris Moshemius (33): „Certissimus, inquit, ego sum, non expedire reipublicae; ut quaecunque inter viros eruditos quaeruntur et disputantur, omnia promiscue sermone populari explicentur et cunctis legenda exhibeantur.” — Reliqua fusius exposita hic repetere non vacat; quamquam non dubito, quin is, qui ea legerit, me-

(29) Conf. *J. M. Gesneri* opuscul. minor. T. I. p. 109 seqq. Vratisl. 1743.

(30) *Nouvelles de la Rép. des lettres*, mois de Mai, 1686 oeuvres div. T. I. p. 568.

(31) Ex Ponto L. II. Ep. IX. v. 47, seqq.

(32) Vid. *Bayle* Dictionn. histor. et crit. in v. *CATIUS*, D.

(33) Commentat. laud. p. 20 seqq. (p. 333 seqq.) conf. ejusdem *Viri* disp. laud. §. 15. Eadem fuit opinio doctiss. *Petri Dreux* orat. cit. p. 28 seqq.

mecum sentiat, orbis terrarum tranquillitati ac saluti non male consultum fuisse, si dehinc philosophi ac theologi prudentis consilii paruiissent.

## X.

Neque minus saluti ac vitae humani generis, quam verae medendi scientiae; prodesse mihi videtur, quod *pathologia, thetapia et materia medica* Latino sermone exponantur; nusquam enim imperfecta rerum notitia periculosior est, quam in curanda hominum valetudine. Jam vero si illae, quas dixi, partes medicinae eadem explicantur lingua, quam sutores quoque norunt, multis, qui opificio, aut arte aliqua vitam sustentare nesciunt, praebetur occasio, quantulumcunque morborum ac remedium cognitionem acquirendi, ut eo facilius medicos se profitentes, stultos decipiant homines, qui tonsoribus et circumforaneis potius, quam vere doctis medicis vitam suam credere solent. Deinde hac ratione quibuslibet aegrotantibus, qui medico morbum suum committere timent, via munitur, qua sanitatem non restituant, sed plane evertant; quoniam nec morborum genera recte distinguere sciunt, nec remedium efficaciam cognoscunt. Si praeterea non communi eruditorum lingua infensae corporis animique affectiones describuntur, adeo ut a quolibet, vel indoctissimo, legi possint nosographiae, non raro evenit, ut, qui in ejusmodi incidunt libros, vana angantur opinione, quasi hoc illove malo ipsi correpti sint. Tandem, ut in theologia et philosophia, sic etiam in medicina sunt problemata, inter solos eruditos dirimenda, non indoctae turbae arbitrio proponenda.

Verum audio aliquem objicientem: si morborum natura atque curatio non nisi Latine explicantur, quid fiet de Chirurgorum maiore parte, Latinarum rudi literarum? Hoc enim tempore *Chirurgia* latius patet, quam vocis etymologia indicat, praecedentiumque seculorum ignorantia volebat. Chirurgum enim nunc

non

non *manu* tantum, sed etiam *ratione* uti oportet, ut ipse sine medici consilio, probe cognoscat, quo auxilio, quare et quando opus sit. Illius itaque ars cum medicina, proprie sic dicta, hodie tam arcte conjuncta est, ut ab ea divelli nequeat et difficile sit pathologiae medicae et chirurgicae limites accurate definire. Imo rusticorum ac militum morbi cujuslibet generis Chirurgorum curae ut plurimum committuntur. — Ejusmodi adversario responderi possit: Gratulemur seculo nostro, quo Chirurgia ab illiberali tonsorum munere magis magisque separatur! Existimamus enim Chirurgis non magis quam Medicis licere esse mediocribus, ac propterea omni studio cavendum esse, ne inepti indignique homines chirurgiam exerceant. Quod certe prohibebitur, si publice statutum erit, ne quisquam ad chirurgiae studium admittatur, qui non antea, Latinam linguam bene doctus, mentem praeparaverit (34) ad varias percipiendas disciplinas, quibus Chirurgum instructum esse oportet. Minus quidem convenire putaverim, si chirurgiae studiosos in peremptorio demum examine probare oportet, se Latinae linguae tam peritos esse, ut libros, quorum lectio ipsis necessaria sit, satis intelligant. Haud enim scio quid prohibeat adolescentes, antequam ad chirurgicas scholas accedant, quominus accurata linguae Latinae cognitione imbuantur. Ut vero non desint, qui ad illam artem se applicent, nec oppida, pagi exercitusque proborum Chirurgorum auxilio careant, necesse erit, ut Chirurgis, quorum scientia ac peritia probata sit, justum decernatur salarium (35).

K I.

(34) Vid. Supra VI. 4.

(35) Illis, qui scire velint, quanti Civitatis intersit, rem medicam bene constitutam esse et quid Gubernatores rerum publicarum facere oporteat ad eam bene ordinandam, praeter immortale J. P. Frankii systema politicae medicae, (Germanice scriptum, Belgice et Francice versum) etiam atque etiam commendando doctissimi. Ludov. Jos. Schmidtmani librum: *Ausführliche praktische Anleitung zur Gründung einer vollkommenen Medizinal-Verfassung und Polizey*, 2 voll. Hanoverae 1804. Me-

B 2

mo

## X I.

*Jurisprudentiam Romanam ejusque historiam* Latino sermone tractandam esse puto, quia utriusque studium arctissime cum eo conjunctum est et tanto penitius perspicere posse videtur, quanto minus prisca illa lingua adhibita ab antiquitate abducuntur auditores vel lectores. Pertinet praeterea jurisprudentia Romana ad universam civitatem literariam, quoniam omnis hodiernae legis lationis est fundamentum, adeo ut nemo jurisconsulti nomine vere dignus censeatur, qui ex priscis illis fontibus non hauserit justitiae rationem (36). Nusquam certe, ait Facciolatus (37), Vir eruditissimus, quam in Romana jurisprudentia clarius apparent civium negotia, personarum gradus, rerum divisiones, acquirendi modi; nusquam publica et privata crimina, poenaeque criminibus constituendae; nusquam officii veraeque virtutis munus; nusquam demum cetera, quae humanam societatem tollere, tueri possunt: atque haec quidem ad omnem civilis administrationis formam apposite scripta, quia nullus est rerum status, in quo Roma, perpetuis agitata motibus, aliquando non fuerit." Quamobrem in ejusdem orationis exordio non temere dixit: „Fidenter affirmateque oportere constituo, *gentes omnes Romanis legibus operam dare, sed suis vivere.*"

X I I.

memorabilis ibi vol. II. p. 51. exstat catalogus primariorum virorum, qui de rebus medicis *Latine* scripserunt, quorum egregia opera ab iis negligantur necesse est, qui Latinarum literarum sunt expertes.

(36) Ad studium juris Romani, „utpote *per se* quoque supra omnia civitatum jura dignissimi nosci," *Lud. Aub. Maurerium*, Legati Francici apud foederatas Belgii Provincias filium, magnopere exhortatur *Hugo Grotius*, Epist. ad Gallos 156. Vid. etiam *Clar. H. G. Tydeman* Orat. de eo, quod nimium est in studio Juris Rom. p. 7 seq. Davent. 1802. Ejusdem Orat. de jure Rom. Justiniano opportune instaurato. p. 36 seq. Leov. 1803.

(37) Oration. Select. supra, VI. memoratarum xxx.



## XII.

Latinarum Graecarumque literarum elementa vix quidem aliter ac vernaculae linguae adjumento doceri possunt, multumque ad patriae orationis elegantiam adjuvandam confert exercitium veteres auctores in hodiernas linguas quam diligentissime vertendi (38), *Interiorem autem veterum auctorum mentem, antiquam historiam, mythologiam et geographiam, item archaeologiam* Latina oratione, illis, qui eam satis intelligant, rectius clariusque exponi, nemo humanitatis ac literarum non plane expers dubitaverit. Omnia igitur huc pertinentia, nisi quae tironum institutioni sint accommodanda, Latine explicantur (39).

*Orientales* etiam literae, quum in Europa certe eas eruditi sollicitent, Latina lingua tradantur.

Haec tamen, quae de Latinae linguae usu statuo, ita accipiantur velim, ut non videar rerum antiquarum notitia, quantum vitae hominum communi artibusque plasticis prodesse possit, illiteratos fraudare velle.

## XIII.

(38) Vid. *G. F. A. Wendehorn* de statu civitatis, religionis, eruditionis artiumque in Magna Britannia exeunte fere Sec. XVIII. edit. Germ. T. IV. p. 43 seqq. idem liber Belgice prodiiit Campis 1790. Conf. supra not. 17.

(39) Vid. *Cras* Disp. laud. p. 16 seqq. *J. A. Wolfi* Praefat. ad *M. T. Ciceronis* Orat. IV. p. 13. quem locum ibi transcriptum legimus. Dignissima item quae legatur est praefatio *Miscellanearum Observationum* in *Auctores veteres et recentiores*, volumini primo praemissa, cujus auctor habetur *B. Burmannus*. Cui igitur eadem stat sententia, ille sane probabit consilium Virorum doctissimorum *Bake, Geel, Hamaker*, atque *Hofmanni Peerlkamp* Bibliothecam criticam novam edendi, qua literas cum Graecas et Latinas, tum Orientales complexi sunt, disciplinas quoque proxime cum iis conjunctas. Ejus alterum volumen mox proditurum esse apud *Luchtmansius* accepimus.

### XIII.

Praeter has autem doctrinarum partes, quas Latine docendas esse censeo, sunt aliae multae, quas propter publicum earum usum etiam sua cuique vernacula lingua explicare quodammodo integrum sit. Ad hanc vero doctrinarum classem referri posse opinor *historiam universalem, historiam politicam, historiam ecclesiasticam historiam philosophiae ac medicinae, historiae naturalis* varias partes, *chemiam*, tam *theoreticam*, quam *practicam, physicam experimentalem, mathesin, logicam, ius naturae, gentium ac publicum, ethicam cum philosophicam, tum christianam, institutionem religionis christianae, anatomiam, physiologiam, chirurgiae partem mechanicam*, atque adeo *artem obstetriciam, denique medicinam politicam, forensem ac veterinariam.*

Omnes enim hae disciplinae, sine aliquo reipublicae detrimento vulgari sermone traduntur, neque eruditorum civitati sunt propriae; sed earum aliae cunctis hominibus, ingenium acuere ac supra vulgus sapere cupientibus, utiles sunt, aliae ad artes elegantiores probe excolendas, vel ad opificia exercenda, alia ad munera quaedam civilia et militaria administranda necessariae. Quamobrem, si forte eveniat, ut illi, qui una pluribusve earum doctrinarum prae aliis excellant, Latinae orationis minus sint periti, his id concedatur, ut domestica lingua eas tractent. Nihil enim ineptius excogitari possit, quam barbare et difficulter malle Latine dici, quam pure et facile vulgari sermone (40).

Ne tamen res eruditorum publica ex hac licentia aliquid detrimenti capiat, necesse est, ut quidquid augmenti cullibet illarum

(40) Vid. J. F. la Harpe, Cours de Littérature Vol. XVI, p. 399. Paris 1805. Cui tamen auctori acutissimo non concedimus, ut propter abusum omnino tollatur usus linguae Latinae Academicus,

larum doctrinarum, quas modo memoravi, sive experientia, sive ingenium attulerit, communi doctorum sermone innotescat, atque ita caveatur, ne viri docti, quorum interest progressus doctrinarum diligentius persequi, porro cogantur praecipuas et recentioribus linguis memoria comprehendere. Si quis autem forte objiciat, novas multarum artium ac disciplinarum vitaeque communis terminos difficillime vel plane non bene Latine exprimi posse, hunc etiam atque etiam invito, ut legat ea, quae viri Latinae linguae peritissimi *Moshemius* (41), *Cras* (42) aliique (43) responderunt.

XIV.

(41) Dissert. laud. §. 9.

(42) Disputat. laud. p. 13 seqq.

(43) Ubert. Folleta de usu et praestantia linguae Latinae p. 166. edit. Moshemianae.

*C. A. Heumannii* Epistola de jure Linguam latinam novis vocabulis augendi. Gott. 1719. *G. Stollii* introductio in histor. literar. P. I. c. 2. §. 25. *Noltenii* Lexicon L. L. antibarb. in v. *angelus*, *camerarius*, *cancellarius*, similibusque, in primis p. 656 seqq. ubi *philosophica*, et p. 752. ubi *theologica vocabula* quomodo sint latine reddenda docetur. *Schelleri* praecepta styli bene Latini P. I. c. 2. p. 144. Praeter hos ex Theologorum, Jurisconsultorum ac Philologorum ordine auctores gravissimos non possum non provocare ad judicium Viri celeberrimi *Friedländeri*, qui in inclita Academia Halensi hodie medicinam docet. Hic in operis egregii, cujus titulum supra not. 18. exhibui, praefatione, p. VII seq. postquam alias causas, cur Latine scripserit librum suum, protulit: „Praeterea, inquit, scripto meo demonstrare conatus sum, posse Latine ejusmodi res, vel cogitationes in arte nostra exprimi, quae vulgo barbaris et maxime ineptis nominibus circumferuntur, et quae, etsi a veterum ingenio remotissimae, antiqui tamen sermonis colorem et formam haud videntur respuere. Quam vero ad rem et antiqua cogitandi ratione opus est, h. e. simplici, sincera atque verborum calami stris et argutiis minime impedita; ad quam si plurimorum nostrae aetatis philosophorum et medicorum decreta et commenta revocaveris, ea cipro tantum verborum sonitu atque mira insolentia et novitate contineri apparebit. Itaque multa, quae ab imperitis nova existimantur et

## XIV.

Tandem pervenimus ad eas disciplinarum ac literarum partes, quas vulgari rectius, quam Latino sermone doceri autumaverim.

Praeter illas doctrinas, quibus puerilis aetas imbuenda est, et quae facere possunt ad universum populum meliorem, humaniorem ac prudentiorem reddendum, mea quidem sententia, hunc in ordinem referri oportet *Grammaticam, Rhetoricam ac Poëticam recentiorem, historiam et antiquitatem patriae, geographiam novam, statistice, oeconomiam cum politicam, tum ruralem, technologiam, diaeteticam, jus hodiernum, tam civile, quam criminale et mercatorium, methodum procedendi et praxin juridicam, institutionem homileticam, catecheticeam, et curam pastorem.*

Ut enim antiqua antiquorum sermone, sic nova novis dictionibus, facilius ac melius explicantur. Deinde multi, qui recentiores literas novamque historiam sua lingua commode ac probabiliter tradunt, saepe minus idonei sunt, cogitationes suas Latine explicando. Ut vero illae disciplinae, quae ad communem vitae usum pertinent, veluti oeconomia, tam politica, quam ruralis, technologia ac diaetetica eo sermone, qui vulgo notus est, doceantur, insuper publica suadet utilitas.

Illas denique jurisprudentiae ac theologiae partes, quas postremo nominavi, patria cujusque nationis lingua tradendas esse existimo propterea, quod eadem proxime sunt conjunctae cum explendo munere tam iudicis, et causidici, quam sacerdotis et oratoris sacri, simulque hoc efficietur, ut suo quisque sermone cogitata mentis plane copioseque explicare discat de rebus, quarum scientia ad futurum munus maxime requiritur (\*). Non enim

inaudita, detracto verborum altisonorum nîmbo, in vulgares sententias dissipantur, a quibus equidem, non semper nova, at verissima tamen, neque vulgari modo et pervagato exprimere conatus, alienissimus censeri aveo."

(\*) Vid. Supra, V. 4.

enim Latine, sed vulgari lingua in foro causae aguntur et in aede sacra religionis praecepta exponuntur. Accedit, quod omnes hodierni juris codices non Latina, sed patria cujusque nationis dictione sunt conscripti.

Ceterum in his quoque disciplinis hoc teneatur velim, ut, quod quisque ad universam eruditorum Civitatem permanere, aut posteritatem intelligere cupiat, Latino sermone literis mandet vel mandandum curet.

## XV.

Haec fere habui, quae de Latinae linguae usu tuendo dissererem. Vereor autem, ne modus ac fines, quos ei praescripsi, reliquis Europae regionibus minus convenient, quam Belgio nostro. Hic enim, ut supra dixi (44), in Academiis atque Athenaeis perpetuus adhuc mos viget, doctrinas paene omnes Latino sermone tradendi, quod contra fit alibi. Neque dubium est, quin illi inter doctores publicos, quibus Latine loquendi scribendique copia et facultas deest, libertate gavisuri sint, qua ipsis in tractanda doctrina sua permittatur sermone uti, sibi magis noto ac familiari. Si autem forte inveniantur, quibus multorum annorum consuetudo difficultatem quandam attulerit, de disciplinis, quas tractant, vulgari sermone disputandi, his concedatur, dum munus suum expleant, suo more pergere. Artium enim doctrinarumque studia vix qualemcumque respiciunt. Praestat quidem plerumque aedificium, cujus formam mutandam esse judicemus, sensim emendare, quam funditus evertere, ne cogamur per aliquot tempus sub frigido coelo degere. Quam ob rem in ceteris Academiis, in quibus doctrinae jam inde a multis annis Latine doceri desierunt, Professoribus praesentibus haec detur venia, ut, qua adhuc soliti sint, lingua, in Scholis suis utantur; quamquam persuasissimum mihi sit, reperiri etiam nunc haud paucos, qui Latino aequae bene ac patrio sermone dicere-

(44) IV.

B 5

care valeant. Hoc quidem modo et doctores et discipuli Academici per totam eruditorum civitatem sensim assuefient Latine sermoni usurpando.

## XVI.

Id vero posthac providendum est, ne docendi eas disciplinas, quas in Academiis non nisi Latine tradi placuerit, concedatur licentia ulli, qui facultate destitutus sit, de rebus, eo pertinentibus, bene Latine et dicendi et scribendi. Utraque enim facultas in doctore Academico conjuncta sit necesse est; quandoquidem viva vox mentem altius intrat, quam elaboratae commentationis praelectio (45); et saepe in instituendis examinandisque discipulis extemporali disputationi datur occasio, Quamobrem in diplomaribus Academicis nominatim memorandum foret, eum, qui *Doctoris* honore ornaretur, bene Latine scribendi ac dicendi facultate valere, si eam facultatem reuera probasset; sin minus, haec mentio omittenda esset. Latina autem loquendi exercitatione etiam propterea maxime opus est, quod sic restitui poterit vinculum, quo cunctarum nationum eruditi quondam inter se colligabantur. Quod eo magis efficiendum esse arbitror, quo saepius animadverterim viros doctos diversarum nationum congregientes, quorum alter praeter popularis sermonem nullum hodiernorum, nec alter Latinum sermonem satis callebat, ut eo ad colloquendum uti auderet,

## XVII.

Quum jam in virorum doctorum colloquia inciderim, non possum non mentionem facere difficultatis haud levis, qua illa non  
nua-

(45) Vid. *Quintiliani* Instit. Orat. L. II. c. 2. Clar. L. A. Warnkœnig Institution. Juris Rom. privati, Praef. p. X seq. edit. II. quae Leodii prodijt 1825.

nunquam impediuntur. Quis enim nescit, hominibus peregrinantibus, quamvis domi in Latina oratione abunde exercitatis, eam nulli fere utilitati esse, idcirco tantum, quod, ob diversam pronuntiationem, Latine loquentes neque intelligunt, neque intelliguntur, nisi postquam per aliquod tempus adhibita animi attentione peregrinae pronuntiandi rationi se adsuefecerint atque accommodaverint? Ut, quale quantumque hoc sit incommodum percipias, finge, viros Latine perquam doctos ex Italia, Francia, Anglia, Germania atque Hollandia oriundos, in eundem locum convenisse, singulos domestica appellandarum literarum ratione, ut solent, Latinas voces proferentes. Quis Latinae linguae rudis huiusque diversitatis ignarus, quum eos audiret confabulantes, crederet, eadem lingua illos omnes uti (46)? Nonne illi ipsi viri docti, si ex tali congressu aliquid vellent capere emolumenti, vel instar mutorum signis, aut literis inter se colloqui, vel de linguae Latinae vocibus eodem modo efferendis transigere deberent?

## XVIII.

Quod si autem volentibus atque adjuvantibus praecipuarum  
ei-

(46) *P. Bayle* ex Hennini Dissertatione de linguae Graecae pronuntiatione refert, *Jos. Scaligerum*, quum Hibernus quidam eum Latine alloqueretur, putavisse illum Hibernice loqui atque adeo dixisse: *Domine, non intelligo Hibernicam linguam*. Nouv. de la Rép. des lettres, mois de Novembre. Oeuvr. diverses T. I. p. 164. Conf. p. 266. ib. ubi *Erasmi Roterodami* facete dictum occurrit, quod legitur in ejus dialogo de recta Latini Graecique sermonis pronuntiatione p. 234. seq. L. B. 1643. In *S. Havercampi* Sylloge Scriptorum de Ling. Gr. pronunt. p. 173. L. B. 1740. De *Anglorum* linguae Latinae pronuntiatione vid. *Wendeborn* libri supra in nota 38. laud. T. II. p. 331.

Praeterea vid. *J. Lipsii* de pronuntiatione L. L. dialogus, quem cum Th. Bezae commentar. de pronunt. Gr. L. excudit H. Stephanus 1587.

civitatum Rectoribus eveniat, ut virorum Latine bene doctorum concilium aliquando habeatur, non solum Latinae linguae pronuntiatio ad unam magisque genuinam ac probabilem formam redigi, sed etiam tota Latinitas ab infinitis barbarismis (47) quibus contaminari solet, purgari posset. Non minus profecto hodie verum est, quod multiplici doctrina insignis *Ger. Jo. Vossius* (48) queritur, multis, etiam non infimi nominis, in loquendo scribendoque excidere tam multa, quae veteres illi Romuli nepotes nunquam dixissent. Quod malum duabus tribuit causis: „usque adeo, inquit, sordere coepit omnis literaturae honos neque id juventuti modo, a labore ad otium proclivi, sed subinde etiam studiorum praefectis, qui saepius hasce literas, tanquam canis Nilum, tantum degustarunt, ac docendi provinciam suscipiunt, antequam didicerunt. Utinam haec magis ad animum revocarent, qui ad clavum sedent Rerum publicarum! Non tantopere peccaretur magistrorum incitiam pravaque institutione. Quamquam aliud etiam est, quo gliscat hoc malum: videlicet quotidianus Latini sermonis usus cum iis, quibus studia literarum non maturverunt. Nam assidue tales audiendo simili adsuescimus sermoni, ipsi perperam loquentes, perperam discimus scribere. Ut mihi prope modum causam suam probent, qui arbitrantur, Latine loquendi morem, *qualis quidem obtinet vulgo*, non minus officere linguae castimoniae, quam prodesse. Equidem de me ipso istoc dixero, saepius mihi obtigisse, ut cum semibarbaris cogerer βαρβαρίζω, si intelligi vellem: quandoque etiam scientem deterius locutum, ne exprobrare incitiam aliis viderer, quibus minus otii tractandis hisce literis fuisset. Interdum etiam, dum rerum momenta solum attendo, video ex vulgari con-

(47) De barbarismis vid. Moshemii Dissert. laud. §. 6. Plures auctores exhibet Vir celeb. *Chr. Dan. Beck* in artis Latine scribendi praeceptis, p. 16 seq.

(48) In praefatione praestantissimorum librorum de vitis sermonis et glossematis Latino-Barbaris. Amst. 1640.



consuetudine, adhaesisse illud verbi, quod soleam improbare. Sed nunquam magis, video, dicam, an indignor, quam si etiam in editis mihi videam pravo loquendi more abrepto, excidisse, quod serio ipse damnem.

— Adeo in teneris consuescere multum est.”

Verum illa vitiositas, quae ex perverse loquentium consuetudine contrahi solet, a Virorum Latine peritissimorum atque ex diversis nationibus congregatorum conventu non metuenda erit. Quas enim ex sua quisque lingua discendi formulas in Latinam orationem transtulerit, illae animadvertentur ab alienigenis eo facilius, quo magis eorum sermones discrepant; v. c. Germanismos Francus acutissime odorabitur, ut hujus lapsus Germanus.

Neque periculum erit, ne dicta illa comitia in eas incurrant reprehensiones, quibus *Civitatem Latinam*, sive *Tulliopolin* improbavit Clar. Chr. Aug. Heumannus (49). Possunt enim Reges, dummodo velint, eo ablegare doctissimos maximeque idoneos viros, qui domesticarum literarum studio minime obfuturi sint, hoc solum acturi, ut Latina lingua non ad opificum, sed eruditorum usum, quantum fieri possit, apta reddatur. Atque ita nostro consilio minime obstant ea, quae Hispanus ille *Sanctius* (50) disputat de Latinitate colloquiis corrumpenda. Quod vero *Pauli Manutii*, *Petri Maffei*, aliorumque *Italorum* attinet metum, ne Latine familiariter loquendo contaminarent orationem, illum revera inanem fuisse probavit illustris *Moshemius* (51).

Si praeterea ad talem virorum doctorum conventum ex omnium disciplinarum Professoribus delegati undique confluerent,

(49) Poecile, T. I. p. 98 seqq. Conf. *Morhofii* Polyhistor, Vol. I. L. II. c. 9.

(50) Minerva, edit. Perizonii p. 855 seqq.

(51) In nota ad §. XII. libri Morhofiani de pura dictione Latina, Hanoverae 1725.

rent, duo negotia, utilissima quidem, sed singulorum hominum viribus majora, effici possent; quorum unum foret, ut *Nomenclator*, qualem *Hadrianus Junius* edidit, copiosior atque emendatior adornaretur (52); alterum ut de novis vocabulis, quibus nova inventa significentar, secundum analogiam formandis (53), virorum tam rerum, quam linguarum peritissimorum consensus conspiraret.

Ejusmodi denique hominum, varia doctrinâ præstantium, coeetus, si identidem iterarentur, pariter ad omnium, quarum interesset, civitatum notitiam perfectetur, quidquid per totum terrarum orbem in universo doctrinarum ambitu novi inventum, usu comprobatum ac literis mandatum esset. Quod consilium maximopere adjuvaretur, si eundem doctorum comitiorum locum peterent omnium gentium Bibliopolae primarii, permutaturi, vel emturi venditurique libros, ad universam eruditionem pertinentes.



Quod

(52) De tali consilio digna est, quae legatur *Jo. Matthæ Gesneri* disquisitio, Actis Societatis Latinae Jenensis inserta, Vol. I. De nomenclatoribus consulatur *Morhofii* liber de purâ dictione, cap. V.

(53) De hac licentiâ imponendi novâ novis rebus nomina vid. *Cicero* de finib. bon. et mal. L. III. c. 1. extr. Mureti varior. L. XV. c. 1. *F. A. Halbaueri* Diss. de sectis imitatorum, quam collectioni præstantissimorum opusculorum de imitatione oratoria præmisit, §. 15. aliosque auctores ibi laudatos. Adde *Noltenii* Lex. antibarb. p. 772. item auctores in nota 43 allatos.

Quodsi mihi contingat, ut Viri, tam æquitatis amantes, quam doctrina insignes, judicent, me hac commentatione probabilem aliquam indicasse viam ac rationem, qua contrariae de hodierno Latinae linguae usu opiniones inter se conciliari, et varia ejus impedimenta superari possint, me haud poenitebit, quod post alios eosque gravissimos viros meam sententiam in medium protulerim. Hoc autem sibi persuadeant Lectores benevoli, meam opinionem mihi non tantopere placere, ut fines linguae Latinae positos pro certis habeam, quos ultra citraque nequeat consistere rectum. Pergratum denique mihi erit, si adbibitis ejusmodi auxiliis, qualia proposui, universam Eruditorum civitatem eodem, quo majorum nostrorum memoria, communis sermonis vinculo aliquando rursus colligatum iri sperare potero.

